





K¹²



14
6
C
4

RENATI DES CARTES MEDITATIONES

DE PRIMA

PHILOSOPHIA,

In quibus Dei Existentia, & Animæ

humanæ à corpore Distinctio,
demonstrantur.

His adjunctæ sunt variæ objectiones

*doctorum Virorum in istas de Deo & Anima
demonstrationes;*

CUM RESPONSIONIBUS

AUCTORIS.

Editio novissima auctior & emendatior.

Cum Privilegiis.



FRANCOFURTI AD MOENUM,
Sumptibus FRIDERICI KNOCHII.

Anno M DC XCII.



S A P I E N T I S S I M I S
CLARISSIMISQUE VIRIS,
SACRÆ FACULTATIS
THEOLOGIÆ PARISIENSIS DECANO
ET DOCTORIBUS,
RENATUS DESCARTES

S. D.


TAm iusta causa me impellit ad hoc scriptum vobis offerendum, & tam iustam etiam vos habituros esse confido ad ejus defensionem suscipiendam, postquam instituti mei rationem intelligetis, ut nulla re melius illud hic possim commendare, quam si quid in eo sequutus sim paucis dicam. Semper existimavi duas questiones, de Deo & de Anima, præcipuas esse ex iis quæ Philosophiæ potius quam Theologiæ ope sunt demonstrandæ. Nam quamvis nobis fidelibus animam humanam cum corpore non interire, Deumque existere, fide credere sufficiat; certè infidelibus nulla religio, nec ferè etiam ulla moralis virtus, videtur posse persuaderi, nisi priùs illis ista duo ratione naturali probentur: cumque sæpe in hac vita majora vitiiis quàm virtutibus præmia proponantur, pauci rectum utili præferrent, si nec Deum timerent, nec aliam vitam expectarent: & quamvis omnino verum sit, Dei existentiam credendam esse, quoniam in Sacris Scripturis docetur; & vice versâ credendas Sacras Scripturas, quoniam habentur à Deo: quia nempe cùm fides sit donum Dei, ille idem qui dat gratiam ad reliqua credenda, potest etiam dare, ut ipsum existere credamus: non tamen hoc infidelibus proponi potest, quia circulum esse judicarent. Et quidem animadverti, non modo vos omnes, aliosque Theologos affirmare Dei existentiam naturali ratione posse probari; sed & ex Sacra Scriptura inferri, ejus cognitionem multis, quæ de rebus creatis habentur, esse faciliorem, atque omnino esse tam facilem, ut qui illam non habent, sint culpandi: Patet enim Sap. 13. ex his verbis: *Nec hic debet ignoscere; si enim tantum potuerunt scire, ut possent assequi seculum, quomodo huius dominum non facilius inveniant?* Et ad Rom. c. 1, dicitur illos esse *inexcusabiles*. Atque ibidem etiam

E P I S T O L A.

per hæc verba, *Quod notum est Dei, manifestum est in illis*, videmur admoneri, ea omnia quæ de Deo sciri possunt, rationibus non aliunde petitis quam ab ipsamet nostra mente posse ostendi. Quod idcirco quomodo fiat, & qua via Deus facilius & certius, quam res seculi cognoscatur, non putavi à me esse alienum inquirere. Atque quantum ad animam, etsi multi ejus naturam non facile investigare posse judicant, & nonnulli etiam dicere ausi sint, rationes humanas persuadere illam simul cum corpore interire, solaque fide contrarium teneri: quia tamen hoc condemnat Concilium Lateranense sub Leone 10. habitum, Sessione 8. & expresse mandat Christianis Philosophis ut eorum argumenta dissolvant, & veritatem pro viribus probent, hoc etiam aggredi non dubitavi. Præterea quoniam scito plerosque impios non aliam ob causam nolle credere Deum esse, mentemque humanam à corpore distingui, quam quia dicunt hæc quoque à nemine hæctenus potuisse demonstrari: Etsi nullo modo iis assentior, sed contra rationes ferè omnes, quæ pro his questionibus à magnis viris allatæ sunt, cum satis intelliguntur, vim demonstrationis habere putem, vixque ulla dari posse mihi persuadeam, quæ non prius ab aliquibus aliis fuerint inventæ: Nihil tamen utile in Philosophia præstari posse existimo, quàm si semel omnium optimæ rationes querantur, tamque accuratè & perspicuè exponantur, ut apud omnes constet in posterum eas esse demonstrationes. Ac denique quoniam nonnulli, quibus notum est me quandam excoluisse Methodum ad quaslibet difficiles in scientiis resolvendas; non quidem novam, quia nihil est veritate antiquius, sed quàm sæpe in aliis non infelicitè uti viderunt, hoc à me summo opere flagitarunt: ideoque officii mei esse putavi non nihil hæc in re conari. Quicquid autem præstare potui, totum in hoc Tractatu continetur. Non quod in eo diversas omnes rationes, quæ ad eadem probanda offerri possent, colligere conatus sim: Neque enim hoc videtur operæ pretium esse, nisi ubi nulla habetur satis certa; sed primas tantum, & præcipuas ita profectus sum, ut jam pro certissimis, & evidentissimis demonstrationibus illas ausim proponere: addamque etiam tales esse, ut non putem viam humano ingenio parere, per quam meliores inveniri unquam possint. (Cogit enim me causæ necessitas, & gloria Dei, ad quam totum hoc refertur, ut hic aliquantò liberius de meis loquar quàm mea fert consuetudo.) Atqui quantumvis certas, & evidentes illas putem, non tamen ideo mihi persuadeo ad omnium caprum esse accommodatas: sed quemadmodum in Geometria multæ sunt ab Archimede, Apollonio, Pappo, aliisque scriptæ, quæ etsi pro evidentibus etiam, ac certis ab omnibus habeantur, quia nempe nihil planè continent quod seorsim spectatum non sit cognitum facillimum, nihilque in quo sequentia cum antecessentibus non accuratè cohæreant, quia tamen longiusculæ sunt, & valde attentum lectorem desiderant, non nisi ab admodum paucis intelliguntur: ita quamvis eas quibus hic utor certitudine, & evidentia Geometricas æquare vel etiam superare existimem, vereor tamen ne à multis satis percipi non possint, tum quia etiam longiusculæ sunt, & aliæ ab aliis pendunt: tum præcipuè quia requi-

E P I S T O L A.

requirunt mentem à præjudiciis planè liberam: & quæ se ipsam à sensuum consortio facile subducatur. Nec ceriè plures in mundo Metaphysicis studiis quàm Geometricis apti reperiuntur. Ac præterea in eo differentia est, quod in Geometria cum omnibus sit persuasum nihil scribi solere, de quo certa demonstratio non habeatur, sapius in eo peccant imperiti, quod falsa approbent, dum ea videri volunt intelligere, quàm quod vera reserent: contrà verò in Philosophia cum credatur nihil esse de quo non possit in utramque partem disputari, pauci veritatem investigant; & multo plures ex eo quod aulint optima quæque impugnare, famam ingenii aucupantur. Atque ideo qualescunque meæ rationes esse possint, quia tamen ad Philosophiam spectant, non spero me illarum ope magnum operæ pretium esse facturum, nisi me patrocinio vestro adjuveris. Sed cum tanta inhaereat omnium mentibus de vestra Facultate opinio, tantæque sit auctoritatis SORBONÆ nomen, ut non modo in rebus fidei nulli unquam Societati post sacra Concilia tantum creditum sit, quàm vestræ, sed etiam in humana Philosophia nullibi major perspicacia & solititas, nec ad ferenda judicia major integritas & sapientia esse existimetur: Non dubito quin si tantum hujus scripti curam suscipere dignemini, Primum quidem ut à vobis corrigatur; memor enim, non modo humanitatis, sed maxime etiam infirmitatis meæ, non affi-mo nullos in eo esse errores: dein se ut quæ vel desunt, vel non satis absoluta sunt, vel majorem explicationem desiderant, addantur, perficiantur, illustrentur, aut à vobis ipsis, aut saltem à me, postquam à vobis ero admonitus: ac denique ut, postquam rationes in eo contentæ, quibus Deum esse, mentemque à corpore aliam esse probatur, ad eam perspicuitatem erunt perductæ, ad quam ipsas perducere posse confido, ita nempe ut pro accuratissimis Demonstrationibus habendæ sint, hoc ipsum declarare & publicè testari velitis: non dubito, inquam, quin, si hoc fiat, omnes errores, qui de his questionibus unquam fuerunt, brevi ex hominum mentibus deleantur: Veritas enim ipsa facile efficiet ut reliqui ingeniosi & docti vestro judicio subscribant: & auctoritas, ut Athei, qui scioli magis quàm ingeniosi aut docti esse solent, contradicendi animum deponant; atque etiam ut fortè rationes, quas ab omnibus ingenio præditis pro demonstrationibus haberi scient, ipsi propugnent, ne non intelligere videantur: ac denique cæteri omnes tot testimoniis facile credent, nemoque amplius erit in mundo, qui vel Dei existentiam, vel realem humanæ animæ à corpore distinctionem, ausit in dubium revocare. Cujus rei quantæ esset utilitas, vos ipsi pro vestra singulari sapientia omnium optimè æstimare potestis. Nec deceret me vobis, qui maximum Ecclesiæ Catholicæ column semper fuistis, Dei & Religionis causam pluribus hic commendare.




PRÆFATIO AD LECTOREM.



*Q*uestiones de Deo & mente humana jam ante paucis attigi in Dissertatione de Methodo recte regenda rationis & veritatis in scientiis investiganda, Gallicè edita anno 1635. Non quidem ut ipsas ibi accurate tractarem, sed tantum ut delibarem, & ex lectorum iudiciis addiscerem quæ ratione postea essent tractanda. Tanti enim momenti mihi visa sunt, ut plus una vice de ipsis legendum esse iudicaret; viamque sequor adeas explicandas tam parum tritam, atque ab usu communis tam remotam, ut non utile putarim ipsam in Gallico, & passim ab omnibus legendo scripto fusiùs ducere, ne debiliora etiam ingenia credere possent eam sibi esse ingrediendam. Cum autem ibi rogassim omnes quibus aliquid in meis scriptis reprehensione dignum occurreret, ut ejus me monere dignarentur, nulla in ea qua de his quaestionibus attigeram notatu digna objecta sunt, præter duo, ad quæ hic paucis, priusquam earundem accuratiorem explicationem aggrediar, respondebo. Primum est, ex eo quod mens humana in se conversa non percipiat aliud se esse quàm rem cogitantem, non sequi, ejus naturam sive essentiam in eo tantum consistere, quòd sit res cogitans, ita ut vox tantum cetera omnia excludat, quæ fortè etiam dici possent ad animæ naturam pertinere. Cui objectioni respondeo, me etiam ibi noluisse illa excludere in ordine ad ipsam rei veritatem (de qua scilicet tunc non agebam) sed duntaxat in ordine ad meam perceptionem, adeo ut sensus esset, me nihil plane cognoscere quod ad essentiam meam scire pertineret, præterquam quod essem res cogitans, sive res in se habens facultatem cogitandi: in sequentibus autem ostendam quo pacto ex eo, quod nihil aliud ad essentiam meam pertinere cognoscam, sequatur, nihil etiam aliud revera ad illam pertinere. Alterum est, ex eo, quod ideam rei me perfectioris in me habeam non sequi ipsam ideam esse me perfectiorem; & multo minus illud quod per ipsam ideam representatur, existere. Sed, respondeo, hic subesse equivocationem in voce idea; sum enim potest vel materialiter pro operatione intellectus, quo sensu me perfectior dici nequit; vel objectivè pro re ipsam operationem representata, quæ res etsi non supponatur extra intellectum existere, potest tamen me esse perfectior ratione sua essentia. Quomodo vero ex hoc solo, quod rei me perfectioris idea in me sit, sequatur illam rem revera existere, fusè in sequentibus exponetur. Vidi quidem præterea duo quadam scripta satis longa, sed quibus non tam meæ his de rebus rationes, quàm conclusiones argumentis ex

PRÆFATIO AD LECTOREM.

Et is ex Atheorum locis communibus mutuatis impugnabantur: & quoniam istiusmodi argumenta nullam vim habere possunt apud eos quæ rationes meas intelligent, adeoque præposteræ & imbecillia sunt multorum iudicia, ut magis à primùm acceptis opinionibus quantumvis falsis, & à ratione alienis, persuadeantur, quàm à vera & firma, sed posterius audita ipsarum refutatione, nolo hic ad illa respondere, ne mihi sint prius referenda. Tantumque generaliter dicam, ea omnia quæ vulgò jactantur ab Atheis ad existentiam Dei impugnandam, semper ex eo pendere, quod vel humani affectus Deo affingantur, vel mentibus nostris tanta vis & sapientia arrogetur, ut quidnam Deus facere possit, ac debeat, determinare & comprehendere conemur; adeò ut, modo tantum memores simus, mentes nostras considerandas esse ut finitas, Deum autem ut incomprehensibilem & infinitum, nullam ista difficultatem sint nobis paritura. Jam verò postquam hominum iudicia semel utcumque sum expertus, iterum hic aggredior easdem de Deo & mente humana quæstiones, simulque totius primæ Philosophiæ initia tractare; sed ita ut nullum vulgi plausum, nullamque Lectorum frequentiam expectem: quin etiam nullus auctor sum ut hac legant, nisi tantum iis qui serio mecum meditari, mentemque à sensibus, simulque ab omnibus præjudiciis abducere poterunt, ac volent, quales nonnisi admodum paucos reperiri satis scio. Quantum autem ad illos, qui rationum mearum seriem & nexum comprehendere non curantes, in singulis tantum clausulas, ut multis in more est, argutari studebunt, non magnum ex hujus scripti lectione fructum sunt percepturi: & quamvis fortè in multis cavillandi occasionem inveniunt, non facile tamen aliquid quod urgeat aut responsione dignum sit, obijcient. Quia verò nequidem etiam aliis spondeo me in omnibus primâ fronte satisfacturum, ne tantum mihi ardeat ut confidam me omnia posse prævidere quæ alicui difficultas videbuntur, primò quidem in Meditationibus illas ipsæ cogitationes exponam, quarum ope ad certam & evidentem cognitionem veritatis mihi videor pervenisse, ut experiri an fortè easdem rationibus, quibus ego persuasus sum, alior etiam possim persuadere. Postea verò respondebo ad objectiones virorum aliquot ingenio & doctrinâ excellentium, ad quos hæc Meditationes, antequam typis mandarentur, examinanda missæ sunt. Satis enim multa & varia ab illis fuerunt objecta, ut amsi sperare non facile quicquam aliis, saltem alienj momenti, venturum in mentem, quod is nondum attigerint; ideoque rogo etiam atque etiam Lectores, ut non prius de Meditationibus iudicium ferant, quàm objecta omnes ipsarum me solutiōnes omnes perlegere dignati sint.



Contenta in hoc Libro.

<i>Synopsis sequentium sex Meditationum.</i>	Pag. 1.
<i>Meditatio I. De iis quæ in dubium revocari possunt.</i>	5.
<i>Meditatio II. De natura mentis humana: Quod ipsa sit notior quàm corpus.</i>	8.
<i>Meditatio III. De Deo, quòd existat.</i>	13.
<i>Meditatio IV. De Vero & Falso.</i>	22.
<i>Meditatio V. De Essentia rerum materialium, & iterum de Deo quòd existat.</i>	27.
<i>Meditatio VI. De Rerum materialium Existentia, & reali mentis à corpore distinctione.</i>	31.
<i>Objectiones Prima in præcedentes Meditationes.</i>	41.
<i>Responsio Auctoris ad primas Objectiones.</i>	46.
<i>Objectiones secunda.</i>	56.
<i>Responsio ad secundas Objectiones.</i>	59.
<i>Rationes Dei existentiam & animæ à corpore distinctionem probantes, more Geometrico dispositæ.</i>	24.
<i>Objectiones tertia cum responsionibus Auctoris.</i>	80.
<i>Objectiones quarta.</i>	93.
<i>Responsio ad quartas Objectiones.</i>	104.
<i>Auctoris de Objectionibus quintis monitum.</i>	122.
<i>Objectiones sexta.</i>	129.
<i>Responsio ad sextas Objectiones.</i>	134.
<i>Nota in programma quoddam, sub finem anni 1647. in Belgio editum, cum hoc Titulo: Explicatio mentis humana sive anima rationalis, ubi explicatur quid sit, & quid esse possit.</i>	147.

Contenta in Appendice.

<i>Objectiones quinta.</i>	166.
<i>Responsiones Auctoris ad quintas objectiones.</i>	212.
<i>Objectiones septima cum notis Auctoris.</i>	231.
<i>Renati Des-Cartes Epistola ad Patrem Dinet.</i>	288.
<i>Eiusdem Epistola ad D. Gisbertum Voetium.</i>	307.



S Y N O P S I S SEX SEQUENTIUM MEDITATIONUM.

IN primâ causæ exponuntur propter quas de rebus omnibus præsertim materialibus, possumus dubitare; quandiu scilicet non habemus alia scientiarum fundamenta, quàm ea quæ antehac habuimus. Etsi autem istius tantæ dubitationis utilitas prima fronte non appareat, est tamen in eo maxima quòd ab omnibus præiudiciis nos liberet, viamque facillimam sternat ad mentem à sensibus abducendam: ac denique efficiat, ut de iis, quæ postea vera esse comperiemus, non amplius dubitare possimus.

In secunda, mens quæ propriâ libertate utens supponit ea omnia non existere de quorum existentia vel minimum potest dubitare, animadvertit fieri non posse quin ipsa interim existat. Quod etiam summæ est utilitatis, quoniam hoc pacto facile distinguit quanam ad se, hoc est, ad naturam intellectualem, & quanam ad corpus pertineant. Sed quia fortè nonnulli rationes de animæ immortalitate illo in loco expectabunt, eos hîc monendos puto, me conatum esse nihil scribere quod non accuratè demonstrarem; ideoque non alium ordinem sequi potuisse, quàm illum

A

qui

qui est apud Geometras usitatus, ut nempe omnia præmitterem ex quibus quæsitâ propositio dependet, antequam de ipsâ quidquam concluderem. Primum autem & præcipuum, quod prærequiritur ad cognoscendam animæ immortalitatem; esse ut quàm maxime perspicuum de eâ conceptum, & ab omni conceptu corporis planè distinctum formemus, quod ibi factum est: Præterea vero requiritur etiam ut sciamus ea omnia, quæ clarè & distinctè intelligimus, eo ipso modo quo illa intelligimus, esse vera: quod ante quartam meditationem probari non potuit; & habendum esse distinctum naturæ corporeæ conceptum, qui partim in ipsâ secundâ, partim etiam in quintâ & sextâ formatur; atque ex his debere concludi, ea omnia, quæ clarè & distinctè concipiuntur ut substantiæ diversæ, sicuti concipiuntur mens & corpus, esse re vera substantias realiter à se mutuo distinctas, hocque in sextâ concludi: idemque etiam in ipsâ confirmari, ex eo quòd nullum corpus nisi diuibile intelligamus, contra autem nullam mentem nisi indiuisibilem: neque enim possumus ullius mentis mediam partem concipere, ut possumus cuiuslibet quantumvis exigui corporis; aded ut eorum naturæ non modo diversæ, sed etiam quodammodo contrariæ agnoscantur; Non autem ulterius eâ de re in hoc scripto me egisse; tum quia hæc sufficiunt ad ostendendum ex corporis corruptione mentis interitum non sequi, atq; sic ad alterius vitæ spem mortalibus faciendam, tum etiam quia præmissæ, ex quibus ipsa mentis immortalitas concludi potest, ex totius Physicæ explicatione dependent: primò ut sciatur omnes omnino substantias, si veres, quæ à Deo creari debent ut existant, ex naturâ suâ esse incorruptibiles, nec posse unquam desinere esse, nisi ab eodem Deo concursu suum iis denegante ad nihilum reducantur;

ac deinde

ac deinde ut advertatur corpus quidem, in genere sumtum, esse substantiā, ideōq; nunquam etiam perire; sed corpus humanum, quatenus à reliquis differt corporibus, non nisi ex certā membrorum configuratione, aliisq; ejusmodi accidentibus esse conflatum; mentē vero humanam non ita ex nullis accidentibus constare, sed purā esse substantiā: etsi enim omnia ejus accidentia mutētur, ut quoddam alias res intelligat, alias velit, alias sentiat, &c. non idcirco ipsa mens alia evadit: humanum autē corpus aliud fit ex hoc solo quod figura quarundam ejus partium mutetur: ex quibus sequitur corpus quidē perfacile interire, mentem autem ex naturā suā esse immortalem.

In tertiā Meditatione meum præcipuū argumentum ad probandam Dei existentiam satis fusē, ut mihi videtur, explicui. Verum tamen, quia, ut Lectorum animos quā maxime à sensibus abducerem, nullis ibi comparationibus à rebus corporeis petitis volui uti; multæ fortasse obscuritates remanserunt, sed quæ, ut spero, postea in responsionibus ad objectiones planē tollentur; ut inter ceteras quomodo idea entis summē perfecti, quæ in nobis est, tantum habeat realitatis objectivæ, ut non possit non esse de causā summē perfectā, quod ibi illustratur comperatione machinæ valde perfectæ, cujus idea est in mente alicujus artificis; ut enim artificium objectivum hujus ideæ debet habere aliquā causam, nempe scientiā hujus artificis, vel alicujus alterius à quo illam accepit, ita idea Dei, quæ in nobis est, nō potest non habere Deū ipsum pro causa.

In quartā probatur, ea omnia quæ clarē & distinctē percipimus, esse vera: simulque in quo ratio falsitatis consistat explicatur: quæ necessariō sciri debent tam ad præcedentia firmanda, quam ad reliqua intelligenda. Sed ibi interim est advertendum, nullo modo agi de peccato, vel errore qui committitur in persecutione

4
tione boni & mali, sed de eo tantum qui contingit in dijudicatione veri & falsi. Nec ea spectari quæ ad fidem pertinent, vel ad vitam agendam, sed tantum speculativas, & solius luminis naturalis ope cognitæ veritates.

In quintâ, præterquàm quod natura corporea in genere sumpta explicatur, novâ etiam ratione Dei existentia demonstratur: sed in quâ rursus nonnullæ fortè occurrent difficultates, quæ postea in responsione ad objectiones resolvuntur: ac denique ostenditur quò pacto verum sit ipsarum Geometricarum demonstrationum certitudinem à cognitione Dei pendere.

In sextâ denique intellectio ab imaginatione secernitur; distinctionum signa describuntur: mentem realiter à corpore distingui, probatur: eandem nihilominus tam arctè illi esse conjunctam, ut unum quid cum ipso componat, ostenditur; omnes errores qui à sensibus oriri solent, recensentur; modi quibus vitari possint exponuntur; & denique rationes omnes ex quibus rerum materialium existentia possit concludi, afferuntur, non quòd eas valdè utiles esse putârim ad probandum id ipsum quod probant, nempe re vera esse aliquem mundum, & homines habere corpora, & similia, de quibus nemo unquam sanæ mentis serîo dubitavit; sed quia illas considerando agnoscitur, non esse tam firmas, nec tam perspicuas, quàm sunt eæ, per quas in mentis nostræ & Dei cognitionem devenimus; aded ut hæ sint omnium certissimæ & evidentissimæ quæ ab humano ingenio sciri possint. Cujus unius rei probationem in his meditationibus mihi pro scopo proposui. Nec idcirco hîc recensco varias alias quæstiones de quibus etiam in ipsis ex occasione tractatur.

MEDITATIONUM

De Primâ

PHILOSOPHIA,

In quibus

*Dei existentia & animæ à corpore
distinctio demonstrantur.*

PRIMA.

De iis quæ in dubium revocari possunt.



Nimadverti jam ante aliquot annos quàm multa ineunte ætate falsa pro veris admiserim, & quàm dubia sint quæcunque istis postea superexstruxi, ac proinde funditus omnia semel in vita esse evertenda, atque à primis fundamentis denudò inchoandum, si quid aliquando firmum, & mansurum cupiam in scientiis stabilire; sed ingens opus esse videbatur, eamque ætatem expectabam, quæ foret tam matura, ut capescendis disciplinis aptior nulla sequeretur. Quare tamdiu cunctatus sum, ut deinceps essem inculpâ, si quod temporis superest ad agendum, deliberando consumerem. Opportunè igitur hodie mentem curis omnibus exsolvi, securum mihi otium procuravi, solus secedo, seridè tandem & liberè generali huic mearum opinionum everfioni vacabo. Ad hoc autem non erit necesse, ut omnes esse falsas ostendam, quod nunquam fortassis assequi possem; sed quia jam ratio persuadet, non minus accurate ab iis quæ non planè certa sunt atque indubitata, quàm ab aperte falsis assensionem esse cohibendam, satis erit ad omnes rejiciendas, si aliquam rationem dubitandi in unaquaque reperero. Nec ideo etiam singulæ erunt percurrendæ; quod operis esset infiniti: sed quia suffossis fundamentis quidquid iis superædificatum est sponte collabitur, aggrediar statim ipsa principia quibus illud omne quod olim credidî nitebatur. Nempe quidquid hactenus ut maximè verum admisi, vel à sensibus, vel per sensus accepi; hos autem interdum fallere deprehendi; ac prudentiæ est nunquam illis planè confidere qui nos vel semel deceperunt. Sed fortè quamvis interdum sensus circa minuta quædam

dam & remotiora nos fallant, pleraque tamen alia sunt de quibus dubitari planè non potest, quàmvis ab iisdem hauriantur; ut jam me hìc esse, foco assidere, hyemali togà esse indurum, chartam istam manibus contrefcere, & similia: manus verò has ipsas, totumque hoc corpus meum esse, quà ratione posset negari? nisi me fortè comparem nescio quibus infans, quorum cerebella tam contumax vapor ex atra bile labefactat, ut constanter assereant vel se esse reges, cum sunt patiperrimi, vel purpurà indutos, cum sunt nudi, vel caput habere fictile, vel se toros esse cucurbitas, vel ex vitro conflatos; sed amentes sunt isti, nec minùs ipse demens viderer, si quod ab iis exemplum ad me transferrem. Præclare sanè, tanquam non sim homo qui soleam noctu dormire, & eadem omnia in somnis pati, vel etiam interdum minùs verisimilia, quàm quæ isti vigilantes: quàm frequenter vetò usitata ista, me hìc esse, toga vestiri, foco assidere, quies nocturna persuader? cum tamen positus vestibus jaceo inter strata; atqui nunc certè vigilantibus oculis intueor hanc chartam, non sopitum est hoc caput quod commoveo, manum istam prudens & sciens extendo, & sentio, non tam distincta contingenter dormienti: quasi scilicet non recorder à similibus etiam cogitationibus me aliàs in somnis fuisse delusum: quæ dum cogito attentius, tam planè video nunquam certis indiciis vigiliam à somno posse distingui, ut obstupescam, & ferè hic ipse stupor mihi opinionem somni confirmet. Age ergò somniemus, nec particularia ista vera sint, nos oculos aperire, caput movere, manus extendere; nec fortè etiam nos habere tales manus, nec tale totum corpus; tamen professò fatendum est visâ per quietem esse veluti quasdam pictas imagines, quæ non nisi ad similitudinem rerum verarum fingi potuerunt; Ideoque saltem generalia hæc, oculos, caput, manus, totumque corpus res quasdam non imaginarias, sed veras existere: nam sanè pictores ipsi, ne tum quidem, cum Sirenas & Satyriscos maxime inusitatis formis fingere student, naturæ omni ex parte novas iis possunt assignare, sed tantummodo diversorum animalium membra permisceri; vel si fortè aliquid excogitent adeò novum, ut nihil omninò ei simile fuerit visum, atque ita planè fictitium sit & falsum; certè tamen ad minimum veri colores esse debent, ex quibus illud component: nec dispari ratione, quàmvis etiam generalia hæc, oculi, caput, manus, & similia imaginaria esse possent, necessariò tamen saltem alia quedam adhuc magis simplicia, & universalia vera esse fatendum est, ex quibus tanquam coloribus veris omnes istæ seu veræ, seu falsæ, quæ in cogitatione nostra sunt, rerum imagines effinguntur. Cujus generis esse videntur natura corporea in communi, ejusque extensio; item figura rerum extensarum, item quantitas, sive earundem magnitudo; & numerus: item locus in quo existant, tempusque per quod durent, & similia. Quapropter ex his forsitan non malè concludemus, Physicam, Astronomiam, Medicinam, disciplinasque alias omnes, quæ à rerum compositarum consideratione dependent, dubias quidem esse; atqui Arithmeticam, Geometriam, aliasque ejusmodi, quæ nonnisi de simplicissimis & maxi-

& maximè generalibus rebus tractant, atque utrum ea sint in rerum naturâ nec ne, parum curant, aliquid certi atque indubitati continere: nam siue visibilem siue dormiam, duo & tria simul juncta sunt quinque, quadratumque non plura habet latera quàm quatuor; nec fieri posse videtur, ut tam perspicuè veritates in suspitionem falsitatis incurrant. Verum tamen infixa quædam est meæ menti vetus opinio, Deum esse qui potest omnia, & à quo talis, qualis existo, sum creatus: unde autem scio, illum non fecisse, ut nulla planè sit terra, nullum cælum, nullæ res extensæ, nulla figura, nulla magnitudo, nullus locus, & tamen hæc omnia non aliter quàm nunc mihi videantur existere? imò etiam quemadmodum judico interdum alios errare circa ea quæ se perfectissimè scire arbitrantur, ita ego ut fallar quoties duo & tria simul addo, vel numero quadrati latera; vel si quid aliud facilius fingi potest? At fortè noluit Deus ita me decipi, dicitur enim summè bonus; sed si hoc ejus bonitati repugnaret, talem me creâsse, ut semper fallar, ab eadem etiam videretur esse alienum permittere ut interdum fallar; quod ultimum tamen non potest dici. Essent verò fortasse nonnulli qui tam potentem aliquem Deum mallent negare, quàm res alias omnes credere esse incertas: sed iis non repugnemus; totumque hoc de Deo demus esse fictitium; at seu fato, seu casu, seu continuata rerum serie, seu quovis alio modo me ad id quod sum pervenisse supponant; quoniam falli & errare imperfectio quædam esse videtur, quo minùs potentem originis meæ auctorem assignabunt, eò probabilius erit me tam imperfectum esse ut semper fallar: quibus sanè argumentis non habeo quod respondeam, sed tandem cogor fateri, nihil esse ex iis quæ olim vera putabam, de quo non liceat dubitare, idque non per inconsiderantiam, vel levitatem, sed propter validas & meditata rationes, ideoque etiam ab iisdem, non minùs quàm ab apertè falsis accuratè deinceps assensionem esse cohibendam, si quid certi velim invenire. Sed nondum sufficit hæc advertisse, curandum est ut recorder, assidue enim recurrunt consuetæ opiniones, occupantque credulitatem meam tanquam longo usu & familiaritatis jure sibi devinctam, ferè etiam me invito; nec unquam iis assentiri, & confidere desuescam, quamdiu tales esse supponam, quales sunt reverà, nempe aliquo qui item modo dubias, ut jamjam ostensum est, sed nihilominus valde probabiles, & quas multò magis rationi consentaneum sit credere quàm negare. Quapropter, ut opinor, non malè agam, si voluntate planè in contrarium versa me ipsum fallam, illasque aliquandiu omnino falsas imitariasque esse fingam, donec tandem velut æquatis utrimque præjudiciorum ponderibus, nulla amplius prava consuetudo judicium meum à recta rerum perceptione detorqueat. Etenim scio nihil inde periculi vel erroris interim sequiturum, & me plus æquo dissidentie indulgere non posse, quandoquidem nunc non rebus agendis, sed cognoscendis tantum incumbit. Supponam igitur non optimum Deum fontem veritatis, sed gentem aliquam malignam, eundemque summè potentem, & callidum, omnem suam industriam in eo posuisse, ut me falleret: putabo

putabo cælum, aërem, terram, colores, figuras, sonos, cunctaque externa nihil aliud esse quàm ludificationes somniorum, quibus insidias credulitati meae tendit: considerabo me ipsum tanquam manus non habentem, non oculos, non carnem, non sanguinem, non aliquem sensum, sed hæc omnia me habere falsò opinantem: manebo obstinàtè in hac meditatione defixus, atque ita siquidem non in potestate meâ sit aliquid veri cognoscere, at certè hoc quod in me est ne falsis assentiar, nec mihi quidquam iste deceptor, quantumvis potens, quantumvis callidus, possit imponere obfirmatâ mente cavebo. Sed laboriosum est hoc institutum, & desidia quædam ad consuetudinem vitæ me reducit, nec aliter quàm captivus, qui forte imaginaria libertate fruebatur in somnis, quum postea suspicari incipit se dormire, timet excitari, blandisque illusionibus lentè connivet: sic sponte relabor in veteres opiniones, vereorquè expergisci, ne placidæ quieti laboriosa vigilia succedens non in aliqua luce, sed inter inextricabiles jam motarum difficultatum tenebras inposterum sit agenda.

MEDITATIO II.

De natura mentis humane: Quod ipsa sit notior quàm corpus.

IN tantas dubitationes hosternâ meditatione conjectus sum, ut nequeam amplius earum oblivisci, nec videam tamen qua ratione solvendæ sint, sed tanquam in profundum gurgitem ex improvîso delapsus iraturbatus sum, ut nec possim in imo pedem figere, nec enatare ad summum. Enitar tamen & tentaborursus eandem viam quam heri fueram ingressus, removendo scilicet illud omne quod vel minimum dubitationis admittit, nihilo secius quàm si omnino falsum esse comperissem, pergamque porrò, donec aliquid certi, vel si nihil aliud, saltem hoc ipsum pro certo, nihil esse certi, cognoscam. Nihil nisi punctum peribat Archimedes, quod esset firmum & immobile, ut integram terram loco dimoveret; magna quoque speranda sunt, si vel minimum quid invenero quod certum sit & inconcussum. Suppono igitur omnia quæ video, falsa esse, credo nihil unquam extitisse eorum quæ mendax memoria repræsentat, nullos planè habeo sensus; corpus, figura, extensio, motus, locusque sunt chimæ; quid igitur erit verum? forassis hoc unum, nihil esse certi. Sed unde scio nihil esse diversum ab iis omnibus quæ jamjam recensui, de quo ne minima quidem occasio sit dubitandi? Nunquid est aliquis Deus, vel quocunque nomine illum vocem, qui mihi has ipsas cogitationes immittit? quare verò hoc putem, cum forsan ipsemet illarum author esse possim? Nunquid ergo saltem ego aliquid sum? sed jam negavi me habere ullos sensus, & ullum corpus; hæreo tamen: nam quid inde? sumne ita corpori, sensibusque alligatus, ut sine illis esse non possim? sed mihi persuasi, nihil plane esse in mundo, nullum cælum, nullam terram, nullas mentes, nulla corpora; nonne igitur etiam me non esse? imo certè ego eram si quid mihi persuasi: sed est

deceptor

SECUNDA.

deceptor nescio quis, summè potens, summè callidus, qui de industria me semper fallit; haud dubie igitur ego etiam sum, si me fallit; & fallat quantum potest nunquam tamen efficiet, ut nihil sim quamdiu me aliquid esse cogitabo, adeo ut omnibus satis superque pensatis denique statuendum sit hoc pronunciarum, Ego sum, ego existo, quoties à me profertur, vel mente concipitur, necessario esse verum. Nondum verò satis intelligo, quisnam sum ego ille, qui jam necessario sum, deincepsque cavendum est, ne forte quid aliud imprudenter assumam in locum mei, sicque aberrem etiam in ea cognitione, quam omnium certissimam evidentissimamque esse contendo. Quare jam denuo meditabor quidnam me olim esse crediderim, priusquam in has cogitationes incidissem; ex quo deinde subducam quidquid allatis rationibus vel minimum potuit infirmari; ut ita tandem præcise remaneat illud tantum quod certum est & inconcussum. Quidnam igitur antehac me esse putavi? hominem scilicet; sed quid est homo? dicamne animal rationale? non, quia postea querendum foret quidnam animal sit, & quid rationale, atque ita ex una questione in plures difficiliioresque delaberetur: nec jam mihi tantum otii est, ut ipso velim intrare ejusmodi subtilitates abstrusae. Sed hic potius attendam quid sponte & natura duce cogitationi meae antea occurrebat, quoties quid essem considerabam: nempe occurrebat primò me habere vultum, manus, brachia, totamque hanc membrorum machinam, qualis etiam in cadavere cernitur, & quam corporis nomine designabam; occurrebat præterea me nutrirì, incedere, sentire, & cogitare; quas quidem actiones ad animam referebam; sed quid esset hæc anima vel non advertebam, vel exiguum nescio quid imaginabar instar ventri, vel ignis, vel ætheris, quod crassioribus mei partibus esset infusum: de corpore verò ne dubitabam quidem, sed distincte me nosse arbitrabar ejus naturam, quam si forte, qualem mente concipiebam, describere tentasssem, sic explicuissem: per corpus intelligo illud omne quod aptum est figuræ aliâ quâ terminari, loco circumscribi, spatium sic replere, ut ex eo aliud omne corpus excludatur; tactu, visu, auditu, gustu, vel odoratu percipi, nec non moveri pluribus modis, non quidem à seipso, sed ab alio quopiam à quo tangatur; namque habere vim seipsum movendi, item sentiendi, vel cogitandi, nullo pacto ad naturam corporis pertinere judicabam; quinimò mirabar potius tales facultates in quibusdam corporibus reperiri. Quid autem nunc ubi suppono deceptorem aliquem potentissimum, & si fas est dicere, malignum, datâ operâ in omnibus quantum potuit, me delusisse, possumne affirmare, me habere vel minimum quid ex iis omnibus, quæ jam dixi ad naturam corporis pertinere? attendo, cogito, revolve, nihil occurrit, fatigor eadem frustra reperere. Quid verò ex iis quæ animæ tribuebam, nutrirì, vel incedere? quandoquidem jam corpus non habeo, hæc quoque nihil sunt nisi signa: sentire? nempe etiam hoc non fit sine corpore, & permulta sentire visus sum in somnis quæ deinde animadverti me non sensisse: cogitare? hæc invenio, cogitatio est, hæc sola à me divelli nequit, ego sum, ego existo, certum est. Quamdiu

B

autem?

autem? nempe quandiu cogito; nam fortè etiam fieri posset, si cessarem ab omni cogitatione, ut illicò totus esse desinerem: nihil nunc admitto nisi quod necessarium sit verum: sum igitur præcisè tantum res cogitans, id est, mens, sive animus, sive intellectus, sive ratio, voces mihi prius significationis ignotæ: sum autem res vera, & verè existens, sed qualis res? dixi, cogitans. Quid præterea? imaginabor: non sum compages illa membrorum, quæ corpus humanum appellatur; non sum etiam tenuis aliquis aër istis membris infusus, non ventus, non ignis, non vapor, non halitus, non quidquid mihi fingo; suppositi enim ista nihil esse, manet positio, nihilominus tamen ego aliquid sum. Fortassis verò contingit, ut hæc ipsa, quæ suppono nihil esse, quia mihi sunt ignota, tamen in rei veritate non differant ab eo me quæcunq; novi? nescio, de hac re jam non disputo; de iis tantum quæ mihi nota sunt iudicium ferre possum: novi me existere, quæro quis sim ego ille quem novi: certissimum est hujus sic præcisè sumpti notitiam non pendere ab iis quæ existere nondum novi: non igitur ab iis ulla, quæ imaginatione effingo. Atque hoc verbum, *effingo*, admonet me erroris mei: nam fingerem reverà si quid me esse imaginarer, quia nihil aliud est imaginari quàm rei corporeæ figuram seu imaginem contempleri; jam autem certò scio me esse, simulque fieri posse ut omnes istæ imagines, & generaliter quæcunque ad corporis naturam referuntur, nihil sint præter insomnia; quibus animadversis, non minus ineptire videor dicendo, imaginabor, ut distinctius agnoscam quisnam sum, quam si dicerem, jam quidem sum experrectus, videoque nonnihil veri: sed quia nondum video satis evidenter, data opera obdormiam, ut hoc ipsum mihi somnia verius evidentiusque repræsentent. Itaque cognosco, nihil eorum quæ possum imaginationis opè comprehendere, ad hanc quam de me habeo notitiam pertinere, mentemque ab illis diligentissimè esse avocandam, ut suam ipsa naturam quàm distinctissimè percipiat. Sed quid igitur sum? rescogitans; quid est hoc? nempe dubitans, intelligens, affirmans, negans, volens, nolens, imaginans quoque, & sentiens. Non pauca sanè hæc sunt, si cuncta ad me pertineant, sed quidni pertinerent? nonne ego ipse sum qui jam dubito scire de omnibus, qui nonnihil tamen intelligo, qui hoc unum verum esse affirmo, nego cætera, cupio plura nosse, nolo decipi, multa vel invitus imaginor, multa etiam tanquam à sensibus venientia animadverto? Quid est horum, quàmvis semper dormiam, quàmvis etiam is qui me creavit quantum in se est me deludat, quod non æquè verum sit ac me esse? quid est quod à mea cogitatione distinguatur? quid est quod à me ipso separatim dici possit? Nam quod ego sim qui dubitem, qui intelligam, qui velim, tam manifestum est, ut nihil occurrat per quod evidentius explicetur: sed verò etiam ego idem sum, qui imaginor, nam quàmvis fortè, ut suppositi, nulla prorsus res imaginata vera sit, vis tamen ipsa imaginandi reverà existit, & cogitationis meæ partem facit: idem denique ego sum qui sentio, sive qui res corporeas tanquam per sensus animadverto. Videlicet jam lucem video, strepitum audio, calorem sentio; falsa hæc sunt, dormio

mio enim. At certe videre videor, audire, calefcere, hoc falsum esse non potest, hoc est propriè quod in me sentire appellatur; etque hoc præcisè sic sumptum, nihil aliud est quàm cogitare. Ex quibus e quidem aliquantò melius incipio nòsse quisnam sim: sed adhuc tamen videtur, nec possum abstinere quin putem, res corporeas, quarum imagines cogitatione formantur, & quas ipsi sensus experiant, multò distinctius agnosci quàm istud nescio quid mei, quod sub imaginationem non venit: quanquam profectò sit mirum, res quas animadverto esse dubias, ignotas, à me alienas, distinctius quàm quod verum est, quod cognitur, quàm denique meipsum à me comprehendi: sed video quid sit, gaudet aberrare mens mea, nec dum se patitur intra veritatis limites cohiberi. Esto igitur, & adhuc senes laxissimas habenas ei permitramus, ut illis paulò post opportunè reductis facilius se regi patiatur. Consideremus res illas quæ vulgò putantur omnium distinctissimè comprehendi; corpora scilicet, quæ tangimus, quæ videmus, non quidem corpora in communi, generales enim istæ perceptiones aliquantò magis confuse esse solent, sed unum in particulari; sumamus exempli causà hanc ceram; nuperimè ex favis fuit educta, nondum amisit omnem saporem sui mellis, nonnihil retinet odoris florum ex quibus collecta est; ejus color, figura, magnitudo, manifesta sunt; dura est, frigida est, facilè tangitur, ac si articulo ferias emitte sonum; omnia denique illi adsunt, quæ requiri videntur ut corpus aliquod possit quàm distinctissimè cognosci. Sed ecce, dum loquor, igni admoveatur, saporis reliquæ purgantur, odor expirat, color mutatur, figura tollitur, crescit magnitudo, fit liquida, fit calida, vix tangi potest, nec jam si pulles emitte sonum: remanetne adhuc eadem cera? remanere fatendum est, nemo negat, nemo aliter putat. Quid erat igitur in eà quod tam distinctè comprehendebatur? certe nihil eorum quæ sensibus attingebam, nam quæcunque sub gustum, vel odoratum, vel visum, vel tactum, vel auditum veniebant, mutata jam sunt, remanet cera. Fortassis illud erat quod nunc cogito, nempe ceram ipsam non quidem fuisse istam dulcedinem mellis, nec florum fragrantiam, nec istam albedinem, nec figuram, nec sonum, sed corpus quod mihi apparebat paulò antè modis istis conspicuum, nunc diversis: quid est autem hoc præcisè quod sic imaginor? attendamus, & remotis iis, quæ ad ceram non pertinent, videamus quid supersit; nempe nihil aliud quàm extensum quid, flexibile, mutabile: Quid verò est hoc flexibile, mutabile? an quod imaginor, hanc ceram ex figurà rotundà, in quadratam, vel ex hac in triangularem verti posse? nullo modo, nam innumerabilium ejusmodi mutationum capax esse comprehendendo, nec possum tamen innumerales imaginando percurrere: nec igitur comprehensio hæc ab imaginandi facultate perficitur. Quid extensum? nunquid etiam ipsa ejus extensio est ignota? nam in cera liquecente fit major, major in ferventi, majorque rursus si calor augeatur: nec rectè judicarem quid sit certa, nisi putarem, hanc etiam plures secundum extensionem varietates admittere quàm fuerim unquam imaginando complexus: superest igitur ut concedam, me ne quidem ima-

ginari quid sit hæc cera, sed sola mente percipere: dico hanc in particulari; de cera enim in communi clarius est. Quænam verò est hæc cera quæ non nisi mente percipitur; nempe eadem quam video, quam tango, quam imaginor, eadem denique quam ab initio esse arbitrabar: atqui, quod notandum est, ejus perceptio non visio, non tactus, non imaginatio est, nec unquam fuit, quamvis prius ita videretur, sed solius mentis inspectio, quæ vel imperfecta esse potest & confusa; ut prius erat, vel clara & distincta, ut nunc est, prout minus vel magis ad illa ex quibus constat, attendo. Miror verò interim quàm prona sit mea mens in errores; nam quamvis hæc apud me tacitus, & sine voce considerem, hæreo tamen in verbis ipsis, & ferè decipior ab ipso usu loquendi: dicimus enim, nos videre ceram ipsam et si adsit, non ex colore, vel figura eam adesse judicare; unde concluderem statim, ceram ergo visione oculi, non solius mentis inspectione cognosci, nisi jam fortè respexissem ex fenestra homines in platea transeuntes, quos etiam ipsos non minus usitatè quàm ceram dico me videre: quid autem video præter pileos & vestes, sub quibus latere possent automata, sed judico homines esse: atque ita id quod putabam me videre oculis, sola judicandi facultate, quæ in mente meâ est, comprehendo. Sed pudeat suprâ vulgus sapere cupientem, ex formis loquendi quas vulgus invenit dubitationem quasivisse, pergamusque deinceps, attendendo utrum ergo perfectius evidentiusque percipiebam quid esset cera, cum primum aspexi, credidique me illam ipso sensu externo, vel saltem sensu communi, ut vocant, id est potentiâ imaginatrice cognoscere; an verò potius nunc, postquam diligentius investigavi tum quid ea sit, tum quomodò cognoscat: certe hæc de re dubitare esset ineptum; nam quid fuit in prima perceptione distinctum? quid quod non à quovis animali haberi posse videretur? at verò cum ceram ab externis formis distinguo, & tanquam vestibis detractis nudam considero, sic illam revera, quamvis adhuc error in judicio meo esse possit, non possum tamen sine humana mente percipere. Quid autem dicam de hac ipsa mente, sive de me ipso, nihil dum enim aliud admitto in me esse præter mentem, quid, inquam, ego qui hæc ceram videor tam distinctè percipere, nunquid me ipsum non tantum multo verius, multo certius, sed etiam multo distinctius, evidentiusque cognosco? nam si judico ceram existere ex eo quod hanc videam, certe multò evidentius efficitur, me ipsum etiam existere, ex eo ipso quod hanc videam: fieri enim potest ut hoc quod video, non verè sit cera, fieri potest ut ne quidem oculos habeam, quibus quidquam videatur; sed fieri plane non potest cum videam, sive (quod jam non distinguo) cum cogitem me videre, ut ego ipse cogitans non aliquid sim: simili ratione si judico ceram esse ex eo quod hanc tangam, idem rursus efficitur, videlicet me esse: si ex eo quod imaginor, vel quavis alia ex causâ, idem planè. Sed & hoc ipsum quod de cera animadverto, ac reliqua omnia quæ sunt extra me posita, licet applicare. Porro autem si magis distincta visâ sit ceræ perceptio, postquam mihi non ex solo visu, vel tactu, sed pluribus causis innouit, quanto distinctius me ipsum à me nunc cognosci fatendum est, quando.

quandoquidem nullæ rationes vel ad cæcæ, vel ad cuiuspiam alterius corporis perceptionem possint juvare, quin eadem omnes mentis meæ naturam melius probeant? Sed & alia insuper tam multa sunt in ipsa mente, ex quibus ejus notitia distinctior reddi potest, ut ea quæ ex corpore ad illam emanant, vix numeranda videantur. Atque ecce tandem sponte sum reversus eò quo volebam; nam cum mihi nunc notum sit, ipsamet corpora non propriè à sensibus, vel ab imaginandi facultate, sed à solo intellectu percipi, nec ex eo percipi quoddam tangantur, aut videantur, sed tantum ex eo quoddam intelligantur, apertè cognosco, nihil facilius aut evidentius meâ mente posse à me percipi. Sed quia tam citò deponi veteris opinionis consuetudo non potest, placet hic consistere, ut aliùs hæc nova cognitio memoriæ meæ diuturnitate meditationis infigatur.

MEDITATIO III.

De Deo, quod existat.

Claudam nunc oculos, aures obturabo, avocabo omnes sensus, imagines ceteram rerum corporalium omnes vel ex cogitatione mea delebo, vel certe, quia hoc fieri vix potest, illas ut inanes & falsas nihili pendam, meque solum alloquendo, & penitus inspiciendo, meipsum paulatim mihi magis notum & familiarem reddere conabor. Ego sum res cogitans, id est dubitans, affirmans, negans, pauca intelligens, multa ignorans, volens, nolens, imaginans etiam & sentiens; ut enim antè animadverti, quamvis illa quæ sentio vel imaginor extra me foras nihil sint, illos tamen cogitandi modos, quos sensus & imaginationes appello, quatenus cogitandi quidam modi tantum sunt, in me esse sum certus. Atque his paucis omnia recensui quæ verè scio, vel saltem quæ me scire hætenus animadverti. Nunc circumspiciam diligentius, an fortè adhuc apud me alia sint ad quæ nondum respexi: sum certus me esse rem cogitantem, nunquid ergo etiam scio quid requiratur ut de aliquâ res sum certus? nempe in hac primâ cognitione nihil aliud est, quàm clara quædam & distincta perceptio ejus quod affirmo; quæ sanè non sufficeret ad me certum de rei veritate reddendum, si posset unquam contingere, ut aliquid quod ista clarè & distinctè perciperem falsum esset: ac proinde jam videor pro regulâ generali posse statuere, illud me esse verum quod valde clarè & distinctè percipio. Verum tamen multa priùs ut omnino certa & manifesta admisi, quæ tamen postea dubia esse deprehendi: qualia ergo ista fuêr? nempe terra, cælum, sidera & cætera omnia quæ sensibus usurpabam; quid autem de illis clarè percipiebam? nempe talium rerum ideas sive cogitationes menti meæ obversari; sed ne nunc quidem illas ideas in me esse inficior. Aliud autem quiddam erat quod affirmabam, quodque etiam ob consuetudinem credendi clarè me percipere arbitrabar, quod tamen revera non percipiebam, nempe res quasdam extra me esse, à quibus ideas istæ procedebant, & quibus omnino similes erant; atque hoc erat, in quo vel fallebar, vel certè si verum judicabam,

id non ex vi meæ perceptionis contingebat. Quid verò cum circa res Arithmeticas vel Geometricas aliquid valde simplex & facile considerabam, ut quod duo & tria simul juncta sint quinque, vel similia, nunquid saltem illa satis perspicue intuebar ut vera esse affirmarem? Equidem non aliam ob causam de iis dubitandum esse postea judicavi, quam quia veniebat in mentem, forte aliquem Deum talem mihi naturam in dere potuisse; ut etiam circa illa deciperet, quæ manifestissima viderentur; sed quoties hæc præconceptra de summâ Dei potentia opinio mihi occurrit, non possum non fateri, siquidem velit, facile illi esse efficere ut errem, etiam in iis quæ me puto mentis oculis quàm evidentissimè intueri; quoties verò ad ipsas res, quas valde clare percipere arbitror, me converto, tam plane ab illis persuadeor, ut sponte erumpam in has voces, fallat me quisquis potest, nunquam tamen efficiet ut nihil sim, quamdiu me aliquid esse cogitabo, vel ut aliquando verum sit me nunquam fuisse, cum jam verum sit me esse; vel forte etiam ut duo & tria simul juncta plura vel pauciora sint quàm quinque, vel similia, in quibus scilicet repugnantiam agnosco manifestam. Et certe cum nullam occasionem habeam existimandi aliquem Deum esse deceptorem, nec quidem adhuc fatisciam, utrum sit aliquis Deus, valde tenuis, & ut ita loquar, Metaphysica dubitandi ratio est, quæ tantum ex ea opinione dependet. Ut autem etiam illa tollatur, quam primum occurreret occasio, examinare debeo an sit Deus, & si sit, an possit esse deceptor; hæc enim re ignoratâ non videor de ulla alia planè certus esse unquam posse. Nunc autem ordo videtur exigere, ut prius omnes meas cogitationes in certa genera distribuam, & in quibusnam ex illis veritas aut falsitas propriè consistat, inquiram. Quædam ex his tanquam rerum imagines sunt, quibus solis propriè convenit ideæ nomen, ut cum Hominem, vel Chimæram, vel Cœlum, vel Angelum, vel Deum cogito; aliæ verò alias quasdam præterea formas habent, ut cum volo, cum timeo, cum affirmo, cum nego, semper quidem aliquam rem ut subjectum meæ cogitationis apprehendo, sed aliquid etiam amplius quàm istius rei similitudinem cogitatione complector; & ex his aliæ voluntates, sive affectus, aliæ autem judicia appellantur. Jam quod ad ideas attineat, si solæ in se spectentur, nec ad aliud quid illas referam, falsæ propriè esse non possunt; nam sive capram, sive chimæram imaginær, non minus verum est me unam imaginari quàm alteram. Nulla etiam in ipsâ voluntate vel affectibus falsitas est timenda, nam quamvis præva, quamvis etiam ea quæ nusquam sunt, possim optare, non tamen ideo non verum est illa me optare, ac proinde sola supersunt judicia in quibus mihi cavendum est ne fallar; præcipuus autem error & frequentissimus, qui possit in illis reperiri, consistit in eo, quod ideas, quæ in me sunt, iudicem rebus quibusdam extramè positis similes esse, sive conformes: nam profecto si tantum ideas ipsas ut cogitationis meæ quosdam modos considerarem, nec ad quidquam aliud referrem, vix mihi ullam errandi materiam dare possent. Ex his autem ideis aliæ innatæ, aliæ adventitiæ, aliæ à me ipso factæ mihi videntur: nam quod intelligam

quid

quid sit res, quid sit veritas, quid sit cogitatio, hoc non aliunde habere videor quam ab ipsamet mea natura; quod autem nunc strepitum audiam, solem videam, ignem sentiam, à rebus quibusdam extra me positis procedere hæcenus judicavi; ac denique Sirenes, Hippogryphes, & similia à me ipso finguntur: vel forte etiam omnes esse adventitias possum putare, vel omnes innatas, vel omnes factas, nondum enim veram illarum originem clarè perspexi. Sed hic præcipuè de iis est quærendum quas tanquam à rebus extra me existentibus desumptas considero, quænam me moveat ratio ut illas istis rebus similes esse existimem; nempe ita videor doctus à natura, & præterea experior, illas non à mea voluntate nec proinde à me ipso pendere, sæpe enim vel invito observantur, ut jam, sive velim sive nolum, sentio calorem, & ideo puto sensum illum, sive ideam caloris à re à me diversa, nempe ab ignis, cui assideo, calore mihi advenire, nihilque magis obvium est, quam ut judicem, istam rem suam similitudinem potius, quam aliud quid in me immittere; quæ rationes an satis firmæ sint, jam videbo. Cum hic dico me ita doctum esse à natura, intelligo tantum spontaneo quodam impetu me ferri ad hoc credendum, non lumine aliquo naturali mihi ostendi esse verum, quæ duo multum discrepant, nam quæcumque lumine naturali mihi ostenduntur, (ut quod ex eo quod dubitem sequatur me esse, & similia) nullo modo dubia esse possunt, quia nulla alia facultates esse potest, cui æquè fidam ac lumini isti, quæ illa non vera esse possit docere; sed quantum ad impetus naturales, jam sæpe olim judicavi me ab illis in deteriorem partem fuisse impulsam cum de bono eligendo ageretur, nec video cur iisdem in ullâ aliâ re magis fidam. Deinde quamvis idæ illæ à voluntate meâ non pendeant, non ideo constat ipsas à rebus extra me positis necessariò procedere, ut enim impetus illi, de quibus mox loquebar, quamvis in me sint, à voluntate tamen mea diversi esse videntur, ita forte etiam aliqua alia est in me facultas nondum mihi satis cognita istarum idearum effectrix, ut hæcenus semper visum est illas, dum somnino, absque ulla rerum externarum ope in me formari; Ac denique quamvis à rebus à me diversis procederent, non inde sequitur illas rebus istis similes esse debere; quinimo in multis sæpe magnam discrimen videor deprehendisse; Sic, exempli causa, duas diversas solis ideas apud me invenio, unam tanquam à sensibus hautam, & quæ maxime inter illas quas adventitias existimo est recensenda, per quam mihi valde parvus apparet; aliam verò ex rationibus Astronomiæ desumptam, hoc est, ex notionibus quibusdam mihi innatis elicitam, vel quocumque alio modo à me factam, per quam aliquoties major quam terra exhibetur; utraque profectò similis eidem soli extra me existenti esse non potest, & ratio persuadet illam ei maxime esse dissimilem, quæ quam proximè ab ipso videtur emanasse. Quæ omnia satis demonstrant me non hæcenus ex certo judicio, sed tantum ex cæco aliquo impulsu credidisse res quasdam à me diversas existere, quæ ideas sive imagines suas per organa sensuum, vel quolibet alio pacto mihi immitrant. Sed alia quædam adhuc via mihi

mihi occurrat inquirendum, an res aliquæ ex iis quarum ideæ in me sunt extra me existant. Nempe quatenus ideæ istæ cogitandi quidam modi tantum sunt, non agnosco ullam inter ipsas inæqualitatem, & omnes à me eodem modo procedere videntur; sed quatenus una unam rem, alia aliam repræsentat, patet easdem esse ab invicem valde diversas: nam proculdubio illæ quæ substantias mihi exhibent, majus aliquid sunt, atque, ut ita loquar, plus realitatis objectivæ in se continent, quàm illæ quæ tantum modos, sive accidentia repræsentant; & rursus illa per quam summum aliquem Deum æternum, infinitum, omniscium, omnipotentem, rerumque omnium, quæ præter ipsum sunt, creatorem intelligo, plus perfectò realitatis objectivæ in se habet, quàm illæ per quas finitæ substantiæ exhibentur. Jam verò lumine naturali manifestum est, tantundem ad minimum esse debere in causa efficiente & totali, quantum in ejusdem causæ effectu: nam quæso undenam posset assumere realitatem suam effectu nisi à causa? & quomodo illam rei causâ dare posset, nisi etiam haberet? Hinc autem sequitur, nec posse aliquid à nihilo fieri, nec etiam id quod magis perfectum est, hoc est, quod plus realitatis in se continet, ab eo quod minus: atque hoc non modò perspicuè verum est de iis effectibus quorum realitas est actualis sive formalis; sed etiam de ideis in quibus consideratur tantum realitas objectiva; hoc est, non modò non potest, exempli causâ, aliquis lapis qui prius non fuit, nunc incipere esse, nisi producat ab aliquâ re, in qua totum illud sit vel formaliter vel eminenter, quod ponitur in lapide; nec potest calor in subiectum quod prius non calebat induci, nisi à re quæ sit ordinis saltem æquè perfecti atque est calor, & sic de cæteris; sed præterea etiam non potest in me esse idea caloris, vel lapidis, nisi in me posita sit ab aliquâ causâ in qua tantundem ad minimum sit realitatis, quantum esse in calore vel lapide concipio: nam quamvis ista causa nihil de sua realitate actuali sive formali in meam ideam transfundat, non ideo putandum est illam minùs realiam esse debere, sed talem esse naturam ipsius ideæ, ut nullam aliam ex se realitatem formalem exigat præter illam quam mutuatur à cogitatione mea cujus est modus; quòd autem hoc idea realitatem objectivam hanc vel illam contineat potius quàm aliam, hoc perfectò habere debet ab aliqua causa in qua tantundem sit ad minimum realitatis formalis, quantum ipsa continet objectivæ; si enim ponamus aliquid in idea reperiri quod non fuerit in ejus causa, hoc igitur habet à nihilo; atqui quantumvis imperfectus sit iste essendi modus quo res est objectivè in intellectu per ideam, non tamen perfectò planè nihil est, nec proinde à nihilo esse potest. Nec etiam debeo suspicari, cum realitas, quam considero in meis ideis, sit tantum objectiva, non opus esse ut eadem realitas sit formaliter in causis istarum idearum, sed sufficere si sit in iis etiam objectivè; nam quemadmodum iste modus essendi objectivus competit ideis ex ipsarum natura, ita modus essendi formalis competit idearum causis, saltem primis & præcipuis, ex earum natura: & quamvis fortè una idea ex alia nasci possit, non tamen huc datur progressus

in infinitum, sed tandem ad aliquam primam debet devenire, cujus causa sita-
 star archetypi in quo omnis realitas formaliter contineatur, quæ est in idea tan-
 tum objective; adè ut lumen naturali mihi sit perspicuum ideas in me esse vel
 uti quasdam imagines, quæ possunt quidem facile deficere à perfectione rerum
 à quibus sunt desumptæ, non autem quicquam majus aut perfectius continere.
 Atque hæc omnia quò diutius & curiosius examino, tantò clarius & distinctius
 vera esse cognosco? sed quid tandem ex his concludam? nempe si realitas obje-
 ctiva alicujus ex meis ideis sit tanta, ut certus sim, eandem nec formaliter nec
 eminenter in me esse, nec proinde me ipsum ejus ideæ causam esse posse, hinc ne-
 cessariò sequi, non me solum esse in mundo, sed aliquam aliam rem quæ istius ideæ
 est causa, etiam existere; si verò nulla talis in me idea reperiatur, nullum planè
 habeo argumentum quod me de alicujus rei à me diversæ existentiz certum red-
 dat, omnia enim diligentissimè circumspexi, & nullum aliud potui hactenus re-
 perire. Ex his autem meis ideis præter illam quæ me ipsum mihi exhibet, de qua
 hic nulla difficultas esse potest, alia est quæ Deum; aliz quæ res corporeas, & ina-
 nimes, aliz quæ Angelos, aliz quæ animalia, ac denique aliz quæ alios homines
 me similes representant. Et quantum ad ideas quæ alios homines, vel anima-
 lia, vel Angelos exhibent, facile intelligo illas ex iis quas habeo me ipsius, & re-
 rum corporalium, & Dei posse componi, quamvis nulli præter me homines, nec
 animalia, nec Angeli in mundo essent. Quantum autem ad ideas rerum corpo-
 ralium, nihil in illis occurrit quod sit tantum ut non videatur à me ipso potuisse
 proficisci; nam si penitus inspiciam, & singulas examinem eo modo quo heri
 examinavi ideam ceræ, animadverto per pauca tantum esse, que in illis clare & di-
 stincte percipio, nempe magnitudinem sive extensionem in longum, latum, &
 profundum; figuram quæ ex terminatione istius extensionis exurgit, situm quem
 diversa figurata inter se obtinent; & motum, sive mutationem istius situs; qui-
 bus addi possunt substantia, duratio, & numerus: cætera autem, ut lumen, & co-
 lores, soni, odores, sapores, calor, & frigus, alizque tactiles qualitates, non nisi
 valde confusè & obscurè à me cogitantur, adè ut etiam ignorem an sint veræ,
 vel falsæ, hoc est, an ideæ quas de illis habeo sint rerum quarundam ideæ, an non
 rerum: quamvis enim falsitatem propriè dictam sive formalem non nisi in judi-
 cii posse reperiri paulo antè notaverim, est tamen profectò quædam alia falsitas
 materialis in ideis, cum non rem tanquam rem representant: ita, exempli causa,
 ideæ quas habeo caloris & frigoris tam parum claræ & distinctæ sunt, ut ab iis
 discere non possim, an frigus sit tantum privatio caloris, vel calor privatio frigoris,
 vel utrumque sit realis qualitas, vel neutrum; & quia nullæ ideæ nisi tanquam
 rerum esse possunt, siquidem verum sit, frigus nihil aliud esse quàm privationem
 caloris, ideæ quæ mihi illud tanquam reale quid & positivum representant, non
 immeritò falsa dicetur, & sic de cæteris. Quibus profectò non est necesse ut ali-
 quem auctorem à me diversum assignem: nam si quidem sint falsæ, hoc est nul-

las repræsentent, lumine naturali notum mihi est illas à nihilo procedere, hoc est, non aliam ob causam in me esse, quàm quia deest aliquid naturæ meæ, nec est planè perfecta; si autem sint veræ, quia tamen tam parum realitatis mihi exhibent, ut ne quidem illud à non re possim distinguere, non video cur à me ipso esse non possir. Ex iis verò quæ in ideis rerum corporalium clara & distincta sunt, quædam ab idea mei ipsius videor mutuari potuisse nempe substantiam, durationem, numerum, & si quæ alia sint ejusmodi; nam cum cogito lapidem esse substantiam, sive esse rem quæ per se apta est existere, itemque me esse substantiam, quantvis concipiam me esse rem cogitantem, & non extensam; lapidem verò esse rem extensam, & non cogitantem, ac proinde maxima inter utrumque conceptum sit diversitas, in ratione tamen substantiæ videntur convenire; itemque cum percipio me nunc esse, & prius etiam aliquamdiu fuisse recorder, cumque varias habeo cogitationes quarum numerum intelligo, acquirō ideas durationis & numeri, quas deinde ad quascunque alias res possum transferre. Cætera autem omnia ex quibus rerum corporearum ideæ constantur, nempe extensio, figura, situs, & motus, in me quidem, cum nihil aliud sim quàm res cogitans, formaliter non continentur; sed quia sunt tantum modi quidam substantiæ, ego autem substantia, videntur in me contineri posse eminenter. Itaque sola restat idea Dei, in qua considerandum est an aliquid sit quod à me ipso non potuerit proficisci. Dei nomine intelligo substantiam quandam infinitam, independentem, summè intelligentem, summè potentem, & à qua tum ego ipse, tum aliud omne, si quid aliud extat, quodcumque extat est creatum. Quæ sanè omnia, talia sunt, ut quo diligentius attendo, tanto minus à me solo perfecta esse posse videantur. Ideoque ex antedictis Deum necessariò existere est concludendum; nam quamvis substantiæ quidem idea in me sit ex hoc ipso quod sim substantia, non tamen idcirco esset idea substantiæ infinitæ, cum sim finitus, nisi ab aliqua substantia quæ revera esset infinita, procederet. Nec putare debeo me non percipere infinitum per veram ideam, sed tantum per negationem finiti, ut percipio quietem, & tenebras per negationem motus, & lucis; nam contra manifestè intelligo plus realitatis esse in substantia infinita, quàm in finita, ac proinde priorem quodammodo in me esse perceptionem infiniti quàm finiti, hoc est Dei, quàm mei ipsius: qua enim ratione intelligerem me dubitare, me cupere, hoc est, aliquid mihi deesse, & me non esse omnino perfectum, si nulla idea entis perfectioris in me esset, ex cujus comparatione defectus meos agnoscerem? Nec dici potest hanc forte ideam Dei materialiter falsam esse, ideoque à nihilo esse posse, ut paulo ante de ideis caloris, & frigoris, & similium animadverti, nam contra, cum maximè clara, & distincta sit, & plus realitatis objectivæ quàm ulla alia contineat, nulla est per se magis vera, nec in qua minor falsitatis suspicio reperitur. Est, inquam, hæc idea entis summè perfecti & infiniti, maxime vera; nam quamvis forte fingi possit tale ens non existere, non tamen fingi potest ejus ideam nihil reale mihi exhibere,

exhibere, ut de idea frigoris antè dixi. Est etiam maximè clara & distincta, nam quidquid clare & distinctè percipio, quod est reale & verum, & quod perfectionem aliquam importat, totum in ea continetur: nec obstat quod non comprehendam infinitum, vel quod alia innumera in Deo sint, quæ nec comprehendere, nec forte etiam attingere cogitatione ullo modo possum, est enim de ratione infiniti, ut à me qui sum finitus non comprehendatur; & sufficit me hoc ipsum intelligere, ac judicare illa omnia quæ clare percipio & perfectionem aliquam importare scio, atque etiam forte alia innumera quæ ignoro, vel formaliter vel eminenter in Deo esse, ut idea quam de illo habeo sit omnium quæ in me sunt maximè vera, & maximè clara & distincta. Sed forte majus aliquid sum quàm ipse intelligam, omnesque illæ perfectiones quas Deo tribuo, potentiâ quodammodo in me sunt, etiamsi nondum sese exserant, neque ad actum reducantur; experior enim jam cognitionem meam paulatim augeri; nec video quid obstat quo minus ita magis & magis augeatur in infinitum, nec etiam cur cognitione sic aucta non possim ejus ope reliquas omnes Dei perfectiones adipisci; nec denique cur potentia ad illas perfectiones, si jam in me est, non sufficiat ad illarum ideam producendam. Imò nihil horum esse potest, nam primò ut verum sit cognitionem meam gradatim augeri; & multam in me esse potentiam quæ actu nondum sunt, nihil tamen horum ad ideam Dei pertinet, in qua nempe nihil omnino est potentiale, namque hoc ipsum gradatim augeri certissimum est imperfectionis argumentum. Præterea etiamsi cognitio mea semper magis & magis augeatur, nihilominus intelligo nunquam illam idcirco fore actu infinitam, quia nunquam eo devenietur, ut majoris adhuc incrementi non sit capax. Deum autem ita judico esse actu infinitum ut nihil ejus perfectioni addi possit. Ac denique percipio esse objectivum idem non à solo esse potenciali, quòd propriè loquendo nihil est sed tantummodo ab actuali sive formalis posse produci. Neque profecto quicquam est in his omnibus, quod diligenter attendenti non sit lumine naturali manifestum: sed quia cum minus attendo, & rerum sensibilibus imagines mentis aciem excæcant, non ita facile recordor cur idea entis me perfectioris necessariò ab ente aliquo procedat quod sit revera perfectius: ulterius querere libet, an ego ipse habens illam ideam esse possem, si tale ens nullum existeret. Nempe à quo essem? à me scilicet, vel à parentibus, vel ab aliis quibuslibet Deo minus perfectis, nihil enim ipso perfectius, nec etiam æquè perfectum cogitari, aut fingi potest. Atqui si à me essem, nec dubitarem, nec oprarem, nec omnino quicquam mihi deesset, omnes enim perfectiones quarum idea aliqua in me est, mihi dedissem, atque ita ipsemet Deus essem: nec putare debeo illa forsàn quæ mihi desunt, difficilius acquiri posse, quàm illa quæ jam in me sunt: nam contrà, manifestum est longè difficilius fuisse me, hoc est rem sive substantiam cogitantem, ex nihilo emergere, quàm multarum rerum quas ignoro cognitiones, quæ tantum istius substantiæ accidentia sunt, acquirere. At certò si majus illud à me haberem,

non mihi illa saltem quæ facilius haberi possunt denegâssim: sed neque etiam ut-
 la alia ex iis, quæ in idea Dei contineri percipio; quia nempe nulla difficiliora
 factu mihi videntur: si quæ autem difficiliora factu essent, certè etiam mihi dif-
 ficiliora viderentur, siquidem reliqua quæ habeo, à me habere, quoniam in illis
 potentiam meam terminari experiri: Neque vim harum rationum effugio, si
 supponam me forte semper fuisse ut nunc sum, tanquam si in desquerezer, nul-
 lum existentia meæ auctorem esse querendum: quoniam enim omne tempus
 vitæ in partes innumeras dividi potest, quarum singulæ à reliquis nullo modo de-
 pendent, ex eo quod paulò ante fuerim, non sequitur me nunc debere esse, nisi ali-
 qua causa me quasi rursus creet ad hoc momentum, hoc est, me conservet. Per-
 spicuum enim est attendenti ad durationis naturam, eadem planè vi & actione
 opus esse ad rem quamlibet singulis momentis quibus durat conservandam, quâ
 opus esset ad eandem de novo creandam si nondum existeret, adeo ut conserva-
 tionem sola ratione à creatione differre sit etiam unum ex iis quæ lumine naturali
 manifesta sunt. Itaque debeo nunc interrogare me ipsum, an habeam aliquam
 vim per quam possim efficere ut ego ille qui jam sum, paulò post etiam sim futu-
 rus: nam cum nihil aliud sim quam res cogitans, vel saltem cum de ea tantum
 mei parte præcisè nunc agam quæ est res cogitans, si quæ talis vis in me esset, ejus
 procul dubio conficius essem; sed & nullam esse experior, & ex hoc ipso eviden-
 tissimè cognosco, me ab aliquo ante me diverso pendere: forte verd illud ens non
 est Deus, sumque vel à parentibus productus, vel à quibuslibet aliis causis Deo mi-
 nus perfectis. Imò, ut jam ante dixi, perspicuum est tantundem ad minimum
 esse debere in causa, quantum est in effectu; & idcirco cum sim res cogitans,
 ideamque quandam Dei in me habens, qualiscunque tandem mei causa assigne-
 tur, illam etiam esse rem cogitantem, & omnium perfectionum quas Deo tri-
 buo, ideam habere fatendum est; potestque de illa rursus queri: an sit à se, vel ab
 alia; nam si à se, patet ex dictis illam ipsam Deum esse, quia nempe cum vim
 habeat per se existendi, habet procul dubio etiam vim possidendi actu omnes per-
 fectiones quarum ideam in se habet, hoc est omnes quas in Deo esse concipio.
 Si autem sit ab alia, rursus eodem modo de hac altera queretur an sit à se, vel ab
 alia, donec tandem ad causam ultimam deveniatur quæ erit Deus. Satis enim
 apertum est, nullum hic dari posse progressum in infinitum, præsertim cum
 non tantum de causa, quæ me olim produxit, hic agam, sed maximè etiam de illa
 quæ me tempore præsentis conservat. Nec fingi potest plures forte causas par-
 tiales ad me efficiendum concurrissè, & ab una ideam unius ex perfectionibus
 quas Deos tribuo, ab alia ideam alterius me accepissè, adeo ut omnes quidem il-
 læ perfectiones alicubi in universo reperiantur, sed non omnes simul junctæ in uno
 aliquo quis sit Deus; nam contra unitas, simplicitas, sive inseparabilitas eorum
 omnium quæ in Deo sunt, una est ex præcipuis perfectionibus quas in eo esse intel-
 ligo; nec certè istius omnium ejus perfectionum unitatis idea in me potuit poni

ab ulla causa à qua etiam aliarum perfectionum ideas non habuerim; neque enim efficere potuit ut illas simul junctas & inseparabiles Intelligerem, nisi, simul efferit, ut quænam illæ essent agnoscerem. Quantum denique ad parentes attinet, ut omnia vera sint quæ de illis unquam putavi, non tamen profectò illi me conservant, nec etiam ullo modo me, quarens sum res cogitans, effecerunt; sed tantum dispositiones quasdam in ea materia posuerunt, cui me, hoc est, mentem (quam solam nunc pro me accipio) inesse judicavi: ac proinde hic nulla de iis difficultas esse potest, sed omnino est concludendum ex hoc solo quod existam, quædamque idea entis perfectissimi, hoc est Dei, in me sit, evidentissimè demonstrari Deum etiam existere. Superest tamen ut examinem, qua ratione ideam istam à Deo accepi; neque enim illam sensibus hausi, nec unquam non expectanti mihi advenit, ut solent rerum sensibilibus ideæ, cum istæ res externis sensuum organis occurrunt, vel occurrere videntur; nec etiam à me efficta est, nam nihil ab illa detrahère, nihil illi superaddere planè possum, ac proinde superest ut mihi sit innata, quemadmodum etiam mihi est innata idea mei ipsius. Et sane non mirum est, Deum me creando ideam illam mihi indidisse, ut esset tanquam nota artificis operi suo impressa; nec etiam opus est ut nota illa sit aliqua res ab opere ipso diversa, sed ex hoc uno quod Deus me creavit, valde credibile est me quodammodo ad imaginem & similitudinem ejus factum esse, illamque similitudinem, in qua Dei idea continetur, à me percipi per eandem facultatem, per quam ego ipse à me percipior, hoc est, dum in me ipsum mentis aciem converto, non modò intelligo me esse rem incompletam, & ab alio dependentem, remque ad majora, & majora, sive meliora indefinite aspirantem, sed simul etiam intelligo illum, à quo pendeo, majora ista omnia non indefinite & potentia tantum, sed re ipsa infinite in se habere, atque ita Deum esse; totaque vis argumenti in eo est, quod agnoscam fieri non posse ut existam talis naturæ qualis sum, nempe ideam Dei in me habens, nisi revera Deus etiam existeret, Deus, inquam, ille idem cujus idea in me est, hoc est, habens omnes illas perfectiones quas ego non comprehendere sed quocunque modo attingere cogitatione possum, & nullis planè defectibus obnoxius. Ex quibus satis patet: illum fallacem esse non posse: omnem enim fraudem & deceptionem à defectu aliquo pendere lumine naturali manifestum est. Sed priusquam hoc diligentius examinem, simulque in alias veritates quæ inde colligi possunt inquiram; placet hic aliquamdiu in ipsis Dei contemplatione immorari, ejus attributa apud me expendere, & immensæ hujus luminis pulchritudinem, quantum caligantis ingenii mei acies ferre poterit, intueri, admirari, adorare. Utenim in hac sola divinæ majestatis contemplatione summam alterius vitæ felicitatem consistere fide credimus, ita etiam jam ex eadem licet multo minus perfecta maximam, cujus in hac vita capaces sumus, voluptatem percipi posse experimur.

MEDITATIO. IV.

De Vero & Falso.

ITa me his diebus assuefeci in mente à sensibus abducenda, tamque accuratè animadverti perpauca esse quæ de rebus corporeis verè percipiuntur, multoque plura de mente humana, multo adhuc plura de Deo cognosci, ut jam absque ulla difficultate cogitationem à rebus imaginabilibus ad inrelligibiles tantum, atque ab omni materia secretas convertam: & sanè multo magis distinctam habeo ideam mentis humanæ, quatenus est res cogitans, non extensa in longum, latum, & profundum, nec aliud quid à corpore habens, quàm ideam ullius rei corporeæ: cumque attendo me dubitare, sive esse rem incompletam, & dependentem, adeò clara & distincta idea entis independentis, & completi, hoc est Dei, mihi occurrat; & ex hoc uno, quòd talis idea in me sit, sive quòdego ideam illam habens existam, adeo manifestè concludo, Deum etiam existere, atque ab illo singulis momentis totam existentiam meam dependere, ut nihil evidentius, nihil certius ab humano ingenio cognosci possit confidam. Jamque videre videor aliquam viam, per quam ab ista contemplatione veri Dei, in quo nempe sunt omnes thesauri scientiarum & sapientiæ absconditi, ad cæterarum rerum cognitionem deveniatur.

Inprimis enim agnosco fieri non posse ut ille me unquam fallat; in omni enim fallacia vel deceptione aliquid imperfectionis reperitur; & quamvis posse fallere nonnullum esse videatur acuminis aut potentiæ argumentum, proculdubio velle fallere, vel malitiam vel imbecillitatem testatur, nec proinde in Deum cadit. Deinde experior quandam in me esse judicandi facultatem, quàm certè, ut & reliqua omnia quæ in me sunt, à Deo accepi; cumque ille nolit me fallere, talem professò non dedit, ut, dum eà recte utor, possim unquam errare. Nec ullum de hac re dubium, superesset, nisi inde sequi videretur, me igitur errare nunquam posse; nam si quodecunque in me est, à Deo habeo, nec ullam ille mihi dederit errandi facultatem, non videor posse unquam errare. Atque ita prorsus quamdiu de Deo tantum cogito, totusque in eum me converto, nullam erroris aut falsitatis causam deprehendo; sed postmodum ad me reversus experior me tamen innumeris erroribus esse obnoxium, quorum causam inquirens animadverto non tantum Dei, sive entis summè perfecti realem, & positivam, sed etiam, ut ita loquar, nihili, sive ejus quod ab omni perfectione summè abest, negativam quandam ideam mihi obversari, & me tanquam medium qui d inter Deum & nihil, sive inter summum ens & non ens ita esse constitutum, ut, quatenus à summo ente sum creatus, nihil quidem in me sit, per quod fallar, aut in errorem iuducar, sed quatenus etiam quodammodo de nihilo, sive de non ente participo, hoc est quatenus non sum ipse summum ens, desuntque mihi quamplurima, non adeò mirum esse

cffe

esse quod fallar: atque ita certè intelligo errorem, quatenus error est, non esse quid reale quod à Deo dependeat, sed tantummodo esse defectum, nec proinde ad errandum mihi opus esse aliqua facultate in hunc finem à Deo tributâ, sed contingere ut errem ex eo quod facultas verum judicandi quam ab illo habeo, non sit in me infinita. Veruntamen hoc nondum omnino satisfacit, non enim error est pura negatio, sed privatio, sive carentia cujusdam cognitionis, quæ in me quodammodo esse deberet; atque attendenti ad Dei naturam non videtur fieri posse, ut ille aliquam in me posuerit facultatem quæ non sit in suo genere perfecta, sive quæ aliqua sibi debita perfectione sit privata; nam si quod peritior est artifex, eò perfectiora opera ab illo proficiscantur, quid potest à summo illo rerum omnium conditore factum esse quod non sit omnibus numeris absolutum? nec dubium est quin potuerit Deus me talem creare ut nunquam fallerer; nec etiam dubium est quin velit semper id quod est optimum; anne ergo melius est me falli quàm non falli? Dum hæc perpendo attentius, occurrit primò, non mihi esse mirandum, si quædam à Deo fiant quorum rationes non intelligam; nec de ejus existentia ideo esse dubitandum, quod forte quædam alia esse experiar, quæ quare, vel quomodo ab illo facta sint non comprehendo; cum enim jam sciam naturam meam esse valde infirmam, & limitatam, Dei autem naturam esse immensam, incomprehensibilem, infinitam, ex hoc satis etiam scio innumerabilia illum posse quorum causas ignorem; atque ob hanc unicam rationem totum illud causarum genus quod à fine peri solet, in rebus Physicis nullum usum habere existimo; non enim absque temeritate me puto posse investigare fines Dei. Occurrit etiam non unam aliquam creaturam separatim, sed omnem rerum universitatem esse spectandam, quoties an opera Dei perfecta sint inquirimus: quod enim fortè non immeritò, si solum esset, valde imperfectum videretur, ut habens in mundo rationem partis est perfectissimum; & quamvis ex quo de omnibus volui dubitare, nihil adhuc præter me & Deum existerè certò cognovi, non possum tamen, ex quo immensam Dei potentiam animadverti, negare quin multa alia ab illo facta sint, vel saltem fieri possint, adeo ut ego rationem partim in rerum universitate obrineam. Deinde ad me propius accedens, & qualesnam sint errores mei (qui soli imperfectionem aliquam in me arguunt) investigans, adverte illos à duabus causis simul concurrentibus dependere, nempe à facultate cognoscendi quæ in me est, & à facultate eligendi, sive ab arbitrii libertate, hoc est, ab intellectu, & simul à voluntate; nam per solum intellectum percipio tantum ideas de quibus judicium ferre possum, nec ullus error propriè dictus in eo præcisè sic spectato reperitur; quamvis enim innumeræ fortasse res existant quarum ideæ nullæ in me sunt, non tamen propriè illis privatus, sed negativè tantum destitutus sum dicendus, quia nempe rationem nullam possum asserre, quæ mihi Deum mihi majorem quàm dederit cognoscendi facultatem dare debeat, atque quantumvis peritum artificem esse intelligam, non tamen ideo puto, illum in singulis

singulis ex suis operibus omnes perfectiones ponere debuisse quas in aliquibus po-
 nere potest: Nec verò etiam queri possum, quod non satis amplam & perfectam
 voluntatem, sive arbitrii libertatem à Deo acceperim: nam sane nullis illam li-
 mitibus circumscribi experior. Et quod valè notandum mihi videtur, nulla alia
 in me sunt tam perfecta, aut tanta, quin intelligam perfectiora, sive majora ad-
 huc esse posse; nam si, exempli causa, facultatem intelligendi considero, statim
 agnosco perexiguam illam, & valde finitam in me esse, simulque alterius cujus-
 dam multo majoris, imò maximæ, atque infinitæ ideam formo, illamque ex hoc
 ipso quod ejus ideam formare possum, ad Dei naturam pertinere percipio. Eadem
 ratione si facultatem recordandi, vel imaginandi, vel quaslibet alias examinem,
 nullam planè invenio quam non in me teneam, & circumscriptam, in Deo im-
 mensam esse intelligam; sola est voluntas, sive arbitrii libertas, quam tantam in
 me experior, ut nullius majoris ideam apprehendam; adeo ut illa præcipuè sit,
 ratione cujus imaginem quandam, & similitudinem Dei me referre intelligo:
 nam quamvis major absque comparatione in Deo quàm in me sit, tum ratione
 cognitionis & potentie quæ illi adjunctæ sunt, redduntque ipsam magis firmam
 & efficacem; tum ratione objecti, quoniam ad plura se extendit; non tamen in
 se formaliter & præcisè spectata major videtur, quia tantum in eo consistit quod
 idem vel facere, vel non facere (hoc est affirmare vel negare, prosequi vel fuge-
 re) possimus, vel potius in eo tantum quod ad id quod nobis ab intellectu pro-
 ponitur affirmandum vel negandum, sive prosequendum vel fugiendum, ita fera-
 mur, ut à nulla vi externa nos ad id determinari sentiamus. Neque enim opus
 est me in utramque partem ferri posse ut sim liber, sed contra quò magis in unam
 propendeo; sive quia rationem veri & boni in eâ evidenter intelligo, sive quia
 Deus intima cogitationis meæ ita disponit, tantò liberius illam eligo; nec sanè
 divina gratia, nec naturalis cognitio unquam imminuunt libertatem, sed potius
 augent, & corroborant. Indifferentia autem illa quam experior, cum nulla
 me ratio in unam partem magis quàm in alteram impellit, est infimus gradus li-
 bertatis, & nullam in ea perfectionem, sed tantummodò in cognitione defectum,
 sive negationem quamdam testatur; nam si semper quid verum & bonum sit
 clarè viderem, nunquam de eo quod esset judicandum vel eligendum delibera-
 rem; atque ita quamvis planè liber, nunquam tamen indifferens esse possem.
 Ex his autem percipio, nec vim volendi, quam à Deo habeo, per se spectatam
 causam esse errorum meorum; est enim amplissima, atque in suo genere perfe-
 cta; neque etiam vim intelligendi; nam quidquid intelligo, cum à Deo habeam
 ut intelligam, procul dubio recte intelligo, nec in eo fieri potest ut fallar: unde
 ergo nascuntur mei errores? nempe ex hoc uno, quod cum latius pateat volun-
 tas quam intellectus, illem non intra eosdem limites contineo, sed etiam ad illa
 quæ non intelligo extendo; ad quæ cum sit indifferens, facile à vero & bono de-
 viar, atque ita & fallor & pecco. Exempli causâ, cum examinarem hîc die-
 bus,

bus, an aliquid in mundo existeret, atque adverterem ex hoc ipso quod illud examinarem, evidenter sequi me existere, non potui quidem non judicare illud quod tam clare intelligebam verum esse, non quod ab aliqua vi externa fuerim ad id coactus, sed quia ex magna luce in intellectu magna consequuta est propensio in voluntate, atque ita tanto magis sponte & libere illud credidi, quanto minus fui ad istud ipsum indifferens. Nunc autem non tantum scio me, quatenus sum res quædam cogitans, existere, sed præterea etiam idea quædam nature corporeæ mihi observatur, contingitque ut dubitem an natura cogitans quæ in me est, vel potius quæ ego ipse sum, alia sit ab ista natura corporea, vel an ambæ idem sint; & suppono nullam adhuc intellectui meo rationem occurrere, quæ mihi unum magis quàm aliud persuadeat, ceterè ex hoc ipso sum indifferens ad utrumlibet affirmandum vel negandum, vel etiam ad nihil de eâ re judicandum. Quinimo etiam hæc indifferencia non adea tantum se extendit, de quibus intellectus nihil planè cognoscit, sed generaliter ad omnia quæ ab illo non satis perspicue cognoscuntur eo ipso tempore, quo de iis à voluntate deliberatur; quantumvis enim probabiles conjecturæ me trahant in unam partem, sola cognitio quod sint tantum conjecturæ, non autem certæ atque indubitabiles rationes, sufficit ad assensionem meam in contrarium impellendam: quod satis his diebus sum expertus, cum illa omnia quæ prius ut vera quàm maximè credideram, propter hoc unum quod de iis aliquo modo posse dubitari deprehendissem, planè falsa esse supposui. Cum autem quid verum sit, non satis clare & distincte percipio, si quidem à judicio ferendo abstineam, clarum est meretè agere, & non falli; sed si vel affirmem, vel negem, tunc libertate arbitrii non recte utor; atque si in eam partem quæ falsa est me convertam, planè fallor; si verò alteram amplectar, casu quidem incido in veritatem, sed non ideo culpa carebo, quia lumine naturali manifestum est, perceptionem intellectus præcedere semper debere voluntatis determinationem; atque in hoc liberi arbitrii non recto usu privatio illa inest quæ formam erroris constituit, privatio, inquam, inest in ipsa operatione quatenus à me procedit, sed non in facultate quàm à Deo accepi nec etiam in operatione, quatenus ab illo dependet: neque enim habeo causam ullam conquærendi, quod Deus mihi non majorem vim intelligendi, sive non majus lumen naturale dederit quàm dedit, quia est de ratione intellectus finis ut multa non intelligat, & de ratione intellectus creati ut sit finitus; estque quod agam gratias illi qui mihi nunquam quicquam debuit pro eo quod largitus est, non autem quòd putem me ab illo iis esse privatum, sive illum mihi ea abstulisse quæ non dedit. Non habeo etiam causam conquærendi quod voluntatem dederit latius parentem quàm intellectum, cum enim voluntas in una tantum re, & tanquam in indivisibili consistat, non videtur ferre ejus natura ut quicquam ab illa demi possit; & sanè quo amplior est, tantò majores debeo gratias ejus dari. Nec denique etiam queri debeo, quòd Deus mecum concurrat ad eliciendos illos

actus voluntatis five illa judicia in quibus fallor: illi enim actus sunt omnino veri, & boni, quatenus à Deo dependent, & major in me quodammodo perfectio est, quod illos possim elicere quàm si non possem; privatio autem, in qua sola ratio formalis falsitatis & culpæ consistit, nullo Dei concursu indiget, quia non est res, neque ad illum relata ut causam privatio, sed tantummodò negatio dici debet, nam sanè nulla imperfectio in Deo est, quod mihi libertatem dededit assentiendi vel non assentiendi quibusdam, quorum claram & distinctam perceptionem in intellectu meo non posuit, sed proculdubio in me imperfectio est, quod ista libertate non bene utar, & de iis quæ non rectè intelligo iudicium feram. Video tamen fieri à Deo facile potuisse ut etiamsi manerem liber, & cognitionis finitæ, nunquam tamen errarem, nempe si vel intellectui meo claram & distinctam perceptionem omnium de quibus unquam essem deliberaturus indidisset; vel tantum si adeò firmiter memoriæ impressisset de nulla unquam re esse iudicandum quam clarè & distinctè non intelligerem, ut nunquam ejus possem oblivisci; & facile intelligo me, quatenus rationem habeo totius cujusdam, perfectiorem futurum fuisse, quàm nunc sum, si talis à Deo factus essem. Sed non ideo possum negare quin major quodammodo perfectio sit in tota rerum universitate, quòd quedam ejus partes ab erroribus immunes non sint, aliæ verò sint, quàm si omnes planè similes essent, & nullum habeo jus conquerendi, quod eam me Deus in mundo personam sustinere voluerit, quæ non est omnium præcipua, & maxime perfecta, ac præterea etiam ut non possim ab erroribus abstinere, priori illo modo qui pender abevidenti eorum omnium perceptione, de quibus est deliberandum, possum tamen illo altero qui pender ab eo tantum quod recorder quoties de rei veritate non liquet, à iudicio ferendo esse abstinendum; nam quamvis eam in me infirmitatem esse experiar, ut non possim semper uni & eidem cognitioni defixus inhaerere, possum tamen attentè & sæpius iteratà meditatione efficere ut ejusdem, quoties usus exiget, recorder, atque ita habitum quamdam non errandi acquiram: quæ in re cùm maxima & præcipua hominis perfectio consistat, non parum me hodierna meditatione lucraturum esse existimo, quod erroris & falsitatis causam investigarim: & sanè nulla alia esse potest ab ea quam explicui; nàm quoties voluntatem in judiciis ferendis ita contineo, ut ad ea tantum se extendat quæ illi clarè & distinctè ab intellectu exhibentur, fieri planè non potest ut errem, quia omnis clara, & distincta perceptio proculdubio est aliquid, ac proinde à nihilo esse non potest, sed necessariò Deum auctorem habet, Deum, inquam, illum summè perfectum, quem fallacem esse repugnat; ideoque proculdubio est vera. Nec hodie tantum didici quid mihi sit cavendum ut nunquam fallar, sed simul etiam quid agendum ut assequar veritatem; assequar enim illam profectò, si tantum ad omnia quæ perfectè intelligo satis attendam, atque illa à reliquis quæ confusius & obscurius apprehendo, secernam. Cui rei diligenter imposterum operam dabo.

MEDI-

*De Essentia rerum materialium, & iterum de
Deo quod existat.*

Multa mihi supersunt de Dei attributis, multa de mei ipsius, sive mentis meæ natura investiganda, sed illa fortè alias resumi, jamque nihil magis urgere videtur (postquam animadverti quid cavendum atque agendum sit ad assequendam veritatem) quàm ut ex dubiis, in quæ superioribus diebus incidi, coner emergere, videamque an aliquid certi de rebus materialibus haberi possit. Et quidem priusquam inquiram, an aliquæ tales res extra me existant, considerare debeo illarum ideas quatenus sunt in mea cogitatione, & videre, quamnam ex iis sint distinctæ, quamnam confusæ. Nempe distincte imaginor quantitatem, quam vulgo Philosophi appellant continuam, sive ejus quantitatis, aut potius rei quantæ extensionem in longum, latum, & profundum; numero in eâ varias partes; quaslibet istis partibus magnitudines, figuras, situs, & motus locales, motibusque istis quaslibet durationes assigno. Nec tantùm illa sic in genere spectata mihi planè nota & perspecta sunt, sed præterea etiam particularia innumera de figuris, de numero, de motu, & similibus attendendo percipio, quorum veritas adeò aperta est, & naturæ meæ consentanea, ut dum illa primum detego, non tam videar aliquid novi addicere, quàm eorum quæ jam antesciebam reminisci, sive ad ea primum advertere quæ dudum quidem in me erant, licet non prius in illa obtutum mentis convertissem. Quodque hic maximè considerandum puto, invenio apud me innumeras ideas quarundam rerum, quæ etiamsi extra me fortasse nullibi existant, non tamen dici possunt nihil esse; & quanvis à me quodammodo ad arbitrium cogitentur, non tamen à me finguntur, sed suas habent veras & immutabiles naturas: ut cum, exempli causa, triangulum imaginor, etsi fortasse nullis figura nullibi gentium extra cogitationem meam existat, nec unquam extiterit, est tamen perfectò determinata quædam ejus natura, sive essentia, sive forma, immutabilis & æterna, quæ à me non efficta est, nec à mente mea dependet, ut patet ex eo quod demonstrari possint variæ proprietates de isto triangulo, nempe quod ejus tres anguli sint æquales duobus rectis; quod maximo ejus angulo maximum latus subtendatur, & similes, quas velim nolim clarè nunc agnoscere, etiamsi de iis nullo modo antea cogitârim cum triangulum imaginatus sum, nec proinde à me fuerint effictæ. Neque ad rem attinet, si dicam, mihi fortè à rebus externis per organa sensuum istam trianguli ideam advenisse, quia nempe corpora triangularem figuram habentia interdum vidi; possum enim alias innumeras figuras excogitare, de quibus nulla suspicio esse potest quod mihi unquam per sensus illapsæ sint, & tamen variæ de iis, non minus quàm de triangulo,

gulo, proprietates demonstrare: quæ sane omnes sunt veræ, quandoquidem à me clarè cognoscuntur, ideoque aliquid sunt, non merum nihil: patet enim illud omne quod verum est, esse aliquid; & jam fusè demonstravi illa omnia quæ clarè cognosco esse vera; atque quamvis id non demonstrâsem, ea certe est natura mentis meæ, ut nihilominus non possem iis non assentiri, saltem quamdiu ea clarè percipio; meminique me semper, etiam ante hoc tempus, cum sensuum objectis quàm maxime inhaererem, ejusmodi veritates, quæ nempe de figuris, aut numeris, aliisve ad Arithmeticam, vel Geometriam, vel in genere ad puram atque abstractam Mathesim pertinentibus evidenter agnoscebam, pro omnium certissimis habuisse. Jam verò si ex eo solo, quod alicujus rei ideam possum ex cogitatione mea depromere, sequitur, ea omnia quæ ad illam rem pertinere, clarè & distinctè percipio, revera ad illam pertinere, nunquid inde haberi etiam potest argumentum quo Dei existentia probetur? Certe ejus ideam, nempe entis summè perfecti, non minus apud me invenio, quàm ideam cujusvis figuræ aut numeri; nec minus clarè & distinctè intelligo ad ejus naturam pertinere ut semper existat, quàm id quod de aliqua figura aut numero demonstrato ad ejus figuræ aut numeri naturam etiam pertinere; ac proinde, quamvis non omnia quæ superioribus hisce diebus meditatús sum vera essent, in eodem ad minimum certitudinis gradu esse deberet apud me Dei existentia, in quo fuerunt hæcenus Mathematicæ veritates. Quamquam sane hoc prima fronte non est omnino perspicuum, sed quandam sophismatis speciem refert. Cum enim assuetus sim in omnibus aliis rebus existentiam ab essentia distinguere, facile mihi persuadeo illam etiam ab essentia Dei sejungi posse, atque ita Deum ut non existentem cogitari: sed tamen diligentius attendenti fit manifestum, non magis posse existentiam ab essentia Dei separari, quàm ab essentia trianguli magnitudinem trium ejus angulorum aequalium duobus rectis, sive ab idea montis ideam vallis: adeo ut non magis repugnet cogitare Deum (hoc est ens summè perfectum) cui desit existentia (hoc est cui desit aliqua perfectio) quàm cogitare montem cui desit vallis. Verum tamen ne possum quidem cogitare Deum nisi existentem, ut neque montem sine valle, at certe ut neque ex eo quod cogitem montem cum valle, ideo sequitur aliquem montem in mundo esse, ita neque ex eo quod cogitem Deum ut existentem, ideo sequi videtur, Deum existere: nullam enim necessitatem cogitatio mea rebus imponit; & quemadmodum imaginari licet equum alatum, etsi nullus equus habeat alas, tamen mente Deo existentiam possum affingere, quamvis nullus Deus existat. Imo suprema hic latet, neque enim ex eo quod non possum cogitare montem nisi cum valle, sequitur alicubi montem & vallem existere, sed tantum montem & vallem, sive existant, sive non existant, à se mutuo sejungi non posse; atqui ex eo quod non possum cogitare Deum nisi existentem, sequitur existentiam à Deo esse separabilem, ac proinde illum revera existere, non quod mea cogitatio hoc efficiat,

efficiat, sive aliquam necessitatem illi rei imponat, sed contra quia ipsius rei, nempe, existentie Dei, necessitas me determinat ad hoc cogitandum: neque enim mihi liberum est Deum absque existentia (hoc est ens summè perfectum absque summa perfectione) cogitare, ut liberum est, equum vel cum alis vel sine alis imaginari. Neque etiam huc dici debet, necesse quidem esse ut ponam Deum existentem, postquam posui illum habere omnes perfectiones, quandoquidem existentia una est ex illis; sed priorem positionem necessariam non fuisse: ut neque necesse est me putare figuras omnes quadrilateras circulo inscribi; sed posito quod hoc putem, necesse erit me fateri rhombum circulo inscribi, quo aperte tamen est falsum. Nam quamvis non necesse sit, ut incidam unquam in usum de Deo cogitationem; quoties tamen de ente primo & summo libet cogitare, atque ejus ideam tanquam ex mentis meae thesauro depromere, necesse est, ut illi omnes perfectiones attribuam, etsi nec omnes tunc enumerem, nec ad singulas attendam: quæ necessitas plane sufficit, ut postea, cum animadverto existentiam esse perfectionem, recte concludam, ens primum & summum existere: quemadmodum non est necesse me ullum triangulum unquam imaginari, sed quoties volo figuram rectilineam tres tantum angulos habentem considerare, necesse est, ut illi ea tribuam, ex quibus rectè inferitur, ejus tres angulos non majores esse duobus rectis, etiamsi hoc ipsum tunc non advertam. Cum verò examino, quænam figuræ circulo inscribantur, nullo modo necesse est ut putem omnes quadrilateras ex eo numero esse; imò etiam idipsum nequidem fingere possum, quandiu nihil volo admittere nisi quod clare & distincte intelligo: ac proinde magna differentia est inter ejusmodi falsas positiones, & ideas veras mihi ingenitas, quarum prima & præcipua est idea Dei: nam sanè multis modis intelligo illam non esse quid fictitium à cogitatione mea dependens, sed imaginem veræ & immutabilis naturæ; ut, primo, quia nulla alia res potest à me excogitari, ad cujus essentiam existentia pertineat, præter solum Deum; deinde quia non possum duos aut plures ejusmodi Deos intelligere; & quia posito quod jam unus existat, planè videam esse necessarium ut & ante ab æterno existerit, & in æternum sit mansurus: ac denique quod multa alia in Deo percipiam quorum nihil à me detrahi potest, nec mutari.

Sed verò quacumque tandem utar probandi ratione, semper eò res redit, ut ea me sola planè persuadeant quæ clare & distincte percipio. Et quidem ex his jure ita percipio etsi nonnulla unicuique obvia sint, alia verò non nisi ab iis qui propius inspicunt, & diligenter investigant, deteguntur; postquam tamen detecta sunt hæc non minus certa quàm illa existimantur. Ut quamvis non tam facile appareat in triangulo rectangulo quadratum basis æquale esse quadratis laterum, quam istam basim maximo ejus angulo subtrahendi, non tamen minus creditur postquam semel est perspectum. Quod autem ad Deum attinet, certe nisi præjudiciis obstruer, & rerum sensibilibus imagines cogitationem meam omni ex parte obsideras,

nil illo prius, aut facilius agnoscerem: nam quid ex se est apertius, quàm summum ens esse, sive Deum ad cuius solius essentiam existentia pertinet, existere? Atque quamvis mihi attentata consideratione opus fuerit ad hoc ipsum percipiendum, nunc tamen non modò de eo æquè certus sum, ac de omni alio quod certissimum videtur; sed præterea etiam animadverto cæterarum rerum certitudinem ab hoc ipso ita pendere, ut absque eo nihil unquam perfectè sciri possit.

Etsi enim ejus sim naturæ, ut quamdiu aliquid valde clarè & distinctè percipio, non possim non credere verum esse, quia tamen ejus etiam sum naturæ, ut non possim obtutum mentis in eandem rem semper defigere ad illam clarè percipiendam, recurratque sæpe memoria judicii ante facti, cum non amplius attendo ad rationes propter quas tale quid judicavi, rationes aliæ afferri possunt, quæ me, si Deum ignorarem, facile ab opinione dejicerent, atque ita de nulla unquam re veram & certam scientiam, sed vagas tantum & mutabiles opiniones haberem. Sic, exempli causa, eum naturam trianguli considero, evidentissimè quidem mihi, utpote Geometriæ principiis imbuto, apparet ejus tres angulos æquales esse duobus rectis; nec possum non credere id verum esse quamdiu ad ejus demonstrationem attendo, sed statim atque mentis aciem ab illa deflexi, quantumvis adhuc recorder me illam clarissime perspexisse, facile tamen potest accidere, ut dubitem an sit vera, siquidem Deum ignorem: possum enim mihi persuadere, metalem à natura factum esse, ut interdum in iis fallar quæ me puto quàm evidentissime percipere, cum præsertim meminerim me sæpe multa pro veris & certis habuisse, quæ postmodum aliis rationibus adductus falsa esse judicavi.

Postquam verò percipi Deum esse, quia simul etiam intellexi cætera omnia ab eo pendere, illumque non esse fallacem; atque inde collegi, illa omnia quæ clarè & distinctè percipio necessariò esse vera, etiamsi non attendam amplius ad rationes propter quas istud verum esse judicavi, modò tantum recorder me clarè & distinctè perspexisse, nulla ratio contraria afferri potest quæ me ad dubitandum impellat, sed veram & certam de hoc habeo scientiam; neque de hoc tantum, sed & de reliquis omnibus quæ memini me aliquando demonstrasse, ut de Geometricis & similibus: quid enim nunc mihi opponetur? Méne talem factum esse ut sæpe fallar? At jam scio, me in iis quæ perspicue intelligo falli non posse: méne multa aliàs pro veris & certis habuisse, quæ postea falsa esse deprehendi? atqui nulla ex iis clarè & distinctè perceperam, sed hujus regulæ veritatis ignarus ob alias causas forte credideram, quas postea minus firmas esse detexi. Quid ergo dicetur? anne (ut nuper mihi objiciebam) me forte somnare, sive illa omnia quæ jam cogito non magis vera esse quàm ea quæ

quæ dormienti occurrunt? imò etiam hoc nihil mutat, nam certe quamvis somniam, si quid intellectui meo sit evidens, illud omnino est verum.

Atque ita planè video, omnis scientiæ certitudinem & veritatem ab una veri Dei cognitione pendere, adeo ut priusquam illum nòsem, nihil de ulla alia re perfectè scire poterim. Jam verò innumera tum de ipso Deo, aliisque rebus intellectualibus, tum etiam de omni illa natura corporea, quæ est puræ Mathematicæ objectum, mihi plane nota & certa esse possunt.

M E D I T A T I O. VI.

*De rerum materialium existentia, & reali mentis
à corpore distinctione.*

Reliquum est ut examinem, an res materiales existant: & quidem jam ad minimum scio illas, quatenus sunt puræ Mathematicæ objectum, posse existere, quandoquidem ipsas clare & distinctè percipio. Non enim debium est, quin Deus sit capax ea omnia efficiendi quæ ego sic percipiendi sum capax; nihilque unquam ab illo fieri non posse judicavi, nisi propter hoc quod illud à me distinctè percipi repugnaret. Præterea ex imaginandi facultate, qua me uti experior dum circa res istas materiales versor, sequi videtur illas existere: nam attentius consideranti quidnam sit imaginatio, nihil aliud esse apparet quàm quædam applicatio facultatis cognoscitivæ ad corpus ipsi intimè præsens ac proinde existens.

Quod ut planum fiat, primò examino differentiam, quæ est inter imaginationem & puram intellectionem. Nempe, exempli causa; cum triangulum imaginor, non tantùm intelligo illud esse figuram tribus lineis comprehensam, sed simul etiam istas tres lineas tanquam præsentès acie mentis intueor; atque hoc est quod imaginari appello. Si verò de chiliogono velim cogitare, equidem æque bene intelligo illud esse figuram constantem mille lateribus, ac intelligo triangulum esse figuram constantem tribus, sed non eodem modo illa mille latera imaginor, sive tanquam præsentia intueor: & quamvis tunc, propter consuetudinem aliquid semper imaginandi, quoties de re corporea cogito, figuram forte aliquam confusè mihi repræsentem, patet tamen illam non esse chiliogonum, quia nulla in re est diversa ab ea quam mihi etiam repræsentarem, si de myriogono, aliave quavis figura plurimorum laterum cogitarem; nec quicquam juvat ad eas proprietates, quibus chiliogonum ab aliis polygonis differt, agnoscendas. Si verò de pentagono quæstio sit, possum quidem ejus figuram intelligere, sicut figuram chiliogoni, absque ope imaginationis; sed possum etiam eandem imaginari, applicando scilicet aciem mentis ad ejus quinque latera, simulque ad aream iis contentam; & manifestè hæc animadverto, mihi p-

culiari quadam animi contentione opus esse ad imaginandum; qua non utor ad intelligendum: quæ nova animi contentio differentiam inter imaginationem & intellectionem puram clare ostendit. Ad hæc considero istam vim imaginandi quæ in me est, prout differt à vi intelligendi, ad me ipsius, hoc est, ad mentis meæ essentiam non requiri; nam quamvis illa à mei abesse, proculdubio manerem nihilominus ille idem, qui nunc sum; unde sequi videretur, illam ab aliqua re à me diversa pendere; atque facile intelligo: si corpus aliquod existat cui mens sit ita conjuncta ut ad illud veluti inspiciendum pro arbitrio se applicet, fieri posse, ut per hoc ipsum res corporeas imaginer; adeo ut hic modus cogitandi in eo tantum à pura intellectione differat, quod mens, dum intelligit, se ad seipsam quodammodo convertat, respiciatque aliquam ex ideis, quæ illi ipsi insunt; dum autem imaginatur, se convertat ad corpus, & aliquid in eo ideæ vel à se intellectæ, vel sensu perceptæ conformiter intueatur. Facile, inquam, intelligo imaginationem ita perfici posse, siquidem corpus existat; & quia nullus alius modus æque conveniens occurrit ad illam explicandam, probabiliter inde conjicio corpus existere; sed probabiliter tantum, & quamvis accuratè omnia investigem, nondum tamen video ex ea naturæ corporeæ idea distincta, quam in imaginatione mea invenio, ullum sumi posse argumentum quod necessariò concludat aliquod corpus existere.

Soleo verò alia multa imaginari præter illam naturam corpoream, quæ est puræ Mathematicæ objectum, ut colores, sonos, sapores, dolorem, & similia, sed nulla tam distinctè; & quia hæc percipio melius sensu, à quo videntur ope memoriæ ad imaginationem pervenisse; ut commodius de ipsis agam, eadem opera etiam de sensu est agendum, videndumque an ex iis quæ isto cogitandi modo, quem sensum appello, percipiuntur, certum aliquod argumentum pro rerum corporearum existentia habere possim. Et primò quidem apud me hic repetam quænam illa sint quæ antehac ut sensu percepta vera esse putavi, & quas ob causas id putavi; deinde etiam causas expendam, propter quas eadem postea in dubium revocavi; ac denique considerabo quid mihi nunc de iisdem sit credendum. Primo itaque sensui me habere caput, manus, pedes, & membra cætera, ex quibus constat illud corpus quod tanquam mei partem, vel forte etiam tanquam me totum spectabam; sensuique hoc corpus inter alia multa corpora versari, à quibus variis commodis vel incommodis affici potest, & commoda illa sensu quodam voluptatis, & incommoda sensu doloris metiebar. Atque præter dolorem & voluptatem sentiebam etiam in me famem, sitim, aliosque ejusmodi appetitus; itemque corporeas quasdam propensiones ad hilaritatem, ad tristitiam, ad iram, similesque alios affectus; foris verò, præter corporum extensionem, & figuras, & motus, sentiebam etiam in illis duritiem, & calorem, aliasque tactiles qualitates; ac præterea lumen, & colores, & odores, & sapores, & sonos, ex quorum varietate cælum, terram, maria, & reliqua corpora ab invicem

vicem distinguebam, nec sane absque ratione ob ideas istarum omnium qualitarum quæ cogitationi meæ se offerebant, & quas solas proprie & immediate sentiebam; putabam me sentire res quasdam à mea cogitatione planè diversas, nempe corpora à quibus ideæ istæ procederent; experiebar enim illas, absque ullo meo consensu mihi advenire, adeo ut neque possem objectum ullum sentire, quamvis vellem, nisi illud sensus organo esset præsens; nec possem non sentire cum erat præsens; cumque ideæ sensu perceptæ essent multo magis vividæ & expressæ, & suo etiam modo magis distinctæ, quàm ullæ ex iis quas ipse prudens & sciens meditando effingebam, vel memoriæ meæ impressas advertebam, fieri non posse videbatur ut à meipso procederent; ideoque supererat ut ab aliis quibusdam rebus advenirent: quarum rerum cum nullam aliunde notitiam haberem quàm ex istis ipsis ideis, non poterat aliud mihi venire in mentem quàm illas iis similes esse: Atque etiam quia recordabar me prius usum fuisse sensibus quàm ratione, videbamque ideas quas ipse effingebam non tam expressas esse, quàm illæ erant quas sensu percipiebam, & plerumque ex earum partibus componi, facile mihi persuadebam, nullam planè me habere in intellectu, quam non prius habuissem in sensu. Non etiam sine ratione corpus illud, quod speciali quodam jure meum appellabam, magis ad me pertinere quàm alia ulla arbitrabar; neque enim ab illo poteram unquam se jungi, ut à reliquis; omnes appetitus & affectus in illo & pro illo sentiebam; ac denique dolorem & titillationem voluptatis in ejus partibus, non autem in aliis extra illud positis advertebam. Cur vero ex isto nescio quo doloris sensu quædam animi tristitia, & ex sensu titillationis latitrix quædam consequatur, curve illa nescio quæ vellicatio ventriculi, quam famem voco, me de cibo sumendo admoneat, gutturis verò ariditas de potu, & ita de cæteris, non aliam sanè habebam rationem, nisi quia ita doctus sum à natura; neque enim ulla planè est affinitas (saltem quam ego intelligam) inter istam vellicationem, & cibi sumendi voluntatem, sive inter sensum rei dolorem inferentis, & cogitationem tristitiæ ab illo sensu exortæ. Sed & reliqua omnia quæ de sensuum objectis judicabam, videbar à natura didicisse: prius enim illa ita se habere mihi persuaseram, quàm rationes ullas, quibus hoc ipsum probareretur, expendissem.

Postea verò multa paulatim experimenta fidem omnem quam sensibus habueram labefecerunt: nam & interdum turres quæ rotundæ visæ fuerant è longinquo, quadratæ apparebant è propinquo, & statuæ permagnæ in earum fastigiis stantes, non magnæ è terra spectanti videbantur; & talibus aliis innumeris in rebus sensuum externorum judicia falli deprehendebam; nec externorum duntaxat, sed etiam internorum: nam quid dolore intus esse potest? atqui audiveram aliquando ab iis quibus crus aut brachium fuerat abscissum, se sibi videri adhuc interdum dolorem sentire in ea parte corporis quæ

carebant; ideoque etiam in me non plane certum esse videbatur membrum aliquod mihi dolere, quamvis sentirem in eo dolorem. Quibus etiam duas maxime generales dubitandi causas nuper adjeci: prima erat, quod nulla unquam dum vigilo me sentire crediderim, quæ non etiam inter dormiendum possim aliquando putare me sentire; cumque illa quæ sentire mihi videor in somnis, non credam à rebus extra me positis mihi advenire, non advertebam, quare id potius crederem de iis quæ sentire mihi videor vigilando. Altera erat, quod cum auctorem meæ originis adhuc ignotarem, vel saltem ignorare me fingerem, nihil videbam obflare quo minus essent natura ita constitutus ut salterer, etiam in iis quæ mihi verissima apparebant. Et quantum ad rationes quibus antea rerum sensibilibus veritatem mihi persuaseram, non difficulter ad illas respondebam. Cum enim viderer ad multa impelli à natura quæ ratio dissuadebat, non multum fidendum esse putabam iis quæ à natura doentur. Et quamvis sensuum perceptiones à voluntate mea non penderent, non ideo concludendum esse putabam illas à rebus à me diversis procedere, quia forte aliqua esse potest in meipso facultas, etsi mihi nondum cognita, illarum effectrix.

Nunc autem postquam incipio meipsum, meæque auctorem originis melius nōsse, non quidem omnia quæ habere videor à sensibus, puto esse temere admittenda; sed neque etiam omnia in dubium revocanda.

Et primò quoniam scio omnia quæ clarè & distinctè intelligo, talia à Deo fieri posse qualia illa intelligo, satis est quòd possum unam rem absque alterà clarè & distinctè intelligere, ut certus sim unam ab altera esse diversam, quia potest saltem à Deo seorsim poni; & non refert à qua potentia id fiat, ut diversa existimetur; ac proinde ex hoc ipso quod sciam me existere, quodque interim nihil planè aliud ad naturam sive essentiam meam pertinere animadvertam, præter hoc solum quod sim res cogitans, rectè concludo, meam essentiam in hoc uno consistere, quod sim res cogitans. Et quamvis fortasse (vel potius ut postmodum dicam, pro certo) habeam corpus quod mihi valde arctè conjunctum est, quia tamen ex una parte claram & distinctam habeo ideam mei ipsius quatenus sum tantum res cogitans, non extensa; & ex alia parte distinctam ideam corporis quatenus est tantum res extensa, non cogitans, certum est me à corpore meo revera esse distinctum, & absque illo posse existere.

Præterea invenio in me facultates specialibus quibusdam modis cogitandi præditas, puta facultates imaginandi, & sentiendi, sine quibus totum me possum clarè & distinctè intelligere, sed non vice versà illas sine me, hoc est, sine substantia intelligente cui insunt: intellectionem enim nonnullam in suo formali conceptu includunt, unde percipio illas à me, ut modos à re distinguui. Agnosco

Agnosco etiam quasdam alias facultates, ut locum mutandi, varias figuras induendi, & similes, quæ quidem, non magis quam præcedentes, absque aliqua substantia cui insint possunt intelligi, nec proinde etiam absque illa existere: Sed manifestum est has, siquidem existant, inesse debere substantiæ corporeæ sive extensæ, non autem intelligenti, quia nempe aliqua extensio, non autem ulla plane intellectio in earum claro & distincto conceptu continetur. Jam vero est quidem in me passiva quædam facultas sentiendi, sive ideas rerum sensibilem recipiendi & cognoscendi, sed ejus nullum usum habere possem, nisi quædam activa etiam existeret, sive in me, sive in alio, facultas istas ideas producendi, vel efficiendi. Atque hæc sanè in me ipso esse non potest, quia nullam plane intellectioem præsupponit, & me non cooperante, sed sæpe etiam invito ideæ istæ producuntur: ergo superest ut sit in aliqua substantia à me diversa, in qua quoniam omnis realitas vel formaliter vel eminenter inesse debet, quæ est objective in ideis ab ista facultate productis, (ut jam supra animadverti) vel hæc substantia est corpus, sive natura corporea, in qua nempe omnia formaliter continentur quæ in ideis objective; vel certe Deus est, vel aliqua creatura corpore nobilior, in qua continentur eminenter: atqui cum Deus non sit fallax, omnino manifestum est illum nec per se immediatè istas ideas mihi immittere, nec etiam mediante aliqua creatura, in qua earum realitas objectiva non formaliter, sed eminenter tantum contineatur. Cum enim nullam plane facultatem mihi dederit ad hoc agnoscendum, sed contra, magnam propensionem ad credendum illas à rebus corporeis emitti, non video qua ratione posset intelligi ipsum non esse fallacem, si aliunde quàm à rebus corporeis emitterentur: Ac proinde res corporeæ existunt. Non tamen forte omnes tales omnino existunt, quales illas sensu comprehendo; quoniam ista sensuum comprehensio in multis valdè obscura est, & confusa; sed saltem illa omnia in iis sunt quæ clare & distincte intelligo, id est, omnia generaliter spectata quæ in puræ Mathematicos objecto comprehenduntur.

Quantum autem attinet ad reliqua quæ vel tantum particularia sunt, ut quod sol sit talis magnitudinis, aut figuræ &c. vel minus clare intellecta, ut lumen, sonus, dolor, & similia, quamvis valde dubia & incerta sint, hoc tamen ipsum quod Deus non sit fallax, quodque idcirco fieri non possit, ut ulla falsitas in meis opinionibus reperiatur, nisi aliqua etiam sit in me facultas à Deo tributa ad illam emendandam, certam mihi spem ostendit veritatis etiam in iis assequendæ. Et sane non dubium est, quin ea omnia quæ doceor à natura aliquid habeant veritatis: Per naturam enim generaliter spectatam nihil nunc aliud quàm vel Deum ipsum, vel rerum creaturarum coordinationem à Deo institutam intelligo; nec aliud per naturam meam in particulari, quàm complexionem eorum omnium quæ mihi à Deo sunt tributa.

Nihil autem est quod me ista natura magis expressè doceat quàm quòd habeam corpus, cui malè est cum dolore sentio: quod cibo vel potu indiger, cum famem aut sitim patior, & similia; nec proinde dubitare debeo quin aliquid in eo sit veritatis.

Docet etiam natura per istos sensus doloris, famis, sitis, &c. Me non tantùm adesse meo corpori ut nauta adest navigio, sed illi archissimè esse conjunctum, & quasi permixtum, adeo ut unum quid cum illo componam; alioqui enim cum corpus læditur, ego, qui nihil aliud sum quàm res cogitans, non sentirem idcirco dolorem, sed puro intellectu læsionem istam perciperem, ut nauta visu percipit, si quid in nave frangatur; & cum corpus cibo vel potu indiget, hoc ipsum expressè intelligerem, non confusus famis & sitis sensus haberem. Nam certè isti sensus sitis, famis, doloris, &c. nihil aliud sunt quàm confusi quidam cogitandi modi, ab unione & quasi permixtione mentis cum corpore exorti.

Præterea etiam doceor à natura varia circa meum corpus alia corpora existere, ex quibus nonnulla mihi prosequenda sunt, alia fugienda. Et certe ex eo quod valdè diversos sententiam colores, sonos, odores, sapores, calorem, durtitiam, & similia, rectè concludo, aliquas esse in corporibus, à quibus variaz istaz sensuum perceptiones adveniunt, varietates iis respondentes, etiamsi fortè iis non similes; atque ex eo quod quædam ex illis perceptionibus, mihi gratæ sint, aliæ ingratae, plane certum est meum corpus, sive potius me totum, quatenus ex corpore & mente sum compositus, variis commodis & incommodis à circumjacentibus corporibus affici posse.

Multa verò alia sunt quæ etsi videar à natura doctus esse, non tamen reverà ab ipsa, sed à consuetudine quadam inconsideratè judicandi accepi, atque ideo falsa esse facile contingit; ut quod omne spatium, in quo nihil planè occurrit quod meos sensus moveat sit vacuum; quod in corpore, exempli gratiâ, calido aliquid sit planè simile idæz caloris quæ in me est: in albo aut viridi sit eadem albedo aut viriditas quam sentio; in amaro aut dulci idem sapor, & sic de cæteris; quod & astra & turres, & quævis alia remota corpora quæ ad tantum magnitudinis & figuræ, quam sensibus meis exhibent, & alia ejusmodi. Sed ne quid in hac re non satis distinctè percipiam, accuratius debeo definire quid propriè intelligam, cum dico me aliquid doceri à natura; nempe hanc naturam strictius sumo, quàm pro complexione eorum omnium quæ mihi à Deo tributa sunt; in hac enim complexione multa continentur quæ ad mentem solam pertinent, ut quòd percipiam, id quod factum est insectum esse non possit, & reliqua omnia quæ lumini naturali sunt nota, de quibus huc non est sermo; multa etiam quæ ad solum corpus spectant, ut quòd deorsum tendat, & similia, de quibus etiam non ago, sed de iis tantum quæ mihi ut composito ex mente

mente & corpore à Deo tributa sunt : ideoque hæc natura docet quidem ea re-
fugere quæ sensum doloris inferunt, & ea prosequi quæ sensum voluptatis, &
talita : sed non apparet, illam præterea nos docere, ut quicquam ex istis sensuum
perceptionibus sine prævio intellectus examine de rebus extra nos positis con-
cludamus, quia de iis verum scire ad mentem solam, non autem ad compositum
videtur pertinere. Ita quamvis stella non magis oculum meum quàm ignis
exiguæ facis afficiat, nulla tamen in eo realis sive positiva propensio est ad cre-
dendum, illam non esse majorem, sed hoc sine ratione ab ineunte ætate judi-
cavi; & quamvis ad ignem accedens sentio calorem, ut etiam ad eundem ni-
mis prope accedens sentio dolorem, nulla profectò ratio est quæ suadeat in igne
aliquid esse simile istî calori; ut neque etiam istî dolori : sed tantummodò in
eo aliquid esse, quodcunque demum sit, quod istos in nobis sensus caloris vel do-
loris efficiat : & quamvis etiam in aliquo spatio nihil sit quod moveat sensum,
non ideo sequitur in eo nullum esse corpus, sed video me in his aliisque per-
multis ordinem naturæ pervertere esse assuetum, quia nempe sensuum percep-
tionibus, quæ propriè tantum à natura datæ sunt ad menti significandum quæ-
nam composito, cujus pars est, commoda sint vel incommoda, & ætænis sunt
facis claræ & distinctæ, utor tanquam regulis certis ad immediatè dignoscen-
dum, quænam sit corporum extra nos positorum essentia, de qua tamen nihil ni-
si valde obscurè & confusè significant.

Atqui jam ante satis perspexi qua ratione, non obstante Dei bonitate, ju-
dicia mea falsa esse contingat. Sed nova hic occurrit difficultas circa illa ipsa
quæ tanquam persequenda vel fugienda mihi à natura exhibentur; atque etiam
circa internos sensus in quibus errores videor deprehendisse: Ut cum quis grato
cibi alicujus sapore delusus venenum intus latens assumit : Sed nempe tunc tan-
tum à natura impellitur ad illud appetendum in quo gratus sapor consistit; non
autem ad venenum quod plane ignorat; nihilque hinc aliud concludi potest
quàm naturam istam non esse omnisciam: quod non mirum, quia cum homo
sit res limitata, non alia illi competit quàm limitata perfectionis.

At vero non raro etiam in iis erramus ad quæ à natura impellimur; ut cum
ii qui ægrotant, potum vel cibum appetunt sibi paulò post nociturum. Dic i
forsan hic poterit illos ob id errare, quod natura eorum sit corrupta; sed hoc
difficultatem non tollit, quia non minus verè homo ægrotus creatura Dei est
quàm sanus; nec proinde minus videtur repugnare illum à Deo fallacem natu-
ram habere. Atque ut horologium ex rotis & ponderibus confectum non mi-
nus accuratè leges omnes naturæ observat, cum male fabricatum est, & horas non
rectè indicat, quàm cum omni ex parte artificis voto satisfacit : Ita si con-
siderem hominis corpus quatenus machinamentum quoddam est ex ossibus, ner-
vis, musculis, venis, sanguine, & pellibus ita aptatum & compositum, ut, etiam si

nullam in eo mens existeret, eosdem tamen haberet omnes motus qui nunc in eo non ab imperio voluntatis, nec proinde à mente procedunt, facile agnosco illi æque naturale fore, si, exempli causa, hydrope laboret eam faucium ariditatem pati quæ sitis sensum menti inferre solet, atque etiam ab illa ejus nervos & reliquas partes ita disponi, ut potum sumat ex quo morbus augeatur; quàm cum nullum tale in eo virium est, à simili faucium siccitate moveri ad potum sibi utilem assumendum. Et quamvis respiciens ad præconceptum horologii usum, dicere possim illud, cum horas non rectè indicat, à natura sua deflectere; Atque eodem modo considerans machinamentum humani corporis tanquam comparatum ad motus qui in eo fieri solent, putem illud etiam à natura sua aberrare, si ejus fauces sint aridæ, cum potus ad ipsius conversationem non prodest; fatistamen animadverto, hanc ultimam naturæ acceptionem ab altera multum differre; hæc enim nihil aliud est quàm denominatio à cogitatione mea, hominem ægrotum, & horologium male fabricatum, cum idea hominis sani, & horologii rectè facti comparante dependens, rebusque de quibus dicitur extrinseca, per illam verò aliquid intelligo quod revera in rebus reperitur, ac proinde non nihil habet veritatis.

At certè etiam si respiciendo ad corpus hydrope laborans, sit tantum denominatio extrinseca, cum dicitur ejus natura esse corrupta, ex eo quod aridas habeat fauces, nec tamen egeat potu; respiciendo tamen ad compositum, sive ad mentem tali corpori unitam, non est pura denominatio, sed verus error naturæ quod sitiat, cum potus est ipsi nociturus; ideoque hic remanet inquirendum, quo pacto bonitas Dei non impediatur, quo minus natura sic sumpta sit fallax.

Nempe imprimis hic adverto, magnam esse differentiam inter mentem & corpus, in eo quod corpus ex natura sua sit semper divisibile, mens autem plane indivisibilis; nam sane cum hanc considero, sive me ipsum quatenus sum tantum res cogitans; nullas in me partes possum distinguere, sed rem planè unam & integram me esse intelligo: & quamvis toti corpori tota mens unita esse videatur, abscesso tamen pede, vel brachio, vel quavis alia corporis parte, nihil ideo de mente subductum esse cognosco; neque etiam facultates volendi, sentiendi, intelligendi, &c. ejus partes dici possunt, quia una & eadem mens est quæ vult, quæ sentit, quæ intelligit. Contra verò nulla res corporea sive extensa potest à me cogitari, quam non facile in partes cogitatione dividam, atque hoc ipso illam divisibilem esse intelligam: quod unum sufficeret ad me docendum, mentem a corpore omnino esse diversam, si nondum illud aliunde satis scirem.

Deinde adverto, mentem non ab omnibus corporis partibus immediate affici, sed tantummodo à cerebro, vel forte etiam ab una tantum exigua ejus parte, nem-

re, nempe ab ea in qua dicitur esse sensus communis; quæ quotiescunque eodem modo est disposita, menti idem exhibet, etiamsi reliquæ corporis partes diversis interim modis possint se habere, ut probant innumera experimenta quæ hæc recensere non est opus.

Adverto præterea eam esse corporis naturam, ut nulla ejus pars possit ab alia parte aliquantum remota moveri eodem modo à qualibet ex iis quæ interjacent, quamvis illa remotior nihil agat. Ut, exempli causa, in fune A, B, C, D, si trahatur ejus ultima pars D, non alio pacto movebitur prima A, quàm moveri etiam posset si traheretur una ex intermediis B, vel C, & ultima D maneret immota: Nec dissimili ratione, cum sentio dolorem pedis, docuit me Physica, sensum illum fieri ope nervorum per pedem sparsorum, qui inde ad cerebrum usque funium istarum extensi, dum trahuntur in pede, trahunt etiam intimas cerebri partes ad quas pertingunt, quemdamque motum in iis excitant, qui institutus est à natura, ut mentem afficiat sensu doloris tanquam in pede existentis: Sed quia illi nervi per tibiam, crus, lumbos, dorsum, & collum transire debent, ut à pede ad cerebrum perveniant, potest contingere, ut etiamsi eorum pars quæ est in pede non attingatur, sed aliqua tantum ex intermediis, idem planè ille motus fiat in cerebro qui sit pede malè affecto, ex quo necesse erit ut mens sentiat eundem dolorem: & idem de quolibet alio sensu est putandum.

Adverto denique, quandoquidem unusquisque ex motibus qui fiunt in eâ parte cerebri, quæ immediatè mentem afficit, non nisi unum aliquem sensum illi inferre, nihil hac in re melius posse excogitari, quàm si eum inferat qui ex omnibus quos inferre potest ad hominis sui conservationem quàm maximè & quàm frequentissimè conducit; Experientiam autem testari, tales esse omnes sensus nobis à natura inditos; ac proinde nihil plane in iis reperiri, quod non Dei potentiam bonitatemque testetur. Ita, exempli causâ, cum nervi qui sunt in pede, vehementer & præter consuetudinem moventur, ille eorum motus per spinæ dorsæ medullam ad intima cerebri pertingens ibi menti signum dat ad aliquid sentiendum, nempe dolorem tanquam in pede existentem, à quo illa excitatur ad ejus causam ut pedis infestam, quantum in se est, amovendam. Potuisset verò natura hominis à Deo sic constitui, ut ille idem motus in cerebro quidvis aliud menti exhiberet; nempe vel seipsum, quatenus est in cerebro; vel quatenus est in pede; vel in aliquo ex locis intermediis, vel denique aliud qui libet; sed nihil aliud ad corporis conservationem æque conduxisset. Eodem modo cum potu indigenus, quædam inde oritur siccitas in gutture nervos ejus movens, & illorum ope cerebri interiora; hicque motus mentem afficit sensu sitis, quia nihil in toto hoc negotio nobis utilius est scire, quàm quòd potu ad conservationem valetudinis egæmus; & sic de cæteris.

Ex

Ex quibus omnino manifestum est, non obstante immensa Dei bonitate: naturam hominis ut ex mente & corpore compositi non posse non aliquando esse fallacem. Nam si quæ causa non in pede, sed in alia quavis ex partibus per quas nervi à pede ad cerebrum porriguntur, vel etiam in ipso cerebro eundem planè motum excitet, qui solet excitari pede malè affecto, sentietur dolor tanquam in pede, sensusque naturaliter falleretur, quia cum ille idem motus in cerebro non possit nisi eundem semper sensum menti inferre, multoque frequentius oriri soleat à causa quæ lædit pedem, quàm ab alia alibi existente, rationi consentaneum est, ut pedis potius, quàm alterius partis dolorem menti semper exhibeat. Et si quando faucium ariditas non ut solet ex eo quod ad corporis valitudinem porus conducat, sed ex contraria aliqua causa oriatur, ut in hydropico contingit, longe melius est illam tunc fallere, quàm si contra semper falleret, cum corpus est bene constitutum; & sic de reliquis.

Atque hæc consideratio plurimum juvat, non modò ut errores omnes quibus natura mea obnoxia est animadvertam, sed etiam ut illos aut emendare aut vitare facile possim. Nam sanè cum sciam omnes sensus circa ea quæ ad corporis commodum spectant multò frequentius verum indicare quàm falsum, possimque uti ferè semper pluribus exiis ad eandem rem examinandam; & insuper memoria; quæ præsentia cum præcedentibus connectit; & intellectu, qui jam omnes errandi causas perspexit, non amplius vereri debeo ne illa, quæ mihi quotidie à sensibus exhibentur sint falsa, sed hyperbolice superiorum dierum dubitationes ut risu dignæ sunt explodendæ; Præsertim summa illa de somno, quem à vigilia non distinguebam; nunc enim adverto permagnum inter utrumque esse discrimen in eo, quod nunquam insomnia cum reliquis omnibus actionibus vitæ à memoria conjungantur, ut ea quæ vigilantia occurrunt; nam sanè, si quis dum vigilo mihi derepente appareret, statimque postea dispareret, ut sit in somnis, ita scilicet, nec unde venisset, nec quò abiret viderem, non immeritò spectrum potius, aut phantasma in cerebro meo effectum, quàm verum hominem esse judicarem: Cum verò eæ res occurrunt, quas distinctè unde, ubi, & quando mihi adveniant adverto, earumque perceptionem absque ulla interruptione cum tota reliqua vita connecto, planè certus sum non in somnis, sed vigilantia occurrere. Nec de ipsarum veritate debeo vel minimum dubitare, si postquam omnes sensus, memoriam & intellectum ad illas examinandas convocavi, nihil mihi quod cum cæteris pugnet abullo ex his nunciatur. Ex eo enim quod Deus non sit fallax, sequitur omnino in talibus me non falli. Sed quia rerum agendarum necessitas non semper tam accurati examinis morem concedit, fatendum est, humanam vitam circa res particulares sæpe erroribus esse obnoxiam, & naturæ nostræ infirmitas est agnoscenda.

OBJECTIONES

Doctorum aliquot virorum in precedentes Meditationes, cum responsionibus Auctoris.

PRIMÆ OBJECTIONES.

V

IRI CLARISSIMI,

Ut vidi vos omnino istius animi esse, ut scripta Domini Cartesii penitus iam, non debui hac in causa viris mihi undequaque amicissimis non obtemperare; tum ut hoc ipso videatis quanti vos aestimem, tum etiam ut constet quanti & viribus meis, & ingenio desit, ut in posterum & ametis plusculum, si in eo, & minus oneri sitis si non sufficio. Est sane D. Cartesius quantum animadorto, vir ingenii maximi, summxque modestix, quales vel ipse Montus amaret.

Cogito, inquit, ergo sum, imo ipsa cogitatio aut mens sum ita: atqui cogito, ideas rerum in me habeo, ac imprimis ideam entis perfectissimi & infiniti: illius autem causa ego non sum, qui ejus realitatem objectivam non habeo, ergo aliquid causa ejus est me perfectius, ac proinde aliquid præter me est, id me perfectius est; aliquis qui non quovis modo ens est, sed simpliciter; nec circumscriptè, totum esse in se pariter complexus, & vel ut causa antiquior, ut habet Dionys. de divin. nom. cap. 8.

Hic verò cogor paululum subsistere, ne fatiger nimium: jam enim ingenium mihi astat instar fluctuantis Euripi: ajo, nego, probo, refello iterum, discurrere à viro nolo, assentiri non possum: quam enim, quæso, causam idea reit? aut fare quid idea sit. Est ipsa res cogitata quatenus objective est in intellectu: sed quid est esse objective in intellectu? olim didici: est ipsum in intellectu per modum objecti terminare: quod sane extrinseca denotatio est, & nihil rei: sicut enim, videri, nihil aliud est quàm actum visionis se tendere; ita cogitari, aut objective esse in intellectu, est mentis cogitationem in se sustinere & terminare; quod re immota, immutataque, quin & non

F

existent-

existente fieri potest: quid ergo causam ejus inquiri quod actu non est, quod nuda denominatio, & nihil est?

Et tamen, inquit, magnum istud ingenium, quod hac idea realitatem objectivam, hanc vel illam contineat potius quam aliam, hoc perfectio habere debet ab aliquâ causâ. Imo à nulla: realitas enim objectiva pura denominatio est, actu non est. Causa autem realem influxum donat, & actualem: illum istud quod actu non est non recipit, ac proinde actualem causæ effluxum non patitur, nedum requirit. Ergo ideas habeo, causam earum non habeo, tantum abest ut me majorem, & infinitam.

At si idearum causam non das, rationem saltem assigna, cur hæc idea hanc realitatem objectivam potius contineat quam illam. Opportunè admodum; non solco enim cum amicis parcè agere, sed quam largissimè. Illud universim dico de ideis omnibus, quod D. Cartesius alias detriangulo: *Etsi fortasse, inquit, talis figura nullius gentium extra cogitationem meam existat, nec unquam extiterit, est tamen perfectio determinata quadam ejus natura, sive essentia, sive forma immutabilis & æterna.* Est nempe æterna illa veritas, quæ causam non postulat. Scapham, scapham esse, & nihil aliud; Davum, Davum esse, non Oedipum. Si tamen mordicus rationem exigis, imperfectio est intellectus nostri qui infinitus non est; cum enim universum quod est simul & semel uno complexu non comprehendat, bonum omne dividit, & partitur; atque ita quod totum parturire non potest sensim concipit, aut, ut etiam ajunt, inadæquarè.

Pergit porro vir, atque, inquit, quantumvis imperfectus sit iste essendi modus, quo res est objectivè in intellectu per ideam, non tamen perfectio plane nihil est, nec proinde à nihilo esse potest. Equivocatio est, si enim, nihil, idem est quod ens non actu, omnino nihil est, quia non est actu, atque ita à nihilo est, id est non à causa aliqua: Si verò, nihil, fictum quid dicit, quod vulgò ens rationis indigitant, non est nihil, sed reale aliquid quod distinctè concipitur. Et tamen quia solum concipitur & actu non est; concipi quidem, at causari minime potest. Sed ulterius querere libet, an ego ipse habens illam ideam esse possem, si tale ens nullum existeret, nempe à quo idea entis me perfectioris procedat, ut immediate ante dicit: nempe, inquit, à quo essem? à me scilicet, vel à parentibus, vel ab aliis, &c. Atqui si à me essem, nec dubitarem, nec optarem, nec omnino quicquam mihi desset, omnes enim perfectiones, quarum idea aliqua in me est, mihi dedissem, atque ita ipsemet Deus essem. Si verò ab alio sum, tandem ad illud deveniam quod à se est, & ita de illo, idem quod de me, est argumentum: Illa demum ipsa illa via est, quam & S. Thomas ingreditur, quam vocat viam à causalitate causæ efficientis, eamque desumpsit ex Philosopho, nisi quod isti de causis idearum non sint solliciti. Et forte opus non erat; quidni enim strictè, recte incedam? Cogito, ergo sum, imò ipsa mens & cogitatio sum: Illa autem

tem

tem mens & cogitatio aut à seipsa est, aut ab alio; si hoc, istud porro à quo? Si à se est, ergo Deus est; Quod enim à se est, omnia sibi ipsi facile dederit.

Rogo virum, obsecroque, ut avidum Lectorem, & forte minus intelligentem se non celet; accipitur enim, à se, duplici modo: Primò positivè, nempe à se ipso ut à causa, atque ita quod à se esset, sibi daret esse suum, si prævio delectu sibi daret quod veller, haud dubiè sibi omnia daret, atque adeò Deus esset. Secundò, accipitur, à se, negativè, ut sit idem quod, *seipso*, aut *non ab alio*; atque hoc modo, quantum memini, ab omnibus accipitur.

Nunc verò si aliquid à se est, id est, non ab alio; quomodo probem istud omnia complecti & esse infinitum? Jam enim non audio si dicas, si à se est, sibi facile omnia dedisset; nec enim à se est ut à causa, nec sibi prævium fuit, ut ante deligeret quod esset postmodum. Scio me aliquando ita Suarem audivisse: omnis limitatio est à causa, ideo enim limitata finitaque res est, vel quia causa majus perfectiusque dare nihil potuit, aut quia non voluit, si ergo aliquid à se est, & non à causa, perfectò illimitatum est & infinitum.

Ego verò non omnino acquiesco; Quid si enim limitatio sit ab intrinsecis principiis constituentibus, hoc est ab ipsa forma & essentia, quam tamen nondum infinitam esse probasti, quantumvis à se sit, hoc est, non ab alio? sanè, calidum erit, si supponas calidum esse, ex intrinsecis principiis constituentibus calidum erit; & non frigidum, licet imaginèris, à nullo esse istud ipsum quod est. Non dubito D. Cartesio rationes non deesse, quibus substituat illud quod alii fortassis non satis clarè præstiterunt.

Tandem mihi cum viro convenit; Illud pro regula generali statuit: quicquid clarè distinctèque cognosco, istud sanè ens verum est; imò quicquid cogito, verum est: jam enim à puero penè chimæris omnibus & cuius enti rationis aqua & igne interdiximus, nulla namque potentia à proprio objecto deviare potest; voluntas si movetur, in bonum tendit; quin nec sensus ipsi errant; visus enim videt id quod videt, auris audit id quod audit: & si aurichalcum vides, bene vides; sed erras cum judicio tuo aurum esse decernis id quod vides. Ita ut D. C. meritissimè omnem errorem judicio & voluntati expensum ferat.

Sed nunc ex regula ista infer quod volebas. Atqui ens infinitum clarè distinctèque cognosco, ergo ens verum est & aliquid: interrogabit non nemo; clarène distinctèque cognoscis ens infinitum? quid ergo sibi vult tritum istud, & vulgo notum; *infinitum, quia infinitum, est ignotum*. Si enim ego cum de Chiliogono cogito, figuram aliquam confusè mihi representans, non Chiliogonum ipsum distinctè imaginor, aut cognosco, quia mille ejus latera non distinctè intueor: sanè rogabit ille quomodo infinitum ut infinitum distinctè & non confusè tantum cogiter, si infinitas ejus perfectiones, quibus constat, clarè & velut ad oculum videre non possit?

Et fortè istud est quod sanctus Thomas voluit; cum enim negasset hanc propositionem per se notam esse, *Deus est*, objicit sibi ex Damasceno: omnibus cognitio, existere Deum, naturaliter infera est; ergo Deus esse est per se notum. Et responderet, cognoscere Deum esse in aliquo communi, sub quadam, inquit, confusione, in quantum scilicet Deus est hominis beatitudo, id naturaliter nobis insertum est: sed hoc, inquit, non est simpliciter cognoscere *Deum esse*, sicut cognoscere venientem, non est cognoscere Petrum, quamvis Petrus sit veniens, &c. quasi dicat Deum sub ratione communi, aut finis ultimi, aut etià primi entis & perfectissimi, aut denique sub ratione complectentis confusè & in genere omnia, cognosci: sed non sub præcisâ ratione sui esse; ita enim infinitus est, & nobis ignotus. Scio D. C. faciliè sic interroganti responsurum esse, Credo tamen quod ex illis quæ exercitii ego causâ solum allego, istud Boëtii recordabitur, quod quædam sunt communes animi conceptiones, & per se notæ apud sapientes tantum; Adeo ut mirandum non sit, simultum interrogent qui plus sapere desiderant, sique his rebus diutius immorentur, quas ut primum totius negotii fundamentum inculcatas esse noverunt, & tamen sine magna investigatione non intelligunt.

Itaque permittamus; aliquis claram distinctamque ideam habeat entis summi, & perfectissimi, quid inde promoves ulterius? nempe istud infinitum ens existere, idque ita certo, ut in eodem ad minimum certitudinis gradu Dei existentia apud me esse debeat, in quo fuerunt hæcenus mathematicæ veritates: adeo ut non magis repugnet cogitare Deum (hoc est summè perfectum) cui desit existentia, (hoc est aliqua perfectio) quàm cogitare montem cui desit vallis. Ibi totius rei cardo est; qui nunc cedit, victum se fateatur oportet: mihi, quia cum fortiori ago, libet paululum velitari, ut cum vincendus sum, non nihil tamen differam quod vitare non possum.

Ac in primis, etsi modò auctoritate non agimus, sed ratione tantum: tamen ne ex libidine maximo ingenio videar reluctari, ipsum potius S. Thomam audire; objicit sibi: intellecto quid significet hoc nomen *Deus*, statim habetur quod Deus est; significatur enim hoc nomine id quo majus significari non potest: majus autem est quod est in re & in intellectu, quàm quod est in intellectu tantum: unde cum intellecto hoc nomine *Deus* statim sit in intellectu, sequitur etiam quod sit in re: quod argumentum in forma ita reddo: Deus est quod majus significari non potest, sed illud quo majus significari non potest, includit existentiam, ergo Deus ipso nomine, vel conceptu suo includit existentiam, ac proinde sine existentia nec concipi, nec esse potest: nunc, amabo vos, nunquid ipsum hoc argumentum est D. Cartesii? S. Thomas Deum ita definit; quo majus significari non potest: D. C. vocat eum Ens summè perfectum, illo sano majus significari non potest. S. Thomas subsunt: id quo majus significari non potest, includit existentiam; alioqui eo majus aliquid significari potest, nempe id quod etiam existentiam significatur includere. At nunquid D. C. idem subsumere videtur? Deus est ens summè perfectum, atqui ens summè perfectum

perfe-

perfectum existentiam includit, alioqui summè perfectum non esset. Inseti S. Thomas, ergo cum intellectu hoc nomine *Deus* statim in ipso intellectu sit; sequitur etiam quod sit in re: hoc est, eo ipso quod in ipso conceptu essentiali entis quo majus significari non potest, involvatur existentia; sequitur illud ipsum ens esse. Idem Dominus Cartesius infert: *atqui, inquit, ex eo quod non possum cogitare Deum nisi existentem, sequitur existentiam ab eo esse inseparabilem ac proinde illum revera existere.* Nunc verò S. Thomas & sibi, & D. Cartesio respondeat: *Dato, inquit quod quislibet intelligat hoc nomine Deus significari hoc quod dicitur, scilicet illud quo magis cogitari non potest, non tamen propter hoc sequitur quod intelligat id quod significatur per nomen, esse in rerum natura, sed in apprehensione intellectus tantum. Nec potest argui quod sit in re, nisi daretur quod sit in re aliquid, quo majus cogitari non potest, quod non est datum à potentiis Deum non esse.* Ex quo ego quoque breviter respondeo; etiamsi detur ens summè perfectum ipso nomine suo importare existentiam, tamen non sequitur ipsammet illam existentiam in rerum natura actu quid esse, sed tantum cum conceptu entis summi conceptum existentiz inseparabiliter esse conjunctum. Ex quo non inferas, existentiam Dei actu quid esse, nisi supponas illud ens summum actu existere, tum enim & omnes perfectiones, & hanc quoque realis existentiz actu includet.

Ignoscite viri clarissimi, lassus sum; ludam paululùm. Complexum hoc, *Leo existens*, utrumque includit, & quidem essentialiter, nempe leonem, & modum existentiz; si enim alterutrum demas, idem hoc complexum non erit. Nunc autem, nunquid ab æterno Deus hoc compositum clarè distincteque cognovit? & nunquid idea hujus compositi, ut compositum, utramque ejus partem essentialiter involvit? hoc est, nunquid existentia de essentia hujus compositi est, *Leo existens*. Et tamen distincta cognitio Dei, distincta, inquam, cognitio Dei ab æterno non necessariò urget alterutram partem hujus compositi esse, nisi supponas ipsum compositum esse: tunc enim essentielles suas perfectiones omnes, ac proinde etiam actualem existentiam involvet. Ita quoque etiamsi distinctè cognoscam ens summum; & licet ens summè perfectum in conceptu suo essentiali existentiam includat, non tamen sequitur existentiam modo actu quid esse, nisi supponas ens illud summum esse, tunc enim ut omnes sui perfectiones, ita etiam hanc existentiam actu includet. Atque ita ens illud summè perfectum existere aliunde probandum erit.

De essentia animæ, ejusque distinctione à corpore, pauca dicam. Fateore nim magnum istud ingenium jam ita me defatigavit, ut ulterius pene nihil possim: distinctionem animæ à corpore, si sit, videtur probare ex eo quod distincte & seorsim concipi possint. Ubi virum doctissimum cum Scoto committo: dicit ipse, ad hoc quod unum ab alio distinctè & seorsim concipitur, sufficere distinctionem quam vocat *formalem*, & *objectivam*, quam mediam ponit inter *realem*, & *ratiōis*, atque ita distinguit justitiam divinam, & ejus misericordiam:

habent enim, inquit, ante omnem operationem intellectus rationes formales diversas, ita ut jam tunc una non sit alia: & tamen non sequitur; seorsim justitia à misericordia concipi potest, ergo & seorsim existere. Sed omnino video me epistolæ modum excessisse. Hæc sunt quæ de proposita re dicenda habui. Vos verò, Clarissimi viri, dispicite quid melius esse judicetis. Si à mestatis, facile Dominum des Cartes amicitia obruemus, ne in posterum male me sit habiturus si paululum ei contradixerim. Si ab illo estis, manus do, victus sum, idque libentius, ne iterum vincar, Valete.

Responsio Auctoris ad Primas Objectiones.

VIRI CLARISSIMI,

Fortem sanè adversarium mihi concitastis, cujusque ingenium & doctrina multum mihi negotii facessere potuissent, nisi pius & perhumanus Theologus Dei causæ, ejusque etiam qualicumque patrono, favere maluisset, quàm illam serio impugnare. Sed quamvis ista in eo pravariatio perhonestas sit, non tamen æquè in me collusio esset laudanda: Ideoque hic malo ejus in me juvando artificium exponere, quam velut adversario respondere.

Inprimis præcipuam meam rationem ad existentiam Dei probandam paucis complexus est, ut tantò melius lectorum memoriæ inhaereret, iisque breviter concessis quæ satis clarè demonstrata esse judicavit, atque ita auctoritate sua firmatis, in illud unum inquisivit, à quo difficultas præcipua dependet, nempe quidnam hic per nomen *idea* intelligendum sit, & quam causam ista idea requirat. Scripsi autem, *ideam esse ipsam rem cogitatam, quatenus est objectivè in intellectu*, quæ verba plane aliter quàm à me dicantur, fingit à se intelligi, ut occasionem der illa clariùs explicandi. *Esse*, inquit, *objectivè in intellectu*, est *ipsum actum intellectus per modum objecti terminare, quod tantum extrinseca denominationis est, & nihil rei, &c.* Ubi advertendum, illum respicere ad rem ipsam tanquam extra intellectum positam, ratione cujus est sanè extrinseca denominatio quod sit objectivè in intellectu, me autem loqui de idea quæ nunquam est extra intellectum, & ratione cujus *esse objectivè* non aliud significat, quàm esse in intellectu eo modo quo objecta in illo esse solent. Ita, exempli gratia, si quis quærat quid Soli accideret ex eo quod sit objectivè in meo intellectu, optimè responderetur, nihil ei accidere nisi extrinsecam denominationem, quod nempe operationem intellectus per modum objecti terminet: si autem de idea Solis quæratur quid sit, & respondeatur, illam esse rem cogitatam, quatenus est objectivè in intellectu, nemo intelliget illam esse ipsum Solem, quatenus in eo extrinseca ista denominatio est: neque ibi, *objectivè esse in intellectu*, significabit ejus operationem per modum objecti terminare, sed in intellectu eo modo esse quo so-

lent ejus objecta, aded ut idea solis sit sol ipse in intellectu existens, non quidem formaliter, ut in cœlo, sed objective, hoc est eo modo quo objecta in intellectu esse solent, qui sanè essendi modus longè imperfectior est quàm ille quo res extra intellectum existunt; sed non idcirco plane nihil est, ut jam ante scripsi. Cumque doctissimus Theologus dicit esse æquivocationem in illis verbis, videtur me ejus quam mox notavi monere voluisse, ne forte illam ignorarem. At enim primò, rem ita existentem in intellectu per ideam non esse ens actû, hoc est non esse quid extra intellectum positum: quod verum est: deinde ait etiam eandem non esse fictum quid, sive ens rationis, sed reale aliquid, quod distinctè concipitur; quibus verbis omne id quod assumpsi admittit: sed addit tamen quia solum concipitur, & non actû est, (hoc est, quia tantum idea est, & non res extra intellectum posita) concipi quidem, aut causari minime posse, hoc est causâ non indigere ut extra intellectum existat: quod fateor: sed sanè indiget causâ ut concipiatur, & de hac solâ questio est. Ita si quis habeat in intellectu ideam aliqujus machinæ summo artificio excogitatæ, meritò profecto quæri potest quænam ejus ideæ sit causa; neque satisfaciet si quis dicat illam extra intellectum nihil esse, nec proinde posse causari, sed tantum concipi; nihil enim aliud hic queritur, quàm quæ sit causa quare concipiatur: neque etiam satisfaciet qui dicet intellectum ipsum esse ejus causam, nempe ut suæ operationis: de hac enim res non dubitatur, sed tantum de causa artificii objectivi quod in ea est. Nam quod hæc idea machinæ tale artificium objectivum contineat potius quàm aliud, hoc profectò habere debet ab aliqua causâ; estque idem respectu hujus artificii objectivum, quod respectu ideæ Dei realis objectiva. Et quidem hujus artificii causa varia potest assignari; vel enim est realis aliquatals machina prius visa, ad ejus similitudinem idea ista formata est, vel magna Mechanicæ scientia quæ est in illo intellectu, vel forte magna ingenii subtilitas, cujus ope etiam sine prævia scientia potuit illam invenire. Notandumque omne artificium quod in idea illa est tantum objectivè, necessario esse debere in ejus causâ, qualiscunque tandem illa sit, vel formaliter, vel eminenter; Et idem etiam de realitate objectiva quæ est in idea Dei esse purandum. In quonam verò hæc ita erit nisi in Deo realiter existente? Sed vidit optimè hæc omnia vir perspicax, ideoque fatetur peti posse, cur hæc idea hanc realitatem objectivam potius contineat quàm illam, eique questioni respondit primò *de ideis omnibus idem esse quod scripsi de Idea trianguli, nempe etsi forte triangulum nullibi gentium existat, esse tamen ejus determinatam quandam naturam, sive essentiam, sive formam immutabilem, & æternam.* Atque illam ait causam non postulare. Quod ramen non satisfacere satis vidit; etsi enim natura trianguli sit immutabilis & æterna, non tamen ideo minus querere licet, cur ejus idea sit in nobis? ideoque subjunxit, *si tamen mordicus rationem exigere, esse imperfectionem intellectus nostri, &c.* quâ responsione non aliud videtur significare voluisse, quàm nihil verisimile hæc de re posse responderi

ab iis qui à me voluerunt dissentire. Neque enim professio magis probabile est, causam cur idea Dei sit in nobis, esse imperfectionem intellectus nostri, quàm imperitiam artis mechanicæ esse causam cur machinam aliquam valde artificiosam potius quàm aliam imperfeciorem imaginemur; nam planè ex adverso, si quis habeat ideam machinæ in qua omne excogitabile artificium contineatur, inde optimè inferitur, ideam istam ab aliqua causa profluxisse, in qua omne excogitabile artificium reipsa existeret, etiamsi in ea sit tantum objectivè; eademque ratione cum habeamus in nobis ideam Dei, in qua omnis perfectio cogitabilis continetur, evidentissimè inde concludi potest, istam ideam ab aliqua causa pendere, in qua omnis illa perfectio etiam sit, nempe in Deo revera existente. Neque sanè in uno major difficultas quàm in altero appareret, si quemadmodum omnes non sunt periti mechanici, nec ideo ideas machinarum valde artificiosarum habere possunt; ita etiam non haberent omnes eandem facultatem ideam Dei concipiendi; sed quia illa omnium mentibus eodem modo est indita, nec advertimus unquam nobis aliunde quàm à nobismet ipsis advenire, ad naturam nostri intellectus pertinere supponimus. Et quidem non male: sed aliud quid omittimus quod præcipue est considerandum, & à quo tota vis & lux hujus argumenti dependet, nempe quod hæc facultas ideam Dei in se habendi non posset esse in nostro intellectu, si hic intellectus tantum esset ens finitum, ut revera est, nullamque haberet sui causam quæ esset Deus. Ideoque ulterius inquisivi: an ego possem existere, si Deus non existeret, non tam ut diversam à præcedente rationem assererem, quàm ut eandem ipsam absolutius explicarem.

Hic verò vir nimis officiosus in locum invidiosum me adducit, confert enim meum argumentum cum alio quodam ex S. Thoma & Aristotele desumptum, ut ita veluti rationem exigat, cur cum eandem quam illi viam essem ingressus, non tamen in omnibus eandem sim securus: Sed permittat, quæso, de aliis me tacere, atque eorum tantum quæ ipse scripsi reddere rationem. Primò itaque non desumpsim meum argumentum ex eo quod viderem, in sensibilibus esse ordinem sive successionem quandam causarum efficientium; tum quia Deum existere multò evidentius esse putavi quàm ulla res sensibiles; tum etiam quia per istam causarum successionem non videbar aliò posse devenire, quàm ad imperfectionem mei intellectus agnoscendam, quod nempe non possim comprehendere quomodo infinitæ tales causæ sibi mutuo ab æterno ita successerint, ut nulla fuerit prima. Nam certè ex eo quod istud non possim comprehendere, non sequitur aliquam primam esse debere, ut neque ex eo quod non possim etiam comprehendere infinitas divisiones in quantitate finita, sequitur aliquam dari ultimam, ita ut ulterius dividi non possit, sed tantum sequitur, intellectum meum, qui est finitus, non capere infinitum. Itaque malui uti pro fundamento meæ rationis existentia mei ipsius, quæ à nulla causarum serie dependet, mihi-

que tam nota est ut nihil notius esse possit: & de me non tam quæsiui, à qua causa olim essem productus, quàm à qua tempore præsentis conserver, ut ita me ab omni causarum successione liberem. Deinde non quæsiui quæ sit causa mei, quatenus consisto mente & corpore, sed præcise tantum quatenus sum res cogitans; quod puto non parum ad rem pertinere; nam sic potui longe melius à præiudiciis me liberare, ad naturæ lumen attendere, interrogare meipsum, ac pro certo affirmare nihil in me, cuius nullo modo sim conscius, esse posse; quod plane aliud est quàm si ex eo quod videam me à patre genitum esse, patrem etiam ab avo esse considerare; & quia in parentum parentes inquirendo non possem progredi in infinitum, ideo ad finem quærendi faciendum statuerem aliquam esse causam primam. Præterea non tantum quæsiui quæ sit causa mei, quatenus sum res cogitans, sed maxime etiam & præcipue quatenus inter cæteras cogitationes ideam entis summe perfecti in me esse animadverto, ex hoc enim una tota vis demonstrationis meæ dependet; Primo, quia in illa idea continetur, quid sit Deus, saltem quantum à me potest intelligi; & juxta leges veræ Logicæ, de nulla unquam re quæri debet *an sit*, nisi prius *quid sit* intelligatur; Secundò quia illa ipsa est quæ mihi dat occasionem examinandi an sim à me, vel ab alio, & defectus meos agnoscendi; ac postremo, illa est quæ docet, non modo aliquam esse mei causam, sed præterea etiam in causa illa contineri omnes perfectiones, ac proinde illam Deum esse. Denique non dixi, impossibile esse ut aliquid sit causa efficiens sui ipsius, etsi enim aperte id verum sit, quando restringitur efficientis significatio ad illas causas, quæ sunt effectibus tempore priores, vel quæ ab ipsis sunt diversæ, non tamen videtur in hac quæstione ita esse restringenda; tum quia nugatoria quæstio esset; quis enim nescit idem nec seipso prius, nec à seipso diversum esse posse? tum etiam quia lumen naturale non dicitur, ad rationem efficientis requiri, ut tempore prior sit suo effectui; nam contra, non proprie habet rationem causæ, nisi quamdiu producit effectum, nec proinde illo est prior: dicitur autem perfectio lumen naturæ nullam rem existere, de qua non liceat petere cure existat, sive in ejus causam efficientem inquirere; aut si non habet, cur illa non indigeat, postulare; adeò ut si putarem, nullam rem idem quodammodo esse posse erga seipsam quod est causa efficiens erga effectum, tantum abest ut inde concluderem aliquam esse causam primam; quin è contra ejus ipsius quæ vocaretur prima, causam rursus inquirerem, & ita nunquam ad ullam omnium primam devenirem. Sed planè admitto aliquid esse posse, in quo sit tanta & tam inexhausta potentia, ut nullius unquæ ope egerit ut existeret, neque etiam nunc egeat ut conserveretur; atque adeò sit quodammodo sui causa, Deumque talè esse intelligo. Nam quemadmodum etiam si fuisset ab æterno, ac proinde nihil me prius extitisset, nihilominus quia considero temporis partes à semetipso se jungi posse, atque ita ex eo quod jam sim non sequi me mox futurum, nisi ali qua causa me quæsi rursus efficiat singulis momentis, non dubitarem illam causam quæ me conser-

vat,

va t, *efficientem* appellare: Ita etiam si Deus nunquam non fuerit, quia tamen ille ipse est qui se revera conservat, videtur non nimis improprie dici posse *sui causa*. Ubi tamen est notandum, non intelligi conservationem quae fiat per positivum ullum causae efficientis influxum, sed tantum quod Dei essentia sit talis ut non possit non semper existere.

Ex quibus facile respondebo ad distinctionem verbi, *à se*, quam doctissimus Theologus monuit esse explicandam. Et si enim ii qui non nisi ad propriam & strictam efficientis significationem attendentes cogitant impossibile esse, ut aliquid sit causa efficiens sui ipsius, nullumque hic aliud causae genus efficienti analogum locum habere animadvertunt, non soleant aliud intelligere cum dicunt aliquid *à se* esse, quam quod nullam habeat causam; si tamen iidem ipsi ad rem potiusquam ad verba velint attendere, facile advertent negativam verbi *à se* acceptionem à sola intellectus humani imperfectione procedere, nullumque in rebus habere fundamentum: quandam verò aliam esse positivam, quae à rerum veritate petita est, & de qua sola meum argumentum processit. Nam si, exempli gratia, quis putet corpus aliquod *à se* esse; forte non aliud intelligit quam nullam causam habere: neque hoc ob positivam ullam rationem affirmat, sed negative tantum, quia nullam ejus causam agnoscit: Atqui hoc imperfectio quaedam in eo est, ut facile experietur postea, si consideret partes temporis unas ab aliis non pendere, nec proinde ex eo quod illud corpus supponatur ad hoc usque tempus à se fuisse, id est, sine causa, hoc sufficere ut etiam in posterum sit futurum, nisi aliqua potentia in eo sit ipsum continuo veluti reproducens, tunc enim videns talem potentiam in idea corporis nullam reperiri, statim inde colligit istud *à se* non esse; sumetque hoc verbum *à se* positive. Simili modo cum dicimus Deum *à se* esse, possumus quidem etiam intelligere istud negativè, ita scilicet ut tantum sensus sit nullam esse ejus causam: sed si prius de causa cur sit, sive cur esse perseveret, inquisivimus, attendentesque ad immensam & incomprehensibilem potentiam quae in ejus idea continetur, tam exsuperantem illam agnovimus, ut plane sit causa cur ille esse perseveret, nec alia praeter ipsam esse possit, dicimus Deum *à se* esse, non amplius negativè, sed quam maximè positive. Quamvis enim dicere non opus sit, illum esse causam efficientem sui ipsius, ne forte de verbis disputetur, quia tamen hoc quod *à se* sit, sive quod nullam à se diversam habeat causam, non à nihilo, sed à reali ejus potentia immensitate esse percipimus, nobis omnino licet cogitare illum quodammodo idem praestare respectu sui ipsius, quod causa efficiens respectu sui effectus, ac proinde esse à seipso positive; licetque etiam unicuique seipsum interrogare, an eodem sensu sit *à se*; cumque nullam in se invenit potentiam quae sufficiat ad ipsum vel per momentum temporis cogitandum, merito concludit se esse ab alio; & quidem ab alio qui sit *à se*, quia tum de tempore praesentis, non de praeterito vel futuro quaestio sit, non potest hic procedi in infinitum; quinimo etiam hic addam, quod tamen ante non scripsi,

AD PRIMAS OBJECTIONES.

ne quidem ad secundam illam causam deveniri, sed omnino illam in qua tantum potentia est ut rem extra se positam conservet, tanto magis ipsam sua propria potentia conservare, atque adeo à se esse.

Cum autem dicitur, omnem limitationem esse à causa, rem quidem veram, puta intelligi, sed verbis minus propriis exprimi, difficultatemque non solvi; nam proprie loquendo limitatio est tantum negatio ulterioris perfectionis; quæ negatio non est à causa, sed ipsa res limitata. Etsi autem verum sit, rem omnem limitatam esse à causa, per se tamen non patet, sed aliunde est probandum; ut enim optime responder subtilis Theologus, putari potest rem unamquamque hoc vel illo modo esse limitatam, quia hoc attinet ad ejus naturam, ut est de natura trianguli quod non pluribus lineis constet quam tribus. Per se autem notum mihi videtur, omne id quod est, vel esse à causa, vel à se tanquam à causa; nam cum non modò existentiam, sed etiam existentia negationem intelligamus, nihil possumus fingere ita esse à se, ut nulla danda sit ratio cur potius existat quam non existat, hoc est, ut illud à se non debeamus interpretari tanquam à causa, propter exsuperantiam potestatis, quam in uno Deo esse posse facillimè demonstratur.

Quod deinde mihi concedit, etiamsi sanè dubitationem non admittat, tam parum tamen vulgo consideratur, & tanti est momenti ad omnem philosophiam è tenebris erucendam, ut dum illud auctoritate sua confirmat, me in instituto meo multum juvet.

Prudenter verò hic querit, an clarè & distinctè cognoscam infinitum; etsi enim objectionem istam prævenire conatus sim, tam sponte tamen unicuique obvius est, ut operæ prætium sit ad illam fusius respondere. Itaque in primis hic dicam, infinitum quò infinitum est, nullo quidem modo comprehendi, sed nihilominus tamen intelligi, quatenus scilicet clarè & distinctè intelligere aliam rem talem esse, ut nulli planè in ea limites possint reperi, est clarè intelligere, illam esse infinitam. Et quidem hic distinguo inter *indefinitum*, & *infinitum*, illudque tantum propriè infinitum appello, in quo nulla ex parte limites inveniuntur; quo sensu solus Deus est infinitus; illa autem in quibus sub aliqua tantum ratione finem non agnosco, ut extensio spatii imaginari, multitudo numerorum, divisibilitas partium, quantitas, & similia, *indefinita* quidem appello, non autem *infinita*, quia non omni ex parte fine carent. Præterea distinguo inter rationem formalem infiniti, sive infinitatem, & rem quæ est infinita; nam quantum ad infinitatem, etiamsi illam intelligamus esse quàm maximè positivam, non tamen nisi negativo quodam modo intelligimus, ex hoc scilicet quod in re nullam limitationem advertamus; ipsam verò rem quæ est infinita positive quidem intelligimus, sed non adæquatè, hoc est, non totum id quod in ea intelligibile est comprehendimus, sed quemadmodum in mare oculos convertentes, etsi non totum visu attingamus, nec immensam ejus vastitatem metiamur, dicimur ta-

men illud videre: & quidem si eminus respiciamus, ut quasi totum simul oculis complectamur, non videmus nisi confusè, ut etiam confuse imaginamur ehillogonum, cum omnia simul ejus latera complectimur; sed si cominus in aliquam maris partem obturum defigamus, talis visio esse potest valde clara & distincta; ut etiam imaginario chillogoni, si tantum ad unum aut alterum ejus latus se extendat. Simili ratione Deum ab humana mente capi non posse cum omnibus Theologis concedo; & ne quidem etiam distinctè posse cognosci ab iis qui totum simul conantur animo complecti, & tanquam è longinquo respiciunt; quo sensu dixit S. Thomas loco citato, Dei cognitionem sub quadam tantum confusione nobis inesse: Qui autem ad singulas ejus perfectiones attendere, illasque non tam capere, quam ab ipsis capi, & intellectus sui vires omnes in iis contemplandis occupare conatur, illi profectò multò ampliorem facilioremque materiam claræ & distinctæ cognitionis in eo inveniunt, quam in ullis rebus creatis. Neque hoc ibi negavit S. Thomas, ut manifestum est ex eo, quod articulo sequenti Deum existere demonstrabile esse affirmet. Ego autem ubicunque dixi, Deum clarè & distinctè posse cognosci, non nisi de hac finita, & ad modulum ingenii nostri accommodata cognitione intellexi. Neque etiam ad veritatem eorumque asserui, aliter intelligere opus fuit, ut facile apparebit si advertatur, duobus tantum in locis me hoc dixisse: nempe ubi quaestio erat, utrum in idea, quam formamus de Deo, aliquid reale, vel sola rei negatio contineatur, ut forte in idea frigoris nihil aliud est quam negatio caloris; qua de re nullum dubium esse potest; & ubi asserui existentiam ad rationem Entis summè perfecti non minus pertinere, quam tria latera ad rationem trianguli, quod etiam potest absque adæquata Dei cognitione intelligi.

Confert hic rursus unum ex meis argumentis cum alio ex S. Thoma, ut me velut i cogat ostendere quæ major vis in uno quam in altero reperiatur: atque hoc videor sine magna invidia facere posse, quia nec S. Thomas argumento illo usus est tanquam suo, nec idem concludit quod meum, nec denique ulla hic in re ab Angelico Doctore dissentio. Queritur enim ab ipso, Jan Deum esse sit per se notum secundum nos, hoc est, an unicuique sit obvium? quod negat, & meritò: Argumentum autem quod sibi objicit ita potest proponi. Intellecto quid significet hoc nomen *Deum*, intelligitur id quo majus significari non potest; sed est majus, esse in re, & in intellectu, quam esse in intellectu tantum: ergo intellecto quid significet hoc nomen *Deum*, intelligitur Deum esse in re, & in intellectu. Ubi est manifestum vitium in formâ, concludi enim tantum debuisset, ergo intellecto quid significet hoc nomen *Deum*, intelligitur significari Deum esse in re, & in intellectu: atqui quod verbo significatur, non ideo apparet esse verum. Meum autem argumentum fuit tale: Quod clarè & distinctè intelligimus pertinere ad alienius rei veram & immutabilem naturam, sive essentiam, sive formam, id potest de ea re cum veritate affirmari; sed postquam satis accuratè investigavi-

mus quid sit Deus, clarè & distinctè intelligimus ad ejus veram & immutabilem naturam pertinere ut existat; Ergò tunc cum veritate possumus de Deo affirmare quod existat. Ubi saltem conclusio rectè procedit. Sed neque etiam major potest negari, quia jam ante concessum est, illud omne quod clarè & distinctè intelligimus, esse verum: sola minor restat, in qua fateor esse difficultatem non parvam: Primò quia sumus tam assueti in reliquis omnibus existentiam ab essentia distinguere, ut non satis advertamus, quo pacto ad essentiam Dei potius quam aliarum rerum pertineat; ac deinde quia non distinguentes ea quæ ad veram & immutabilem alicujus rei essentiam pertinent, ab iis quæ non nisi per figmentum intellectus illi tribuuntur, etiamsi satis advertamus existentiam ad Dei essentiam pertinere, non tamen inde concludimus Deum existere, quia nescimus an ejus essentia sit immutabilis, & vera, an tantum à nobis efficta. Sed ut prima hujus difficultatis pars tollatur, est distinguendum inter existentiam possibilem & necessariam, norandumque in eorum quidem omnium quæ clarè & distinctè intelliguntur conceptu, sive idea, existentiam possibilem contineri, sed nullibi necessariam nisi in sola idea Dei. Qui enim ad hanc diversitatem quæ est inter ideam Dei & reliquas omnes diligenter attendent, non dubito quin sint percepturi, etiamsi cæteras quidem res nunquam intelligamus nisi tanquam existentes, non tamen inde sequi, illas existere, sed tantummodo posse existere; quia non intelligimus necesse esse ut actualis existentia cum aliis ipsarum proprietatibus conjuncta sit; Ex hoc autem quod intelligamus existentiam actualem necessariò & semper cum reliquis Dei attributis esse conjunctam, sequi omnino Deum existere. Deinde ut altera pars difficultatis tollatur, advertendum est, illas ideas quæ non continent veras & immutabiles naturas, sed tantum fictitias & ab intellectu compositas, ab eodem intellectu non per abstractionem tantum, sed per claram & distinctam operationem dividi posse, adeò ut illa quæ intellectus sic dividere non potest, procul dubio ab ipso non fuerint composita. Ut exempli causa, cum cogito equum alatum, vel leonem actu existentem, vel triangulum quadrato inscriptum, facile intelligo me etiam ex adverso posse cogitare equum non alatum, leonem non existentem, triangulum sine quadrato, & talia; nec proinde illa veras & immutabiles naturas habere. Si vero cogito triangulum, vel quadratum (de leone aut equo hic non loquor, quia eorum naturæ nobis non sunt plane perspicuæ,) tunc certè quæcunque in idea trianguli contineri deprehendam, ut quod ejus tres anguli sint æquales duobus rectis, &c. de triangulo cum veritate affirmabo, & de quadrato quæcunque in idea quadrati reperiam; etsi enim possim intelligere triangulum abstrahendo ab eo quod ejus tres anguli sint æquales duobus rectis, non possam tamen de eo id negare per claram & distinctam operationem, hoc est, rectè intelligendo hoc quod dico. Præterea, si considerem triangulum

quadrato inscriptum, non ut ea quæ pertinent ad solum triangulum quadrato tribuam, vel triangulo ea quæ pertinent ad quadratum, sed ut ea tantum examinem quæ ex utriusque conjunctione exurgunt, non minus verâ & immutabilis erit ejus natura, quàm solius quadrati, vel trianguli; atque ideo affirmare licebit quadratum non esse minus duplo trianguli illi inscripti, & similia, quæ ad compositæ hujus figuræ naturam pertinent. Si verò considerem in idea corporis summè perfecti contineri existentiam, quia nempe major perfectio est esse in re, & in intellectu, quàm tantum esse in intellectu, non inde possum concludere corpus illud summè perfectum existere, sed tantummodo posse existere; satis enim animadverto ideam istam ab ipsomet meo intellectu omnes corporeas perfectiones simul jungente fuisse constata; existentiamque ex aliis corporeis perfectionibus non exurgere, quia de illis æquè potest negari & que affirmari: Quinimo ex eo quod ideam corporis examinando in eo vim esse percipio per quam seipsum producat, sive conserve, rectè concludo, existentiam necessariam, de qua solâ hic est quaestio, non magis ad naturam corporis, quantumvis summè perfecti, pertinere, quàm ad naturam montis pertinet ut vallem non habeat; vel ad naturam trianguli ut angulos habeat majores duobus rectis. Nunc autem si queramus non de corpore, sed de re, qualiscunque tandem illa sit, quæ habeat omnes eas perfectiones quæ simul esse possunt, an existentia inter illas sit numeranda. Prima quidem fronte dubitabimus; quia cum mens nostra quæ finita est non soleat illas nisi separatas considerare, non statim fortasse advertere quàm necessariò inter se conjunctæ sint. Atqui si attentè examinemus, an enti summè potenti comperat existentia, & qualis, poterimus clarè & distinctè percipere, primò illi saltem comperere possibilem existentiam, quemadmodum reliquis omnibus aliis rebus, quarum distincta idea in nobis est, etiâ iis quæ per figmentum intellectus componuntur. Deinde quia cogitare non possumus ejus existentiam esse possibilem, quin simul etiâ ad immensam ejus potentiam attendentes agnoscamus illud propria sua vi posse existere, hinc concludemus, ipsum revera existere, atque ab æterno extitisse; est enim lumine naturali notissimum, id quod propria sua vi potest existere, semper existere: Atque ita intelligemus existentiam necessariam in idea entis summè potentis contineri, non per figmentum intellectus, sed quia pertinere ad veram & immutabilem naturam talis entis, ut existat: nec non etiâ faciliè percipiemus, illud ens summè potens non posse non habere in se omnes alias perfectiones quæ in idea Dei continentur, addè ut illæ absque ullo figmento intellectus, & ex natura sua simul junctæ sint, atque in Deo existant. Quæ sanè omnia manifesta sunt diligenter attendenti; nec differunt ab iis quæ jam antè scripseram, nisi tantum in modo explicationis, quem de industria mutavi, ut ingeniorum diversitati servirem. Neque hic diffirebor hoc argumentum tale esse, ut qui non omnium quæ ad ejus probationem

nem faciunt recordabuntur, facile illud pro sophismate sint habituri, & ideo me initio nonnihil dubitasse an illo uti deberem, ne forte iis qui ipsum non caperent occasionem darem de reliquis etiam diffidendi. Sed quia duæ tantum sunt viæ per quas possit probari Deum esse, una nempe per effectus, & altera per ipsam ejus essentiam, sive naturam; prioremque in meditatione tertia pro viribus explanavi: non credidi alteram esse postea prætermittendam.

Quantum attinet ad distinctionem formalem quam, doctissimus Theologus affert ex Scoto, breviter dico, illam non differre à modali, nec se extendere nisi ad entia incompleta, quæ à completis accurate distinguuntur; & sufficere quidem ut unum ab alio distinctè & seorsim concipiatur per abstractionem intellectus rem inadæquatè concipientis; non autem ita distinctè, & seorsim, ut unumquodque tanquam ens per se, & ab omni alio diversum intelligamus, sed ad hoc omnino requiri distinctionem realem. Ita, exempli causa, inter motum & figuram ejusdem corporis, distinctio est formalis, possumque optime motum intelligere absque figurâ, & figuram absque motu, & utrumque abstrahendo à corpore: sed non possum tanten completè intelligere motum absque re in quâ sit motus, nec figuram etiam absque re in qua sit figura; nec denique fingere motum esse in re, in quâ figura esse non possit, vel figuram in re motus incapaci; Nec eodem modo justitiam absque justo, vel misericordiam absque misericorde intelligo; nec fingere licet illum eundem qui est justus, non posse esse misericordem. Atqui completè intelligo quid sit corpus, putando tantum illud esse extensum, figuratum, mobile, &c. deque illo negando ea omnia quæ ad mentis naturam pertinent; & vice versa, intelligo mentem esse rem completam; quæ dubitat, quæ intelligit, quæ vult &c. quamvis negem in ea quicquam esse ex iis quæ in corporis idea continentur. Quod omnino fieri non posset, nisi inter mentem & corpus esset distinctio realis.)

Hæ sunt, viri clarissimi, quæ ad amici vestri perofficiosas ingeniosissimasque animadversiones habui respondenda, quibus si nondum ipsi satisfeci, rogo ut eorum quæ vel desiderantur vel errata sunt admoneat: quod si ab ipso per vos impetrem, in magni beneficii partem ponam.

OBJECTIONES SECUNDÆ.

CUm auctorem rerum omnium V. C. adversus novos gigantes asserendum, illiusque demonstrandam existentiam ideò feliciter aggressus fueris, ut deinceps probi sperare queant, nullum esse futurum qui post tuam meditationum attentam lectionem non fateatur esse numen æternum, à quo singula pendeant, te monitum atque rogatum volumus, ut quibusdam locis inferius notatis tantà luce affulgeas, nil ut supersit in opere tuo quod non clare, si fieri potest, demonstretur. Cum autem à pluribus annis tuum animum ita continuis meditationibus exercueris, ut quæ reliquis dubia perobscuraque videntur certissima tibi sint, eaque forte claro mentis intuitu, veluti prima præcipuaque naturæ lumina percipias, ea solùm hic advertemus quibus operæ pretium est te clarius latiusque explicandis atque demonstrandis incumbere: quibus peractis vix est qui possit negare, tuas rationes, quas ad majorem Dei Gloriam, & omnium mortalium ingentem fructum inchoasti, vim habere demonstrationum.

INPRIMIS, memineris te non actu quidem, & revera, sed tantum animi fitione corporum omnium phantasmata pro viribus rejecisse, ut te solam rem cogitantem esse concluderes, ne postea forte concludi posse credas, te revera nil esse præter mentem, aut cogitationem, vel rem cogitantem; quod circa duas primas meditationes solum animadvertimus, in quibus clarè ostendis saltem te esse qui cogitas certum esse: sed tantisper hic subsistamus, hæcenus agnoscis te esse rem cogitantem, sed quid sit res illa cogitans nescis: quid enim si fuerit corpus, quod variis motibus & occurribus illud faciat quod vocamus cogitationem? licet enim existimes te corpus omne repulisse, in eo decipi potuisti quod te ipsum minimè rejeceris qui sis corpus. Quomodo enim demonstras corpus non posse cogitare? vel motus corporeos non esse ipsam cogitationem? sed & totum tui corporis systema, quod rejecisse putas, vel aliquæ partes illius putà cerebri, possunt concurrere ad formandos illos motus quos appellamus cogitationes: Sum, inquis, res cogitans; sed qui scis num sis motus corporeus, aut corpus motum?

SECUNDO, ex idea summi entis, quam à te minimè produci posse contendis, audes concludere necessitatem existentie summi entis, à quo solo possit esse illa idea, quæ tuæ menti observatur. At verò in nobis ipsis sufficiens reperimus fundamentum, cui solum innixi prædictam ideam formare possumus, licet eis summum non existeret, aut illud existere nesciremus, & ne quidem de eo existente cogitaremus; nunquid enim video me cogitantem gradum aliquem habere

habere perfectionis? igitur & aliquos præter me habere similem gradum, unde fundamentum habeo cujuslibet numeri cogitandi, atque adeo gradum perfectionis alteri & alteri gradui superextruendi usque in infinitum; quemadmodum etiam si unicus gradus lucis aut coloris existeret, novos semper gradus in infinitum usque filigere & addere possum. Cur simili ratione alicui gradui Entis, quem in me percipio, non possim addere quemlibet alium gradum, & ex omnibus addi. possibilibus ideam entis perfecti formare? Sed inquis, effectus nullum gradum perfectionis seu realitatis potest habere, qui non præcesserit in causa; verum (præterquam quod videmus muscas, & alia animalia, vel etiam plantas produci à sole, pluvia, & terra, in quibus non est vita, quæ nobilior est quolibet gradu merè corporeo, unde fit ut effectus aliquam realitatem habeat à causa, quæ tamen non sit in causa,) illa idea nil est aliud quam ens rationis, quod mente tua cogitante non est nobilior. Præterea nisi doctos inter nutritus esses, sed solus in deserto quopiam totâ vitâ degisses, unde scis tibi illam ideam adfuturam? quam ex præconceptis animi meditationibus; libris, muris; amicorum sermonibus &c. non à sola tua mente, aut à summo ente existente haussisti. Itaque clarius probandum est, istam ideam tibi adesse non posse, si non existat summum ens; quod ubi præstiteris, manus omnes damus. Quod autem illa idea veniat ab anticipatis notionibus, inde constare videtur, quod Canadenses, Hurones, & reliqui sylvestres homines nullam præ se ferant hujuscemodi ideam, quam etiam efformare possis ex prævia rerum corporalium inspectione, adeo ut nil idea tua præter mundum hunc corporeum referat, qui perfectionem omnimodam à te cogitabilem complectatur; ut nondum quidpiam concludas præter Ens corporeum perfectissimum, nisi quidpiam aliud addas quod ad incorporeum seu spirituale nos evehat; Vis addamus te Angeli posse (quemadmodum & entis perfectissimi) formare ideam, sed illa idea non efficietur in te ab Angelo, quo tamen est imperfectior. Sed nec ideam habes Dei, quemadmodum nec numeri infiniti, aut infinitæ lineæ; quam si possis habere, est tamen numerus ille impossibilis. Adde, ideam illam unitatis & simplicitatis unius perfectionis quæ omnes alias complectatur, fieri tantummodo ab operatione intellectus ratiocinantis, eo modo quo fiunt unitates universales, quæ non sunt in re, sed tantum in intellectu, ut constat ex unitate generica, transcendentali, &c.

TERTIO, cum nondum certus sis de illâ Dei existentia, neque tamen te de ulla recertum esse, vel clarè & distinctè aliquid te cognoscere posse dicas, nisi prius certo & clare Deum noveris existere, sequitur te nondum clarè & distinctè scire quod sis res cogitans, cum ex te illa cognitio pendeat à clara Dei existentis cognitione, quam nondum probasti locis illis, ubi concludis te clarè nôsse quod sis. Adde, Atheum clarè & distinctè cognoscere trianguli tres angulos aequales esse duobus rectis; quamvis tantum absit ut supponat existentiam Dei, quam

H

plane

plane negat, ex eo quod si existeret, inquit, esset summum ens, summumque bonum, hoc est infinitum; at infinitum in omni genere perfectionis excludit quodlibet aliud, nempe quodlibet ens, & bonum, imò & quodlibet non ens, & malum, cum tamen plura, entia, bona, non entia, & mala sint; cui objectioni te satisfacere debere judicamus, ne quid impiis supersit quod obtendant.

QUARTO, Deum negas posse mentiri, aut decipere, cum tamen non desint Scholastici qui illud affirmant, ut Gabriel, Arminensis, & alii, qui putant Deum absoluta potestate mentiri, hoc est, contra suam mentem, & contra id quod decrevit, aliquid hominibus significare, ut cum absque conditione dixit Ninivitis per Prophetam, *adhuc quadraginta dies & Ninive subvertetur*: & cum alia multa dixit quæ tamen minimè contigerunt, quod verba illa menti suæ aut decreto suo respondere noluerit. Quod si Pharaonem induravit & obcecavit, in Prophetas mendacii spiritum immisit, unde habes nos ab eo decipi non posse? Nunquid Deus se potest erga homines gerere, ut medicus circa ægros, & pater circa filios, quos uterque tam sæpe decipiunt, idque sapienter, & cum utilitate? si enim Deus puram nobis ostenderet veritatem, quis eam oculus, quæ mentis acies sustinere valeat?

Quamquam non est necessarium Deum fingere deceptorem, ut in iis quæ te clare & distinctè nosse putas decipiaris, cum deceptionis istius causa in te possit esse, licet de ea ne quidem cogites; quid enim si tua natura sit ejuscemodi ut semper decipiar, vel saltem sæpe-sæpius? sed unde habes quod in iis quæ clare & distinctè puras te cognoscere, certum sit te neque decipi, neque posse decipi? quoties enim quempiam experti sumus deceptum fuisse in iis quæ sole clarius se scire credebatur? hoc igitur principium clare & distinctè debet explicari, ut nullus probæ mentis possit unquam decipi in iis, quæ se clare & distinctè scire crediderit, alioqui nullum adhuc certitudinis gradum penes homines, seu apud te, possibilem cernimus.

QUINTO, si nunquam aberrat voluntas, aut peccat, cum sequitur claram & distinctam mentis suæ cognitionem, seque periculo exponat si conceptum intellectus sceleretur minimè clarum & distinctum, vide quid inde sequatur, nempe Turcam, aut alium quemlibet, non solum non peccare quod non amplectatur religionem Christianam, sed etiam peccare si amplectatur, quippe cujus veritatem neque clare neque distinctè cognoscat. Imò si hæc tua regula vera sit, nil fere licebit amplecti voluntati, cum nil fere cognoscamus eâ claritate & distinctione quam requiris ad certitudinem nulli dubio obnoxiam. Vide igitur ut cum veritati cupias patrocinari, nimium probes; & evertas, non ædifices.

SEXTO, ubi respondes Theologo, videris aberrare in conclusione quam ita proponis, quod clare & distinctè intelligimus pertinere ad alicujus rei veram & immutabilem naturam, &c. Id de ea re cum veritate affirmari potest, sed
(post:

(postquam satis accurate investigavimus quid sit Deus) clare & distincte intelligimus ad ejus naturam pertinere ut existat; oporteret concludere, ergo (postquam satis accurate investigavimus quid sit Deus) cum veritate possumus affirmare ad naturam Dei pertinere ut existat. Unde non sequitur, Deum revera existere, sed tantum existere debere, si illius natura sit possibilis, seu non repugnet; hoc est, non potest concipi Dei natura seu essentia absque existentia, aded ut, si sit, revera existat; quod ad illud argumentum revocatur, quod alii hisce verbis afferunt; si non implicet Deum esse, certum est illum existere, at non implicat illum existere: sed de minori laboratur, quæ est, *sed non implicat*, de qua veritate adversarii vel se dubitare ajunt, vel illam negant. Preterea, clausula illa tuæ rationis, (*ubi satis clare & distincte investigavimus quid sit Deus*) supponitur tanquam vera, quod nondum omnes credunt, cum. & ipse fatearis te solum inadæquate ens infinitum attingere; Idemque plane dicendum de quolibet illius attributo, cum enim quidquid est in Deo, sit prorsus infinitum, quis nisi inadæquatissime, ut ita loquamur, vel aliquantisper Dei quidpiam mente potest attingere? quomodo igitur satis clare & distincte investigasti quid sit Deus?

SEPTIMO, nequidem verbum de mentis humanæ facis immortalitate, quam tamen maxime probare atque demonstrare debueras adversus illos homines immortalitate indignos, quippe qui eam pernegant, & forte oderunt. Sed necdum videris satis probasse distinctionem illius ab omni corpore, uti jam primâ animadversione diximus; cui jam addimus, non ex illa distinctione à corpore sequi videri illam esse incorruptibilem seu immortalem; quid enim si illius natura duratione vitæ corporeæ limitata sit, & Deus tantundem ei virum & existentia solummodo dederit, ut cum vita corporea desinat?

Hæc sunt (Vir Clarissime) quæ abs te desideramus illustrari, ut tuarum subtilissimarum, & ut existimamus, verarum meditationum lectio singulis utilissima sit. Quamobrem fuerit operæ pretium, si ad tuarum solutionum calcem quibusdam definitionibus, postulatis, & axiomatibus præmissis rem totam more geometrico, in quo tantopere versatus es, concludas, ut unico velut intuitu lectoris cujuscunque animum expleas, ac ipso numine divino perfundas.

Responsio ad Secundas Objectiones.

LEgi perlibenter animadversiones quas in exiguum meum de prima Philosophia scriptum fecistis, & vestram erga me benevolentiam, simulque erga Deum pietatem, ejusque gloriæ promovendæ curam ex iis agnosco: nec possum non gaudere; non modò quia meas rationes vestro examine dignas judicastis, sed etiam quia nihil in ipsas proponitis ad quod non mihi videar satis commodè posse respondere.

IN PRIMIS, admonetis ut meminerim *me non aliu, & revera, sed tantum*

animi scissione corporum phantasmata rejecisse, ut me rem cogitantem esse concluderem, ne forte putem, inde sequi me revera nihil esse præter mentem. Cujus rei satis memorem me fuisse jam testatus sum in secunda Meditatione his verbis; *Fortassis verò contingit ut hac ipsa, quæ sic suppono nihil esse, quia mihi sunt ignota, in rei tamen veritate non differant ab eo me quem novi: nescio, de hac re jam disputo, &c.* quibus expressè lectorem monere volui, me nondum ibi quærere, an mens à corpore esset distincta, sed examinare tantum eas ejus proprietates quarum certam & evidentem cognitionem habere possum: Et quia multas ibi animadverti, non queo sine distinctione admittere id quod postea subjungitis, *me tamen nescire quid sit res cogitans*: Etsi enim fatear me nondum scivisse an illa res cogitans esset idem quod corpus, an quid diversum, non ideo fateor me illam non novisse; quis enim ullam unquam rem ita novit ut sciret nihil planè aliud in ea esse quam id ipsum quod cognoscebat; sed quò plura de aliqua re percipimus, eo melius dicimur illam nòsse: ita magis novimus illos homines quibus diu conviximus, quam eos quorum tantum faciem vidimus, aut nomen audivimus, etsi etiam hi non planè dicantur esse ignoti. Quo sensu existimo me demonstrasse mentem sine iis quæ corpori tribui solent consideratam esse notionem quam corpus sine mente spectatum, quod solum ibi inendebeam.

Sed video quid innuatis, nempe cum sex tantum Meditationes de prima Philosophia scripserim, miraturos esse lectores, quod nihil nisi istud quod jamjam dixi, in duabus primis concludatur, illasque idcirco nimis jejunas, & luce publica indignas judicaturos. Quibus tantum respondeo me non vereri, ne quireliqua quæ scripsi cum judicio legerint, occasionem habeant suspicandi materiam mihi defuisse; valde autem rationi consentaneum visum esse ut ea quæ singularem attentionem desiderant & separatim ab aliis sunt considerata, in singulas Meditationes referrem.

Cum itaque nihil magis conducatur ad firmam rerum cognitionem assequendam quam ut prius de rebus omnibus præsertim corporeis dubitare assuecamus, etsi libros ea de re complures ab Academicis & Scepticis scriptos dudum vidissem, istamque crambem non sine fastidio recoquerem, non potui tamen non integram Meditationem ipsi dare: vellemque ut lectores non modò vel illud tempus quod ad ipsam evolvendam requiritur, sed menses aliquot, vel saltem hebdomadas in iis de quibus tractat considerandis impenderent, antequam ad reliqua progredirentur: ita enim haud dubie ex ipsis longè majorem fructum capere possent.

Deinde quia nullas antehac ideas eorum quæ ad mentem pertinent habuimus nisi plane confusas, & cum rerum sensibilibus ideis permixtas, hæcque prima & præcipua ratio fuit, cur nulla ex iis quæ de anima & Deo dicebantur, satis clare potuerint intelligi, magnum me opere pretium facturum esse putavi, si docerem quo pacto proprietates, seu qualitates mentis à qualitatibus corporis sint dignos-

dignoscendæ: quamvis enim jam ante dictum sit à multis, ad res Metaphysicas intelligendas mentem à sensibus esse abducendam, nemo tamen adhuc, quod sciam, quâ ratione id fieri possit, ostenderit: vera autem via, & meo judicio unica ad id præstandum in secunda mea Meditatione continetur, sed quæ talis est ut non sit satis ipsam semel perspexisse; diu terenda est & repetenda, ut totius vitæ consuetudo res intellectuales cum corporeis confundendi contrariâ paucorum saltem dierum consuetudine easdem distinguendi deleatur. Quæ causa justissima fuisse mihi videtur, cur de nulla alia re in secunda ista Meditatione tractârim.

Præterea verò hîc quæritis, quomodo demonstrem corpus non posse cogitare: Sed ignoretis si respondeam, nondum me locum dedisse huic quæstioni, cum de ipsa primùm egerim in sexta Meditatione his verbis: *Satis est quod possim unam rem absque altera clarè & distinctè intelligere ut certum sim unam ab altera esse diversam, &c.* Et paulò post, *quamvis habeam corpus quod mihi valde arctè conjunctum est, quia tamen ex una parte claram & distinctam habeo ideam mei ipsius, quatenus sum res cogitans, non extensa; & ex alia parte distinctam ideam corporis quatenus est res extensa, non cogitans, certum est me (hoc est mentem) à corpore meo revera esse distinctum, & absque illo posse existere.* Quibus facile adjungitur, omne id quod potest cogitare est mens, sive vocetur mens: sed cum mens & corpus realiter distinguantur, nullum corpus est mens, ergo nullum corpus potest cogitare.

Nec sanè hîc video quid negare possitis; anne sufficere quod unam rem absque altera clarè intelligamus, ut agnoscamus illa realiter distingui? Date ergò certius aliquod signum distinctionis realis: nam confido nullum dari posse: quid enim dicetis? an realiter illa distingui, quorum utrumlibet absque alio potest existere? Sed rursus quæram, unde cognoscatis, unam rem absque alia esse posse? Ut enim sit signum distinctionis, debet cognosci. Fortè dicetis, hoc haberi à sensibus, quia unam rem absente alia videtis, aut tangitis, &c. sed sensuum fides incertior est quàm intellectus; multis modis fieri potest, ut una & eadem res sub variis formis, aut pluribus in locis, aut modis appareat, atque ita pro duabus sumatur. Ex denique si recordemini eorum quæ in fine secundæ meditationis de cera dicta sunt, adverteritis nequidem ipsa corpora propriè sensu percipi, sed solo intellectu, adeò ut non aliud sit, unam rem absque alia sentire, quàm habere ideam unius rei, & intelligere istam ideam non eandem esse cum ideâ alterius. Non autem hoc aliunde potest intelligi quàm ex eo quòd una absque altera percipitur? nec potest certè intelligi nisi utriusque rei idea sit clara & distincta: atque istud signum realis distinctionis ad meum debet reduci, ut sit certum.

Si qui autem negent se habere distinctas ideas mentis & corporis, nihil possum amplius quàm illos rogare ut ad ea quæ in hac secunda meditatione continentur, satis attendant; & sciant opinionem quam habent, si fortè habent, quod

partes cerebri concurrant ad formandas cogitationes, non ortam esse ab ulla positiva ratione, sed tantum ex eo quod nunquam experti sint se corpore caruisse, ac non raro ab ipso in operationibus suis fuerint impediti; eodem modo ac si quis ex eo quod ab infantia compedibus victus semper fuisset, existimaret illas compedes esse partem sui corporis, ipsisque sibi opus esse ad ambulandum.

SECUNDO, cum dicitis *in nobis ipsis sufficiens reperiri fundamentum ad ideam Dei formandam*, nihil à mea opinione diversum assertis: ipse enim expressè dixi ad finem tertie meditationis, *hanc ideam mihi esse innatam, sive non aliunde quam à meipso mihi advenire*. Concedo etiam *ipsam posse formari, licet ens summum existere nesciremus*: sed non si revera non existeret; nam contra monui, omnem vim argumenti in eo esse quod fieri non possit, ut facultas ideam istam formandi in me sit nisi à Deo sim creatus.

Nec urget id quod dicitis, de muscis, plantis, &c. ut probetis aliquem gradum perfectionis esse posse in effectu qui non præcessit in causa. Certum enim est, vel nullam esse perfectionem in animalibus ratione carentibus, quæ non etiam sit in corporibus non animatis; vel si quæ sit, illam ipsis aliunde advenire; nec solem, & pluviam, & terram esse ipsorum causas adequatas; essetque à ratione valde alienum si quis ex eo solo quod non agnoscat causam ullam quæ ad generationem muscæ concurrat, habeatque tot gradus perfectionis quot habet musca, cum interim non sit certus nullam esse præter illas quas agnoscit, occasionem inde sumeret dubitandi de re, quæ, ut paulò post fusiùs dicam, ipso naturali lumine manifesta est.

Quibus addo, istud de muscis, cum à rerum materialium consideratione sit desumptum, non posse venire in mentem iis quæ meditationes meas sequuti cogitationem à rebus sensibilibus avocabunt, ut ordine philosophentur.

Non magis urget quod ideam Dei, quæ in nobis est, ens rationis appelleris; neque enim hoc eo sensu verum est quo per *ens rationis* intelligitur id quod non est, sed eo tantum quo omnis operatio intellectus *ens rationis*, hoc est, ens à ratione profectum; atque etiam totus hic mundus ens rationis divinæ, hoc est ens per simplicem actum mentis divinæ creatum, dici potest. Jamque satis variis in locis inculcavi, me agere tantum de perfectione sive realitate ideæ objectivæ, quæ non minus quam artificium objectivum quod est in idea machinæ alicujus valde ingeniose excogitatæ, causam exigit, in qua reverà contineatur illud omne quod in ipsa continetur tantum objective.

Nec sane video quid addi possit ut clarius appareat ideam istam mihi adesse non posse nisi existat summum ens, præterquam ex parte lectoris; ita scilicet ut ad ea quæ jam scripsi diligentius attendendo liberet se præjudiciis, quibus forte lumen ejus naturale obruitur, & primis notionibus, quibus nihil evidentius aut verius esse potest, potius quam opinionibus obscuris & falsis, sed longo usu menti infixis, credere assuescat.

Quod

Quod enim nihil sit in effectu, quod non vel simili vel eminentiori aliquo modo præxiterit in causa, prima notio est, quâ nulla clarior habetur; hæcque vulgaris, à nihilo nihil fit, ab eo non differt; quia si concedatur aliquid esse in effectu quod non fuerit in causa, concedendum etiam est, hoc aliquid à nihilo factum esse; nec patet cur nihil non possit esse rei causa, nisi ex eo quod in tali causa non esset idem quod in effectu.

Prima etiam notio est, omnem realitatem, sive perfectionem quæ tantum sit objective in ideis, vel formaliter vel eminenter esse debere in earum causis; & huic soli innixa est omnis opinio quam de rerum extra mentem nostram positarum existentia unquam habuimus: unde enim suspicati fuimus illas existere, nisi ex eo solo quodd ipsarum idearum per sensus ad mentem nostram pervenirent?

Quod autem aliqua idea sit in nobis entis summè potentis, & perfecti, ac etiam quod hujus ideæ realitas abjectiva nec formaliter nec eminenter in nobis reperitur, clarum fiet iis qui satis attendunt, & diu mecum meditabuntur; neque enim id quod ab alterius cogitatione tantum pendet, possum ipsi oscitanti obtrudere. Ex his autem manifestissimè concluditur Deum existere. Sed pro iis quorum lumen naturale tam exiguum est ut non videant primam esse notionem, *quod omnis perfectio quæ est objective in idea debeat esse realiter in aliqua ejus causa*, palpabilius adhuc idem demonstravi ex eo quod mens quæ habet istam ideam, à se ipsa esse non possit; nec proinde video quid amplius desideretur ut manus detis.

Non etiam urget quod fortè ideam quæ mihi Deum repræsentat, *ex præconceptis animi notionibus, libris, mutuis amicorum colloquiis, &c. non à sola mea mente acceperim.* Eodem enim modo procedet argumentum, si quæram de iis aliis à quibus dicor illam accepisse, an ipsam habeant à se, an ab alio, ac si de me ipso quærerem; semperque illum à quo primum profluxit Deum esse concludam.

Quodd verò hic admiscetis, eam posse efformari ex prævia rerum corporalium inspectione, non verisimilius mihi videtur quàm si diceretis, nullam nos audiendi habere facultatem, sed ex sola colorum visione in sonorum notitiam devenire: plus enim analogiz sive paritatis fingi potest inter colores, & sonos, quàm inter res corporeas & Deum. Cumque petitis ut quid addam quod ad ens incorporeum seu spirituale evehat, nihil possum melius quàm vos ad secundam meam Meditationem remittere, ut saltem aliquem ejus usum esse advertatis; Quid enim hic una aut altera periodo præstare possem si longiore ibi oratione ad id unum parata, & in quam non minus industrix quàm in quicquam aliud quod unquam scripserim mihi videor contulisse, nihil effici?

Nec obstat quod in ea de mente humana tantum egerim, fateor enim ultro & libenter ideam quam habemus, exempli gratiâ, intellectus divini, non differre ab illa quam habemus nostri intellectus, nisi tantum ut idea numeri infiniti differt ab idea quaternarii, aut binarii; atque idem esse de singulis Dei attributis quorum

quorum aliquod in nobis vestigium agnoscimus. Sed præterea in Deo intelligimus absolutam immensitatem, simplicitatem, unitatem omnia alia attributa complectentem, quæ nullum planè exemplum habet, sed est, ut ante dixi, *tantumquam nota artificis operi suo impressa*, ratione cujus agnoscimus, nihil eorum; quæ particulatim ut in nobis ea percipimus, ita etiam in Deo propter defectum intellectus nostri consideramus, univocè illi & nobis convenire; atque etiam dignoscimus ex multis particularibus indefinitis quorum ideas habemus, ut cognitionis indefinitæ, sive infinitæ, item potentæ, numeri, longitudinis, &c. etiam infinitorum, quædam in Idea Dei formaliter contineri, ut cognitionem & potentiam, alia tantum eminenter, ut numerum, & longitudinem; quod sanè non fieret si idea ista nihil aliud esset in nobis quàm signum.

Neque etiam tam constanter ab omnibus eodem modo conciperetur: Est enim notatū valde dignum quod omnes Metaphysici in Dei attributis (iis scilicet quæ per solam humanam rationem cognosci possunt) describendis unanimiter consentiant, adèd ut nulla sit res Physica, nulla sensibilis, nulla cujus ideam quàm maximè crassam & palpabilem habeamus, de cujus natura non major opinionum diversitas apud Philosophos reperiat.

Nec sanè possent ulli homines in ista idea Dei rectè concipienda aberrare, si tantum ad Naturam entis summè perfecti vellent attendere: sed qui aliqua alia simul miscent, ex hoc ipso pugnantia loquuntur, & chimæricam Dei ideam effingentes non immeritò postea negant illum Deum, qui per talem ideam representatur, existere. Ita hūc cū loquimini de ente corporeo perfectissimo, si nomen perfectissimi absolute sumatis, ut sensus sit, rem corpoream esse ens in quomnes perfectiones reperiantur, pugnantia loquimini; quoniam ipsa natura corporis imperfectiones multas involvit, ut quod corpus sit divisibile in partes, quod unaquæque ejus pars non sit alia, & similes; est enim per se notum, majorem perfectionem esse non dividi quàm dividi, &c. Si verò intelligatis duntaxat quod perfectissimum est in ratione corporis, hoc non est Deus.

Quod additis de idea Angeli qua sumus imperfectiores, nempe non opus esse, ut ipsa ab Angelo in nobis effecta sit, facile concedo, quia ipse in tertia Meditatione jam dixi *illam ex ideis quas habemus Dei & hominis componi posse*. Neque hoc mihi ullo modo advertatur.

Qui autem negant se habere ideam Dei, sed vice illius efformant aliquod idolum, &c. nomen negant, & rem concedunt; neque enim ego istam ideam puto esse ejusdem naturæ cum imaginibus rerum materialium in phantasiâ depictis, sed esse id tantum quod intellectu sive apprehendente, sive judicante, sive ratiocinante percipimus; & contendo ex hoc solo quod attingam quomodolibet cogitatione sive intellectu perfectionem aliquam quæ supra me est, putà ex eo solo quod advertam inter numerandum me non posse ad maximum omnium numerorum devenire, atque inde agnoscam esse aliquid in ratione numerandi quod

quod vires meas excedit, necessariò concludi, non quidem numerum infinitum existere, ut neque etiam illum implicare, ut dicitis; sed me istam vim concipiendi majorem numerum esse cogitabilem quàm à me unquam possit cogitari, non à me ipso, sed ab aliquo alio ente me perfectiore acceperisse.

Nec ad rem attinet si conceptus iste numeri indefiniti vocetur idea, vel non vocetur. Ut autem intelligatur quodnam sit illud ens me perfectius, an scilicet sit ipse numerus infinitus, reèiter existens, an verò aliquid aliud, consideranda sunt alia omnia, quæ præter vim dandi mihi istam ideam, in eodem à quo proficiscitur esse possunt, & ita invenietur solus Deus.

Denique dum Deus dicitur esse *incogitabilis*, intelligitur de cogitatione ipsa adæquate comprehendente, non autem de illa inadæquata quæ in nobis est, & quæ sufficit ad cognoscendum ipsum existere: parumque interest quod idea unitatis omnium Dei perfectionum eodem modo quo universalis Porphyrii efformari dicatur: quamvis profectò in hoc plurimum differt, quod peculiarem quandam & positivam perfectionem in Deo designet, unitas autem generica nihil addat reale singulorum individuorum naturis.

TERTIO, ubi dixi nihil nos certo posse scire nisi prius Deum existere cognoscamus, expressis verbis testatus sum me non loqui nisi de scientia earum conclusionum, quarum memoria potest recurrere cum non amplius attendimus ad rationes ex quibus ipsas deduximus. Principiorum enim notitia non solet à dialecticis scientia appellari. Cum autem advertimus nos esse res cogitantes, prima quædam notio est quæ ex nullo syllogismo concluditur; neque etiam cum quis dicit, *ego cogito, ergo sum sive existo*, existentiam ex cogitatione per syllogismum deducit, sed tanquam rem per se notam simplici mentis intuitu agnoscit, ut patet ex eo quòd si eam per syllogismum deduceret, novisse prius debuisset istam majorem, *illud omne quod cogitat, est sive existit*, atqui profectò ipsam potius discit ex eo quòd apud se experitur fieri non posse ut cogitet nisi existat. Eacnim est natura nostræ mentis ut generales propositiones ex particularium cognitione efformet.

Quòd autem *Atheus possit clare cognoscere triangulitres angulos aequales esse duobus rectis*, non ego, sed tantùm istam ejus cognitionem non esse veram scientiam affirmo, quia nulla cognitio, quæ dubia reddi potest, videtur scientia appellanda; cumque ille supponatur esse atheus, non potest esse certus se non decipi in iis ipsis quæ illi evidentissima videntur, ut satis ostensum est; & quamvis fortè dubium istud ipsi non occurrat, potest tamen occurrere, si examinet, vel ab alio proponatur, nec unquam ab eo erit tutus, nisi prius Deum agnoscat.

Nec refert quòd forte existimet se habere demonstrationes ad probandum nullum Deum esse: cum enim nullo modo sint veræ, semper illi earum vitia ostendi possunt; & cum hoc fiet, ab opinione dejicietur.

Quod sane non erit difficile, si pro demonstrationibus suis id tantum afferat quod

quod hic adjecistis, nempe *infinitem in omni genere perfectionis excluderi quodlibet aliud ens, &c.* Nam primo si quæretur, unde sciat exclusionem istam aliorum omnium entium pertinere ad naturam infiniti, nihil habebit quod cum ratione respondeat, quia nec nomine *infiniti* solet aliquid intelligi, quod existentiam rerum finitarum excludat; nec quicquam scire potest de Natura ejus quod purat nihil esse, nullamque idcirco habere naturam, nisi quod in sola nominis significatione ab aliis recepta continetur. Deinde quid fieret infinita potentia istius imaginarii infiniti, si nihil unquam creare posset? ac denique ex eo quod in nobis nonnullam vim cogitandi advertamus, facile concipimus in aliquo alio vim etiam cogitandi esse posse, istamque majorem quam in nobis: sed quamvis hanc augeri putemus in infinitum, non timebimus idcirco ne nostra minor fiat. Idemque est de reliquis omnibus, quæ Deo tribuuntur, etiam de potentia, modò nullam in nobis nisi Dei voluntari subditam supponamus, ac proinde ille planè infinitus absque ulla rerum creaturarum exclusionem potest intelligi.

QUARTO, cum nego Deum mentiri, vel esse deceptorem, puto me cum omnibus Metaphysicis & Theologis, qui unquam erunt aut fuerunt, consentire. Nec magis obstant quæ in contrarium attulistis, quàm si negassem Deum irasci, aliisve animi commotionibus esse obnoxium, & objiceretis loca scripturæ in quibus ei humani affectus tribuuntur. Omnibus enim est nota distinctio inter modos loquendi de Deo ad vulgi sensum accommodatos, & veritatem quidem aliquam, sed ut ad homines relatum, continentes, quibus Sacræ literæ uti solent; atque alios magis nudam veritatem nec ad homines relatum exprimentes, quibus omnes inter philosophandum uti debent; & ego præcipuè in Meditationibus meis debui uti, cum nequidem ibi adhuc ullos homines mihi notos esse supponerem, neque etiam me ipsum ut constantem mente & corpore, sed ut mentem solam considerarem. Unde perspicuum est, me ibi de mendacio quod verbis exprimitur non fuisse locutum, sed de interna tantum & formali malitia quæ in deceptione continetur.

Quamvis itaque id quod assertur de Propheta, adhuc quadraginta dies & Nino subvertetur, nequidem verbale fuerit mendacium, sed tantum comminatio, cujus eventus ex conditione pendeat; & cum dicitur Deum indurasse cor Pharaonis, vel quid simile, non intelligendum sit ipsum id fecisse positive, sed tantum negative, gratiam scilicet efficacem Pharaoni ad se convertendum non largiendo: Nolim tamen reprehendere illos qui concedunt Deum per Prophetas verbale aliquod mendacium (qualia sunt illa medicorum, quibus ægrotos decipiunt ut ipsos curent, hoc est in quo deficit omnis malicia deceptionis) proferre posse. Quinimo etiam, quod majus est, ab ipso naturali instinctu, qui nobis à Deo tributus est, interdum nos realiter falli videmus, ut cum hydropicus sitit, tunc enim impellitur positive ad potum à Natura, quæ ipsi ad conservationem corporis à Deo est data, cum tamen hæc natura illum fallat, quia potus est ipsi nocivus;

citurus; sed qua ratione id cum Dei bonitate vel veracitate non pugnet, in sexta meditatione explicui.

In iis autem quæ sic non possunt explicari, nempe in maximè claris & accuratis nostris judiciis, quæ si falsa essent, per nulla clariora, nec ope ullius alterius naturalis facultatis possent emendari, planè affirmo nos falli non posse. Cum enim Deus sit summus ens, non potest non esse etiam summum bonum, & verum, atque idcirco repugnat, ut quid ab eo sit quod positive tendat in falsum: atqui cum nihil reale in nobis esse possit quod non ab ipso sit datum, (ut simul cum ejus existentia demonstratum est) realem autem habeamus facultatem ad verum agnoscendum, illud quæ à falso distinguendum, (ut paret vel ex hoc solo quod nobis insint idæ falsi & veri) nisi hæc facultas in verum tenderet, saltem cum ipsa recte utimur (hoc est, cum nullis nisi clare & distincte perceptis assentimur, nullus enim alius rectus ipsius usus fingi potest) meritò Deus ejus dator pro deceptore haberetur.

Atque ita videris postquam Deum existere cognitum est, necesse esse ut illum fingamus esse deceptorem, si ea quæ clare & distincte percipimus, in dubium revocare velimus; & quia deceptor fingi non potest, illa omnino pro veris & certis esse admittenda.

Sed quia hic adverto, vos adhuc hære in dubiis quæ à me in prima Meditatione proposita, satis accurate in sequentibus putabam fuisse sublata, exponam hic iterum fundamentum cui omnis humana certitudo niti posse mihi videtur.

In primis statim atque aliquid à nobis recte percipi putamus, sponte nobis persuademus illud esse verum. Hæc autem persuasio si tam firma sit ut nullam unquam possimus habere causam dubitandi de eo quod nobis ita persuademus, nihil est quod ulterius inquiramus, habemus omne quod cum ratione licet optare. Quid enim ad nos, si fortè quis fingat illud ipsum, de cujus veritate tam firmiter sumus persuasi, Deo vel Angelo falsum apparere, atque ideo absolute loquendo falsum esse? quid curamus istam falsitatem absolutam, cum illam nullo modo credamus, nec vel minimum suspicemur; supponimus enim persuasionem tam firmam ut nullo modo tolli possit; quæ proinde persuasio idem planè est quod perfectissima certitudo? Sed dubitari potest an habeatur aliqua talis certitudo, si ve firma & immutabilis persuasio. Et quidem perspicuum est illam non haberi de iis quæ vel minimum obscure aut confuse percipimus: hæc enim qualiscunque obscuritas satis est causæ ut de ipsis dubitemus. Non habetur etiam de iis quæ, quantumvis clarè, solo sensu percipiuntur, quia sæpe notavimus in sensu errorem posse reperiri, ut cum hydropicus sitit, vel cum ictericus nivem videt ut flavam: non enim minus clarè & distinctè illam sic videt, quàm nos ut albam. Superest itaque ut si quæ habeatur, sit tantum de iis quæ clarè ab intellectu percipiuntur.

Ex his autem quedam sunt tam perspicua, simulque tam simplicia, ut nunquam

quam possimus de iis cogitare, quin vera esse credamus; ut quod ego dum cogito, existam; quod ea quæ semel facta sunt infecta esse non possint; & talia, de quibus manifestum est hanc certitudinem haberi: Non possumus enim de iis dubitare nisi de ipsis cogitemus; sed non possumus de iisdem cogitare quin simul credamus vera esse, ut assumptum est, ergo non possumus de iis dubitare, quin simul credamus vera esse, hoc est non possumus dubitare.

Nec obstat quod sæpe simus experti, alios deceptos fuisse in iis quæ sole clarius se scire credebant: Neque enim unquam advertimus, vel ab ullo adverti potest, id contigisse iis qui claritatem suæ perceptionis à solo intellectu petierunt, sed iis tantum qui vel à sensibus vel à falso aliquo præiudicio ipsam desumpserunt.

Nec obstat etiam si quis fingat, illa Deo, vel Angelo apparere esse falsa, quia evidentia nostræ perceptionis non permittit ut talia fingentem audiamus.

Alia sunt quæ quidem etiam clarissime ab intellectu nostro percipiuntur, cum ad rationes ex quibus pendet ipsorum cognitio satis attendimus, atque ideo tunc temporis non possumus de iis dubitare; sed quia istarum rationum possumus oblivisci, & interim recordari conclusionum ex ipsis deductarum, quæritur an de his conclusionibus habeatur etiam firma & immutabilis persuasio, quamdiu recordamur ipsas ab evidentibus principiis fuisse deductas: hæc enim recordatio supponi debet, ut dici possint conclusiones: Et respondeo haberi quidem ab iis qui Deum sic norunt ut intelligant fieri non posse quin facultas intelligendi ab eo ipsis data tendat in verum; Non autem haberi ab aliis; Hocque in fine quintæ Meditationis tam clare explicatum est, ut nihil hic addendum videatur.

QUINTO, miror vos negare, voluntatem se exponere periculo, si conceptum intellectus sectetur minime clarum & distinctum; quid enim ipsam certam reddat, si clarè non perceptum sit id quod sectatur? & quis unquam vel Philosophus, vel Theologus, vel tantum homo ratione utens non confessus est, eò minorj in errandi periculo nos versari quò clarius aliquid intelligimus, antequam ipsi assentiamur; atque illos peccare qui causâ ignoratâ iudicium ferunt? Nullus autem conceptus dicitur obscurus, vel confusus, nisi quia in ipso aliquid continetur quod est ignotum.

Nec proinde id quod obijcitis de fide amplectenda majorem vim in me habet quàm in alios omnes qui unquam rationem humanam excoluerunt: nullamque profectò habet in ullos. Etsi enim fides dicatur esse de obscuris, non tamen illud propter quòd ipsam amplectimur est obscurum, sed omni naturali luce illustrius. Quippe distinguendum est inter materiam sive rem ipsam cui assentimur, & rationem formalem quæ movet voluntatem ad assentiendum. Nam in hac sola ratione perspicuitatem requirimus: Et quantum ad materiam, nemo unquam negavit illam esse posse obscuram, inò ipsammet obscuritatem: Cum enim iudico obscuritatem ex nostris conceptibus esse tollendam, ut absque ullo

CREAR-

errandi periculo ipsis assentiri possimus, de hac ipsa obscuritate clarum iudicium formo. Deinde notandum est claritatem, sive perspicuitatem, à qua moveri potest nostra voluntas ad assentiendum, duplicem esse, aliam scilicet à lumine naturali, & aliam à gratia divina. Jam verò etsi fides vulgo dicatur esse de obscuris, hoc ramentum intelligitur tantum de re sive de materia circa quam versatur, non autem quod ratio formalis propter quam rebus fidei assentimur sit obscura: Nam contra, hæc ratio formalis consistit in lumine quodam interno, quo à Deo supernaturaliter illustrati confidimus ea quæ credenda proponuntur ab ipso esse revelata, & fieri planè non posse ut ille mentiatur; quod omni naturæ lumine certius est: Et sæpe etiam, propter lumen gratiæ, evidentius.

Nec sanè Turcæ, aliive infideles, ex eo peccant cum non amplectuntur religionem Christianam, quod rebus obscuris, ut obscuræ sunt, nolint assentiri; sed vel ex eo quod divinæ gratiæ interior illos moventi repugnent, vel quod in aliis peccando se gratiæ reddant indignos. Atque audacter dico, infidelem qui omni gratiæ supernaturali destitutus & planè ignorans ea quæ nos Christiani credimus à Deo esse revelata, ipsa tamen, quamvis sibi obscura, falsis aliquibus ratiociniis adductus amplecteretur, non ideo fore fidelem, sed potius in eo peccaturum, quod ratione suâ non rectè uteretur. Nec puto ullum orthodoxum Theologum aliter unquam de his sensisse. Nec etiam ii qui me legent, putare poterunt me istud lumen supernaturale non agnovisse, cum valde expressis verbis ipsa quarta Meditatione, in qua causam falsitatis investigavi, dixerim, *illud intima cogitationis nostre disponente ad volendum, nec tamen minuire libertatem.*

Cæterum velim ur hic meminere, me circa ea quæ licet amplecti voluntati, accuratissimè distinxisse inter usum vitæ, & contemplationem veritatis. Nam quod ad usum vitæ attinet, tantum abest ut putem nullis nisi clarè perspectis esse assentiendum, quin è contra nequidem verisimilia puto esse semper expectanda, sed interdum è multis plane ignotis unum eligendum, nec minus firmiter tenendum, postquam electum est, quamdiu nullæ rationes in contrarium haberi possunt, quam si ob rationes valde perspicuas fuisset electum, ut in dissertatione de Methodo pag. 26. explicui. Ubi autem agitur tantum de contemplatione veritatis, quis negavit unquam ab obscuris & non satis distinctè perspectis assensionem esse cohibendam? Quod autem de hac sola in Meditationibus meis egerim, tum res ipsa indicat, tum etiam expressis verbis ad finem primæ declaravi, dicendo, *mei plus a quo dissidentia indulgere non posse, quandoquidem non rebus agendis sed cognoscendis tantum incumbere.*

SEXTO, ubi reprehenditis conclusionem syllogismi à me facti, videmini ipsimet in ea aberrare; quod conclusionem enim quam vultis, major propositio sic enunciat debuisse; *quod clare intelligimus pertinere ad alienius rei naturam, id potest cum veritate affirmari ad ejus naturam pertinere;* Atque ita

nihil in ipsa præter inutilem tautologiam contineretur. Major autem mea fuit talis: *Quod clare intelligimus pertinere ad alicujus rei naturam, id potest de ea re cum veritate affirmari.* Hoc est, si esse animal pertinet ad naturam hominis, potest affirmari hominem esse animal: Si habere tres angulos æquales duobus rectis pertinet ad naturam trianguli, potest affirmari triangulum habere tres angulos æquales duobus rectis: Si existere pertinet ad naturam Dei, potest affirmari Deum existere, &c. Minor verò hæc fuit: *Atqui pertinet ad naturam Dei quod existat, ex quibus patet esse concludendum ut conclusus;* Ergo potest de Deo cum veritate affirmari quod existat? Non autem ut vultis, *Ergo cum veritate possumus affirmare, ad naturam Dei pertinere ut existat.*

Itaque ad utendum exceptione quam subjungitis, neganda vobis fuisse major, & dicendum; id quod clare intelligimus pertinere ad alicujus rei naturam, non ideo posse de ea re affirmari, nisi ejus rei natura sit possibilis, sive non repugnet. Sed videte quæso quàm parum valeat hæc exceptio; vel enim, ut vulgo omnes, per possibile intelligitis illud omne quod non repugnat humano conceptui; quo sensu manifestum est Dei naturam, prout ipsam descripsi, esse possibilem, quia nihil in ipsa supposui nisi quod clare & distincte perciperemus debere ad illam pertinere, adeo ut conceptui repugnare non possit: vel certe fingitis aliquam aliam possibilitatem ex parte ipsius objecti, quæ nisi cum præcedente conveniat, nunquam ab humano intellectu cognosci potest, ideoque non plus habet virium ad negandam Dei naturam, sive existentiam, quàm ad reliqua omnia, quæ ab hominibus cognoscuntur, everrenda. Pari enim jure quo negatur Dei naturam esse possibilem, quamvis nulla impossibilitas ex parte conceptus reperitur, sed contra, omnia quæ in isto naturæ divinæ conceptu compleximur, ita inter se connexa sint ut implicare nobis videatur aliquid ex iis ad Deum non pertinere, poterit etiam negari possibile esse ut tres anguli trianguli sint æquales duobus rectis, vel utile qui actu cogitat, existat; & longe meliori jure negabitur ulla ex iis quæ sensibus usurpamus, vera esse, atque ita omnis humana cognitio, sed absque ulla ratione, tolletur.

Quantum ad argumentum quod cum meo confertis, hoc scilicet, *si non implicet Deum existere, certum est illum existere, sed non implicat, ergo, &c.* materialiter quidem est verum, sed formaliter est sophisma, in majori enim verbum *implicat* respicit conceptum causæ à qua Deus esse potest, in minori autem solum conceptum ipsius divinæ existentie & naturæ, ut patet ex eo quòd si negetur major, ita erit probanda: Si Deus nondum existit, implicat ut existat, quia nullam dari potest causam sufficiens ad illum producendum, sed non implicat illum existere, ut assumptum est, ergo, &c. Si vero negetur minor, sic erit dicendum, illud non implicat, in cujus formali conceptu nihil est quod involvat contradictionem, sed in formali conceptu divinæ existentie vel naturæ nihil est quod involvat contradictionem, ergo, &c. quæ duo sunt valde diversa. Nam fieri potest

ut

ut nihil in aliqua re intelligatur quod impediatur quominus ipsa possit existere, interimque aliquid intelligatur ex parte causæ quod obstat, quominus producat.

Etsi autem Deum inadæquate tantum, vel, si placet, inadæquatissime concipiamus, hoc non impedit quominus certum sit ejus naturam esse possibilem, sive non implicare. Nec etiam quominus vere affirmare possimus, nos satis clare ipsam investigasse, (quantum scilicet sufficit ad hoc cognoscendum, atque etiam ad cognoscendum existentiam necessariam ad eandem Dei naturam pertinere) omnis enim implicancia sive impossibilitas in solo nostro conceptu ideas sibi mutuò adversantes male conjungente consistit, nec in ulla re extra intellectum posita esse potest, quia hoc ipso quod aliquid sit extra intellectum, manifestum est non implicare, sed esse possibile. Oritur autem in nostris conceptibus implicancia ex eo tantum quod sint obscuri, & confusi, nec ulla unquam id clari & distincti esse potest. Ac proinde satis est quod ea pauca quæ de Deo percipimus, clare & distincte intelligamus, etsi nullo modo adæquate; & quod inter cætera ad veram necessariam existentiam in hoc nostro ejus conceptu quantumvis inadæquato contineri; ut affirmemus nos satis clare investigasse ejus naturam, atque ipsam non implicare.

SEPTIMO, cur de immortalitate animæ nihil scripserim, jam dixi in Synopsi mearum Meditationum; Quod ejus ab omni corpore distinctionem satis probaverim supra ostendi. Quod vero additis *ex distinctione anima à corpore non sequi ejus immortalitatem; quia nihilominus dici potest illam à Deo tali naturæ factam esse, ut ejus duratio simul cum duratione vite corporeæ finiatur*, fateor à me refelli non posse. Neque enim tantum mihi assumo ut quicquam de iis quæ à libera Dei voluntate dependent, humanæ rationis vi determinare aggrediar. Docet naturalis cognitio mentem à corpore esse diversam, ipsamque esse substantiam; corpus autem humanum, quatenus à reliquis corporibus differt, ex sola membrorum configuratione, aliisque ejusmodi accidentibus constare; ac denique mortem corporis à sola aliqua divisione, aut figuræ mutatione pendere: nullumque habemus argumentum nec exemplum quod persuadeat mortem, sive annihilationem substantiæ, qualis est mens, sequi debere ex tam levi causâ, qualis est figuræ mutatio, quæ nihil aliud est quàm modus, & quidem non modus mentis, sed corporis à mente realiter distincti: nec quidem etiam habemus ullum argumentum, vel exemplum quod persuadeat aliquam substantiam posse intrinsece; quod sufficit ut concludamus mentem, quantum ex naturali philosophia cognosci potest, esse immortalem.

Sed si de absoluta Dei potestate queratur, an forte decreverit ut humanæ animæ iisdem temporibus esse desinant quibus corpora quæ illis adjunxit destruantur; solius est Dei respondere. Cumque jam ipse nobis revelaverit id non futurum, nulla plane, vel minima est occasio dubitandi.

Superest jam ut vobis gratias agam quod tam officiosè & tam candide non modò

modò eorum quæ ipsi sensistis, sed etiam eorum quæ ab obrectatoribus aut Atheis dici possent, monere me dignari sitis. Etsi enim nulla videam ex iis quæ proposuistis quæ non jam ante in Meditationibus vel solvissem, vel exclusissem (nam quantum ad ea quæ de muscis à solè productis, de Canadensibus, de Ninivitis, de Turcis & similibus attulistis, non possunt venire in mentem iis qui viam à me monstratam sequuti, omnia quæ à sensibus accepere aliquamdiu seponent, ut quid pura & incorrupta ratio dicter advertant, ideoque ipsa putabam jam satis à me fuisse exclusa;) etsi, inquam, ita sit, judico tamen has vestras objectiones valde ad meum institutum profuturas; vix enim ullos lectores exspecto qui tam accurate ad omnia quæ scripsi velint attendere, ut cum ad finem pervenient, omnium præcedentium recorderentur; & quicumque hoc non agent, facile in aliquas dubitationes incurrant, quibus postea vel videbunt in hac mea responsione esse satisfactum, vel saltem ex ea occasionem sument veritatem ulterius examinandi.

Quantum denique ad consilium vestrum de meis rationibus more geometrico proponendis, ut unico velut intuitu à lectore percipi possint, operæ pretium est ut hic exponam quatenus jam illud sequutus sim, & quatenus deinceps sequendum putem. Duas res in modo scribendi geometrico distinguo, ordinem scilicet, & rationem demonstrandi.

Ordo in eo tantum consistit, quod ea quæ prima proponuntur, absque ulla sequentium ope debeant cognosci, & reliqua deinde omnia ita disponi ut ex præcedentibus solis demonstrantur. Atque profecto hunc ordinem quàm accuratissime in Meditationibus meis sequi conatus sum: ejusque observatio fuit in causa, cur de distinctione mentis à corpore non in secunda, sed demum in sexta Meditatione tractârim, atque alia multa volens & sciens omiserim, quia plurimum rerum explicationem requirebant.

Demonstrandi autem ratio duplex est, alia scilicet per analysim, alia per synthesisim.

Analysis veram viam ostendit per quam res methodice & tanquam à priori inventa est, adeo ut si lector illam sequi velit, adque ad omnia satis attendere, rem non minus perfecte intelliget, suamque reddet, quàm si ipsemet illam invenisset. Nihil autem habet quo lectorem minus attentum, aut repugnantem, ad credendum impellat; Nam si vel minimum quid ex iis quæ proponit non advertatur, ejus conclusionum necessitas non apparet, sæpeque multa vix attingit, quia satis attendenti perspicua sunt, quæ tamen præcipuè sunt advertenda.

Synthesis è contra per viam oppositam & tanquam à posteriori quæsitam (etsi sæpe ipsa probatio sit in hac magis à priori quàm in illa) clarè quidem id quod conclusum est demonstrat, utiturque longa definitionum, petitionum, axiomatum, theorematum, & problematum serie, ut si quid ipsi ex consequentibus negetur, id in antecedentibus contineri statim ostendat, sicque à lectore quantumvis repugnanter ac pertinaci assensionem extorqueat: sed non ut altera satisfaciat, nec

nec discere cupientium animos explet, quia modum quo res fuit inventa, non docet.

Hac sola Geometrarum veteres in scriptis suis uti solebant, non quòd aliam plane ignorarent, sed, quantum judico, quia ipsam tanti faciebant ut sibi solis tantum arcanum quid reservarent.

Ego verò solam Analytìm, quæ vera & optima via est ad docendum, in Meditationibus meis sum sequutus; sed quantum ad Synthetìm, quæ procul dubio ea est, quam hic à me requiritis, etsi in rebus Geometricis aptissimè post Analytìm ponatur, non tamen ad has Metaphysicas tam commodè potest applicari.

Hæc enim differentia est, quòd primarum notiones, quæ ad res Geometricas demonstrandas præsupponuntur, cum sensuum usu convenienter, faciliè à quibuslibet admittantur; ideoque nulla est ibi difficultas, nisi in consequentiis ritè deducendis; quod à quibuslibet etiam minùs attentis fieri potest, modo tantum præcedentium recordentur: & propositionum minuta distinctio ad hoc est parata, ut faciliè citari, atque ita vel nolentibus in memoriam reduci possint.

Contrà vero in rebus Metaphysicis de nulla re magis laboratur quàm de primis notionibus clarè & distinctè percipiendis: Etsi enim ipsæ ex natura sua non minùs notæ, vel etiam notiores sint quàm illæ quæ à Geometris considerantur, quia tamen iis multa repugnant sensuum præjudicia, quibus ab ineunte ætate assuevimus, non nisi à valde attentis, & meditantibus, mentemque à rebus corporeis, quantum fieri potest avocantibus perfectè cognoscuntur; atque si solæ ponerentur, faciliè à contradicendi cupidis negari possent.

Quæ ratio fuit cur meditationes potiùs, quàm, ut Philosophi, Disputationes, vel, ut Geometrarum, Theoremata & Problemata scripserim, ut nempe hoc ipso testarer nullum mihi esse negotium nisi cum iis qui mecum rem attentè considerare ac meditari non recusabunt: Etenim vel ex hoc ipso quòd quis ad impugnandam veritatem se accingit, quoniam avocatur seipsum à rationibus quæ illam persuadent considerandis, ut alias quæ dissuadeant inveniatur, minùs redditur idoneus ad ipsam percipiendam.

Fortè verò hic aliquis objiciet, nullasquidem rationes ad contradicendum esse querendas, cum scitur veritatem sibi proponi; sed quamdiu de hoc dubitatur, merito rationes omnes in utramque partem expendi, ut quæ firmiores sint cognoscatur, atque me non æquum postulare, si meas pro veris admitti velim, antequam fuerint perspectæ, aliasque ipsis repugnantes considerari prohibeam.

Quod jure quidem diceretur si quæ ex iis, in quibus attentum & non repugnantem lectorem desidero, talia essent, ut illum possent avocare ab aliquibus aliis considerandis, in quibus vel minima esset spes plus veritatis quàm in meis repertiendi; Sed cum inter illa quæ propono, summa de omnibus dubitatio continetur, nihilque magis commendem quàm ut singula diligentissimè circumspiciantur, nihilque prorsus admittatur nisi quod tam clarè & distinctè fuerit perspicuum

speculum ut non possimus ei non assentiri: Et è contra non alia sint à quibus lectorum animos cupio avocare, quàm ea quæ nunquam satis examinârunt, nec ab ulla firma ratione, sed à sensibus solis hauerunt, non putò quemquam credere posse in majori se errandi periculo futurum, si ea quæ ipsi propono sola consideret, quàm si ab his mentem revocet, & ad alia, quæ ipsis aliquo modo adversantur tenebrasque offundunt (hoc est, ad præjudicia sensuum) illam convertat.

Ideoque non modò merito singularem attentionem in lectoribus meis desidero, illumque scribendi modum præ cæteris elegi quo illam quàm maxime conciliari posse putavi, & ex quo mihi persuadeo lectores plus utilitatis esse percipienturos quàm ipsimet sint animadverturi; cum è contra ex modo scribendi Synthetico plura sibi videri soleant didicisse quàm revera didicerunt. Sed etiam æquum esse existimo ut illorum qui mecum meditari noluerint, anticipatisque suis opinionibus adhærebunt, judicia quæ de meis ferent profus recusem, & tanquam nullius momenti contemnam.

Sed quia novi quàm difficile sit futurum etiam iis qui attendent, & veritatem serio quærent, totum corpus Meditationum mearum intueri, & simul ipsarum singula membra dignoscere; quæ duo simul existimo esse facienda, ut integer fructus ex iis capiatur, pauca quædam Synthetico stylo hic subjungam, à quibus, ut spero, nonnihil juvabuntur, modò tamen, si placet, advertant me nec tam multa hic quàm in Meditationibus complecti velle, quia multò prolixior quàm in ipsis esse deberem; nec etiam ea quæ complectar accuratè esse explicaturum, partim ut brevitati studeam: & partim ne quis, hæc sufficere existimans, ipsas Meditationes, ex quibus multò plus utilitatis percipi posse mihi persuadeo, negligentius examinet.

R A T I O N E S,

Dei Existentiam, & anima à corpore distinctionem probantes, more Geometrico disposita.

DEFINITIONES.

I.

Cogitationis nomine complector illud omne quod sic in nobis est ut ejus immediatè conscii sumus. Ita omnes voluntatis, intellectus, imaginationis & sensuum operationes sunt cogitationes. Sed addidi *immediate*, ad excludenda ea quæ ex iis consequuntur; ut motus voluntarius cogitationem quidem pro principio habet, sed ipse tamen non est cogitatio.

II. *Idea* nomine intelligo cujuslibet cogitationis formam illam, per cujus immediatam perceptionem ipsius ejusdem cogitationis conscii sum; adeo ut nihil

hil possim verbis exprimere intelligendo id quod dico, quin ex hoc ipso certum sit, in me esse ideam ejus quod verbis illis significatur. Atque ita non solas imagines in phantasia depictas ideas voco: imò ipsas hic nullo modo voco ideas, quatenus sunt in phantasia corporea, hoc est in parte aliqua cerebri depictæ, sed tantum quatenus mentem ipsam in illam cerebri partem conversam informant.

III. *Per realitatem objectivam idea* intelligo entitatem rei representatæ per ideam, quatenus est in idea; eodemque modo dici potest perfectio objectiva, vel artificium objectivum, &c. Nani quæcunque percipimus tanquam in idearum objectis, eas sunt in ipsis ideis objective.

IV. Eadem dicuntur esse *formaliter* in idearum objectis, quando talia sunt in ipsis qualia illa percipimus; & *eminenter*, quando non quidem talia sunt, sed tanta, ut talium vicem supplere possint.

V. Omnes rei cui inest immediatè, ut in subjecto, sive per quam existit aliquid quod percipimus, hoc est, aliqua proprietas, sive qualitas, sive attributum, cujus realis idea in nobis est, vocatur *Substantia*. Neque enim ipsius Substantiæ præcisè sumptæ aliam habemus ideam quàm quod sit res, in quâ formaliter, vel eminenter existit illud aliquid quod percipimus, sive quod est objective in aliqua ex nostris ideis; quia naturali lumine notum est nullum esse posse nihili reale attributum.

VI. Substantia, cui inest immediate cogitatio, vocatur *Mens*: loquor autem hic de mente potius quàm de anima, quoniam animæ nomen est æquivocum, & sæpe pro re corporea usurpatur.

VII. Substantia, quæ est subjectum immediatum extensionis localis, accidentium, quæ extensionem præsupponunt, & figuræ, situs, motus localis, &c. vocatur *Corpus*. An vero una & eadem substantia sit quæ vocatur *Mens*, & *Corpus*, an dux diversæ, postea erit inquirendum.

VIII. Substantia, quàm summè perfectam esse intelligimus, & in qua nihil plene concipimus quod aliquem defectum, sive perfectionis limitationem involvat, *Deus* vocatur.

IX. Cùm quid dicimus in alicujus rei natura sive conceptu contineri, idem est ac si diceremus, id de ea re verum esse, sive de ipsa posse affirmari.

X. Dux substantiæ realiter distingui dicuntur, cum unaquæque ex ipsis absque alia potest existere,

POSTULATA.

PEto primo ut lectores advertant quàm debiles sint rationes ob quas sensibus suis hætenus crediderunt, & quàm incerta sit omnia judicia quæ illis superstruxerunt: Idque tam diu & tam sæpe apud se revolvant, ut tandem consuetudinem acquirant non amplius ipsis nimium fidendi, hoc enim necesse judico ad certitudinem rerum Metaphysicarum percipiendam.

SECUNDO, ut considerent mentem propriam, cunctaque ejus attributa, de quibus deprehendent se dubitare non posse, quamvis omnia quæ à sensibus suis unquam acceperunt, falsa esse supponant; nec prius illam considerare desistant, quam ipsam clarè percipiendi, & rebus omnibus corporeis cognita faciliorem credendi usum sibi compararint.

TERTIO, ut propositiones per se notas, quas apud se invenient, quales sunt: *Quodd idem non possit esse simul & non esse. Quod nihil nequeat esse causa efficiens ullius rei*, & similes diligenter expendant, atque ita perspicuitatem intellectus sibi à natura inditam, sed quam sensuum visa quam maximè turbare solent & obscurare, puram atque ab ipsis liberatam exerceant. Hac enim ratione sequentium Axiomatum veritas ipsis facile innotescet.

QUARTO, ut examinent ideas naturarum, in quibus multorum simul attributorum complexio continetur, qualis est natura trianguli, natura quadrati, vel alterius figura; Itemque natura Mentis, natura Corporis, & supra omnes natura Dei, sive entis summè perfecti. Advertantque illa omnia quæ in iis contineri percipimus, verè de ipsis posse affirmari. Ut quia in natura Trianguli continetur, ejus tres angulos aequales esse duobus rectis; & in natura Corporis sive rei extensæ continetur divisibilitas; (nullam enim rem extensam tam exiguam concipimus, quin illam saltem cogitatione dividere possimus) verum est dicere, omnis Trianguli tres angulos aequales esse duobus rectis, & omne Corpus esse divisibile.

QUINTO, Ut diu multumque in natura Entis summè perfecti contemplan-
da immorentur: & inter cætera considerent in aliarum quidem omnium naturarum ideis existentiam possibilem, in Dei autem idea non possibilem tantum, sed omnino necessariam contineri. Ex hoc enim solo & absque ullo discursu cognoscant Deum existere; eritque ipsis non minùs per se notum, quam numerum binarium esse parem, vel ternarium imparem, & similia. Nonnulla enim quibusdam per se nota sunt, quæ ab aliis non nisi per discursum intelliguntur.

SEXTO, ut perpendendo exempla omnia clarè & distinctè perceptionis, itemque obscuræ, & confusæ, quæ in Meditationibus meis recensui, ea quæ clarè cognoscuntur ab obscuris distinguere assuescant; hoc enim facilius exemplis, quam regulis addiscitur; & puto me ibi omnia hujus rei exempla vel explicuisse, vel saltem utcumque attingisse.

SEPTIMO denique, ut advertentes nullam se unquam in iis quæ clarè perciperunt falsitatem deprehendisse, nullamque è contra veritatem in obscure tantum comprehensis, nisi casu, reperisse, considerent esse à ratione plane alienum, propter sola sensuum præjudicia, vel propter hypotheses in quibus aliquid ignoti contineatur, ea quæ à puro intellectu clarè & distinctè percipiuntur in dubium revocare, ita enim facile sequentia Axiomata pro veris & indubitatis ad-
mittent.

mittent. Quanquam sane pleraque ex iis potuissent melius explicari, & instar Theorematum proponi debuissent, si accuratior esse voluissent.

A X I O M A T A.

Sive Communes notiones.

I. **N**ullares existit de qua non possit, quæri quænam sit causa cur existat. Hoc enim de ipso Deo quæri potest, non quod indigeat ullâ causâ ut existat, sed quia ipsæ ejus naturæ immensitas est causa sive ratio propter quam nullâ causâ indiget ad existendum.

II. Tempus præsens à proximè præcedenti non pendet, ideoque non minor causa requiritur ad rem conservandam, quàm ad ipsam primum producendam.

III. Nulla res, nec ulla rei perfectio actu existens potest habere *nihil*, sive rem non existentem, pro causa suæ existentiz.

IV. Quidquid est realitatis sive perfectionis in aliqua re, est formaliter vel eminenter in prima & adæquata ejus causa.

V. Unde etiam sequitur realitatem objectivam idearum nostrarum requirere causam, in qua eadem ipsa realitas non tantum objective, sed formaliter vel eminenter contineatur. Norandumque hoc Axioma tam necessariò esse admitendum, ut ab ipso uno omnium rerum tam sensibilem, quàm insensibilem cognitio dependeat: unde enim scimus, exempli causâ, cælum existere? an quia illud videmus? at ista visio mentem non attingit, nisi quatenus idea est, idea, inquam, menti ipsi inhærens, non autem imago in phantasia depicta; Nec ob hanc ideam possumus judicare cælum existere? nisi quia omnis idea causam suæ realitatis objectivæ habere debet realiter existentem; quam causam judicamus esse ipsum cælum, & sic de cæteris.

VI. Sunt diversi gradus realitatis, sive entitatis. Nam substantia plus habet realitatis, quàm accidens vel modus; & substantia infinita quàm finita; ideoque etiam plus est realitatis objectivæ in idea substantiæ, quàm accidentis, & in idea substantiæ infinitæ, quàm in idea finitæ.

VII. Rei cogitantis voluntas fertur, voluntariè quidem, & liberè, (hoc enim est de essentia voluntatis) sed nihilominus infallibiliter in bonum sibi clarè cognitum, ideoque sinòrit aliquas perfectiones quibus careat, sibi statim ipsas dabit, si sint in sua potestate.

VIII. Quod potest efficere id quod majus est, sive difficilius, potest etiam efficere id quod minus.

IX. Majus est creare vel conservare substantiam, quàm attributa sive proprietates substantiæ; non autem majus est idem creare, quàm conservare, ut etiam dictum est.

X. In omnis rei idea sive conceptu continetur existentia, quia nihil possumus concipere nisi sub ratione existentis; nempe continetur existentia possibilis sive

contingens in conceptu rei limitatæ; sed necessaria & perfecta in conceptu entis summe perfecti.

PROPOSITIO I.

Dei Existentia ex sola ejus naturæ consideratione cognoscitur.

DEMONSTRATIO.

Idem est dicere aliquid in re alicujus naturæ, sive conceptu contineri, ac dicere idipsum de ea re esse verum (per def. 9.) atqui existentia necessaria in Dei conceptu continetur (per axio. 10.) ergo verum est de Deo dicere necessariam existentiam in eo esse, sive ipsum existere. Atque hic est syllogismus, de quo jam supra ad objectionem sextam: ejusque conclusio per se nota esse potest iis qui à præjudiciis sunt liberi, ut dictum est Postulato quinto; sed quia non facile est ad tantam perspicacitatem pervenire, aliis modis idem quæremus.

PROPOSITIO II.

Dei Existentia ex eo solo quod ejus idea sit in nobis, à posteriori demonstratur.

DEMONSTRATIO.

Realitas objectiva cujuslibet ex nostris ideis requirit causam in qua eadem ipsa realitas non tantum objectivè, sed formaliter, vel eminenter contineatur; (per ax. 5.) habemus autem ideam Dei (per def. 2. & 8.) hujusque ideæ realitas objectiva nec formaliter nec eminenter in nobis continetur, (per ax. 6.) nec in ullo alio præterquam in ipso Deo potest contineri, (per def. 8.) ergo hæc idea Dei, quæ in nobis est, requirit Deum pro causa, Deusque proinde existit (per ax. 3.)

PROPOSITIO III.

Dei Existentia demonstratur etiam ex eo, quod nos ipsi habentes ejus ideam existamus.

DEMONSTRATIO.

Si vim haberem me ipsum conservandi, tantò magis haberem etiam vim mihi dandi perfectiones quæ mihi desunt (per ax. 8. & 9.) illæ enim sunt tantum attributa substantiæ, ego autem sum substantia, sed non habeo vim mihi dandi istas perfectiones, alioqui enim jam ipsas haberem (per ax. 7.) ergo non habeo vim meipsum conservandi. Deinde,

Non possum existere quin conserve quoad existo, sive à me ipso, si quidem habeam istam vim, sive ab alio qui illam habet, (per ax. 1. & 2.) atqui existo, & tamen non habeo vim meipsum conservandi, ut jamjam probatum est; ergo ab alio

con-

conservor, Præterea, ille à quo conservor, habet in se formaliter vel eminenter id omne quod in me est, (per ax. 4.) in me autem est perceptio multarum perfectionum quas mihi desunt, simulque ideæ Dei, (per def. 2. & 8.) ergo est etiam in illo, à quo conservor, earundem perfectionum perceptio.

Denique, ille idem non potest habere perceptionem ullarum perfectionum quas ipsi desint, sive quas in se non habeat formaliter, vel eminenter, (per ax. 7.) cum enim habeat vim me conservandi, ut jam dictum est, tantò magis haberet vim sibi ipsas dandi, si desissent, (per ax. 8. & 9.) habet autem perceptionem earum omnium quas mihi deesse, atque in solo Deo esse posse concipio, ut mox probatum est; ergo illas formaliter, vel eminenter in se habet, atque ita est Deus.

COROLLARIUM.

Creavit Deus calum & terram, & omnia quæ in eis sunt, in superque potest efficere id omne quod clarè percipimus, prout id ipsum percipimus.

DEMONSTRATIO.

Hæc omnia clarè sequuntur ex præcedenti propositione; in ipsa enim Deum existere ex eo probatum est, quod debeat aliquis existere in quo formaliter vel eminenter sint omnes perfectiones quarum idea aliqua estin nobis: est autem in nobis idea tantæ alicujus potentie, ut ab illo solo, in quo ipsa est, calum & terra, &c. creata sint, & alia etiam omnia, quæ à me ut possibilia intelliguntur, ab eodem fieri possint: ergo simul cum Dei existentia hæc etiam omnia de ipso probata sunt.

PROPOSITIO IV.

Mens & corpus realiter distinguuntur.

DEMONSTRATIO.

Quidquid clare percipimus, à Deo fieri potest, prout illud percipimus, (per coroll. præcedens) sed clare percipimus mentem, hoc est, substantiam cogitantem, absque corpore, hoc est, absque substantia aliqua extensa (per Post. 2.); & vice versa corpus absque mente (ut facile omnes concedunt): ergo saltem per divinam potentiam mens esse potest sine corpore, & corpus sine mente.

Jam verò Substantiæ quæ esse possunt una absque alia realiter distinguuntur (per def. 10.): atqui mens & corpus sunt Substantiæ (per def. 5, 6, & 7.), quæ una absque alia esse possint (ut mox probatum est): ergo mens & corpus realiter distinguuntur.

Notandumque me hîc usum esse divinâ potentiâ pro medio, non quod extraordinaria aliqua vi opus sit ad mentem à corpore separandum, sed quia cum de solo Deo in præcedentibus egerim, non aliud habui quo uti possem: nec refert à qua potentia duæ res separentur, ut ipsas realiter distinctas esse cognoscamus.

OB-

OBJECTIONES TERTIÆ,

Cum responsionibus Auctoris.

Ad Meditationem primam de iis quæ in dubium revocari possunt.

OBJECTIO PRIMA.

Satis constat ex iis quæ dicta sunt in hac Meditatione, nullum esse *εἰρησίων*, quo somnia nostra à vigilia, & sensatione vera dignoscantur; & propterea phantasmata quæ vigilantes & sentientes habemus, non esse accidentia objectis externis inhærentia; neque argumento esse talia objecta externa omnino existere. Ideoque si sensus nostros sine alia ratiocinatione sequamur, meritò dubitabimus an aliquid existat, necne. Veritatem ergo hujus meditationis agnoscimus. Sed quoniam de eadem incertitudine sensibilibus disputavit Plato, & alii antiquorum Philosophorum; & vulgò observatur difficultas dignoscendi vigiliam ab insomniis, nolim excellentissimum Auctorem novarum speculationum illa verera publicare.

RESPONSIO.

Dubitandi rationes, quæ hic à Philosopho admittuntur ut veræ, non à me nisi tanquam verisimiles fuere propositæ: iisque usus sum, non ut pro novis venditarem, sed partim ut lectorum animos præpararem ad res intellectuales considerandas, illasque à corporeis distinguendas, ad quod omnino necessariæ mihi videntur, partim ut ad ipsas in sequentibus Meditationibus responderem: & partim etiam ut ostenderem quàm firmæ sint veritates quas postea propono, quandoquidem ab istis Metaphysicis dubitationibus labefactari non possunt. Itaque nullam ex earum recensione laudem quæsi; sed non puto me magis ipsas omittere potuisse, quàm medicinæ scriptor morbi descriptionem, cujus curandi methodum vult docere.

OBJECTIO II.

Ad Meditationem secundam.

De natura mentis humana.

Sum res cogitans; rectè. Nam ex eo quod cogito, sive phantasma habeo, sive vigilans, sive somnians, colligitur quod sum cogitans; idem enim significant *cogito*, & *sum cogitans*. Ex eo quod sum cogitans, sequitur, *Ego sum*, quia id quod cogitat non est nihil. Sed ubi subjungit, hoc est, *mens, animus, intellectus, ratio*, oritur dubitatio. Non enim videtur recta argumentatio, dicere, *ego sum cogitans, ergo sum cogitatio*; neque, *ego sum intelligens, ergo sum intellectus*.

Nam

OBJECTIONES ET RESPONS. TERTIÆ. 81

Nam eodem modo possem dicere, *sum ambulans*, ergo *sum ambulatio*. Sumit ergo D. Cartesius idem esse rem intelligentem, & intellectionem, quæ est actus intelligentis; vel saltem idem esse rem intelligentem, & intellectum, qui est potentia intelligentis. Omnes tamen Philosophi distinguunt subjectum à suis facultatibus, & actibus, hoc est, à suis proprietatibus, & essentiis; aliud enim est ipsum *ens*, aliud est ejus *essentia*; potest ergo esse ut res cogitans sit subjectum mentis, rationis, vel intellectus, ideoque corporeum aliquid: ejus contrarium sumitur, non probatur: est tamen hæc illatio fundamentum conclusionis quam videtur velle D. C. stabilire.

Ibidem, *novi me existere*; *quæro quis sine ego quem novi*: *certissimum est illius sic præcisè sumpti notitiam non pendere ab eis quæ existere nondum novi*.

Certissimum est notitiam hujus propositionis, *Ego existo*, pendere ab hac, *ego cogito*, ut rectè ipse nos docuit: sed unde nobis est notitia hujus, *Ego cogito*? certè non ab alio quàm ab hoc, quod non possumus concipere actum quemcunque sine subjecto suo, veluti saltare sine saltante, scire sine sciente, cogitare sine cogitante.

Atque hinc videtur sequi, rem cogitantem esse corporeum quid; subjecta enim omnium actuum videntur intelligi solummodò sub ratione corporea, sive sub ratione materiæ ut ostendit ipse post in exemplo ceræ, quæ mutatis colore, duritie, figurâ, & cæteris actibus, intelligitur tamen semper eadem res, hoc est eadem materia tot mutationibus subjecta; non autem colligitur me cogitare per aliam cogitationem; quamvis enim aliquis cogitare potest se cogitasse, (quæ cogitatio nihil aliud est quàm meminisse) tamen omnino est impossibile, cogitare se cogitare, sicut nec scire se scire, esset enim interrogatio infinita, unde scis te scire, te scire, te scire.

Quoniam igitur notitia hujus propositionis, *ego existo*, pendet à notitia hujus *ego cogito*; & notitia hujus, ex eo quod non possumus separare cogitationem à materia cogitante, videtur inferendum potiùs, rem cogitantem esse materialem quàm immaterialem.

R E S P O N S I O.

Ubi dixi, *hoc est, mens, animus, intellectus, ratio, &c.* non intellexi per ista nomina solas facultates, sed res facultate cogitandi præditas, ut per duo priora vulgo intelligitur ab omnibus, & per duo posteriora frequenter: hocque tam expresse, totque in locis explicui, ut nullus videatur fuisse dubitandi locus.

Neque hic est paritas inter ambulationem, & cogitationem; quia ambulatio sumi tantum solet pro actione ipsa; cogitatio interdum pro actione, interdum pro facultate, interdum pro re in qua est facultas.

Nec dico, idem esse rem intelligentem & intellectionem, nec quidem rem intelligentem, & intellectum, si sumatur intellectus pro facultate, sed tantum quando sumitur pro re ipsa quæ intelligit. Fateor autem ultro me ad rem, sive

substantiam, quam volebam exuere omnibus iis quæ ad ipsam non pertinent, significandam, usum fuisse verbis quam maximè potui abstractis, ut contra hic Philosophus utitur vocibus quam maximè concretis, nempe *materia, & corpora*, ad istam rem cogitantem significandam, ne patiatur ipsam à corpore divelli.

Nec veror, ne cui videatur iste ejus modus plura simul conjungendi aptior ad veritatem inveniendam, quàm meus, quo singula quammaximè possum distinguo. Sed omittamus verba, loquamur de re.

Potest, inquit, esse ut res cogitans sit corporeum aliquid; cujus contrarium sumitur, non probatur. Imò contrarium non assumpsi, nec ullo modo eo usus sum pro fundamento, sed plane indeterminatum reliqui usque ad sextam Meditationem in qua probatur.

Deinde rectè dicit *nos nos posse concipere actum ullum sine subiecto suo*, ut cogitationem sine re cogitante, quia id quod cogitat non est nihil: sed absque ulla ratione, & contra omnem loquendi usum, omnemque Logicam addit, *hinc videri sequi rem cogitantem esse corporeum quid*: subiecta enim omnium actuum intelliguntur quidem sub ratione substantiæ, vel etiam si lubet sub ratione materiæ (nempe Metaphysicæ); non autem idcirco sub ratione corporum.

Sed & Logici, & vulgò omnes, dicere solent, substantias alias esse spirituales, alias corporeas. Nec aliud probavi exemplo ceræ, nisi tantum, colore, duri-
tatem, figuram, non pertinere ad rationem formalem ipsius ceræ. Nec etiam de ratione formali mentis, nec quidem de ratione formali corporis, ibi eg.

Neque ad rem pertinet, quòd hîc Philosophus dicat, unam cogitationem non posse esse subiectum alterius cogitationis: quis enim unquàm præter ipsum hoc finxit? sed ut rem ipsam paucis explicem, certum est cogitationem non posse esse sine re cogitante, nec omnino ullum actum sive ullum accidens sine substantia cui insit: Cum autem substantiam non immediatè per ipsam cognoscamus, sed per hoc tantum, quòd sit subiectum quorundam actuum, valde rationi consentaneum est, & usus jubet, ut illas substantias quas agnoscimus esse subiecta planè diversorum actuum, sive accidentium, diversis nominibus appellemus: atque ut postea utrum illa diversa nomina res diversas, vel unam & eandem significant, examinemus. Sunt autem actus quidam quos vocamus corporeos, ut magnitudo, figura, motus, & alia omnia quæ absque locali extensione cogitari non possunt: atque substantiam, cui illi insunt, vocamus *corpus*, nec fingi potest alia esse substantia quæ sit subiectum figuræ, alia quæ sit subiectum motus localis, &c. quia omnes illi actus conveniunt sub una communi ratione extensionis: sunt deinde alii actus, quos vocamus *cogitativos*, ut intelligere, velle, imaginari, sentire, &c. qui omnes sub ratione communi cogitationis, sive perceptionis, sive conscientiæ conveniunt: atque substantiam cui insunt, dicimus esse rem cogitantem, sive mentem, sive alio quovis nomine, modò ne ipsam cum substantia corporea confundamus, quoniam actus cogitativi nullam cum actibus corporeis habent

habent effinitatem, & cogitatio, quæ est ipsarum ratio communis toto genere differt ab extensione quæ est ratio communis aliorum. Postquam verò duos distinctos conceptus istarum duarum substantiarum formavimus, facile est ex dictis in sexta Meditatione cognoscere, an una & eadem sint, an diversa.

OBJECTIO III.

Quid ergo est quod à mea cogitatione distinguatur? quid, quod à me ipso separatim dici potest?

Fortè respondebit aliquis huic quæstioni; à me cogitatione distinguor ipse ego qui cogito: & à me, non separatam quidem, sed diversam esse meam cogitationem, eo modo, quo (ut ante dictum est) distinguitur saltatio à saltante: quod si D. C. ostenderit idem esse cum qui intelligit, & intellectum, recidemus in modum loquendi Scholasticum; Intellectus intelligit, visus videt, voluntas vult, & per analogiam optinam, ambulatio, vel saltem facultas ambulandi, ambulabit. Quæ omnia obscura, impropria, & perspicuitate solita Domini Des Cartes indignissima.

RESPONSIO.

Non nego me, qui cogito, distingui à mea cogitatione ut rem à modo; sed ubi quæro, quid ergo est quod à mea cogitatione distinguatur? hoc intelligo de variis cogitandi modis ibi recensitis, non de mea substantia: ubi addo, quid, quod à me ipso separatim dici possit? significo tantum, illos omnes cogitandi modos mihi inesse; nec video quid hic dubii vel obscuritatis fingi possit.

OBJECTIO IV.

Superest igitur ut concedam, me me imaginari quidem quid sit hac cera, sed solâ mente concipere.

Differentia magna est inter imaginari, hoc est, ideam aliquam habere, & mente concipere, hoc est, ratiocinando colligere rem aliquam esse, vel rem aliquam existere. Sed non explicuit nobis D. C. in quo differunt. Veteres quoque Peripatetici docuerunt satis clarè, non percipi substantiam sensibus, sed colligi rationibus.

Quid jam dicimus, si fortè ratiocinatio nihil aliud sit quàm copulatio & concatenatio nominum sive appellationum per verbum hoc est? unde colligimus ratione nihil omnino de Natura rerum, sed de earum appellationibus, nimirum utrùm copulemus rerum nomina secundum pacta (quæ arbitrio nostro fecimus circa ipsarum significationes) vel non. Si hoc sit, sicut esse potest, ratiocinatio dependebit à nominibus, nomina ab imaginatione, & imaginatio fortè, sicut sentio, ab organorum corporeorum motu, & sic mens nihil aliud erit præterquam motus in partibus quibusdam corporis organici.

RESPONSIO.

Differentiam inter imaginationem & puræ mentis conceptum hic explicuit, ut in exemplo numerans quænam sint in cera quæ imaginamur, & quænam quæ

solamente concipimus; sed & alibi explicui, quo pacto unam & eandem rem, puta pentagonum, aliter intelligamus, & aliter imaginemur: est autem in ratiocinatione copulatio non nominum, sed rerum nominibus significatarum; mirorque alicui contrarium venire posse in mentem. Quis enim dubitat, quin Gallus & Germanus eadem planè iisdem de rebus possint ratiocinari, cùm tamen verba concipiant planè diversa? & nunquid Philosophus seipsum condemnat cùm loquitur de pactis quæ arbitrio nostro fecimus circa verborum significationes? Si enim admittit aliquid verbis significari, quare non vult ratiocinationes nostras esse de hoc *aliquid* quod significatur potius quàm de solis verbis? At certè eodem jure quo concludit mentem esse motum, posset etiam concludere terram esse cælum, vel quidquid aliud ipsi placuerit.

O B J E C T I O V.

Ad Meditationem tertiam.

DE DEO.

Quadam ex his (scilicet cogitationibus humanis) tanquam rerum imagines sunt, quibus solis propriè convenit idea nomen, ut cùm hominem, vel Chimeram, vel Cælum, vel Angelum, vel Deum cogito.

Cùm hominem cogito, agnosco ideam, sive imaginem constitutam ex figura, & colore, de qua possum dubitare, an sit hominis similitudo, vel non. Similiter cum cogito cælum. Cùm Chimeram cogito, agnosco ideam, sive imaginem, de qua possum dubitare, an sit similitudo alicujus animalis, non existentis, sed quod existere possit, vel existerit alio tempore, vel non.

Cæterum cogitanti Angelum obversatur animo aliquando imago flammæ, aliquando puelli formosi alati, de qua certus mihi videor esse quòd non habet similitudinem Angeli, neque ergo esse eam Angeli ideam, sed credens esse creaturas aliquas Deo ministrantes, invisibiles, & immateriales, rei creditæ vel suppositæ nomen imponimus Angelum, cum tamen idea, sub qua Angelum imaginor, sit composita ex ideis rerum visibilium.

Eodem modo ad nomen venerandum Dei, nullam Dei habemus imaginem, sive ideam, ideoque prohibemur Deum sub imagine adorare, ne illum, qui inconcepribilis est, videamur nobis concipere.

Videtur ergò nullam esse in nobis Dei ideam; Sed sicus cæcus natus; sæpius igni admotus, & sentiens se clare, agnoscet esse aliquid, à quo calefactus est; audiensque illud appellari ignem, concludit ignem existere, nec tamen qualis figuræ aut coloris ignis sit cognoscit, vel ullam omnino ignis ideam, vel imaginem animo obversantem habet.

Itaque homo cognoscens debere esse causam aliquam suarum imaginum, vel idearum, & causæ illius aliam causam priorem, & sic continuo, deducitur tandem ad finem, sive suppositionem alicujus causæ æternæ, quæ quia nunquam

cœpit

cœpit esse, causam se habere priorem non potest, necessariò aliquid æternum existere concludit; nec tamen ideam ullam habet, quam possit dicere esse ideam æterni illius; sed rem creditam, vel agnitam nominat, siue appellat Deum.

Jam quoniam ex positione hac, quod habemus ideam Dei in anima nostra, proccedit D. C. ad probationem hujus Theorematis, quod Deus (id est, summè potens, sapiens, mundi creator) existat, oportuit illam ideam Dei melius explicare, & non modò inde deducere ipsius existentiam; sed etiam mundi creationem.

RESPONSIO.

Hic nomine ideæ vult tantum intelligi imagines rerum materialium in phantasia corporea depictas, quo posito facile illi est probare, nullam Angeli nec Dei propriam ideam esse posse; atqui ego passim ubique, ac præcipuè hoc ipso in loco, ostendo me nomen ideæ sumere pro omni eo quod immediate à mente percipitur, adeò ut cum volo, & timeo, quia simul percipio me velle, & timere, ipsa volitio, & timor inter ideas à me numerentur, ususque sum hoc nomine, quia jam tritum erat à Philosophis ad formas perceptionum mentis divinæ significandas, quamvis nullam in Deo phantasiam agnoscamus; & nullum aptius habebam. Satis autem puto me explicuisse ideam Dei pro iis qui ad meum sensum volunt attendere; sed pro iis qui mea verba malunt aliter quàm ego intelligere, nunquam possem satis. Quod denique hic additur de mundi creatione, plane est à questione alienum.

OBJECTIO VI.

Alia vero (cogitationes) alias quasdam præterea formas habent, ut cum volo, cum timeo, cum affirmo, cum nego, semper quidem aliquam rem us subiectum mea cogitationis apprehendo. Sed aliquid etiam amplius quàm istius rei similitudinem cogitatione complector, & ex his aliæ voluntas siue affectus, aliæ autem judicia appellantur.

Cum quis vult, vel timet, habet quidem imaginem rei quam timet, & actionis quam vult, sed quid amplius volens vel timens cogitatione complectitur non explicatur. Et si quidem timor sit cogitatio, non video quo modo potest esse alia, quàm cogitatio rei quam quis timet. Quid enim est timor irruentis leonis aliud, quàm idea irruentis leonis, & effectus (quem talis idea generat in corde) quo timens inducitur ad motum animale illum, quem vocamus fugam? Jam motus hic fugæ non est cogitatio; quare remanet non esse in timore aliam cogitationem præter illam quæ consistit in similitudine rei: idem dici posset de voluntate.

Præterea affirmatio & negatio non sunt sine voce & appellationibus, ita ut animalia bruta non possint affirmare, neque negare, ne cogitatione quidem, ideoque neque judicare; at tamen cogitatio similis potest esse in homine, & bestia. Nam cum affirmamus hominem currere, non habemus aliam cogitationem ab ea quam habet canis videns currentem Domini suum: nihil igitur addit affirmatio

mario vel negatio cogitationibus simplicibus, nisi fortè cogitationem quòd nomina, ex quibus constat affirmatio, sint nomina ejusdem rei in affirmante: quod non est complexi cogitatione plus quàm rei similitudinem, sed eandem similitudinem bis.

R E S P O N S I O.

Perse notum est aliud esse videre leonem & simul illum timere, quàm tantùm illum videre: item aliud esse videre hominem currentem, quàm sibi ipsi affirmare, se illum videre, quod fit sine voce. Nihilque hic animadverto quod egeat responsione.

O B J E C T I O VII.

Superest ut examinem, quà ratione ideam istam à Deo accepi: neque enim illam sensibus hausi, nec unquam non expectanti mihi advenit, ut solent rerum sensibilibus idea, cum ipsa res externis sensuum organis occurrunt, vel occurrere videntur, nec etiam à me efflata est, nam nihil ab ea detrabere, nihil illi superaddere planè possum, ac proinde superest ut mihi sit innata, quemadmodum etiam mihi est innata idea mei ipsius.

Si non detur Dei idea (non autem probatur dari) quemadmodum non dari videtur, tota hæc collabitur disquisitio. Præterea idea mei ipsius mihi oritur (si corpus meum spectatur) ex visione; si anima, nulla omnino animæ est idea, sed ratione colligimus esse aliquid internum corpori humano, quod ei motum impertit animale, quo sentit, & movetur, atque hoc quidquid est, sine idea vocamus animam.

R E S P O N S I O.

Si detur Dei idea (ut manifestum est illam dari) tota hæc collabitur objectio; cumque additur non dari animæ ideam, sed ratione colligi, idem est ac si diceretur, non dari ejus imaginem in phantasia depictam, sed dari tamen illud quod ego ideam vocavi.

O B J E C T I O VIII.

Aliam verò solis ideam, ex rationibus astronomicis desumptam, hoc est, ex nationibus quibundam mihi innatis elicitam. Solis idea unica uno tempore videtur esse, sive spectetur oculis, sive ratiocinatione intelligatur esse multoties major quàm videtur; Nam hæc altera non est idea solis, sed collectio per argumenta, ideam solis multoties fore majorem, si multò propius spectaretur.

Verùm diversis temporibus diversæ possunt esse solis idea, ut si uno tempore nudo oculo, alio tubo optico spectetur: sed rationes Astronomiæ non reddunt ideam solis majorem, vel minorem, docent potius ideam sensibilem fallacena esse.

R E S P O N S I O.

Hic quoque quod dicitur non esse idea solis, & tamen describitur, est id ipsum quod ego ideam voco.

OB-

OBJECTIO IX.

Nam procul dubio illa idea, qua substantiam mihi exhibent, majus aliquid sunt, atque, ut ita loquar, plus realitatis objectivæ in se continent, quam illa qua tantum modos, sive accidentia representant. Et rursus illa per quam summum aliquem Deum, æternum, infinitum, omniscium, omnipotentem, rerumque omnium qua præter ipsum sunt, creatorem intelligo, plus profecto realitatis objectivæ in se habet, quam illa per quam finita substantia exhibentur.

Notavi sæpius ante, neque Dei neque animæ dari ullam ideam: addo jam neque substantiæ; substantia enim (ut quæ est materia subiecta accidentibus & mutationibus) sola ratiocinatione evincitur, nec tamen concipitur, aut ideam ullam nobis exhibet; hoc si verum sit, quomodo dici potest ideas, quæ substantias mihi exhibent, majus aliquid esse, & plus habere realitatis objectivæ, quam illas quæ mihi exhibent accidentia? præterea consideret denno D. C. quid velit dicere plus realitatis? an realitas suscipit magis & minus? vel si putat unam rem alia magis esse rem; consideret quomodo hoc possit captui nostro cum tanta perspicuitate explicari, quanta exigitur in omni demonstratione, & quantà ipsæ aliàs usus est.

RESPONSIO.

Notavi sæpius me nominare ideam id ipsum quod ratione evincitur, ut & alia quæ quolibet modo percipiuntur. Satisque explicui quomodo realitas suspiciat plus & minus: ita nempe ut substantia sit magis res quam modus: atque si dentur qualitates reales, vel substantiæ incompletæ, sunt magis res quam modi, sed minus quam substantiæ completæ: ac denique si detur substantia infinita, & independens, est magis res quam finita, & dependens. Hæcque omnia per se sunt notissima.

OBJECTIO X.

Itaque sola restat idea Dei, in qua considerandum est, an aliquid sit quod à me ipso non potuerit proficisci: Dei nomine intelligo substantiam quandam infinitam, independentem, summè intelligentem, summè potentem, & à qua sum ego ipse, tum aliud omne, si quid aliud existat, est creatum. Quæ sanè omnia talia sunt, ut quò diligentius attendo, tanto minus à me solo profecta esse videantur, ideoque ex antedictis Deum necessario existere est concludendum.

Considerans attributa Dei, ut Dei ideam inde habeamus, & ut videamus an in illa aliquid quod à nobis ipsis non potuerit proficisci, invenio, ni fallor, neque à nobis proficisci quæ ad nomen Dei cogitamus, neque esse necessarium ut proficiantur aliunde quam ab objectis externis: nam Dei nomine intelligo substantiam, hoc est intelligo Deum existere, (non per ideam, sed per ratiocinationem) infinitam, (hoc est, quod non possum concipere, neque imaginari terminos ejus, sive partes extremas, quin adhuc possum imaginari ulteriores); ex quo sequitur

quitur ad nomen *infiniri* non oriri ideam infinitatis divinæ, sed eorum ipsius finium, sive limitum: *Independentem*, hoc est, non concipio causam ex qua Deus oriatur.

Ex quo patet, me aliam ideam ad nomen *independentis* non habere præter memoriam mearum idearum incipientium diversis temporibus, ideoque dependentium.

Quapropter dicere Deum esse *independentem* nihil aliud est, quàm dicere Deum esse ex earum rerum numero, quarum non imaginor originem; sicut dicere Deum esse *infinitem*, idem est ac si dicamus eum esse in numero earum rerum, quarum non concipimus fines. Et sic omnis idea Dei excluditur: qualis enim est idea sine origine & terminis?

Summè intelligentem: quæro hîc, per quam ideam D.C. intelligit intellectionem Dei? *Summè potentem*: item per quam ideam intelligitur potentia, quæ est rerum futurarum, hoc est non existentium?

Certè ego potentiam intelligo ex imagine sive memoria actionum præteritarum, hoc modo colligens; sic fecit, ergo sic potuit facere: ergo existens idem sic poterit iterum facere: hoc est, habet potentiam faciendi. Jam hæc omnia sunt ideæ quæ ortæ esse possunt ab objectis externis.

Creatorem omnium quæ extant: creationis imaginem quandam mihi ipsi fingere possum ex iis quæ vidi, velut hominem nascentem, sive crescentem, velut ex puncto in figuram & magnitudinem quam nunc habet; aliam ideam ad nomen creatoris nemo habet; sed non sufficit ad probandam creationem quòd imaginari possumus, mundum esse creatum.

Ideoque etsi demonstratum esset aliquid *infinitem, independentem, summè potentem, &c.* existere, non tamen sequitur existere creatorem. Nisi quis putet re-ctè inferri ex eo quòd existit aliquid quod nos credimus creasse cætera omnia, ideo mundum ab eo fuisse aliquando creatum.

Præterea ubi dicit ideam Dei & animæ nostræ nobis innatam esse, velim scire, si animæ dormientium profundè sine insomnio cogitent; si non, non habent eo tempore ideas ullas: quare nulla idea est innata; nam quod est innatum, semper adest.

R E S P O N S I O.

Nihil eorum quæ Deo tribuimus, ab objectis externis tanquam ab exemplari potest esse profectum, quia nihil est in Deo simile iis quæ sunt in rebus externis, hoc est corporeis: quidquid autem iis dissimile cogitamus, manifestum est non ab ipsis, sed à causa istius diversitatis in cogitatione nostra proficisci.

Et quæro hîc, quo pacto iste Philosophus intellectionem Dei à rebus externis deducat: quam autem habeam ejus ideam facile explico, dicendo, me per ideam intelligere id omne quod forma est alicujus perceptionis; quis enim est qui non percipiat se aliquid intelligere, ac proinde qui non habeat istam sive ideam intellectionis,

lectionis, quam indefinitè extendendo format ideam intellectionis divinæ, & sic de cæteris ejus attributis?

Quoniam verò usi sumus idea Dei quæ in nobis est ad ejus existentiam demonstrandam, atque in hac idea tam immensa potentia continetur ut intelligamus repugnare, si Deus existat, aliquid aliud præter ipsum existere, nisi quod ab ipso sit creatum, plane sequitur ex eo quod demonstrata sit ejus existentia, demonstratum etiam esse totum mundum, si veres omnes à Deo diversas, quæcunque existunt, ab ipso esse creatas.

Denique cum dicimus ideam aliquam nobis esse innatam, non intelligimus illam nobis semper obversari, sic enim nulla prorsus esset innata; sed tantum nos habere in nobis ipsi facultatem illam eliciendi.

OBJECTIO XI.

Totaque via argumenti in eo est, quòd cognoscam fieri non posse ut existam talis natura qualis sum, nempe ideam Dei in me habens, nisi revera Deus etiam existat, Deus, inquam, ille cujus idea in me est.

Quoniam ergo non est demonstratum, nos ideam Dei habere, & Christiana religio nos obligat credere Deum esse inconceptibilem, hoc est, ut ego opinor, cujus idea non habetur, sequitur existentiam Dei non esse demonstratam, multo minus creationem.

RESPONSIO.

Cùm dicitur Deus inconceptibilis, intelligitur de conceptu adæquatè illum comprehendente: quomodo autem idea Dei habeatur, ad nauseam usque repetitum est: ac nihil omnino hîc affertur quod demonstrationes meas convellat.

OBJECTIO XII.

Ad Meditationem quartam.

DE VERO ET FALSO.

Atqueita certè intelligo errorem, quatenus error est, non esse quid reale, sed tantummodo defectum. Nec proinde ad errandum mihi opus esse aliquâ potestate ad hunc finem à Deo tributa.

Certum est ignorantiam tantummodò esse defectum, neque opus esse facultate aliquâ positivâ ad ignorandum: sed de errore non est ita res manifesta; videntur enim lapides & inanimata errare non posse, propter hoc solum quòd non habeant facultatem ratiocinandi, neque imaginandi: proinde pronum est colligere quòd ad errandum opus sit facultate ratiocinandi, vel saltem imaginandi, quæ facultates sunt ambæ positivæ tributæ omnibus & solis errantibus.

Præterea D. C. dicit sic, *adverso illos (scilicet meos errores) à duabus causis simul concurrentibus dependere, nempe à facultate cognoscendi quæ in me est, & à facultate eligendi, sive ab arbitrii libertate.* Quod videtur præcedentibus contradictorium. Ubi notandum quoque arbitrii libertatem assumi sine probatione, contra opinionem Calvinistarum.

O B J E C T I O N E S

R E S P O N S I O.

Et si ad errandum opus sit facultate ratiocinandi (vel potius judicandi, si-
ve affirmandi, & negandi) quia nempe est ejus defectus, non ideo sequitur hunc
defectum esse realem, ut neque cæcitatem esse realem, quamvis lapides non
dicantur cæci, propter hoc solum quod non sint visus capaces. Miroque me
nullam hactenus rectam illationem in his objectionibus invenisse: Nihil au-
tem de libertate hic assumpsi, nisi quod omnes experimur in nobis, estque lu-
mine naturali notissimum; nec intelligo quam ob causam præcedentibus con-
tradictorium esse dicatur.

Et si vero forte multi sint qui cum ad præordinationem Dei respiciunt, capere
non possunt, quomodo cum ipsa consistat nostra libertas, nemo tamen cum se-
ipsum tantum respicit; non experitur unum & idem esse voluntarium, & liberum.
Neque hic locus examinandi, quænam sit ea de re opinio aliorum.

O B J E C T I O XIII.

Exempli causa cum examinarer his diebus, an aliquid in mundo existeret, atque
adverserem ex hoc ipso quod illud examinarem, evidenter sequi me existeret, non
potui quidem non judicare quod tam clare intelligebam verum esse; non quod ab ali-
qua vi externa fuerim ad id coactus, sed quia ex magna luce in intellectu magna
consequuta est propensio in voluntate, atque ira tanto magis sponte & libere illud
arcedi, quanto minus fui ad illud ipsum indifferens.

Vox hæc, magna lux in intellectu, metaphorica est; nec igitur argumentativa:
unusquisque autem qui dubitatione caret, talem lucem præterdit, & habet pro-
pensionem voluntatis ad affirmandum id de quo non dubitat, non minorem quam
qui revera scit. Potest ergo lux hæc esse causa quare quis obstinatè opinionem
aliquam defendat, vel teneat, sed non quod sciat veram eam esse.

Præterea non modò scire aliquid verum esse; sed & credere, vel assensum præ-
bere, aliena sunt à voluntate; namque validis argumentis probantur, vel ut cre-
dibilia narrantur, volentes nolentes credimus. Verum est quod affirmare, &
negare, propugnare, & refellere propositiones sunt actus voluntatis, sed non ideo
sequitur assensum internum dependere à voluntate.

Non itaque satis demonstratur conclusio quæ sequitur, atque in hoc liberi ar-
bitrii non recto usu privatio illa inest, quæ formam erroris constituit.

R E S P O N S I O.

Nihil ad rem attinet quærere an vox, magna lux, sit argumentativa, nec ne,
modo sit explicativa, ut revera est. Nemo enim nescit, per lucem in intellectu
intelligi perspicuitatem cognitionis, quam fortè non habent omnes qui putant se
habere, sed hoc non impedit quominus valde diversa sit ab obstinata opinione
absque evi senti perceptione concepta.

Cum autem hic dicitur nos rebus clare perspectis volentes nolentes assentiri,
idem est ac si diceretur, nos bonum clare cognitum volentes nolentes appetere;
verbum

verbum enim, *volentes*, in talibus non habet locum, quia implicat nos idem vel-
le & nolle.

OBJECTIO XIV.

Ad Meditationem quintam.

DE ESSENTIA RERUM MATERIALIUM.

Ut enim, *exempli causa*, triangulum imaginor, etsi fortasse talis figura nullibi
gentium extra cogitationem meam existat, nec unquam existerit, est tamen
perfecto determinata quadam ejus natura, sive essentia, sive forma immutabilis &
aeterna quæ à me non efflata est, nec à mea mente dependet, ut patet ex eo quod pos-
sunt demonstrari varia proprietates de isto triangulo.

Si triangulum nullibi gentium existat, non intelligo quomodo naturam ali-
quam habeat; quod enim nullibi est, non est: Neque ergo habet esse, seu natu-
ram aliquam: triangulum in mente, oritur ex triangulo viso, vel ex visis ficto:
cùm autem semel rem (unde putamus oriri ideam trianguli) nomine trianguli
appellaverimus, quamquam perit ipsum triangulum, nomen manet. Eodem
modo si cogitatione nostra semel conceperimus angulos trianguli omnes simul
æquari duobus rectis, & nomen hoc alterum dederimus triangulo, *habent tres*
angulos aequales duobus rectis. Etsi nullus angulus existeret in mundo, tamen
nomen maneret, & sempiterna erit veritas propositionis istius, *triangulum est*
habens tres angulos duobus rectis aequales: Sed non erit sempiterna natura trian-
guli, si fortè omne triangulum periret.

Vera similiter in æternum erit propositio, *homo est animal*, propter nomina
æterna, sed pereunte genere humano, non erit amplius natura humana.

Unde constat essentiam, quatenus distinguitur ab existentia, nihil aliud esse
præter nominum copulationem per verbum, *est*; ideoque essentia absque exi-
stentia est commentum nostrum: & videtur esse ut Imago hominis in animo ad
hominem; ita esse essentiam ad existentiam, vel ut hæc propositio, *Socrates est*
homo; ad hanc, *Socrates est*, vel *existit*; ita Socratis essentia ad ejusdem exi-
stentiam: Jam, *Socrates est homo*, quando Socrates non existit, significat con-
nexionem nominum tantùm & *est*, sive *esse* habet sub se Imaginem unitatis rei
duobus nominibus nominatæ.

RESPONSIO.

Nota est omnibus essen-
tia ab existentia distinctio, & quæ hic de nominibus æ-
ternis, loco conceptuum, sive idearum æternæ veritatis dicuntur, jam antè sue-
runt satis explosa.

OBJECTIO XV.

Ad Meditationem sextam.

DE RERUM MATERIALIUM EXISTENTIA.

Cum enim nullam planè facultatem mihi dederit Deus ad hoc, utrum idem
M 2

con-
mit-

emittantur à corporibus nec-ne, cognoscendum, sed contra magnam propensionem ad credendum illas à rebus corporeis emitti, non video quâ ratione possit intelligi ipsum non esse fallacem, si aliunde quàm à rebus corporeis emitterentur; ac proinde res corporea existunt.

Communis est opinio, non peccare medicos qui ægros decipiunt ipsorum salutis causâ: neque patres qui filios suos fallunt boni ipsorum gratiâ; neque crimen deceptionis consistere in falsitate dictorum, sed in injuria decipientium. Viderit igitur D. C. an vera sit propositio universaliter sumpta, *Deu nullo casu potest nos fallere*, nam si non sit vera ita universaliter, non sequitur conclusio illa, *ergo res corporea existunt*.

RESPONSIO.

Ad meam conclusionem non requiritur, ut nullo casu possimus falli, (admissi enim ultrò nos sæpe falli) sed ut non fallamur cum iste noster error decipiendi voluntatem in Deo testaretur, qualem in eo esse repugnat, rursusque hæc est mala illatio.

OBJECTIO ULTIMA.

Nunc enim aduerto permagnum esse inter utrumque (hoc est inter vigiliam & insomnium) discrimen, in eo quòd nunquam insomniacum reliquis omnibus actionibus vitæ à memoria conjungantur.

Quæro utrum sit hoc certum, quòd quis somnians se dubitare an somniet nec-ne, non possit somnare coherere suum somnium cum ideis rerum longa serie præteritarum. Si potest, ea quæ somnianti videntur esse actiones vitæ suæ antea factæ, possunt censerì pro veris non minus quàm si vigilaret. Præterea quoniam, ut ipse affirmat, omnis scientiæ certitudo & veritas ab una veri Dei cognitione pendet, Atheus vel non potest colligere se vigilare ex memoria antea factæ vitæ, vel potest aliquis scire se vigilare sine veri Dei cognitione.

RESPONSIO.

Non potest somnians ea quæ somniat cum ideis rerum præteritarum revera connectere, quamvis somnare possit se connectere, quis enim negat dormientem falli posse? atqui postea experrectus errorem suum facile dignoscet.

Potest verò Atheus colligere se vigilare ex memoria antea factæ vitæ, sed non potest scire hoc signum sufficere ut certus sit se non errare, nisi sciat, se à Deo non fallente esse creatum.

OBJECTIONES QUARTÆ,

Ad virum Clarissimum Epistola.

NOluisti, vir Clarissime, gratis me beare; summi beneficii compensationem exis, & quidem gravem, dum ea tantum lege ingeniosissimi operis participem me fieri voluisti, ut sensus de illo meos aperirem. Dura profectò conditio, quam res pulcherrimas noscendi cupiditas extorsit, & adversus quam libentissimè reclamarem, si, ut à Pratore datur exceptio, *si quid vi ut meum*, ita novam possim obtinere, *si quid suadente voluptate factum est*.

Quidenim vis tibi? meum de Auctore judicium non expectas, cujus summam ingenii vim, eruditionemque singularem, quanti faciam jam pridem nōlli: non ignoras etiam quàm molestis occupationibus detinear: nec, si quid mihi tribuis amplius quàm deceat, sequitur ut ego me tenuitatis conscius non sim, & tamen quod examinandum præbes, cum ingenium non vulgare, tum plurimum serenæ mentis desiderat, ut à rerum omnium exteriorum strepitu libera sibi ipsi vacet, quod non nisi attentâ meditatione, & defixo in seipsam obtutu, fieri posse satis vides. Parcendum nihilominus, siquidem jubes; quidquid à me peccabitur, penes te culpa erit qui ad scribendum cogis. Quanquam verò totum hoc opus Philosophia sibi vindicare possit, quia tamen vir modestissimus ultro se Theologorum tribunali sistit, duplicem hic agam personam, proponamque primum quæ circa præcipuas de natura Mentis nostræ & de Deo quæstiones à Philosophis opponi posse mihi videbuntur, tum verò scrupulos aperiam quos in opere universo Theologus posset offendere.

De Natura mentis humana.

Hic primum mirari subit virum Clarissimum idem prototius suæ Philosophiæ principio statuisse quod statuit D. Augustinus, acerrimi vir ingenii, nec in Theologicis modo, sed etiam in Philosophicis rebus planè mirandus. Lib. enim 2. de libro arbitrio cap. 3. Alipius cum Evodio disputans probaturusque Deum esse, *Primo*, inquit, *abs te quæro ut de manifestissimis capiamus exordium, utrum tu ipse sis; an forte metuis; ne hac in interrogatione fallaris, cum utique si non esses, falli omnino non posses, quibus similia sunt Authqris nostri verba, sed est deceptor nescio quis summe potens, summe callidus qui de industria me semper fallit: haud dubie ego etiam sum si me fallit.* Sed pergamus, & quod potius ad rem facit, videamus quo pacto ex hoc principio confici possit, Mentem nostram à corpore esse separatam.

Dubitare possum an corpus habeam, imo an ullum sit in rerum natura corpus, nec tamen nihilicet dubitare quin sim, siue existam, quādiu dubito, siue cogito.

Ego igitur, qui dubito, & cogito, corpus non sum, alioquin de corpore dubitando de me ipso dubitarem.

Imò etiam si obstinata mente contendam, nullum esse omnino corpus, manet nihilominus positio, ego aliquid sum; non sum igitur corpus: acutè sanè, sed opponer aliquis quod etiam sibi ipsi auctor objicit, quod de corpore dubitem, vel corpus esse negem, non efficitur nullum esse corpus.

Fortassis ergo contingit, ut hac ipse qua suppono nihil esse, quia mihi sunt ignota, tamen in rei veritate non differant ab eorum quem novi. Nescio, inquit, de hac re non disputo; novime existere, quæro quis sim ego ille quem novi; certissimum est hujus sic præcise sumpti noticiam non pendere ab iis qua existere nondum novi.

Verum cum fateatur per argumentum in methodo propositum rem eò tantum deductam esse, ut quidquid corporeum est excluderet à naturâ mentis suæ, non in ordine ad ipsam rei veritatem, sed dumtaxat in ordine ad suam perceptionem (adeo ut sensus esset, se nihil plane cognoscere quod ad essentiam suam scirez pertinere, præterquam quod esset res cogitans) patet ex hac responsione in iisdem adhuc terminis disputationem hære, proinde integram restare quæstionem quam se soluturum spondet, quo pacto ex eo quod nihil aliud ad essentiam suam pertinere cognoscat, sequatur nihil etiam aliud revera ad illam pertinere. Quod tamen ab illo præsumitur esse tota Meditatione 2. ut fatear tarditatem meam, deprehendere non potui. Sed quantum conicere possum, hujus rei probationem aggreditur in Meditatione 6. eo quod illam dependere judicavit à clara Dei notitia, quam Meditatione 1. sibi nondum comparârat; sic ergo rem istam probat.

Quoniam, inquit, scio omnia quæ clarè & distinctè intelligo, talia à Deo fieri posse qualia intelligo, satis est quod possim unam rem absque altera clarè & distinctè intelligere, ut certus sim unam ab altera esse diversam, quia potest saltem à Deo seorsim poni, & non refert à qua potentia id fiat ut diversa existimetur: quia ergo ex una parte claram & distinctam habeo ideam mei ipsius, quatenus sum tantum res cogitans, non extensa, & ex alia parte distinctam ideam corporis, quatenus est tantum res extensa, non cogitans, certum est me à corpore meo revera esse distinctum & absque illo posse existere.

Hic paulisper subsistendum, in his enim paucis verbis totius difficultatis cardo versari mihi videtur.

Ac primum quidem ut revera sit illius syllogismi propositio, non de quacunque etiam clara & distincta, sed tantummodo de adæquata rei cognitione in relatione debet: fateatur enim V. C. in responsione ad Theologum, sufficere distinctionem formalem, nec requiri realem, ut unum ab alio distinctè & seorsum concipiatur per abstractionem intellectus rem inadæquatè concipientis; unde in eodem loco subsumit;

Acqui complete intelligo quid sit corpus, putando tantum illud esse extensum, figuratum, mobile, &c. deque illo negando ea omnia quæ ad mentis naturam pertinent: & vice versa intelligo mentem esse rem completam, quæ dubitat, quæ intelligit, quæ vult, &c. quamvis negem in ea quidquam esse ex iis quæ in corporis idea continentur. Ergo inter corpus & mentem est distinctio realis.

Sed si quis hanc subsumptionem in dubium revocet, contendatque inadæquatam tantum esse tui conceptionem, dum te concipis tanquam rem cogitantem, non extensam; similiterque cum te concipis tanquam rem extensam, non cogitantem, videndum quomodo id in superioribus probatum sit: non enim arbitror rem istam ita claram esse, ut tanquam principium indemonstrabile assumi debeat, non probari.

Et quidem quod ad illius primam partem attinet, quod scilicet *complete intelligat, quid sit corpus, putando tantum illud esse extensum, figuratum, mobile, &c. deque illo negando ea omnia quæ ad mentis naturam pertinent*, parum ad rem facit; qui enim contenderet mentem nostram esse corpoream, non ideo existimaret corpus omne mentem esse; corpus ergo se haberet ad mentem sicut genus ad speciem: at genus potest intelligi siue specie, & de illo negando quidquid speciei proprium & peculiare est, unde vulgo Logici ajunt, negatâ specie non negari genus: sic possem intelligere figuram absque eo quod intelligam ullam ex iis affectionibus quæ circulo propriæ sunt: probandum ergo superest mentem completè & adæquatè posse intelligi sine corpore.

Non aliud in toto opere idoneum video ad hanc probationem argumentum, præter illud quod initio propositum est, *possum negare ullum esse corpus, ullam rem extensam, & tamen certum mihi est me esse, quandiu hoc nego, seu cogito: sum ergo res cogitans, non corpus, & ad mei notitiam non pertinet corpus.*

At ex eo confici tantum video, aliquam mei notitiam parari posse absque notitia corporis, sed notitiam illam esse completam, & adæquatam, ita ut certus sim me non falli dum ab essentia mea corpus excludo, mihi nondum planè perspicuum est: Rem exemplo declarabo.

Certò noverit aliquis angulum in semicirculo rectum esse, & proinde triangulum ex illo angulo, & diametro circuli rectangulum esse: dubiter verò, necdum certo deprehenderit, imo sophismate aliquo delusus neget quadratum basis rectanguli æquale esse quadratis laterum, eadem ratione quam vir clarissimus proponit, videtur se in falsa sua persuasionem confirmaturus: ut enim, inquit, clarè & distinctè percipio triangulum illum esse rectangulum, dubito tamen utrùm illius basis quadratum æquale sit quadratis laterum; non ergo ad illius essentiam pertinet, quòd illius basis quadratum æquale sit quadratis laterum.

Deinde etiamsi negavero, quòd illius basis quadratum sit æquale quadratis laterum, certum tamen remaneo quòd sit rectangulus, & clara distinctaque remanet in mea mente notitia quòd unus ex illius angulis sit rectus, quo salvo, ne Deus quidem efficere possit ut non sit rectangulus.

Non

Non ergo id de quo dubito, immò quo sublato ea mihi remanet idea, ad illius essentiam pertinet.

Præterea quoniam scio omnia quæ clarè & distinctè intelligo talia à Deo fieri posse, qualia illa intelligo, satis est quòd possim rem unam absque altera clarè & distinctè intelligere, ut certius sim unam ab altera esse diversam, quia potest à Deo seorsim poni; at clarè & distinctè intelligo, hunc triangulum esse rectangulum, absque eo quòd intelligam quadratum illius basis æquale esse quadratis laterum, ergo saltem à Deo fieri potest triangulus rectangulus, cujus basis quadratum æquale non sit quadratis laterum.

Non video quid hinc responderi possit, nisi illum hominem clarè & distinctè non percipere triangulum rectangulum. At unde habeo me clariùs percipere naturam mentis meæ, quàm ille percipiat naturam trianguli? æquè enim certus est ille, triangulum in semicirculo habere unum angulum rectum, quæ est notio trianguli rectanguli, ac ego certus sum me existere ex eo quòd cogitem.

Quemadmodum ergo ille in eo fallitur, quod ad illius trianguli naturam, quem clarè & distinctè novit esse Rectangulum, pertinere non arbitretur quòd illius basis quadratum sit, &c. Ita cur in eo fortasse non fallor, quod ad mei naturam, quam certè & distinctè novi esse rem cogitantem, nihil aliud pertinere arbitrer, quàm quòd sim res cogitans? Cum etiam fortè ad illam pertineat quòd sim res extensa.

Et profectò, inquiet aliquis, mirum non est, si dum ex eo quòd cogitem, colligo me existere, idea quam de me hoc pacto cognito efformo, nihil aliud animo meo repræsentat quàm me ipsum, tanquam rem cogitantem, quippe quæ ex sola mea cogitatione desumpta sit, ut proinde ex illa idea nullum argumentum desumi posse videatur, nihil amplius ad meam essentiam pertinere, quàm quod in ea continetur.

● Accedit quòd hoc argumentum nimis probare videtur, & nos in eam Platoniam opinionem deducere (quam tamen auctor refellit) nihil corporeum ad nostram essentiam pertinere, ita ut homo sit solus animus, corpus verò non nisi vehiculum animi; unde hominem definiunt animum utentem corpore.

Quòd si respondeas, corpus non simpliciter à mei essentia excludi; sed tantummodo quatenus præcisè sum res cogitans, metuendum videtur ne quis hanc in suspensionem veniat, num fortè notitia mei, quatenus sum res cogitans, non sit notitia alicujus entis completè & adæquatè concepti, sed tantum inadæquatè, & cum quadam abstractione intellectus.

Unde sicut Geometræ concipiunt lineam tanquam longitudinem latitudinis expertem, & superficiem tanquam longitudinem simul & latitudinem absque profunditate, etsi nulla sit longitudo sine latitudine, nec latitudo sine profunditate: ita forsàn aliquis dubitare possit, num res omnis cogitans sit etiam res extensa, sed cui tamen præter communes cum rebus aliis extensis affectiones, ut esse

esse figurabile, mobile, &c. in se peculiaris cogitandi virtus, unde fiat, ut cum hac sola virtute tanquam res cogitans, per abstractionem intellectus apprehendi possit, licet revera rei cogitanti corporis affectiones conveniant; sicut quantitas cum sola longitudine concipi potest, licet omni quantitati re ipsa conveniat simul cum longitudine latitudo & profunditas.

Difficultatem auget, quod illa cogitandi vis corporeis organis affixa videatur, cum in infantibus sopita, in amentibus extincta judicari possit, quod impii animorum carnifices potissimum urgent.

Hactenus de reali mentis nostræ à corpore distinctione. Cùm verò V. C. demonstrandam suscepit animorum immortalitatem, meritò quæri possit, an ex ea separatione evidenter sequatur; in vulgaris enim Philosophiæ principiis id minime sequitur, cùm vulgo velint brutorum animas ab illorum corporibus esse distinctas, quæ tamen cum illis intereant.

Huc usque responsionem protraxeram, & in animo erat ostendere, quomodo secundum auctoris nostri principia, quæ ex ejus Philosophandi ratione collegisse mihi videbar, ex reali mentis à corpore distinctione, illius immortalitas facillime concludatur, cum ad me perlata est nova viri clarissimi lucubrationicula, quæ cum toti operi lucem multam affert, tum in hac parte eadem prorsus adducit ad propositam quætionem dissolvendam quæ eram allaturus.

Quod verò spectat ad brutorum animas, satis insinuat aliis in locis nullam illis inesse, sed tantum corpus modo quodam certo configuratum, & variis organis ita conflatum, ut operationes omnes in illo & per illud fieri possint quas videmus.

Sed vereor ut hæc persuasio in animis hominum fidem invenire possit, nisi validissimis rationibus comprobetur. Incredibile enim prima fronte apparet, quomodo fieri possit sine ullius animæ ministerio, ut lumen à lupi corpore reflexum in ovis oculis tenuissima nervorum opticorum fila moveat, & ex illa motione ad cerebrum usque pertingente spiritus animalis in nervos diffundatur, eo pacto, quo necesse est ad hoc ut ovis fugam arripiat.

Unum hic addam, quod de imaginationis à cogitatione, sive intelligentia distinctione, & illorum majori certitudine quæ ratione comprehendimus, quàm quæ corporeis sensibus observantur, Vir Cl. docet, summo opere à me probari. Jam dudum enim ab Augustino cap. 15. de animæ quantitate didici, procul abjiciendos esse qui sibi persuadent minus esse certa quæ intelligentia cernimus, quàm quæ his corporeis oculis semper cum puitatæ bellum gerentibus: unde etiam ait Solil. l. 1. c. 4. sensus se in geometrico negotio quasi navim expertum esse. Nam cùm, inquit, *ipsi me ad locum quo tendebam pervexerint, ubi eos dimisi, & jam in solo positus capî cogitatione ista volvere, diu mihi vestigia titubarunt: quare citius mihi videntur in terra posse navigari, quàm geometriam sensibus percipi, quamvis primò discipulis aliquantum adjuvare videntur.*

Prioris de existentia Dei demonstrationis, quam in Meditatione Auctor explicat, duæ sunt partes; prior est, quòd Deus sit, siquidem ejus idea in me sit: posterior est, quod ego habens talem ideam non possim esse nisi à Deo.

Circa priorem partem id unum mihi non probatur, quòd cùm Vir Cl. asseruisset, non nisi in judiciis, falsitatem propriè reperiri, paulò post tamen admittat ideas non formaliter quidem, sed materialiter falsas esse posse, quod ab ejus principiis dissonum mihi videtur.

Sed yreor ut in re obscurissima animi mei sensa satis dilucidè possim explicare: res exemplo clarior fiet. Si, inquit, *frigus sit tantum privatio caloris, idea frigoris qua illud mihi tanquam rem positivam representat, materialiter falsa erit.*

Imò si frigus sit tantum privatio, nulla poterit dari frigoris idea quæ illud mihi tanquam rem positivam repræsentet, & judicium hîc ab Auctore cum idea confunditur.

Quid enim est idea frigoris? frigus ipsum, quatenus est objectivè in intellectu: at si frigus sit privatio, non potest esse objectivè in intellectu per ideam, cujus esse objectivum sit ens positivum: Ergo si frigus sit tantum privatio, nunquam illius poterit esse idea positiva, & proinde nulla, quæ materialiter falsa sit.

Confirmatur eodem argumento quo probat Vir Cl. ideam entis infiniti non posse non esse veram: nam quamvis fingi possit tale ens non existere, non tamen fingi potest ejus ideam nihil reale mihi exhibere.

Ira planè de omni idea positiva dici potest: nam quamvis fingi possit frigus, quod arbitror ideâ positivâ repræsentari, non esse positivum; non tamen fingi potest, ideam positivam nihil reale & positivum mihi exhibere: cùm idea positiva non dicatur secundum esse quod habet tanquam modus cogitandi, eo enim modo omnes positivæ essent: sed ab esse objectivo quod continet, & menti nostræ exhibet: potest ergo illa idea non esse frigoris idea, sed non potest esse falsa.

Sed, inquires, eo ipso falsa est, quòd non est frigoris idea; imò judicium tuum falsum, si illam judicas esse frigoris ideam: ipsa verò in re verissima. Sicut idea Dei ne materialiter quidem falsa dici debet, quamvis illam quis possit transferre ad rem quæ non sit Deus, sicut fecerunt idololatræ.

Denique illa frigoris idea, quam dicis materialiter falsam esse, quid mentitur exhibet? Privationem? ergo vera est; ens positivum? ergo non est frigoris idea: & præterea quæ causa illius entis positivi objectivi, unde heri vis, ut materialiter falsa sit illa idea? *Ego, inquis, quatenus à nihilo sum:* Ergo esse objectivum positivum alicujus idæ à nihilo esse potest, quod præcipua Cl. Viri fundamenta convellit.

Sed pergamus ad posteriorem demonstrationis partem, quâ quaritur, *utrum ipse habens ideam entis infiniti ab alio esse possim quam ab ente infinito, & præter-*
im utrum à me ipso? Contendit Vir Cl. me à me ipso esse non posse, eo quòd si

mihi

mihī ipse esse darem, darem etiam omnes perfectiones, quarum ideam in me esse animadverto. Sed reponit acutè Theologus: Esse à se non positivè sumi debet, sed negativè, ut sit idem quod non esse ab alio. Nunc verò, inquit, si aliquid à se est, id est non ab alio, quomodo probem istud omnia complecti & esse infinitum? jam enim non audio si dicas: si à se est, sibi facile omnia dedisset: nec enim à se est ut à causa, nec sibi anteprevius fuit, ut ante diligeret, quod esset postmodum.

Ut hoc argumentum dissolvat, contendit Vir Cl. esse à se, non negativè, sed positivè debere sumi, etiam quantum ad Deum spectat, ita ut Deus quodam modo idemprestet respectu sui ipsius quod causa efficiens respectu sui effectus, quod sane durum mihi videtur & falsum.

Itaque partim cum Virō Cl. consentio, partim ab illo dissentio: fateor enim non posse me à me ipso esse nisi positivè; nego verò idem de Deo dici debere, imò arbitror manifestam esse contradictionem quòd aliquid sit à se ipso positivè, & tanquam à causa: unde idem officio quod Auctor noster, sed alià planè viâ, in hunc scilicet modum.

Ut à me ipso essem, deberem à me ipso esse positivè, & tanquam à causa; ergo fieri non potest ut à me ipso sim; hujus syllogismi propositionem probant viri rationes ex eo desumptæ, quod cum temporis partes à se ipso sejungi possint, ex eo quod sim, non sequatur me futurum, nisi aliqua causa me quasi rursus efficiat singulis momentis.

Quod vero assumptionem attinet, illam arbitror adeo claram esse lumine naturali, ut vix probari possit nisi nugatoriè notum probando per minùs notum. Imò illius veritatem Auctor videtur agnovisse, cum aperte iniciari ausus non est: hæc enim quæso verba pensentur in responsione ad Theologum:

Non dixi, inquit, impossibile esse ut aliquid sit causa efficiens sui ipsius; etsi enim aperte id verum sit, quando restringitur efficientis significatio ad illas causas que sunt effectibus tempore priores, vel que ab ipsis sunt diversa, non tamen videtur in hac questione ita esse restringenda, quia lumen naturale non dicitur ad rationem efficientis requiri ut tempore prior sit suo effectui.

Optimè quantum ad prius membrum; sed cur omissum posterius, nec additum, idem lumen naturale non dicitur ad rationem efficientis requiri, ut diversa sit à suo effectui, nisi quia per lumen ipsum naturale id asserere non licebat?

Etsi sane cum effectus omnis à causa dependeat, à causa esse suum accipiat, nonne clarum est idem à seipso dependere non posse, idem à seipso suum esse accipere non posse?

Præterea causa omnis est effectus causa, & effectus causæ effectus, & proinde mutua est inter causam & effectum habitudo: at habitudo non nisi duorum est.

Deinde concipi sine absurditate non potest rem aliquam accipere esse, & tamen illud idem esse habere priusquam conceperimus illud jam accepisse. At illud contingeret, si notionem causæ & effectus eidem rei respectu sui ipsius tri-

bueremus. Quæ est enim notio causæ? dans esse: quæ notio effectus? accipere esse. Prior est autem naturâ causæ notio, quàm notio effectus.

Jam vero concipere non possumus rem aliquam sub notione causæ ut tantem esse, nisi illam concipiamus habere esse, nemo enim dat quod non habet; Ergo prius rem conciperemus habere esse, quàm conciperemus illud eam accepisse; & tamen in eo qui accipit, prius est accipere quàm habere.

Aliter ea ratio formari potest; nemo dat quod non habet, ergo nemo potest sibi dare esse nisi qui jam illud esse habeat: si autem jam habet, ut quid sibi illud daret?

Denique asserit lumine naturali notum esse, creationem à conservatione solâ ratione distingui; At eodem lumine naturali notum est, nil seipsum creare posse; ergo nec seipsum conservare.

Verum si à thesi generali ad hypothesim de Deo specialem descendamus, res adhuc meo judicio manifestior erit, Deum à seipso *positive* esse non posse, sed tantum *negative*, id est non ab alio.

Ac primum quidem id patet ex ratione quam asserit V. Cl. ad probandum si corpus à se sit, debere à seipso esse *positive*. *Temporis enim, inquit, partes alia ab aliis non pendent, nec proinde ex eo quòd illud corpus supponatur ad hoc usque tempus à se fuisse, id est sine causa, hoc sufficit ut etiam in posterum sit futurum, nisi aliqua potentia in eo sit ipsum continuo veluti reproducens.*

At tantum abest ut hæc ratio in ente summè perfecto sive infinito locum habere possit, quin potius contrarium ob contrarias causas evidenter deduci possit: in idea enim entis infiniti continetur, quod ejus duratio sit etiam infinita, scilicet nullis clausa limitibus, ac proinde indivisibilis, permanens, tota simul, & in qua nonnisi per errorem & intellectus nostri imperfectionem concipi possit prius & posterius.

Unde manifestè sequitur concipi non posse Ens infinitum, vel per momentum existere, quin simul concipiatur & semper extitisse, & in æternum existentiam habiturum (quod Auctor ipso alicubi docet,) ut proinde vanum sit querere cur in esse perseveret.

Imo, ut frequenter docet Augustinus (quo nemo unquam post Auctores sacros dignius & sublimius de Deo locutus est,) in Deo nullum est vel fuisse vel futurum esse, sed semper esse, ut hinc evidentiùs appareat non nisi cum absurditate queri posse, cur Deus in esse perseveret, cum hæc questio manifestè involvat prius & posterius, præteritum & futurum, quæ ab Entis infiniti notione excludi debent.

Præterea Deus à se esse *positive* cogitari non potest, quasi seipsum primo produxerit, fuisse enim ante quam esset; sed tantum (ut sæpius declarat Auctor) quia se vera conservat.

At in ens infinitum conservatio non magis cadit quàm prima productio; quid enim quæso conservatio, nisi continua quædam rei productio? unde conser-

vario omnis supponit primam productionem; & propterea nomen ipsum continuationis, sicut & conservationis, potentialitatem quandam involvit; Ens autem infinitum actus est purissimus sine ulla potentialitate.

Concludamus igitur concipi non posse Deum esse à seipso *positive*, nisi per imperfectionem nostri intellectus, Deum instar rerum creaturarum concipientis: quod magis adhuc constabit alia ratione.

Causa efficiens rei alicujus non quaeritur nisi ratione existentie, non vero ratione essentie; verbi gratia, si triangulum conspicio, causam efficientem quaeram per quam factum sit ut hic triangulus existeret, sed causam efficientem sine absurditate non quaeram, cur triangulus habeat tres angulos æquales duobus rectis; & id quaerenti non bene responderetur, per causam efficientem, sed id tantum, quia ea est natura trianguli: unde Mathematici, quia de sui objecti existentia non agunt, nihil demonstrant per efficientem, & finem. An non minus est de essentia entis infiniti quod existat, imo etiam, si velis, quod in esse perseveret, quam de essentia trianguli habere tres angulos æquales duobus rectis; ergo sicut quaerenti cur triangulus tres angulos æquales duobus rectis habeat, responderi non debet, per causam efficientem, sed dicendum solummodo, eam esse æternam & immutabilem trianguli naturam: ita quaerenti cur Deus sit, vel in esse perseveret, nulla vel in Deo, vel extra Deum causa efficiens, vel quasi causa efficiens (de re enim, non de nomine disputo) quaerenda est, sed id unum pro ratione asserendum, quia ea est natura entis summè perfecti.

Unde ad id quod ait Vir Cl. dictare lumen naturæ nullam rem existere, de qua non liceat petere cur existat, sive in ejus causam efficientem inquirere; aut si non habeat, cur illa non indigeat, postulare? Respondeo petenti cur Deus, existat, non per causam efficientem respondendum esse, sed nihil aliud, quàm quia Deus est, seu Ens infinitum: & in ejus causam efficientem inquirenti, respondendum, causa efficienti non indigere: & rursus percontanti cur illà non indigeat, respondendum, quia ens infinitum est, cujus existentia est sua essentia: ea enim solummodo causa efficienti indigere, in quibus existentiam actualem ab essentia distinguere licet.

Quamobrem corrumpunt quæ verbis citatis subjungit. Adeo, inquit, *ut si putarem nullam rem idem quodammodo esse posse erga se ipsam quod est causa efficiens erga effectum, tantum abest ut inde concluderem aliquam esse causam primam, quin contra ejus ipsam, qua vocaretur prima, causam rursus inquirerem; & ita nunquam ad ullam omnium primam devenirem.*

Imo vero si putarem cujuscunque rei causam efficientem, vel quasi efficientem esse quaerendam; cujuscunque rei assignatæ causam ab ea diversam inquirerem, cum evidentissimum mihi sit nihil ullo modo erga seipsum esse posse, quod est causa efficiens erga effectum,

Monendus vero mihi videtur ut hæc attentè diligenterque consideret: quia certo scio vix ullum Theologum reperiri posse, qui non ea propositione offendatur: Quòd Deus à seipso sit *positivè*, & tanquam à causa.

Unicus mihi restat scrupulus; quomodo circulus ab eo non committatur, dum ait, *non aliter nobis constare quæ à nobis clarè & distinctè percipiuntur, vera esse, quàm quia Deus est.*

At nobis constare non potest Deum esse, nisi quia id à nobis clarè & evidenter percipitur: ergo priusquam nobis constet Deum esse, nobis constare debet verum esse quodeunque à nobis clarè & evidenter percipitur.

Addo quod exciderat, falsum mihi videri quod pro certo affirmat Vir Cl. *nihil in se quatenus est res cogitans, esse posse, cujus conscius non sit*; per se enim, quatenus est res cogitans, nihil aliud intelligit quàm mentem suam quatenus à corpore distincta est. At quis non videt multa in mente esse posse, quorum mens conscia non sit; mens infantis in matris utero habet vim cogitandi, at ejus conscia non est; mitto innumera similia.

De iis quæ Theologos morari possunt.

UT tedious sermonem aliquando absolvam, libet hæc brevitati consulere, & res potius indicare, quàm de iis accuratius disputare.

PRIMUM vereor ne quosdam offendat liberior hæc Philosophandi ratio, quæ omnia revocant in dubium: & sanè Auctor ipse fateatur in Methodo, medicribus ingeniis hanc viam esse periculosam: fateor tamen hanc invidiam in Synopsi mitigari.

Verùm tamen haud scio an aliquâ præfatiunculâ hæc Meditatio præmuniri debeat, quæ significetur de iis rebus seridè non dubitari, sed ut iis aliquantisper sepositis quæ vel *minimam*, & *hyperbolicam*, ut Auctor ipse vocat alio in loco, *durandi occasionem* relinquunt, aliquid ita firmum & stabile reperiri possit, ut de eo ne pervicacissimum quidem liceat vel tantillum dubitare. Unde etiam sit, ut loquor illorum verborum, *quod cum Auctorem mea originis ignorarem, reponendum censerem, ignorare me fingerem.*

In Meditatione 4. de Vero & Falso multas ob causas, quas longum esset recensere, vehementer optarem, ut in ipsa Meditatione, vel in Synopsi, duo significaret.

Primum est, se, dum causam erroris inquit, de illo potissimum satagere qui committitur in adjudicatione veri & falsi, non autem de illo qui contingit in persecutione boni & mali.

Cum enim prius illud sufficiat ad Auctoris institutum & scopum: & quæ hæc dicuntur de causa erroris, in gravissimas objectiones incidant, si etiam ad posterius caput se extendant, prudentia, nisi fallor, exigit, & flagitat docendi ordo, cuius Auctor noster amanissimus est, ut quæcunque ad rem non faciunt, & alteratio-

cationibus ansam præbere possunt, omittantur, ne dum lector de superfluis inutiliter jurgatur, à necessariorum perceptione retardetur.

Alterum quod Auctorem nostrum indicare velim, est, se, dum asserit nulli nos scì assentiri debere, nisi quàm clarè & distinctè noverimus, de iis tantum rebus agere quæ ad disciplinas spectant, & sub intelligentiam cadunt, non verò de iis quæ ad fidem pertinent, & ad vitam agendam: Itaque se damnare opinantium temeritatem, non prudenter credentium persuasionem.

Tria enim sunt, ut sapienter monet B. Augustinus de utilit. credendi, c. 15. velut finitima sibi in animis hominum distinctione dignissima: Intelligere, credere, opinari.

Intelligit, qui certâ ratione aliquid comprehendit. Credit, qui gravi aliquâ auctoritate commotus verum esse arbitratur, etiam quod certa ratione non comprehendit: opinatur, qui quod nesciat se scire existimat.

Opinari autem duas ob res turpissimum est: quod ediscere non potest qui sibi jam se scire persuasit, si modo illud disci potest, & per se ipsa temeritas non bene affecti animi signum est.

Quod intelligimus igitur, debemus rationi: quòd credimus, auctoritati; quòd opinamur, errori. Hæc dicta sunt, ut intelligeremus nos retenta fide, illarum etiam rerum quas nondum comprehendimus, à temeritate opinantium vindicari.

Nam qui dicunt nihil esse credendum, nisi quod scimus, id unum cavent nomen opinionationis, quod fatendum est turpe, ac miserrimum: sed si quis diligenter consideret plurimum interesse, utrum se scire quis putes, an quod nescire se intelligit, credat aliquâ auctoritate commotus, profecto erroris & inhumanitatis atque superbia crimen vitabit.

Et paulò post c. 12. subjungit: *Multa possunt asserri quibus ostendatur, nihil omnino humane societatis incolume remanere, si nihil credere statuerimus quod non potuerimus tenerè perceptum.* Hucusque August.

Quantum momenti sit Virum Cl. hæc distinguere, ne multi hoc tempore ad impletatem proclives, illius verbis ad eversionem fidei abuti possint, ipse facilè pro sua prudentia judicabit.

Verùm quod maximè Theologis offendiculo fore praveo, est, quòd secundum Viri Cl. dogmata, salva & integra remanere non posse videantur, quæ de sacrosanctis altaris mysteriis docet Ecclesia.

Fide enim credimus ablatâ ab Eucharistico panepanis substantiâ, sola illic accidentia remanere: ea autem sunt extensio, figura, color, odor, sapor, alique sensibiles qualitates.

Qualitates sensibiles nullas esse putat Vir Cl. sed tantummodo varias corpusculorum nobis adjacentium motiones, quibus varias illas impressiones percipimus, quas deinde coloris, saporis, odoris nominibus appellamus: restant ergo figura, extensio, mobilitas. At negat Auctor facultates illas absque aliqua substantia cui

cui insint posse intelligi, nec proinde etiam absque illa existere: quod etiam reperit in responsione ad Theologum.

Nec agnoscat inter illas affectiones, & substantiam, distinctionem nisi formalem, quæ sufficere non videtur ut quæ sic distinguuntur, à se invicem etiam divinitus separentur.

Non dubito quin, quâ pietate est Vir Clarissimus, id attentè diligenterque perpendat, & summo sibi studio judicet incumbendum, necum Dei causam adversus impios agere meditatur, fidei illius auctoritate fundatæ, & cujus beneficio immortalẽ illam vitam, quam hominibus persuadendum suscepit, se consecuturum sperat, aliqua in re periculum creâsse videatur.

Responsio ad Quartas Objectiones.

NON potuissẽ optare magis peripicacem, nec simul magis officiosum scripti mei examinatore, quàm illum esse experior, cujus animadversiones ad me misisti; tam humaniter enim mecum agit, ut ipsum & mihi, & causæ favere facillè percipiam, & nihilominus tam accuratè illa quæ oppugnat circumspexit tamque intimè pervi sit, ut sperem etiam in reliquis nihil ejus aciem effugisse, ac præterea tam acutè illa urget quæ judicavit esse minus probanda, ut non verear ne quæ existimet illum quicquam gratiæ causâ dissimulasse: ideoque non tam moveor iis quæ objecit, quàm gaudeo quòd in pluribus non adversetur.

Responsio ad primam partem, de natura mentis humana.

NON hic morabor in gratiis Viro Clarissimo agendis, quòd me divi Augustini auctoritate adjuvâr, rationesque meas ita proposuerit, ut timere videretur, ne non satis fortes aliis apparerent.

Sed primum dicam, ubinam probare cœperim, quo pacto *ex eo quòd nihil aliud ad meam essentiam* (hoc est ad essentiam solius mentis) *pertinere cognoscam, præterquam quòd sim res cogitans, sequatur nihil etiam aliud revera ad illam pertinere*: nempe ubi probavi Deum existere, Deum scilicet illum, qui potest omnia quæ ego clarè & distinctè ut possibilia cognosco.

Esti enim multa forè in me sint quæ nondum adverto (ut revera illo in loco supponebam me nondum advertere, mentem habere vim corpus movendi, vel illi esse substantialiter unitam;) quia tamen id quòd adverto, mihi sufficit ut cum hoc solo subsistam, certus sum me à Deo potuisse creari absque aliis quæ non adverto, atque ideo ista alia ad mentis essentiam non pertinere.

Nihil enim eorum sine quibus res aliqua esse potest, mihi videtur in ejus essentia comprehendendi, & quamvis mens sit de essentia hominis, non tamen est propriè de essentia mentis quòd humano corpori sit unita.

Dicendum etiam est quo sensu intelligam *distinctionem realem non inferri ex eo quòd*

quod una res absque alia concipitur per abstractionem intellectus rem inadæquatè concipientis, sed tantum ex eo quod unaquæque res absque alia compleat, sive ut res completa, intelligatur. Neque enim existimò adæquatam rei cognitionem hic requiri, ut Vir Cl. assumit, sed in hoc differentia est, quod ut aliqua cognitio sit adæquata debeant in ea contineri omnes omnino proprietates quæ sunt in re cognita: & idcirco solus est Deus qui novit se habere cognitiones rerum omnium adæquatas.

Intellectus autem creatus, etsi fortè revera habeat rerum multarum cognitionem adæquatam, nunquam tamen potest scire se habere, nisi peculiariter ipsi Deus revelet; ad hoc enim ut habeat adæquatam alicujus rei cognitionem, requiritur tantum ut vis cognoscendi quæ in ipso est adæquet istam rem, quod facile fieri potest: ut autem sciat se illam habere, sive Deum nihil ampliùs posuisse in illa re quàm id quod cognoscit, oportet ut suâ vi cognoscendi adæquet infinitam Dei potestatem: quod fieri planè repugnat.

Jam verò ad cognoscendam distinctionem realem inter duas res, non requiritur ut nostra de iis cognitio sit adæquata, nisi possimus scire ipsam esse adæquatam; sed nunquam possumus hoc scire, ut mox dictum est, ergo non requiritur ut sit adæquata.

Itaque ubi dixi non sufficere quod una absque alia intelligatur per abstractionem intellectus rem inadæquatè concipientis, non putavi inde posse inferri, ad distinctionem realem requiri cognitionem adæquatam, sed tantum cognitionem, quam nos ipsi per abstractionem intellectus non redderemus inadæquatam.

Longè enim aliud est cognitionem aliquam esse planè adæquatam, quod nunquam certò scire possumus an sit verum, nisi à Deo reveletur: & aliud eousque esse adæquatam, ut à nobis per abstractionem intellectus inadæquatam non reddi percipiamus.

Eodemque modo cum dixi rem intelligendam esse completè, sensus non erat intellectionem debere esse adæquatam, sed tantum rem satis debere intelligi, ut scirem esse completam.

Quod tam ex antecedentibus quàm ex sequentibus putabam esse manifestum; distinxeram enim paulò ante entia incompleta à completis, dixeramque requiri ut unumquodque ex iis quæ realiter distinguuntur, tanquam ens per se & ab omni alio diversum intelligatur.

Postea verò eodem sensu quo dixi me completè intelligere quid sit corpus, statim subjunxi, me etiam intelligere mentem esse rem completam, sumendo scilicet intelligere completè, & intelligere esse rem completam, in una & eadem significatione.

Sed hic meritò quæri potest, quidnam intelligam per rem completam, & quomodo probem sufficere ad distinctionem realem, quod duæ res tanquam completæ una absque alia intelligantur.

Itaque ad primum respondeo, me per rem completam nihil aliud intelligere quàm substantiam iudicam iis formis, sive attributis, quæ sufficiunt ut ex iis agnoscam ipsam esse substantiam.

Neque enim substantias immediatè cognoscimus, ut alibi notatum est, sed tantum ex eo quòd percipiamus quasdam formas, sive attributa, quæ cum alicui rei debeant inesse ut existant, rem illam cui insunt vocamus *Substantiam*.

Si verò postea eandem illam substantiam spoliare vellemus iis attributis ex quibus illam cognoscimus, omnem nostram de ipsa notitiam destitueremus, atque ita verba quidem aliqua de ipsa possemus proferre, sed non quorum significationem clarè & distinctè perciperemus.

Non ignoro quasdam substantias vulgò vocari *incompleta*; Sed si dicantur incompleta quod per se solæ esse non possint, fateor mihi contradictorium videri, ut sine substantiæ, hoc est res per se subsistentes; & simul incompleta, hoc est per se subsistere non valentes. Aliter autem dici possunt substantiæ incompleta, ita scilicet ut quatenus sunt substantiæ, nihil quidem habeant incompleti, sed tantum quatenus referuntur ad aliquam aliam substantiam, cum qua unum per se componunt.

Ita manus est substantia incompleta, cum refertur ad totum corpus cuius est pars: sed est substantia completa, cum sola spectatur: & eodem planè modo mens & corpus sunt substantiæ incompleta, cum referuntur ad hominem quem componunt: sed solæ spectatæ sunt completa.

Quemadmodum enim esse extensum, divisibile, figuratum, &c. sunt formæ, sive attributa, ex quibus agnosco substantiam illam quæ vocatur corpus; ita esse intelligentem, volentem, dubitantem, &c. sunt formæ, ex quibus agnosco substantiam quæ vocatur Mens: nec minùs intelligo substantiam esse rem completam, quàm substantiam extensam.

Nec ullo modo dici potest id quod Vir Cl. subiunxit, corpus fortè se habere ad mentem sicut genus ad speciem: etsi enim genus possit intelligi sine hac vel illa differentia specifica, non potest tamen ullo modo species sine genere cogitari.

Nam, exempli causâ, facile intelligimus figuram, nihil cogitando de circulo (quamvis ista intellectio non sit distincta, nisi ad specialem aliquam figuram referatur, nec de re completa, nisi naturam corporis comprehendat) sed nullam circuli differentiam specificam intelligimus, quin simul de figura cogitemus.

Mens autem distinctè & completè, sive quantum sufficit ut habeatur pro re completa, percipi potest sine ulla ex iis formis, sive attributis, ex quibus agnoscerimus corpus esse substantiam, ut puto me in secunda Meditatione satis ostendisse; corpusque intelligitur distinctè, atque ut res completa, sine iis quæ pertinent ad mentem.

Hic tamen urget Vir Cl. *etsi aliqua mei notitia parari possit absque notitia corporis, non tamen inde conscri notitiam illam esse completam, & adequatam, ita ut cer-*

triusim me non falli, dum ab essentia mea corpus excludo. Remque declarat exemplo trianguli semicirculo inscripti, quem possumus clarè & distinctè intelligere esse rectangulum, quamvis ignoremus, vel etiam negemus illius basis quadratum æquale esse quadratis laterum; nec tamen inde licet inferre dari posse triangulum, cuius basis quadratum æquale non sit quadratis laterum. Sed quantum ad hoc exemplum, multis modis differt à re proposita. Nam primò quamvis forte triangulus sumi possit in concreto pro substantia figuram habentè triangularem, certè proprietas habendi quadratum basis æquale quadratis laterum non est substantia, nec proinde unum quod iue ex his duobus potest intelligi ut res completa, quemadmodum intelliguntur *Mens & Corpus*: nec quidem potest res vocari, eo sensu quo dixi, *satis esse quod possim unam rem* (nempe rem completam) *absque altera intelligere*, &c. ut sit manifestum ex verbis quæ sequebantur, *Preterea invenio in me facultates*, &c. Neque enim istas facultates dixi *esseres*, sed ipsas accuratè à rebus sive substantiis distinxì. Secundo quamvis clarè & distinctè possumus intelligere triangulum in semicirculo esse rectangulum, absque eo quod advertamus ejus basis quadratum æquale esse quadratis laterum, non tamen ita possumus clarè intelligere triangulum in quo basis quadratum sit æquale quadratis laterum, quin simul advertamus esse rectangulum: atqui & mentem sine corpore, & corpus sine mente clarè & distinctè percipimus. Tercio quamvis conceptus trianguli semicirculo inscripti talis haberi possit, ut in eo æqualitas inter quadratum basis & quadrata laterum non contineatur, non potest tamen haberi talis ut nulla proportio inter basis quadratum & quadrata laterum ad hunc triangulum pertinere intelligatur; ac proinde quamdiu ignoratur qualis sit ista proportio, nulla de eo potest negari, nisi quam clarè intelligamus ad ipsum non pertinere, quod de proportionè æqualitatis nunquam potest intelligi.

Sed nihil planè in corporis conceptu includitur quod pertineat ad mentem, nihil iue in conceptu mentis quod pertineat ad corpus.

Itaque quamvis dixerim *satis esse, quod possim unam rem absque altera clare & distinctè intelligere*, &c. non ideo potest subsumi, *at clare & distinctè intelligo hunc triangulum*, &c. Primò, quia proportio inter quadratum basis & quadrata laterum, non est res completa. Secundo, quia non clarè intelligitur ista proportio æqualitatis, nisi in triangulo rectangulo. Tercio, quia nequidem triangulus distinctè potest intelligi, si negetur proportio quæ est inter quadrata ejus laterum & basis.

Sed jam dicendum est quo pacto ex hoc solo quod unam substantiam absque altera clare & distinctè intelligam, certius sim unam ab alia excludi. Nempe hæc ipsa est notio *substantia*, quod per se, hoc est absque ope ullius alterius substantiæ, possit existere: nec ullus unquam qui duas substantias per duos diversos conceptus percepit, non judicavit illas esse realiter distinctas. Ideoque nisi certitudinem vulgari majorem quævissem, contentus fuissetm ostendisse in secundà Me-

ditione *Mentem* ut rem subsistentem intelligi, quamvis nihil planè illi tribuatur quod pertineat ad corpus; & vice versa etiam *Corpus* intelligi ut rem subsistentem, etsi nihil illi tribuatur quod pertineat ad mentem: nihilque amplius addidissem, ad demonstrandum mentem realiter à corpore distingui: quia vulgò res omnes eodem modo se habere iudicamus in ordine ad ipsam veritatem, quo se habent in ordine ad nostram perceptionem. Sed quia inter hyperbolicas illas dubitationes, quas in prima Meditatione proposui, unà eo usque processit ut de hoc ipso (nempe quod res juxta veritatem sint tales quales ipsas percipimus) certus esse non possem, quandiu auctorem meæ originis ignorare me supposebam, idcirco omnia quæ de Deo & de veritate, in tertia, quarta, & quinta Meditatione scripsi, conferunt ad conclusionem de reali *mentis* à *corpore* distinctione, quam demum in sexta Meditatione perfeci.

Atqui, ait Vir Cl. intelligo triangulum semicirculo inscriptum absque eo quòd sciam ejus basim quadratum aequale esse quadratis laterum. Imò, potest quidem ille triangulus intelligi, etsi de proportionem quæ est inter quadrata ejus basim & laterum non cogitur: sed non potest intelligi ipsam de eo esse negandam. Contra verò de mente non modò intelligimus illam esse sine corpore, sed etiam omnia illa quæ ad corpus pertinent, de ipsa posse negari; hæc enim est natura substantiarum quòd sese mutuo excludant.

Neque mihi adversatur, quod Vir Cl. adjunxit, minus non esse si dum ex eo quòd cogitem colligo me existere, idea quam hoc pacto efformo, me tantum representet ut rem cogitantem: nam eodem modo cum naturam corporis examino, nihil prorsus in eâ reperio quod redolet cogitationem; nullumque majus argumentum distinctionis inter duas res haberi potest, quàm quod in utramvis nos convertamus, nihil planè in ipsa deprehendamus quod ab altera non sit diversum.

Non etiam video quâ ratione hoc argumentum nimis prober; nihil enim minus dici potest ad ostendendum unam rem realiter ab altera distingui, quàm quod per divinam potentiam possit ab ipsa separari. Satisque diligenter cavere mihi visus sum, ne quis ideo putaret *hominem esse solum animam utentem corpore*. Nam in eadem sexta Meditatione, in qua egi de distinctione mentis à corpore, simul etiam probavi substantialiter illi esse unitam; ususque sum rationibus, quibus non memini me ullas ad idem probandum fortiores alibi legisse. Atque quemadmodum ille qui brachium hominis diceret esse substantiam realiter à reliquo ejus corpore distinctam, non ideo negaret, illud idem ad hominis integri naturam pertinere; nec qui dicit idem brachium ad hominis integri naturam pertinere, ideo dat occasionem suspicandi non posse illud per se subsistere; ita nec mihi videor nimium probasse ostendendo mentem absque corpore esse posse, nec etiam nimis parum dicendo illam esse corpori substantialiter unitam, quia unio illa substantialis

flantialis non impedit quo minus clarus & distinctus solius mentis tanquam rei completæ conceptus habeatur; ideoque multum differt à conceptu superficiæ, vel lineæ, quæ non ita ut res completæ possunt intelligi, nisi præter longitudinem & latitudinem etiam profunditas iis tribuatur.

Nec denique ex eo quodd *vis cogitandi sit in infantibus sapientia, in amentibus non quidem extincta*, sed perturbata, putandum est illam organici corporis ita esse affixam, ut absque iis existere non possit: ex eo enim quod experiamur sæpe ab ipsis impediri, nullo modo sequitur ab iisdem produci; neque hoc ullâ vel minimâ ratione probari potest.

Verumtamen non inficior arctam illam mentis cum corpore conjunctionem, quam sensibus assidue experimur, in causa esse, cur realem ejus ab ipso distinctionem non sine arctâ meditatione advertamus.

Sed meo judicio qui frequenter ea quæ in secunda Meditatione dicta sunt apud se revolvunt, facile sibi persuadebunt, mentem non distingui à corpore per solam fictionem vel abstractionem intellectus, sed ut rem distinctam cognosci, quia revera distincta est.

Nihil respondeo ad illa quæ de animæ immortalitate Vir Cl. hic adjecit, quia mihi non adversantur. Sed quantum ad animas brutorum, etsi earum consideratio non sit hujus loci, nec sine totius Physicæ tractatione plura de ipsis dicere possum quàm quæ jam in dissertationis de Methodo parte quinta explicui: Ne tamen omnino nihil dicam, maximè notandum mihi videtur, nullos motus fieri posse tam in brutorum corporibus, quàm in nostris: nisi adsint omnia planè organa, sive instrumenta, quorum ope iidem etiam in machina peragi possent, adè ut nequidem in nobis ipsis mens immediatè moveat membra externa, sed dirigat tantum spiritus à corde per cerebrum in musculos fluentes, eosque ad certos motus determinet, cum ex eis isti spiritus ad multas actiones diversas æquè facile applicentur. Plurimi verò ex motibus qui in nobis fiunt, nullo pacto à mente dependent, tales sunt pulsus cordis, ciborum gectio, nutritio, respiratio dormientium, atque etiam in vigilantibus ambulatio, cantio & similia, cum fiunt animo non advertente. Cumque illi qui ex alto decidunt, manus in terram præmittunt ut caput tueantur, nullo sane consilio rationis id faciunt, sed tantum quia visio impendentis casus ad cerebrum usque pertingens spiritus animales in nervos mittit, eo modo quo necesse est ad hunc motum vel mente in vitâ & tanquam in machina producendum. Cumque hoc in nobis ipsis pro certo experiamur, quid est quod tantopere miremur, si lumen è lupi corpore in ovis oculos reflexum eandem habeat vim ad motum fugæ in ipsâ excitandum?

Jam verò si velimus uti ratione ad dignoscendum, an aliqui brutorum motus similes sint iis qui peraguntur in nobis ope mentis, vel iis tantum qui à solo spirituum influxu & organorum dispositione dependent, considerandæ sunt differentiæ

quæ inter ipsos reperiuntur, nempe illæ quas in parte quinta dissertationis de Methodo explicui; non enim aliàs putò inveniri; tuncque facillè apparebit omnes brutorum actiones iis tantùm similes esse quæ sine ulla ope mentis à nobis fiunt. Unde concludere cogemur nullum planè in ipsis principium motus à nobis cognosci præter solam dispositionem organorum, & continuum affluxum spirituum, qui à calore cordis sanguinem attenuantis producuntur; simulque advertemus, nihil nobis ante hac occasionem dedisse aliud ipsis affingendi, nisi tantùm quòd illa duo principia motus non distinguentes, cum prius, quod à solis spiritibus & organis dependet, in brutis, tanquam in nobis, esse videremus, aliud etiam quòd in mente sive cogitatione consistit, ipsis inesse inconsultè crederemus. Et sanè quidquid ita nobis ab ineunte ætate persuasimus, quantumvis postea falsum esse rationibus ostendatur, non tamen facillè, nisi diu & frequenter ad rationes istas attendamus, ab opinione nostra deletur. *

RESPONSIO
ad alteram partem.
DE DEO.

HActenus argumenta Viri Cl. dissolvere ejusque impetum sustinere conatus sum; deinceps, ut ii qui cum fortioribus pugnant, non directè ipsi me opponam, sed ab istu potiùs declinabo.

De tribus tantùm agit hac in parte quæ facillè possunt admitti, prout ipse illa intelligit; sed quæ scripseram, alio sensu intellexi, qui verus etiam mihi videtur.

Primum est, quòd quædam idææ materialiter sint falsæ, hoc est, ut ego interpretor, quod tales sint ut iudicio materiam præbeant erroris; ille verò idæas formaliter sumptas considerando nullam in iis falsitatem esse contendit.

Alterum est, quòd Deus sit à se *positivè*, & tanquam à causa; ubi tantùm intellexi rationem propter quam Deus non indiget ullâ causâ efficiente ut existat, fundatam esse in re positiva, nempe in ipsamet Dei immensitate quâ nihil magis positivum esse potest; ille verò probat Deum à se non produci, nec conservari per positivum aliquem causæ efficientis influxum: quod planè etiam affirmo.

Tertium denique est, quòd nihil in mente nostra esse possit ejusmodi non sumus conscii; quod de operationibus intellexi, & ille de potentiis negat.

Sed ut singula diligentius exequamur, ubi ait, *si frigus sit tantùm privatio, nullam posse dari ideam quæ illud tanquam rem positivum representet*, manifestum est ipsam agere tantùm de idea *formaliter* sumpta. Nam cum ipsæ idææ sint formæ quædam, nec ex materia ulla componantur, quoties considerantur quatenus aliquid repræsentant, non *materialiter*, sed *formaliter* sumuntur; si verò spectarentur, non prout hoc vel illud repræsentant, sed tantummodò prout sunt operationes intellectus, dici quidem posset materialiter illas sumi, sed tunc nullo modo veritatem vel falsitatem objectorum respicerent. Nec ideo mihi videtur illas alio

alio sensu materialiter falsas dici posse, quàm eo quem jam explicui; nempe sive frigus sit res positiva, sive privatio, non aliam idcirco de ipso habeo ideam, sed manet in me eadem illa quam semper habui, quamque ipsam dico mihi præbere materiam erroris, si verum sit frigus esse privationem, & non habere tantum realitatis quàm calor; quia utramque ideam caloris & frigoris, considerando prout ambas à sensibus accepi, non possum advertere plus mihi realitatis per unam quam per alteram exhiberi.

Nec sanè *judicium cum idea confudi*; nam in hac dixi reperiri falsitatem *materialem*: in illo verò non potest esse nisi *formalis*. Cum autem ait Vir Cl. *ideam frigoris esse frigus ipsum prout est objectivè in intellectu*, distinctione arbitror opus esse; hoc enim sæpe contingit in ideis obscuris & confusis, inter quas hæc caloris & frigoris sunt numerandæ, ut ad aliud quid referantur quàm ad id cujus revera ideæ sunt. Ita si frigus sit tantum privatio, frigoris idea non est frigus ipsum, prout est objectivè in intellectu, sed aliud quid, quod perperam pro istâ privatione sumitur; nempe est sensus quidam entis nullam habentis existentiam extra intellectum.

Neque est par ratio de ideâ Dei, saltem de illa quæ est clara & distincta, quia dici non potest ipsam referri ad aliquid cui non sit conformis. Quantum autem ad confusas Deorum ideas quæ ab idololatriis effinguntur, non video cur non etiam materialiter falsæ dici possint, quatenus falsis ipsorum judiciis materiam præbent. Quanquam sanè illæ quæ vel nullam, vel perexiguam judicio dant occasionem erroris, non tam meritò materialiter falsæ dici videntur, quam quæ magnam; unas autem majorem quam alteras erroris occasionem præbere facile est exemplis declarare. Neque enim tanta est in confusis ideis ad arbitrium mentis efficitis (quales sunt ideæ falsorum Deorum,) quanta est in iis quæ à sensibus confusæ adveniunt, ut sunt ideæ caloris & frigoris: si quidem, ut dixi, verum sit illas nihil reale exhibere. Omnium autem maxima est in ideis quæ ab appetitu sensitivo oriuntur; ut idea sitis in hydropico nunquid revera ipsi materiam præbet erroris, cum dat occasionem judicandi potum sibi esse profuturum, qui tamen sit nociturus?

Asperit Vir Cl. quidnam mihi exhibeat illa frigoris idea, quàm dixi materialiter falsam esse: *Si enim, inquit, exhibet privationem, ergo vera est; si ens positivum, non est ergo frigoris idea.* Rectè, sed propter hoc tantum illam materialiter falsam appello, quod cum sit obscura & confusa, non possum judicare an mihi quid exhibeat quod extra sensum meum sit positivum necne: ideoque occasionem habeo judicandi esse quid positivum, quamvis fortè sit tantum privatio.

Nec proinde queri debet, *quæ sit causa illius entis positivi objectivi, unde fieri ajo ut materialiter falsa sit illa idea*, quia non ajo illam fieri materialiter falsam ab aliquo ente positivo, sed à sola obscuritate, quæ tamen ens aliquod positivum habet pro subjecto, nempe sensum ipsum.

Et quidem ens istud positivum in me est, quatenus ego sum res vera; obscuri-

tas verò, quæ sola mihi dat occasionem judicandi istam ideam sensus frigoris, repræsentare objectum aliquod extra me positum quod vocetur frigus, non habet causam realem, sed inde tantùm oritur quòd natura mea non sit omni ex parte perfecta.

Neque hoc ulla ratione fundamenta mea convellit. Vererer autem ne forte, quia in legendis Philosophorum libris nunquam valdè multum temporis impendi, non satis ipsorum loquendi modum sequutus sim, cum dixi ideas, quæ judicium materiam præbent erroris, *materialiter* falsas esse, nisi apud primum auctorem qui mihi jam incidit in manus, vocem *materialiter* in eadem significatione sumptam invenirem, nempe apud Fr. Suarem, *Metaphysicæ* disput. 9. sectione 2. numero 4.

Sed pergamus ad ea quæ V. C. omnium maximè reprehendit, mihi autem minime omnium reprehensione digna videntur, nempe ubi dixi, *licet nobis cogitare Deum quodammodo idem prestare respectu sui ipsius, quod causa efficiens respectu sui effectus*. Hoc enim ipso negavi illud quod viro Cl. durum videtur & falsum, nempe quòd Deus sit causa efficiens sui ipsius, quia, dicendo *idem quodammodo prestare*, ostendi me non existimare idem esse: & præmittendo verba, *nobis omnino licet cogitare*, significavi me hæc tantum propter imperfectionem intellectus humani sic explicare. Sed & in reliquo scripto idem ubique confirmavi: nam statim ab initio ubi dixi, *nullam rem existere in cuius causam efficientem non liceat inquirere*: addidi, *vel si non habet, cur illa non indigeat postulare*; quæ verba satis indicant, me putasse aliquid existere quod causâ efficiente non indigeat. Quid autem tale esse potest præter Deum? dixi quæ paulò post, *in Deo esse tantam & tam inexhaustam potentiam, ut nullius unquam ope egerit ut existeret, neque etiam nunc egeat ut conservetur, atque adeò sit quodammodo sui causa*. Ubi verbum, *sui causa*, nullo modo de efficiente potest intelligi, sed tantùm quòd inexhausta Dei potentia sit causa, sive ratio propter quam causâ non indiget. Cumque illa inexhausta potentia, sive essentia immensitas, sit quàm maximè *positiva*, idcirco dixi, rationem sive causam ob quam Deus non indiget causâ, esse *positivam*; quod idem dici non posset de ulla re finita, quamvis in suo genere summè perfecta: Sed si diceretur esse *à se*, hoc tantùm intelligi posset *negative*, quoniam nulla ratio à positiva ejus natura desumpta afferri posset propter quam intelligeremus ipsam causâ efficiente non indigere. Atque eodem modo in omnibus aliis locis ita contuli causam formalem, sive rationem ab essentia Dei petitam propter quam ipse causa non indiget ut existat, neque ut conservetur, cum causa efficiente sine qua res finitæ esse non possunt, ut ubique illam à causa efficiente esse diversam ex ipsis meis verbis cognoscatur. Nec ullibi dixi Deum se conservare per positivum aliquem influxum, ut res creatæ ab ipso conservantur, sed tantùm immensitatem potentia, sive essentia, propter quam Conservatore non indiget, esse rem *positivam*. Itaque possum ultro admittere quæcunque à Viro Cl. asserun-

tur ad probandem, Deum non esse causam efficientem sui ipsius; neque se conservare per ullum influxum positivum, sive per sui reproductionem continuam, quod solum ex ejus rationibus efficitur. Sed, ut spero, etiam ille non negavit immensitatem illam potentie, propter quam Deus non indiget causa ut existat, esse in ipso rem positivam, nihilque ejusmodi quod sit positivum intelligi posse in ullis aliis rebus, propter quod causâ efficiente non egeant ad existendum, quod solum significare volui, cum dixi nullas res posse intelligi esse à se nisi negativæ, præter unam Deum, nec quicquam amplius assumere mihi opus fuit ad difficultatem, quæ propo-
 posita erat, dissolvendam.

Sed quia tam serio hic monet Vir Clar. vix ullum Theologum reperiri posse quod non eâ propositione offendantur, quod Deum à se ipso sit positivæ, & tanquam à causa, paulo accuratius exponam quare iste loquendi modus in hac quæstione perutilis atque etiam necessarius, & ab omni offensionis suspitione valde remotus mihi videatur.

Scio Latinos Theologos non usurpare nomen causæ in divinis, cum agitur de processione personarum sacrosanctæ Trinitatis, illosque ubi Græci indifferenter αὐτὸς & ἀπ' αὐτοῦ dixerunt, solo principii nomine ut maxime generali uti malle, ne cuilibet inde occasionem dent judicandi Filium esse minorem Patre. Sed ubi nullum tale erroris periculum esse potest, nec agitur de Deo ut trino sed tantum ut uno, non video cur nomen causæ sit tantopere fugiendum, præsertim cum in talem locum incidimus, ut illo uti perutile ac propemodum necessarium esse videatur.

Nulla autem major hujus nominis utilitas esse potest quam si Dei existentie demonstrandæ inserviat: nullaque major necessitas quam si absque eo perspicue demonstrari non possit.

Atqui considerationem causæ efficientis esse primum & præcipuum medium ne dicam unicum, quod habeamus ad existentiam Dei probandam, puto omnibus esse manifestum. Illud autem accuratè persequi non possumus, nisi licentiam demus animo nostro in rerum omnium, etiam ipsius Dei causas efficientes inquirendi: quo enim jure Deum inde exciperemus priusquam illum existere sit probatum? Quærendum igitur est de unaquaque, an sit à se, vel ab alio: Et quidem per hoc medium existentia Dei concludi potest, etsi non expresse explicetur quomodo intelligendum sit aliquid esse à se. Quicumque enim solius luminis naturalis ductum sequuntur, sponte sibi formant hoc in loco conceptum quandam causæ efficienti & formali communem, ita scilicet ut quod est ab alio, sit ab ipso tanquam à causâ efficiente; quod autem est à se, sit tanquam à causâ formali, hoc est, quia talem habet essentiam, ut causâ efficiente non egeat, ideoque istud in Medit. meis non explicui, sed tanquam per se notum prætermisi. At cum illi qui assueti sunt judicare nihil esse posse causam efficientem sui ipsius, illamque causâ formali accuratè distinguere, quæri vident an aliquid sit à seipso, facile sit ut de

sola efficiente propriè dicta cogitantes, non putent illud, à se, debere intelligi tantquam à causa, sed tantummodò negative, tanquam sine causa, ita scilicet ut aliquid sit de quo non debeamus inquirere cur existat. Quæ interpretatio verbi à se si admitteretur, nulla posset ab effectibus haberi ratio ad existentiam Dei demonstrandam, ut rectè in primis objectionibus ab ipsarum Audore probatum est, ideoque nullo modo est admittenda. Ut autem appositè ad ipsam responderetur, existimo necesse esse ostendere inter causam efficientem propriè dictam, & nullam causam esse quid intermedium, nempe positivam rei essentiam, ad quam causæ efficientis conceptus eodem modo potest extendi, quo solemus in Geometricis conceptum lineæ circularis quam maximè ad conceptum lineæ rectæ vel conceptum polygoni rectilinei, cujus indefinitus sit numerus laterum, ad conceptum circuli extendere. Hocque non mihi videretur ullà ratione meliùs explicare potuisse, quàm cum dixi *causa efficientis significationem non esse in hac questione restringendam ad illas causas quæ sunt effectibus tempore priores, vel quæ ab ipsis sunt diversæ; tum quia esset negatoria, cum nemo nesciat idem nec seipso prius, nec à seipso diversum esse posse; tum quia una ex his duabus conditionibus ab ejus conceptu tolli potest, & nihilominus integra notio efficientis remanere.* Nam quod non requiratur ut tempore sit prior, patet ex eo, quòd non habeat rationem causæ, nisi quamdiu producit effectum, ut dictum est. Ex eo verò quòd non possit alia conditio etiam tolli, debet tantum inferri non esse causam efficientem propriè dictam, quod concedo: non autem nullo modo esse causam positivam, quæ per analogiam ad efficientem referri possit, hocque tantum in re proposita requiritur: eodem enim lumine naturali quo percipio me mihi daturum fuisse omnes perfectiones quarum idea aliqua in me est, siquidem existentiam mihi dedissem, percipio etiam nihil sibi existentiam dare posse modo illo, ad quem causæ efficientis propriè dictæ significatio restringi solet, ita scilicet ut idem quatenus dat sibi esse, sit diversum à seipso, quatenus accipit esse, quia contradictoria sunt idem & non idem, sive diversum. Ideoque cum quaritur an aliquid sibi ipsi existentiam dare possit, non aliud est intelligendum quàm si quæreretur, an alicujus rei natura sive essentia sit talis ut causâ efficiente non indigeat ad existendum: Cumque subsumitur, *si quid sit tale, illud sibi daturum esse omnes perfectiones, quarum idea aliqua in ipso est, siquidem ipsas nondum habet,* sensus est fieri non posse quin habeat actu omnes perfectiones quas cognoscit: Quia lumine naturali percipimus, illud cujus essentia tam immensa est, ut causa efficiente non indigeat ad existendum, hac etiam non indigere ad habendas omnes perfectiones quas cognoscit, propriamque essentiam dare ipsi eminenter illud omne quod possumus cogitare aliquibus aliis rebus à causa efficiente dari posse. Atque hæc verba, *si nondum habet, ipsum sibi esse daturum,* juvant tantum ad rem explicandam, quia eodem lumine naturali percipimus illud jam non posse habere vim & voluntatem sibi dandi aliquid novi, sed ejus essentiam talem esse ut habue-

rit ab æterno illud omne, quod jam cogitare possumus ipsum sibi daturum esse, si nondum haberet. Atqui nihilominus isti omnes modi loquendi à causæ efficientis analogia petiti perneccessarii sunt ad lumen naturale ita dirigendum, ut ista perspicue advertamus: eodem planè modo quo nonnulla de Sphæra, & aliis figuris curvilineis ex comparatione cum figuris rectilineis apud Archimedem demonstrantur, quæ vix aliter intelligi potuissent. Et quemadmodum istiusmodi demonstrationes non improbantur, etsi sphæra in illis instar polyedri sit consideranda; ita non puto me hoc in loco posse reprehendi quòd analogiâ causæ efficientis usus sim ad ea quæ ad causam formalem, hoc est ad ipsammet Dei essentiam pertinent explicanda. Nec ullum hac in parte erroris periculum timeri potest, quoniam id unicum quod causæ efficientis proprium est, atque ad formalem non potest extendi, manifestam contradictionem involvit, ideoque à nemine credi posset, nempe quod aliquid sit à seipso diversum, sive idem simul & non idem.

Notandumque est causæ dignitatem sic à nobis Deo fuisse tributam, ut nulla effectus in dignitas in ipso inde sequeretur: nam quemadmodum Theologi eum dicunt patrem esse principium filii, non ideo concedunt filium esse principium; ita quamvis admiserim Deum dici quodammodo posse *sui causam*, nulli tamen illum eodem modo *sui effectum* nominavi, quia scilicet effectus ad efficientem præcipue solet referri, & illà esse ignobilior, quamvis sæpe sit nobilior aliis causis.

Cum autem integram rei essentiam pro causâ formali hîc sumo, Aristotelis vestigia tantum sequor: nam lib. 2. anal. post. c. 11. causa materiali prætermisâ primam nominat *αἰτία τὸ τι ἔσται*, sive, ut vulgo vertunt Latini Philosophi, *causam formalem*, illam quam ad omnes omnium rerum essentias extendit, quia nempe ibi non agit de causis compositi physici, ut neque ego etiam hîc; sed generalius de causis ex quibus aliqua cognitio peti possit.

Quòd verò fieri vix potuerit in re propositâ ut à *causâ* nomine Deo tribuendo abstinere, vel ex eo potest probari, quòd cum Vir Cl. alia via idem quod ego efficere conatus sit, non tamen id ullo modo præstiterit saltem quantum mihi videtur. Nam postquam multis verbis ostendit Deum non esse causam efficientem sui ipsius, quia requiritur ad rationem efficientis ut diversa sit à suo effectû; item non esse à se *positivè*, intelligendo per verbum *positivè*, positivum causæ influxum; itemque seipsum revera non conservare, sumendo *conservationem* pro continua rei productione; quæ omnia lubens admitto; rursus probare contendit Deum non dici debere causam efficientem sui ipsius, quia, inquit, *causæ efficiens rei alienius non quaritur, nisi ratione existentia, neutiquam verò ratione essentia: at non minus est de essentia entis infiniti quòd existat, quàm de essentia trianguli habere tres angulos aequales duobus relictis: ergo non magis per efficientem est respondendum, cum quaritur cur Deus existat, quàm cum quaritur cur tres anguli*

guli trianguli sint æquales duobus rectis. Qui syllogismus faciliè in illum potest retorqueri hoc pacto; etsi non queratur efficiens ratione essentiz, quari tamen potest ratione existentiz; at in Deo non distinguitur essentia ab existentia, ergo de Deo quari potest efficiens.

Sed ut hæc duo simul conciliantur, dici debet querenti, cur Deus existat, non quidem esse respondendum per causam efficientem propriè dictam, sed tantum per ipsam rei essentiam, sive causam formalem, quæ propter hoc ipsum quòd in Deo existentia non distinguitur ab essentia, magnam habet analogiam cum efficiente, ideoque quasi causa efficiens vocari potest.

Denique, addit in Dei causam efficientem inquirenti respondendum esse, illum eam non indigere; & rursus percontanti, cur illa non indigeat, respondendum, quia ens infinitum est, cuius existentia est sua essentia: ea enim tantummodo causa efficiens indigere, in quibus existentiam actualem ab essentia distinguere licet. Ex quibus ait corrui e id quod dixeram, nempe si putarem nullam rem idem quodammodo esse posse erga seipsam, quod causa efficiens erga effectum, nunquam me in causas rerum inquirendo ad ullam omnium primam deveniturum; quod tamen nec corrui, nec ullo modo concuti vel affirmari mihi videtur; & præcipua vis non modò mea, sed & omnium omnino demonstrationum quæ asserri possunt ad existentiam Dei ab effectibus probandam, ab eo dependet: Nullam autem Theologi ferre omnes nisi ab effectibus asserri posse contendunt. Itaque tantum abest ut demonstrationem de Deo illustret, cum analogiam causæ efficientis illi erga seipsum tribui non permittit, quin potiùs ab illa intelligenda lectores avertit, præcipuè in fine, ubi concludit, si putaret in cuiusque rei causam efficientem vel quasi efficientem esse inquirendum, se cuiuscumque rei causam ab ea re diversam quasiturum. Quomodo enim ii qui Deum nondum nòrunt, in causam aliarum rerum efficientem inquirerent, ut hoc pacto ad Dei cognitionem devenirent, nisi putarent cuiusque rei causam efficientem posse inquire? Et quomodo tandem in Deo ut causa prima finem querendi facerent, si putarent cuiusque rei causam ab ea re diversam esse querendam?

Certè idem fecisse mihi videtur Vir Cl. hac in parte, ac si postquam Archimedes loquens de iis quæ de sphaera per analogiam ad figuras rectilineas sphaeræ inscriptas demonstravit, dixisset, si putarem sphaeram pro figura rectilinea infinitorum laterum sumi non posse, nullam vim isti demonstrationi tribuerem, sed quia non de sphaera ut figura curvilinea, sed tantum de ipsa ut figura rectilinea infinitorum laterum rectè procedit. Si, inquam, Vir Cl. nolens sphaeram ita nominari, & tamen Archimedis demonstrationem cupiens retinere diceret, si putarem id quod ibi concluditur, de figura rectilinea infinitorum laterum esse intelligendum, id ipsum de sphaera non admitterem, quia mihi certum & compertum est, sphaeram nullo modo esse figuram rectilineam. Quibus sanè verbis non idem quod Archimedes

chimedes efficeret, sed contra prorsus ab ejus demonstratione rectè intelligenda seipsum aliosque advocaret.

Hæc verò paulò prolixiùs hîc persequutus sum quàm res fortè postulabat, ut ostendam summæ mihi curæ esse cavere ne vel minimum quid in meis scriptis reperitur quod merito Theologi reprehendant.

Denique quod circulum non commiserim, cùm dixi, non aliter nobis constare, quæ clarè & distinctè percipiuntur vera esse, quàm quia Deus est: & nobis non constare Deum esse, nisi quia id clarè percipitur, jam satis in responsione ad secundas Objectiones numero 3. & 4. explicui, distinguendo scilicet id quod respiciè clarè percipimus, ab eo quod recordamur nos antea clarè percepisse. Primum enim nobis constat Deum existere, quoniam ad rationes quæ id probant attendimus; postea verò sufficit ut recordemur nos aliquam rem clarè percepisse, ut ipsam veram esse simus certi, quod non sufficeret nisi Deum esse, & non fallere sciremus.

Quod autem nihil in mente, quatenus est res cogitans, esse possit, cujus non sit conscia, per se notum mihi videtur, quia nihil in illa sic spectata esse intelligimus quod non sit cogitatio, vel à cogitatione dependens, alioqui enim ad mentem, quatenus est res cogitans, non pertineret; nec ulla potest in nobis esse cogitatio, cujus eodem illo momento quo in nobis est, conscii non simus. Quamobrem non dubito quin mens statim atque instantis corpori insula est, incipiat cogitare, simulque sibi suæ cogitationis conscia sit, etsi postea ejus rei non recorderetur, quia species istarum cogitationum memoriæ non inhaerent.

Sed notandum est actuum quidem sive operationum nostræ mentis nos semper actu conscientes esse, facultatum, sive potentiarum non semper nisi potentia; ita scilicet ut cùm ad utendum aliqua facultate nos accingimus, statim, si facultas illa sit in mente, siamus ejus actu conscii, atque ideo negare possimus esse in mente, si ejus conscii fieri nequeamus.

Ad ea quæ Theologos morari possunt.

Opposui me primis Viri Cl. rationibus, à secundis declinavi: jamque quæ sequuntur planè assentior, præterquam ultimæ, de qua spero me non difficulter effecturum ut ipse mihi assentiat.

Itaque quod ea quæ in prima Meditatione atque etiam in reliquis continentur, ad omnium ingeniorum captum non sint accommodata, planè concedo, idque ubicunque sese obtulit occasio restatus sum, atque in posterum testabor. Et hæc unica fuit causa, cur eadem in dissertatione de Methodo, quæ Gallicè scripta erat, non tractarim, sed ad has Meditationes, quas à solis ingeniosis & doctis legendas esse præmonui, reservarim. Neque dici debet rectius me facturum fuisse, si abstinuissem ab iis scribendis, à quibus legendis permulti debeant abstinere:

tam necessaria enim existimo, ut sine ipsis nihil unquam firmum & stabile in Philosophia statui posse mihi persuadeam. Et quamvis ignis & ferrum ab imprudentibus aut pueris sine periculo non tractentur, quia tamen utilia sunt ad vitam, nemo est qui putet ideo ipsis esse carendum.

Quod verò in quarta Meditatione tantum egerim de errore qui *committitur in adjudicatione veri & falsi*: non autem de illo qui contingit in persecutione boni & mali; quodque ea quæ ad fidem pertinent atque ad vitam agendam semper exceperim, cum asserui, nullinos rei assentiri debere, nisi quam clarè cognoscamus, totius scripti mei contextus ostendit; & expresse etiam in responsione ad secundas Objectiones numero 5. explicui; nec non & in Synopsi præmonui, ut ita quantum Viri Cl. iudicio tribuam, & quàm accepta mihi sint ejus consilia, declararem.

Superest sacramentum Eucharistiæ, cum quo judicat Vir Cl. meas opiniones non convenire, quia, inquit, *fide credimus ablatà ab Eucharistico pane panis substantià, sola illic accidentia remanere*: putat autem me nulla accidentia realia admittere, sed tantum modos, quia *absque aliqua substantia*, cui insunt, non possunt intelligi, *nec proinde etiam absque illa existere*. Quam objectionem persfacile possem cludere, dicendo me nunquam hæcenus accidentia realia negasse; nam quamvis ipsis in Dioptrica, & Meteoris non usus sim ad ea de quibus agebam explicanda, dixi tamen expressis verbis in Meteoris p. 164. me illa non negare. In his vero Meditationibus inposui quidem ipsa nondum à me cognosci, sed non ideo nulla esse; modus enim scribendi analyticus, quem sequutus sum, id patitur ut quædam interdum supponantur quæ nondum sint satis explorata, ut patuit in prima Meditatione, in qua multa assumpseram, quæ deinde in sequentibus refutavi. Nec sanè hic quicquam de natura accidentium volui stabilire, sed ea tantum, quæ de ipsis, tanquam primâ fronte, apparuerunt, proposui. Ac denique ex eo quod dixerim modos absque aliqua substantia cui insunt non posse intelligi, non debet inferri, me negasse illos absque ipsa per divinam potentiam poni posse, quia planè assero, & credo Deum multa posse efficere, quæ nos intelligere non possumus.

Sed ut hic agam liberalius, non dissimulabo me mihi persuadere, nihil planè aliud esse à quo sensus nostri afficiantur præter solam illam superficiem, quæ est terminus dimensionum ejus corporis quod sentitur: in sola enim superficie fit contactus; & nullum sensum affici nisi per contactum, non ego solus, sed serè omnes Philosophi cum ipso Aristotele affirmant: ita ut, exempli causa, panis, vel vinum non sentiatur, nisi quatenus ejus superficies vel immediatè à sensus organo, vel mediante aëre, aliisve corporibus, ut ego judico, vel, ut ajunt plerique Philosophi, mediantibus speciebus intentionalibus attingitur.

Notandum autem est, istam superficiem non ex sola corporum figura externa quâ digitus tractatur esse æstimandam, sed considerandos etiam esse omnes illos
exiguos

exiguos meatus, qui inter pulvisculos farinæ, ex quibus panis conflat, atque inter particulas spiritus, aquæ, aceti & fæcum, seu tartari, ex quorum mistura vinum constat, itemque inter reliquorum corporum minutias reperiuntur. Nam sanè particule istæ, cum diversas habeant figuras, & motus, nunquã tam aptè jungi possunt, quin multa inter ipsas spatia relinquuntur, quæ vacua non sunt, sed vel aëre, vel alia materiâ repleta; ut ad oculum videmus in pane spatia ejusmodi faris magna, quæ non modo aëre, sed etiam aquâ, vel vino, aliisve liquoribus impleri possunt: cumque panis maneat semper ipse idem, quamvis aër aliave materia ejus poris contenta muretur, patet ista ad ejus substantiam non pertinere: ideoque ipsius superficieci non eam esse quæ brevissimo ambitu integrum cingit, sed eam quæ singulis ejus particulis est immediatè circumposita.

Notandum etiam est hanc superficiem non modò totam moveri, cùm totus panis ex eo loco in alium transfertur, sed etiam moveri ex parte, cùm aliquæ panis particule ab aëre aliisve corporibus ejus poros ingredientibus agitantur: adeò ut si quæ corpora talis sint naturæ, ut vel aliquæ vel omnes eorum partes assiduè moveantur (quod de plerisque partibus panis, & de omnibus vini, verum existimo), intelligenda etiam sit ipsorum superficies in continuo quodam motu esse.

Notandum denique per superficiem panis, aut vini, alteriusve corporis, non hîc intelligi partem ullam substantiæ, nec quidem quantitatis ejusdem corporis, nec etiam partem corporum circumjacentium, sed tantummodo terminum illum qui medius esse concipitur inter singulas ejus particulas, & corpora ipsas ambientia, quique nullam planè habet entitatem, nisi modalem.

Jam verò, cùm in hoc solo termino contactus fiat, & nihil nisi per contactum sentiatur, manifestum est ex hoc uno quòd dicantur panis & vini substantiæ in aliqujus alterius rei substantiam ita mutari, ut hæc nova substantia sub quibus aliz priùs erant, sive in eodem præcisè loco existat in quo panis & vinum priùs existebant; vel potius (quia eorum termini assiduè moventur) in quo jam existent si adessent; seu qui necessariò novam illam substantiam eodem planè modo sensus omnes nostros afficere debere, quo panis & vinum illos afficerent, si nulla transsubstantiatio facta esset.

Docet autem Ecclesia in Concilio Tridentino, sess. 13. can. 2. & 4. *conversionem fieri totius substantiæ panis in substantiam corporis Christi Domini nostri, manente dumtaxat specie panis*. Ubi non video quidnam possit intelligi per speciem panis, præter illam superficiem, quæ media est inter singulas ejus particulas, & corpora ipsa ambientia. Ut enim jam dictum est, in hac sola superficie fit contactus: & fatente ipso Aristotele, non modò sensus ille, qui specialiter tactus vocatur, sed & alii sensus tactu sentiunt. lib. 3. de anima cap. 13. *ἡ δὲ τὰ ἅλλα αἰσθητικὰ ἀφ' αὐτοῦ αἰσθάνται*. Et nemo est qui putet hîc per speciem aliud intelligi, quàm præcisè id, quòd requiritur ad sensus afficiendos. Et nemo etiam est, qui credat conversionem panis in Christi corpus, quin simul putet hoc Christi corpus, sub eadem accu-
rate

rate superficie contineri, sub qua contineretur panis, si adesset. Etiam si tamen ibi non sit tanquam propriè in loco, sed sacramentaliter, & eâ existendi ratione, quamz *estis verbis exprimere vix possumus, possibilem tamen esse DEO, cogitatione per fidem illustratâ assequi possumus, & constantissimè credere debemus.* Quæ omnia tam commodè ac tam rectè per mea principia explicantur, ut non modò nihil hîc habeam quod verear ne orthodoxis Theologis offendiculo sit futurum, sed contrâ potius magnani me ab ipsis gratiam initurum esse confidam, quod eas in Physica proponam opiniones, quæ longè meliùs quàm vulgares cum Theologia consentiant. Nam sanè nullibi unquam, saltem quod sciam, docuit Ecclesia, species panis & vini, remanentes in Sacramento Eucharistiz, esse accidentia quædam realia, quæ, sublata substantiâ, cui inhærebant, miraculosè sola subsistant,

Sed cum fortè primi Theologi, qui hanc quæstionem Philosophico more explicare conati sunt, tam firmiter sibi persuaderent, accidentia illa quæ sensus movent esse quid reale à substantia diversum, ut ne adverterent quidem ea de re posse unquam dubitari: sine ullo examine ac sine iusta ratione supposuerunt species panis esse accidentia ejusmodi realia: totique deinde in eo fuerunt ut explicarent, quomodo ipsa sine subjecto esse possint. Quæ in re tot difficultates invenerunt, ut vel ex hoc uno (quemadmodum viatores cum fortè ad salebras & loca nullo modo pervia deveniunt) se à vero itinere deslexisse judicare debuissent. In primis enim non videntur sibi constare, saltem ii qui omnem sensuum perceptionem per contactum fieri concedunt, cum in objectis aliquid aliud, quàm ipsorum superficies variè dispositas, ad novendos sensus requiri supponunt: quia per se notum est ad contactum solam superficiem sufficere; Si quiverò id non concedant, nihil ea de re afferre possunt quod ullam habeat speciem veritatis. Deinde non potest humana mens cogitare, accidentia panis esse realia & tamen absque ejus substantia existere, quin simul illa per modum substantiæ concipiat: Adeo ut implicare videatur ut tota panis substantia mutetur, quemadmodum credit Ecclesia; & interim ut aliquid reale, quod prius erat in pane, remaneat: quia nihil reale potest intelligi remanere, nisi quod subsistat, & quamvis verbo vocetur accidens, concipiatur tamen ut substantia. Ideoque in eisdem est ac si diceretur, totam quidem panis substantiam mutari, sed tamen illam ejus substantiæ partem quæ vocatur accidens reale remanere: quod si non in verbis, certè in conceptu, contradictionem involvit. Atque hæc præcipua ratio esse videtur ob quam nonnulli hac in parte ab Ecclesia Romana disenserunt. Quis autem neget, ubi liberum est, & nulla ratio, nec Theologica, nec quidem Philosophica, cogit nos ad aliquas opiniones amplectendas, quin illæ potissimum sint eligendæ quæ nullam aliis occasionem nec prætextum dare possint à veritate fidei descedendi? quod autem opinio quæ realia ponit accidentia, cum Theologicis rationibus non conveniat, puto hîc satis perspicuè ostendi; quodque Philosophicis planè adversetur, spero

me in summa Philosophiæ, quam jam habeo in manibus, clarè esse demonstraturum; itaque quo pacto color, sapor, gravitas, & reliqua omnia quæ sensus movent, à sua extrema corporum superficie dependant, ostendam. Denique non possunt accidentia realia supponi, quin miraculo transsubstantiationis, quod solum ex verbis consecrationis concludi potest, aliud novum, & quidem incomprehensibile, gratiis addatur, per quod accidentia ista realia absque panis substantia ita existant, ut ipsa interim non fiant substantiæ: quod non modo pugnat contra humanam rationem, sed etiam contra axioma Theologorum, qui dicunt, verba ista consecrationis nihil efficere nisi suum significatum; & quæ per rationem naturalem possunt explicari miraculo nolunt adscribi. Quæ omnes difficultates per meam hujus rei explicationem planè tolluntur: nam tantum abest ut juxta ipsam opus sit aliquo miraculo ad conservanda accidentia post sublatam substantiam; quin potius sine novo miraculo (per quod scilicet dimensiones mutantur) tolli non possint. Hocque aliquando contigisse memoriæ proditum est, cum loco panis consecrati caro, vel puer, in manibus sacerdotis apparuit: Non enim id unquam per miraculi cessationem, sed omnino per novum miraculum accidisse credendum est. Præterea nihil est incomprehensibile aut difficile in eo quod Deus creator omnium possit unam substantiam in aliam mutare, quodque hæc posterior substantia sub eadem planè superficie remaneat sub qua prior continebatur. Nec etiam quicquam rationi magis consentaneum dici potest, nec vulgo apud Philosophos magis receptum, quam non modo omnem sensum sed generaliter omnem corporis in corporis actionem fieri per contactum, huncque contactum in sola superficie esse posse: unde sequitur evidenter eandem superficiem, quantumvis substantia quæ sub ea est mutetur, eodem semper modo agere ac pati debere.

Quapropter, si verum hæc sine invidia scribere licet, ausim sperare venturum tempus aliquando, quo illa opinio quæ ponit accidentia realia, ut à ratione aliena, & incomprehensibilis, & parum tuta in fide, à Theologis explodetur, & mea in ejus locum ut certa & indubitata recipietur. Quod hæc dissimulandum esse non putavi, ut quantum in me est, occurram illorum calumniis, qui, quoniam aliis doctiores videri volunt, nihil ægrius ferunt quam si quid novi in scientiis, quod sibi prius cognitum fuisse fingere non possint, afferatur. Et sæpe in illud eò actius invehuntur, quod verius & majoris momenti esse putant; Quodque rationibus refutare non valent, sacris Scripturis ac veritatibus fidei adversari absque ulla ratione affirmant. Impii certè hac in parte, quod auctoritate Ecclesiæ uti velint ad evertendam veritatem. Sed provocho ab istis ad pios & orthodoxos Theologos, quorum me judicii & censuræ libentissimè submitto.



A U C T O R I S

De Objectionibus Quintiis

M O N I T U M,

Versum ex Gallico.

A Nec primam harum Meditationum editionem, cupii eas non tantum à Sorbonicis Doctoribus expendi, sed etiam ab omnibus aliis qui vellent viris eruditis; ut ipsorum Objectiones, singulas suo ordine, cum meis Responsionibus ad calcem Meditationum subiiciendo, majorem ex hoc conspectu veritas lucem acciperet. Et licet ea qua Quinto loco ad me fuerunt missa magni præ cateris momenti esse non viderentur, & admodum forent prolixa, suo tamen illas ordine, ne de Auctore malè mererer, excudendas curavi; cui etiam meo nomine specimina impressionis, qua probationes vocant, legenda sunt tradita, ne quid fortè in iis quod pro suo non agnosceret, infereretur. Sed quia postea ingentem conscripsit librum, in quo eadem Objectiones cum multis novis adversus meas Responsiones Instantiis continentur, & ibi me illas lucem donavisse conqueritur, quasi id præter ipsius mentem factum fuisset, qui eas ad me in privata tantum mea institutionis gratiam misisset, non invitatus deinceps voluntati ejus obsequar, & istud volumen iis exonerabo. Ideo cum audiivi Ludovicum Elzevirium, industrium typographum, Meditationes meas unà cum aliis Objectionibus prælo suo iterum subicere decrevisse, rogavi ipsum ut Quintas objectiones omitteret. Ne tamen eas Lector desideret, monitum illum hoc loco velim, mo illas nuper unà cum omnibus novis magni quo comprehenduntur libri instantiis relegisse, eo animo ut inde singula capita qua responsione indigere viderentur exciperem: sed nullum me animadvertisse, cui illos qui Meditationum mearum mentem percipient, absque ope mea respondere facile non posse putem. Quod verò ad eos attinet qui de libris ex mole solum aut extitulo judicant, me illorum approbationem non ambire. Quintarum igitur objectionum, & mearum ad illas Responsionum loco, satis mihi superque erit sequentem Epistolam subijcere.

C. L. R. EPISTOLA:

*In qua ad epitomen præcipuarum Petri Gassendi
Instantiarum respondetur.*

M Agnoscere me tibi devinctum agnosco, Clarissime Vir, quod vident me nullo dignatum esse responso ingentem Instantiarum librum, quem Objectionum quintarum Auctor adversus Responsiones meas edidit, aliquos ex amicis rogaveris, ut præcipuas istius librationes colligerent, & epitomen ab iis factam ad me miseris. Majorem ea in re meæ famæ quàm egomet ipse curam gessit. Non enim dubitabo apud te profiteri, susque deque nihil esse sive magni sive parvi fiam ab illis quos ejusmodi rationes movere potuerint. Præsertim cum aliquot ex iis quos novi perspicacissimi ingenii homines, qui ipsius librum evolverunt, significarint mihi in eo reperisse quod scrupulum sibi injecisset. Illis verò solis satisfacere animus est. Scio mortalium plerosque speciem veritatis facilius quàm veritatem ipsam observare, & sapius prava quàm recta de rebus judicia ferre. Idcirco operæ pretium esse non putavi de illorum approbatione obtinenda multum laborare. Acceptissima tamen mihi est quam misisti epitome, & ei me teneri respondere agnosco, sed in gratiam potius suscepti ab amicis tuis laboris, quàm quòd illud defensionis meæ necessitas exigat.

Persuasum enim sum eos qui illam concinnarunt nunc mecum sentire, omnes istius libri objectiones vocibus tantum quibusdam malè intellectis aut falsis hypothesibus inniti; quippe non alias nisi istiusmodi generis annotarunt, licet tantà eà in re diligentia sint usi, ut quasdam etiam, quas me ibi legisse non memini, adjecerint.

Tres in primam Meditationem Instantias excerpterunt. 1. *Me rem impossibilem postulare, cum omnia præjudicia exui volo.* 2. *Non posse illa à quoquam exui, quin alia magis noxia induat.* 3. *Methodum de omnibus dubitanda à me propositam, nulli veritati inveniunda utilem esse.*

Prima inde oritur quòd hujus libri Auctor non animadvertit, præjudicii vocem ad omnes quæ in anima nostra sunt notiones non extendi, (quas fieri non posse ut universas deponamus lubens agnosco:) Sed tantum ad illas omnes opiniones quas judicia ante à nobis animo impresserunt. Cum verò judicare vel non judicare sit voluntatis actio, ut suo loco explicui, eam in nostra potestate sitam esse liquet. Ut enim omnia quis præjudicia exuat, nihil aliud requiritur, nisi ut apud se statuatur nihil eorum quæ antea affirmavit vel negavit, antequam id rursus ad exam-

men revocatis, affirmare vel negare, etiamsi interea easdem omnes notiones memoria regineat. Nonnihil tamen difficultatis esse fassus sum, in sic excutiendis ex animo nostros quæ ante ab ullo assumpta & approbata fuerant; partim quia dubitandi aliquam rationem habere oporteat antequam dubitare velis: ideoque in prima Meditatione præcipuas quæ horum facere possent rationes exposui; partim quia etsi statuerimus nihil affirmare vel negare, decreti tamen istius facile obliviscamur, nisi profundè memoriæ nostræ infixum sit; ideoque ut attentè de hoc negotio cogitaretur volui.

Secunda Instantia nihil aliud est nisi manifestè falsa hypothesis. Etiamsi enim dixerim annitendum esse, ut ea negarentur quæ antea nimia cum fiducia affirmata fuerant, expressè tamen hanc limitationem adjeci, id tantum illo tempore debere fieri, quò in aliquid certius, quàm id quod ita negares, investigando occupatus esses; tunc enim te nullum noxium præjudicium inducere posse.

Tertia meram cavillationem continet. Nam licet verum sit, dubitationem solam ad veritatem aliquam stabiliendam non sufficere, ad isthuc tamen præparandum animum utilis est. In eum, autem solum finem illam adhibui.

Sex in secundam Meditationem amici tui annotant. Primum est ex eo quod dico, *Cogito; ergo sum*; Auctorem Instantiarum colligere, me hanc Majorem supponere, *Qui cogitat, est*, atque ita me jam aliquod præjudicium induisse. Qua in re præjudicii voce iterum abutitur. Etsi enim enunciatio illa ita nuncupari queat cum sine attentione profertur, aut ideo tantum vera esse creditur quia talis antea judicata fuit; præjudicium tamen cum expenditur appellari non debet, propterea, quòd animo tam evidens appareat ut ab ea credenda temperare sibi nequeat, cum forte de illa tum primum cogitare incipiat, ac proinde mentem præjudicio imbutam nondum habeat. Sed præcipuus istius Auctoris in hac materia error hic est, quòd enunciationum particularium cognitionem semper ex universalibus, secundum syllogismorum Dialectices ordinem, deducendam esse supponat. Qua in re se quomodo veritas indaganda sit ignorare prodit. Constat enim inter omnes Philosophos, ad eam inveniendam initium semper à notionibus particularibus fieri debere, ut postea ad universale accedatur; quamvis etiam reciprocè, universalibus inventis, aliæ particulares inde deduci queant. Ita si puer in Geometrix elementis instituendus sit, hoc principium generale, *Si ab æqualibus æqualia demas, quæ remanent erunt æqualia*, aut *Totum singulis suis partibus majus est*, non capiet, nisi particularibus exemplis illustretur. Ad quod cum non attenderet iste Auctor, in tot paralogismos incidit, quibus libri sui molem auxit. Passim enim falsas Majores finxit, easque mihi tribuit, quasi veritates quas explendi inde deduxissem.

Secunda, quam amici tui annotant, Instantia hæc est; *Ad sciendum nos cogitare, quid cogitatio sit præcognoscere oportere; id autem me ignorare, quia omnia negavi.*

negavi. Sed præjudicia tantum negavi, non verò notiones (qualis est hæc) quæ absque ulla affirmatione aut negatione cognoscuntur.

Tertia est, *Cogitationem sine objecto esse non posse, verbi gratiâ sine corpore.* Ubi vitanda est *equivoca* vocis *cogitationis*, quæ tum pro re cogitante, tum pro istius rei actione accipi potest. Nego autem rem cogitantem alio præter seipsam objecto indigere, ad suam actionem exercendum; quamvis etiam illam ad res materiales, quando eas examinat, extendere possit.

Quarta, *Etiamsi cogitationem de me ipso habeam, nescire tamen utrum ista cogitatio sit actio corporea, aut atomus quæ moveatur, potius quàm substantia immaterialis.* Ubi vobis *cogitationis* homonymia iterum occurrit; & nihil amplius animadverto præter quæstionem fundamento destitutam, & huic persimilem: Judicas te esse hominem, quia in te omnia deprehendis, propter quæ eos in quibus illa reperiuntur homines vocas, sed qui scis annon sis elephas potius quàm homo, aliquibus aliis quas ignoras de causis? Nam postquam substantia quæ cogitat, se intellectualem esse judicavit, quia in se omnes substantiarum intellectuum proprietates observavit, & nullas quæ corpori conveniant animadvertere potuit, ex ipsa adhuc quaeritur, quomodo noverit annon sit corpus, potius quàm substantia immaterialis.

Quinta Instantia ejusdem est farina, *Etiamsi nullam in mea cogitatione extensionem animadvertam, non sequi tamen eam non esse extensam, quia cogitatio mea veritatis rerum non sit norma.* Idem sexta, *Fieri posse ut distinctio illa, quam cogitatione meâ inter cogitationem & corpus esse comperio, sit falsa.* Sed hic peculiariter observanda est istorum verborum homonymia, *Cogitatio mea non est veritatis rerum norma.* Si enim significetur, cogitationem meam aliorum non debere esse normam, ita ut quia aliquid verum esse credo, illud etiam alii credere teneantur, non illibenter assentiar. Sed ad eam, de qua agitur, rem, id nihil prorsus facit. Neminem enim unquam in mea verba jurare volui. Contra diversis in locis soli rationum evidentia cedendum esse monui. Præterea si *cogitationis* vox indiscriminatim pro omni animæ operatione accipiat, certum est nos in multas cogitationes incidere posse, ex quibus de rerum extra nos positarum veritate nihil inferre debeamus. Sed neque illud hic est appositum, ubi tantum de iis cogitationibus agitur, quæ clare & distincte sunt perceptiones, & de judiciis quæ unusquisque apud se consentanea istis perceptionibus facere debet. Quare in eo quo voces istæ hic accipiendæ sunt sensu, dico uniuscujusque cogitationem id est perceptionem seu notitiam quam alicujus rei habet, ipsi veritatis istius rei regulam esse debere, hoc est, omnia quæ de ea facit judicia, ut recta sint, præceptioni isti conformia esse oportere. Imò quod ad veritates fidei attinet, rationem aliquam habere nos oportet, quæ persuadeat eas à Deo esse revelatas, antequam ad eas credendum voluntatem determinemus. Et quamvis indocti

rectè faciant, si doctiorum de rebus cognitu difficilibus iudicium sequantur, nihilominus ex perceptione propria discere debent se esse ignaros, & eos quorum iudicia sequi volunt, se cognitione antecellere, alioqui illa sequendo peccarent, & instar automatum aut brutorum potius quàm hominum se gererent. Unde appareret Philosophum turpius errare non posse, quàm si iudicia suis rerum perceptionibus dissentanea formare velit. Sed tamen quomodo hic Auctor in plerisque suis objectionibus ab isto errore purgare se possit non capio. Non enim vult ut unusquisque propriam perceptionem sequatur, sed potius nescio quas opiniones & commenta, quæ nobis proponere ipsi libet, quantumvis nullo modo ea percipiantur.

Contra tertiam Meditationem amici tui annotarunt, 1. *Omnes homines Dei in se ideam non animadvertere.* 2. *Me istam ideam si mihi inesse, comprehensurum.* 3. *Multos meas rationes legisse, qui in persuasi non fuerunt.* 4. *Ex eo quod me imperfectum esse agnosco, non sequi, Deum esse.*

Sed si *Idea* vox eo modo intelligatur quo discretè dixi me illam accipere, nec excusatio quærat in quorundam homonymia, quæ ad imagines rerum materialium, quæ formantur in phantasia, restringunt, nemo negare potest se aliquam Dei ideam habere, nisi dicat se non intelligere quid hæc verba significant, *Res omnium quas possimus concipere perfectissima*; hoc enim est quod apud omnes homines *Dei* nomine venit. Dicere autem te non intelligere quid significant voces omnium ore trita, est, te, ut alienam oppugnes sententiam, in miras angustias constringere. Adde quod hæc sit omnium, quæ fingi possunt, maximè impia confessio, de te ipso dicere, eo sensu quo *idea* vocem accepi, te nullam Dei ideam habere. Hoc enim est non solum profiteri, te illum naturali ratione non cognoscere, sed etiam te nec fide, nec ullâ aliâ viâ, quicquam de illo posse scire: quia si nullam ideam, id est nullam perceptionem habeas, quæ significatui hujus vocis *Deus* respondeat, quantumvis profitearis te credere *Deum* esse, istud perinde est ac si dicas, te credere *nihil* esse; & ita in impietatis & extremæ ignorantæ abyssum demersum jacere.

Quod addunt, *me istam ideam, si qua in me esset, comprehensurum*, absque fundamento dictum est. Quia enim *comprehendendi* vox limitationem aliquam designat, fieri non potest ut spiritus finitus Deum, qui infinitus est, comprehendat. Sed id non obstat quominus eum esse animadvertat; sicut montem tangere quidem potes, etiam si eum vlnis amplecti nequeas.

Quod dicunt etiam de meis rationibus, *multos eas legisse, qui tamen illis persuasi non fuerunt*; facile confutari potest; quia aliquot alii reperti sunt qui eas comprehenderunt, & quibus omni ex parte satisfecerunt. Plus enim fidei adhiberi debet uni, qui sine mentiendi intentione asserit, se aliquid vidisse aut comprehendisse, quàm mille aliis, qui id, quia videre aut comprehendere nequiverunt, insinuantur. Ita in antipodum detectione plus fidei aliquot nautarum, qui totum

terra-

tetrarum Orbem circumiverant, rationi, quam millenis aliquot Philosophis qui eam rotundam esse non crediderunt, adhibitum est. Et quia hic Elementorum Euclidis meminerunt, quasi omnibus promiscuè intellecta essent facilia, considerent, quæso, vix centesimum quemque eorum qui in Philosophia Scholastica doctissimi habentur, illa intelligere, vel decies millesimum Apollonii aut Archimedis omnes demonstrationes percipere, quamvis illæ Euclidean non minùs evidentes & certæ sint.

Denique cum dicunt, *Ex eo quod aliquam in me agnosco imperfectionem non sequi Deum esse*, nihil omnino probant. Non enim id inmediate ex eo solo, nullà præterea re additâ, collegi. Et sic argumentantes in memoriam mihi revocant istius Auctoris artificium, qui ut mæx rationes imperfectæ & debiles apparerent, eas truncare est solitus.

Nihil in iis omnibus, quæ in reliquis tres Meditationes annotarunt, observare possum, cui alibi copiosè non responderim. Veluti cum obijciunt, 1. *Ale in probanda Dei existentia per quasdam nobis insitas notiones in διαλογον, quem circumvolum vocant, incidere, cum postea dicam nullius rei certitudinem habere nos posse, nisi prius Deum esse persuasi simus.* 2. *Dei notitiam nihil ad veritatem Mathematicarum scientiam comparandam facere.* 3. *illum seductorem esse posse.* Inspice ea de re Responsionem meam ad secundas objectiones, num. 3. & 4. & partem 2. resp. ad quartas, circa finem.

Tandem addunt cogitatum, quod non memini ab Auctore isto in libro Instantiarum scriptum esse, etsi iis quæ illic occurrunt per simile sit. *Multi*, inquit, *præstantis ingenii viri credunt se clarè animadvertere extensionem Mathematicam, quam pro principio in Physicam æstimo, merum meum commentum esse, eamque extra animum meum subsistentiam nullam habere aut habere posse, cum sit pura puto à Physico corpore abstractio: ideoque universam meam Physicam imaginariam tantum & fictam esse, sicut omnes puras Mathematicas esse constat; sed in Physica realiterum à Deo creatarum, opus esse reali, solidâ, & non imaginariâ materia.* Hæc est Objectio objectionum, & compendium universæ doctrinæ eximiorum qui hic citantur Philosophorum. Omnia quæ intelligere & concipere possumus, nihil aliud sunt, ex illorum sententia, nisi mæx animi nostri imaginationes & figmenta, quæ nullam subsistentiam habere queant. Unde sequitur, nos pro vero nihil debere admittere, nisi id quod neque intelligere, neque concipere, neque imaginari possumus; hoc est ostium planè rationi esse occludendum, & sufficere, ut quis inter præstantis ingenii viros & Philosophos annumeretur, esse Simiam, aut Psittacum, non verò hominem. Nam si illa quæ concipi possunt, ea solum de causa, quia possunt concipi, pro falsis sunt habenda, quid aliud restat, nisi ut id solum quod non intelligimus pro vero amplectamur, & in illè nostræ doctrinæ systema componamus; alios imitandò etiam si cur eos imitemur ignoremus, quemadmodum sumis faciunt, & voces à nobis non intellectas more psittacorum proferendo?

Sed

Sed hæc sanè habeo unde me eximie consolor, quòd Physica mea cum puris Mathematicis confertur, cùm nihil magis quàm ut iis simillima sit exoptem.

Quod ad duas illas quæstiones attinet, quas sub finem adjiciunt, videlicet, *Quomodo anima, si materialis non sit, corpus moveat, & quomodo species obj. æternum corporeum recipere possit*; ex solùm occasionem mihi suppeditant hic monendi, Auctorem istum non rectè insituisse viâ, quando sub prætextu Objectiones mihi faciendi, multas ejusmodi quæstiones proposuit, quarum solutio ad rerum quas scripsi demonstrationem non erat necessaria, cùm vel indoctissimi plures unâ horâ quæstiones proponere, quàm doctissimi totius vitæ spatio solvere possint; ideoque me de respondendo illis parum sollicitum fuisse. Istæ verò inter alias explanationem unionis animæ cum corpore, quam nondum attigi, præsupponunt. Interim tamen tibi dicam, totam quæ in eis occurrit difficultatem, ex hypothesi falsa, & quæ nullo modo probari potest, originem ducere, nimirum, si anima & corpus duæ sint diversæ naturæ substantiæ, fieri non posse ut altera in alteram agat. Nam è contrario, qui accidentia realia admittunt, ut calorem, gravitatem, & similia, non dubitant quin ista accidentia in corpus agere queant; cùm tamen majus inter utraque, hoc est inter accidentia & substantiam, quàm inter duas substantias sit discrimina.

Cæterum antequam huic Epistolæ finem imponam, duas adhuc annotabo hæc homonymias, quas in isto Instantiarum libro offendi, quia præcipue esse mihi videntur, quæ minùs attentos Lectores in errorem possint abducere; hæc ratione ostendere tibi cupiens, me, si quid tibi invenissem quod responsione dignum esse existimarem, id minimè fuisse prætermisurum.

Prima occurrit pag. 63. ubi quia alicubi dixeram, animam, interea dum de omnium rerum materialium existentia dubitat, se *præcisè tantum* tanquam substantiant immaterialem cognoscere; & septem aut octo post lineis, ad ostendendum me his vocibus *præcisè tantum*, omnimodam exclusionem aut negationem non intelligere, sed solùm abstractionem à rebus materialibus, dixi non nihilominus non esse certos nihil in anima esse corporei, etiamsi nihil tale in ea deprehenderemus; adeò inique mecum agit iste Auctor, ut Lectori velit persuadere, me cùm dixi *præcisè tantum*, corpus excludere intendisse, ac proinde mihi ipsi postea contradixisse, cùm me id velle excludere negavi. Nihil ad illam accusationem respondéo, quod in Meditatione sexta aliquid ante à me non probatum supposuerim, & ita in paralogismum inciderim. Facile enim est deprehendere ejus falsitatem, quæ toto hoc libro vulgarissima est, & mihi suspicionem excitare posset, Auctorem ejus bona mecum fidè non egisse, si mihi perspectus non esset illius animus, & nisi ipsum falsà istà persuasionem primum deceptum esse crederem.

Alterà homonymia reperitur pag. 84. ubi *distinguere & abstrahere* unum idemque esse vult, cùm tamen magnum inter illa sit discrimen. Nam qui substantiam ab ejusdem accidentibus distinguit, utraq; considerare debet, quod non pa-

rum

rum ad illius cognitionem adipiscendam conducit: sed si substantia abstractione solummodo à suis accidentibus separaretur, hoc est, si consideretur sola, de illis non cogitando, id impedit quominus ad eam perfecte, ut aliàs fieret, cognosci possit, cum natura substantiæ per accidentia innotescat.

Hæc sunt, Clarissime Vir, quæ magno Instantiarum libro reponenda esse putavi. Quamvis enim fortasse Auctoris amicis rem magis gratam facturus essem, si omnes ejus Instantias sigillatim refellerem, vereretur tamen ne id perinde placeret meis, & ne mihi succenserent quod tempus in re tam parum necessaria tere-rem, atque ita otii mei dominos constituerem eos omnes quibus suum in quaestionibus inutilibus mihi proponendis prodigere luberet. Sed interim pro tua de me sollicitudine gratias quam possum maximas ago. Vale.

O B J E C T I O N E S S E X T A E.

Perleſtis attentiffimè tuīs Meditationibus, & iis quæ haſtenus objectis reſpondiſti, nonnulli etiamnum ſcrupuli ſuperſunt, quos à te juſtum eſt auferri. Primus eſt, non videri ad eam certum nos eſſe, ex eo quod cogitemus; Ut enim certus ſis te cogitare, debes ſcire quid ſit cogitare ſeu cogitatio, quidve exiſtentia tua; cumque nondum ſcias quid ſint illa, qui noſſe potes te cogitare, vel exiſtere? Cum igitur dicens *cogito*, neſcias quid dicas: cumque addens, *ſum igitur*, neſcias etiam quid dicas, imò nequidem ſcias te dicere, vel cogitare quidpiam, quoniam ad hoc neceſſe videtur ut ſcias te ſcire quid dicas, iterumque ut noveris quod ſcias te ſcire quid dicas, & ſic in infinitum, conſtat te ſcire non poſſe an ſis, vel etiam an cogites.

ſed ut ſit ſecundus ſcrupulus, cum ais *te cogitare & exiſtere*, contendet quiſpiam te decipi, neque cogitare ſed tantum moveri, neque nihil aliud eſſe quam motum corporeum, cum nullus dum tuam demonſtrationem animo complecti poterit, quâ putas te demonſtraſſe nullum motum corporeum eſſe poſſe, quam vocas cogitationem. An igitur eâ quâ uteris Analyſi motus omnes tuæ materiæ ſubtilis ita ſecuiſti, ut certus ſis, nobiſque attentiffimis, &, ut putamus, ſatis perſpicacibus, oſtendere poſſis repugnare cogitationes noſtras in illos motus corporeos reſundi?

Tertius ſcrupulus perſimilis eſt, cum enim nonnulli Patres Eccleſiæ cum Platonicis exiſtimarint Angelos eſſe corporeos, unde & Concilium Lateranenſe con- cluſit illos pingi poſſe; idemque penitus de anima rationali putarint, quippe quam opinarentur ex eis aliqui proſectam ex traduce, dixerunt tamen tam Angelos quam animam cogitare, quod proinde fieri poſſe per motus corporeos, vel etiam ipſos eſſe motus corporeos cenſuiſſe videantur, à quibus cogitationem minime

B.

diſtin-

distinxerint. Quod & simiarum, canum, & aliorum animalium cogitationibus confirmari potest: canes enim dormiendo latrant, ac si lepores vel fures insequerentur, sciuntque se vigilando currere, imo & somnando latrare, quamvis nihil tecum in iis à corporibus distinctum agnoscimus. Quod si negaris canem scire se currere, aut cogitare, præterquam quod id dicis, nec probas, ipse canis de nobis forsân simile iudicium efformat, nempe nos scire an curramus, aut cogitemus, dum currimus, vel cogitamus: neque enim modum illius interni operandi vides, quemadmodum nec ille tuum inspicit, nec desunt viri magni qui belluis rationem concedant, olimque tribuerint. Tanrumque abest ut credamus omnes illarum operationes absque sensu, vita & anima ope Mechanicæ posse satis explicari, quin illud & *admiratur*, & risu dignum quolibet pignore certare velimus; Ac denique non desunt plures, qui hominem ipsum etiam absque sensu & intellectu dicturi sint, & omnia posse facere beneficio elateriorum mechanica, & absque ulla mente, si tandem simia, canis, & elephas hocce modo suis omnibus operationibus fungi queant, cum si ratio mediocris belluarum differat à ratione hominis, secundum plus & minus solummodo differant, quæ non mutant essentiam.

Quartus scrupulus est de scientia Athei, quam contendit esse certissimam, & etiam, juxta tuam regulam, evidentissimam: dum asserit, si ab æqualibus æqualia demantur, quæ supersunt æqualia fore: tres angulos trianguli rectilinei æquales esse duobus rectis, & mille similia: quandoquidem de iis cogitare nequit, quin ea certissima credat: quod contendit ita verum esse, ut etiamsi neque Deus existat, neque sit possibilis, ut ille putat, non minus sit certus de illis veritatibus, quam si reverà existeret; negatque ullam dubitandi rationem ei posse offerri, quæ tantisper eum deturbet, aut dubium efficiat: quam enim asseres, an Deum, si sit, illum posse decipere? sed negabit se in his etiam à Deo suam omnipotentiam exferente posse decipi.

Hincque nascitur quintus scrupulus, qui radices figit in illa deceptione, quam ipsi Deo penitus denegas; cum enim plurimi Theologi censeant continuè damnatos tum angelos, tum homines, per ideam ignis torquentis sibi à Deo inditam decipi, adeo ut firmissimè credant, clarissimeque videre atque percipere putent se revera torqueri ab igne, licet nullus sit ignis, nunquid similibus ideis nos Deus potest decipere, nobisque continuè illudere, speciebus vel ideis in animas nostras immisissis? adeo ut existimemus nos clarè videre, & singulis sensibus percipere, quæ tamen non sint extraneos, ut neque cælum sit, aut terra, neque brachia, pedes, oculos, &c. habeamus. Quod quidem facere potest absque injuria & iniquitate, cum sit supremus omnium Dominus, deque suis absolute possit disponere; præsertim cum id efficere queat ad deprimendam hominum superbiam, & illorum punienda peccata, vel propter peccatum originale, aut alias ob causas nobis occultas. Quæ sanè confirmari videntur illis scripturæ locis, quæ probant nos scire nihil

nihil posse, qualis est locus Pauli i. ad Cor. cap. 8. vers. 2. *Si quis, inquit, se existimat aliquid scire, nondum cognovit quemadmodum oporteat cum scire; & locus Ecclesiastæ c. 8. v. 17. Intellexi quod omnium operum Dei nullam potest homo invenire rationem eorum quæ sunt sub sole: & quanto plus laboraverit ad querendum, tanto minus inveniet, etiamsi dixeris sapiens se nōsse, non poterit reperire.* Quod autem sapiens id dixerit ob præmeditatas rationes, & non per transennam, vel incogitanter & ex abrupto, constat ex toto illius libro, præsertim ubi quæstio proponitur de Mente, quam contendis immortalem. Nam versic. 19. cap. 3. *ais, eundem esse interitum hominũ & jumentorum:* quod ne respondeas de solo corpore intelligi, subjungit, *hominem nihil amplius habere jumento:* & loquens de ipso spiritu hominis, negat *ullum esse qui noverit an ille sursum ascendat, hoc est, an sit immortalis, an verò cum spiritibus jumentorum descendat,* hoc est, corrumpatur. Nec est quod dicas in persona impiorum loqui, alioqui ea de re scribi monere, & quæ attulerat, refellere debuisset: vel etiam neges te ad ea respondere debere, quod ad Theologos Scriptura pertineat, cum enim sis Christianus, te paratum esse decet ad omnibus aliquid adversus fidem, præsertim verò adversus ea, quæ statuere cupis, objicientibus respondendum, & pro viribus satisfaciendum.

Sextus scrupulus oritur ex indifferentia judicii, seu libertatis, quam negas ad arbitrii perfectionem attinere, sed ad solam imperfectionem, adeò ut indifferentia tollatur, quoties mens clarè perspicit quæ credenda, vel facienda, vel omittenda sunt. Quibus positis, numquid vides te Dei libertatem destruere, à qua tollis indifferentiam, dum creat mundum hunc potius, quàm alium, aut nullum condidit? Cum sit tamen de fide Deum ab æterno fuisse indifferentem, ut conderet unum, vel innumeros, vel etiam nullum. Qui verò dubitat Deum omnia tam agenda quàm omittenda semper clarissimo intuitu perspexisse; non igitur clarissima rerum visio atque perceptio tollit arbitrii indifferentiam: quæ si non possit humanæ libertati convenire, neque divine congruet, quandoquidem essentia rerum sunt, instar numerorum indivisibiles, & immutabiles, quapropter non minus includitur indifferentia in divini, quàm in humani arbitrii libertate.

Septimus scrupulus erit de superficie, in qua, vel cujus ope ais fieri omnes sensationes: non enim intelligimus, qui fieri possit ut neque sit pars corporum quæ sentiuntur, neque pars ipsius aeris, & vaporum, quorum illam negas esse partem ullam, vel etiam extremum: Nec dum etiam capimus nulla esse cujuslibet corporis aut substantiæ accidentia realia, quæ virtute divina possint absque ullo subiecto existere, neque vera existant in altaris Sacramento, uti asseris. Non est tamen quòd Doctores nostri moveantur, donec viderint num sis illa demonstraturus in tua Physica, cujus nobis spem facis, quamque vix credunt ea nobis adeò clarè proposituram, ut ipsa possint, vel debeant amplecti rejeclis antiquioribus.

Octavus scrupulus oritur ex tua responsione ad Quintas objectiones. Qui fieri possit

possit ut veritates Geometricæ, aut Metaphysicæ, quales sunt à te memoratæ, sint immutabiles & æternæ, nec tamen independentes à Deo. Nam in quo genere causæ dependent ab eo? numquid ergo potuit efficere, ut natura trianguli non fuerit? & quâ ratione; amabo, potuisset ab æterno facere ut non fuisset verum, bis 4 esse octo? aut triangulum non habere tres angulos? Vel igitur istæ veritates pendunt ab intellectu solo, dum hæc cogitat, vel à rebus existentibus, vel sunt independentes, cum Deus non videatur efficere potuisse, ut ulla ex istis essentibus seu veritatibus non fuerit ab æterno.

Nonus denique scrupulus maximè nos urget, cum ais, sensuum operationibus esse diffidendum, & intellectus certitudinem sensuum certitudine longè maiorem esse: quid enim, si nulla possit intellectus certitudine gaudere, nisi prius eam à sensibus bene dispositis habeat? si quidem non potest ille alicujus sensus errorem corrigere, nisi prius alter sensus prædictum emendet errorem. Apparet baculus fractus in aqua ob refractionem, qui tamen rectus sit: quis corriget illum errorem? an intellectus? nusquam, sed tactus; idemque de reliquis esto judicium. Itaque si sensus omnes rite dispositos adhibeas, qui semper idem renuncient, maximam omnium certitudinem, cujus homo sit naturaliter capax, assequeris; quæ sæpenumero te fugiet; si mentis operationi fidas, quæ sæpe aberrat in iis, de quibus ne quidem dubitari posse credebatur.

Hæc sunt præcipuè quæ nobis remoram injiciunt: Quibus etiam subjungas certam rationem, certosque characteres, qui nos certissimos reddant quandonam rem aliquam ita completè absque alia intelligimus, ut certum sit unam ab alia ita distinguere, ut seorsim possint, saltem Dei virtute, subsistere: hoc est, quomodo possimus certò, clarè, distinctèque cognoscere illam intellectiōis distinctionem non ab ipso fieri intellectu, sed ab ipsis rebus procedere. Enimverò cum immensitatem Dei contemplamur, non cogitantes de illius justitia; vel cum de illius existentia, non cogitantes de Filio, vel Spiritu Sancto, numquid completè precipimus illam existentiam, vel Deum existentem, absque illis personis, quas peræque possit aliquis infidelis negare, atque negas mentem vel cogitationem de corpore: Quemadmodum igitur malè quis concludet Filium & Spiritum Sanctum à Deo Patre essentialiter esse distinctos, aut ab eo separari posse, ita neque tibi concesserit quispiam cogitationem vel mentem humanam à corpore distinguere, licet unum absque alio concipias, & unum de alio perneges, neque putes id fieri per ullam tuam mentis abstractionem. Quibus sanè si satisfacias, nil penitus nobis superesse videtur quod Theologis nostris displiceat.

APPENDIX.

*P*auca quaedam ab aliis quaesita hic subjunguntur, ut conjunctim ad ipsa & ad proximè præcedentia respondeatur, quia sunt ejusdem argumenti. Quidam itaque ex doctissimis & perspicacissimis hæc tria diligentius explicari voluerunt.

1. Quomodo certo sciam me habere claram ideam animæ meæ.
2. Quomodo certo sciam ideam illam esse prorsus diversam à quacunq; alia re.
3. Quomodo certo sciam illam nihil prorsus habere corporeitatis. *Alii verò proposuerunt ea quæ sequuntur.*

Philosophi & Geometra

ad

DOMINUM CARTESIUM

QUantumvis apud nos cogitemus, num revera mentis nostræ seu humanæ Idola, hoc est cognitio atque perceptio quidpiam corporeum in se contineat, asserere non audemus, nulli corpori quocunque velis motu affecto, id quod vocamus cogitationem, ulla ratione convenire. Cum enim cernamus quædam corpora quæ non cogitant, & alia, utpotè humana, & fortè brutorum, quæ cogitant, numquid ipse nos sophismatis reos perages, & audaciæ nimix, si propterea concludamus nulla esse corpora quæ cogitant? Vix ut dubitemus nos à te continuo deridendos, si primi argumentum illud ex ideis, tam pro mente quam pro Deo, propositum audissemus, illud deinde tua consuisisses Analysis: qua te ipsum præoccupasse & prævenisse videris, adeo ut jam tu ipse menti callum obdixisse videaris, quæ non sit deinceps libera ut videat singulas, quas in te reperis, animæ proprietates vel operationes à motibus corporeis dependere: vel nodum solvas, quo vinculis adamantinis existimas nos ipsos detineri, quò minùs mentes nostræ corpus omne prætervolent.

Nodus est, nos optimè percipere 3. & 2. facere 5. & si æqualia ab æqualibus auferas, adhuc æqualia futura: his & mille aliis convincimur, idemque penes te reperies. Cur similiter non convincimur ex ideis tuis, vel nostris, animam hominis esse distinctam à corpore, & Deum existere? Dices, te non posse nobis hanc veritatem in os, nisi meditemur tecum, ingerere. En septies legimus quæ scripsisti, & mentem Angelorum instar pro viribus attollimus, necdum tamen persuademur. Neque tamen existimamus, te potiùs dicturum mentes omnes nostras bruto fascino infectas, & Metaphysicis rebus quibus à 30. annis assueti sumus, prorsus ineptas, quàm ut fatearis tuas rationes hæcenus ex ideis mentis & Dei hausitas non esse tanti ponderis tantarumque virium, ut mentes hominum doctorum, totis viribus è massa corporea se proripientium, sibi possint atque debeant subicere.

Quin potiùs arbitramur, te prorsus idem falsurum, si meditationes tuas eo relegas animo, quò illas ad examen analyticum revocares, si ab inimico tibi propositæ fuissent. Denique quamdiu nescimus quid à corporibus & illorum motibus fieri possit, cum & fatearis nullum omnia scire posse, quæ Deus in aliquo subjecto posuit, atque ponere valet, absque ipsius Dei revelatione, qui scire potuisti

potuisti hanc à Deo non fuisse positam in quibusdam corporibus vim & proprietatem, ut dubitent, cogitent, &c. Hæc sunt sive argumenta, sive maius præjudicia nostra, quibus si medearis, quantas, Deus immortalis! tibi gratias omnes simul habituri sumus, Vir Clarissime, qui nos ab istis spinis tuam sementem suffocantibus eripueris. Quod faxit Deus Opt. Max. cujus uni gloriæ cernimus te feliciter tua omnia obstrinxisse.

R E S P O N S I O

AD

Sextas Objectiones.

I.

Verum quidem est neminem posse esse certum se cogitare, nec se existere, nisi sciat quid sit cogitatio, & quid existentia; Non quòd ad hoc requiratur scientia reflexa, vel per demonstrationem acquisita, & multo minus scientia scientiæ reflexæ, per quam sciat se scire, iterumque se scire se scire, atque ita in infinitum, qualis de nulla unquam re haberi potest: Sed omnino sufficit ut id sciat cognitione illa interna, quæ reflexam semper antecedit, & quæ omnibus hominibus de cogitatione & existentia ita innata est, ut quamvis fortè præjudiciis obstrui, & ad verba magis, quàm ad verborum significationes attentis fingere possimus, nos illam non habere, non possimus tamen reverà non habere. Cùm itaque quis advertit se cogitare, atque inde sequi se existere, quamvis fortè nunquam antea quæsierit quid sit cogitatio, nec quid existentia, non potest tamen non utramque satis nosse, ut sibi in hac parte satisfaciatur.

2. Nec etiam fieri potest, cùm quis advertit se cogitare, intelligitque quid sit moveri, ut putet se decipi, sequi non cogitare, sed tantùm moveri; Cùm enim planè aliam habeat ideam sive notionem cogitationis, quàm motus corporis, necesse est ut unum tanquam ab alio diversum intelligat; etsi propter consuetudinem plures diversas proprietates, & inter quas nulla connexio cognoscitur, uni & eidem subjecto tribuendi, fieri possit ut dubitet, vel etiam ut asserat, se esse unum & eundem, qui cogitat, & qui loco movetur. Notandumque est duobus modis ea, quorum diversas habemus ideas, pro una & eadem resumi posse; nempe vel unitate & identitate naturæ, vel tantum unitate compositionis. Ita exempli causâ, non eandem quidem habemus ideam figuræ & motus: ut neque eandem habemus intellectus & volitionis; neque etiam ossium & carnis, neque cogitationis & rei extensæ: Atque nihilominus clarè percipimus illi eidem substantiæ, cui competit ut sit figurata, competere etiam ut possit moveri, adeò ut figuratum & mobile sit unum & idem unitate naturæ; Itemque rem intelligentem, & volentem esse etiam unam & eandem unitate naturæ: Non autem

rem idem percipimus de re, quam consideramus sub forma ossis, & de re, quam consideramus sub forma carnis, nec idcirco possumus illas pro una & eadem re sumere unitatæ naturæ, sed tantum unitate compositionis, quatenus scilicet unum & idem est animal quod habet ossa & carnes. Jam verò quæstio est, an rem cogitantem & rem extensam perspiciamus esse unam & eandem unitate naturæ, ita scilicet ut inter cogitationem & extensionem, aliquam talem affinitatem sive connexionem inveniamus, qualem inter figuram & motum, vel intellectionem & volitionem adverimus, an potius dicantur tantum esse unum & idem unitate compositionis, quatenus in eodem homine reperiuntur, ut ossa & carnes in eodem animali, quod ultimum affirmo, quia distinctionem sive diversitatem omnimodam inter naturam rei extensæ, & rei cogitantis, non minus quam inter ossa & carnes, animadverbo.

Quia verò etiam auctoritate hæc certatur, ne fortè ipsa veritati præjudicet, ad id quod additur, *neminem adhuc meam demonstrationem animo complecti potuisse*, cogor respondere, quamvis nondum à multis fuerit examinata, nonnullos tamen esse qui se illam intelligere affirmant; & quemadmodum unus testis, qui, postquam in Americam navigavit, ait se vidisse Antipodas, majorem mereretur fidem, quam mille alii qui negarunt illos esse, propter hoc solum quod ignorarent: Ita etiam apud eos qui rationum momenta, ut par est, examinant, pluris facienda est auctoritas unius dicentis se aliquam demonstrationem rectè intelligere, quam mille aliorum, qui eandem à nemine posse intelligi nullà adjunctâ ratione affirmant: Etsi enim ipsi non intelligant, hoc non impedit quo minus ab aliis possit intelligi; & quia hoc ex illo concludentes ostendunt se non satis accuratè ratiocinari, non valde magnam fidem merentur.

Ad id denique quod i quæritur, *an ea quâ utor Analyti motus omnes meamateria subtilis ita secernerim, ut certus sim, viriūque attentissimis, atque, ut putant, satis perspicacibus ostendere possim repugnare cogitationes in motus corporeos reffundendi*, hoc est, ut interpretor, cogitationes & motus corporeos esse unum & idem: respondeo, mihi quidem esse certissimum, sed non ideo spondere aliis, quantumvis attentis, & suo iudicio perspicacibus idem posse persuaderi, saltem quandiu non ad res purè intelligibiles, sed tantum ad imaginabiles attentionem suam convertent, ut apparet illos fecisse, qui distinctionem cogitationis à motu per dissolutionem alicujus materiæ subtilis intelligendam esse finxerunt: Nam ex eo tantum intelligitur, quod notionēs rei cogitantis, & rei extensæ, sive mobilis, sint planè diversæ, atque à se mutuo independentes: repugnerque ut illæ res, quæ à nobis tanquam diversæ & independentes clarè intelliguntur, separatim, saltem à Deo, poni non possint: adeo ut quotiescunque illas in uno & eodem subiecto reperimus, ut cogitationem & motum corporeum in eodem homine, non debeamus

debeamus idcirco existimare ipsas ibi esse unum & idem unitate naturæ, sed tantum unitate compositionis.

3. Quod hic de Platoniciis, eorumque sectatoribus assertur, jam ab universa Ecclesia Catholica, & vulgo omnibus Philosophis explosum est: Concilium autem Lateranense conclusit quidem Angelos pingi posse, non autem ideo concessit esse corporeos: & quamvis revera corporei crederentur, non certè magis in ipsis, quam in hominibus, mentes à corporibus inseparabiles possent intelligi; Neque quoque si fingeretur animam humanam esse extrahere, ideo concludi posset esse corpoream, sed tantum ut corpus nascitur à corpore parentum, ita ipsam ab eorum anima proficisci. Quantum ad canes & simias, etsi concederem in iis esse cogitationem, non inde ullo modo sequeretur mentem humanam à corpore non distingui, sed contra potius in aliis quoque animalibus mentes à corporibus esse distinctas: quod illi ipsi Platonici, quorum auctoritas mox laudabatur, post Pythagoricos censuerunt, ut ex eorum metempsychosi manifestum est. At verò nullam planè in brutis esse cogitationem non modò dixi, ut hic assumitur, sed etiam firmissimis rationibus, & quæ à nemine hactenus fuerunt refutatz, probavi: Atqui revera illi qui affirmant *canes scire se vigilando currere, imò & somnando latrare*, tanquam si in ipsorum cordibus versarentur, id dicunt, & non probant. Etsi enim addant *se non credere operationes belluarum absque sensu, vitâ & animâ* (hoc est, ut interpretor, absque cogitatione, neque enim id vulgò vocatur vita, nec anima corporea, nec sensus organicus brutis à me denegatur) ope *Mechanica posse explicari, quin illud & ad vultus, & risu dignum quolibet pignore certare velint*, id pro ratione haberi non debet: idemque de qualibet alia re quantumvis vera dici posset; quin & pignoribus certari non solet, nisi ubi rationes desunt ad probandum; & cum olim eodem ferè modò viri magni Antipodas irriserint, non statim pro falso habendum puto qui quid ab aliquibus irridetur.

Quod denique subiungitur, *non deesse plures, qui hominem ipsum, etiam absque sensu, & intellectu, dicturi sint & omnia posse facere beneficio elateriorum Mechanicorum, absque ullâ mente, si tandem simia, canis, & elephas hocce modo suis omnibus operationibus fungi queant*, non sanè etiam ratio est quâ quicquam probetur, nisi fortè quosdam homines tam confusè omnia concipere, & anticipis opinionibus verbatenus intellectis adeò tenaciter adhærere, ut potius quàm illis mutent, de se ipsis idnegent, quod non possunt non semper apud se experiri: Nam sanè fieri non potest quin semper apud nosmetipsos experiamur nos cogitare, nec proinde ex eo quòd ostendatur bruta animantia omnibus suis operationibus absque ulla cogitatione fungi posse, quisquam concludet se ipsum ergo etiam non cogitare, nisi qui cum priùs sibi persuaserit se non aliter operari quàm bruta propter hoc scilicet, quòd illis cogitationem tribuerit, adeò pertinaciter adhærebit illis verbis, homines & bruta eodem modo operantur, ut cum

cum illi ostenderetur bruta non cogitare, malit se etiam illà suà, cujus non potest non esse sibi conscius, cogitatione exuere, quàm mutare opinionem quoddam ipse, eodem modo ac bruta, operetur: Cujus tamen generis hominum multos esse non mihi facile persuado: Sed sanè multò plures, & majori cum ratione inveniuntur, qui si concedatur *cogitationem à motu corporeo non distingui*, eandem illam in brutis, atque in nobis esse contendunt, quoniam omnes motus corporeos in illis, quemadmodum in nobis animadvertunt, addentesque *differentiam, quæ est tantum secundum plus & minus, non mutare essentiam*, quamvis forte minus rationis esse putent in belluis quàm in nobis, mentes tamen esse in ipsis ejusdem planè speciei cum nostris optimo jure concludunt.

4. Quantum ad scientiam Athei, facile est demonstrare illam non esse immutabilem, & certam, ut enim jam antè dixi, quo minus potentem originis suæ autorem assignabit, tanto majorem habebit occasionem dubitandi an forte tam imperfectæ sit naturæ, ut fallatur etiam in iis quæ sibi quàm evidentissima apparebunt, illoque dubio liberari nunquam poterit, nisi à vero & fallere nescio Deo se creatum esse prius agnoscat.

5. Quoddam repugnet homines à Deo decipi, clare demonstratur ex eo, quod forma deceptionis sit non ens, in quod non potest ferri summum ens. Et in hoc omnes Theologi consentiunt, omnisque fidei Christianæ certitudo ex hoc pendet. Cur enim revelatis à Deo crederemus, si nos interdum ab ipso decipi arbitramur? Et quamvis vulgo Theologi affirmant damnatos igne inferni torqueri, non ideo tamen censent ipsos *decipi per falsam ideam ignis torquentis sibi à Deo inditam*, sed potius ab igne verè torqueri, quia *ut vivens hominis incorporei spiritus tenetur naturaliter in corpore, sic facile per divinam potentiam teneri potest post mortem corporeo igne, &c.* Vide Mag. lib. 4. sent. dist.

44. Quantum autem ad loca Scripturæ, non existimo meum esse ad ipsa respondere, nisi si quando videantur adversari alicui opinioni quæ mihi sit peculiaris; cum enim tantum afferuntur in illas quæ apud omnes Christianos sunt vulgares, quales sunt eæ quæ hic impugnantur, nempe quod aliquid sciri possit, & quod animæ humanæ non sint similes iis jumentorum, vereretur crimen arrogantis si non malletm responsionibus ab aliis jam inventis contentus esse, quàm novas excogitare, quia nunquam me Theologicis studiis immiscui, nisi in quantum ad privatam meam institutionem conferebant, nec tantum in me divinæ gratiæ exsuperior, ut ad illa sacra me vocatum putem. Itaque profiteor me nihil in posterum de talibus respondurum; sed nondum id servabo hac vice, ne fortè aliquibus occasionem præbeam existimandi me ideo tacere, quoddam loca proposita non satis commodè possim explicare. In primis igitur ajo locum D. Pauli. ad Corinth. cap. 8. vers. 2. debere tantum intelligi de scientia, quæ non est cum charitate conjuncta, hoc est, de scientia Atheorum; quia quisquis Deum, ut par est, novit, non potest ipsum non diligere, nec charitatem non habere. Hocque

probatur ex verbis proximè præcedentibus, *scientia inflat, charitas verò edificat*: & proximè sequentibus: *Si quis autem diligit Deum*; hic (nempe Deus) *cognitus est ab eo*. Itē enim non vult Apostolus nullam plane scientiam haberi posse, quia fatetur diligentes Deum ipsum cognoscere, hoc est, de ipso habere scientiam; sed ait tantum eos qui non habent charitatem, nec proinde satis Deum norunt, etsi forte in cæteris rebus aliquid se scire existiment, nondum tamen agnoscere quemadmodum oporteat scire, quia nempe incipiendum est à Dei cognitione, ac deinde aliarum omnium rerum cognitiones huic uni sunt subordinandæ, quod in meis Meditationibus explicui: atque ideo hic ipse locus, qui contra me afferebatur, meam hæc de re opinionem tam apertè confirmat, ut non putem ipsum ab iis qui à me dissentiant posse rectè explicari. Quod si quis contendat pronomen *hic* non referri ad Deum, sed ad hominem qui à Deo cognoscatur & approbetur; alius Apostolus, nempe D. Joannes epist. 1. cap. 2. meæ explanationi prorsus favet, nam vers. 2. hæc habet: *in hoc scimus quoniam cognovimus eum, si mandata ejus observamus*. cap. 4. vers. 7. *qui diligit, ex Deo natus est, & cognoscit Deum*.

Nec dispar ratio est de locis Ecclesiastæ: Notandum enim Salomonem in illo libro non quidem agere personam impiorum, sed suam tantum, quatenus scilicet, cū peccator & à Deo aversus ante fuisset, ibi poenitentiam agens, ait à se quidem, humanā tantum utente sapientiā, & illam ad Deum non referente, nihil inveniri potuisse quod plane satisfaceret, sive in quo non esset vanitas. Idēque hinc inde variis in locis monet oportere converti ad Deum, ut expresse in cap. 11. vers. 9. *Et scito quod pro omnibus his adducet te Deus in judicium*, & in sequentibus, usque ad libri finem. Specialiter autem in cap. 8. vers. decimo septimo hæc verba, *Et intellexi quod omnium operum Dei nullam possit homo invenire rationem, eorum quæ sunt sub sole, &c.* non intelligenda sunt de quovis homine, sed de eo quem descripsit in versu præcedenti: *Est homo qui diebus & noctibus somnum non capit oculis*. Tanquam si vellet ibi Propheta monere, illos qui nimis assidui sunt in studiis, non aptos esse ad assequendam veritatem; hocque profecto non faciliè ii, quibus sum notus, de me dictum esse existimabunt. Sed præcipuè attendendum est ad hæc verba *quæ sunt sub sole*, sæpius enim repetuntur in illo libro, & semper designant res naturales, ad exclusionem earum subordinationis ad Deum, quia nempe cū Deus sit supra omnia, non continetur inter ea quæ sunt sub sole: Adcō ut loci citati verus sensus sit, hominem non posse res naturales rectè scire, quandiu Deum non cognoscit, ut ego etiam affirmavi. Denique in cap. 5. vers. 29. manifestum est non dici, eundem esse interiorem hominis & inmentorum, neque etiam hominem nihil amplius habere jumento, nisi tantum ratione corporis: nam ibi fit tantum mentio eorum quæ pertinent ad corpus; & statim postea subjungitur seorsim de anima, *Quis novit spiritus filio-*

filiorum Adam ascendat sursum, & spiritus iumentorum descendat deorsum? Hoc est, an humanæ animæ beatitudine coelestifruituræ sint, quis hoc novit per humanas rationes, & quandiu ad Deum se non convertit? Certè humanam animam non esse corpoream naturali ratione probare conatus sum; sed an sursum sit adscensura, solâ fide cognosci posse concedo.

6. Quantum ad arbitrii libertatem, longè alia ejus ratio est in Deo, quàm in nobis; repugnat enim Dei voluntatem non fuisse ab æterno indifferentem ad omnia quæ facta sunt, aut unquam fient, quia nullum bonum, vel verum, nullumve credendum, vel faciendum, vel omittendum fingi potest, cujus idea in intellectu divino prius fuerit, quàm ejus voluntas se determinarit ad efficiendum ut id tale esset: Neque hic loquor de prioritate temporis, sed ne quidem prius fuit ordine, vel naturâ, vel ratione ratiocinatâ, ut vocant, ita scilicet ut ista boni idea impulerit Deum ad unum potiùs quàm aliud eligendum. Nempe, exempli causa, non ideo voluit mundum creare in tempore, quia vidit melius sic fore, quàm si creasset ab æterno: nec voluit tres angulos trianguli æquales esse duobus rectis, quia cognovit aliter fieri non posse, &c. Sed contrâ, quia voluit mundum creare in tempore, ideo sic melius est, quàm si creatus fuisset ab æterno: & quia voluit tres angulos trianguli necessariò æquales esse duobus rectis, idcirco jam hoc verum est, & fieri aliter non potest, atque ita de reliquis. Nec obstat quòd dici possit merita sanctorum esse causam cur vitam æternam consequantur, neque enim ita ejus sunt causa ut Deum determinant ad aliquid volendum, sed tantùm sunt causa effectus, cujus Deus voluit ab æterno ut causa essent. Et ita summa indifferentia in Deo summum est ejus omnipotentis argumentum. Sed quantum ad hominem, cum naturam omnis boni & veri jam à Deo determinatam inveniat, nec in aliud ejus voluntas ferri possit, evidens est ipsam eò libentiùs, ac proinde etiam liberiùs, bonum & verum amplecti, quò illud clariùs videt, nunquamque esse indifferentem, nisi quando quidnam sit melius aut verius ignorat, vel certè quando tam perspicuè non videt, quòt de eo possit dubitare: Atque ita longè alia indifferentia humanæ libertati convenit quàm divinæ. Neque hic refert quod essentia rerum dicantur esse indivisibiles: nam primo, nulla essentia potest univocè Deo & creaturæ convenire: ac denique indifferentia non pertinet ad essentiam humanæ libertatis, cum non modò simus liberi, quando ignorantia recti nos reddit indifferentes, sed maxime etiam quando clara perceptio ad aliquid prosequendum impellit.

7. Non aliter concipio superficiem, à qua sensus nostros affici puto, quàm ab omnibus Mathematicis vel Philosophis concipi solet (vel saltem debet) illa, quam à corpore distinguunt, & omni profunditate carere supponunt. Sed duobus modis superficiem nomen apud Mathematicos usurpatur; nempe vel pro corpore, ad cujus solam longitudinem & latitudinem attenditur, quodque

nulla cum profunditate spectatur, etsi non negetur ipsum aliquam habere; vel tantum pro corporis modo, quando scilicet omnis ei profunditas denegatur. Et ideo ad virandam ambiguitatem, dixi me loqui de ea superficie, quæ cum sit tantum modus, non potest esse pars corporis, corpus enim est substantia, & modus non potest esse pars substantiæ. Sed non negavi esse corporis extremum, quin è contra, maxime propriè vocari potest extremitas tam corporis contenti, quàm continentis, eo sensu quo dicuntur ea corpora esse contigua, quorum extremitates sunt simul. Nam sanè cum duo corpora se invicem tangunt, una & eadem est utriusque extremitas, quæ neutrius pars est, sed utriusque idem modus, qui etiam potest manere, quamvis ista corpora tollantur, modo tantum alia, quæ sint ejusdem accuratè magnitudinis & figuræ, in ipsorum loca succedant. Quin & locus ille, qui ab Aristotelicis dicitur esse superficies corporis ambientis, non potest intelligi esse alia superficies, quàm hæc, quæ non est substantia, sed modus. Neque enim mutatur locus turris, etsi aer ipsam ambiens muretur, vel aliud corpus in locum ipsius turris substituatur, neque proinde superficies, quæ huc pro loco sumitur, pars ulla est aeris ambientis, vel turris. Ad accidentium autem realitatem explodendam, non mihi videtur opus esse expectare alias rationes ab iis quæ jam à me tractatæ sunt: Nam primò cum omnis sensus tactu fiat, nihil præter superficiem corporum potest sentiri: Atqui si quæ sint accidentia realia, debent esse quid diversum ab ista superficie, quæ nihil aliud est quàm modus: Ergo si quæ sint, non possunt sentiri. Quis autem unquam existimavit illa esse nisi quia putavit sentiri. Ac deinde, omnino repugnat dari accidentia realia; quia quicquid est reale, potest separari ab omni alio subjecto existere; quicquid autem ita separari potest existere, est substantia, non accidens. Nec refert quod dicatur accidentia realia non naturaliter, sed tantum per divinam potentiam a subjectis suis sejungi posse: Nihil enim aliud est fieri naturaliter, quàm fieri per potentiam Dei ordinariam, quæ nullo modo differt ab ejus potentia extraordinaria: nec aliud quicquam ponitur rebus: adeò ut si omne id, quod naturaliter sine subjecto esse potest, sit substantia, quicquid etiam per quantumvis extraordinariam Dei potentiam potest esse sine subjecto, substantia est dicendum. Fateor quidem unam substantiam alteri substantiæ posse accidere; atqui cum hoc contingit, non ipsa substantia est quæ habet formam accidentis, sed solus modus quo accidet, ut cum vestis accidet homini, non ipsa vestis tantummodo *vestium esse* est accidens. Quia verò præcipua ratio quæ movit Philosophos ad ponenda accidentia realia, fuit, quòd putarint sine illis sensuum perceptiones explicari non posse, promisi me id minutatim de singulis sensibus in Phisicis expositurum, non quòd velimut nihil ulla in re credatur, sed quia ex iis quæ jam de visu in Dioptrica explicui, putavi rectè judicantes facillè facturos esse conjecturam de eo quòd in cæteris præstare possim,

8. Attendenti ad Dei immensitatem manifestum est nihil omnino esse posse quod ab ipso non pendeat, non modò nihil subsistens, sed etiam nullum ordinem, nullam legem, nullamve rationem veri & boni: alioqui enim, ut paulò antè dicebatur, non fuisset planè indifferens ad ea creanda quæ creavit. Nam si quæ ratio boni ejus præordinationem antecessisset, illa ipsum determinasset ad id quod optimum est faciendum: sed contra, quia se determinavit ad ea quæ jam sunt facienda, idcirco, ut habetur in Genesi, *sunt valde bona*, hoc est, ratio eorum bonitatis ex eo pender, quòd voluerit ipsa sic facere. Nec opus est quærere, in quonam genere causæ bonitas, aliæve tam Mathematicæ, quàm Metaphysicæ veritates à Deo dependeant: cum enim causarum genera fuerint ab eis enumerata, qui fortè ad hanc causandi rationem non attendebant, minimè mirum esset si nullum ei nomen imposuissent: sed ramen imposuerunt, potest enim vocari efficiens: eadem ratione qua Rex est legis effector, etsi lex ipsa non sit res Physicè existens, sed tantum, ut vocant, ens morale. Nec opus etiam est quærere, quâ ratione Deus potuisset ab æterno facere, ut non fuisset verum bis 4. esse 8. &c. fateor enim id à nobis intelligi non posse; atque, cum ex alia parte rectè intelligam nihil in ullo genere entis esse posse quod à Deo non pendeat, & facile illi fuisse quædam ita instituere, ut à nobis hominibus non intelligatur ipsa posse aliter se habere quàm se habent, esset à ratione alienum propter hoc quod nec intelligimus, nec advertimus à nobis debere intelligi, de eo quod rectè intelligimus dubitare. Nec proinde putandum est æternas veritates pendere ab humano intellectu, vel ab aliis rebus existentibus, sed à solo Deo, qui ipse ab æterno, ut summus legislator, instituit.

9. Ut rectè advertamus quænam sit sensus certitudo, tres quasi gradus in ipso sunt distinguendi. Ad primum pertinet tantum illud quo immediate afficitur organum corporeum ab objectis externis, quodque nihil aliud esse potest quàm motus particularum istius organi, & figuræ ac situs mutatio ex illo motu procedens. Secundus continet id omne quod immediate resultat in mente ex eo quòd organo corporeo sic affecto unita sit, talesque sunt perceptiones doloris, titillationis, sitis, famis, colorum, soni, saporis, odoris, caloris, frigoris, & similibus, quas oriri ex unione ac quasi permissione mentis cum corpore in sexta Meditatione dictum est. Tertius denique comprehendit omnia illa judicia, quæ occasione motuum organi corporei de rebus extra nos positis ab incommuni arate fieri consuevimus. Ut exempli causâ, cum baculum video, non putandum est aliquas species intentionales ab ipso ad oculos advolare, sed tantum radios luminis ex isto baculo reflexos, quosdam motus in nervo optico, & illo mediante, etiam in cerebro excitare, ut satis prolixè in Dioptrica explicui; atque in hoc cerebri motu, qui nobis cum brutis communis est, primus sentiendi gra-

dus consistit. Ex ipso vero sequitur secundus, qui ad solam coloris luminisve ex baculo reflexi perceptionem se extendit, oriturque ex eo quod mens cerebro tam intimè conjuncta sit, ut à motibus qui in ipso sunt afficiatur: atque mihi aliud ad sensum esse referendum, si accuratè illum ab intellectu distinguere vellemus. Nam quod ex isto coloris sensu quo afficior judicem baculum extra me positum esse coloratum: itemque quod ex istius coloris extensione, terminatione, ac situs relatione ad partes cerebri, de ejusdem baculi magnitudine, figura, & distantia ratiociner, etsi vulgo sensui tribuatur, ideoque hic ad tertium sentiendi gradum rerulerim, manifestum tamen est à solo intellectu pendere; Atque magnitudinem, distantiam, & figuram per solam ratiocinationem unas ex aliis percipi posse in Dioptrica demonstravi. Sed in hoc tantum differentia est, quod ea quæ nunc primum ob novam aliquam animadversionem judicamus, intellectui tribuamus; quæ verò à prima ætate eodem planè modo, atque nunc, de iis quæ sensus nostros afficiebant judicavimus, aut etiam ratiocinando conclusimus, referamus ad sensum, quia nempe de iis tam celeriter propter consuetudinem ratiocinamur, & judicamus, aut potius judiciorum, jam olim à nobis de rebus similibus factorum recordamur, ut has operationes à simplici sensus perceptione non distinguamus. Ex quibus patet cum dicimus intellectus certitudinem sensuum certitudine longe esse majorem, significari tantum ea judicia, quæ jam provecta ætate ob novas aliquas animadversiones facimus, certiora esse iis, quæ à prima infantia, & absque ulla consideratione formavimus, quod absque dubio est verum: Nam de primo & secundo sentiendi gradu manifestum est hic non agi, quia nulla in ipsis falsitas esse potest. Cum itaque dicitur *baculum apparere fractum in aqua ob refractionem*, idem est ac si diceretur, eo illum modo nobis apparere, ex quo infans judicaret ipsum fractum esse, & ex quo etiam nos secundum præjudicia quibus ab ineunte ætate assuevimus, idem judicamus. Quod autem hic additur, nempe *illum errorem non intellectu, sed tactu corrigi*, non potest à me concedi: quia etsi ex tactu baculum rectum esse judicemus, idque eo judicandi modo, cui ab infantia sumus assueti, quique ideo *sensui* vocatur, non tamen hoc sufficit ad errorem visus emendandum, sed insuper operæ est, ut aliquam rationem habeamus, quæ nos doceat credendum esse hac de re judicio ex tactu potius, quam judicio ex visu elicit: quæ ratio cum in nobis ab infantia non fuerit, non sensui, sed tantum intellectui est tribuenda: Atque ideo in hoc ipso exemplo solus est intellectus, qui sensus errorem emendat, nec ullum unquam affari potest, in quo error ex eo contingat quod mentis operationi magis quam sensui fidamus.

10. Quandoquidem ea quæ supersunt, tanquam dubia, potius quam tantam objectiones, proponuntur, non mihi tantum assumo ut ausim spondere

me

me illa, de quibus video plerosque doctissimos & ingeniosissimos viros adhuc dubitare, sufficienter esse expositorum. Sed tamen ut quicquid in me est præstem, & causæ non desum, dicam ingenuè quâ ratione contigerit, ut meipsum iisdem dubiis planè liberarim, sic enim si forte aliis eadem utili sint gaudebo: sin minus, saltem nullius temeritatis conscius mihi ero. Cum primum ex rationibus in his Meditationibus expositis mentem humanam realiter a corpore distinguui, & notioiem esse quàm corpus, & reliqua collegissem, cogebar quidem ad assensionem, quia nihil in ipsis non cohzrens, atque ex evidentibus principiis juxta Logicæ regulas conclusum advertebam: sed fateor me non idcirco fuisse planè persuasum, idemque ferè contigisse quod astronomis, qui postquam solem esse aliquoties terra majorem rationibus evicerunt, non possunt tamen à se impetrare dum in illum oculos convertunt, ut judicent non esse minorem. Postquam autem ulterius perrexi, & iisdem innixus fundamentis ad rerum Physicarum considerationem transivi, primo attendendo ad ideas, sive notiones, quas de unaquaque re apud me inveniebam; & unas ab aliis diligenter distinguendo, ut judicia omnia mea cum ipsis consentirent, adverti, nihil planè ad rationem corporis pertinere, nisi tantum quòd sit res longa, lata, & profunda, variarum figurarum variorumque mòtuum capax; ejusque figuras ac motus esse tantum modos, qui per nullam potentiam sine ipso possunt existere; colores verò, odores, sapores, & talia, esse tantum sensus quosdam in cogitatione mea existentes, nec minùs à corporibus differens, quàm dolor differt à figura & motu teli dolorem irruentis; ac denique gravitatem, duritiem, vires calefaciendi, attrahendi, purgandi, aliasque omnes qualitates, quas in corporibus experimur, in solo motu motusve privatione, partiumque configuratione, ac situ consistere. Quæ opiniones cum plurimum differrent ab his, quas prius de iisdem rebus habueram, cœpi deinde considerare, quas ob causas aliter antea credidissem, præcipuamque esse animadverti, quòd à primùm ab infantia varia de rebus Physicis, utpote quæ ad vitæ, quam ingrediebar, conservationem conferebant, judicia tulissem, easdemque postea opiniones, quas tunc de ipsis præconceperam, retinuissem: cumque mens, illâ ætate, minus rectè organis corporis uteretur, iisque firmius affixa nihil absque ipsis cogitaret, res tantum confusas advertebat, & quamvis propriæ suæ naturæ sibi conscia esset, nec minus apud se idem cogitationis, quàm extrinsecus haberet, quia tamen nihil intelligebat quin simul etiam aliquid imaginaretur, utrumque pro uno & eodem summebat, notionesque omnes, quas de rebus intellectualibus habebat, ad corpus referebat; & cum deinde in reliqua vita nunquam me illis præjudiciis liberasset, nihil omnino satis distinctè cognoscebam, nihilque quod non supponerem esse corporeum: etiam si earum rerum, quas corporeas esse supponebam, tales sæpe ideas sive conceptus effingerem, ut mentes potius quàm corpora, refer-

rent : nam cum, exempli causâ, concipiebam gravitatem instar qualitatis cujusdam realis, quæ crassis corporibus inesset, etsi vocarem illam qualitatem, quatenus scilicet ad corpora, quibus inerat, ipsam referebam, quia tamen addebam esse realem, revera putabam esse substantiam: eodem modo quo vestis in se spectata substantia est, etsi, cum ad hominem vestitum referretur sit qualitas: Atque etiam mens, etsi revera substantia sit, nihilominus tamen corporis, cui adjecta est, qualitas dici potest. Et quamvis gravitatem per totum corpus, quod grave est, sparsam esse imaginarer, non tamen ipsi eandem illam extensionem, quæ corporis naturam constituit, tribuebam, vera enim corporis extensio talis est, ut omnem partium penetrabilitatem excludat, tantumdem autem gravitatis, quantum est in ligno decem pedum, putabam esse in massâ auri, alteriusve metalli, unius pedis, quin & illam eandem omnem in punctum Mathematicum contrahi posse judicabam; qui etiam, dum corpori gravi manebat coextensa, totam suam vim in qualibet ejus parte exercere posse videbam, quia ex quacunque parte corpus illud suspenderetur, tota sua gravitate funem traheret, eodem planè modo ac si gravitas ista in sola parte funem tangente, non etiam per reliquas sparsa fuisset. Nec sanè jam mentem alia ratione corpori coextensam, totamque in toto, & totam in qualibet ejus parte esse intelligo. Sed ex eo præcipuè apparet illam gravitatis ideam fuisse ex parte ab illa, quam habeam mentis, desumptam, quod putarem gravitatem deferre corpora versus centrum terræ, tanquam si aliquam ejus cognitionem in se contineret: Neque enim hoc profectò sine cognitione fieri, neque ulla cognitio nisi in mente esse potest. Attamen alia etiam nonnulla gravitati tribuebam, quæ non eodem modo de mente possunt intelligi, ut quod esset divisibilis, mensurabilis, &c. Postquam autem hæc satis animadverti, & mentis ideam à corporis motusque corporei ideis accuratè distinxì, omnesque alias qualitarum realium, formarumve substantialium ideas, quas ante habueram, ex ipsis à me constatas effectusve fuisse deprehendi, perfacile me omnibus dubiis, quæ hic proposita sunt, exsolvi: Nam primò non dubitavi quin claram haberem ideam meæ mentis, utpote cujus mihi intimè conscius eram: nec quin idea illa ab aliarum rerum ideis esset planè diversa, nihilque corporeitatis haberet, quia cum cæterarum etiam rerum veras ideas quævissem, ipsasque omnes in genere cognoscere mihi viderer, nihil planè in iis, quod ab idea mentis non omnino differret, inveniēbam, & longè majorem distinctionem esse videbam inter ea, quæ quamvis de utroque attentè cogitarem, nihilominus distincta apparebant, qualia sunt mens & corpus, quam inter ea, quorum quidem unum possumus intelligere non cogitantes de alio; sed quorum tamen unum non videmus absque alio esse posse, cum de utroque cogitamus. Ut sanè immensitas Dei potest intelligi, quamvis ad ejus justitiam non attendatur: sed planè repugnare

ut ad

ut ad utramque attendentes, ipsum immensum, & tamen non justum esse puremus. Potestque etiam Dei existentia rectè cognosci, quamvis personæ sanctæ Trinitatis ignorantur, utpote quæ non nisi mente per fidem illustrata percipi possunt; atqui cum perceptæ sunt, nego inter ipsas distinctionem realem ratione essentia divinx posse intelligi, quamvis ratione relationum admittatur. Ac denique non timui ne me mea forsitan Analysis præoccupasset, ac decessissem, cum ex eo quodd viderem quædam esse corpora quæ non cogitant, vel potius clarè intelligerem quædam corpora sine cogitatione esse posse, malui arguere cogitationem ad naturam corporis non pertinere, quàm ex eo quodd viderem quædam alia corpora, utpote humana, quæ cogitant, concludere, cogitationem esse corporis modum: Nam revera nunquam vidi aut percepi humana corpora cogitare, sed tantùm eosdem esse homines, qui habent & cogitationem, & corpus: Hocque fieri per compositionem rei cogitantis cum corporea ex eo perspexi, quod rem cogitantem separatim examinando, nihil in illa deprehenderim quodd ad corpus pertineret, ut neque ullam cogitationem in natura corporea seorsim considerata: contra autem examinando modos omnes tant corporis, quàm mentis, nullum planè animadverti, cujus conceptus à rei, cujus erat modus, conceptu non penderet. Atque ex eo quodd duo quædam simul juncta sæpe videamus, non licet concludere ipsa esse unum & idem; sed ex eo quodd aliquando unum ex ipsis absque alio advertamus, optimè inferre esse diversâ. Neque ab hac illatione potentia Dei nos debet dererere; quia non minus conceptui repugnat ut ea, quæ tanquam duo diversâ clarè percipimus, fiant intrinsecè & absque compositione unum & idem, quàm ut ea, quæ nullo modo distincta sunt, separentur: atque ideo si Deus quibusdam corporibus vim rogitandi indiderit (ut revera illam humanis indidit,) hanc ipsam vim potest ab his separare; sicque nihilo minus est ab ipsis realiter distincta. Nec miror quodd olim, antequam mensuræ præjudiciis liberasset, rectè quidem percepseram 2. & 3. *facere 5. & cum ab aequalibus aequalia auferantur, quæ remanent esse aequalia*, & multa ejusmodi, cum tamen animam hominis ab ejus corpore distinctâ esse non putarem. Nam facilè adverto non contigisse, dum adhuc planè infans essem, ut de propositionibus istis, quas omnes æquè admittunt, quicquam falsi judicarem, quia tunc nondum mihi ului erant, nec pueri discant prius numerare 2. & 3. quàm capaces sint judicandi an sit 5. &c. contra autem à prima infantia mentem & corpus (ex quibus scilicet me compositum esse confusè advertebam) tanquam unum quidd concepi: atque id in omni ferè imperfecta cognitione contingit, ut multa simul istar unius apprehendantur, quæ postea per accuratius examen sunt distinguenda. Sed valde miror doctos homines, & Metaphysicis rebus à triginta annis assuetos, postquàm Meditationes meas septies legerunt, arbitrari, me si eadem eo relegerem animo, quæ ipsas ad examen analyticum revocarem, si

mibi ab inimico propofita eſſent, rationes in iis contentæ non crediturum tanti eſſe ponderis, tantarumve virium, ut iis debeant omnes aſſentiri; cum interim ipſi nullum planè vitium in iſtis meis rationibus oſtendant. Ac proſectò multò plus mihi tribuunt quàm debent, vel etiam quàm ulli homini ſit tribuendum, ſi putent me aliquà uti Analyſi, cujus ope vel veræ demonſtrationes evertantur, vel falſæ ita tegantur, & adornentur, ut à nemine alio everti poſſint: cum è contra eam tantum me quaſi viſſe profitear, qua verarum rationum certitudo, ac falſarum vitia cognoſcantur. Atque ideo non ita moveor, quod viri docti nondum meis concluſionibus aſſentiantur, quàm quod poſt attentam & ſæpius repetitam mearum rationum lectionem nihil in ipſis vel male aſſumptum, vel non rectè illatum eſſe oſtendant. Nam quod concluſiones ægre admittant, id facilè tribui poteſt inveteratæ conſuetudini aliter de ipſis judicandi; ut jam antè notatum eſt. Aſtronomos non facilè imaginari ſolem eſſe majorem terrâ, quamvis certiffimis rationibus id demonſtrent; Non autem video cauſam ullam eſſe poſſe, cur nec ipſi, nec ulli alii, quod ſciam, quicquam hætenus in rationibus meis reprehenderint, niſi quia ſunt omnino veræ ac certæ, cum præſertim ipſæ ex nullis obſcuris igitur principiis, ſed primum à ſumma rerum omnium dubitatione, ac dein de ex iis, quæ menti præjudiciis liberæ omnium evidentiffima & certiffima eſſe apparent, gradatim deductæ ſint; hinc enim ſequitur planè nullos in iis errores eſſe poſſe, quin facilè à quovis mediocri ingenio prædito advertantur. Atque hic idcirco mihi videor merito poſſe concludere, non tam ea quæ ſcripſi inſirmari auctoritate doctiſſimorum virorum, qui ipſis ſæpe perfectis nondum poſſunt aſſentiri, quàm è contra eorundem auctoritate confirmantur, ex eo quod nullos errores, ſive paralogiſmos, poſt tot accurata examina, in demonſtrationibus meis annotarint.

F I N I S.



RE-



RENATI DES CARTES

N O T Æ

In Programma quoddam, sub finem

Anni 1647. in Belgio editum, cum hoc

Titulo:

EXPLICATIO

Mentis humana, sive Anima rationalis, ubi explicatur quid sit, & quid esse possit.

LECTORI.



EX quo tempore lucem adspexit Philosophia Nob. Viti RENATI DES CARTES, à multis quidem, sed non uno excepta est modo: verum diversam ea experita est fortunam, prout in manus diversorum incidit ac genios. Sunt, qui serias in eam instituerunt Objectiones, quibus seriò ab Heroë illo est responsum, tum Latinè, tum Gallicè. Alii, cum aliud non possent, arrodere tamen eam & admordere voluerunt: quibus, ut ipse in Præfatione Medit. Metaph. vatem egit Philosophus, rationum seriem & nexum comprehendere non curantibus, in singulas tantum clausulas argutari fuit studium; qui idcirco, quamvis cavillandi occasionem in multis invenerint, nihil tamen quod urgeat, aut responsione dignum sit, objecerunt. Hujus est farina, Tenebrio quidam ac Lucifuga, qui nunc Theophilum, nunc Mercurium Cosmopolitam se vocat, in gemino libello, ante aliquot annos edito; & nu-

T 2

perus

perus Theologus in sua Methodi Cartesianæ Theologica Consideratione, in qua criminationes suas ac calumnias, DEO OPT. MAX. DEO Forti, Zelotæ, Causæ suæ Vindici, Nominis Assertori, Veritatis Protectori, sacras facere, cum multorum stupore, non erubuit. Quasi, criminationibus & calumniis certare, idem sit, ac Causam, Nomen, Veritatem Dei vindicare, asserere, protegere! Annon hoc est illud, quod Propheta ait Malachias, c. 1. 8. DEO offerre animalia caeca, clauda, ægrota, quæ Ducibus suis ac Curatoribus offerre, sacerdotem istum puduisset? Et, si attentius Considerator attentius considerasset hac Methodi verba (pag. 3. Ne quis igitur putet, me hic traditurum aliquam Methodum, quam unusquisque sequi debeat ad rectè regendam rationem: illam enim tantum, quam ipse secutus sum, exponere decrevi. Et pag. 13. Quamvis, quia opus meum mihi satis placet, ejus exemplar hic vobis proponam, non ideo cuiquam Auctor esse velim, ut simile quid aggrediatur:) facile ab illa sua Consideratione abstinuisset, ex qua nominis maculam potius quàm laudem apud aquos rerum aestimatores reportavit: ut non dicam, πολυπραγμοσύνης notam eum incurrisse, dum falcem Theologicam immisit in messem Philosophicam; quod verè est, μεταλαμβάνειν ἄλλο γένος. Alii in Philosophiam Cartesianam insurrexerunt thesibus ad disputandum proponi solitis; Lutetia, Ultrajecti, Groningæ, Franekeræ, Lugduni: & vel aperto Marte ejus Auctorem sunt aggressi, vel sub tecto & generali Neotericorum Philosophorum titulo latenter in ipsum irruerunt, vel in totum nomen ejus dissimularunt. Postremi generis utriusque specimen nuperrimè contigit, in Antiquissima & Novissima Belgica Foederatæ Academia. In Lugdunensi quidem, Philosophus primarius, Vir, ut D. Cartesius judicat, non malus, ac simplex potius quàm prudens, affectu, nescio quo, abreptus, Neotericis quibusdam Philosophis, tam fatuas, tam ineptas, tam insulas affinxit opiniones; ut seipsum fecerit ludibrium multo jocumque ac risum, multis commiserationem: & quamvù in disputandi ætæ quadriflabum hoc nomen, CARTESIUS, non pronunciaverit; ac publicè postulatus, ut nomen alicujus Neoterici Philosophi, tam stultas opiniones tenentis, proferret, turpiter hic defecerit, ita tamen se gessit, & in omnem circumegit partem, ut non alium designari quàm D. Cartesium facile Auditorum cuius consti-

constiterit: & quid multū est opus? *Theses ipsa hoc abunde loquuntur.*
In Ultrajectinā Academiā, Medicus non indoctus, disputationem quan-
dam conscripsit, de Cachexia Leucophlegmatica, cui Corollaria non-
nulla subjunxit, ad convellendū Medit. Metaph. Cartes. insitata: qua,
cū disputatio esset sufflaminata, patienti folio, per varias Hollandiæ
Urbes sunt missa, in signum vel triumphī, vel provocationis, ac cer-
taminis in eas instituendī. Licet verò Generosissimus D. des Cartes,
istos Thesium & Considerationum assultus atque allatrationes ma-
gno animo contemserit, nihilque unquam reponere voluerit, tantum ta-
men à se impetravit, ut isti Corollariorum Programmati Responsum
aliquod reposuerit; quod Amico, cui misit & potestatem ejus fecit, non
indignum fuit visum luce publicā: quo fortassis ad meliorem mentem
reducatur Programmatīs Auctor; & quā nonnullis fortē videatur
in ea contineri aliquid vindice dignum: neque enim unquam existi-
mationi aut partibus suis defuit, vel deest D. Cartesius in respon-
dendo, si quid adversus Philosophiam suam responsione dignum fue-
rit productum. At verò calumnias ac fuitiles nugas, & quæ nullam
ex suis sententiis aut responsionibus ferunt, sed quæ aut in objectio-
nes tantum, vel à se excogitatas, vel ab aliis ad inventionem veri-
tatis prolatas incurrunt, aut hinc inde particulam ex suis scriptis
vellicant, insuper habet. Scilicet, Aquila non captat muscas. Sed
præfationum satis; atque ipsum Programmatīs examen & Notas le-
gere atque expendere opera fuerit pretium.

RENATO DES CARTES,

Philosophiæ Restauratori, Seculi ornamento.

Nillus additus jurare in verba Magistri,
 Dum verum ex veri fonte, Renate, bibis,
 Et Menti reddis sua jura, & Sensibus auferis,
 Quam nimiam tribuit credula turba, fidem:
 Nescio quo dubitans pacto, dubia omnia tollis,
 Atque ex non certis omnia certa legis.
 Certe Atheus propriis cadit armis: & male Sextus
 Assensum cobibens, vincitur arte sua.
 Nilque ob stare potest jam, Mente Deoque reperto.
 Materia ingenio subditur, ecce, tuo,
 Qua Motu in varias diffusa & mille figuras,
 Orbis tam vasti nobile surgit opus.
 Hinc Cæli, Terraque, Marisque, atque Aëris Almi
 Eusa per hoc magnum semina inane fluunt.
 Qua natura Ignis: rutilum splendescere Solem
 Quid faciat: Mixtus additus unde Color:
 Unde tremor Terris, quâ vi Maria alba tumescant,
 Cur sexangula Nix, Gutta rotunda cadat:
 Cur Magnetam ineat Ferrum, vix scire? Renati
 Hic unus labor est, quem via nulla latet:
 Cujus & Ingenio assurgunt Priscique Novique,
 Nec vidisse ejunt secula cuncta parem.
 Irviduus huic quisquis renuit submittere fasces,
 Naturam violans, Matris adulter erit.
 Et fragili dentem quarens illidere, soldo
 Offendet. Melius, non tetigisse, fuit.
 Cui sic extremis respondent prima, quis illum
 Hac sine crediderit pandere sacra Deo?

RENATI DES CARTES NOTÆ IN PROGRAMMA

quoddam, sub finem Anni 1647. in Belgio

editum, cum hoc Titulo:

*Explicatio Mentis humana, five Anima rationalis, ubi explicatur
quid sit, & quid esse possit.*

ACcepi à paucis diebus duos libellos, in quorum uno apertè & directè impugnor, in altero rectè & oblique duntaxat, Et quidem priorem nihil moror: imò habeo gratias ejus auctori, quòd, cùm nihil nisi futiles cavillationes, & nulli credibiles calumnias, improbo labore collegerit, hoc ipso testatus sit, se nihil invenire potuisse in meis scriptis, quod merito reprehenderet, sicque ipsorum veritatem, melius, quàm si ea laudasset, confirmavit, idque cùm dispendio suæ famæ. Alius autem libellus magis me movet: quamvis enim nihil in eo apertè de me habeatur, prodeatque sine nomine Auctoris & Typographi, quia tamen continet opiniones quas judico perniciosas & falsas, editusque est formâ Programmatæ, quod vel templorum valvis affigi, & quibuslibet legendum obtrudi possit: dicitur autem jam antea typis mandatus fuisse sub alia forma cum adjuncto nomine cujusdam, tanquam Auctoris, quem multi putant non alias quàm meas opiniones docere, cogor detegere ejus errores, ne mihi fortè imputentur ab illis, qui casu incident in obvias istas chartas, & mea scripta non legerunt.

*Sequitur Programma quale ultimâ vice prodit
in lucem.*

E X P L I C A T I O

Mentis Humana, five Anima rationalis, ubi explicatur quid sit, & quid esse possit.

I.

Mens humana est, quâ actiones cogitativæ ab homine primò peraguntur; eaque in sola cogitandi facultate, ac interno principio, consistit.

II. Quantum ad naturam rerum attinet, ea videri pati, ut mens possit esse vel substantia, vel quidam substantiæ corporeæ modus; vel, si nonnullos alios philosophantes sequamur, qui statuunt extensionem & cogitationem esse attributa, quæ certis substantiis, tanquam subjectis insunt, cùm ea attributa non sint opposita, sed diversa, nihil obstat, quo minus mens possit esse attributum quoddam, eidem subjecto cum extensione conveniens, quamvis unum in alterius conceptu non comprehendatur. Quicquid enim possumus concipere, id potest esse: Atqui, ut mens aliquid horum sit, concipi potest; nam nullum horum implicat contradictionem: Ergo ea aliquid horum esse potest.

III. Errant

III. Errant itaque, qui asserunt, nos humanam mentem clare & distinctè, tanquam necessariò à corpore realiter distinctam, concipere.

*Sive
alibi.*

IV. Quod autem mens revera nihil aliud sit quàm substantia, sive ens realiter à corpore distinctum, & actu ab ea separabile, & quod seorsim per se subsistere potest, id in sacris literis, plurimis in locis, nobis est revelatum. Atque ita, quod per naturam dubium quibusdam esse potest, per divinam in sacris revelationem nobis jam est indubitatum.

*Si accu-
ratam
& non
moralem*

V. Nec obstat, quod de corpore dubitare, de mente vero dubitare nequaquam possumus. Hoc enim illud tantum probat, quòd, quamdiu de corpore dubitamus, illam ejus modum, dicere non possumus.

*verum
verita-
tem &
cognitio-
nem*

VI. Mens humana, quamvis sit substantia à corpore realiter distincta, in omnibus tamen actionibus, quandiu est in corpore, est organica. Atque ideo, pro varia corporis dispositione, cogitationes mentis sunt variae.

*non
quara-
nim.*

VII. Cùm hæc sit naturæ, à corpore, & corporis dispositione, diversæ, nec ab hac oriri queat: ea est incorruptibilis.

VIII. Cùmque ea nullas partes, nec ullam extensionem in conceptu suo habeat; frustra queritur, an sit tota in toto, & in singulis partibus tota.

*Non mo-
raliter,
sed ex-
quisitam*

IX. Cùm mens æquè ab imaginariis, atque à veris affici queat, hinc per naturam dubium est, an ulla corpora à nobis revera percipiantur. Verum, etiam hoc dubium tollit divina in Sacris revelatio, quâ indubitatum est, Deum cælum & terram & omnia, quæ iis continentur, creasse, & etiamnum conservare.

*& accu-
ratam
verum
verita-
tem qua-
renti.*

X. Vinculum, quo anima cum corpore conjuncta manet, est lex immutabilitatis naturæ, quâ unumquodque manet in eo statu, in quo est, donec inde ab alio deturbetur.

XI. Cum sit substantia, & in generatione nova producat; rectissime sentire videntur ii, qui animam rationalem, per immediatam creationem, à Deo in generatione produci volunt.

XII. Mens non indiget ideis, vel notionibus, vel axiomatis innatis: sed sola ejus facultas cogitandi ipsi ad actiones suas peragendas sufficit.

XIII. Atque ideo omnes communes notionēs, menti insculptæ, ex rerum observatione vel traductione originem ducunt.

XIV. Imò ipsa Idea Dei, menti insita, est, vel ex divina revelatione, vel traditione, vel rerum observatione.

XV. Conceptus noster de Deo, sive idea Dei, in mente nostra existens, non est satis validum argumentum ad existentiam Dei probandam. Cùm non omnia existant, quorum conceptus in nobis observantur; atque hæc idea, utpote à nobis concepta, idque imperfecte, non magis quàm cujusvis alius rei conceptus, vires nostras cogitandi proprias superet.

XVI. Cogitatio mentis est duplex: intellectus & voluntas.

XVII. Intellectus est perceptio & judicium.

XVIII.

XVIII. Perceptio est sensus, reminiscencia & imaginatio.

XIX. Omnis sensus est perceptio alicujus motus corporei; quæ nullas species intentionales desiderat: isque fit, non in externis sensoriis; sed solo cerebro.

XX. Voluntas est libera, & ad opposita, in naturalibus, indifferens: ut ipsa nobis testatur conscientia.

XX. Hæc ipsam determinat; nec cæca est dicenda, ut visus non dicendus surdus.

*Nulli facilius ad magnam pietatis famam perveniunt, quam
superstitiosi & Hypocritæ.*

Sequitur examen Programmatæ.

Ad titulum notæ.

Adverto *intitulo*, non audas assertiones de anima rationali, sed ejus explanationem promitti; adeo ut credere debeamus, omnes rationes, vel saltem præcipuas, quas auctor habuit ad ea, quæ proposuit, non tantum probanda, sed etiam explicanda, in hoc programme contineri: Nullasque alias ab ipso esse expectandas. Quod autem *animam rationalem* nomine *mentis humanæ* appellet, laudo: sic enim vitat æquivocationem, quæ est in voce animæ, arque me hac in re imitatur.

Ad singulos articulos notæ.

In articulo primo, videtur velle istam animam rationalem *definire*, sed imperfectè: genus enim omittit, quod nempe sit substantia, vel modus, vel quid aliud; solamque exponit differentiam, quàm à me mutuatus est: nemo enim ante me, quod sciam, illam in sola cogitatione, sive cogitandi facultate, ac interno principio (supple ad cogitandum) consistere asseruit.

In articulo secundo, incipit inquirere in ejus genus, dicitque, *videri rerum naturam pati, ut mens humana possit esse vel substantia, vel quidam substantia corporeæmodi.*

Quæ assertio contradictionem involvit, non minorem, quàm si dixisset, rerum naturam pati, ut mons possit esse vel sine valle vel cum valle. Quippe distinguendum est inter illa, quæ ex natura sua possunt mutari, ut quod jam scribam vel non scribam, quod aliquis sit prudens, alius imprudens; & illa, quæ nunquam mutantur, qualia sunt omnia quæ ad alicujus rei essentiam pertinent, ut apud Philosophos est in confesso. Et quidem non dubium est, quin de contingentibus dici possit rerum naturam pati, ut illa vel uno, vel alio modo se habeant, exempli causa, ut jam scribam, vel non scribam; Sed cum agitur de alicujus rei essentia, planè ineptum est & contradictorium, dicere, rerum naturam pati ut se habeat aliquo alio modo quàm revera se habet; arque non magis pertinet ad naturam montis ut non sit sine valle, quàm ad naturam mentis humanæ ut sit id quod est,

U

nempe

nempe ut sit substantia, si est substantia, vel certe ut sit rei corporeæ modus, si quidem est talis modus; quod hic *nos* conatur persuadere, atque ad istud probandum subjungit hæc verba, *vel si nonnullos alios philosophantes sequamur, &c.* ubi per alios philosophantes me aperte designat; primus enim sum, qui cogitationem tanquam præcipuum attributum substantiæ incorporeæ, & extensionem tanquam præcipuum corporeæ, consideravi. Sed non dixi, attributa illa iis inesse tanquam subjectis æst diversis: cavendumque est, ne per *attributum* nihil hic aliud intelligamus quam modum: nam quicquid alicui rei à natura tributum esse cognoscimus, sive sit modus qui possit mutari, sive ipsamet istius rei planè immutabilis essentia, id vocamus ejus *attributum*. Sic multa in Deo sunt attributa, non autem modi. Sic unum ex attributis cujuslibet substantiæ est, quod per se subsistat. Sic extensio alicujus corporis, modos quidem in se varios potest admittere, nam alius est ejus modus si corpus istud sit sphericum, alius si sit quadratum: verum ipsa extensio, quæ est modorum illorum subjectum, in se spectata, non est substantiæ corporeæ modus, sed attributum, quod ejus essentiam naturamque constituit. Sic denique cogitationis modi varii sunt; nam affirmare alius est cogitandi modus quam negare, & sic de cæteris; verum ipsa cogitatio, ut est internum principium, ex quo modi isti exsurgunt, & cui insunt, non concipitur ut modus, sed ut attributum, quod constituit naturam alicujus substantiæ, quæ an sit corporea an vero incorporea, hic quaeritur.

Addit, *ista attributa non esse opposita, sed diversa*: quibus in verbis rursus contradictio est: cum enim agitur de attributis aliquarum substantiarum essentiam constituentibus, nulla major inter illa oppositio esse potest, quam, quod sint diversa; Et, cum fateatur, hoc esse diversum ab illo, idem est ac si diceret, hoc non esse illud; esse autem & non esse contraria sunt. Cùm, inquit, *non sint opposita, sed diversa, nihil obstat quominus mens possit esse attributum quoddam eidem subjecto cum extensione conveniens, quamvis nunc in alterius conceptu non comprehendatur.* Quibus in verbis manifestus est paralogismus: concludit enim de quibuscumque attributis, id, quod non nisi de modis propriè dictis verum esse potest, & tamen nullibi probat, mentem sive cogitationis internum principium esse talem modum; sed è contra, non esse, ex ipsismet ejus verbis in articulo 5. positis, mox ostendam. De aliis autem attributis, quæ rerum naturas constituunt, dici non potest, ea, quæ sunt diversa, & quorum neutrum in alterius conceptu continetur, uni & eidem subjecto convenire; idem enim est, ac si diceretur, unum & idem subjectum duas habere diversas naturas: quod implicat contradictionem, saltem cum de simplici & non composito subjecto quaestio est, quemadmodum hoc in loco.

Sed tria hæc advertenda sunt, quæ si bene intellecta essent ab hoc scriptore, nunquam in tam manifestos errores incidisset.

Primum est; ad rationem modi pertinere, ut quamvis substantiam sine illo facile

facile intelligamus, non possumus tamen vice versa modum clare intelligere, nisi simul concipiamus substantiam cujus est modus, ut in 1. *parte principiorum art. 61.* explicui, atque in hoc omnes Philosophi consentiunt. *Nostrum* autem non attendisse ad hanc regulam, ex ejus *articulo quinto* sit manifestum: ibi enim fatetur, nos posse de corporis existentia dubitare, cum interim de mentis existentia non dubitamus: unde sequitur, mentem posse à nobis sine corpore intelligi, ac proinde non esse ejus modum.

Alterum, quod hic notari velim, est differentia inter entia simplicia & composita; quippe compositum illud est, in quo reperiuntur duo vel plura attributa, quorum utrumque sine alio potest distincte intelligi: ex hoc equi, quod unum sine alio sic intelligatur, cognoscitur non esse ejus modus, sed res vel attributum rei, quæ potest absque illo subsistere: ens autem simplex illud est, in quo talia attributa non inveniuntur. Unde patet, illud subiectum, in quo solam extensionem cum variis extensionis modis intelligimus, esse ens simplex: ut etiam subiectum, in quo solam cogitationem cum variis cogitationum modis agnoscimus; illud autem, in quo extensionem & cogitationem simul consideramus, esse compositum, hominem scilicet, constantem anima & corpore, quem videtur *auctor noster* pro solo corpore, cujus mens sit modus hic sumpsisse.

Denique hic notandum, in subiectis ex pluribus substantiis compositis, sæpe unam esse præcipuam, quæ à nobis ita consideratur, ut quod ei ex reliquis adjungimus, nihil aliud sit quam modus: sic homo vestitus considerari potest, ut quid compositum ex homine & vestibus, sed vestitum esse, respectu hominis est tantum modus, quamvis vestimenta sint substantiæ. Eodemque modo, potuit *auctor noster* in homine, qui ex anima & corpore est compositus, considerare, corpus tanquam præcipuum quid, ratione cujus, animatum esse vel cogitationem habere, nihil aliud est quam modus: sed ineptum est, inde inferre, ipsam animam, sive id per quod corpus cogitat, non esse substantiam à corpore diversam.

Conatur autem, quæ dixit, confirmare hoc Syllogismo: *Quicquid possumus concipere, id potest esse: atqui ut mens aliquid horum sit* (nempe substantia, vel modus corporeæ substantiæ) *concipi potest: nam nullum horum implicat contradictionem: Ergo &c.* Ubi notandum est, hanc regulam, *quicquid possumus concipere, id potest esse*, quamvis mea sit, & vera, quoties agitur de claro & distincto conceptu, in quo rei possibilitas continetur, quia Deus potest omnia efficere, quæ nos possibilia esse clare percipimus; non esse tamen temere usurpandam; quia facile fit, ut quis putet se aliquam rem rectè intelligere, quam tamen præjudicio aliquo exæcatus non intelligit. Atque hoc contigit *huic auctori*, cum negat implicare contradictionem, ut una & eadem res habeat alterutram è duabus naturis planè diversis, nempe, ut sit substantia, vel

modus. Si tantum dixisset, nullas se percipere rationes, propter quas mens humana credi debeat substantia incorporea potius quam substantiæ corporeæ modus, posset ejus ignorantia excusari; si verò dixisset, nullas ab humano ingenio posse inveniri rationes, quibus unum potius quam aliud probetur, arrogantia quidem esset culpanda, sed non appareret contradictio in ejus verbis; cum autem dicit, rerum naturam pati, ut idem sit substantia, vel modus, omnino pugnantia loquitur, & absurditatem ingenii sui ostendit.

In articulo tertio, suum de me judicium profert. *Ego enim sum*, qui scripti mentem humanam clarè & distinctè posse percipi ut substantiam à substantia corporea diversam: *nos*ter autem, quatinus non aliis nitatur rationibus quam istis contradictionem involventibus, quas in articulo præcedenti explicuit, me errare pronunciat. Sed hoc non moror. Nec examino, verba, *necessario, sive ætèr*, quæ nonnihil ambiguitatis continent; non enim sunt magni momenti.

Nolo etiam examinare, quæ in articulo quarto de sacris literis habentur, ne videar mihi jus arrogare de alterius religione inquirendi. Sed dicam tantum, tria genera quaestionum esse hic distinguenda; quædam enim solâ fide creduntur, quales sunt de mysterio incarnationis, de Trinitate, & similibus; aliæ verò, quævis ad fidem pertineant, ratione tamen naturali quæri etiam possunt, inter quas Dei existentia & humanæ animæ à corpore distinctio solent ab Orthodoxis Theologis recenseri; ac denique aliæ sunt, quæ nullo modo ad fidem, sed ad solum ratiocinium humanum spectant, ut de quadratura circuli, de auro arte Chymicâ faciendo, & similibus. Atque ut illi Sacræ Scripturæ verbis abutuntur, qui ex iis malè explicatis has ultimas elicere se putant: ita etiam ejus auctoritati derogant, qui priores argumentis à sola Philosophia petitis demonstrandas suscipiunt: sed tamen omnes Theologi contendunt, esse ostendendum, ipsas luminis naturalis non adversari, atque, in hoc præcipuum suum studium ponunt; medias autem non modò luminis naturalis non adversari arbitrantur, sed etiam hortantur Philosophos, ut ipsas rationibus humanis pro viribus demonstrant. Neminem autem unquam vidi, qui affirmaret, rerum naturam pati, ut res aliqua aliter se habeat quam docet Sacra Scriptura, nisi veller indirectè ostendere, se Scripturæ illi fidem non habere. Cum enim prius nati sumus homines quam facti Christiani, non credibile est, aliquem amplecti seriò eas opiniones, quas rectè rationi, quæ hominem constituit, contrarias putat, ut fidei, per quam est Christianus, adhæreat. Sed fortè etiam auctor noster hoc non dicit: verba enim ejus sunt, *per naturam dubium quibusdam esse posse, quod per divinam in sacris revelationem nobis jam est indubitatum*: in quibus duplicem contradictionem invenio: primam in eo, quòd unius & ejusdem rei essentiam, quam repugnat non eandem semper manere (quia si supponatur alia fieri, hoc ipso erit alia res, & alio nomine indigitanda,) supponat, esse, per naturam, dubiam, ac proinde mutabilem:

tabilem: aliam in verbo *quibudam*; quia, cum omnium eadem sit natura, quod non nisi quibusdam dubium esse potest, non est per naturam dubium.

Articulus quintus referendus est ad secundum potius quam ad quartum; neque enim in eo agit *auctor* de revelatione divina, sed de natura mentis, an sit substantia vel modus: atque ut prober, defendi posse, illam nihil aliud esse quam modum, conatur solvere objectionem ex meis scriptis desumptam. Quippe scripsi, nos non posse dubitare, quin mens nostra existat, quia, ex hoc ipso, quod dubitemus, sequitur, illam existere; sed interim nos posse dubitare, an ulla corpora existant; unde collegi & demonstravi, illam à nobis clare percipi, utrem existentem, sive, ut substantiam, quamvis nullum planè corpus concipiamus, ac etiam negemus, ulla corpora existere, ac proinde, mentis conceptum non involvere in se ullum conceptum corporis; quod argumentum putasse diffilare, cum ait, *illud tantum probare, quod quamdiu de corpore dubitamus, mentem ejus modum dicere non possumus*. Ubi ostendit, se planè ignorare, quid sit quod à Philosophis vocatur *modus*: in eo enim consistit natura modi, quod nullo pacto possit intelligi, quin conceptum rei cujus est modus, in conceptu suo involvat, ut jam supra explicui; *Noster* autem fatetur mentem posse aliquando intelligi sine corpore, quando scilicet de corpore dubitatur, unde sequitur, illam tunc saltem dici non posse ejus modum; atque, quod aliquando verum est de aliquo rei essentia vel natura, semper est verum; sed nihilominus affirmant, *verum naturam pati, ut mens sit tantum corporis modus*: quæ duo manifestè contradictoria sunt.

In articulo sexto, quid sibi velit, non capio: memini quidem audivisse in scholis, *animam esse actum corporis organici*; sed ipsam dici *organicam*, nunquam ante hanc diem audivi. Atque ideo ab *auctore nostro* veniam peto, ut, quia nihil hic certi habeo quod scribam, meas conjecturas, non tanquam rem veram, sed tanquam conjecturas duntaxat, exponam. Duo inter se pugnantia mihi videor advertere; quorum unum est, quod mens humana sit substantia realiter à corpore distincta; hocque apertè quidem dicit *Auctor*, sed rationibus, quantum potest, dissuadet, soliusque Sacre Scripturæ auctoritate probari posse contendit; aliud est, eandem illam mentem humanam in omnibus suis actionibus esse *organicam* sive instrumentalem, quæ scilicet per se nihil agat, sed quæ corpus utatur, tanquam membrorum suorum confirmatione, aliisque corporis modis; atque ita, non quidem expressis verbis, sed re ipsâ affirmat, *mentem nihil aliud esse quam corporis modum*, ut etiam ad hoc unum probandum omnium rationum suarum aciem instruit. Quæ duo tam manifestè contraria sunt, ut non putem, *Auctorem* velle utrumque simul à lectoribus credi, sed ea de industria sic inter se miscuisse, ut simplicioribus quidem suisque Theologis

Scripturæ auctoritate alij quo modo satisfaciât, sed interim nasutiores agnoscant, illum, cum ait, *mentem esse à corpore distinctam*, ironiâ uti, atque omnino in ea esse opinione, quod nihil sit quàm modus.

In septimo etiam & octavo articulo videtur tantum ironiâ uti. Atque retinet idem Soetaticum schema in posteriore parte articuli noni. Sed in priori rationem assertioni suæ adjungit, ideoque, illum ibi serio agere, credendum esse videtur. Nempe, docet per naturam dubium esse, an ulla corpora à nobis revera percipiuntur, rationemque affert, quia mens æquè ab imaginariis atque à veris affici potest. Quæ ratio ut vera sit, supponendum est, nos nullo intellectu propriè dicto posse uti, sed ea tantum facultate, quæ sensus communis vocari solet: in qua scilicet rerum tam verarum quàm imaginatarum species recipiuntur ut mentem afficiant, & quam ipsis brutis Philosophi vulgo concedunt. Sed sanè, qui habent intellectum, nec facti sunt tanquam equus & mulus, etiam si non à solis rerum verarum imaginibus afficiantur, sed etiam ab iis, quæ in eorum cerebro aliis ex causis occurrunt, ut contingit in somnis, unas tamen ab aliis rationis lumine clarissimè dignoscunt. Et, quâ viâ id rectè ac tutè fiat, tam accuratè in meis scriptis explicui, ut neminem, qui ea perlegit, & intelligendi est capax, Scepticum esse posse, confidam.

In decimo & undecimo articulo, licet etiam ironiam suspicari: Atque si anima credatur esse substantia, ridiculum est & ineptum, dicere; *vinculum, quo ipsa manet cum corpore conjuncta, esse legem immutabilitatis naturæ, quæ nunquam quodque manet in eo statu, in quo est*: æque enim, quæ disjuncta sunt, ac conjuncta, manent in eodem statu, quamdiu nihil eorum statum mutat, quod hic non quaeritur; sed, quomodo fiat, ut mens sit corpori conjuncta, non autem ab eo disjuncta? Si autem anima supponatur esse modus corporis, rectè dicitur, non aliud quaerendum esse vinculum, quo ei jungatur, quàm quod maneat in eo statu in quo est, quia nullus alius est modorum status; quàm quod in infinitis rebus quorum sunt modi.

In articulo 11. non videtur nisi solis verbis à me dissentire: Cum enim ait, mentem non indigere ideis, vel notionibus, vel axiomatis innatis, & interim ei facultatem cogitandi concedit (putà naturalem sive innatam) re affirmat planè idem, quod ego, sed verbo negat. Non enim unquam scripsi vel judicavi, mentem indigere ideis innatis, quæ sint aliquid diversum ab ejus facultate cogitandi; Sed cum adverterem, quasdam in me esse cogitationes, non non objectis externis, nec à voluntatis meæ determinatione procedebant, sed à sola cogitandi facultate, quæ in me est, ut ideas sive notiones, quæ sunt istarum cogitationum formæ, ab alijs adventitijs aut factis distiugerem, illas innatas vocavi: eodem sensu, quo dicimus, generositatem esse quibusdam familijs innatam, alijs verò quosdam morbos, ut podagram, vel calculum, non quod ideo istarum familia-

familia-

miliarum infantes morbis istis in utero matris laborent, sed quòd nascantur cum quadam dispositione sive facultate ad illos contrahendos.

Egregiam verò consequentiam in articulo 13. ex præcedenti deducit, *Ideo*, inquit (quod mens, scilicet, non indigeat ideis innatis, sed sola facultas cogitandi ei sufficiat) *omnes communes notiones menti insculptæ, ex rerum observatione, vel traditione, originem ducunt*; tanquam, si facultas cogitandi nihil possit per se præstare, nihilque unquam percipiat vel cogiter, nisi quod accipit à rerum observatione vel traditione, hoc est, à sensibus. Quod adèd falsum est, ut è contra, quisquis rectè advertit, quousque sensus nostri se extendant, & quidnam sit præcisè, quod ab illis ad nostram cogitandi facultatem potest pervenire, debeat fateri, nullarum rerum ideas, quales eas cogitatione formamus, nobis ab illis exhiberi: adèd ut nihil sit in nostris ideis, quod menti sive cogitandi facultati, non fuerit innatum, solis iis circumstantiis exceptis, quæ ad experientiam spectant, quòd nempe judicemus, has vel illas ideas, quas nunc habemus cogitationi nostræ præsentis, ad res quasdam extra nos positas referri, non, quia istæ res illas ipsas nostræ menti per organa sensuum immiserunt; sed, quia tamen aliquid immiserunt, quod ei dedit occasionem ad ipsas, per innatam sibi facultatem, hoc tempore potius quàm alio, efformandas. Quippe nihil ab objectis externis ad mentem nostram per organa sensuum accedit, præter motus quosdam corporeos, ut ipsemet *auctor noster* in artic. 19. ex iis principiis affirmat; sed ne quidem ipsi motus, nec figuræ ex iis ortæ, à nobis concipiuntur, quales in organis sensuum sunt, ut fusè in *Dioptrica* explicui; unde sequitur, ipsas motuum & figurarum ideas nobis esse innatas: Ac tantò magis innatæ esse debent ideæ doloris, colorum, sonorum, & similibus, ut mens nostra possit occasione quorundam motuum corporeorum, sibi eas exhibere; nullam enim similitudinem cum moribus corporeis habent. Quid autem magis absurdum fingi potest, quàm, quòd omnes communes notiones, quæ menti nostræ insunt, ab istis motibus oriantur, & sine illis esse non possint? Vellem, *noster* me doceret, quisnam ille sit corporeus motus, qui potest in mente nostra formare aliquam communem notionem, exempli causâ, quòd *qua eadem sunt uni tertio, sint eadem inter se*, vel quamvis aliam: omnes enim isti motus sunt particulares, notiones verò illæ, universales, & nullam cum moribus affinitatem, nullamve ad ipsos relationem habentes.

Pergit tamen in articulo 14. affirmare, ipsam ideam Dei, quæ in nobis est, non à nostra cogitandi facultate, cui sit innata, sed *ex divina revelatione, vel traditione, vel rerum observatione, esse*: cujus assertionis errorem faciliùs agnoscemus, si consideremus, aliquid dici posse ex alio esse, vel quia hoc aliud est causa ejus proxima & primaria, sine qua esse non potest; vel quia est remota & accidentaria duntaxat, quæ nempe dat occasionem primariæ, producendi suum

suum effectum uno tempore potius quàm alio. Sic artifices omnes sunt operum suorum causæ primariæ & proximæ; qui verò jubent, vel mercedem promittunt, ut illa faciant, sunt causæ accidentariæ & remotæ, quia fortassis nisi iussi non facerent. Non autem dubium est, quin traditio vel rerum observatio sæpe sit causa remota, nos invitans, ut ad ideam, quam habere possumus de Deo, attendamus, illamque cogitationi nostræ præsentem exhibeamus. Quòd autem sit causa proxima istius ideæ effectrix, à nemine dici potest, nisi ab eo, qui putat nihil à nobis de Deo unquam intelligi, nisi quale sit hoc nomen, *Deum*, vel qualis sit figura corporea quæ nobis ad repræsentandum Deum à pictoribus exhibetur. Quippe observatio, si fiat per visum, nihil propria suâ vi menti exhibet præter picturas, & quidem picturas ex solo motuum quorundam corporeorum varietate constantes, ut ipse *Auctor noster* docet: si per auditum, nihil præter verba & voces: si vero per alios sensus, nihil in ea habetur quod referri possit ad Deum. Et sanè, quod visus nihil præter picturas, nec auditus præter voces vel sonos, propriè ac per se exhibeat, unicuique est manifestum: adeo ut illa omnia quæ præter istas voces vel picturas cogitamus tanquam earum significata, nobis repræsententur per ideas non aliunde advenientes quàm à nostra cogitandi facultate, ac proinde cum illa nobis innatas, hoc est, potentiâ nobis semper inexistentes, esse enim in aliqua facultate, non est, esse actû, sed potentiâ duntaxat, quia ipsum nomen facultatis nihil aliud quàm potentiâ designat. Quod vero de Deo nihil præter nomen vel effigiem corpoream possimus cognoscere, nemo potest affirmare, nisi qui se apertè arheum, atque etiam omni intellectu destitutum, fateatur.

Postquam *Auctor noster* istam suam de Deo opinionem exposuit, refutat in *articulo 15.* argumenta omnia, quibus Dei existentiam demonstravi. Ubi sanè mirari subit hominis confidentiam, quod tam facilè, tam paucis verbis, putet se omnia posse evertere, quæ ego longâ & attentâ meditatione composui, libroque integro explicui. Sed nempe omnes rationes, quas ad hoc attuli, ad duas referuntur: *Prima* est, quod ostenderim, nos habere Dei notitiâ, sive ideam, quæ talis est, ut, cum ad eam satis attendimus, & eo modo quo explicui, rem perpendimus, ex sola ejus consideratione cognoscamus, fieri non posse, quin Deus existat, quoniam existentia, non possibilis duntaxat vel contingens, quemadmodum in aliarum omnium rerum ideis, sed omnino necessaria & actualis, in ejus conceptu continetur. Hanc autem rationem, quam pro certa & evidenti demonstratione, non ego solus habeo, sed habent etiam alii plures, iique doctrinâ & ingenio supra cæteros eminentes, qui eam cum cura examinarunt; hanc, inquam, *Auctor Programmatæ* sic refutat: *Conceptus noster de Deo, sive idea Dei in mente nostra existens, non est satis validum argumentum, ad existentiam Dei probandam, cum non omnia existant, quarum conceptus in nobis*

obser-

observatur. Quibus verbis ostendit, se mea quidem scripta legisse, sed ea nullo modo intelligere, vel potuisse, vel voluisse: non enim vis mei argumenti desumitur ab idea in genere sumpta, sed à peculiari ejus proprietate, quæ in idea, quam habemus de Deo, evidentissima est, atque in nullis aliarum rerum conceptibus potest reperiri: nempe ab existentie necessitate, quæ requiritur ad cumulum perfectionum, sine quo Deum intelligere non possumus. *Aliud* argumentum, quo demonstravi, Deum esse, ex eo, desumpsi, quod evidenter probaverim, nos non habituros fuisse facultatem, ad omnes eas perfectiones, quas in Deo cognoscimus, intelligendas, nisi verum esset, Deum existere, nosque ab illo esse creatos. Quod putat *Noster* se abundè dissolvere, dicendo, *ideam, quam habemus de Deo, non magis quàm cuiusvis alterius rei conceptum vires nostras cogitandi proprias superare*: quibus verbis, si tantùm intelligit, eum, quem de Deo conceptum, sine gratiæ supernaturalis auxilio, habemus, non minus esse naturalem, quàm sint reliqui omnes quos habemus, de aliis rebus, mecum sentit, sed nihil inde contra me colligi potest; Si vero existimat, in illo conceptu non plures perfectiones objectivas involvi quàm in omnibus aliis simul sumptis, aperte errat; ego autem ab hoc solo perfectionum excessu, quo *noster* de Deo conceptus alios superat, argumentum meum desumpsi.

In sex reliquis articulis nihil habet notatu dignum, nisi, quod, cum velit animæ proprietates distinguere, confusè admodum & improprie de his loquatur. Quippe ego dixi, eas omnes referri adduas præcipuas, quarum una est, perceptio intellectus, alia verò, determinatio voluntatis, quas *Noster* vocat, *intellectum & voluntatem*; ac deinde illud, quod vocavit *intellectum*, dividit in *perceptionem & iudicium*; quæ in re à me dissentit: ego enim, cum viderem, præter perceptionem, quæ prærequiritur ut iudicemus, opus esse affirmatione vel negatione ad formam iudicii constituendam, nobisque sæpe esse liberum ut cohibeamus assensionem, etiamsi rem percipiamus, ipsum actum iudicandi, qui non nisi in assensu, hoc est, in affirmatione vel negatione consistit, non retuli ad perceptionem intellectus, sed ad determinationem voluntatis. Postea, inter species perceptionis non enumerat, nisi *sensum, reminisceniam, & imaginationem*; unde colligi potest, eum nullam intellectionem puram, hoc est, intellectionem, quæ circa nullas imagines corporeas versetur, admittere; ac proinde ipsum sentire, nullam de Deo, nec de mente humana, vel aliis incorporeis rebus, cognitionem haberi: cuius rei non aliam causam possum suspicari, quàm, quòd ex, quas habet de illis rebus, cognitiones, sint tam confusæ, ut nullam unquam puram, & ab omni corporea imagine diversam, in se animadvertat.

In fine donique addidit hæc verba ex meo aliquo scripto desumpta, *Nullifacilius ad magnam pietatis famam perveniunt, quàm superstitiosi & Hypocritæ.* Quibus quid significare velit, non video; nisi forte referat ad hypocrisim, quòd

usus sit ironiâ multis in locis: sed non puto, illum istâ viâ posse ad magnam pietatis famam pervenire.

Cæterum, cogor hîc fateri, me pudore suffundi, quòdante hac istum *An-
torem*, tanquam perspicacissimi ingenii virum, laudari, atque alicubi scripse-
rim, me non putare ulla ab ipso doceri opiniones, quas nollem pro meis agno-
scere. Sed nempe, quando ista scribebam, nullum adhuc videram ejus speci-
men, in quo fidus exscriptor non fuisset, nisi tantum semel in verbulo uno,
quod illi tam malè cesserat, ut sperarem nihil tale amplius esse ausurum; &
quia videbam, ipsum in reliquis magno cum affectu opiniones amplecti, quas
verissimas arbitrabar, id ejus ingenio & perspicacitati tribuebam. Nunc autem
multiplex experientia cogit me, ut existimem, non tam amore veritatis eum te-
neri, quàm novitatis; Atque quoniam omnia, quæ ab aliis didicit, pro antiquis
& obsoletis habet, nihilque satis novum ei videtur, nisi quod ex proprio cerebro
extundit; est autem adeò infelix in suis inventis, ut nullum unquam verbum in
ejus scriptis noraverim (quòd ex aliis non exscripsisset,) in quo non aliquam
errorem contineri judicarem. Monere debeo illos omnes, qui meas opiniones
ab eo defendi sibi persuadent, nullas esse, non modò in *Metaphysicis* in quibus
apertè mihi adversatur, sed etiam in *Physicis*, de quibus alicubi in suis scriptis,
agit, quas non malè proponat & corrumpat. Adeò ut magis indignetur, quòd ta-
lis *Doflor* scripta mea pertrahet, atque interpretanda sive interpolanda suscipiat,
quàm quod alii nonnulli summa cum acerbitate ipsa impugnent,

Quippe neminem ex acerbis istis adhuc vidi, qui non mihi tribueret opiniones
à meis toto cœlo diversas, atque adeò absurdas & ineptas, ut non verear, ne ullis
cordatis viris possit persuaderi meas esse. Sic eo ipso tempore, quo hæc scribo,
mihi adhuc afferuntur duo novi libelli ab aliquo hujus generis adversatio conscrip-
ti, in quorum priore habetur, esse *Neotericos* nonnullos, qui certam omnem fidem
sensibus abrogant, & *Philosophos* Deum negare, & de ejus existentia dubitare
posse contendunt, qui insitæ interim à natura humana menti de Deo notitiæ actua-
les, species, & ideas, admittunt. Dicitur attem in altero, *Neotericos* istos auda-
citer pronunciare, Deum non modò negativè, sed & positivè, sui causam efficien-
tem dici debere. Atque in utroque libello nihil aliud agitur, quàm quòd argu-
menta multa congerantur, ad probandum primò, nos nullam Dei cognitio-
nem actualem in utero matris habuisse, ac proinde nullam de Deo actualem spe-
ciem & ideam menti nostræ ingentam: secundo, non oportere Deum negare, at-
que illos atheos & legibus puniendos qui eum negant: tertio denique, Deum non
esse causam efficiensem sui ipsius. Quæ omnia possem quidem supponere con-
tra me non scribi, quia nomen meum in istis libellis non habetur, & nulla est o-
pinionum, quæ in iis impugnantur, quam non planè absurdam & falsam putem,
sed tamen, quia non dissimiles sunt iis quæ jam sæpe ab aliis ejusdem ordinis
homini-

hominibus mihi per calumniam fuerunt imputatae, nullique alii agnoscuntur quibus ex tribui possint, ac denique quia multi non dubitant, quin ego ille sim, contra quem isti libelli scripti sunt; monebo hic, ex occasione, earum auctorem, *Primum*, per ideas innatas me nihil unquam intellexisse, nisi quod ipsemet in pag. 6 sui posterioris libelli verum esse expressis verbis affirmat, nempe, *nobis à natura inesse potentiam quâ Deum cognoscere possumus*; quod autem istae idae sint *actuales*, vel quoddam sint species quæ à cogitandi facultate diversæ, nec unquam scripsisse nec cogitasse: imò etiam me magis quàm quemquam alium ab ista supervacua entitatum scholasticarum suppellectile esse alienum, adeò ut à risu abstinere non potuerim, cum vidi magnam illam catervam, quam Vir, fortasse minimè malus, laboriose collegit, ad probandum, *infantes non habere notitiam Dei actualem quamdiu sunt in utero matris*, tanquam si me hoc pacto egregiè impugnaret. *Secundo*, me nunquam etiam docuisse, Deum esse negandum, vel ipsum nos posse decipere, vel de omnino esse dubitandum, vel fidem omnem sensibus abrogandam, vel somnum à vigilia non distinguendum, vel similia, quæ à calumniatoribus imperitis aliquando mihi objecta sunt; sed omnia ista expressissimis verbis rejecisse, validissimisque argumentis, imò etiam ausim addere, validioribus, quàm ab ullo ante me refutata fuerint, refutasse: quod ut commodius & efficacius præstarem, proposui, initio *Meditationum* mearum, ista omnia tanquam dubia, quæ non à me primùm fuerunt inventa, sed à Scepticis dudum decantata. Quid autem iniquius, quàm tribuere alicui scriptori opiniones, quas eo fine tantùm refert ut eas refutet? Quid ineptius, quàm fingere, saltem illo tempore, quo istæ falsæ opiniones proponuntur & nondum refutantur, eas doceri; atque ideo illum, qui refert atheorum argumenta, esse *Atheum temporarium*? Quid magis puerile, quàm dicere, si moriatur interim priusquam *speratam suam demonstrationem* scripserit vel invenerit, eum Atheum moriturum, ipsumque in antecessum perniciosam doctrinam docuisse, *non autem esse facienda mala ut eveniant bona*, & talia. Dices, *forte aliquis*, me istas falsas opiniones non retulisse tanquam aliorum, sed tanquam meas: verùm quid hoc refert? quandoquidem in eodem libro, in quo ipsas retuli, omnes refutavi; atque ex ipso libri titulo potuit intelligi, me ab iis credendis esse planè alienum, quandoquidem in eo *demonstrationes de existentia Dei promittuntur*. Estne aliquis adeò stolidus, ut existimet, cum, qui talem librum componit, ignoret, dum primas ejus paginas exarat, quid in sequentibus demonstrandum susceperit? Objectiones autem tanquam meas proposui, quia hoc exigebat stylus meditationum, quem rationibus explicandis aptissimum judicavi. Quæ ratio si nostris censoribus non satisfacit, velim scire, quid dicant de Sacris literis, cum quibus nulla humana scripta sunt comparanda, quando vident in iis nonnulla, quæ non possunt rectè intelligi nisi supponantur tanquam ab impiis, vel saltem ab aliis quàm à Spiritu Sancto vel à Prophetis dicta esse;

qualia sunt Eccl. cap. 2. hæc verba: *Nonne melius est comedere & bibere, & ostendere animæ suæ bonæ de laboribus suis, & hoc de manu Dei est. Quis ita devorabit & deliciis affluet ut ego?* & in capite sequenti: *Dixi in corde meo de filiis hominum, ut probares eos Deum, & ostenderes similes esse bestiis. Idcirco unus interitus est hominis & jumentorum, & aqua utriusque conditio; sicut moritur homo, sic & illa moriuntur; similiter spirant omnia, & nihil habet homo jumenta amplius, &c.* An credunt ibi Spiritum Sanctum nos docere, ventri esse indulgendum, & affluendum deliciis, animasque nostras non magis esse immortales quàm jumentorum? Non puto eos usque adeò esse furiosos: Sed neque debent etiam calumniari, quòd iis inter scribendum non usus sim cautelis, quæ nunquam ab ullis aliis scriptoribus fuerunt observatæ, nec ab ipso quidem Spiritu Sancto.

Tertio denique, moneo libellorum istorum auctorem, me nunquam scripsisse, Deum non modo negativè, sed & positivè sui causam efficientem dici debere, ut in pag. 8 posterioris sui libelli valde inconsideratè affirmat. Quærat, legat, evolvat mea scripta, nihil unquam simile in illis reperiet; sed omnino contrarium. Me verò à talibus opinionum portentis quàm maxime esse remotum, notissimum est iis omnibus, qui vel scripta mea legerunt, vel aliquam mei notitiam habent, vel saltem omnino fatuum esse non putant. Atque idcirco admodum miror, quis sit scopus istorum Calumniatorum. Nam si volunt persuadere hominibus, ea me scripsisse, quorum plane contrarium in meis scriptis reperitur, deberent prius curare, ut omnia, quæ in lucem edidi, supprimentur, nec non etiam, ut ex eorum, qui jam ea legerunt, memoria deleantur: quamdium enim hoc non faciunt, plus sibi nocent quàm mihi. Miror etiam, quòd contra me, qui eos nunquam lacessivi, nihilque nocui, sed qui fortasse, si me irritarint, nocere possem, tanta cum acerbitate ac tanto studio invehantur, interimque nihil agant contra multos alios, qui eorum doctrinam libris integris refutarunt, ipsosque ut Simplicios & Andabatas deriserunt. Nolo tamen hæc quicquam addere, quo revocem illos ab instituto libellis me suis impugnandis: video libenter me tanti fieri ab ipsis: sed iis interim precor sanitatem.

Hæc scripta sum Egmonda in Hollandia circa finem Decembris, Anno 1647.

F I N I S.

A P P E N D I X,
Continens
O B J E C T I O N E S
Q U I N T A S & S E P T I M A S
In
R E N A T I D E S C A R T E S
M E D I T A T I O N E S
De Prima Philosophia,

Cum ejusdem ad illas Responsionibus, & duabus Epistolis,
U n a a d P a t r e m D I N E T, S o c i e t a t i s J e s u P r æ p o -
s i t u m P r o v i n c i a l e m p e r F r a n c i a m,
Altera ad celeberrimum Virum
D. G I S B E R T U M V O E T I U M.

Typographus Lectori.

E T i a m s i A u c t o r M e d i t a t i o n u m d e P r i m a P h i l o s o p h i a n o l u e r i t, u t O b j e c -
t i o n e s q u i n t a a m p l i u s i n s u o l i b r o c u m c a t e r i s l e g e r e n t u r, u t e x p o s i t a
l o c o i l l a r u m A d m o n i t i o n e l i q u e r e p o t e s t; q u i a t a m e n à m a g n i n o m i n u P h i -
l o s o p h o s u n t p r o f e c t a, r e m c u r i o s i s i n g e n i i s n o n i n g r a t a m m e f a c t u r u m e x i -
s t i m a v i, s i i l l a s h o c l o c o, q u a m v i s a l i e n o, u n à c u m R e s p o n s i o n i b u s r e p o n e r e m.
Q u a r a t i o c u m p r o s e p t i m i s e t i a m O b j e c t i o n i b u s & R e s p o n s i o n i b u s m i l i t e t,
e a s q u o q u e Q u i n t i s s u b j u n x i, s i m u l q u e E p i s t o l a s a d l e s u i t a m D i n e t & a d
G i s b e r t u m V o e t i u m V i t r a j e c t i n u m T h e o l o g u m. E t n e q u a i n r e i l l o r u m v o -
t u d e s i m, e a d e m o p e r à h i c s i g n i f i c a b o, P r i m a r u m O b j e c t i o n u m a u c t o r e m e s -
s e d o c t u m q u e n d a m F æ d e r a t i B e l g i i T h e o l o g u m; S e c u n d a s L u t e t i a à M a -
r i n o M e r s e n n o e x d i v e r s o r u m P h i l o s o p h o r u m & T h e o l o g o r u m o r e e x c e p t a s
f u i s s e; T e r t i a s e s s e T h o m æ H o b b i i c e l e b r i s P h i l o s o p h i A n g l i; Q u a r t a s A n -
t o n i i A r n a l d i D o c t o r u s T h e o l o g i æ S o r b o n i c i; Q u i n t a s n o m e n a u c t o r i s s u i
P e t r i G a s s e n d i p r æ f e r r e; S e x t a s r u r s u s a b e o d e m M e r s e n n o e x a l i o r u m o r e
f u i s s e e x c e p t u s; S e p t i m a s d e n i q u e a p p a r e r e e x E p i s t o l a a d P a t r e m D i n e t
e s s e l e s u i t a c u j u s d a m.

OBJECTIONES QUINTÆ.

Eximio viro

RENATO CARTESIO,
P. GASSENDUS S.

VIR EXIMIE,

Beavit me Merſennus noſter, cùm tuarum illarum ſublimium de prima Philoſophia Meditationum participem fecit. Quippe argumenti præſtantia, ingenii perſpicacia, nitorque diſtinctionis mirificè placuit. Quare & lubens gratulor, quòd animo adeò excelſo ac felici aggredieris ſcientiarum fincis provehere, & res omnibus retrò ſæculis abſtruſiſſimas enucleare. Id mihi fuit durum, quòd ille præterea amicitiz jure exegit, ut ad te perſcriberem, ſi quis fortaiſſis ſcrupulus ingereretur, ſuperſeſſerve. Si quidem præſenſi nihil aliud me, quàm hebetudinem teſtaturum, ſi rationibus tuis non acquieſcerem; vel potiùs quàm temeritatem, ſi tantillum etiam in oppoſitum, quaſi repugnando, hiſcere auderem. Annui tamen viro amico, ratus aliunde te non tam meum, quàm illius conſilium æquibonique conſulturum; cùm eo nempe candore ſis, ut facile putes nihil aliud me, quàm nudas tibi proponere meas dubitandi rationes voluiſſe. Teſtor ſanè abundè fore, ſi illas vel ad calcem uſque legere ſuſtinueris: nam quòd te permovere debeant, ut vel de tuis ratiociniis minimum diſſidas, vel ad reſpondendum tempus deteras, melioribus curis deſtinatum, ipſe profeſſo Auctor non ſum. Quinetiam non audeo, niſi cum rubore, illas coram te propalare, qui certè ſum certior nullam eſſe earum, quæ non tibi pluries inter meditando occurrerit, & quam tamen, certo conſilio, vel contempleris, vel cenſueris diſſimulandam. Profero ergo, ſed eâ mente, ut prolatas duntaxat velim; prolatas, inquam, non de rebus ipſis, quas demonſtrandas ſuſcipis, ſed de methodo, ac vi demonſtrandi. Profeſſo enim & ter maximi Dei exiſtentiam, & animorum noſtrorum immortalitatem profiteor; ac hæreo duntaxat circa energiam illius ratiocinii, quo tu tam iſta quàm alia Metaphyſica coherentia, probas.

IN MEDITATIONEM I.

De iis, quæ in dubium revocari poſſunt.

AC circa primam quidem Meditationem, non eſt quòd multùm immeror. Acomprobo enim inſtitutum, quo mentem tuam exuere omni præjudicio voluiſſi. Id unum non ſatis percipio, Quamobrem ſatiùs non duxeris ſimpli-

citer

citer, ac paucis verbis incerta habere quæ prænoveras, ut ea deinde seligeres, quæ vera deprehenderentur, quàm, habendo omnia pro falsis, non tam vetus exuere quàm induere novum præjudicium. Et vide, ut necesse fuerit, quo tibi ipsi faceres fidem, fingere Deum deceptorem, aut nescio quem malum Genium delusorem; cum visum fuisset sufficere, humanæ mentis caliginem, solamve naturæ imbecillitatem causari. Fingis prætereâ te somnare, ut in dubium omnia revoces, & quicquid rerum agitur, pro ludificatione ducas; sed an propterea à te extorques, ut non vigilare te credas, & incerta falsaque habeas, quæ coram te sunt, aut geruntur? Quicquid dixeris, nemo erit, qui persuadeatur te esse persuasum, nihil esse verum ex iis omnibus, quæ cognoveris; actibi perpetuè vel sensum, vel somnium, vel Deum, vel cacodæmonem imposuisse. An non futurum fuisset magis & philosophico condore & veritatis amore dignum, res ut se habent, & bonâ fide ac simpliciter enunciare, quàm, quod objicere quispiam posset, recurrere ad Machinam, captare præstigias, sectari ambages? Quanquam, quia tibi ita est visum, nolim amplius contendere.

IN MEDITATIONEM II.

*De Natura mentis humane, Quod ipsa sit notior,
quàm corpus.*

CIrca secundam, Video te adhuc in ludificatione perstare, & nihilominus animadvertere, saltem TE ESSE, qui ludificaris; atque idcirco statnere illud pronunciatum, Ego sum, Ego existo, quoties à te profertur, vel mente concipitur, esse verum. Attamen non video tibi opus fuisse tanto apparatu; quando aliunde certus eras, & verum erat te esse: poterasque idem vel ex quavis alia tua actione colligere: cum lumine naturali notum sit, quicquid agit, esse. Subdis, te non propterea satis intelligere quid sis: hoc autem seriò accipitur, & ultro conceditur, id ipsumque opus, ac labor. Nempe id absque ambagibus, totâque illâ suppositione videtur fuisse requirendum. Meditari vis consequenter, qualem te esse credideris, ut subtrahatis dubiis id solum remaneat, quod certum sit, & inconcussum. Hoc verò nemine non probante facies. Rem aggressus, & cum te putâris esse hominem, queris, Quid sit homo, & dimissa consulto definitione vulgari, seligis ea, quæ prima fronte tibi occurrerant, ut haberet vultum, manus, & cætera membra, quæ nomine corporis designabas; itemque te nutrirî, incedere, sentire, cogitare, quæ referebas ad animam. Hoc porro esto, modò caveamus distinctionem tuam inter animam & corpus. Dicis te nunc non advertisse quid esset anima, sed imaginatum solum aliquid instar venti, ignis, vel ætheris, quod transitoribus tui corporis partibus esset insusum. Istud memorabile est, De corpore, non dubitasse naturam ejus in eo esse, ut sit quid aptum figurari, circumscribi, spatium replere, & ex eo omne aliud corpus excludere; tactu, visu, auditu, odo-

TAM,

vain, gustu percipi, & pluribus modis moveri. Potes verò hæc etiam hodieat-
tribuere corporibus, dummodò non omnibus omnia: siquidem ventus corpus
est, & non percipitur tamen visu, neque excludas adjuncta alia: nam ventus,
ignis, & plura movent. Quod subijcis autem, *negasse te corpori vim seipsam*
moveri: non apparet quì iueri jam possis, quasi corpus omne esse debeat suap-
te natura innobile, omnisque ejus motus à principio incorporeo procedere;
& neque aqua fluere, neque animal incedere, sine incorporeo motore censeatur.

2. Exploras deinde, *num suppositâ adhuc deceptione, affirmare possis esse in te*
aliquid ex iis, quæ pertinere censuisti ad naturam corporis, & attentissimo exami-
ne falso dicis te nihil tale in te reperire. Hoc jam loco non speculas, te, quasi
hominem integrum, sed quasi interiorem, occultioioremve partem, qualem cogi-
târas esse animam. Quæso te, ergo, ô Anima, seu quocumque velis nomine
censeri, emendâsti-ne hæctenus eam cogitationem, quâ prius imaginabaris te
esse quidpiam instar venti, similis-ve rei his membris infusæ? Non fecisti sanè:
Cur non possis igitur esse adhuc ventus, vel potiùs tenuissimus spiritus, qui ca-
lore cordis ex purissimo sanguine, aliundeve, aut ab alia causâ exciteris, ser-
veris, & fusus per membra vitam illis tribuas, & cum oculo videas, cum aure au-
dias, cum cerebro cogites, ceteraque, quæ vulgo tibi tribuuntur munia, exse-
quaris? id si ita sit, cur non habes eandem figuram, quam totum hoc corpus, uti
aër eandem, quam vas continens? Cur non censearis circumscribi ab eodem
ambiente, quo corpus, aut à corporis Epidermide? Cur non replere spatium, si-
ve partem spatii, quas crassum corpus, seu partes ipsius non replent? Quippe
corpus crassum habet poros, per quos ipsa diffundaris; adeò ut ubi partes tuæ
fuerint, partes illius non sint: eodem modo, quo in vino & aqua mistis ubi
sunt partes unius, non sunt partes alterius, quantumcunque visus discernere ne-
queat? Cur non excludere corpus aliud ab eodem spatio? Cùm in quibuscun-
que spatioli fueris, partes corporis crassioris esse simul nequeant. Cur non
moveri pluribus motibus? Cùm tu enim plurcis ipsis membris tribuas, quo-
modo id possis, quin movearis ipse? Certè neque moves immota, cum opus
contentione sit: neque potes non moveri ad ipsius corporis motum. Si hæc igitur
ita sint, cur dicas in te nihil esse eorum, quæ ad naturam corporis spectant?

3. *Pergis, neque esse in te ex iis, quæ anima tribuuntur, nutriri vel incedere.*
At primùm potest aliquid esse corpus, nec tamen nutriri. Deinde, si tale sis
corpus, qualem spiritum diximus, cur, cùm crassiora illa membra crassiore sub-
stantiâ nutriuntur, non possis ipsa tenuior tenuiore quoque nutriri? Et, nonne
illo corpore, ejus ex sunt partes, adolescente, ipsa adolesciscis; & dum illud de-
bilitatur, debilitaris quoque ipsa? Ad incesum quod attinet, cum membra in-
cedant per te, & in locum nullum contendant, nisi agentè & ferente te, quomo-
do id fiat sine tuo incesu? *quandoquidem, inquis, jam corpus non habeo, hæc ni-*
hil sunt, nisi figmenta. Verùm, seu nos ludis, seu ipsa deluderis, nihil nobis

moran,

morandum: Sin loqueris seriò, probandum est tibi neque te habere ullum corpus, quod informes: neque te esse ejusmodi, quod unà nutriti, incedereque valeat. Pergis adhuc, *neque te sentire*. At ipsa profectò es, quæ vides colores, audis sonos, &c. *Hoc, inquis, non fit sine corpore*. Credo equidem; sed primum adest tibi corpus, ipsaque es intra oculum, qui non videt sanè absque te: ac potes deinde esse tenue corpus, quod per organum sensus opereris. *Permulta, inquis, visa sum sentire in somnis, quæ me non sensisse postea animadverti*. Enimverò tamen si fallaris, quod non utens oculo videaris sentire, quod sine oculo non sentitur, non es tamen semper experta eandem falsitatem, neque non usæ es oculo, per quem senseris, imaginesque hauseris, quibus jam sine oculo uti possis. *Deprehendis tandem te cogitare*. Id verò abnuendum non est: sed probandum superest tibi, vim cogitandi ita esse supra naturam corpoream, ut neque spiritus, neque aliud corpus agile, purum, tenue, ullâ dispositione parabile sit, quod cogitationis efficiatur capax. Probandum simul animas Brutorum esse incorporeas, videlicet quæ cogitent, seu præter functiones sensuum externorum, aliquid internè, non vigilando modò, sed somniando etiam cognoscant. Probandum rursus crassum hoc corpus ad cogitationem tuam nihil prorsus conferre (cùm absque illo tamen nunquam fueris, neque ab illo sejuncta aliquid huc usque cogitaveris) ac te idcirco independentem ab eo cogitare: adeò ut neque impediri, neque turbari valeas à vaporibus, sive fumis tetris crassisque, qui tam male cerebrum interdum afficiunt.

4. Concludis, *Sumigitur præcisè Res cogitans, id est Mens, sive animus, intellectus, ratio*. Heic ego agnosco me hallucinatum. Existimabam enim alloqui animam humanam, seu internum illud principium, quo homo vivit, sentit, loco movetur, intelligit: & alloquebar tamen solam mentem: Quippe quæ non modò corpus exuit, sed exiit quoque animam ipsam. Anne id facis, Vir eximie, antiquorum illorum instar, qui cùm putarent animam diffusam torò corpore, principem tamen partem *res cogitans* habere sedem opinabantur in determinatâ parte corporis, ut in cerebro, aut in corde. Non quod conferrent animam quoque in ea parte non reperiri, sed quod crederent animæ illic existenti mentem veluti superaddi, coadunarique, & unà cum illa partem informare. Et debebam sanè id commeminisse ex disputatis in illa tua dissertatione de Methodo; Visus enim esi in ea velle munia hæc omnia, quæ animæ tam vegetativæ, quàm sensitivæ tribuuntur, non dependere à Rationali, possque etiam exerceri, antequam illa adveniat, ut exercentur quoque in Brutis, in quibus rationis nihil esse contendis. Sed nescio quo pacto oblitus id fueram, nisi quia dubius remanseram, illudne principium quo tam nos, quàm Bruta, vegetamur, atque sentimus, non velles dici animam, sed animam propriè esse nostram mentem: cùm tamen illud principium dicatur propriè animare, Mens nihil aliud præstet, quàm ut cogitemus, quod tu quidem fieri asseris. Utcumque id fuerit,

dicare jam Mens, arque esto Res cogitans præcisè. Subdis *solum cogitationem non posse divelli à te*. Hoc verò non est, cur tibi negetur: si præsertim sis sola Mens, & nolis tuam substantiam à substantia animæ plusquam consideratione distinctam. Quamquam hæreo, an, cum dicis *non posse cogitationem divelli à te*, intelligas te, quandiu es, indefinenter cogitare. Id sanè conforme effato Philosophorum celebrium, qui immortalitatem tuam probaturi assumpsere te perpetuò moveri, seu, ut ego quidem interpretor, cogitare perpetuò: verum ii non persuadebuntur, qui non capient quo modo possis aut per seipsum lethargicum, aut in loco etiam, cogitare. Quo loco hæreo præterea, an existimes te in corpus illiusve partem intra uterum aut ab exortu, esse infusam. Sed nolo molestius id inquirere, neque cogitare, an reminiscaris, quid in utero primisve ab exortu diebus, mensibus aut annis cogitaveris, neque, si id sis responsura, quamobrem oblita omnium fueris; Insinuo duntaxat, ut memineris; quàm obscura, quàm tenuis, quàm pene nulla esse potuerit temporibus illis tua cogitatio. Pergis, *te non esse compagem membrorum, quæ corpus humanum appellatur*. Id verò admittendum est, quia spectaris solum, ut res cogitans, & pars humani compositi ab hac exteriori crassioreque distincta. *Non sum etiam*, inquis, *tenuis aliquis aër istis membris infusus, non ventus, non ignis, non vapor, non halitus, non quicquid mihi fingo: Supponi enim ista nihil esse; maxime posito*. Hæc autem consistit, o mens, & positiones, seu potius fisiones illæ tandem facessant. *Non sum*, inquires, *aër, aut aliquid tale*: at si anima tota tale quidpiam est; quorsum tu, quæ censeri potes pars animæ nobilissima, non censearis quoque esse quasi flos, seu portio subtilissima, purissima, actuosissimaque illius? *Fortassis*, inquis, *hæc, quæ suppono nihil esse, sunt aliquid, neque diversum ab eo me quem novi; nescio tamen, nec de hoc jam disputo*. Sed si nescis, si non disputas: cur te nihil esse istorum assumis? *Novi*, inquis, *me existere; huius autem rei notitia præcisè non potest pendere ab eo, quod non novi*. Hoc esto; sed memineris te nondum fidem fecisse, quòd non sis aër, non vapor, non alia.

5. Describis consequenter quid sit, quod imaginationem appellas. Dicis quippe *imaginari nihil esse aliud, quàm contemplari figuram, imaginemve rei corporeæ*. Videlicet, ut inferas te alia cogitationis specie, quàm imaginatione, cognoscere naturam tuam. Attamen, cum tibi pro tuo arbitratu imaginationem definire liceat; quæso te, si corporea sis, ut nondum probasti oppositum, cur non contemplari te possis sub figura imagineve corporea? Et quæso te, dum contemplaris, quidnam experiris tibi observari, præter substantiam quandam puram, perspicuam, tenuem, instar autæ universum corpus, vel cerebrum certè, illiusve partem pervadentis, animantis, functiones tuas illic obeuntis? Cognosco, inquis, nihil eorum, quæ possum *imaginationis ope comprehendere, ad hanc, quam de me habeo, notitiam pertinere*. Verum quomodo cognoscas non dicis, & cum paulò ante statuisses nescire te adhuc istanc ad te pertinere; quidnam quæso id jam concludis?

6. *Pergis, Mentem esse ab ista diligentissimè avocandam, ut suam ipsa naturam quàm distinctissimè percipiat.* Id rectè mones; sed postquàm ipsa te diligentissimè avocasti; renuncia, quæso, quàm distinctè naturam tuam perceperis. Nam dicere solum te esse Rem cogitantem, operationem memoras, quam omnes prius tenebamus, sed operantem substantiam, qualis nempe sit, quomodo coherereat, quomodo ad agendum tam varia tam variè sese comparet, ac hujusmodi cætera prius ignorata nobis non declaras. Dicis *percipi intellectu, quod imaginatione (quam idem esse statuis cum sensu communi) non potest.* Sed, o bona Mens, docere-ne potes pluris intus esse, & non unicam simplicemve facultatem, quâ quidvis denuo cognoscamus? Cùm ego Solem oculis apertis intueor, manifesta est sensu. Cùm deinde oculis clausis Solem apud me cogito, manifesta est interna cognitio. At quomodo tandem discernere valeam me sensu communi, seu facultate imaginatrice, non verò mente, seu intellectu percipere Solem: aded ut possim prohibitu nunc intellectu, quæ non sit imaginatio; nunc imaginatione, quæ non sit intellectio, solem comprehendere? Sanè, si crebro turbato, & imaginatrice lassâ, intellectus constaret, qui functiones proprias purasque obiret, tum posset intellectio tam dici distingui ab imaginatione, quàm imaginatio à sententia externa: at quia secus esse contingit, facile profectò non est appositum statuere discrimen. Dicere certè, ut tu facis, *imaginationem tunc esse, cùm res corporea contemplamur imaginem:* vides cùm non alia ratione contemplari corpora liceat, fore igitur corpora imaginatione solum agnoscenda: aut ita certè, ut facultas alia cognoscens discerni non valeat. Dicis, *fieri adhuc non posse, quin putes res corporeas, quarum imagines cogitatione formantur, exploranturque sensibus, distinctius agnosci, quàm istud nescio quid tui, quod in imaginationem non cadit: ut mirum sit res dubias, & à te alienas distinctius cognosci, atque comprehendere.* Sed primum peroptimè facis, cùm dicis *illud nescio quid tui:* revera enim nescis quid sit, seu quæ natura ejus sit: nec proinde potes certior fieri, id-ne hujusmodi sit, quod in imaginationem cadere non possit. Deinde omnis nostra notitia videtur planè ducere originem à sensibus: & quamvis tu neges, quicquid est in intellectu præesse debere in sensu: videtur id esse nihilominus verum, cùm nisi solâ incurssione, κατὰ πρῶτον, ut loquuntur, fiat; perficiatur tamen analogiâ, compositione, divisione, ampliacione, extenuacione, aliisque similibus modis, quos commemorare nihil est necesse. Nihil proinde mirum, si ea, quæ perse incurrunt & percellunt sensum, impressione vehementiorem in animo faciant, quàm quæ animus accepta solum occasione ex rebus in sensum incidentibus sibi ipsa fingit, atque comprehendit. Et vocas tu quidem dubias res corporeas; sed si verum fateri vis, non minus certa es existere corpus intra quod versaris, & ista omnia, quæ te circumstant, quàm existere te ipsam. Et cùm ipsa te tibi ipsi sola operatione, quæ cogitatio dicitur, manifestas, quid hoc est, respectu manifestationis hujusmodi rerum? Quippe non modo mani-

nifestantur variis operationibus, sed & aliis præterea multis evidentissimis accidentibus, magnitudine, figura, soliditate, colore, sapore, &c. adeo ut quamvis extra te sint, nihil mirum, si ipsas distinctius, quàm te cognoscas, comprehendasque. At quonam modo fieri potest, ut rem alienam melius, quàm te ipsam intelligas? Quo nempe modo oculus videt cætera, non videt seipsum.

7. Sed, inquis *Quid sum igitur? Res cogitans. Quid est hoc? Nempe dubitans, intelligens, affirmans, negans, volens, nolens, imaginans quoque, & sentiens.* Multa hec dicis, in quibus singulis non hæreo, in hoc uno hæreo, quod te rem sentientem dicis. Id nempe mirum, cum jam antè asserueris oppositum. An dicere forte voluisti, esse præter te facultatem corpoream residentem in oculo, aure, cæterisque organis, quæ species rerum sensilium excipiens sensationem ita inchoet, ut tu deinde perficias, ipsaque sis, quæ revera videas, audias, & cætera sentias? Hac nempe de causa, ut puto, tam ipsam sensationem, quam etiam imaginationem cogitationis speciem facis. Id porro esto: sed vide tamen, an non quæ sensio in brutis est, cum non sit tuæ absimilis, cogitatio quoque dici valeat: sicque in ipsis etiam brutis Mens sit non dissimilis tui? Ego, inquires, arcem in cerebro tenens, excipio quicquid per spiritus nervis traductos renunciatur: sicque apud me peragitur sensio, quæ dicitur fieri toto corpore. Esto: sed sunt in brutis nervi, sunt spiritus, est cerebrum, est in cerebro principium cognoscens, quod renunciata per spiritus pari modo excipiat, sensationemque perficiat. Dices illud principium in brutorum cerebro non esse aliud, quàm Phantasiam, sive facultatem imaginatricem. At tu ostende te aliud in cerebro esse, quàm Phantasiam, imaginatricemve humanam. Quærebam mox antè criterium, quo te probares aliam; at non es, opinor, illud allatura. Asseres sanè operationes longè præstantiores, quàm quæ eliciuntur à brutis; At quemadmodum licet homo sit præstantissimum animalium, non eximitur tamen ex animalium numero; ita quamvis tu exinde proberis imaginatricum sive phantasiarum præstantissima, non eximere tamen ex numero earum. Nam & quod te mentem specialiter voces, nomen esse potest dignioris sed non diversæ propterea naturæ. Sanè, ut te esse diversæ (hoc est, ut contendis, incorporeæ) naturæ probares, deberes quandam operationem aliâ ratione exserere, quàm exserant Bruta: ac nisi extra cerebrum, saltem independentem à cerebro; quod tamen non facis. Siquidem illo perturbato perturbabis ipsa, eodem oppresso opprimeris; & si quæ rerum species ex eo excidant, non retines ipsa ullius vestigium. Fiunt omnia, inquis, in brutis impulsione cæca spirituum, cæterorumque organorum: eo modo, quo in horologio machinave alia peraguntur motus. Sed utrumque id verum sit circa functiones cæteras, ut nutritionis, pulsationis artieriarum, & similibus, quæ ipsæ quoque pari ratione peraguntur in homine; asseri ne potest vel actiones sensuum, vel quas passionem animæ dicunt, exeri in brutis cæco impetu, non exseri verò in nobis? Emittit ossa in oculum canis sui speciem, quæ in cerebrum usque

usque trajecta, quibusdam quasi hamulis hæret animæ: ipsaque anima proinde & cohærens ipsi totum corpus quibusdam quasi catenulis subtilissimis rapitur ad ossam. Emittit etiam lapis intentatus sui speciem, quæ vestis instar animam propellat, corpusque unâ abigat, seu fugere cogat. Sed non-ne hæc eadem in homine fiunt? Nisi fortassis alius est modus quo fieri ista concipis, quemque si doceas, valde obstringas? Ego, inquis libera sum, estque in mea potestate, ut hominem æque à fuga & prosecutione avertam. Sed nempe facit idem in bruto cognoscens illud principium, & licet canis nihil interdum minas istiusque reverentus, in ossam conspectam prosiliat, quàm facit homo sæpe similia? Latrat, inquis, canis mero impetu, & non ex delectu, ut loquitur homo. Sed & causæ homini sunt, ut loqui censeatur ex impetu: nam & quod tribuis delectui, ex majore impetu est, & suus quoque bruto est delectus, ubi major est impetus. Vidi certe canem sic latratum suum attemperantem ad lituum, ut omneis soni acuti, gravis, lenti, celeris mutationes imitaretur: quantumcumque illæ pro lubitu & ex inopinato aut crebrescerent, aut producerentur. Ratione, inquis, carent bruta: Sed nimirum carent humanâ, non suâ: adeo proinde ut non videantur *ἀνθρώπων* dicenda, nisi comparata ad nos, seu ad nostram speciem, cùm alioquin *ἀνθρώπων*, seu ratio tam videatur esse generalis, posseque illis attribui, quam facultas cognoscens, sensusve internus. Dicis ea non ratiocinari. Verùm, cùm non ratiocinentur tam perfectè, deque tot rebus, ac homines: & ratiocinantur tamen, & nihil videtur discerniminis, nisi secundum magis & minus. Dicis ea non loqui: Sed cum non proferant voces humana (scilicet homines non sunt;) proferunt tamen proprias, iisque ut nos nostris perinde utuntur. Potest, inquis, etiam delirus pluris voces contexere ad aliquid significandum: cum nihilominus id non possit brutorum sapientissimum. Sed vide, an sis satis æquus, qui voces humanas exis in bruto, nec attendis ad proprias. Verùm hæc longioris sunt disquisitionis.

8. Adfers deinde exemplum cera, ac circa illud plurima habes, ut significes aliud esse, quæ vocant accidentia cera, aliud ipsam ceram ejusve substantiam, ac opus esse solum mentis, sive intellectus, non verò sensus, aut imaginationis ipsammet: ceram ejusve substantiam distinctè percipere. At primò illud ipsum est, quod omnes vulgò profitentur, abstrahi posse conceptum ceræ substantiæve ejus à conceptibus accidentium. An verò propterea ipsa substantia seu natura ceræ distinctè concipitur? Concipimus quidem præter colorem, figuram, liquabilitatem, &c. esse aliquid, quod sit subiectum accidentium mutationumque observatarum: sed quid-nam aut quale illud sit, nescimus. Quippe latet semper, & solum, quasi conjiciendo, subesse debere aliquid putatur. Hinc miror qui dicas, te peractâ illâ detractione formarum, quasi vestium, perfectiùs arque evidentius percipere quid cera sit. Nam percipis quidem ceram, ejusve substantiam, debere esse aliquid præter ejusmodi formas; at quid illud sit, non percipis, nisi nos fallis. Neque enim id tibi revelatur

ut revelari potest homo, cujus prius vestis pileumque solum conspeximus: dum ista illi detrahimus, ut quis, aut qualis sit, noscatur. Deinde cum pures id te quomodocumque percipere, quomodo, quæso, percipis? An non ut aliquid fustum extrinsecumque? Neque enim tanquam punctum concipis, tamen si hujusmodi sit, ut nunc latius, nunc contractius extendatur. Et cum hujusmodi extensio infinita non sit, habeatque terminum, an non illud etiam concipis quadam ratione figuratum? Et cum videaris tibi illud quasi videre, non-ne illi præterea nescio quem tamen confusum colorem affingis? Habes id certè ut corpulentius, ita visibilis, quàm merum inane? Quare & tua intellectio imaginatio quædam est. Si dicas, te absque ulla extensione, figura, coloreque concipere, dic, bonæ fide, qualem nam ergo? Illud quid habes de hominibus visis, seu mente perceptis, quænam tamen non nisi pileos aut vestes conspiciamus, non arguit mentem potius esse, quàm imaginatricem, quæ dijudicet. Certè & canis, in quo parem tibi mentem non admittis, simili modo dijudicat, cum non herum suum, sed pileum solum aut vestes videt. Quid, quod tamen si herus stet, sedeat, cubet, reclinetur, contrahatur, effundatur, agnoscit tamen semper herum, qui sub omnibus illis formis esse potest, cum tamen non sub una potius, quàm sub alia sit, eadem proportionem, quæcera? Et cum leporem currentem venatur, integrumque, & mortuum, ac postea excoriatum disceptumque, in frustra videt; puras, non exissimat eundem semper leporem esse? Quod proinde dicis, perceptionem coloris, duritiei, & similitum, esse non visionem, non actionem; sed solius mentis inspectionem? Esto: dummodo mens non differat ab imaginatrice, re ipsa: Cum vero addis, eam inspectionem esse posse imperfectam, & confusam, vel perfectam & distinctam, prout minus, vel magis ad illa, ex quibus constat cera, attenditur: Id sanè arguit, non inspectionem mentis factam, illius nescio cuius rei, quæ est præter omnis formas, esse claram distinctamque cognitionem ceræ: sed inspectionem per sensus factam omnium, quantum fieri potest, accidentium, mutationumque, quarum cera est capax. Ex his certè concipere & explicare poterimus quid nomine ceræ intelligamus; at nudam illam, vel potiùs occultatam substantiam neque ipsi concipere, neque explicare aliis valeamus.

9. Subdis consequenter: Quid autem dicam de hac ipsa mente, siue de me ipso, nihil dum enim aliud admitto in me esse præter mentem? Quid, inquam, ego, qui hanc ceram videor tam distinctè percipere? Nunquid me ipsum non tantum multo verius, multo certius, sed etiam multo distinctius evidentiusque cognosco? Nam si judico ceram existere ex eo ipso, quod hanc videam, quanto magis me? Fieri enim potest: ut hoc quod video, verè non sit cera. Fieri potest, ut nequidem oculos habeam, quibus quicquam videam: sed fieri planè non potest, cum videam, siue (quod jam non distinguo) cum cogitem me videre, ut ipse ego cogitans non aliquid sim. Simili ratione si judico ceram esse, ex eo, quod hanc tangam; idem rursus efficitur, me esse. Si ex eo, quod imaginor, vel quavis alia ex causa, idem planè.

Sed

Sed & hoc ipsum, quod de cera animadverto, ad reliqua omnia, quæ sunt extra me posita, licet applicare. Tot tua sunt verba, quæ ideo repono, ut animadvertas, demonstrare illa quidem te distinctè cognoscere quod existas, ex eo, quod distinctè videas, cognoscasve existere ceram, illaque ejus accidentia, ac non probaret propterea cognoscere quæ, aut qualis sis, nec distinctè; quod operæ pretium tamen fuerat; nam quod existas, non dubitatur. Vide interim, ut heic non insistam, ut neque priùs insiti circa id, quod cum nihil in te admittas præter solam mentem, atque idcirco oculos, manus, cæteraque organa corporea excludas; nihilominus loqueris de cera, ejusque accidentibus, quæ videas, quæ tangas, &c. Et quæ profectò neque videre sine oculis, neque tangere sine manibus (seu, ut tocum loquar, cogitare te videre, & tangere) pores. Pergis: Si magis distincta visa sit cera perceptio, postquam mihi non ex solo visu, vel tactu, sed pluribus ex causis innotuit: quanto distinctius me ipsum à me nunc cognosci faciendum est: quandoquidem nulla rationes vel ad ceram vel ad cuiuspiam corporis perceptionem possunt juvare, quin eadem omnes mentis meæ naturam probebunt? Verùm, ut quæ de cera deduxisti, probant tantum perceptionem existentem mentis, non verò naturæ illius, ita non probabunt ampliùs omnia alia. Quòd si velis præterea deducere aliquid ex percepta ceræ aliarumque rerum substantia, inferes solum, quemadmodum substantiam illam confusè solum & ut nescio quid concipimus, ita mentem quoque concipi; adèd ut verè repetere liceat quod est à te dictum, illud nescio quid tui. Concludis, atque ecce tandem sponte sum reversus eo, quò volebam. Nam cum mihi nunc notum sit, ipsam Mentem & corpora non propriè à sensibus, vel ab imaginandi facultate, sed à solo intellectu percipi: nec ex eo percipi, quòd tangatur, aut videatur; aperte cognosco nihil facilius aut evidentius meâ mente posse percipi. Ita tu quidem; ac ego non video, undenam deducas, aut apertè cognoscas, aliud posse percipi de tua Mente, quàm quòd existat. Unde & quòd fuerat ipso titulo Meditationis promissum, fore ut per ipsam mens humana efficeretur corpore notior, non video quid præstitum sit: neque enim tuum institutum fuit probare esse mentem humanam, ejusve existentiam esse existentiam corporis notiozem: cum saltem, an sit, existat. ve, controverratur à nemine, sed voluisti haud dubiè facere illius naturam notiozem naturâ corporeâ, & hoc tamen non præstisti. De natura certè corporea recensuisti ipsâ, ò Mens, quàm multa noscamus, extensionem, figuram, occupationem spatii, &c. De te verò erquid. nam tandem? Non es compages, non aër, non ventus, non res incedens, non sentiens non alia: Hæc ut concedantur (quorum tamen quædam tu quoque refellisti) non ea sunt tamen, quæ expectamus. Scilicet negationes sunt, & non postulatur quis non sis, sed quid tandem sis. Itaque refers nobis ad summum te esse Rem cogitavimus, id est dubitantem, affirmantem, &c. Sed dicere primùm te esse Rem, & nihil notum dicere. Hoc enim vox est generalis, indisereta, vaga, & te non magis atinens, quàm

quàm quicquid intoto est mundo, quàm quicquid non est prorsus nihil. Tu es Res? id est, nihil non es: seu quod est idem, aliquid es: Sed lapis etiam nihil non est, seu aliquid est, & musca similiter & cætera omnia. Deinde, quod te *Cogitantem* dicis, rem quidem notam dicis, sed tamen non prius ignotam, neque requisitam à te: Quis dubitet enim quin sis cogitans? Quod nos latet, quod quaeritur, intima tua substantia est, cujus proprium est cogitare. Quocirca, ut inquirere, sic concludere oporteret, non quod sis res cogitans, sed qualis sis res, quæ es cogitans. An- non, si quaeratur ex te Vini notitia supra vulgarem, non satis erit tibi dicere, Vinum est res liquida, ex uvis expressa, alba, vel rubra, dulcis, inebrians, &c. sed conabere explorare declarareque utcunque internam ejus substantiam, prout contexta observatur ex spiritu, phlegmate, tartaro, cæterisque partibus, hac aliave quantitate temperationeque inter se commixtis. Pari ergo modo cum tu notitia supra vulgarem, hoc est, hæcenus habitam, quaeratur: vides haud dubiè non satis esse si nobis renuncies te esse tem cogitantem, dubitantem, intelligentem, &c. sed incumbere tibi, ut labore quodam quasi chymico teipsam ita examines, ut internam tuam substantiam & detegere, & demonstrare nobis possis. Hoc certè si præstiteris, explorabimus ipsimet, sis-ne ipso corpore notior, quod anatomia, quod chymia, quod tot aliz artes, tot sensus, tot experimenta, cujusmodi sit, multum manifestant.

IN MEDITATIONEM II.

DE DEO,

Quod existat.

I.

Circa tertiam, ex eo quòd agnoveris claram distinctamque notitiam illius Propositionis, *Ego sum res cogitans*, causam esse certitudinis, quam de illa habes, inferre te posse statuere generalem hanc Regulam, *illud omne verum est, quod valde clarè & distinctè percipio*. Cæterùm licet hæcenus Regula nulla melior in tantarum caligine inveniri potuerit; cum videamus tamen ingenia tam magna, quæ videntur debuisse tam clarè tamque distinctè plurima percipere, censuisse rerum veritatem vel in DEO vel in puteo esse absconditam: an- non suspicari par est Regulam fortè esse fallacem? Et certè, cum tibi ignota Scepticorum argumenta non sint, quid est, quod possimus verum inferre, tanquam clarè & distinctè perceptum, nisi apparere id, quod cuique apparet? Ego saporem peponis gratum clarè distinctèque percipio: itaque verum est peponis saporem apparere mihi hujusmodi: At quòd propterea verum sit talem in ipso pepone esse, quomodo mihi persuadeam, qui puer cum essem, ac bene valerem, secus judicavi; nimirum clarè distinctèque alium in pepone saporem percipiens. Video & multis hominibus secus videri: video & multis animalibus, quæ gustu pollent, optimeque valent. An ergo verum vero repugnat; an potius, non ex eo, quòd aliquid

aliquid clarè distinctèque percipitur, id secundum se verum est, sed verum solummodò est, quòd clarè, distinctèque tale percipiat. Idem penè est dicendum de iis, quæ ad mentem spectant. Jurissem aliàs non posse à minore quantitate ad majorem transiri, nisi transeundo per æqualem; non posse item duas lineas, ad se se continuè magis accedenre, si producerentur infinitè, non tandem concurrere: nempe videbar mihi ista adeo clarè distinctèque percipere, ut pro axiomatibus verissimis indubitatissimisque haberem: & postea tamen fuere argumenta, quæ oppositum suaserint, veluti perceptum clariùs distinctiusque. Nunc vero rursus ambigo, cum ad Mathematicarum suppositionum naturam attendo. Quare & dici quidem potest verum esse me taleis taleisque propositiones agnoscere, prout quantitatem, lineas, & similia hoc se habere modo suppono, aut concipio: & quòd illæ propterea veræ secundum se sint, pronunciari tutò non potest. Et quicquid sit de rebus Mathematicis, Quæso te, quod ad cæteras, de quibus jam quæritur, spectat, cur-nam tot tamque variz sunt inter homines opiniones? Putat unusquisque se clarè distinctèque eam percipere, quam defendit: Et ne dicas plerosque aut hærare, aut fingere; sunc ecce, qui pro iis, quas habent, opinionibus, etiam mortem oppetant, tamen si videant alios pro oppositis opperentis: Nisi verò putas tum denum à pectore imò veras voces non ejici? Et attingis quidem ipse difficultatem, quòd prius multa & omnino certa ac manifesta admisisti, quæ postea deprehenderis dubia. Verùm hoc loco neque solvis, neque firmas Regulam; sed occasionem solum captas disserendi de Ideis, quibus deludi poteris, ut representantibus quidpiam extra te, quod extra te tamen fortassis non fuerit; iterumque tractas de DEO deceptore, à quo falli poteris circa illas propositiones, duo & tria sunt quinque; quadratum non habet plura latera, quam quatuor: Quo nempe innuas expectandam confirmationem Regulæ, donec Deum esse ostenderis, qui non possit esse deceptor. Quanquam, ut hoc præmoneam, non tam est tibi laborandum, ut confirmes hanc regulam, ex qua proclive adeò est fallum pro vero admittere, quàm ut proponas Methodum, dirigentem nos, ac doceantem, quando fallamur, aut non fallamur, quoties existimamus nos clarè distinctèque aliquid percipere.

2. Distinguis consequenter, Ideas (quas vis esse cogitationes, prout sunt tantquam imagines) in innatas, adventitias, falsitias. Et primi quidem generis status, quòd intelligas quid sit Res, quid veritas, quid cogitatio: Secundi, quòd strepitum audis, ignem videas, ignem sentias: Tertiū, quòd Sirenas, & Hippogryphes fingas; ac subdus posse forte omneis esse adventitias, vel omneis innatas, vel omneis factas; quatenus nondum originem illarum clarè perspexisti. Porro, ne aliqua interea, donec perspexeris, fallacia subrepat, adnotare placet videri omneis Ideas esse adventitias, procedere à rebus extra ipsam mentem existentibus, & cadentibus in aliquem sensum. Videlicet mens facultatem habet (vel ipsa potius facultas est) non perspicendi modo ipsas Ideas adventitias, seu quas ex rebus per

sensus trajectas accipit; perspicendi, inquam, nudas & distinctas, & omnino quales in se recipit; sed præterea illas variè componendi, dividendi, contrahendi, ampliandi, comparandi, & id genus similia. Hinc tertium saltem Idearum genus distinctum non est, à secundo: Nam Idea chimæra alia non est, quàm Idea capitis leonis, ventris capræ, caudæ serpentis, ex quibus mens unam componit, cum illæ seorsim, sive singulæ, adventitiæ sint. Sic Idea Gigantis, hominisve instar montis aut mundi totius concepti, non alia est, quàm adventitia, Idea putà hominis magnitudinis vulgaris, quàm mens ampliat pro libitu, tamen tantò confusius, quantò amplius concipit illam. Sic idea pyramidis, urbis, aut alterius rei non-nihil deformata, ac proinde confusa aliquà ratione multiplicata, comparataque. Quod spectat ad species, quas dicis innatas, ex profectò nullæ videntur, & quæcumque dicuntur tales, videntur originem quoque habere adventitiæ. *Habeo, inquit, à mea natura, quod intelligam quid sit Res.* Non puto verò te velle loqui de ipsa vi intelligendi, de qua nec dubium, nec quæstio est: sed potiùs de Idea Rei. Non loqueris etiam de Idea alicujus Rei particularis: nam Sol, hic lapis, omnia singularia, sunt Res, quarum esse Ideas innatas non dicis. Loqueris ergo de Idea Rei universè consideratæ, & prout cum Ente synonyma est, ac tam latè, quàm illud patet. Quæ sote verò hæc Idea quomodo esse potest in mente, nisi simul sint tot res singulares, illarumque genera, ex quibus mens abstrahat, formetque conceptum, qui nullius singularium proprius sit, & omnibus tamen conveniat? Profectò si Idea Rei innata est, innata quoque erit Idea animalis, plantæ, lapidis, omnium universalium. Nihilque erit opus, ut nos fatigemus ad internoscendum plura singularia, quo relectis variis discriminibus, id solum retineamus, quod videbitur omnibus commune, seu, quod idem est, generis Ideam. Dicis quoque te habere à tua natura, ut intelligas quid sit veritas, seu, ut ego interpretor, Ideam veritatis. Porro, si veritas nihil aliud est, quàm conformitas iudicii cum re, de qua fertur iudicium, Veritas est quædam relatio, ac proinde nihil distinctum ab ipsa re Ideaque ad se relatis; seu, quod idem est, ab ipsa rei idea: quippe quæ & se & rem, qualis est, repræsentat. Quare & non alia est veritatis idea, quam Idea rei, quatenus rei conformis est, seu quatenus ipsam repræsentat cujusmodi est, adeò proinde, ut si idea Rei non innata, sed adventitia sit; Idea quoque veritatis adventitia sit, non innata. Et cum id de qualibet re singulari intelligatur, intelligi etiam potest universè de veritate, cujus notio, seu Idea (ut jam dictum est de Idea Rei) ex notionibus, seu Ideis singularium eruitur. Dicis rursus te habere à tua natura, ut intelligas quid sit cogitatio (interpretor semper Ideam cogitationis): Verum, ut mens ex Idea unius urbis fingit Ideam alterius: Ita ex Idea unius actionis, ut visionis, vel gustationis, fingere potest Ideam alterius, ipsius putà cogitationis. Nempe analogia agnoscitur quædam

quædam inter facultates cognoscentes, unaque ad alterius notitiam facile deducit. Quamquam de Idea cogitationis laborandum non est: sed de Idea potius ipsius mentis, atque aded animo, quam si innatam dederimus, nihil erit incommodi admittere quoque Ideam cogitationis innatam. Quare & expectandum est, donec probata res fuerit de ipsa Mente, seu anima.

3. Videris postea *vertere in dubium non tantum, utrum Idea aliqua procedant ex rebus externis, sed etiam utrum omnino sint externa res aliqua*: Viderisque proinde inferre, *quamvis sint in te Idea rerum, quæ dicuntur externa, non tamen Ideas arguere, quod res sint, quoniam non ab ipsis necessario procedant: sed possint vel à te, vel modo alio nescio quo esse*. Hac puto de causa ante dicebas, te non percepisse prius terram, cælum, sidera; sed terra, cæli, siderum Ideas, à quibus posset esse delusio. Itaque, si nondum credis, terra, cælum, sidera, & cætera esse, cur, quæso, supra terram ambulas, promovesve corpus, ut respectes Solem? cur ducis ad ignem, ut calorem sentias? cur ad mensam, aut cibum, ut famem exsities? cur moves linguam, ut loquaris, aut manum, ut hæc ad nos scribas? Certe ista quidem aut dici, aut excogitari subtiliter possunt; at negotium nihil promouent: Et cum reverà non dubites, quin res istæ extra te sint, agamus seriò, ac bona fide, & ut res sunt, ita loquamur. Sin supposita existentia rerum externarum, putes abundè demonstratum, non posse nos ex illis mutuari quas habemus ipsarum Ideas: solvendæ tibi rationes sunt, non modò quas ipse tibi objicis, sed quæ præterea objici possunt. Scilicet ita accipis, *quasi idea admittantur provenire ex rebus, quia ita videmur docti à natura; & quia experimur illas à nobis, nostræque voluntate non pendere*. Verum ut nihil neque de rationibus, neque de solutionibus dicamus, opponendum quoque, & solvendum erat inter cætera, quamobrem in exco nato nulla sit Idea coloris, aut in furdo vocis: nisi quia istæ res externæ non potuerunt ex se immittere in infelicis illius mentem ullam sui speciem; quod fores à nativitate conclusæ, obicesque illis trajiciendis fuerint perpetuò positi. Urges postea *exemplum Solis, cuius cum duæ sint Idæ: una hausta ex sensibus, ut putà quæ parvis apparet: altera ex rationibus Astronomicis, quæ ingens esse concipitur: illa similior, ac verior est, quæ non ex sensibus ducta est, sed ex notionibus innatis elicitæ, vel quacumque alia ratione effecta*. Enimverò geminæ illæ Solis Idæ similes sunt, & veræ seu Soli conformes: scilicet una magis, alia minus, eodem modo, quo duæ ejusdem hominis Idæ una emissæ ex decimo passu, alia ex centesimo, aut millesimo, similes, & veræ, seu conformes sunt: sed illa magis, ista minùs, eò quod illa, quæ propior venit, deteritur minùs; quæ longius, magis, ut explicaretur, si liceret paucis, neque tu ipse satis caperes. Quod autem mente sola percipiamus vastam illam Ideam solis, non ea propereà elicitur ex innata quadam notione; sed ea, quæ per sensum incurrit, quatenus experientia probat, & ratio illi innixa confirmat, res distantes apparere minores seipsis vicinis: tantùm ampliatur ipsa vi mentis, quantum constat Solem à nobis

distare, exæquarique diametro sua tot illis terrenis semidiаметris. Et capere vis hujusce Idææ nihil à natura esse insitum? illam require ex cæco nato. Experiere primum non esse in illius mente coloratam, aut lucidam; experiere deinde neque esse rotundam, nisi quis illum monuerit, ipseque prius corpus rotundum manibus attrectaverit: experiere denique non esse tantam, nisi vel ratione, vel auctoritate motus præacceptam ampliaverit. Quanquam, ut istud interjiciam, quæso te, nos ipsi, qui toties solem conspeximus: qui toties apparentem ejus diametrum observavimus: qui toties de vera ratiocinati sumus: quæso te, inquam, habemus-ne aliam, quam vulgarem imaginem Solis? Colligimus quidem ratione esse Solem majorem terræ centum sexaginta, & pluribus vicibus: at propter eam Ideam-ne tam vasti corporis habemus? Amplius hanc sanè sensibus acceptam, quantum possumus: contendimus mentem quantum possumus: At nihil tamen aliud, quam tenebras meras nobis facimus: & quoties habere distinctam de Sole cogitationem volumus, oportet mens redeat ad speciem, quam intercedente oculo acceperit. Sufficit illi si non abnuat, quin Sol revera major sit, quam si oculus proprius admoveatur, ampliorem Ideam adeptura sit: & interea tamen quantam obtinet, ad tantam attendat.

4. Agnoscens deinde inæqualitatem, & diversitatem Idearum, *Procul dubio, inquis, illa, quæ substantiam mihi exhibent, majus aliquid sunt, atque, ut ita loquar, plus realitatis objectivæ in se continent, quam illa, quæ tantum modos, sive accidentia representant.* Et rursus illa, per quam summum aliquem Deum æternum, infinitum, omnipotentem, rerum omnium, quæ præter ipsum sunt, creatorem intelligo: plus profecto realitatis objectivæ in se habet, quam illa, per quas finitæ substantiæ exhibentur. Incedis porrò heic passu grandi. Quare non-nihil sistenda es. Ac non hæreo quidem circa id, quod vocas realitatem objectivam: Satis est, quod cum vulgò dicant res æternas esse subjective; seu formaliter in seipsis; objective autem, seu idealiter in intellectu; videaris tu nihil aliud velle, quam debere Ideam conformari rei, cujus est Idea: adeo ut repræsentativè nihil continueat, quod ipso facto non sit in ipsamet re: & tanto plus repræsentet realitatis, quanto res repræsentata plus realitatis in seipsis habuerit. Distinguis certè statim post realitatem objectivam à formali, quæ, ut interpretor, sit ipsa Idea, non ut repræsentans, sed ut entitas aliqua. Cæterum constat seu Ideam seu realitatem objectivam ejus, non esse mensurandam penes totam realitatem formalem rei, seu quam res ipsa habet in se: Sed penes eam duntaxat partem, cujus intellectus noticiam accepit: seu, quod est idem, penes noticiam, quam intellectus habet dere. Sic nempe esse in te dicitur Idea perfecta ejus hominis, quem attentè, & sæpius, & in omnem faciem circumspexeris: at illius, quem in transeursu, quem semel, quem ex parte solum videris: erit profecto imperfecta. Quod si non ipsum hominem, sed larvam faciei obductam, & vesteis corpus undequaque contegenteis adspexeris: aut dicendum est non esse in te illius Ideam; aut

aut si est aliqua, illam esse imperfectissimam, summęque confusam. Ex quo dico haberi quidem ideam distinctam germanamque accidentium; ac substantię sub iis latentis non-nisi confusam, fictamque ad summum. Adeo ut cum dicis *plus esse realitatis objectivę in Idea substantię, quàm in Idea accidentium*: primum, negandum sit substantię veram esse Ideam, seu representationem, atque idcirco ullam ipsius realitatem objectivam: ac deinde ubi fuerit aliqua concessa, negandum quoque sit eam esse majorem, quàm sit in Ideis accidentium, cum quicquid realitatis hujusmodi habet, habeat ex Ideis eorum accidentium, sub quibus, vel quorum instar concipi substantiam suprà diximus, declarantes illam concipi non posse nisi ut extensum, figuratum, coloratum aliquid. Circa id, quod subdis *de Idea Dei*, quæ se, cum tibi nondum constet an sit Deus, quomodo nōsti Deum representari per sui Ideam, summum, æternum, infinitum, omnipotentem, omnium creatorem? An non ex præconcepta de Deo notitia, quatenus audiisti illa attributa de Deo enunciari? Quippe si nihil tale hactenus audiisses, ita-ne describeres? Dices hoc jam solum afferri in exemplum, absque eo, quod quidpiam adhuc definiatur. Esto: sed vide ne postea id habeas quasi præjudicatum. Dicis esse in Idea Dei infiniti plus realitatis objectivę, quàm in Idea rei finitę. Sed primo, cum humanus intellectus non sit concipiendę infinitatis capax: ideo neque habet, neque respicit Ideam infinitę rei representatricem. Quare & qui infinitum quid dicit, attribuit rei, quam non capit, nomen quod non intelligit; quoniam ut res extenditur ultra omnem illius captum; ita finis negatio extensioni illi attributa ab eo non intelligitur, cujus intelligentia sine aliquo semper coercetur. Deinde, cum maximę quęque perfectiones soleant Deo attribui; videntur et omnes desumptę ex rebus, quas vulgo miramur in nobis, cujusmodi sunt diuturnitas, potentia, scientia, bonitas, beatitudo, &c. quę quantum possumus ampliantes, pronunciamus Deum æternum, omnipotentem, omniscium, optimum, beatissimum, &c. Quę Idea porro hæc omnia representat, non habet propterea plus realitatis objectivę, quàm habeant res finitę simul sumptę, ex quarum Ideis, Idea illa compacta est, ac deinde modo jam dicto adaucta. Nam neque qui dicit æternum, complexitur propterea mente totam extensionem ejus durationis, quę nunquam cępit, & nunquam desinitur est: neque qui omnipotentem, totam multitudinem effectuum possibilium, atque ita de cæteris. Postremo ecquis dici potest habere ideam de Deo germanam, seu quę representet Deum qualis est? Quam pusilla res esset Deus, nisi esset alius, haberetque alia, quàm nostra hæc quantillacumque? An non censenda est esse minor perfectionum proportio inter Deum, & hominem, quàm inter elephantem, & intercutaneum animalculum acari? An ergo, si quis ex observatis acari perfectionibus, efformaret in se Ideam, quam elephantis diceret, germanamque asseveraret, ineptissimus

haberetur : & sibi plaudet, si quis ex visis hominis perfectionibus, Ideam efformet, quam & Dei esse, & germanam esse contendat? Quæso etiam pauculas istas, quas in nobis esse deprehendimus, quomodo in Deo agnoscimus esse? Esse ubi agnoverimus, qualem-nam licebit propterea ejus essentiam imaginari? Est profecto Deus supra omnem captum infinitis intervallis; & cum mens nostra ad illius contemplationem comparatur, non modo caligat, sed & nulla est. Quare neque est, cur dicamus germanam ullam esse Ideam, quæ Deum repræsentet; abundeque est, si ex analogia harum rerum nostratum, qualemcumque, & ad usum nostrum eliciamus, formemusque ideam, quæ captum humanum non superet, neque realitatem contineat, quam in rebus cæteris, cæterarumve rerum occasione non percipiamus.

5. Assumis consequenter, *manifestum esse naturali lumine, tantumdem ad minimum debere esse in causâ efficiente, & totali, quantum in effectu est*; idque ut inferas, *tantumdem saltem debere realitatis formalis in causâ Ideâ, quantum objectivæ in Ideâ est*. Passus nempe hic etiam grandis, & in quo non nihil consistendum sit. Primo vulgare illud dictum, nihil esse in effectu, quod non sit in causâ, videtur debere potius de materia, quàm de efficiente intelligi. Quippe efficiens externum est, & diversæ plerumque naturæ ab effectu. Et quamvis effectus dicatur habere realitatem ab efficiente; habet tamen non quam efficiens habeat necessario in se, sed quam mutuari aliunde possit. Patet res perspicue in effectu artis. Nam quamvis domus habeat totam suam realitatem ab artifice; artifex tamen illam non à se, sed aliunde acceptam tribuit. Idem facit Sol, cum materiam inferiorem variè commutat, variaque animalia procreat; imo etiam parens, à quo licet proles habeat materiam aliquid; illud tamen non ut à principio efficiente, sed ut à materiali habet. Quod objicis *esse effectus debere vel formaliter vel eminenter contineri in causâ*, nihil amplius arguit, quàm effectum aliquando habere formam similiter formæ suæ causæ, aliquando dissimilem, & imperfectiorem quidem, aded ut forma causæ supra illam emineat. Sed non sequitur ut propterea vel eminens causa det aliquid de suo esse, vel quæ continet formaliter, patiatur suam formam cum effectu: Nam & quamvis id fieri videatur in generatione viventium, quæ est ex semine; non dices tamen, opinor, patrem, cum generat filium, rescere, dareque illi rationalis animæ partem. Uno verbo, causa efficiens non aliâ ratione continet effectum, quàm quatenus illum ex certa materia adumbrare potest ac perficere.

Deinde circa illud, quod inferis *de realitate objectivâ*, exemplum usurpo imaginis meæ, quæ spectari potest, vel in speculo, cui me objicio, vel in tabula, quam pictor adornat. Utenim ego ipse sum causa imaginis in speculo, quatenus ex me emitto mei speciem in speculum, & pictor causa imaginis, quæ exhibetur in Tabula: Ita cum idea vel imago mei sit in te, vel quovis alio intellectu, quæri potest, an ego ipse sim causa illius, quatenus emitto mei speciem in oculum, &c. intercedente

recedente oculo in ipsum usque intellectum: an verò sit causa quæpiam alia quæ illam quodam quasi penicillo, stylove in intellectu delineet. Videtur porro non alia causa præter me esse requirenda; nam & quamvis postea intellectus mei ideam ampliare, minuire, componere, aliâ ratione tractare possit; ipse sum tamen causa primaria totius realitatis, quam illa habet in se: & quod hec dicitur de me, idem intelligendum est de quolibet objecto externo. Jam realitas illa ideæ distinguitur duplex per te; & formalis quidem alia esse non potest, quàm tenuis illa substantia, quæ ex me effluxit, & in intellectu recepta, inque ideam conformata est. (Nisi velis autem speciem ex objecto procedentem effluxionem esse substantialeni, fac quodcumque lubuerit, realitatem semper imminues.) Objectiva autem nihil esse potest præter representationem seu similitudinem mei, quam gerit idea: aut certè præter symmetriam, qua partes ideæ ita disponuntur, ut me referant. Quocumque modo acceperis, nihil esse quidem reale videtur, quoniam est sola relatio partium inter se, & ad me, vel modus realitatis formalis, quatenus hoc modo confirmata est: sed nihil refert; dicatur, quia placet, realitas objectiva. Hoc posito, videreris tu quidem debere comparare realitatem formalem ideæ cum realitate mea formali, seu cum mea substantia: & realitatem objectivam ideæ cum symmetria partium mei, seu delineatione, & forma externa: at placet tamen tibi comparare realitatem objectivam ideæ cum realitate mea formali. Porro quicquid sit de explicatione superioris axiomatis, patet non modò esse in me tantundem realitatis formalis, quantum est objectivæ in mei idea: sed realitatem etiam formalem ideæ nihil penè esse respectu meæ formalis, seu totius meæ substantiæ. Quocirca & tibi concedendum esse, tantum idem saltem esse debere realitatis formalis in causa idea, quantum objectivæ in idea est, quando totum quicquid in idea est, nihil penè est comparatione ipsius causæ.

6. Subsumis, si in te sit idea, cuius realitas objectiva sit tanta, ut nec eminenter nec formaliter illam continueris, atque adeò illius causæ esse non poteris; tum de-
mum sequi necessariò existere aliquid præter te in mundo: cum secus carceris argu-
mento, quo certum redderis esse aliquid. Verum ex jam dictis tu causâ non es
realitatis idearum; sed ipsæmet res per ideas representatæ, quatenus emittunt
imagines sui in te, ut in speculum: licet tu ex ipsis occasionem possis aliquando
sumere chinixarum depingendarum. Sed seu ipsâs causâ, seu non: an prop-
terea incerta es, esse aliquid præter te in mundo? Bona verba, quæso: nam opus
non est, ut, quicquid de ideis sit, argumenta ad id quæramus. Percutris dein-
ceps Ideas, quæ in te sunt; ac præter ideam tuam, numeras ideas Dei, rerum corpora-
rum inanimatarumque, angelorum, animalium, hominum: idque, ut cum de idea
tui difficultatem non esse dicas, inferas ideam hominum, animalium, angelorum,
compos posse ex iis, quas habes tui, Dei, rerum corporalium: & ideam rerum cor-
poralium potuisse quoque à te proficisci. Hoc verò loco mirari subit, qui di-
caris habere ideam tuam (& fecundam adde, ut ex illa possit tot alias depromere,)

ac rem

ac rem carere difficultate: cum reverà tamen aut ideam tui nullam habeas, aut illam admodum confusam, atque imperfectam, prout jam observavimus in superiore meditationem. Et inferebas tu in illa, nihil facilius, atque evidentius ac te percipi, quàm te ipsam: Quid si, cum non habeas, nec habere possis tui ideam, dicaris posse quidvis aliud facilius, atque evidentius, quàm te ipsam percipere? Cogitanti certè mihi quorsum fieri possit, ut neque visas seipsum videat, neque intellectus seipsum intelligat: Illud in mentem subiit, quòd nihil agat in se ipsum: Quippe nec manus (aut in ipsa digitus summus) se verberat; nec pes sibi calcem impingit. Cum aliunde verò ad notitiam alicujus rei elicendam, necesse sit rem agere in facultatem cognoscentem: immittere nempe in illam sui speciem, sive sui specie illam informare: perspicuum videtur ipsam facultatem, cum extra se ipsam non sit, non posse illam sui speciem in seipsam transmittere, neque sui notitiam consequenter elicere, sive, quod idem est, percipere seipsam. Et quare putas oculus, cum se in seipso non videat, videt tamen in speculo? Nempe quia inter oculum speculumque est interstitium, & oculus ita agit in speculum, immitte in illud sui speciem, ut speculum in ipsum reagat, propriam ejus speciem in illum remittens. Dato mihi porrò speculum, in quod ipsa perinde agas: spondeo fore, ut eo reflectente in te ipsam tui speciem, tum demum te, non directà quidem, sed reflexà tamen cognitione percipias: quousque autem non dederis, spes non est, ut te ipsam nôris. Possem heic quoque insistere, quòd dicaris habere ideam Dei, nisi forè qualem, & quo modo jam diximus? Quò Angelorum? de quibus nisi aliquid audivisses, nescio an unquam cogitasses? Quò animalium, cæterarumque rerum, quarum, si in sensus non incidissent, penè certus sum te nullas ideas fuisse habituram: ut & nullas habes innumerarum rerum, quarum ad te neque ad spectus neque fama pervenit? Sed his dimissis, illud admitto, ideas diversarum rerum in mente existentis ita posse componi, ut plures aliarum formæ coarctantur, tametsi quas enumeras, non videantur sufficere ad istam tantam diversitatem, imò neque ad distinctam, determinatamque certæ cujuspiam rei ideam. Hæreo autem solùm circa ideas rerum corporearum, quòd difficultas non parva sit, quomodo ex sola tui idea, dum te pro incorporea geris, teque ut talem consideras, eas deducere ex te possis. Nam si solam substantiam incorpoream nôsti, quomodo fieri potest ut capias præterea substantiam corpoream? Estne aliqua inter hanc & illam analogia? Dicis, utramque convenire in eo, quòd sit apta existere; at ista convenientia non intelligitur, nisi prius res utraque quæ convenit, intelligatur. Notionem quippe communem facis, quæ priusquam formetur, oportet particularia intelligi. Profectò si ex intellecta substantia incorporea potest intellectus formare ideam substantiæ corporeæ: non est cur dubitemus, quin cæcus, vel qui à nativitate detentus fuerit in densissimis tenebris, formare apud se ideam & lucis & colorum possit. Dicis, posse consequenter haberi ideas extensionis, figuræ, motus, aliorumque sensibilibus communium: sed facile ni-

mirum

mirum dicis. Id mirum, cum non lucem, colorem, alia, facilitate pari deducas: verum immorantur in illis non est.

7. Concludis, itaque sola restat idea Dei, in qua considerandum est, an aliquid sit, quod à me ipso non potueris proficisci. De nomine intelligo substantiam quandam infinitam, independentem, summè intelligentem, summè potentem, & à quam ego ipse, tum aliud omne, si quid aliud extat, quodcumque existat, est creatum. Quæ sanè omnia talia sunt, ut quo diligentius attendo, tanto minus à me solo profecta esse posse videantur: ideoque ex antedictis Deum necessario existere est concludendum. Scilicet huc est, quo tendebas. Ego vero, ut conclusionem amplector: ita non video qui sic concludas. Dicis ista, quæ de Deo intelligis, huiusmodi esse, ut proficisci à te solo non potuerint, id nempe intendis, ut debuerint ab ipso Deo proficisci. Sed primum nihil veriùs est, quàm quòd à te solo profecta non fuerint, seu quod illorum intelligentiam à te, vel te duntaxat non habueris: sunt enim profecta, habitaque à rebus, à parentibus, à Magistris, à Doctoribus, à societate hominum, in quæ versatus. At mens sola sum, inquires: nihil admitto extra me; ne aures quidem quibus audiverim, neque homines mecum colloquutos. Hæc dicere potes, sed diceres-ne, nisi auribus nos audires, ac nisi essent homines, à quibus verba acciperes? Loquamur seriò, & dic bonâ fide: Voces illas, quas de Deo effers nonne habes à societate hominum, quibus convixisti? Et cum ab illis voces habeas, nonne & notiones subiectas designarasque vocibus? Igitur non sint à te solo, videntur tamen non propterea à Deo, sed aliunde esse. Deinde quidnam in illis est, quod acceptâ primum à rebus occasione, habere ex teiplo deinceps non potueris? An-ne propterea aliquid capis, quod sit supra humanum captum? Sanè si intelligeres Deum, cujusmodi est, esset cur à Deo te doctum putares: hæc vero omnia, quæ Deo attribuis, nihil aliud sunt, quam observatæ aliquæ in hominibus aliisque rebus perfectiones, quas mens humana valeat intelligere, colligere, & amplificare, ut aliquoties dictum jam est.

Dicis, cum ex te possit esse idea substantia, quia substantia est: non posse tamen ideam substantia infinita, quia infinitus non est. Verum nulla est propterea in te infinitæ substantiæ idea, nisi nomine tenus, & quatenus homines comprehendere (quod est reverà non comprehendere) infinitum dicuntur: adeo ut necesse proinde non sit talem ideam à substantia infinita proficisci; ea nempe fieri componendo ampliandoque potest: quemadmodum jam dictum est. Nisi cum præsei philosophiæ comprehenso hoc visibili spatio, hoc unico mundo, his paucis principiis, ipsorum ideas sic in se habuerunt, ut illas ampliantes ideas efformaverint infiniti universi, infinitorum mundorum, infinitorum principiorum: dicturus sis illos non efformasse tales ideas ex visu mentis: sed eas processisse in mentem ex infinito universo, infinitis mundis, infinitis principiis? Quod defendis autem te percipere infinitum per veram ideam: sanè, si illa esset vera, repræsen-

præfentaret infinitum cujusmodi est, ac proinde perciperes quod est in ipso præcipuum, & de quo nunc agitur, videlicet infinitatem. Verum cogitatio tua semper terminatur ad finitum aliquid, solumque infinitum dicit, quia non percipis quod est ultra tuam perceptionem : ut proinde non malè censearis percipere infinitum per negationem finiti. Neque sufficit dicere, *percipere te plus realitatis in infinita substantia, quàm in finita.* Oporteret enim te percipere realitatem infinitam, quod tamen non facis. Quin etiam reverà non plus percipis : quoniam finitam solum amplias, ac deinde imaginariis esse amplius realitatis in eo, quod dilatatum est : quàm in eodem, dum est contractum. Nisi velis quoque Philosophos illos plus percepisse realitatis, quæ reverà esset, cum pluribus mundos conciperent, quàm dum unicum in mente haberent. Ex quo obiter adnoto causam, cur mens nostra tanto magis confundatur, quanto aliquam speciem sive ideam magis ampliat, ex eo esse videri, quod hujusmodi speciem à suo situ distrahit, distinctionem partium illi admittit, ac ita totam attenuat, ut tandem evanida fiat. Ne memorem, mentem perinde confundi ob causam oppositam, cum nimis contrahit ideam.

Dicis non ob stare, quod non comprehendas infinitum, aut omnia, quæ in illo sunt : sed sufficere, ut pauca quadam intelligas, quo veram, & maxime claram distinctionemque ideam habere dicaris. Imò verò non habes veram ideam infiniti, sed finiti solum, si non comprehendas infinitum, sed finitum dumtaxat.

Dici potes ad summum cognoscere partem infiniti ; at non propterea ipsum infinitum : ut ille qui nunquam egressus specum subterraneam, dici quidem potest cognoscere partem mundi, at non propterea ipsum mundum : adeò ut propterea ineptus evasurus sit, si tam angustæ partis ideam censet esse ideam veram germanamque totius mundi. At, inquis, de ratione infiniti est, ut à te, qui finitus es, non comprehendatur. Credo equidem : at non est de ratione veræ ideæ rei infinitæ, ut illius tantum partem minimam, sive potius nullam, ob nullam eum toto proportionem repræsentet, Sufficere ais, ut pauca hæc à te clarè percepta intelligas ? Sed nempe, ut sufficit videre extremum capillum ejus hominis, cujus vis habere germanam ideam. An non esset mei egregia effigies, si pictor unum mei capillum, ejusve extremum duntaxat depingeret ? At minor, non dico longè, aut longissimè, sed infinitè etiam est proportio eorum omnium quæ de infinito, seu de Deo cognoscimus, quàm unius mei capilli, apicisve ejus ad me ipsum totum. Uno verbo, hæc de Deo nihil probant, quod non probent etiam de infinitis illis mundis ; ac tanto magis, quanto illi potuerunt clarius ex hoc uno clarè perspecto intelligi, quàm Deus, vel ens infinitum ex tua substantia, quæ cujusmodi sit nondum tibi constat.

8. Argumentaris aliunde sic : *Quà enim ratione intelligerem me dubitare, me cupere, hoc est aliquid mihi deesse, & me non esse omnino perfectum, si nulla idea entis perfectioris in me esset, ex cujus comparatione defectus meos agnoscerem ?* Verum fide

si de re aliqua dubitas, si aliquam cupis, si agnoscis quidpiam tibi deesse, quid mirum; cum non nôris omnia, cum non sis omnia, cum non habeas omnia? Agnoscis te non esse proinde omnino perfectum? Et hoc profectò verum est, dicique citra invidiam potest. Ergo intelligis esse aliquid te perfectius? Quid-ni? tametsi quicquid cupis non sit semper te, quacumque ratione, perfectius. Quippe cum panem desideras, non est paniste vel corpore tuo unde quaque perfectior: sed perfectior solum eâ inauitate, quæ in stomacho tuo est. Quomodo ergo colligas esse aliquid te perfectius? Nempe quatenus vides universitatem rerum, quæ & te, & panem, & cætera complectitur: adèd ut, cum singulæ partes universi aliquid perfectionis habeant, & aliz aliis inserviant, advenireque valeant; facile sit intelligere plus perfectionis esse in toto, quam in parte; ac proinde te, cum sis solum pars, debere agnoscere quidpiam te perfectius. Hoc igitur modo esse potest in te idea entis perfectioris, ex cujus comparatione defectus agnoscas. Ut præteream posse quoque partem alias perfectiores esse; te cupere quod illæ habent, & ex iisdem tecum comparatis posse tuos defectus agnoscere. Quippe cognoscere potuisti hominem, qui foret sanior, robustior, pulchrior, doctior, moderatior, ac proinde perfectior: neque fuit tibi difficile concipere illius ideam, & ex illius comparatione intelligere, non esse in te gradum sanitatis, roboris, aliarumque perfectionum, quæ in illo forent.

Obijcis tibi postmodum, *Sed forte majus aliquid sum, quàm ipsa intelligam, omnesque ille perfectiones, quas Deo tribuo, potentiâ quâdam in me sunt, etiamsi nondum ad actum redcantur, ut fieri potest, si mea cognitio magis magisque augeatur in infinitum.* Respondes autem, *Ut verum sit meam cognitionem gradatim augeri, & multa esse in me potentiâ, qua actum nondum sunt, nihil tamen horum ad ideam Dei pertinet, in qua nihil est potentiale: namque hoc ipsum, gradatim augeri, certissimum est imperfectionis argumentum.* Porro verum quidem est, illa, quæ in idea percipis, esse actum in ipsa idea: at non sunt tamen propterea actum in ipsamet re, cujus est idea, Architectus quippe sibi fingit ideam domus, quæ idea actu constat ex designatis parietibus, tabulatis, rectis, fenestris, &c. Et tamen domus illa, ipsiusque partes, nondum actu sunt, sed potentiâ tantum. Sic illa Philosophorum idea continet actu infinitos mundos: at non dices propterea illos infinitos actu esse. Quare si ve quid in resit, si ve non sit potentia: satis est, quod idea vel cognitio tua gradatim augeri, ampliari ve possit: neque propterea inferri debet, quod per eam repræsentatur, cognoscitur ve, actu esse. Quod agnoscis deinde *cognitionem tuam nunquam fore infinitam*, ultro accipitur: sed nempe agnoscere debes, neque fore in te unquam veram germanamque Dei ideam, de quo semper amplius (imò infinitè) cognoscendum restet, quàm de homine, cujus videris extremum duntaxat capillum. Certe & nisi hominem illum totum videris: vidisti tamen alium, ex cujus comparatione aliquam facere de illo conjecturam valeas: at aliquid simile Deo, illiusque immensitati, nunquam est datum cognoscere.

Dicis *te judicare Deum ætèrnum infinitum, ut nihil perfectioni ejus addi valeat.* Sed judicas nempe quod ignoras, & ex præsumptione solum judicas, ut judicabant Philosophi infinitos mundos, infinita principia, ac infinitum universum, cujus immensitati nihil addi posset. Quod subicis *esse objectivum ideam non pendere ab esse potenciali, sed ab actuali,* vide quò possit esse verum, si verum sit, quod jam diximus de idea Architecti, & antiquorum philosophorum, ac præsertim ubi memineris hujusmodi ideas constatas esse ex aliis, quas intellectus præhabuerit ab existentibus actu causis.

9. Quæris deinceps, *an jam habens ideam entis te perfectioris, esse ipsa posses, si tale ens nullum existeret?* Et respondes, *Nempe à quo essem? à me scilicet? vel à parentibus? vel ab aliis quibuscumque Deo minus perfectis?* Probas consequenter, *Te non esse à te:* Sed hoc nihil necesse. Rationem etiam reddis, *cur non semper fueris:* sed id quoque superfluum; nisi quatenus vis simul inferri debere, te causam tuam non productricem modò, sed & conservatricem. Nempe *ex eo, quòd tempus vite in multis partibus habet, inferi te creari debere in partibus singulis ob mutuatam illarum à se independentiam.* Se vide quò id intelligi possit. Nam sunt nonnulli quidem effectus, qui ut perseverent, neque momento quolibet deficient, indigent præsentia, continuaque efficientia causæ per quam primum esse coeperunt, cujusmodi est solis lux (quanquam hujusmodi effectus non tam iidem re ipsa sunt, quam æquivalenter, ut de fluminis aqua dicitur:) ac videmus alios qui perseverent non modò eà causâ, quam agnoscunt, non amplius agente, sed, si velis, etiam corruptâ, reductâque in nihilum. Hujus generis sunt tot res genitæ factæque, ut recensere pigeat: sufficitque te esse unam ex illis, quæcunque tandem tui causa sit. *At partes tui temporis non dependent alia ab alia?* Heic instari posset, quænam sit excogitabilis res, cujus partes sint à se invicem inseparabiles magis? inter cujus partis sit inviolabilior series & connexio; cujus quæ sunt partes posteriores possint minus avari, magis coherere, magis dependere à prioribus? Sed ne hæc urgeamus, quid propterea facit hæc seu dependentia seu independentia partium temporis, quæ externæ sunt, successivæ sunt, activæ non sunt, ad tui productionem, reproductionemve? Profectò nihil magis, quam fluxus, ac pertransitio partium aquæ, ad productionem reproductionemve alicujus rupis, quam fluvius præterfluit: *At ex eo quòd paulò ante fueris, non sequitur te nunc esse debere?* Credo sanè: verum non ex eo quòd causa requiritur, quæ te de novo creet: sed quòd non teneatur abesse causa, quæ te possit destruere; vel tu non debeas in te habere imbecillitatem, quâ tandem deficias.

Dicis proinde *esse manifestum naturali lumine, conservationem à creatione non nisi ratione differre.* Sed quomodo est manifestum, nisi fortè in ipsa luce, effectibusve similibus? Subdis non esse ut evim, per quam paulò post sis futura, quòd consciat illi non sis, cum sis tamen res cogitans. Verum est in te aliquævis, quâ

quâ possis existimari te quoque paulò post futuram: non tamen necessariò aut indubiè, quia illa tua vis, seu naturalis constitutio, quæcumque ea sit, eo non extenditur, ut omnem causam corruptentem, seu internam, seu externam atceat. Quare & futura es, quòd vim habeas, non quæ te de novo producat, sed quæ, ut perseveres, præstare sufficiat, nisi corruptens causa superveniat: quod autem colligis *dependere te ab aliquo ente diverso à te*, bene colligis; non tamen quasi de novo ab eo producaris: sed quasi producta ab ipso olim fueris. *Pergis tale ens non esse parentes, aliasve causas quolibet.* Sed quare parentes non sint à quibus videris adeò manifestè unà cum corpore producta, ne aliquid dicam de Sole, cæterisque causis concurrentibus? *At ego*, inquis, *sum res cogitans, ideamque Dei in me habens?* Verùm nonne parentes tui mentesve illorum fuere quoque res cogitantes, habentesque ideam Dei? ut propterea heic urgeri non debeat essatum illud de quo jam antè, *tantumdem ad minimum esse debere in causa, quantum in effectu.* Si sit, alia, inquis, *prater Deum causa, quari potest, an sit à se, vel ab alia?* Nam si à se, erit Deus, si ab alia, toties quæretur, donec ad illam perveniamur, quæ à se, & sit Deus; cum in infinitum progredi non liceat. Verum si causâ fuere parentes, ea potuit esse, non à se, sed ab alia, illaque rursus ab alia, atque ita in infinitum. Neque absurdum probaveris progressum istû infinitum, nisi simul probes coëxisse aliquando mundum, ac ideo fuisse parentem primum, cujus parens non fuerit. Infinitus certè progressus videtur duntaxat absurdus in causis ita inter se connexis subordinatisque, ut inferior agens sine superiore movente non possit: ut dum lapis quidpiam impellit, impulsus à baculo, quem impellit manus, vel cum infimus annulus catenæ pondus trahit, tractus ipse à superiore, & iste ab alio; sic enim perveniendum est ad unum movens, quod primum moveat. At in causis ita ordinatis, ut priore destructâ, eâ, quæ ab illa pendet, supersit, possitque agere, non videtur esse perinde absurdum. Hinc cum dicis *satis apertum, progressum heic infinitum non dari*: vide an fuerit adeò apertum Aristoteli, qui persuasus tantopere fuit nullum fuisse parentem primum. Pergis, *neque plures casus partiales ad te efficiendum convenisse, ex quibus ideas variarum perfectionum Deo attributarum acceperis; cum illa reperiri non possint, nisi in uno, ac solo Deo, cujus unitas, seu simplicitas est præcipua perfectio.* Verumtamen, seu una, seu plures tui causæ fuerint, non est propterea necesse, ut illæ in te impresserint suarum perfectionum ideas, quas adunare poteris. Interea verò occasioem facis quærendi à te, cur nisi plures tui causæ, saltem res plures esse poterint, quarum perfectiones mirata, beatam illam rem duxeris, in qua existerent omnes simul? Nôsti ut Pandoræ Poetæ describant: Quid-ni tu mirata in hominibus variis eminentem quandam scientiam, sapientiam, iustitiam, constantiam, potentiam, sanitatem, pulchritudinem, beatitudinem, diuturnitatem, & alia, componere hæc omnia non potuisti, & suspiciendum existimare, si quis omnia simul haberet? Cur non deinceps omnes perfectiones variis gradibus adaugere?

donec

donec ille magis videretur suspiciendus, si ejus scientiæ, potentiæ, durationi, & cæteris nihil deesset, addive posset, sicque foret omniscienti, omnipotens, æternus, & cætera omnia? Et cum videres tales perfectiones in humanam naturam cadere non posse, cur non potuisti existimare beatam fore illam naturam, si cui ista competerent? Cur non dignum putare investigatione, talisne esset aliqua, an non? Cur non argumentis quibusdam induci, ut consentaneum magis videretur esse, quàm non esse? Cur non consequenter ipsi adimere corporeitatem, limitationem, & cætera omnia, quæ imperfectionem quandam connotarent? Ita profecto processisse plurimi videntur; cum existentibus tamen variis ratiocinationis modis, gradibusque, aliqui corporeum reliquerint Deum, aliqui membra humana habentem, aliqui non unum, sed multiplicem, & quæ sunt alia nimis vulgaria. Circa illud de perfectione unitatis: nihil repugnat omneis perfectiones Deo attriburas concipere, ut infimè junctas, & inseparabiles; tamen si idea, quam habes illarum non ab ipso fuerit in te posita, sed à te hausta ex rebus perspectis, ampliataque, ut dictum est. Sic certè depingunt non modo Pandoram omnibus donis perfectionibusque ornata deam: sed perfectam etiam Rempublicam, perfectum Oratorem, &c. Denique ex eo, quod existas, entisque perfectissimi ideam in te haberas, concludis demonstrari evidentissimè existere Deum; At, cum conclusio vera sit, Deum nempe existere; non apparet tamen ex dictis, eam esse à te evidentissimè demonstratam.

10. Superest, inquis, ut examinem, quâ ratione ideam istam à Deo accepi: neque enim illam à sensibus hausi, nec etiam à me efficta est (nam nihil ab illa detrabere, nihil illi superaddere plane possum) ac proinde superest, ut mihi sit innata; quemadmodum etiam mihi est innata idea mei ipsius. Enimverò ut illam partim haurire à sensibus, partim effingere potueris, aliquoties jam dictum est. Quod autem dicis te nihil posse illi addere aut detrabere, cogita ut initio non æquè perfectam habueris: cogita ut possint esse homines, vel angeli, aut aliæ naturæ te doctiores, à quibus aliqua moneri de Deo valeas, quæ nondum novisti: Cogita posse saltem Deum te sic erudire, eaque claritate sive in hac vita, sive in alia perficere, ut reputari nihilum, quicquid de illo jam nōsti, possit. Quicquid demum sit, cogita, ut ex perfectionibus rerum creaturarum fieri adscensus valeat ad cognitionem perfectionum Dei, & ut illæ omnes non uno momento noscuntur, possintque & plures & plures in dies detegi: ita posse ideam Dei non uno momento haberi perfectam, sed magis magisque in dies perfectiorem. Pergis, & sanè non mirum est, Deum in creando ideam illam mihi indidisse, ut esset tanquam nota artificis operi suo impressa. Nec opus est, ut nota illa sit aliqua res ab opere ipso diversa: sed ex hoc uno, quod Deus me creavit, valde credibile est me quodammodo ad imaginem, & similitudinem ejus factum esse: illamque similitudinem, in qua idea Dei continetur, à me percipi per eandem facultatem, quæ ego ipse à me percipior: hoc est, dum me ipsum intelligo, non modo intelligo me esse rem incompletam, & ab alio dependen-

dependentem, remque ad majora sive meliora indefinitè aspirantem: sed simul etiam intelligo illum, à quo pendeo, majora ista omnia non indefinitè, & potentia tantum, sed re ipsa infinitè in se habere, atque ita Deum esse. Ac tu speciosè quidem hæc omnia, ipseque non esse vera non objicio: sed quæsierim tamen, undenam probentur? Ut antedicta enim præteream, Si idea Dei est in te, ut nota artificis operi impressa, quis-nam est modus impressionis? Quæ-nam est forma istius notæ? quonam modo illam discernis? Si non est aliud ab opere, sive à re ipsa: tu ipsa ergo es idea? tu ipsa nihil aliud es, quàm cogitationis modus? tu ipsa es & nota impressa, & subiectum impressionis? *Credibile est, inquis, te factam ad imaginem & similitudinem Dei:* Credibile sanè religiosâ fide: at ratione naturali, qui liceat intelligere, nisi Deum facias hominiformem? Et, in quo-nam consistere potest hæc similitudo? An tu cum sis pulvis, & cinis præsumere te similem potes æternæ illi, incorporeæ, immensæ, perfectissimæ, gloriosissimæ, & quod caput est, invisibilissimæ, incomprehensibilissimæque naturæ? An illam de facie novisti, ut tecum ipsa comparans, asservere conformem possis? *Credibile dicis ex eo, quod creavit:* sed ex eo potius incredibile est. Siquidem opus operanti simile non est, nisi cum ab eo generatur per communicationem naturæ. At tu hoc modo genita à Deo non es; neque enim es ejus proles, naturæve ejus particeps: sed creata solum es, hoc est ab eo ficta secundum ideam; adeò ut non possis te dicere illi magis similem, quàm sit domus fabro murario. Atque id quidem suppositâ, tui, quam nondum probasti, à Deo creatione. *Percipis, inquis, similitudinem, dum intelligis te rem completam, dependentem, & ad majora melioraque aspirantem.* Sed quare non hoc potius sit dissimilitudinis argumentum: cum Deus ex opposito sit completissimus, independentissimus, sibi sufficientissimus, quippe maximus, optimusque? Ut præteream, cum te dependentem intelligis, non propterea statim intelligere te, id à quo dependes, esse aliud, quàm parentes: vel si aliud intelligis, non subesse causam, cur te ipsi similem putes. Ut præteream quoque mirum esse, cur non cæteri hominum sive mentium, idem, quod tu, intelligant: ac præsertim, cum non sit ratio, cur non credatur Deum illis, perinde ac tibi, impressisse ideam sui. Profectò vel hoc unum arguit non esse ideam à Deo impressam: quandoquidem si ita esset, & omnibus, & simul una eademque impressa esset, hominesque omnes conciperent Deum simili forma ac specie; eadem illi tribuerent; eadem planè de eo sentirent; cum oppositum tamen notissimum sit. Sed de his tamen multa jam nimis.

IN MEDITATIONEM IV.

De Vero, & Falso.

I.

Circa quartam, Recenses initio quæ putas in superioribus demonstrata, quibusque factam viam præsumis ad progrediendum ulterius. Ipse, ne remota

ram injiciam, non infistam continuò debuissè te illa firmitus demonstrare; abundè erit, si memineris quid concessum fuerit, quid non: neres trahatur in præjudicium. Ratiocinarius consequenter non posse Deum fallere te, & ut facultatem fallacem, erroris obnoxiam, quam ab ipso habes, excuses, conjicis culpam in nihilum, cujus tibi ideam quandam observari dicis, ex quo te ais participare, inter quod, & Deum te medium assumis. Ac pulchra quidem ratiocinatio: sed ut præteream explicari non posse quomodo habeatur, aut qualis sit nihili idea, quomodo participemus ex nihilo, & alia; observo solum, ex distinctione hac non tolli, quin Deus potuerit dare homini facultatem judicandi erroris immunem. Nam quamvis non dedisset infinitam, ejusmodi tamen dare poterat, quæ errori assentiretur, adeo ut, quæ nõssèt quidem, ea clarè perciperet; quæ non nõssèt, non pronunciaret esse hujusmodi, potiùs quàm alia. Id tibi objiciens, *non mirandum censes, si aliqua à Deo fiant, quorum rationem non intelligat.* Et id quidem rectè, sed mirandum tamen, esse in te ideam veram, quæ repræsenteret Deum omniscium, omnipotentem, omnino bonum, & videre te nihilominus aliqua ejus opera non omnino absoluta: adeo ut, cum saltem potuerit perfectione condere, neque tamen condiderit: argumento esse videatur, quòd aut nescierit, aut non potuerit, aut noluerit: ac saltem in eo imperfectus fuerit, quòd si sciens, & potens noluerit, posthabuerit perfectionem imperfectioni.

Quod autem à *Physica consideratione rejicias usum causarum finalium*, alia fortassis occasione potuissès rectè facere: at de Deo cum agitur, verendum profectò, ne præcipuum argumentum rejicias, quo divina sapientia, providentia, potentia, atque adeò existentia lumine naturæ stabiliri potest. Quippe ut mundum universum, ut coelum & alias ejus præcipuas partes præteream, undenam, aut quomodo meliùs argumentari valeas, quàm ex usu partium in plantis, in animalibus, in hominibus, in te ipso (aut corpore tuo) quæ similitudinem Dei geris? Videmus profectò magnos quosque viros ex speculatione anatomica corporis humani non assurgere modo ad Dei notitiam, sed hymnum quoque ipsi canere, quod omnes partes ita conformaverit, collocaveritque ad usum, ut sit omnino propter solertiam atque providentiam incomparabilem commendandus.

Dices Physicas esse causas hujusmodi fornix, ac situs, quæ investigari debeant, ineptosque esse, qui ad finem, potius quàm ad agens aut materiam recurrant. Sed cum nemo mortalium possit intelligere, necdum explicare, quod agens formet, collocetque eo quo observamus modo valvulas illas, quæ ad vasorum orificia in sinibus cordis constitutæ sunt; cujus conditionis, aut unde mutuetur materiam, ex qua illas elaborat: quomodo sese ad agendum applicet: quibus utatur organis, aut quomodo illa usurpet: quid opus illi, ut ea temperie, consistentia, coherencia, flexitate, magnitudine, figura, situ illas perficiat? Cum, inquam, nemo Physicorum hæc & alia perspicere declarareque valeat; quid est, cur non saltem miretur præstantissimum illum usum, & ineffabilem providentiam, quæ tam

tam appositè ad illum taleis valvulas concinnavit? Cur non laudetur, si exinde primam quandam causam necessario admittendam agnoscat, quæ ista, cæteraque omnia sapientissimè, & ad suos fines consonantissimè disposuerit?

Dicis temeritatem esse investigare fines Dei? Sed cum id possit esse verum, si intelligantur fines quos ipsè Deus occultos voluit, aut investigari prohibuit: non profectò tamen, si illi, quos quasi in propatulo posuit, quique non multo labore innotescunt, ac sunt aliunde hujusmodi, ut laus magna ad ipsum Deum, tanquam auctorem referatur.

Dices fortè ideam Dei, quæ est in unoquoque, sufficere ad habendum veram, germanamque de Deo, ejusque providentia notitiam: absque eo quòd aut ad fines rerum, aut ad aliud quid omnino respiciat. Verùm non sunt omnes eà felicitate, quàm tu, ut ideam illam tam perfectam à nativitate obtineant, vel tantæ claritate objectam contueantur. Quamobrem quibus Deus non dedit tantam hanc perspicaciam, invidendum non est, quod ex inspectione operum cognoscere, glorificareque opificem possint. Ne memorem id non obflare, quominus ideam illam uti liceat, quæ etiam videtur omnino ex cognitione rerum ita perfici, ut tu, si verum dicere velis, huic cognitioni non prorsus parum, ne omnia penè dicam, debeas. Quis te enim, quousque tandem progressuram te fuisse putas, si ex quo es infusa in corpus, mansisses huc usque in eo clausis oculis, obturatis auribus, & nullo denique sensu externo hanc rerum universitatem, & quicquid extra est, percepisses: totaque interea meditando apud te,volvendoque & revolvendo cogitationes, ævum trivisses? Dic bona vide, & describe, quam ideam tui, Deique te existimas fuisse habituram.

2. Solutionem deinde affers, quòd *creatura visa imperfecta considerari debeat non ut totum quid, sed tanquam universi pars, quæ ratione perfecta eris.* Et laudanda sanè distinctio: sed hic non agimus de imperfectione partis, ut pars est, & cum integritate totius confertur; sed ut in se totum quid est, munusque speciale exercet: quòd cum ad universum retuleris, difficultas semper restabit, annon revera universum futurum fuisset perfectius, si omnes ejus partes perfectæ existisissent, quàm nunc sint, partibus plerisque imperfectis existentibus. Sic enim illa Respublica est futura perfectior, in qua cives omnes boni fuerint, quàm alia, in qua plerique, aut aliqui mali.

Quare & cum postmodum dicis, *majorem quodammodo esse universitatis rerum perfectionem, quod partes aliquæ illius sint erroris obnoxie, quàm si omnes similes essent;* perinde est, ac si dicas majorem quodammodo esse Reipublicæ perfectionem, quod aliqui vices mali sint, quàm quòd omnes boni. Ex quo fit, ut quemadmodum videtur planè esse debere pro optimi Principis voto, habere omnes cives bonos: ita videatur esse debuisse pro instituto Auctoris Universi, partem ejus omnes creati, esseque erroris immunes. Et quamvis possis dicere perfectionem earum, quæ sunt immunes, apparere majorem ex oppositione earum, quæ

sunt obnoxii: illud tamen est per accidens solum: quemadmodum virtus bonorum, quamvis eluceat quodammodo ex oppositione eorum, qui vitiosi sunt, elucet solum ex accidenti. Aded ut quemadmodum desiderandum non est, ut aliqui cives mali sint, quo boni fiant illustriores: ita neque videatur fuisse committendum, ut aliquæ universi partes forent errori obnoxie, quo clarescerent magis, quæ forent immunes.

Dicis, non habere te *ipsi* conquerendi, quod Deum te eam in mundo sustinere personam voluerit, quæ non esses omnium precipua, & maxime perfecta: sed hoc non tollit dubium, cur satis illi non fuerit sustinendam dare personam, quæ ex perfectis minima esset: & non etiam tibi dare imperfectam. Nam & quamvis principi vitio non vertatur, quod non omnes cives ad sublimia munera vocet, sed aliquos habeat in mediis, aliquos in infimis; verteretur tamen, si non aliquos modò destinaret operibus vilissimis, sed aliquos etiam destinaret pravis.

Dicis, te non posse rationem asserre, quæ probes Deum tibi maiorem cognoscendi facultatem, quam dederit, dare debuisse: atque quantumvis peritum artificem esse intelligas, non ideo tamen putare te, illum in singulis operibus omnes perfectiones ponere debuisse, quæ in aliquibus potest ponere. Verùm viger semper quod modò dicebam: videsque non tam difficultatem esse, cur Deus tibi facultatem cognoscendi maiorem non dederit, quam cur dederit errantem: neque controverti cur artifex summus perfectiones omnes dare nolit omnibus operibus, sed cur etiam aliquibus tribuere velit imperfectiones.

Dicis: tamen si non valeas ab erroribus abstinere ex evidenti perceptione verum; posset tamen existimatio, quo firmiter tibi proponas nulli rei assentiri, quam evidenter non perceperis. Sed utcumque possis eam semper attentione esse; nonne semper est imperfectio, ea, quæ dijudicare est opus, non percipere evidenter, ac errandi periculo esse perpetuò obnoxium?

Dicis: errorem inesse in ipsa operatione, quatenus à te procedit, & privatio quædam est; non in facultate, quam à Deo accepisti, neque etiam in operatione, quatenus ab illo dependet. Sed, non sit error in facultate à Deo accepta proximè; est tamen remote, quatenus cum ea imperfectione creata est, ut errare possit. Quare non est quidem, ut ajas, quod conquerare de Deo, qui reverà tibi nihil debuit, & tamen illa bonis tribuit, ob quæ debes illi gratias agere: sed est semper quod admitemur, cur perfectiora non dederit, si scivit quidem, si potuit, si livore ductus non fuit.

Ad dis, neque esse cur conquerare, quod tecum concurrat ad errandi actum, cum actus omnes sint veri & boni, quatenus à Deo dependent, majorque quodammodo perfectio in te sit, elucere illos posse, quam non posse, & privatio, in qua sola falsitatis & culpa est ratio formalis, concursu Dei nullo indigeat, quia neque sit res, neque ad eum relata. Verùm cum sit illa subtilis distinctio, non tantum plane satisfacit. Si quidem non concurrat Deus ad privationem, quæ est in actu, falsitas.

falsitasque & error est, concurrunt tamen ad actum, ad quem si non concurreretur, privatio non esset; & aliunde ipse est Auctor potentix, quæ fallitur, aut errat, arque aded, ut ita dicam, impotentis potentix, sicque defectus, qui est in actu, non tam ad illam, quæ impotens est, quàm ad Auctorem, qui impotentem fecit, nec potentem, potentiorēve, cum possit, voluit facere, videtur esse referendus. Certè ut fabro non vertitur vitio, quod aperiendo scriniolo prægrandem clavum non elaboraret, sed quod pusillam fabricatus, formam aperiendo aut inhabilem, aut difficilem tribuat: ita non est quidem culpa in Deo, quod facultatem judicatricem tribuens homuncioni, non tantam illi dederit, quantam rebus vel omnibus, vel plurimis, vel maximis suffecturam arbitraretur: sed permirum est, cur ad pauca illa, quæ dijudicari ab homine voluit, imparē, implicitam, incertamque tribuerit.

3. Requiris proinde *quamvis sit in te falsitatis, vel erroris causa*. Ac primum quidem hic non disputo, cur *intellectum* voces *solum facultatem noscendi ideas*, seu res ipsas simpliciter, & absque ulla affirmatione, aut negatione apprehendendi: *voluntatem vero ac liberum arbitrium voces facultatem judicandi*, cujus sit affirmare, aut negare, assentiri, aut dissentire. Propono solum; quare voluntas libertasve arbitrii limitibus nullis circumscribatur pectore, circumscribatur intellectus? Sanè enim videntur hæc duæ facultates æquè latè patere, & non intellectus saltem minùs, quàm voluntas; cum in nullam rem voluntas feratur, quàm intellectus non præviderit.

Dixi *non saltem minùs*: Quippe videtur intellectus etiam latius, quàm voluntas patere; siquidem non modo voluntas, sive arbitrium, judicium, & consequenter electio, persequutio, fuga, de nulla re est, quam non apprehenderimus, seu cujus idea percepta & proposita ab intellectu non fuerit: sed etiam multa obscure intelligimus, de quibus nullum judicium, persequutio, aut fuga est: & facultas judicandi ita sepe est anceps, ut paribus rationum momentis, nullis existentibus, nullum sequatur judicium, cum intellectus interim apprehendat ea, quæ remanent in judicata.

Quod porro dicis *te posse semper majora majoraque intelligere, ac nominatim facultatem ipsam intellectus, cujus ideam etiam infinitam formare valeas*: hoc ipsum arguit intellectum non esse magis limitatum, quàm voluntatem; quando sese extendere ad usque objectum infinitum potest. Quod verò agnoscis voluntatem tuam ex æquari voluntati divinæ, non extensivè quidem, sed formaliter: vido quorsum idem non possit de intellectu quoque dici, ubi formalem intellectus, non secus atque voluntatis notionem definiveris. Sed paucis, dic nobis, ad quid se voluntas extendere possit, quod intellectum effugiat? Non videtur proinde error ex eo nasci, ut asseris, quod voluntas latius, quàm intellectus pateat, & sese ad illa judicanda extendat, quæ intellectus non percipit: sed ex eo, quod

cum æquè latè pateant, intellectus aliquid percipit non bene, & voluntas judicet non bene.

Quare neque est *cur voluntatem ultra finis intellectus* promoveas; cum neque judicet de rebus, quas intellectus non percipit, & pravè solùm judicet, quod intellectus pravè percipiat. Quod *exemplum de re ipsa* adfers circa ratiocinium à te factum dererum existentia; procedit quidem rectè, quantum ad judicium de tui existentia spectat; sed quantum spectat ad alia, videtur non rectè assumptum: Cum, quicquid dicas, vel potius ludas, reverà non dubites; sed omnino judices esse aliquid præter te, & à te distinctum; quippe aliquid præter te, & à te distinctum præintelligens. Quod supponis nullam rationem occurrere, *quæ unum persuadent magis quàm aliud*, supponere potes, at simul debes supponere, nullum sequenturum judicium, sed voluntatem semper fore differentem, neque se ad judicandum determinaturam, quousque intellectui major aliqua verisimilitudo ex una parte, quàm ex alia occurrerit. Quod proinde dicis *hanc indifferentiam ita extendi ad ea, quæ non satis perspicue cognoscuntur, ut quantumvis probabiles conjectura te in unam partem trahant, sola cognitio, quod sint conjectura, te impellere ad contrariam assensionem possit*: id nullo modo videtur verum. Quippe cognitio illa, quod sint solum conjecturæ, faciet quidem ut judicium de ea parte, inquam tetrahunt, cum aliqua formidine & hesitatione feras: sed numquam faciet, ut judicium feras de parte contraria: nisi postquam occurrerint conjecturæ non modo æque probabiles, verum etiam probabiliores. Quod subdis te id fuisse expertam his diebus, *cum falsa esse supposuisti, quæ maxime vera esse credereris*: memento id tibi non fuisse concessum: neque enim revera sensisse, aut persuasisse tibi potes, non vidisse te solem, terram, homines, alia: non audisse: sonos, non ambulasse, non comedisse, non scripsisse, non loquutam fuisse (usum scilicet corpore, organisve ejus,) non alia.

Denique ergo *forma erroris* non tam videtur consistere in non recto usu liberi arbitrii, sicut asseris, quàm in dissonantia judicii à te judicata: & ex eo quidem orta, quòd intellectus illam rem secùs, quàm sese habeat, apprehendat. Quare non tam videtur esse culpa arbitrii, quòd non rectè judicet, quàm intellectus, quòd non rectè demonstrat. Quippe ea videtur arbitrii ab intellectu dependentia, ut si intellectus quidem aliquid clarè percipiat, videaturve percipere, arbitrium ferat judicium ratum, atque determinatum, seu id re ipsa verum sit, seu verum esse existimetur. Sin autem obscurè, tum arbitrium ferat judicium dubium, ac formidolosum, & pro tempore tamen habitum verius, quàm oppositum; seu in re ipsa veritas, seu falsitas subsit. Ex quo fit, ut non tam cavere possimus, ne erremus, quàm ne in errore perseveremus: expendamusque propria judicia non tam vim facientes arbitrio, quàm applicantes intellectum ad clariorem noticiam, quam judicium semper secuturum sit.

4. Concludis, fructum exaggerando, quem ex hac meditatione potes consequi, ac præscribis quid sit agendum, ut assequaris veritatem. Nempe assequendum tēdiciis, sit tantum ad omnia, quæ perfecte intelligi, satis attendas: atque illa à reliquis, quæ confusius & obscurius apprehendis, facernas.

Hoc potèrò non modo est verum: sed etiam hujusmodi, ut tota præcedens meditatio, sine qua potuit intelligi, videatur fuisse supervacanea. Attende tamen, eximie vir, difficultatem non videri, an, ut non fallamur, debeamus clarè atque distinctè intelligere aliquid, sed, Quà arte, aut methodo discernere liceat, ita nos habere claram distinctamque intelligentiam, ut ea vera sit, nec fieri possit, ut fallamur. Quippe initio objecimus, nos non rarò falli, tamen si nobis videamur aliquid adèdè clarè distinctèque cognoscere, ut nihil possit clarius & distinctius. Tu quoque id tibi ipse objecisti, & expectamus tamen adhuc istam artem, seu methodum, cui præcipuè sit incumbendum.

IN MEDITATIONEM V.

De essentia rerum materialium; & iterum de Deo, quòd existat.

I.

Circa quintam, Dicis primum te distinctè imaginari quantitatem, hoc est extensionem in longum, latum, & profundum; itemque numerum, figuram, situm, motum, durationem. Ex his omnibus, quorum teideas habere dicis, seligis figuram, & ex figuris Triangulum, de quo hæc habes: *etsi fortassis talis figura nullibi gentium extra cogitationem meam existat, nec unquam extiterit: est tamen perfectò determinata quadam ejus natura, quæ à me non efficta est, nec à mente mea dependet, ut patet ex eo, quòd demonstrari possint variae proprietates de isto Triangulo, nempe, quòd ejus tres anguli sint æquales duobus relictis: quòd maximo ejus angulo maximum latus subtendatur: & similes, quas velim, nolim, clarè nunc agnosco, etiamsi de iis nullo modo ante cogitaverim, cum Triangulum imaginatus sum, nec proinde à me fuerint efficta.* Et tantum habes de essentia rerum materialium: nam quæ paucula subjicis, eodem pertinent. Ac hæc quidem hic noto: insinuo solum durum videri statuere aliquam naturam immutabilem & æternam præter Deum ter maximum.

Dices te proferre nihil aliud, quàm quod in Scholis efferunt, naturas seu essentias rerum esse æternas fierique de ipsis propositiones sempiternæ veritatis. Sed hoc durum perinde est, & capi aliunde non potest, esse naturam humanam, cum nullus est homo: aut dici rosam esse florem, cum ne rosa quidem est.

Dicunt aliud esse loqui de essentia, aliud de existentia rerum; & non esse quidem ab æterno existentiam rerum, sed esse tamen essentiam. Verum, cum

præcipuum, quod est in rebus, sit essentia, ecquidnam magni Deus facit, quando producit existentiam? Videlicet non ampliùs facit, quàm dum sartor veste induit hominem. Quanquam qui defendent essentiam hominis, quæ est in Platone, esse æternam, & independentem à Deo? Ut universalis est, inquit. At in Platone, nihil est, nisi singulare: & solet quidem intellectus ex visis Platonis, Socratis, ac cæterorum hominum consimilibus naturis abstrahere quandam conceptum communem, in quo omnes conveniant, & qui proinde censeretur universalis natura, essentiave hominis, quatenus omni homini intelligitur convenire: At universalem fuisse, antequàm Plato, & cæteri essent, & intellectus abstraheret, explicari sanè non potest.

Dices, numquid homine etiam non existente, atque idcirco ab æterno, vera propositio hæc est, homo est animal? Sed videtur planè non esse, nisi eo sensu, quòd quodcumque fuerit homo, futurus sit animal. Certè enim licet discrimen videatur inter duas illas propositiones, homo est, & homo est animal, quòd priore existentia difertè magis significetur, & posteriore essentia: attamen neque ab illa essentia excluditur, neque ab ista existentia: sed cùm dicitur, homo est, intelligitur homo animal: & cùm dicitur, homo est animal, intelligitur homo, dum existit. Præterea autem cùm hæc propositio, homo est animal, non sit majoris necessitatis, quàm ista, Plato est homo, fore igitur etiam istam sempiternæ veritatis, & singularem essentiam Platonis non fore minùs independentem à Deo, quàm universalem hominis: & alia similia, quæ prosequi piget. Et addo tamen, cùm dicitur, hominem esse talis naturæ, ut esse non possit, quin sit animal: non esse propterea imaginandum talem naturam esse aliquid, aut alicubi præter intellectum: sed sensum solummodò esse, ad hoc ut aliquid sit homo, debere ipsum simile esse cæteris iis rebus, quibus propter similitudinem mutuam eadem hominis denominatio tributa est: similitudinem, inquam, naturarum singularium, ex qua intellectus accepit ansam efformandi conceptum seu ideam, formæve naturæ communis, à qua dissidere non debeat quidquid homo futurum est.

Hinc eadem de tuo Triangulo, illiusve natura dico. Nam Triangulus quidem mentalis est veluti regula, quæ explores an aliquid mereatur dici Triangulum: at non est propterea dicendum talem Triangulum esse reale quid, veramque naturam præter intellectum, qui solus, visis triangulis materialibus, illam, perinde ac dictum est de natura humana, formavit, & communem fecit.

Unde neque est existimandum proprietates demonstratas de Triangulis materialibus, idcirco ipsis convenire, quod illas mutuentur ab ideali Triangulo, cùm ipsi potius in se habeant, nisi quatenus intellectus ex ipsis inspectis, easdem illi tribuit, redditurus postea demonstrandum: Eodem modo, quo proprietates naturæ humanæ non sunt in Platone, & Socrate, quasi ipsi illas à natura universalis acceperint, cùm potius natura universalis ideo habeat, quòd intellectus ipsi

cas tribuit, postquam in Platone, Socrate, & cæteris animadvertit, redditurus illis deinceps, cum ratiocinatione opus fuerit.

Notum est enim, intellectum ex visis Platone, Socrate, & aliis, omnibus rationalibus, collegisse hanc universalem propositionem, omnis homo est rationalis: ac deinde cum vult probare Platonem rationalem esse, illam pro principio in syllogismum induere. Et dicis tu quidem, ô Mens, habere te Trianguli ideam, habuisseque illam fuisse, tametsi nullam unquam in corporibus triangularem figuram vidisses: quemadmodum habes aliarum figurarum complurium, quæ tibi in sensus nunquam incurrerunt.

Verum, si, ut supra dicebam, sic fuisses hæcenus orbata omnibus sensuum functionibus, ut nunquam neque vidisses, neque tetigisses varias superficies, sive extrema corporum, puras ideam Trianguli, alteriusve figuræ habere, aut efformare in te potuisses? *Habes jam complures in te, quæ in te illapsæ per sensus non sunt?* Sed nimirum facile habes, quia exiis, quæ illapsæ sunt, ipsas effugis, formasque varias, modis superius expositis.

Dicendum hic præterea foret de falsa illa Trianguli natura, quæ supponitur constare ex lineis, quæ latitudine careant: continere aream, quæ profunditate; terminari ad tria puncta, quæ omnibus partibus: attamen nimium evagaremur.

z. Aggrederis consequenter demonstrare Dei existentiam, visque argumenti est in illis verbis, *Attendenti sit manifestum, non magis posse existentiam ab essentia Dei separari, quàm ab essentia Trianguli magnitudinem trium ejus angularum equalium duobus relictis: sive ab idea montis ideam vallis: adeo ut non magis repugnet Deum cogitari (hoc est ens summè perfectum) cui desit existentia (hoc est, cui desit aliqua perfectio) quàm cogitare montem, cui desit vallis.* Enimvero attendendum est, videri tuam hujusmodi comparationem non satis justam.

Nam rite quidem comparas existentiam cum essentia: verum non comparas deinde aut existentiam cum existentia, aut proprietatem cum proprietate, sed existentiam cum proprietate. Hinc vel dicendum fuisse videtur, non posse magis separari omnipotentiam, verbi causâ à Dei essentia, quàm ab essentia Trianguli illam magnitudinis angularum æqualitatem: vel certe, non posse magis separari Dei existentiam ab ejus essentia, quàm ab essentia Trianguli ejus existentiam. Sic enim bene processisset utraque comparatio, & non modò prior fuisset concessa, verum etiam posterior; quam tuam non propterea evicisses Deum necessarîo existere, quia neque Triangulus necessarîo existit, tametsi illius essentia existentiaque separari reipsâ non valeant, quantumcunque mente separentur, sive seorsim cogitentur: ut cogitari etiam essentia existentiaque divîna possunt.

Deinde, attendendum est te collocare existentiam inter divinas perfectiones: & non collocare tamen inter perfectiones Trianguli, aut montis: cum perinde tamen, & suo cuiusque modo perfectio dici valeat. Sed nimirum, neque in Deo, neque in ulla aliâ existentia perfectio est: sed id, sine quo non sunt perfectiones.

Siqui-

Siquidem id, quod non existit, neque perfectionem neque imperfectionem habet: & quod existit, pluresque perfectiones habet, non habet existentiam, ut perfectionem singularem, unamque ex eo numero: sed ut illud, quo tam ipsum quàm perfectiones existentes sunt, & sine quo nec ipsum habere, nec perfectiones haberi dicuntur. Hinc neque existentia, perfectionum instar, existere in re dicitur, neque, si res careat existentia, tam imperfecta (sive privata perfectione) dicitur quàm nulla.

Quamobrem, ut enumerando perfectiones Trianguli non recenses existentiam, neque proinde concludis existere Triangulum: ita enumerando perfectiones Dei non debuisti in illis ponere existentiam, ut concluderes Deum existere, nisi principium petere velles.

Dicis *in albis omnibus rebus distingui existentiam ab essentia, non verò in Deo.* Sed quomodo quæso existentia Platonis, & essentia Platonis, distinguuntur inter se nisi cogitatione duntaxat? Fac enim Platonem non amplius existere, ubi nam erit ejus essentia? Nonne porò in Deo pari modo essentia & existentia cogitatione distinguuntur?

Objicis tibi ipse, *Fortè, ut cogitando montem cum valle, aut equum alatum, non sequitur propierea, aut montem, aut talem equum existere: ita ex eo, quod cogitur Deum ut existentem, non sequi illum existere:* ac tum latere sophisma arguis. Verum non fuit difficile solvere sophisma, quod ipse finxisti, assumendo præsertim id, quod tam manifestè repugnat, Deum existentem non existere, neque perinde assumendo hominem, aut equum.

At si accepisses ut montem cum valle, & equum cum alis, ita Deum cum scientia, potentia, attributisve aliis, tum difficultas processisset, explicandumque tibi incubuisset, qui fieri possit, ut Mons declivis, aut equus alatus, cogitari valeat, absque eo quodd existat: Deus sciens & potens cogitari absque eo, quodd existat, non valeat.

Dicis *liberum non esse cogitare Deum absque existentia, hoc est, ens summè perfectum absque summa perfectione: ut liberum est equum cum alis vel sine alis imaginari.* Sed nihil addendum, nisi quod, ut liberum est cogitare equum non habentem alas, non cogitatà existentia, quæ si advenerit, perfectio, per te, in eo fuerit: ita liberum est cogitare Deum habentem scientiam, potentiam, & perfectiones cæteras, non cogitatà existentia, quam si habuerit, tum consummata sit perfectio. Quare ut ex eo, quodd equus cogitatus perfectionem alarum habens, non propierea colligitur habere existentiam, perfectionum, per te, præcipuam: ita neque ex eo, quodd Deus cogitatur habens scientiam, perfectionesque cæteras, colligitur propterea ejus existentia, sed ea demum probanda est. Et quamvis dicas *tam existentiam, quam perfectiones cæteras, in idea entis summè perfecti comprehendendi,* id dicis, quodd probandum est, & conclusionem pro principio assumis. Nam etiam alioquin dicerem in idea Pegasi perfecti contineri, non tantum perfectionem illam, quodd habeat alas; sed etiam illam quodd existat. Ut enim Deus cogitatur perfectus

Aut in omni genere perfectionis; ita Pegasus cogitatur perfectus in suo genere: nihilque hic posse instari videtur, quod, proportionē servata, usurpari utrimque non valeat.

Dicis, ut cogitando Triangulum, non est necesse cogitare, quod treis angulos habeat parvis duobus rectis, licet id minus verum non sit, ut attendenti postea pater; ita posse quidem cogitari alias Dei perfectiones, non cogitatā existentia, sed illam non esse propterea minus veram, cum attenditur perfectionem esse. Attamen vides quid dici possit. Nempe ut illa proprietas attenditur postea esse in Triangulo, quia demonstratione probatur; ita, ut existentia attendatur esse in Deo, demonstratione probandam esse: Secus profectò quidlibet in quolibet esse facile evincam.

Dicis, te attribuentem Deo omnes perfectiones, non perinde facere, ac si putes omnes quadrilateras figuras circulo inscribi: quoniam ut heic falleris, quia deprehendis postea rhombum non inscribi: non ita illic falleris, quia postea existentiam Deo convenire deprehendis. Sed perinde profus facere videris, aut si non facis, necesse est, ut ostendas Deo non repugnare existentiam, quemadmodum ostenditur repugnare rhombo circulo inscribi. Cætera prætereo, quæ vel non explicas, vel non probas, vel ex jam allatis solvantur, ut; Nihil posse excogitari, ad cuius essentiam existentia pertineat, præter solum Deum: non posse duos aut plures ejusmodi Deos intelligi: talem Deum ab æterno existitisse, & in æternum esse mansurum: percipere se multa alia in Deo, quibus nihil possit detrabi, nec mutari: oportere ista propius inspicere, ac diligentius investigari, ut detegantur, certaque habeantur, &c.

3. Declaras postremò omnia scientia certitudinem & veritatem ab una veri Dei cognitione ita pendere, ut hæc non habitâ, nulla certitudo, aut scientia vera haberi possit. Exemplum adfers. Cum enim, inquis, naturam Trianguli considero, evidentissime quidem mihi, utpote Geometria principis imbutus, apparet ejus tres angulos aequalis esse duobus rectis: nec possum non credere id verum esse, quando adejus demonstrationem attendo. Sed statim atque mentis aciem ab illa deflexi, quantumvis adhuc recorder me illam clarissime perpexisse, facile tamen potest accidere, ut dubitem an sit vera, siquidem Deum ignorem. Possem enim mihi persuadere, me talem à natura factum esse, ut interdum in iis fallar, quæ me puto quam evidentissime percipere: cum præsertim meminerim me multa pro veris & certis habuisse, quæ postmodum aliis rationibus adductis, falsa esse judicavi. Postquam verò percepi Deum esse: quia simul intellexi cætera omnia ab eo pendere, illumq; non esse fallacem, atq; inde collegi illa omnia, quæ clarè & distinctè percipio, necessariò esse vera: etiamsi non attendam amplius ad rationes, propter quas istud verum esse judicavi: modo tamen recorder me clarè & distinctè percipisse, nulla ratio contraria afferri potest, quæ me ad dubitandum impellat: sed veram & certam de hoc habeo scientiam. Neque de hoc tantum: sed & de reliquis omnibus, quæ meminimè aliquando demonstrasse, ut de Geometricis & similibus.

Ad ista porro, vir eximie, cum admittam te serio loqui, nihil aliud licet decere, nisi quod videris ægre à quoquam fidem impetraturus. Te, ante id tempus quo superiora de Deo es ratiocinatus, minùs fuisse certum illarum Geometricarum demonstrationum, quàm postmodum fueris. Profecto enim ex demonstrationes ejus evidentiæ ac certitudinis videntur, ut per se assensum extorqueant, & semel perceptæ intellectum ampliùs hæreere non sinant: adeò ut etiam pravo illi Genio tam facillè sit laqueum mandaturus, ac dum (iametsi Deo nondum cognito) tam animosè asseverasti non posse tibi imponi circa illam propositionem illusionemve, ego cogito: itaque existo. Quineriam quantumvis sit verum, uti nihil verius, Deum existere, esse illum omnium Auctorem, non esse fallacem: Quia tamen hæc esse videntur minùs evidentiæ, quàm demonstrationes illæ Geometricæ, vel eo argumento, quod Dei existentiam, Rerum creationem, & alio de Deo multi controvertant, has demonstrationes nemo infitietur, ecquis est, quem persuadeas istas ab illis evidentiæ certitudinemque mutuari? Et quis capiat Diagoram, Theodorum, aut si qui similes sunt arhei, certos omnino reddi non posse hujusmodi demonstrationum? Et quotusquisque credentium est, quem si rogaris, cur certus sit in Triangulo quadratum bascos æquale esse quadratis crurum, responsurus sit, quia scio Deum esse, & Deum non posse fallere, & ipsum esse tam hujus rei, quam aliorum omnium Auctorem: & non respondeat potius, quoniam illud scio, ac persuadeor indubitatè demonstratione? Quantomagis id responderent Pythagoras, Plato, Archimedes, Euclides, cæteri Mathematici, quorum nemo esse videtur, qui de Deo cogitet, ut demonstrationum certissimus fiat? Quanquam, quia fortè non dealis, sed de te ipso solo spondebis, idque aliunde pium est: non est profectò quare contendam.

IN MEDITATIONEM VI.

*De Rerum materialium Existentiâ, & reali Mentis
à Corpore distinctione.*

I.

Circa sextam, id non moror, quod initio dicis *Res materiales non sunt objectum puræ Matheseos posse existere*: cum tamen res materiales sint objectum mixtæ, non puræ matheseos; & objectum puræ matheseos, ut punctum, linea, superficies, constantiaque ex iis indivisibilia, indivisibiliterque se habentia, existere ipsæ non possint: In eo solùm hæreo, quod heic iterum *imaginationem ab intellectu distinguis*. Quippe, ô Mens, hæc duæ videntur unius ejusdemque facultatis actiones, ut supra insinuavimus; & si quid sit discriminis, id non videtur ampliùs esse, quàm secundum magis & minùs; & vide ut illa in se jam probentur.

Dixisti suprà *imaginari nihil esse aliud, quàm contemplari figuram, imaginemve rei*

rei corporea: Heic vero non abnuis intelligere esse contemplari Trigonum, Pentagonum, Chiliogonum, Myriogonum, & hujusmodi cætera, quæ figuræ sunt rerum corporearum. Et discrimen quidem jam statuis, quod *imaginatio sit cum quadam applicatione facultatis cognoscitiva ad corpus: intellectio verò talem applicationem seu contentionem non exigit*. Aded ut, cum simpliciter, & sine labore percipis Trigonum, ut figuram constantem tribus angulis, id intelligere te dicas. Et cum non sine aliqua tui contentione figuram quasi præsentem habes, inspicis, exploras, distinctèq; & sigillatim agnoscis, discernique tuis angulos, id te dicas imaginari. Ac proinde cum percipias quidem absque labore Chiliogonum esse figuram mille angulorum: neque tamen applicando & contendendo teipsam discernere possis, & quasi præsentis habere, sigillatimque discernere omnes illius angulos, sed te perinde confusè habeam, ac circa Myriogonum, aut quancumque aliam hujusmodi figurarum; idcirco censeas respectu Chiliogoni, aut Myriogoni Intellectionem esse, non Imaginationem.

Verumtamen nihil sanè obstat, quin ut ad Trigonum, sic ad Chiliogonum quemadmodum intellectionem, ita imaginationem extendas. Nam & nonnihil contendis, ut figuram illam tam multorum angulorum aliquo modo imagineris: licet multitudo illa angulorum tanta sit, ut ipsam distinctè capere non possis: & aliunde percipis quidem voce Chiliogoni significari figuram mille angulorum, sed hæc est tantum vis nominis; nam non propterea in ea figura intelligis magis mille angulos, quam imaginaris.

Attendendum verò ut amittatur distinctio, & acquiratur confusio per gradus. Tetragonum enim confusus, quam Trigonum percipies, imaginaberisve, aut intelliges: sed distinctius, quàm Pentagonum. Tum hoc confusus Tetragono, Hexagono distinctius, atque ita consequenter donec non habeas quid discretè tibi proponas, & quia jam discretè capere non possis, contendere teipsam ut plurimum negligas.

Quamobrem, si velis quidem imaginationem simul & intellectionem vocare, quandiu figuram distinctè, & cum sensibili quadam contentione cognoscis: intellectionem verò solum, dum confusè solum & cum nulla aut perexigua contentione specularis, licebit profectò: at non erit propterea, cur plusquam unum genus internæ cognitionis adstruas, cui accidentarium solummodo sit, ut secundum magis & minus distinctè vel remissè figuram quampiam intuearis. Et ceterè, cum Heptagonum, Octagonum, cæterasque porro figuras ad Chiliogonum, aut Myriogonum usque percurrere voluerimus, & ad majorem minoremque distinctionem, vel remissionem, semper, continuoque attenderimus, diacrine poterimus, ubinam, seu in qua figura imaginatio desinat, intellectio sola remaneat? Nisi potius non apparebit series tenorque uniusmodi cognitionis, cujus continuo insensibiliterque decreseat distinctio, & contentio, crescat confusio, & remissio. Aliàs certè considera, ut intellectionem

nem deprimas, imaginationem extollas. Quid enim aliud, quam illi ludibrium, isti commendationem quæris, dum illi negligentiam, & confusionem tribuis; huic verò diligentiam & perspicuitatem adscribis?

Asseris postea *visi imaginandi, prout à vi intelligendi distinguitur, ad sui essentiam non requiri*: quomodo id verò, si una, eademque vis sit, cujus functiones differant secundum magis & minus duntaxat?

Subjicis *mentem imaginando sese convertere ad corpus; intelligendo, ad seipsam, ideamve, quam habet in se*. Quid ita verò, si non potest mens sese ad seipsam, ideamve ullam convertere, quin simul sese convertat ad aliquid corporeum, idèave corporeà repræsentatum? Nam Trigonum quidem, Pentagonum, Chilogonum, Myriogonum, cæteræque figuræ, earumve idex, corporeæ omnino sunt; neque potest mens ad illas, nisi ut corporeas, corporeatumve instar, intelligendo attendere. Quod spectat ad ideas rerum immaterialium creditarum, ut Dei, Angeli, animæ humanæ, seu mentis, constat etiam quascumque habemus de ipsis ideas, esse vel corporeas, vel quasi corporeas, ex forma scilicet humana, & ex rebus aliis tenuissimis, simplicissimis, insensibilissimis, cujusmodi sunt ær, ætherve, desumptas, ut supra quoque attigimus. Quod autem dicis conjicere te probabiliter solum aliquod corpus existere: quia non potes dicere serio, idcirco morandum non est.

2. Disputas deinceps de Sensu, ac præclare primum enumerationem instituis eorum, quæ per sensum innotuerant, & credita vera à te fuerant, solâ judice ac duce natura. Refers subinde experimenta, quæ habitam sensibus si jem ita labefactaverint, ut eò te adegerint, quò te receptam vidimus circa Meditationem primam.

Hoc porro loco mens mihi non est de veritate sensuum intendere licent. Tametsi enim fallaciam, fallasve sit non in sensu, qui merè passivè se habet, refertque solum ea, quæ apparent, quæque talia ex suis causis apparere necesse est: sed in judicio, sive in mente, quæ circumspiciè satis non agit, neque advertit ea, quæ procul sunt, ex hisce, aliisve causis apparere confusiora, minoraque seipsis, dum prope sunt, & ita de cæteris: attamen ubicumque fallacia sit, negandum non est, quin aliqua sit: solumque difficultas est, sic-ne semper sit, ut nunquam de rei cujuspiam sensibus perceptæ veritate constare possit.

Sanè verò nihil est necesse exempla obvia conquirere: Dico solum ad ea, quæ profers, sive potiùs objicis, constare omnino videri, cum turrim & prope spectamus, & contingimus, certos nos esse, quòd sit quadrata: qui remotiores habueramus ansam judicandi rotundam, vel certè dubitandi, quadratane, an rotunda, an alterius figuræ esset.

Sic sensus ille doloris, qui apparet adhuc esse in pede, aut manu, postquam ea membra rescissa sunt, fallere aliquando potest, in iis scilicet, quibus sunt rescissa, idque ob spiritus sensorios assuetos in ipsa deferre, inque ipsis sensum exprimere:

attamen

attamen qui integri sunt, tam certi sunt se in pede, aut manu, quam compungi vident, dolorem sentire, ut dubitare non valeant.

Sic cùm vigilemus, somniemusque per vices, donec vivimus, fallacia quidem per somnium est, quoddam videri coram appareant, quæ coram non sunt; attamen nec semper somniamus, nec, dum reverà vigilamus, dubitare possumus, vigilemus-ne, an somniemus potius.

Sic cùm cogitare possumus nos esse naturæ fallacis obnoxie, etiam in rebus verissimis visis; nihilominus cogitamus etiam nos esse à natura veritatis capaces: & ut aliquando fallimur, ut non detecto sophismate, vel baculo media ex parte in aquam immerso; ita aliquando intelligimus verum, ut in Geometrica demonstratione, aut in baculo ex aqua educto, adeo ut de neutrius veritate dubitare placeat possumus. Et ut dubitare de cæteris liceat: saltem de eo dubitare non licet, quod res tales appareant; nec potest non esse verissimum taleis apparere. Quod autem ratio multa dissuadeat, ad quæ nos natura impellit, non tollit hoc saltem veritatem ejus, quod appareat, τὴν φαινομένην. Tamen si nihil est necesse heic disquirere, Ratione sensus impulsui repugnet, eo duntaxat modo, quo dextera manus prolabilem levam præ lassitudine sustentat, an verò quodam alio.

3. Accedis consequenter ad institutum, sed levi quasi velitatione. Pergis enim, *Nunc autem postquam incipio meipsum meaque Auctorem originis melius nosse, non quidem omnia, quæ habere videor à sensibus, puto esse temere admittenda, sed neque etiam omnia tibi dubium revocanda.* Bene hoc habet, quanquam & antea idem haud dubiè putaveras.

Sequitur, *Et primò, quoniam scio omnia, quæ clarè & distinctè intelligo, talia à Deo fieri posse, qualia illa intelligo: satis est, quòd possim unam rem absque altera clarè & distinctè intelligere, ut certius sim unam ab altera esse diversam: quia potest saltem à Deo seorsum poni, & non refert à qua potentia id fiat, ut diversa existimetur.* Ad hoc nihil aliud dicendum est, quàm probare te clarum ex obscure: ne causer esse obsecuritatem in illatione aliquam. Ac non hæreo quidem in eo, quòd probare priùs oporteat existere Deum, & ad quæ potentia ejus se extendat, ad ostendendum facere eum posse quiddid tu potes intelligere: quæsierim solum, non-ne tu clarè distinctèque intelligis in Triangulo proprietatem illam, quòd majora latera majoribus angulis subteendantur, separatim ab alia, quæ tres simul anguli habentur pares duobus rectis? Et admittis-ne propterea Deum ita posse illam proprietatem ab hac separare, & seorsim ponere, ut Triangulus istam, & non illam habeat, vel ista quoque præterea sit seorsim à Triangulo? Sed ne te heic remorer, quòd hæc separatio parum ad rem faciat, subjicis, *Ac proinde ex hoc ipso, quòd sciam me existere, quòdque interim nihil plane aliud ad naturam sive essentiam meam pertinere animadvertam præter hoc solum, quòd sim res cogitans: rectè concludo meam essentiam in hoc*

uno consistere, quòd sim res cogitans. Heic remoraretur, sed vel repetere sufficit quæ circa meditationem secundam dicta sunt, vel expectandum quid inferre velis.

Postremo enim, *Et quamvis, inquis, fortasse (vel potius, ut postmodum dicam, pro certo) habeam corpus, quod mihi valde arctè conjunctum est: quia tamen ex una parte claram & distinctam habeo ideam mei ipsius, quatenus sum tantum res cogitans, non extensa: & ex alia parte distinctam ideam corporis, quatenus est tantum res extensa, non cogitans: certum est me à corpore meo revera esse distincta, & absq. illo posse existere.*

Videlicet hoc properabas? Ergo quia cardo difficultatis heic potissimum vertitur, consistendum nonnihil est, ut pateat quid illum stabilias. Agitur heic primum de distinctione inter te, & corpus? quod portò corpus intelligis? Nempe hoc crassum ex membris constans, de quo sunt haud-dubiè hæc verba, *habeo mihi conjunctum: & certum est me à corpore meo esse distinctam, &c.*

Atqui, ô Mens, de hoc corpore non est difficultas. Esset quidem, si objicerem cum plerisque Philosophis te esse *ἰντελέχειαν*, perfectionem, actum, formam, speciem, &c. ut vulgari modo loquar, modū corporis: quippe illi non magis te ab isto corpore distinctam, separabilemque agnoscunt, quàm figuram, modum-ve alium: idque seu sis anima tota, seu sis præterea etiam *ῥῆς διωάμεις*, *ῥῆς παθητικῆς*, intellectus possibilis, seu passibilis, ut loquuntur. Sed agere placet tecum liberaliùs, te nimirum considerando ut *ῥῆς νοητικῆς* intellectum agentem, imò & *χωριστῶν* separabilem: tamen si alià, quàm illi, ratione.

Cùm illi enim statuerent omnibus hominibus (nisi potius rebus) communem, præstantemque intellectui possibili, ut intelligat, eàdem prorsus ratione, ac necessitate, quàm lux oculo, ut videat, (unde solari lumini comparare soliti erant spectareque proinde ipsum, ut advenientem extrinsecus) ipse repotius considero (nam & tu quoque id bene vis) ut intellectum quandam specialem, qui dominetur in corpore.

Repeto autem difficultatem non esse, sis-ne separabilis, an non, ab hoc corpore (unde & paulò antè innuebam non fuisse necessarium recurrere ad Dei potentiam, quàm illa sint separabilia, quæ separatim intelligis): sed de corpore, quod ipsamet sis: quasi possis ipsa esse tenue corpus, intra crassum istud diffusum, aut in ejus parte sedem obtinens. Cæterum nondum fecisti fidem esse te aliquid purè incorporeum: Et cùm in secunda Medicatione enunciasses te esse non ventum, non ignem, non vaporem, non halitum, admonita profectò es, id si sine probatione fuisse enunciatum.

Dicebas tede istis rebus illeic loci non disputare: at deinceps non disputasti, neque illà ratione probasti non esse te corpus hujuscemodi. Spes erat, ut heic id præstares: & si quid tamen disputas, si quid probas, disputas, & probas te non esse crassum corpus hoc, de quo, ut jam dixi, non est difficultas.

4. At,

4. At, inquis, habeo ex una parte claram, & distinctam ideam mei ipsius, quatenus sum tantum res cogitans, non extensa: & ex alia parte distinctam ideam corporis, quatenus est tantum res extensa, non cogitans. Enimverò, quod spectat primum ad ideam corporis, non videtur multum de ea laborandum. Nam si id quidem pronunciaris de idea corporis universè, repetendum esset, quod obiectimus probandum esse tibi, repugnare naturæ corporeæ, ut sit cogitationis capax: sicque principium peteretur, cum quæstio de te instituta sit, an tenue nempe corpus non sis, quasi cogitare corpori regugnet.

Verum, quia id pronuncias, & agis certè solum, de crasso isto corpore, à quo te esse distinctam, & separabilem contendis; ideo non tam infirior, quin habeas ipsius ideam, quàm te habere posse infirior, si inextensa quidem res sis. Quæso te enim, quomodo existimes in te subiecto inextenso recipi posse speciem, ideamve corporis quod extensum est? Seu enim talis species procedit ex corpore, illa haud dubie corporea est, habetque partes extra partes, atque aded extensa est: Seu aliunde impressa est, quia necessarium semper est, ut repræsentet corpus extensum, oportet adhuc, ut habeat partes, & perinde extensa sit. Alioquin certè si partibus careat, quomodo partes repræsentabit? si extensione, quomodo rem extensam? si figura, quomodo rem figuratam? si positione, quomodo rem habentem superiores, inferiores, dextras, sinistras, obliquas partes? Si varietate, quomodo colores varios, &c. Non ergo videtur idea extensione prorsus carere: nisi vero careat, quonam modo tu, si inextensa fueris, illi subijcieris? quomodo illam tibi aptabis? quomodo usurpabis? quomodo sensum obliterari, evanescere tandem experieris?

Deinde, quod spectat ad ideam tui, nihil est addendum ad ea, quæ jam dicta sunt, ac in meditationem præfertim secundam. Exinde enim evincitur, tantum abesse, ut ideam tui claram distinctamque habeas, quin penitus nullam habere videaris. Quippe quia tametsi agnoscas cogitare te, nescias tamen qualis res sis, quæ cogitas: adeo ut cum sola hæc operatio nota sit, lateat te tamen quod est præcipuum, substantia nempe, quæ operatur. Unde succurrit comparatio, quæ dici potes similis cæco, qui calorem sentiens, admonitusque eum esse à Sole, putet se habere claram & distinctam ideam solis, quatenus, si ex eo quærat, quid sit Sol, respondere possit: est res calefaciens. Sed, inquires, heic addo, non tantum quod sim res cogitans, sed etiam, quod *Res non extensa*. Verum tamen, ut taceam sine probatione id dici, cum in quæstione tamen sit, quæso primum, idcirco-ne ideam tuiclaram & distinctam habes? Dicis te non extensam; Dicis quid non sis, non vero quid sis. An ad habendum claram distinctamque, seu, quod idem est, veram germanamque alicujus rei ideam, non est necesse ipsammet rem positivè, & ut ita dicam, affirmare, nôsse: sufficitque nôsse, quod illa non sit alia quæpiam res? Ergone clara, distinctaque erit Bucephali idea, si quis saltem nôrit de Bucephalo, quod musca non sit? Sed ne hoc urgeam, requiro potius,

Tu

Tu igitur res non extensa es? An non es diffusa per corpus? Nescio quid responsura sis; nam licet ego ab initio te agnoverim in cerebro solum, id tamen conjectiendo potius, quam planè assequendo opinionem tuam, Conjecturam dixi ex iis verbis, quæ postea sequuntur, dum ais te non ab omnibus corporis partibus affici, sed tantummodo à cerebro, *vel etiam ab una tantum exigua ejus parte.* Verum certum planè non fui, an esses propterea tantum in cerebro, parte-ve illius, cum possis esse in corpore toto, & in una solum parte affici: ut vulgo fatemur animam diffusam toto corpore, & in oculo tamen duntaxat videre.

Dubium similiter moverunt verba illa sequentia, & *quamvis toti corpori tota mens unita esse videatur, &c.* Quippe ille loci non asseris quidem te esse unitam toti corpori: sed te esse ~~men~~ unitam non negas. Utrumque sit, Esto primū, si placet, diffusa toto corpore, sive idem cum anima sis, sive quid diversum, quæso te, inextensa es, quæ es à capite ad calcem protensa? quæ coræ quaris corpori? quæ tot illius partibus correspondenteis partibus habes? An dicis te ideo esse in extensam, quod tota in toto sis, & tota in qualibet parte? Quæso te, si dicas, quomodo id capis? Ita-ne potest unum quid esse simul totum in pluribus locis? Fides nos id docet de sacro Mysterio; de te, ut de naturali disputatur heic; & ex lumine quidem naturali. Licet-ne intelligere plura esse loca, & non esse plura locata? Et nunquid centum sunt plura uno? Et nunquid, si res aliqua tota est in uno loco, poterit esse in aliis, nisi ipsa sit extra se, uti locus est extra loca? Dicito quod voles, saltem & obscurum, & incertum erit, sis-ne in qualibet parte tota, & non potius in singulis partibus per singulas tui parteis. Et cum sit longè evidentius, nihil posse totum simul esse in pluribus locis, etiam evidentius evadet non essete totam in singulis partibus: sed totam duntaxat in toto, atque adeo pertui parteis diffusam per totum, sicque habere extensionem.

Esto deinde in cerebro solum, aut in exigua solum ejus parte: cernis idem planè incommodi esse: quoniam quantulumcumque sit illa pars, extensa tamen est, & tu illi coextenderis, atque idcirco extenderis, particulasque particulis illius respondenteis habes. An dicis te cerebri partem pro puncto accipere? Incredibile sanè: sed esto punctum. Si illud quidem Physicum sit, eadem remanet difficultas, quia tale punctum extensum est, neque partibus prorsus caret. Si Mathematicum, nōsti primum id nisi imaginatione non dari. Sed detur, vel fingatur potius dari in cerebro Mathematicum punctum, cui tu adjungaris, & in quo existas, vide quàm futura sit inutilis fictio. Nam ut fingatur, sic fingi debet, ut sis in concursu nervorum per quos omnes partes informatæ animæ transmittunt in cerebrum ideas, seu species rerum sensibus perceptarum. At primū, nervi omnes in punctum non coeunt, sed quia cerebro continuato in spinalem medullam multi nervi toto dorso in eam abeunt: seu quia qui tendunt in medium caput, non in eundem cerebri locum desinere deprehenduntur. Sed demus concurrere omnes; nihilominus concursus illorum in mathematico puncto esse nequit;

nequit; quia videlicet corpora, non mathematicæ lineæ sunt, ut coïre possint in mathematicum punctum. Et ut demus coïre, spiritus per illos traduci exire è nervis, aut subire nervos non potuerunt, utpote cùm corpora sint, & corpus esse in non loco, seu transire per non locum, cujusmodi est punctum mathematicum, non possit. Et quamvis demus esse, & transire posse: attamen tu in puncto existens, in quo non sunt plagæ dextra, sinistra, superior, inferior, aut alia, dijudicare non potes unde adveniant, aut quid renuncient. Idem autem dico de iis, quos tu debeas ad sentiendum, renunciandumve, & ad movendum transmittere. Ut præteream capi non posse, quomodo tu motum illis imprimas, si ipsa in puncto sis, nisi ipsa corpus sis, seu nisi corpus habeas, quo illos contingas, simulque propellas. Nam si dicas illos per se moveri, ac te solummodo dirigere ipsorum motum: memento te alicubi negasse moveri corpus per se, ut proinde inferri possit te esse motus illius causam: ac deinde explica nobis, quomodo talis directio sine aliqua tui contentione atque aded motione esse valeat? Quomodo contentio in rem aliquam, & motio illius, sine contactu mutuo evenitis & mobilis? Quomodo contactus sine corpore, quando (ut lumine naturali est aded perspicuum) tangere nec tangi sine corpore nulla potest res? Quanquam quid in his immoror; cùm tibi ipsi incumbat probare esse te rem inextensam, atque idecirco incorpoream? Neque verò, quantum opinor, argumentum ex eo duces, quod homo constare vulgo dicitur ex corpore & anima; quasi cùm una pars corpus dicatur, alia non corpus dici debeat: Si enim faceres, ita distinguendi occasionem dares: Constare hominem ex duplici corpore, crasso scilicet, & subtili; aded ut cùm illud retineat commune nomen corporis, isti nomen animæ detur. Ut præteream idem de aliis animalibus dictum iri, quibus tu mentem tibi ipsi parem non concesseris: beatis illis sanè, si vel animam, te auctore, habeant. Hinc igitur quando concludis, *certum esse te à corpore tuo reverà esse distinctum*. Vides concessum id quidem iri; sed non concessum iri propterea esse te incorpoream, & non potius speciem tenuissimam corporis à crassiore isto distincti. Addis & te proinde posse absque illo existere. Verum ubi concessum fuerit te perinde posse absque crasso isto corpore existere, ac existit vapor odoratus, dum è pomo exiliens in auras dispergitur, quid-nam exinde lucrata eris? Certè aliquid amplius, quàm quod Philosophi memorati volunt, qui perire te penitus in ipsa morte opinantur: instar figuræ scilicet, quæ ex superficiiei immutatione ita evanescit, ut deinceps nulla, seu nihil planè sit. Si quidem cùm fueris præterea corporea quædam, seu tenuis substantia, non dicèris ipsa in morte penitus evanescere, abireve planè in nihilum: sed per tui partem, dissipatas subsistere: quantumcumque ob distractionem cogitatura amplius non sis, & neque res cogitans, neque mens, neque anima sis dicenda. Quæ tamen omnia semper obijcio, non ut de conclusione à te intenta dubitans; sed ut de vi demonstrationis à te expositæ diffidens.

5. Interspergis consequenter nonnulla eodē pertinencia, quibus omnibus non est insistendum. Id noto, quod ais doceri naturam per sensum doloris, famis, sitis, &c. te non adesse corpori, ne nauta adest navigio: sed esse te illi arctissime conjunctum, & quasi permixtum, adeo ut unum quid cum illo componas. Alioquin enim, inquis, cum corpus leditur, ego, qui nihil aliud sum, quam res cogitans; non sentirem idcirco dolorem, sed pro intellectu lesionem istam perciperem, ut nautica visus percipit, si quid in nave frangatur. Et cum corpus cibo vel potu indigeret, hoc ipsum expresse intelligerem, non confusos famis & sitis sensus haberem. Nam certe isti sensus sitis, & famis, doloris, &c. nihil aliud sunt, quam confusi quidam modi ab unione, & quasi permixtione mentis cum corpore exortis. Ac bene quidem se ista habent, sed explicandum superest, quoniam modo ista conjunctio, & quasi permixtio, aut confusio competere tibi, si sis incorporea, inextensa, & indivisibilis, possit? Si puncto enim grandior non es, quomodo conjungeris toti corpori, quod est magnitudinis tanta? Quomodo saltem cerebro, aut exigua illius parti, quæ (ut dictum est) quantulumcumque sis, magnitudinem tamen seu extensionem habet? Si partibus omnino cares, quomodo misceris, aut quasi misceris partis hujus particulis? neque enim est mixtio sine partibus commiscibilibus utrinque: Et, si discreta planē es, quomodo confunderis unumque componis cum ipsa materia? Et, cum compositio, conjunctio, seu unio inter partes aliquas sit, nonne debet esse proportio inter partes hujusmodi? Quoniam verò corporeæ cum incorporea intelligipotes? Capimus-ne quomodo lapis & ær ita compingantur, verbi causâ, in pumice, ut germana inde fiat compositio? Et major tamen est proportio inter lapidem & ærem, qui ipse quoque corpus est, quam inter corpus, & animam, nientemve planē incorpoream. Et non-ne debet unio per contactum intimum fieri? Quomodo id verò, ut antè dicebam, sine corpore? Quomodo quod corporeum est, apprehender quod incorporeum, ut sibi junctum teneat: aut quomodo incorporeum apprehendet corporeum, ut sibi devinctum reciprocè habeat: si nihil prorsus in illo sit, neque quo apprehendatur, neque quo apprehendat? Hinc quia te fateris sentire dolorem, quæso te quomodo te putes, si incorporea & inextensa sis, sensus doloris esse capacem? Quippe doloris affectio non nisi ex quadam partium distractione intelligitur, cum quidpiam interjicitur; quod contrivariis solutionem faciat. Vide licet status doloris est quidam status præter naturam; quomodo verò potest præter naturam esse, afficere, quod per naturam, uniusmodi, simplex, indivisibile, intransmutabileque est? Et cum dolor aut alteratio, aut non sine alteratione sit; quomodo potest id alterari, quod cum sit puncto impartibilis, non potest fieri alterum, desinereve esse ejusmodi est: quin in nihilum redigatur? Adde & cum dolor ex pede, ex brachio, partibusve aliis simul advenit, nonne oportet in te esse partes varias, in quibus illum variè excipias, ne confusè, & quasi unius ducta-

duntaxat partis dolorem sentias? Sed uno verbo, generalis semper difficultas manet, quomodo corporeum cum incorporeo communicare valeat: quam proportionem statuere alterius cum altero liceat.

6. Cætera prætereo, quæ fusè & eleganter prosequeris, ut ostendas esse aliquid præter te, ac Deum. Deducis enim esse tuum corpus, facultatesque corporales: itemque alia corpora, quæ in tuos sensus, ac te ipsam immutant sui species, efficiantque voluptatis & doloris passiones, unde sunt in te prosequutio, & fuga.

Ex quibus hunc tandem fructum colligis, ut cum omnes sensus circa ea, quæ ad corporis commodum spectant, multò frequentius verum indicent, quàm falsum: idcirco inferas te amplius veteri non debere, ne ea falsa sint, quæ tibi quotidie à sensibus exhibentur. Idem consequenter dicis de insomniis, quæ quia non perinde cum reliquis omnibus actionibus vitæ à memoria conjunguntur, ut ea, quæ vigilantia occurrunt; ideo statuis tibi res veras non in somniis, sed vigilantia occurrere: Et, ex eo, inquis, quòd Deus non sit fallax, sequitur omnino in talibus te non falli. Quod, ut admodum pie dicis, ita cum postremo concludis, *Esse humanam vitam erroribus obnoxiam, nostraque natura infirmitatem esse agnoscendam*, facis profectò quàm optime.

Hæc sunt, Vir eximie, quæ mihi circa Meditationes tuas adnotanda occurrunt. Repeto non esse cur ipse ea cures, quòd meum iudicium tanti non sit, ut haberi debeat apud te tantilli momenti. Ut enim, cum aliquis eibus palato meo suavis est, quem displicere aliis video, non defendo gustatum meum esse alieno perfectiorem: ita, cum menti placet opinio, quæ non aridet cæteris, longè absum ut tuear me in veriorē incidisse. Id potius puto verè dictum, suo quemque sensu abundare: ac tam prope iniquum habeo, velle ut omnes eadem sententiâ, quàm ut omnes eodem sint gustu. Quod dico, ut existimes tibi, per me, liberum esse, hæc, quæ censui, omnia flocci facere, nulloque planè loco habere. Abunde erit, si primum meum erga te affectum agnoscas, & non ducas pro nihilo venerationem tuæ virtutis. Potest fortè aliquid esse inconsideratius prolatum, ut inter dissentiendum proclivius nihil est: id si occurrat planè devoveo: Tu due futuram, & sic habe, nihil mihi fuisse antiquius, quàm ut demererer, & fartam rectamque tuerer amicitiam tuam. Vale. Scribebam Parisiis, Postridie Eidus Majas, An. Sal. 1641.



RESPONSIO AUCTORIS
AD QUINTAS

O B J E C T I O N E S.

VIR PRÆSTANTISSIME,

Tam eleganti & accuratâ Dissertatione Meditationes meas impug-
nasti, quæque ad earum veritatem illustrandam adeo profutura esse
mihi videtur, ut multum me tibi debere existimem, quod ipsam perscripseris;
multumque etiam R. P. Mercenno, quod te ad scribendum incitârit. Quippe
optimè novit vir ille rerum omnium studiosissimus indagator, & eorum præci-
puè quæ spectant ad gloriam Dei promotor indefessus, nullâ viâ melius cognosci
posse an mez rationes pro veris demonstrationibus habendæ sint, quàm si aliquot
ex iis qui doctrinâ & ingenio reliquos antecedunt, ipsas examinarent, ac totis vi-
ribus impugnant, ut deinde fieret periculum an ego satis commodè ad omnia
quæ ab iis proposita essent responderem. Idcirco quamplurimos ad hoc provo-
cavi, à nonnullis impetravi, & gaudeo quod etiam à te. Quamvis enim non
tam Philosophicis rationibus usus fueris ad opiniones meas refutandas, quàm o-
ratoriis quibusdam artibus ad illas eludendas, hoc tamen ipsum ideo mihi gra-
tum est, quod inde conjiciam non facile in me rationes afferri potuisse diversas,
ab iis quæ in præcedentibus aliorum objectionibus quas legisti continentur. Ne-
que enim, si quæ essent, ingenium & diligentiam tuam effugissent, & iudico te
hic non aliud habuisse institutum, quàm ut eorum me admoneres, quibus mez
rationes ab iis quorum ingenia sensibus ita immersa sunt, ut à Metaphysicis cogi-
tationibus prorsus abhorreant, eludi possent, æque ita mihi dares occasionem iis
occurrendi. Quamobrem ego hic non tanquam tibi Philosopho acutissimo, sed
tanquam alicui ex hominibus istis carneis respondebo.

*De iis quæ in Meditationem primam objecta
sunt.*

As te comprobare institutum quo mentem præiudiciis exuere conatus sum,
autpote quod nemo fingere potest esse improbandum: Sed velles ut *simpli-
citer ac paucis verbis*, hoc est, persuntoriè tantùm id effecissem. Quasi scilicet
tam facile sit omnibus se erroribus liberare quibus ab infantia imbuti sumus?
& quasi nimis accuratè id fieri possit, quod nemo negat esse faciendum? Sed
nempe indicare voluisti plerosque homines fateri quidem verbo tenus præju-
dicia esse vitanda, sed tamen nunquam illa vitare, quia nullum studium aui la-
borem

berem in hoc impendunt, nullaque ex iis quæ semel ut vera admiserunt pro præjudiciis habenda esse arbitrantur. Tu certè hic illorum personam egregiè agis, & nihil eorum quæ ab ipsis dici possent omittis, sed interim nihil asters quod Philosophum redolere videatur; ubi enim ais, opus non esse Deum fingere deceptorem, neque nos somniare, nec talia, Philosophus putasset sibi addendam esse rationem cur illa non possint in dubium revocari: vel si nullam habuisset, ut reverà nulla est, id non dixisset: Neque addidisset sufficere hoc in loco, humanæ mentis caliginem aut naturæ nostræ imbecillitatem causari, nihil enim prodest ad errores nostros emendandos quòd dicatur nos errare quia nostra mens caligat, vel natura est imbecilla; idem enim est ac si tantum diceretur, nos errare quia sumus erroribus obnoxii; & manifestè utilius est attendere, ut feci, ad omnia in quibus contingere potest ut erremus, ne ipsis temerè assentiamur. Non etiam dixisset Philosophus *me, habendo dubia omnia pro falsis, non tam vetus exuere quam induere novum præjudicium*; vel prius probare conatus fuisset ex tali suppositione oriri periculum alicujus deceptionis; Sed tu è contra paulò post affirmas me non posse à me extorquere ut illa pro incertis falsisque habeam quæ falsa supposui, hoc est, ut novum illud induam præjudicium quod ne induerem verebaris. Nec magis miraretur Philosophus istiusmodi suppositionem, quàm quòd aliquando ut baculum qui curvus est rectum reddamus, illum in contrariam partem recurvemus; novè enim sæpe falsa pro veris utiliter sic assumi ad veritatem illustrandam; ut cum Astronomi Aequatorem, Zodiacum, aliosque circulos in cœlo imaginantur cum Geometrae novas lineas datis figuris adjungunt, & sæpe Philosophi multis in locis: Qui autem hoc vocat *recurrere ad machinam, captare prestigia, sectari ambages*, atque, *Philosophico candore, ac veritatis amore esse indignum*, non certè ipse Philosophico candore, nec ulla ratione, sed Rethorico tantum fucò uti se velle testatur.

De iis quæ in secundam Meditationem objecta sunt.

Pergis hic Rhetoricam simulationem loco rationis usurpare: fingis enim me ludificari ubi seriò ago; & seriò accipis tanquam verè dictum, & affirmatum, quòd tantum interrogando, & ex vulgari aliorum sententia proposui, ut de eo ulterius inquirerem. Quod enim dixi, omnia sensuum testimonia pro incertis, imò etiam pro falsis esse habenda, omnino seriù est: & ad meas Meditationes intelligendas adeò necessarium, ut quisquis illud admittere non vult, aut non potest, nihil in ipsas responsione dignum objiciendi sit capax. Sed advertenda est distinctio variis in locis à me inculcata, inter actiones vitæ, & inquisitionem veritatis: Cum enim de regenda vita quæstio est, ineptum sanè esset sensibus non credere, planèque ridendi fuerunt illi Sceptici qui res humanas eò usque negligebant, ut nesci in præcipitia conjicerent, ab amicis deberent asservari.

Atque i scircò alicubi admonui neminem *sana mentis de talibus dubitare*; cum autem quidnam certissimè ab humano ingenio cognosci possit inquiritur, planè à ratione alienum est, eadem nosse ut dubia, imò etiam ut falsa, seriò rejicere, ad animadvertendum alia quædam, quæ sic rejici non possunt, hoc ipso esse certiora, nobisque reverà notiora. Quod autem dixi, me nondum satis intelligere quis sit ille qui cogitat, non bonè fide ut seriò dictum accipis, cum id ipsum explicaverim: nec etiam quod dixerim, me non dubitasse de eo in quo natura corporis consistebat, nullamque vim seipsum movendi illi tribuisse, meque imaginatum esse animam instar venti, vel ignis, & talia, quæ ibi tantum ex vulgi opinione retuli, ut suis locis falsa esse ostenderem. Quà autem fide ais *mutari, incedere, sentire, &c. à me referri ad animam, ut statim subjungas, esto, modo caveamus distinctionem tuam inter animam & corpus*; ego enim paulò post expressis verbis nutritionem retuli ad solum corpus, incessum verò & sensum maxima ex parte refero etiam ad corpus, nihilque quod ad illos pertineat, animæ tribuo, præter id solum quod est cogitatio. Quam deinde habes rationem ut dicas *non opus fuisse tanto apparatu ad probandum me existere*; Certè ego ex his ipsismet tuis verbis optimam mihi vi deor habere rationem judicandi, nondum me ibi satis magno apparatu usum fuisse, quandoquidem efficere nondum potui ut rem rectè intelligas: Cum enim ais me idem potuisse ex quavis alia mea actione colligere, nullum à vero aberras, quia nullius meæ actionis omnino certus sum (nempe certitudine illa Metaphysica, de qua sola hic questio est) præterquam solius cogitationis. Nec licet inferre, exempli causà, ego ambulo, ergo sum, nisi quatenus ambulandi conscientia cogitatio est, de qua sola hæc illatio est certa, non de motu corporis, qui aliquando nullus est in somnis, cum tamen etiam mihi videoor ambulare; adeò ut ex hoc quod putem me ambulare, optimè inferam existentiam mentis quæ hoc putat, non autem corporis quod ambulet. Atque idem est de cæteris.

2. Incipis deinde non injucunda prosopopœia me non amplius ut hominem integrum, sed ut animam separatam interrogare, quo me videris admonere hæc objectiones non à mente subtilis Philosophi, sed à sola carne factas fuisse. Quæ forte igitur, ô caro, seu quocunque velis nomine censeris, habesne tam parum cum mente consortii ut advertere non potueris quandònam emendavi illam vulgi imaginationem, per quam fingitur id quod cogitat esse instar venti, similisve corporis? Emendavi enim illam profectò cum ostendi supponi posse, nullum ventum, nec aliud corpus in mundo esse, ac nihilominus illa omnia, ex quibus me ut rem cogitantem agnosco, remanere. Ac proinde quæcunque postea interrogas, cur non possim igitur esse adhuc ventus, cur non replere spatium, cur non moveri pluribus motibus, & talia, tam inania sunt, ut responsione non egent.

3. Nec magis urgent quæ subjungis, si sum tenue quoddam corpus, cur non possim

possim nutriri, & reliqua; nego enim me esse corpus. Atque, ut semel absolvam, quia fere semper eodem stilo uteris, nec meas rationes impugnas, sed ipsas, tanquam si nullæ essent, dissimulando, vel imperfectas tantum & truncatas referendo, colligis varias difficultates quæ vulgo ab imperitis in meas conclusiones, aliasve iis affines, aut etiam dissimiles, moveri solent, quæque vel ad rem non pertinent, vel jam à me suis locis sublatae sunt aut solutæ, non operæ pretium est ut ad singula quæ interrogas respondeam, centies enim eadem quæ jam ante scripsi essent repetenda. Sed breviter tantum de iis agam quæ lectores non planè ineptos morari posse videbuntur. Et quantum ad illos qui non tam ad vim rationum, quàm ad verborum multitudinem attenti sunt, eorum approbationem tantum facio ut ejus promerendæ gratiâ verbosior fieri velim. Primum itaque hæc notabo tibi non credi, cum ais mentem adolefcere, ac debilitari cum corpore, nullâque ratione id probas; nam ex eo quod non tam perfectè agat in corpore infantis, quàm adulti, ac sæpe à vino aliisque rebus corporeis ejus actiones possint impediri, sequitur tantum illam, quandiu corpori est adjuncta, ipsò uti ut instrumento ad eas operationes, quibus ut plurimum occupatur, non autem perfectiorem vel imperfectiorem reddi à corpore: nec melius hoc inde inferre quàm si ex eo quod artifex non rectè operetur quoties malo utitur instrumento, inferres ipsum artis suæ peritiam ab instrumenti bonitate nasci.

Notandum etiam te planè non videri intelligere, ô caro, quidnam sit ratio: uti, quam loquidem ut probes sensum fidem mihi non debere esse suspectam, dicis, etsi aliquando non utens oculo visus sum ea sentire quæ sine oculo non sentiuntur, me tamen non esse semper expertum eandem falsitatem: tanquam si non sufficiat ad dubitandum, quod errorem aliquando deprehenderimus; & tanquam si fieri posset ut semper quoties fallimur adverteremus nos falli, cum è contrâ in hoc ipso error consistat quod à nobis sub specie erroris non advertatur. Denique quia sæpe à me petis rationes cum ipsa, ô caro, nullas habes, & tibi probandi onus incumbit, advertendum est ad rectè philosophandum non opus esse ut ea omnia quæ non admittimus, quia ignoramus an sint vera, probemus falsa esse, sed tantummodo esse summo opere cavendum nequid ut verum admittamus quod non possimus probare verum esse. Itacum deprehendo me esse substantiam cogitantem, formæque clarum & distinctum istius substantiæ cogitantis conceptum, in quo nihil eorum quæ ad conceptum substantiæ corporeæ pertinent, continetur, hoc plane sufficit ut affirmem me, quatenus me ipsum novi, nihil aliud esse quam rem cogitantem, quod solum in 2. Meditatione de qua jam agitur affirmavi: Nec debui admittere istam substantiam cogitantem esse quoddam corpus agile, purum, tenue, &c. quandoquidem nullam habui rationem quæ id mihi persuaderet; tui quam habes, tuum est ipsam docere, non autem exigere à me ut probem id falsum esse quod non aliam ob causam admittere recusavi, quam quia mihi erat ignotum. Idem enim facis ac si dicenti me jam in

Hollandia versari, negares esse credendum nili probarem me non esse etiam in China, nec in ulla alia mundi parte, quia fortè fieri potest ut idem corpus per divinam potentiam duobus in locis diversis existat. Cum vero addis, mihi etiam probandum animas brutorum esse incorporeas, & crassum corpus nihil conferre ad cogitationes, testaris te non modò ignorare ejus sint partes probandi, sed etiam quid à quoque sit probandum: nam ego neque animas brutorum puto esse incorporeas, nec crassum corpus nihil conferre ad cogitationem, sed tantum istarum rerum considerationem nullo modo esse hujus loci.

4. Quæris hic obscuritatem ex æquivocatione vocis *anima*, sed quam ego tam accurate sustuli suis locis, ut hic pigeat reperere; Itaque dicam tantum homina ut plurimum imposita fuisse ab imperitis, idèoque non semper satis aptè rebus respondere, nostrum autem non esse illa mutare postquam usu recepta sũnt, sed tantum licere ipsorum significationes emendare, cum advertimus illas ab aliis non rectè intelligi: Sic quia fortè primi homines non distinxerunt in nobis illud principium quo nutrimur, crescimus, & reliqua omnia nobis cum brutis communia sine ulla cogitatione peragimus, ab eo quo cogitamus; utrumque unico *anima* nomine appellarunt, ac deinde animadvertentes cogitationem à nutritione esse distinctam, id quod cogitat vocarunt *mentem*, hancque animæ præcipuam partem esse crediderunt: Ego verò animadvertens principium, quo nutrimur, toto genere distingui ab eo, quo cogitamus, dixi *anima* nomen, cum pro utroque sumitur, esse æquivocum, atque ut specialiter sumatur pro *actu primo*, sive *præcipua hominis forma*, intelligendum tantum esse de principio quo cogitamus; hocque nomine mentis ut plurimum appellavi ad vitandam æquivocationem; *Mentem* enim non ut animæ partem, sed ut totam illam animam quæ cogitat, considero. Hæres verò, inquis, an ergo existimem animam semper cogitare: sed quidni semper cogitaret, cum sit substantia cogitans? & quid miri quod non recordemur cogitationum quas habuit in matris utero, vel in lethargico, &c. cum ne quidem recordemur plurimarum, quas tamen scimus nos habuisse dum essemus adulti, sani, & vigilantes? Ad recordationem enim cogitationum quas mens habuit, quamdiu corpori est conjuncta, requiritur ut quædam ipsarum vestigia in cerebro impressa sint, ad quæ se convertendo, sive se applicando recordatur: quid autem miri si cerebrum infantis, vel lethargici vestigiis istis recipiendis sit ineptum?

Denique ubi dixi, *forſan fieri poſſe ut id quod nondum novi* (nempe meum corpus) *non ſit diverſum ab eo me quem novi* (nempe à mea mente;) *neſcio, de hacce non diſputo*, &c. objicis, ſi neſcis, ſi non diſputas, cur te nihil eſſe iſtorum aſſumis? ubi ſaluſ eſt me quicquam aſſumpſiſſe quod neſcirem, nam planè è contra, quia neſciebam eſſe nec corpus idem quod mens necne, niſi ea de re aſſumpſi, ſed ſolam mentem conſideravi, donec poſtea in 6. Meditatione illam realiter à corpore diſtingui, non aſſumpſi, ſed demonſtravi. Tu vero, ô caro, in hoc

hoc plurimum peccas, quòd cum nullam vel minimam habeas rationem ad probandum mentem à corpore non distingui, nihilominus tamen id assumis.

5. Quæ de imaginatione scripsi, satis clara sunt attendenti, sed nihil miri sit fortè iis qui non meditantur, sunt perobscura. Moneo autem ipsos, ea quæ ad hanc quam de me habeo notitiam non pertinere affirmavi, non pugnare cum iis quæ dixeram antea me nescire an ad me pertinerent, quia planè aliud est pertinere ad me ipsum, quàm pertinere ad eam quam de me habeo notitiam.

6. Quæcunque hîc habes, ô caro optima, non tam mihi videntur esse objectiones, quàm obmurmurationes quædam nullâ responsione indigentes.

7. Hic etiam multa obmurmuras, sed quæ, non magis quàm præcedentia, egent responsione. Nam quæ de brutis inquiris, non sunt hujus loci, quia mens meditabunda apud se ipsam potest experiri, se cogitare, non autem an bruta etiam cogitent necne; sed hoc postea ex eorum operationibus à posteriori tantum investigat. Nec hæreo in iis quæ me ineptè loquentem introducis abnegandis, quia mihi satis est semel monuisse te non omnia mea fideliter referre. Sæpe verò attali criterium quo dignoscitur mentem aliam esse à corpore, nempe quòd tota mentis natura consistat in eo quod cogitet, tota autem natura corporis in eo quòd sit res extensa, nihilque prorsus commune sit inter cogitationem & extensionem. Ostendi etiam sæpe distinctè mentem posse independentè à cerebro operari, nam sanè nullus cerebri usus esse potest ad purè intelligendum, sed tantum ad imaginandum vel sentiendum: Et quamvis forti accedente imaginatione, vel sensu (ut sit cum cerebrum perturbatur) non facilè mens aliis rebus intelligendis vacet, experimur tamen cum imaginatio est minus fortis, nos sæpe aliquid ab ipsa planè diversum intelligere, ut cum inter dormiendum advertimus nos somnari, opus quidem est imaginationis quòd somniemus, sed quòd nos somnare advertamus, opus est solius intellectus.

8. Hîc, ut sæpe alibi, tantum ostendis te non satis intelligere illa quæ conaris reprehendere. Neque enim abstraxi conceptum ceræ ab ejus accidentium conceptu, sed potius indicare volui quo pacto ejus substantia per accidentia manifestetur, & quomodo ejus perceptio reflexa & distincta, qualem nullam, ô caro, videris unquam habuisse, differat à vulgari & confusa. Nec video quonam fretus argumento pro certo affirmes canem simili modo, atque nos judicare, nisi quia cum videas illum etiam carne constare, eadem omnia quæ in te sunt putas esse etiam in illo; sed ego qui nullam in eo mentem animadverto, nihil simile iis quæ in mente cognosco in ipso reor inveniri.

9. Miror te hîc fateri omnia illa quæ in cera considero demonstrare quidem me distinctè cognoscere quòd existam, non autem quis, aut qualis sim, cum unum sine alio non demonstretur. Nec video quid amplius ea de re expectes, nisi ut dicatur cujus coloris, odoris & saporis sit mens humana, vel ex quo sile, sulphure & Mercurio sit constata: vis enim ut ipsam instar vini, labore quodâ Chy-

mico examinemus. Quod te profectò dignum est, ó caro, & iis omnibus qui eum nihil nisi admodum confusè concipiant, quid de quaquere quærendum sit ignorant: sed quantum ad me, nihil unquam aliud requiri putavi ad manifestandam substantiam, præter variæ ejus attributa, adeo ut quo plura alicujus substantiæ attributa cognoscamus, eo perfectius ejus naturam intelligamus; Atque ut multa diversa attributa in cera distinguere possimus; unum, quod sit alba; aliud, quod sit dura; aliud, quod ex dura fiat liquida, &c. Ita etiam in mente toridem sunt; unum, quod habeat vim cognoscendi albedinem ceræ; aliud, quod habeat vim cognoscendi ejus duritiem; aliud, quod mutationem duritiæ, five liquefactionem, &c. Potest enim quis nôsse duritiem, qui non ideo novit albedinem, nempe qui cæcus natus est, & ita de cæteris. Unde clarè colligitur, nullius rei tot attributa cognosci, quàm nostræ mentis, quia quocunque cognoscuntur in qualibet alia re, tot etiam numerari possunt in mente, ex eo quod illa cognoscat, atque ideo ejus natura omnium est notissima. Denique hic obiter reprehendis, quod cum nihil in me esse admiserim præter mentem, nihilominus loquar de cera quam videam, quam tangam, quod sine oculis & manibus fieri non potest: sed notare debuisti, me accuratè monuisse non ibi agi de visu & tactu, quæ sunt ope organorum, sed de sola cogitatione videndi, & tangendi, ad quam organa ista non requiri quotidie in somnis experimur: nec sanè hoc non notasti, sed tantum monere voluisti quàm absurdæ sæpe atque injustæ cavillationes ab iis, qui non tam aliquid intelligere quàm impugnare satagunt, excogitentur.

De iis qua in tertiam Meditationem objecta sunt.

I.

E Uge hîc tandem aliquam contra me affers rationem, quod nullibi prius te fecisse animadverti; ut enim probes non esse regulam certam, quòd ea quæ valde clarè & distinctè percipimus sint vera, dicis ingenia permagna quæ videntur debuisse plurima clarè & distinctè percipere, censuisse nihilominus rerum veritatem, velin Deo, vel in puto esse absconsam: In quo fateor te rectè ab auctoritate argumentari, sed meminisse debuisses, ó caro, te hic affari mentem à rebus corporeis sic abductam, ut ne quidem sciat ullos unquam homines ante se extitisse, nec proinde ipsorum auctoritate moveatur. Quod deinde affers de Scepticis, locus est communis non malus, sed nihil probans, ut neque quòd quidam pro falsis opinionibus mortem oppetant, quia probari nunquam potest illos clarè & distinctè percipere id quod pertinaciter affirmant. Quod denique addis non tam de veritate regulæ esse laborandum, quàm de Methodo ad dignoscendum an fallamur, necne, cum existimamus nos aliquid clarè percipere, non infirior; sed hoc ipsum accuratè à me prælitum fuisse contendo suis in locis, ubi primum abstuli omnia præjudicia, & postea enumeravi omnes præcipuas ideas, ac distinxî claras ab obscuris, aut confusis.

2. Miror

2. Miror verò ratiocinium quo probare vis omnes nostras ideas esse adventitias, nullasque à nobis factas, quia, inquis, *mens facultatem habet non tantum percipiendi ipsas ideas adventitias, sed præterea illas variè componendi, dividendi, contrahendi, ampliandi, comparandi, & id genus similia*: unde concludis ideas Chimerarum, quas mens facit componendo, dividendo, &c. non esse ab ipsa factas, sed adventitias: Quo pacto enim posses probare nec signa ulla facta fuisse à Praxitele, quoniam à se non habuit marmor ex quo illa exculperet, nec te has objectiones fecisse, quia ex verbis non à te inventis, sed ab aliis mutuatis ipsas composuisti. At certe nec forma chimæræ in partibus capræ, aut leonis, nec forma tuarum objectionum in singulis verbis quibus usus es, sed in sola compositione consistit. Mirabile etiam est quod ideam *Resi* non posse esse in mente sustineas, nisi simul sint idea animalis, plantæ, lapidis, omniumque universalium: tanquam si ut agnoscam me esse rem cogitantem debeam agnoscere animalia, & plantas, quoniam debeo, *Rem*, sive quid sit *Res*, agnoscere. Nec verius hic de veritate agis. Ac denique cum ea tantum de quibus nihil affirmavi impugnes, non nisi in ventos præliaris.

3. Hic ut convellas rationes ob quas de rerum materialium existentia censui esse dubitandum, quæris *cur ergo supra terram ambulem, &c.* in quo manifestè principium petitur, assumis enim id quod esset probandum, nempe tam certum esse me supra terram ambulare, ut de eo non possit dubitari. Et cum rationibus, quas mihi objeci, & refutavi, unam vis addere *quam obrem in cæcō nato nulla sit idea coloris, aut in surdo vocis*: Planè ostendis te nullam habere ullius momenti; qui enim scis nullam esse ideam colorum in cæco nato? cum intus dum in nobis, etsi claudamus oculos, nihilominus sensus lucis, & colorum excitentur; & quamvis, quod ais, concedatur, nunquam eodem jure dici potest ab eo qui negat existentiam rerum materialium, cæcum natum non habere ideas colorum, quia ejus mens facultate illas formandi est destituta, quo ære dicitur ipsum easdem non habere quia oculis est privatus? Quæ subjungis de duabus ideis solis, nihil probant; sed cum ambas pro una accipis, quoniam ad unum solem referuntur, idem est ac si diceres verum & falsum non differre, cum de eodem subiecto affirmantur: & cum illam quam ex rationibus astronomicis colligimus negas esse ideam, nomen ideæ ad solas imagines in phantasia depictas, contra id quod expresse assumpsi, restringis.

4. Idem hæc facis, cum negas substantiæ esse veram ideam, quia nempe substantia non imaginatione, sed solo intellectu percipitur: Atqui dudum ego protestatus sum, o caro, nihil mihi negotii esse cum illis qui sola sua imaginatio, ne, non autem intellectu uti volunt. Ubi verò ais *substantia ideam nihil habere realitatis quod non habeat ex ideis eorum accidentium sub quibus, vel quorum instar concipiuntur*, probas reverea nullam habere distinctam, quia nullam substantia instar accidentium concipi potest, nec suam realitatem ab iis

mutuari; sed contra vulgo à Philosophis accidentia substantiarum instar concipiuntur, nempe quoties realia esse dicuntur: Nulla enim accidentibus realitas (hoc est nulla entitas plusquam modalis) tribui potest, quæ non ab idea substantiæ desumatur. Porro ubi ais ideam Dei haberi tantum ex eo quod audivimus quædam attributa de Deo enunciari, vellem adderes undenam ergo primi homines, à quibus ista audivimus, eandem Dei ideam habuerint; si enim à se ipsis, cur non etiam eandem à nobis habere possumus? si verò à Deo revelante, ergo Deus existit.

Cum autem addis eum qui infinitum quid dicit, attribueret ei quam non capis nomen quod non intelligis: non distinguit intellectiōnem modulo ingenii nostri conformem, qualem de infinito nos habere unusquisque apud se satis experitur, à conceptu rerum adæquato, qualem nemo habet non modò de infinito, sed nec fortè etiam de ulla alia re quantumvis parva. Nec verum est intelligi infinitum per finis sive limitationis negationem, cum è contra omnis limitatio negationem infiniti contineat. Nec verum etiam est ideam omnes illas perfectiōnes quas Deo tribuimus representantem non habere plus realitatis objectivæ quàm habeant res finitæ. Fateris enim ipsemet istas perfectiōnes ab intellectu nostro ampliari ut Deo tribuantur; An ergo existimas illa quæ sic ampliata sunt non ideo majora esse non ampliatis? Et unde esse potest facultas omnes perfectiōnes creatas ampliandi, hoc est aliquid ipsis majus sive amplius concipiendi, nisi ex eo quòd idea rei majoris, nempe Dei, sit in nobis? Nec denique verum est perpusillum fore Deum si non sit major quàm à nobis intelligatur; intelligitur enim esse infinitus, atque infinito nihil majus esse potest. Atqui confundis intellectiōnem cum imaginatiōe, fingisque nos Deum imaginari instar hominis alicujus permagni, tanquam si quis nunquam visum elephantem imaginaretur esse instar animalculi acari quammaximi, quod tecum fateor esse ineptissimum.

5. Multa hic dicis ut mihi videaris contradicere, nec tamen ullo modo contradicis, cum planè idem quod ego concludas. Sed tamen multa hinc inde permisceas, à quibus valde dissentio, ut quod axioma, *nihil est in effectu quod non præxistit in causa*, de causa materiali potiùs quàm de efficiente sit intelligendum, nunquam enim perfectiō formæ in causa materiali, sed in sola efficiente præexistere potest intelligi: & quòd *formalis realitas idea sit substantia*, & talia.

6. Si quid haberes ad existentiam rerum materialium probandam, procul dubio hic attulisses, sed cum tantum interrogas, *an ergo mea mens incerta sit esse aliquid præter se in mundo*; &ingas non opus esse ut argumenta ad id quæras, atque ita provocas tantum ad præjudicatas opiniones, multò clarius ostendis nullam te ejus quod affirmas dare posse rationem, quàm si omnino tacuisses, Quæcunque verò hic disputas de ideis non egent responsione, quia tu nomen ideæ ad solas imagines in Phantasia depictas restringis; ego verò ad id omne quod cogita-

cogitatur extendo. Sed obiter quærere libet quo argumento probet, *nihil agere in se ipsum?* Nempe non soles uti argumentis, hoc autem probasti exemplo digiti, qui se ipsum non verberat, & oculi qui se in se ipso non videt, sed in speculo: Quibus facile est respondere, non esse oculum qui speculum videt magis quam seipsum, sed mentem quæ sola & speculum, & oculum, & seipsum quoque agnoscit. Atque etiam dari possunt alia exempla in rebus corporeis, ut cum turbo se in gyrum vertit, nunquid ista conversio actio est quam in seipsum exercet? Denique notandum est, me non affirmasse *idem verum materialium ex mente deduci*, ut non satis bonâ fide hic fingis; expressè enim postea ostendi ipsas à corporibus sæpe advenire, ac per hoc corporum existentiam probari: hic vero tantum exposui, nullam in iis tantam realitatem inveniri, ut ex eo quod nihil sit in effectu quod non formaliter velementer præxistiterit in causa, concludi debeat illas à sola mente non potuisse proficisci; quod nullo modo impugnas.

7. Hic nulla habes quæ non jam antè dixeris, & à me fuerint explosa: unum monebo de idea infiniti, quam ais non posse esse veram nisi comprehendam infinitum, dicique posse ad summum me cognoscere partem infiniti, & quidem partem minimam, quæ non melius infinitum refert, quam exigui capilli effigies hominem integrum repræsentat. Moneo, inquam, è contra planè repugnare, si quid comprehendam, ut id quod comprehendo sit infinitum; idea enim infiniti ut sit vera nullo modo debet comprehendi, quoniam ipsa incomprehensibilitas in ratione formali infiniti continetur, & nihilominus est manifestum ideam quam habemus infiniti non repræsentare tantum aliquam ejus partem, sed veratotum infinitum, eo modo quo debet repræsentari per humanam ideam, etsi proculdubio alia multò perfectior, hoc est, accuratior & distinctior haberi possit à Deo, aliæ natura intelligente, quæ sit humanâ perfectior: Eadem ratione quâ non dubitamus quin Geometria imperitus totius trianguli ideam habeat, cum figuram esse tribus lineis comprehensam intelligit, etsi à Geometris alia multa de eodem triangulo cognosci possint, atque in ejus idea animadverti, quæ ab illo ignorantur. Ut enim sufficit intelligere figuram tribus lineis contentam ad habendam ideam totius trianguli; sic quoque sufficit intelligere rem nullis limitibus comprehensam, ut vera & integra idea totius infiniti habeatur.

8. Eundem hic repetis errorem cum veram ideam Dei haberi negas: etsi enim omnia quæ in Deo sunt non cognoscamus, omnia ea nihilominus sunt vera quæ in eo esse cognoscimus. Quæ verò intermiscis, ut *panem non esse eo qui panem desiderat perfectiorem; ex eo quod percipiam aliquid esse actu in idea, non ideo esse actu in re cuius est idea; me judicare id quod ignoro*, & talia, testantur tantum te, ô caro, multa temerè velle impugnare, quorum sensum non assequeris. Neque enim ex eo quod quis panem desideret, inferri panem esse ipso perfectiorem, sed tantum illum qui pane eget esse imperfectiorem seipso cum non eget:

Et ex eo quodd aliquid sit in idea, non infero idem esse in rerum natura, nisi cum nulla alia istius ideæ causa reddi potest præter rem quam repræsentat actu existentem, quod non de pluribus mundis, nec de ulla alia re, præterquam de solo Deo, verum esse demonstravi: Nec judico id quod ignoro; rationes enim attuli cur id judicaretur, & quidem tam firmas ut nullam ex ipsis vel minimum impugnare potueris.

9. Cum negas nos continuò causæ primæ influxu indigere, ut conservemur, negas rem quam Metaphysici omnes ut manifestam affirmant, sed de qua sæpe illiterati non cogitant, quia tantum ad causas *secundum fieri*, non autem *secundum esse* attendunt. Sic Architectus est causa domus, & pater filii *secundum fieri* tantum, ideòque cum opus absolutum est, potest absque istiusmodi causâ remanere; sed sol est causa lucis ab ipso procedentis, & Deus est causa rerum creaturarum non modò *secundum fieri*, sed etiam *secundum esse*, ideòque debet semper eodem modo influere in effectum, ut eundem conservet. Hocque aperte demonstratur ex eo quod explicui de partium temporis independentia, quodque frustra conaris eludere proponendo necessitatem consecutionis quæ est inter partes temporis in abstracto considerari, de quo hic non est quæstio, sed de tempore, seu duratione rei durantis, cujus non negas singula momenta posse à vicinis separari, hoc est, rem durantem singulis momentis definire esse. Cumque ais *vim esse in nobis quæ ut perseveremus præstare sufficiat, nisi corrumpens causa superveniat*, non advertis te creaturæ tribuere perfectionem creatoris, quod nempe independentem ab alio in esse perseveret; ac creatori imperfectionem creaturæ, quod nempe per positivam actionem tendere debeat in non ens, si quando velit efficere ut esse desinamus. Quod deinde addis *de progressu in infinitum*, nempe *non absurdum esse illum dari*, à te ipso postea infirmatur; *fateris enim absurdum esse in causis ita inter se connexis ut inferior sine superiore agere non possit*; de talibus enim tantum hic quæstio est, nempe de causis in esse, non de causis in fieri, ut sunt parentes; nec proinde Aristotelis auctoritas hic mihi adversatur: Ut neque etiam id quod ais de Pandora; fateris enim omnes perfectiones quas in hominibus animadverto, variis gradibus posse à me adaugeri, adeò ut postea videam tales esse ut in humanam naturam cadere non possint: quod omnino mihi sufficit ad Dei existentiam demonstrandam. Est enim illa ipsa vis perfectiones omnes humanas eòusque ampliandi, ut plusquam humanæ esse cognoscantur, quam urgeo & contendo non futuram fuisse in nobis, nisi à Deo facti essemus. Atqui quod tibi non appareat me istud evidentissime demonstrasse, nequaquam miror, quia non haecenus animadverto te ullam ex meis rationibus rectè percepisse.

10. Cum reprehendis id quod dixi, nihil ideæ Dei addi, nihilque ab ea detrahi posse, non videris attendisse ad id quod vulgo ajunt Philosophi: essentias rerum esse indivisibiles; idea enim repræsentat rei essentiam, cui si quid addatur,

aut detrahatur, protinus fit alterius rei idea: Sic Pandora, sic falsi omnes Dii ab iis qui verum Deum non rectè concipiunt, effinguntur. At postquam semel concepta est idea veri Dei, quamvis novæ detegi possint in ipso perfectiones quæ nondum fuerant animadversæ, non ideo tamen augetur ejus idea, sed tantum distinctior redditur, & expressior, quia omnes in eadem illa quæ prius habebatur, debuerunt contineri, quandoquidem supponitur fuisse vera. Ut neque augetur idea trianguli cum variæ in eo proprietates quæ prius fuerunt ignoratæ advertuntur: Neque enim, ut scias, *idea Dei formatur à nobis successive ex perfectionibus creaturarum ampliatis*, sed tota simul ex hoc quod ens infinitum, omnique ampliacionis incapax mente attingamus. Cum autem peris, *undenam problem ideam Dei esse in nobis tanquam notam artificis operi impressam, & quis sit modus impressionis, quæve forma istius nota?* Idem est ac si aliqua in tabella tantum artificii deprehendens ut ipsam à solo Apelle pingi potuisse judicarem; diceremque inimitabile istud artificium esse veluti quamdam notam, quam Apelles tabellis omnibus suis impressit ut ab aliis dignoscantur, tu verò quæreres quæ forma istius notæ, quive modus impressionis? certè risu potius quàm responsione dignus videreris. Quid? cum pergis: *si non est aliud ab opere, tu ipsa ergo es idea, tu ipsa nihil aliud es quàm cogitationis modus, tu ipsa es & nota impressa, & subiectum impressionis.* Nunquid æquè acutum est ac si dixissem, artificium illud quo Apellis tabellæ ab aliis dignoscuntur non esse quid diversum ab ipsis tabellis, urgeres, ergo tabellas istas nihil aliud esse quàm artificium, nec ex ulla materia constare: ergo ipsas esse tantum modum pingendi, &c.

Quid, cum ut neges nos ad imaginem Dei factos esse, dicis, ergo Deum esse hominiformem, & ea colligis in quibus humana natura differt à divina? es-ne in eo acutior quàm si ut negares quasdam Apellis tabellas ad similitudinem Alexandri factas fuisse, diceres ergo Alexandrum fuisse instar tabellæ, tabellas autem ex ligno, & pigmentis compositas esse, non ex ossibus & carne, ut Alexander? Nempe non est de ratione imaginis, ut in omnibus eadem sit cum re cuius est imago, sed tantum ut illam in aliquibus imitetur: Et perspicuum est, perfectissimam illam vim cogitandi quam in Deo esse intelligimus, per illam minus perfectam quæ in nobis est representari. Cum verò mavis conferre Dei creationem cum fabri operatione, quàm cum generatione parentis, sine ulla ratione id facis: etsi enim illi tres agendi modi toto genere diversi sint, proprius tamen est à productione naturali ad divinam, quàm ab artificiali argumentari. Sed nec tantam similitudinem esse dixi inter nos & Deum, quanta est inter filios & parentes; nec etiam semper nulla est similitudo inter opus fabri, & ipsum fabrum, ut pater cum statuarius sibi simile signum exculpfit. Quam mala autem fide refers mea verba, cum fingis me dixisse, *a me percipi similitudinem in eo quod sim res incompleta, & dependens*, cum è contra ista in dissimilitudinis argumentum attulerim,

lerim, ne putaretur me velle homines Deo æquare: Dixi enim me non modò percipere, me in istis Deo esse inferiorem, & interim ad majora adspirantem, sed etiam majora ista in Deo esse, quibus majoribus aliquid simile in me sit, cùm ad ipsa aulam adspirare. Denique cùm mirum esse ais, *cur non ceteri hominum idem quod ego de Deo intelligant, cùm in illis, æquè ac in me, impresserit ideam sui*, idem est ac si mirareris, quòd cùm omnes nòrint ideam trianguli, non tamen omnes æquè multa in ipsa animadvertant, & fortè nonnulli falsa quædam de ipsa ratiocinentur.

De iis qua in Meditationem quartam objecta sunt.

I.

Quamnam *nihili* ideam habeamus, & quomodo de *non ente* participemus, satis explicui, vocando illam negativam, & dicendo nihil hoc aliud significare quàm nos non esse summum ens, & nobis deesse quamplurima. Sed tu nodos ubique in scirpo quæris. Et cum ais *me videre aliqua Dei opera non omnino absoluta*, planè affingis id quod nullibi scripsi, nec censui, sed tantum si quædam spectarentur, non prout habent in mundo rationem partis, sed ut totum quid, tunc videri posse imperfecta. Quæcunque deinde asters pro causa finali, ad efficientem sunt referenda; ita ex usu partium in plantis, in animalibus &c. effectorem Deum mirari, & ex inspectione operum cognoscere, & glorificare opificem par est, non autem quo fine quidque fecerit divinare; Ac quamvis in Ethicis, ubi sæpe conjecturis uti licet, aliquando sit pium considerare quem finem conicere possimus Deum sibi in regendo universo proposuisse, centè in Physicis, ubi omnia firmissimis rationibus niti debent, est ineptum. Nec fingi potest aliquos Dei fines, magis quàm alios, in propatulo esse; omnes enim in imperferibili ejus sapientiz abyssò sunt eodem modo reconditi. Nec etiam fingere debes neminem mortalium causas alios posse intelligere, nulla enim non est cognitu multò facilior quàm Dei finis: & eas ipsas quas in exemplum difficultatis proponis non nemo existimat se novisse. Denique quia hictam ingenuè interrogas, *quas partem mentem meam habituram fuisse Dei & sui ideas, si ex quo infusa est in corpus, mansisset huc neque in eo clausis oculis, & absque ullo aliorum sensuum usu*: ingenuè & candidè respondeo me non dubitare (modo ipsam in cogitando non impediret à corpore, ut neque etiam adjutam supponamus) quin easdem, quas nunc habet, Dei & sui ideas fuisset habitura, nisi tantùm quòd multo puriores & clariores habuisset: Sensus enim ipsam in multis impediunt, ac in nullis ad illas percipiendas juvant: & nihil obstat quòd minùs omnes homines easdem se habere æquè animadvertant, quàm quia in rerum corporearum imaginibus percipiendis nimium occupantur.

211c

2. Hic ubique male assumis pro positiva imperfectione, quod sumus erroribus obnoxii, cum tamen sit tantum (præsertim respectu Dei) majoris perfectionis in creaturis negatio. Nec recte quadrat comparatio civium Reipublicæ cum partibus universi: civium enim malitia, cum refertur ad Rempublicam, est aliquid positivum; non autem quod homo sit errori obnoxius, sive quod non habeat omnes perfectiones, cum refertur ad bonum universi: Sed melius institui potest comparatio inter eum qui vellet totum humanum corpus oculis tegi, ut elegantior appareret, quia nulla ejus pars oculo pulchrior videtur, & eum qui putat nullas creaturas in mundo errori obnoxias, hoc est, non planè perfectas esse debuisse. Planèque falsum est quod supponis, *Deum nos destinare operibus pravis, nobisque tribuere imperfectiones, & talia.* Ut etiam planè falsum est, *Deum ad illa pauca que judicari ab homine voluit, imparem, implicitam, incertamque facultatem judiciorum ei tribuisse.*

3. Vis ut hic paucis dicam *ad quid se voluntas possit extendere quod intellectum effugiat?* Nempe ad id omne in quo contingit nos errare. Ita cum judicas mentem esse tenue quoddam corpus, intelligere quidem potes, ipsam esse mentem, hoc est, rem cogitantem; itemque tenue corpus esse rem extensam, unam autem & eandem esse rem quæ cogitet, & quæ sit extensa, profecto non intelligis, sed tantummodo vis credere, quia jam ante credidisti, nec libenter de sententia dedecis. Itaque cum pomum, quod fortè venenatum est, judicas tibi in alimentum convenire, intelligis quidem ejus odorem, colorem, & talia grata esse, non autem ideo ipsum pomum tibi esse utile in alimentum, sed quia ita vis, ita judicas. Atque sic fateor quidem nihil nos velle de quo non aliquid aliquo modo intelligamus: sed nego nos æquè intelligere ac velle; possumus enim de eadem re velle per multa, & per pauca tantum cognoscere. Cum autem prave judicamus, non ideo prave volumus, sed fortè pravum quid; nec quidquam prave intelligimus, sed tantum dicimur prave intelligere, quando judicamus nos aliquid amplius intelligere quàm revera intelligamus. Quæ postea de indifferentia voluntatis negas, etsi per se manifesta sint, nolo tamen coram te probanda suscipere; talia enim sunt ut ipsa quilibet apud se debeat experiri, potius quàm rationibus persuaderi, tuque, ô caro, ad ea quæ mens intra se agit non videris attendere. Ne sis igitur libera si non lubet, ego certe mea libertate gaudebo; cum & illam apud me experiar; & æte nulla ratione, sed nudis tantum negationibus impugnetur. Majoremque fortè apud alios merebor fidem, quia id affirmo quod expertus sum, & quilibet apud se poterit experiri, quàm tu quæ idem negas ob id tantum quod fortè non experta sis. Quanquam etiam evinci possit ex tuis verbis id ipsum esse expertam, negando enim nos *cavere posse ne erramus*, quia non vis voluntatem in quicquam ferri ad quod non determinetur ab intellectu, simul concedis *cavere nos posse ne in errore perseveremus*; quod omnino fieri nequit absque illa voluntatis libertate seipsam sine determina-

rione intellectus in unam aut alteram partem movendi, quam negabas. Nam si semel intellectus determinavit voluntatem ad falsum aliquod iudicium proferendum, quæro à te, cum primum ipsa incipit cavere ne in errore perseveret, à quoniam ad id determinatur? Si à se ipsa: Ergo potest ad aliquid ferri ad quod ab intellectu non impellitur, quod tamen negabas, & de quo solo controversia est: si verò ab intellectu: Ergo ipsa non cavet, sed tantummodo sicut prius ferebatur in falsum, quod ipsi ab intellectu proponebatur, ita jam casu contingit, ut feratur in verum, quia intellectus ei verum proponit. Sed præterea vellem scire quam naturam falsi concipias, & quo pacto putes illud esse posse objectum intellectus? Ego enim qui per falsum nihil aliud intelligo quam veri privationem, planè repugnare mihi persuadeo, ut intellectus falsum sub ratione veri apprehendat, quod tamen esset necesse si determinaret unquam voluntatem ad falsum amplectendum.

4. Quantum ad fructum harum Meditationum satis præmonui in præfatiuncula quam telegisse existimo, non magnum illum futurum pro iis *qui rationum mearum seriem & nexum comprehendere non curantes, in singulas tantum earum partes disputare studebunt.* Et quantum ad Methodum quâ possimus ea dignoscere quæ reverà clarè percipiuntur, ab iis, quæ clarè percipi tantum putantur, etsi credam ipsam à me satis accuratè traditam esse, ut jam dictum est, nequaquam tamen confido illos, qui de præiudiciis exuendis tam parum laborant, ut querantur quod non *simpliciter ac paucis verbis* de ipsis sim loquutus, eam faciliè esse percepturos.

De iis quæ in quintam Meditationem objecta sunt.

I.

Quia hic relatis pauculis meis verbis addis me ea tantum habere de quæstione proposita, cogor monere te non satis ad coheræntiam eorum quæ scripsi attendisse; talem enim illam puto, ut ad cuiusque rei probationem conferant omnia quæ ipsum præcedunt, & maxima pars eorum quæ sequuntur: adeo ut bonâ fide non possis referre quantum de aliqua quæstione habeam, nisi etiam totum id quod de reliquis scripsi recenseras. Quod vero ais tibi durum videri statuerè aliquid immutabile & æternum præter Deum, merito sic videretur, si de re existente quæstio esset, vel tantum si quid ita immutabile statuerem, ut ejus immutabilitas à Deo non penderet. Sed quemadmodum Poëtæ fingunt à Jove quidem fata fuisse condita, sed postquam condita fuere, ipsum se iis servandis obstrinxisse: Ita ego non puto essentias rerum, mathematicasque illas veritates quæ de ipsis cognosci possunt, esse independentes à Deo; sed puto nihilominus, quia Deus sic voluit, quia sic disposuit, ipsas esse immutabiles & æternas, quod seu durum, seu molle esse velis, sufficit mihi quod sit verum.

Quæ

Quæ deinde contra Dialecticorum universalia habes, me non tanguit, utpote qui ipsa, non ut illi, intelligam. Sed quantum ad essentias, quæ clarè & distinctè cognoscuntur, qualis est ea trianguli, alteriusve cujusvis figuræ Geometricæ, faciliè cogam te ut fatearis illarum ideas quæ in nobis sunt, à singularibus non esse desumptas; hic enim illas falsas dicis, quia scilicet cum præconcep-ta tua de naturæ rerum opinione non conveniunt.

Et paulo post ais *objectum pura Matheseos, ut punctum, lineam, superficiem, constantiaque ex iis indivisibilia*, indivisibiliterque se habentia existere reipsâ non posse; unde sequitur nullum triangulum, nihilque omnino ex iis quæ ad ipsius aliarumve figurarum Geometricarum essentias pertinere intelliguntur, unquam extitisse, ac proinde istas essentias non esse ab ullis rebus existentibus desumptas. At, inquis, sunt falsæ opinione tuâ scilicet, quia naturam rerum talem esse supponis, ut eæ non sint ipsi conformes. Sed nisi omnem Geometriam falsam quoque esse contendas, negare non potes, quin de ipsis multæ veritates demonstrantur, quæ cum eadem semper sint, meritò dicuntur immutabiles & æternæ. Quod autem fortè non sint conformes ei rerum naturæ quam tu supponis, ut nec etiam illi quam Democritus & Epicurus ex atomis effinxerunt, est tantum ipsis denominatio extrinseca quæ nihil mutat; & nihilominus haud dubiè sunt conformes veræ illi rerum naturæ quæ à vero Deo condita est: Non quòd sint in mundo substantiæ longitudinem habentes sine latitudine, aut latitudinem sine profunditate; sed quia figuræ Geometricæ non considerantur, ut substantiæ, sed ut termini sub quibus substantia continetur. Interim autem non concedo ideas istarum figurarum nobis unquam per sensus fuisse illapsas, ut vulgò omnes sibi persuadent: Etsi enim haud dubiè dari possint in mundo, quales à Geometris considerantur, nego tamen ullas dari circa nos, nisi fortè tam minutas, ut nullo modo sensus nostros attingant: nam componuntur ut plurimum ex lineis rectis, at nequidem unquam ulla pars lineæ, quæ reverà recta esset, sensus nostros movit, quippe cùm illas quæ maximè rectæ nobis visæ sunt pulicario perspicillo examinamus, planè irregulares, & undulatum ubique incurvas esse deprehendimus: Ac proinde cùm primum olim in Infancia figuram triangularem in charta depictam adspeximus, non potuit illa figura vos docere quo pacto verus triangulus, ut à Geometris consideratur, esset concipiendus, quia non aliter in ea continebatur quàm velut in rudi ligno Mercurius. Sed quia jam ante in nobis erat idea veri trianguli, & facilius à mente nostra, quàm magis composita figura picti trianguli concipi poterat, idcirco visa ista figura composita non illam ipsam, sed potiùs verum triangulum apprehendimus. Eodem planè modo quo dum respicimus in chartam, in qua lineolæ atramento ita ductæ sunt ut faciem hominis repræsentent, non tam excitatur in nobis idea istarum lineolarum, quàm hominis: quod omnino non contingeret nisi facies humana nobis aliunde nota fuisset, atque essemus magis assueti de illa, quàm de lineolis istis

cogitare, quippe quas sæpe etiam cùm aliquantulum à nobis remotæ sunt, ab invicem distinguere nequimus: Ita sanè triangulum Geometricum ex eo qui in charta pictus est, agnoscere non possemus, nisi aliunde mens nostra ejus ideam habuisset.

2. Hic non video cujus generis rerum velis esse existentiam, nec quare non æquè proprietas, atque omnipotentia dici possit, sumendo scilicet nomen proprietatis pro quolibet attributo, sive pro omni eo quod de re potest prædicari, ut hic omnino sumi debet. Quin etiam existentia necessaria est reverà in Deo proprietatis strictissimo modo sumpta, quia illi soli competit, & in eo solo essentia partem facit. Nec proinde existentia trianguli cum existentia Dei debet conferri, quia manifestè aliam habet relationem ad essentiam in Deo quàm in triangulo. Nec magis est petitio principii quòd existentia inter ea quæ ad essentiam Dei pertinent numeretur, quàm quòd æqualitas trium angulorum cum duobus rectis inter trianguli proprietates recenseatur. Nec verum est essentiam & existentiam in Deo, quemadmodum in triangulo, unam absque alia posse cogitari, quia Deus est suum esse, non autem triangulus. Nec tamen inferior quin existentia possibilis sit perfectio in idea trianguli, ut existentia necessaria est perfectio in idea Dei; efficit enim illam præstantiorem quàm sint ideæ illarum Chimerarum, quarum existentia nulla esse posse supponitur. Nec proinde vel minimum ulla in re arguenti mei vires infregisti, hæresque semper delusus illo sophismate, quod ais tam facilè à me solvi potuisse. Ad ea autem quæ subjungis, jam alibi satis respondi. Et planè falleris, Cùm ais non demonstrari existentiam de Deo, ut demonstratur de triangulo quòd ejus tres anguli sint æquales duobus rectis; utriusque enim est par ratio, nisi quòd demonstratio probans in Deo existentiam sit altera multò simplicior, & clarior: Cætera denique prætereo, quia dum ais me nihil explicare, nihil ipse explicas, & nihil probas, nisi tantum te probare nihil posse.

3. Contra ea quæ hic habes de Diagora, Theodoro, Pythagora, aliisque, oppono Scepticos, qui de ipsis Geometricis demonstrationibus dubitabant, & affirmo ipsos id facturos non fuisse, si Deum ut par est, cognovissent. Nec rectè probatur unam rem alià esse notioiem ex eo quòd pluribus vera videatur, sed tantum ex eo quòd illis qui utramque, ut par est, cognoscunt, appareat esse cognitum prior, evidentiore, & certior.

De iis quæ in sextam Meditationem objecta sunt.

I.

DE eo quod neges res materiales, ut sunt objectum puræ Matheseos, existere, jam antè egi. Falsum autem est intellectionem Chilogoni esse confusam; distinctissime enim & clarissime multa de eo possunt demonstrari, quòd certè

certe non fieret si non nisi confusè, vel, ut ais, non inetenus perciperetur: Sed revera illud totum simul clarè intelligimus, etsi non possimus totum simul imaginari: Ex quo patet vires intelligendi & imaginandi non differre tantum secundum magis & minus, sed ut duos modos operandi planè diversos. Quippe in intellectatione mens se sola utitur, in imaginatione vero formam corpoream contemplantur. Ac quamvis figuræ Geometricæ sint omnino corporeæ, non tamen ideo ideo illæ, per quas intelliguntur quando sub imaginationem non cadunt, corporeæ sunt putandæ. Ac denique res sola dignum est, o caro, existimare *ideam Dei, Angeli, & mentis humana esse corporeas, vel quasi corporeas, ex forma scilicet humana, & ex rebus aliis tenuissimis, simplicissimis, insensibilissimis, cujusmodi sunt aer, æther, desumptas.* Quisque enim Deum, aut mentem ita sibi repræsentat, rem non imaginabilem conatur imaginari, & nihil nisi corpoream ideam effingit, cui nomen Dei vel mentis falsò tribuit: Nam in vera mentis idea sola cogitatio cum ejus attributis, quorum nulla corporea sunt, continetur.

2. Hic manifestè ostendis te præjudiciis tantum niti, nunquamque illa exuere; cum velis nos in iis in quibus falsitatem numquam deteximus, nullam falsitatem suspicari; atque ideo *cum turrim & prope spectamus, & consuevimus, certos nos esse quod sit quadrata, si quadrata appareat; & cum reverà vigilamus, dubitare nos non posse vigilemusne, an somnietur, & talia:* Nullam enim habes rationem existimandi omnia, in quibus error esse potest, jam olim à te fuisse animadversa; Et facile probari posset te in iis interdum falli, quæ certa esse sic admittis. Cum autem eò redis, *ut saltem dubitare non liceat quin restales appareant quales apparent,* ad viam redis, hocque ipsum in secunda Meditatione effectui: Sed hic de veritate rerum extra nos positarum questio erat, de qua nihil veri attulisti.

3. Non hic hæreo in iis quæ tædiose sæpe repetisti; me quædam non probasse, quæ tamen demonstravi: me egisse de crasso tantum corpore, cum tamen egi de quolibet etiam quàm maximè subtili, & talia: Quid enim istiusmodi affirmationationibus nullà ratione fulcitis opponi debet aliud quàm negatio? Sed obiter tamen vellem scire quo argumento probes me potius de crasso corpore quàm de subtili egisse? Nempe quia dixi, *habeo mihi conjunctum, & certum est me à corpore meo esse distinctam,* quæ verba non video cur non æquè subtili ac crasso corpori convenient, nec puto præter te quemquam videre. Ceterum in 2. Meditatione fidem feci mentem intelligi posse ut substantiam existentem, etsi nihil intelligamus existere quod sit ventus, vel ignis, vel vapor, vel halitus, vel quodvis aliud corpus quantumvis subtile & tenue; an vero in rei veritate ab omni corpore esset diversa, dixi me ibi non disputare: hic autem de eo ipso disputavi, & demonstravi: Tu vero questionem de eo quod potest intelligi, cum questione de eo, quod revera est, confundendo nihil horum te intellexisse testaris.

4. Hic quæris, *quomodo existimem in me subiecto extenso recipi posse speciem, ideamve corporis quod extensum est.* Respondeo nullam speciem corpoream in mente recipi, sed puram intellectiōnem tam rei corporeæ quàm incorporeæ fieri absque ulla specie corporeæ; ad imaginationem vero, quæ non nisi de rebus corporeis esse potest, opus quidem esse specie quæ sit verum corpus, & ad quam mens se applicet, sed non quæ in mente recipiatur. Quod ais de idea solis, quam ex solo ejus calore cæcus elicit, faciliè refutatur. Potest enim cæcus ille claram & distinctam habere ideam solis, ut rei calefacientis, etsi non habeat ejusdem, ut rei illuminantis; Nec rectè me illi cæco comparas, primo quia cognitiō rei cogitantis multo latius patet quàm rei calefacientis, imo etiam latius quàm quicquid de ulla alia re cognoscimus, ut suo loco ostensum est; ac deinde quia nulli possunt arguere ideam illam solis, quam format cæcus, non omnia quæ de sole percipi possunt continerè, nisi qui visu præditi ejus lumen & figuram insuper agnoscunt, tu vero non modo nihil amplius, sed nequidem id ipsum quod ego, de mente cognoscis: adeo ut hac in parte tu potius cæcus, ego ad summum lusciosus cum tota humana gente dici possim. Neque vero addidi mentem non esse extensam, ut quid ipsa esset explicarem, sed tantum ut monerem illos errare qui putant esse extensam: Eodem modo quo, si qui affirmarent Bucephalum esse Musicam, id non frustra de ipso ab aliis negaretur. Et sanè in iis quæ hic subjungis ut probes mentem esse extensam, quia scilicet corpore utitur quod est extensum, non melius ratiocinari mihi videris quàm si ex eo quod Bucephalus hinniat, vel mugiat, & ita edat sonos qui referri possunt ad Musicam, concluderes de Bucephalo quod sit Musica. Etsi enim mens sit unita toti corpori, non inde sequitur ipsam esse extensam per corpus, quia non est de ratione ipsius ut sit extensa, sed tantum ut cogitet. Nec intelligit extensionem per speciem extensam in se existentem, quamvis eandem imagnetur convertendo se ad speciem corpoream quæ est extensa, ut jam dictum est. Nec denique necesse est ut ipsa sit corpus, etsi habeat vim movendi corpus.

5. Quæ hic habes de unione mentis cum corpore, similia sunt præcedentibus. Nihil ullibi in meas rationes objicis, sed tantum dubia proponis, quæ tibi ex meis conclusionibus sequi videntur, etsi reverà ex eo tantum oriantur, quodd ea quæ ex natura sua sub imaginationem non cadunt, ad ejus tamen examen velis revocare. Itaque ubi mentis & corporis permissionem, cum permissione duorum corporum vis comparare, sufficit ut respondeam, nullam inter talia institui debere comparationem, quia sunt toto genere diversa, partesque in mente non esse imaginandas ex eo quodd ipsa partes in corpore intelligat. Unde enim habes id omne quod mens intelligit, in ipsa esse debere? Profectò si hoc esset, cum magnitudinem orbis terrarum intelligit, illam etiam in se haberet, atque ita non modò esset extensa, sed etiam extensione major orbe terrarum.

6. Hic nulla in re mihi contradicis, & satis multa nihilominus dicis, ut nempe
lector

lector inde cognoscat, ex prolixitate verborum rationum tuarum multitudinem non esse æstimandam.

Hactenus verò mens cum carne differuit, atque ut par erat in multis ab ipsa diffensus: Sed jam in conclusione verum Gasendum agnosco, illumque ut præstantissimum Philosophum suspicio, ut virum candore animi, atque integritate vitæ celebrem amplector, & ejus semper amicitiam quibuscunque potero obsequiis demereri conabor. Itaque rogo ne illi grave sit quòd libertate Philosophicæ usus fuerim in ejus objectionibus refutandis; ut mihi profectò pergratum fuit quicquid in ipsis continetur: Et inter cetera gavifus sum quòd à viro tanti nominis, in Dissertatione tam longa, & tam accuratè conscripta, nulla ratio allata sit, quæ meas rationes oppugnaret, nullaque etiam in meas conclusiones, ad quam mihi non perfacile fuerit respondere.

OBJECTIONES

SEPTIMÆ,

Cum notis Auctoris,

Sive

DISSERTATIO

DE PRIMÆ PHILOSOPHIÆ.

Multa ex me quæris, V. C. circa novam vestigandi veri methodum, iis-
que ut respondeam, non modò postulas, sed instanter urges. Silebo
tamen, nec morem geram, mihi nisi illud antè concesseris, abduca-
mus animum penitus tora in dissertatione abiis, qui ea de re aut scri-
psere, aut dixere aliquid, addoque quæ sita tua sic componas, ut ne videaris postu-
lare quid senserint, & quo animo, quo exitu rectè an secus; sed perinde quasi
nemo senserit, scripserit, dixerit iis de rebus quicquam, quæras dumtaxat ea, quæ
meditanti tibi, & novam aliquam Philosophandi methodum vestiganti, aliquid
difficultatis habere videbuntur, ut hoc pacto, & verum quæramus, & ita quæra-
mus, ut amicitia, observantiaque leges erga viros doctos, salva & incolumes re-
tineantur. Quia annuis, & spondes, ego quoque tuos ad natus respondeo. Itaque

NOTÆ.

Multa ex me quæris. Cum hanc dissertationem ab ejus auctore acceperim, post-
quam enixè rogassim, ut ea qua ab ipso in meas Meditationes de prima Phi-
losophiæ, conscripta fuisse audiebam, vel in lucem ederet, vel saltem ad me mitte-
ret, ut reliquis objectionibus in easdem Meditationes ab aliis factis adjungeren-
tur: Non potui recusare quin illam hic adjungerem; Nec etiam dubitare, quin
ego is sim quem ille hoc in loco alloquitur. Esi profectò non meminerim me unquam
ab eo

ab eo quasivisse, quid de mea vestigandi veri methodo sentiret: *Quin è contra, cum antè sesquiannum velitationem quamdam ab ipso in me conscriptam vidissem, in qua veritatem non quæri, sed ea quæ nunquam scripsi, nec cogitavi, mihi assigni judicabam, non dissimulavi me in posterum quicquid ab illo solo veniret, responsione indignum crediturum. Sed quoniam additum est Societati, ob doctrinam ac pietatem celeberrime, cuiusque omnia membra in inter se conjuncta sunt, ut raro quicquam ab uno ex ipsis fiat, quod non ab omnibus approbetur: fuitor me non modo postulasse, sed & instanter urxisse, ut aliqui ex ea Societate mea scripta examinare, ac quicquid in iis à veritate alienum esset, mihi indicare dignarentur. Rationes etiam multas addidi, ob quas id mihi non recusatum iri sperabam: Ac monui, me ob hanc spem quicquid in posterum, vel ab hoc auctore, vel à quovis alio ejusdem Societatis, de meis opinionibus scriberetur, maximi esse facturum; atque non dubitaturum quin illud, cujuscunque tandem nomen ferret, non ab illo uno, sed à pluribus ex doctissimis & prudentissimis ejusdem Societatis esset compositum, examinatum, & correctum; atque ideo nullas contineret cavillationes, nulla sophismata, nulla convitia, nullamque inanem loquacitatem, sed tantum firmissimas & solidissimas rationes; atque ex iis argumentis, quæ jure in me afferri possunt, nullum in eo esset omissum: adeo ut per illud unum scriptum erroribus me omnibus meis liberatum iri considerem; Et si quid ex iis quæ vulgavi non foret in eo refutatum, à nemine posse refutari, sed omnino verum & certum esse arbitrerer. Quamobrem nunc hæc omnia de hac Dissertatione judicarem, crederemque ipsam totius Societatis jussu scriptam esse, si nullas in ea cavillationes, nulla sophismata, nulla convitia, nullamque inanem loquacitatem contineri certus essem. Sed sanè si quæ sint, nefas puto, illam à tam sanctis viris profectam esse suspicari; Et quoniam hac in re judicio meo non confido, dicam hic ingenuè ac candidè quid mihi videatur, non ut ullo modo meis verbis lector credat, sed tantum ut ipsi præbeam occasionem ad examinandam veritatem.*

B Silebo tamen &c. Hic promittit auctor noster, se nullius scriptum impugnaturum, sed tantum ad ea quæ ab ipso quasivi responsurum: Eo tamen nihil unquam ab ipso quasivi. Nec quidem unquam hominem sum alloquutus, aut vidi; Atque ea quæ me simulat à se querere, componit ut plurimum ex verbis, quæ in Meditationibus meis habentur: adeo ut sit planè manifestum nihil præter illas ab ipso impugnari. Cause autem cur contrarium fingat, fortasse sunt honeste ac pia: Sed ego non alias possum suspicari, quàm quod credat sibi hoc pacto magis liberum esse quid libet mihi assignere, quia nempe ex meis scriptis mendacii argui non poterit; cum se illa non impugnare profiteatur; Ac præterea quod cavere velit, ne lectoribus suis occasionem det ea examinandi; daret enim fortasse, si de iis loqueretur; Quodque malit me tam ineptum atque imperitum describere, ut ipsos ab omnibus iis, quæ unquam à me proficiunt, legendum absterreat. Ita larvâ quâdam, ex fragmentis mearum Meditationum male compactâ, vulnus meum non te-
gere,

*gere, sed deformare conatur: Ego verò illam detraho, & rejicio; tum quia Hi-
storia facienda non sum assuetus; tum etiam quia hic, ubi mihi cum viro reli-
gioso, de re admodum seria questio est, parum deceret.*

QUÆSTIO PRIMA.

An, &c

Quo pacto dubia pro falsis habenda.

Queris primò, si ne legitima lex illa vestigandi veri. **Quidquid habet vel minimum dubitationis, illud pro falso habendum est.** Ut respondeam, querenda mihi sunt à te nonnulla. 1. Quid sit istud Minimum dubitationis. 2. Quid illud, Habendum pro falso. 3. Quatenus habendum pro falso. Ac dubitationem quod attinet:

1. *Quid minimum Dubitationis.*

Quid est istud Minimum? Pluribus, ais, te non morabor. Illud habet dubitationis aliquid, de quo possum dubitare an sit, vel an ita se habeat, non temere quidem, sed validas ob rationes. Præterea illud habet dubitationis aliquid, circa quod, etsi mihi clarum videatur, possum decipi à malo aliquo Genio, qui mihi velit illudere, & artibus suis, ac præstigiis efficere, ut id clarum, & certum appareat, quod revera sit falsum. Primum dubitationis habet non parum; secundum non nihil quidem, sed illud minimum, satis tamen, ut illud dubium vocetur, & sit. Vis exemplum? esse terram, cœlum, colores; te habere caput, te oculos, te corpus, & mentem, dubia sunt primi generis: secundi verò hæc, 2 & 3 faciunt 5. Totum est suâ parte majus; & similia.

Præclare sanè. At, ita si se res habet, quid quæso erit, quod dubitationis habeat nihil? quid immune ab eo metu, quem vaser intentat Genius? nihil, ais, omnino nihil, quoad Deum esse, nec posse decipere, certò, & firmissimis ex Metaphy-
sica principiis exploratum habeamus, ut ea sit lex unica. Ignoratâ illa re, an se
Deum, & si sit, an possit esse deceptor, non videor de ulla alia re planè certius esse
unquam posse. Et verò, ut hic mentem meam penitus agnoscas, nisi scivero
Deum esse, & veracem Deum, qui genium illum malum coerceat, vereri semper
potero ac debebo, ut ne mihi illudatur, & falsum veri specie veluti clarum &
certum obtrudatur. Ubi vero penitus intellexero Deum esse, nec eum posse
& decipi & decipere, adeoque necessariò impedire, mihi ne Genius imponat in
iis, quæ clarè & distinctè intellexero, tum enim verò, si quæ erunt talia, si quid
clarè & distinctè percepero, hæc vera, hæc certa esse dicam, ut tunc temporis
ea sit regula veri, certique, *Illud omne est verum, quod valde clarè & distinctè per-
cipio.* Nihil est, quod ultra quæram: venio ad secundum, ac

§. 2. *Quid, pro falso habendum.*

Dicis gratiâ, Cum dubium sit habere te oculos, te caput, te corpus, adeoque
illud

illud habere debeas pro falso, ex te scire velim quid sit illud habere pro falso, an credere & dicere, falsum est me habere oculos, caput, corpus; an credere, & *voluntate plane in contrarium versa* dicere, Non habeo oculos, caput, corpus, sive, ut verbo dicam, Credere, dicere, ponere oppositum ejus, quod dubium est? Hoc ipsum, ais. Bellè. At respondeas adhuc velim. Non est certum 2. & 3. facere 5. an ergo credam, & ponam, 2. & 3. non faciunt 5? Crede, ais, & pone. Pergo: Non est certum me, ista dum loquor, vigilare, & non somnare. An ergo credam, & dicam, Ita dum loquor, non vigilo, sed somnio? Crede, ais, & dic. Apponam & hoc ultimum, ut ne sim molestus. Non est certum id quod dubitanti vigiletne an dormiat, apparet clarum & certum, certum esse, & clarum. An ergo credam, & dicam, Quod dubitanti vigiletne, an dormiat, apparet clarum & certum, id non est clarum & certum, sed obscurum, & falsum? Quid hares? *Plu æquo indulgere non potes dissidentia.* An tibi numquam contigit, quod bene multis, & somnianti certa & clara ea viderentur, quæ dubia postea, quæ falsa compereris; *sunt prudentia est numquam illis plane confidere, qui te vel semel deceperunt.* At, ais, alia summè certorum ratio est. Sunt est istiusmodi, ut vel somniantibus aut deliris apparere non possint dubia. Serióne loqueris, amabo te, qui illa summè certa te confingas, ut ne somniantibus quidem aut deliris apparere possint dubia? Quæ sunt illa porrò? ac si dormientibus, si male sanis, quæ ridicula sunt, quæ absurda, certa interdum videntur, & summè certa, quidni etiam certa, & summè certa falsa videantur, & dubia! Novi ego, qui dormitobundus aliquando pulsari horam quartam audiverit, & sic numeravit Una, Una, Una, Una; actum præ rei absurditate, quam animo concipiebat, exclamavit: Ne delirat horologium! quater pulsavit horam primam. Et verò quid adeo est absurdum, & à ratione alienum, quod dormienti, quod deliro venire non possit in mentem? quod non probe somnians, non credat, & de eo tanquam à se præclare invento, excogitatoque non gruletur? Sanè ut ne pluribus tecum contendam, nunquam effeceris, ut hoc essatum, Quod dubitanti somnietne, an vigilet, videtur certum, est certum, & ita certum, ut statui possit velut fundamentum scientiæ alicujus, & Metaphysicæ summè certæ, & accuratæ, hoc (inquam) habeam tam certum, atque illud, 2. & 3. faciunt 5: nedum tam certum, ut de eo nullo modo quisquam dubitare possit, nec decipi circa illud à Genio aliquo malo: nec vereor tamen, ea si in mente perslittero, ut me quisquam putet pervicacem. Quare aut ex lege illa tua sic dicam. Non est certum id esse certum, quod apparet certum ei, qui dubitat vigiletne an dormiat. Ergo quod dubitanti vigiletne an dormiat apparet certum, id reputari potest ac debet tanquam falsum, & omnino pro falso habendum est; ut sanè si quam habes aliam peculiarem tibi regulam, mecum communicabis. Venio ad tertium, &

§.3. *Quatenus habendum pro falso.*

Quæro, cum certum non videatur 2. & 3. facere 5. cumque ex præcedenti regula debeam credere, & dicere, 2. & 3. non faciunt 5. an continuo illud ita debeam credere, ut mihi persuadeam aliter habere se non posse, atque illud certum esse. Miraris quæsitum illud meum. Nec mihi mirum, cum ipse mirer. Respondet tamen necesse est, à me si responsum expectas. Vis habeam illud certum, 2. & 3. non faciunt 5? Imo vis illud esse, & videri omnibus certum, & ita certum, ut etiam ab artibus mali Genii tutum sit?

Rides, ais, Id sano homini quæ veniat in mentem?

Quid dicitur? dubium erit, & incertum, perinde atque illud, 2. & 3. faciunt 5? Hoc si ita est, si dubium est illud, 2 & 3 non faciunt 5, credam, & tua ex lege dicam illud esse falsum, adeoque ponam contrarium, & ita statuam, 2 & 3 faciunt 5. Atque eodem modo in cæteris me geram, & quia certum non videtur esse corpus aliquod, dicam, Nullum est corpus; & quia certum non est illud, Nullum est corpus, dicam, voluntate penitus in contrarium versâ, Aliquod est corpus, simulque & corpus erit, & non erit.

Ita est, ais, atque illud est dubitare, in orbem ferri, ire, redire, hoc & illud affirmare, & negare, clavum figere, & refrigere.

Præclare omnino: at ut iis utar, quæ dubia erunt, quid faciam? Quid de illo, 2 & 3 faciunt 5? & de isto, Aliquod est corpus? ponamne? an negabo?

Nec pones, ais, nec negabis; neutro uteris; utrumque habebis velut falsum, nec ab iis quæ sic nuntant, quidquam expectabis, nisi illud quoque nuntians, dubium, & incertum.

Quia nihil superest quod rogem, respondeo vicissim, ubi tantum doctrinæ tuæ brevem fecero syllabum. 1. De rebus omnibus ac præsertim de materialibus possumus dubitare, quandiu scilicet non habemus alia scientiarum fundamenta, quàm ea, quæ antehac habuimus. 2. Aliquid habere pro falso, est, assensionem suam ab eo, tanquam ab apertè falso cohibere, & voluntate planè in contrarium versâ opinionem suam de eo tanquam falsam & imaginariam fingere. 3. Etenus, id quod dubium haberi debet pro falso, ut oppositum illius sit quoque dubium, & pro falso habeatur.

NOTÆ.

PUderet me esse nimis diligentem, & multa verba impendere, in omnibus annotationibus, quæ meis fere verbis hic expressa, promissis tamen non agnosco. Sed rogo tantum lectores ut memoriâ repetant ea, quæ in 1 Meditatione, atque initio 2. & 3. ipsarumque synopsi à me scripta sunt: agnoscent enim fere omnia quæ hic habentur, inde quidam esse desumpta; sed in intrinseca, distorta, & perperam interpretata.

ita proponi, ut quamvis ibi nihil non valde consentaneum rationi contineant, hic tamen magna ex parte absurdissima videantur.

C Validas ob rationes. Dixi sub finem 1. Mediationis, nos posse de iis omnibus, quæ nunquam adhuc satis clare perspeximus, dubitare ob validas & meditata rationes: quia nempe ibi tantum agebatur de summa illa dubitatione, quam sæpe metaphysicam, pyperbolicam, atque ad usum viæ nollo modo transferendam esse inculcavi; & ad quam id omne, quod vel minimum suspitionis asferre potest, pro satis valida ratione sumi debet. Hic vero vir amicus & candidus proponit in exemplum eorum, de quibus dixi dubitari ob validas rationes, an sit terra, an habeat corpus, & similia, ut nempe sui lectores, qui de hac metaphysica dubitatione nihil scient, ipsam ad usum viæ referentes, me non sana mentis esse arbitrentur.

D Nihil, ais, omnino nihil. Quo sensu istud Nihil debeat intelligi, satis explicui variis in locis: ha nempe, ut quandiu attendimus ad aliquam veritatem, quam valde clare percipimus, non possumus quidem de ipsa dubitare; Sed quando, ut sæpe accidit, ad nullam sic attendimus, etsi recordemur, nos antea multas ita perspexisse, nulla tamen sit de qua non merito dubitemus, si nesciamus id omne quod clare percipimus verum esse. Hic vero, vir accuratus, hoc Nihil ita intelligit, ut ex eo quod semel dixerim nihil esse de quo non liceat dubitare, nempe in prima Mediatione, in qua supponebam me non attendere ad quicquam quod clare perciperem, concludat me etiam in sequentibus nihil certi posse cognoscere: Tanquam si rationes, quæ interdum habemus addubitandum de re aliqua, non sint legitime ac validae, nisi probent de eadem re semper esse dubitandum.

E Credere, dicere, ponere oppositum ejus quod dubium est. Ubi dixi dubia esse aliquandiu pro falsis habenda, siue tanquam falsa rejicienda, iam manifeste explicui me tantum intelligere, ad veritates metaphysicæ certas investigandas, non majorem habendum esse rationem dubiorum, quam plane falsorum, ut nemo sana mentis videtur posse aliter mea verba interpretari; & nemo mihi asserere, me voluisse credere oppositum ejus quod dubium est, præsertim me, ut paulo post habetur, ita credere ut mihi persuadeam aliter habere se non posse, atque illud certum esse, nisi qui pro cavillatore haberi non erubescat: Et quamvis hoc ultimum ab Auctore nostro non affirmetur; sed ut dubium tantum proponatur, miror tamen virum tam sanctum voluisse hac in parte imitari pessimos illos detractores, qui sæpe sic tantum narrante qua de aliis credi volunt, addentes se ipsos non credere, ut impunitum maledicant.

F Alia summè certorum ratio est. Sunt ea istiusmodi ut vel somniantibus aut deliris apparere non possint dubia. Nescio per quam Analysin vir subtilissimus hoc ex meo scriptis deducere poterit, non enim memini me quicquam tale unquam vel per somnium cogitasse. Concludere quidem potuisset ex meis, id omne quod ab aliquo clare ac distincte percipitur esse verum, quamvis ille aliquis possit interim dubitare somniet-

Somnietne an vigilet, imò etiam, si lubet, quamvis somniet, quamvis sit delirus: Quia nihil potest clarè ac distinctè percipi, à quocunque demum percipiatur, quod non sit tale quale percipitur, hoc est, quod non sit verum. Sed quia soli prudentes rectè distinguunt inter id quod ita percipitur, & id quod tantum videtur, vel apparet, nolo mirari quod vir bonus unum pro altero hic sumat.

Atque illud est dubitare, in orbem ferri &c. Dixi dubiorum non maiorem habendam esse rationem quàm si omnino falsa essent, ut ab illis cogitatio planè avocetur; non autem ut modo unum, modo ejus contrarium affirmetur. Sed nullam auctor noster occasionem cavillandi non quaesivit. Interim verò notatu dignum est, ipsum hic in fine, ubi ait se brevem facere doctrinæ meæ syllabum, nihil eorum mihi tribuere, quæ in præcedentibus, aut sequentibus reprehenduntur, vel irridet, ut nempe sciamus illum ista tantum mihi per jocum affinxisse, non serio credidisse.

RESPONSIO.

Resp. 1. Si lex illa, in vestigando verò, id quod vel minimum dubitationis habet pro falso habendum est, sic intelligatur: Cùm vestigamus quid sit certum, non debemus ullo modo niuiis, quæ non sunt certa, aut quæ habent dubitationis aliquid; legitima est, usu recepta, & communissima apud omnes Philosophos, hos.

Resp. 2. Si dicta lex ita intelligatur: Cùm vestigamus quid sit certum, ita debemus ejicere omnia, quæ certa non sunt, aut aliquo modo dubia, ut illis nullo pacto utamur, adeoque ea spectemus perinde quasi non essent, aut potius ea non spectemus omnino, sed ab iis penitus abducamus animum: legitima quoque est, recta, tritaque etià à Tyrionibus, atque affinitatè habet tantam cum præcedenti, ut ab ea vix differat.

Resp. 3. Si dicta lex ita sumatur: Cùm vestigamus quid certum sit, ita debemus rejicere dubia omnia, ut ponamus ea de facto non esse, aut esse illorum oppositum reverà, ut utamur ea suppositione tanquam certo aliquo fundamento, sive utamur iis non existentibus, aut nitamur eorum non existentia; Illegitima est, fallax, & cum bona pugnant Philosophia, ut quæ supponat dubii aliquid, & incerti ad vestigandum verum, & certum, aut quæ supponat tanquam certum, id quod alio atque alio modo se potest habere, puta ea quæ dubia sunt de facto non existere, cùm fieri possit ut existant.

Resp. 4. Si quis ea lege intellecta, aut paulò antè, vellet uti ad vestigandum verum, certumque, is oleum & operam perderet, ac versaret molam citra mercedem, ut qui non magis conficeret id quod quaerit, quàm illius oppositum. Vis exemplum? Vestigat aliquis an possit esse corpus, aut corporcus, còque inter cætera utitur, Non est certum, corpus aliquod existere. Ergo ex lege lata ponam, & dicam oppositum, Nullum corpus existit. Tum resumet, Nullum corpus existit. Sum verò ego, & existo, ut mihi aliunde probè compertum est. Ergo non possum esse corpus: Præclare quidem, at ecce ut eodem ex capite ducat oppositum. Non est certum, air, aliquod corpus existere. Ergo ex lege ponam, dicamque, Nullum corpus existit. At quale illud, Nullum corpus existit?

Dubium sanè, & incertum quis illud præstet? unde? Confecta res est. Dubium illud est, Nullum corpus existit. Ergo ex lege dicam, aliquod corpus existit. Sum verò, & existo. Ergo possum corpus esse, si aliud vetat nihil. En possum esse corpus, & non possum esse corpus. Anfecistis? Vereor ut neplanèfecerim, quantum ex qualitis sequentibus colligo. Itaque

N O T Æ.

Hic in duabus primis responsionibus omne id approbat, quod de re proposita censui quodve ex meis scriptis elici potest: Sed addit esse communissimum, tritumque etiam à Tyronibus. In duabus autem ultimis id reprehendit quod me censuisse vult credi, quamvis sit tam absurdum ut in mentem nullius hominis sanè venire possit. Assueti sanè; ut quicunque Meditationes meas non legerunt, vel non tam attentè legerunt, ut rectè sciant quid in iis contineatur, ipsius auctoritate commoti, meridulas opiniones habere arbitrentur; Atque ut alii, qui id non credenti, siletem persuaदेant, nihil à me allatum, quod non sit communissimum, tritumque etiam à Tyronibus. Ego verò de hoc ultimo non disputo. Neque ullam unquam ex novitate mearum opinionum laudem quaesivi: Nam contra ipsas omnium antiquissimas puto, quia verissimas; Et nulli rei magis soleo studere, quam simplicissimis quibusdam veritatibus animadvertendis, quæ cum mentibus nostris sint innata, statim atque alibi admonetur, non putat se illas unquam ignorasse. At certe facile potest intelligi, hunc auctorem non aliam ob causam mea impugnare, quam quia & bona, & nova esse arbitrat: Nam sane, si tam absurda crederet ac fingit, contemptu & silentio potius, quam tam longâ & affectatâ refutatione digna judicasset.

H Ergo ex lege lata ponam & dicam oppositum. Vellem scire quibus in tabulis istam unquam legem scriptam inveneris: Jam quidem supra satis illam inculcavimus; Sed ibi etiam satis negavi meam esse; nempe in nois ad verba Credere, dicere, ponere oppositum ejus quod dubium est; Nec ille, opinor, meam esse sustinebit, si ea de re interrogetur; induxi enim me, supra in 3. §. de iis quæ dubia sunt sic loquentem, Nec pones, nec negabis, neutro uteris, utrumque habebis velut falsum; At paulo post in suo doctrina mea syllabo, oportere assensionem suam à dubio, tanquam ab apertè falso, cohibere; ac voluntate planè in contrarium versâ opinionem suam de eo tanquam falsam & imaginariam fingere, quod plane aliud est, quam ponere & dicere oppositum, ita scilicet ut istud oppositum pro vero habeatur, quemadmodum hic supponit. Atque ubi ego in 1. Meditatione dixi, me velle aliquandis conari mihi persuadere oppositum eorum quæ antea temere credideram, statim addidi id velle, ut velut æquatis utrimque præjudiciorum ponderibus non magis in unum quam in aliud propenderem, non autem ut alterutrum pro vero sumerem, idve tanquam scientia summè certè fundamentum statuerem, ut alibi etiam cavellatur. Itaque vellem scire quo instituto legem illam suam attuleris; Si ut ipsam mihi affingat; desidero ejus candorem; patet enim ex dictis ipsum

ipsum recte scire meam non esse, quia fieri non potest, ut quis putet utrumque habendum esse velut falsum, sicut dixit me putare, ac simul unius oppositum ponat & dicat esse verum, ut in hac lege habeatur; Si vero tantum animi causa ipsam attulit, ut aliquid haberes quod impugnares, miror acumen ejus ingenii, quod nihil magis verisimile aut subtile potuerit excogitare; Miror osium, quod tam multa verba impenderit, in refutanda opinione tam absurda, ut nequidem ulli pueri septuenni probabilis videri possit. Notandum enim est illum hac uique nihil prorsus præter ineptissimam istam legem impugnasse; Miror denique vim ejus imaginationis, quod cum tantum in istam vanissimam, & ex cerebro suo educam chimeram præliaretur, eodem tamen plane modo composuerit gradam, iisdemque semper usus sit verbis, ac si me adversarium habuisset, sibi que repugnantem coram vidisset.

QUÆSTIO SECUNDA.

An sit bona Methodus philosophandi, per abdicationem dubiorum omnium?

QUÆST. 2. An bona sit methodus philosophandi per abdicationem eorum omnium, quæ quovis modo dubia sunt. Hanc nisi methodum fusius aperias, non est quod à me responsum expectes: sic verò facis.

Ut philosopher, ais, ut vestigem si tunc aliquid certi, & summè certi, & quid illud sit, sic facio. Omnia quæ olim credidi, quæ antehac scivi, cum dubia sunt, & incerta, pro falsis habeo, atque penitus ab dico, ac mihi persuadeo nec esse terram, nec cælum, nec quidquam eorum, quæ olim credidi in mundo esse, sed nec mundum ipsum, nec corpus ullum, nec mentem, verbo dico, nihil. Tum facta illâ generali abdicatione, atque obreftatus nihil esse, penitus philosophiam ingrediorem meam, eâque duce verum & certum vestigio caute, prudenter, pesinde tanquam esset Genius aliquis potentissimus, & callidissimus, qui me vellet in errorem inducere. Quare ut ne decipiar circumspicio attentè, atque illud habeo planè constitutum nihil admittere, quod non sit istiusmodi, ut in eo, quantumvis nitatur Genius ille vaserimus, mihi nullo modo possit imponere, sed ne ipse quidem possim à me extorquere, id ut esse dissimulem, nedum negem. Cogito igitur, volvo, & revolvo, quoad occurrat aliquid tale, atque illud ubi offendi, eo tanquam Archimedeo puncto utor ad eruenda cætera, eoque pacto alia ex aliis certa, penitus & explorata indipiscor.

Præclare omnino, ac, speciem quod attinet, facile responderem Methodum illam videri mihi illustrem, & eminentem: verum, quia responsum expectas accuratum, nec illud à me reddi potest, nisi antea usu & exercitatione aliqua tentem illam tuam Methodum, tritam turamque incamus viam; exploremus ipsi, quid in ea sit tandem: & quia flexus illius nōsti, calles, & diverticula, teque in ea diu

eadiu exercuisti, ducem mihi te præbe. Age, fare, expeditum habes aut socium, aut discipulum: quid jubes? Ad illud iter, et sine novum, & mihi tenebris non assuetum formidandum, accedo lubens, adeo me veri species potenter allicit. Audiote, jubes id faciam, quod te facientem videro; ibi pedem figam, ubi fixeris. Præclara sanè imperandi ducendique ratio est. Ut mihi places. Audio.

§. I. *Aditus aperitur in Methodum.*

Principio, ais, ut vetera revolvam animo, cogor tandem fateri nihil esse ex iis, quæ olim vera putabam, de quo non liceat dubitare, idque non per inconsiderantiam, vel levitatem, sed propter validas & meditatatas rationes, ideoque etiam ab iisdem non minus, quàm ab apertè falsis assensionem esse cohibendam, si quid certi velim invenire. Quare non malè agam, si voluntate planè in contrarium versâ, me ipsum fallam, ac veteres illas opiniones aliquandiu omnino falsas imaginariasque esse fingam, donec tandem velut æquatis præjudiciorum ponderibus nulla amplius prava consuetudo judicium meum à recta rerum perceptione detorqueat. Supponam igitur Genium aliquem malignum, eundemque summe potentem & callidum omnem suam industriam in eo posuisse, ut me falleret. Putabo cælum, aërem, terram, colores, figuras, sonos, cunctaque externa nihil aliud esse quàm ludificationes somniorum, quibus insidias credulitati meæ tendit. Persuadebo mihi nihil planè esse in mundo, nullum cælum, nullam terram, nullas mentes, nulla corpora; ajo nullas mentes, nulla corpora, &c. hæc meta sit, & princeps meta. Considerabo me ipsum tanquam manus non habentem, non oculos, non carnem, non sanguinem, non aliquem sensum, sed hæc omnia me habere falsò opinantem. Manebo obstinatè in hac meditatione defixus.

Hic si placet subsistamus aliquantulum, ut novos resumamus spiritus. Reinvitas me non nihil commovit. Jubes abdicem vetera omnia?

Jubeo, ais, omnia.

L Omnia? omnia qui dicit, nihil excipir.

Omnia, addis.

Ægre sanè, facio tamen. At oppido durum est; atque ut ingenuè fatear, non sine serupulo id facio; ac nisi cum mihi eximis, vereor ut ne pro voto aditus ille noster succedat. Fateris vetera omnia dubia esse, &, ut ais, coactus fateris. Quid? M ni eam mihi vim pateris inferri, ut etiam ipse coactus fatear? Quid te, quæso, coëgit? Audi vi quidem ex te modo validas fuisse, & meditatatas rationes; at quæ sunt illæ tandem? si validæ: cur abdicas? quin retines? si dubiæ, & suspitionum plenæ, quæ te illæ vi coëgere?

En, ais, sunt in propatulo. Has uti fundibularios, soleo præmittere, ut pugnam inchoent. Nempe sensus nos aliquando decipiunt. Aliquando somniamus. Delirant interdum nonnulli, atque ea se videre credunt, quæ minime vident, quæ nusquam sunt.

Dixi.

Dixisti? Validas cùm promissisti, cùm meditatus; expectavi certas, & omnis dubitationis expertes, quales nempe tua deposcit libella, quâ nunc utimur, usque adeo accuratâ, ut vel umbram dubitationis recuset. An verò sunt tales illæ tuæ? non dubitationes mentis, & suspensiones dumtaxat? Sensus nos aliquando decipiunt. Aliquando somniamus. Delirant nonnulli. Id verò unde habes certo, & citra dubitationem ullam, & ex regula illa tua, quam semper habes in manibus. *Summopere cavendum est nequid ut verum admittamus, quod non possumus probare verum esse?* An fuit tempus aliquod, in quo diceres certo: Indubitanter nunc me sensus decipiunt, hoc probè scio: Nunc somnio; paulo antè somniabam; hic phrenesim patitur, & videre se putat quæ minime videt, nec mentitur? si fuisse dicis; vide ut probes: imo vide ne Genius ille malus, cujus tu meministi, forsân illuserit tibi: atque omnino verendum est, ne dum dicis modo tanquam validè aliquid, & meditati, Sensus nos aliquando decipiunt; vaser ille digito te commonestret, & illudat illuso. Si vero negas; curtam fidenter asseris, somniamus interdum. Quin ex lege tua prima sic tecum statuis? Non N est omnino certum sensus nos aliquando decepsisse; somniasse nos aliquando, aliquando delirasse homines. Ergo sic dicam, & statuam, Numquam nos sensus decipiunt, somniamus nunquam, delirat nemo.

At, ais, suspicor.

Hic nempe scrupulus meus. Ubi pedem admovi, validas illas rationes sensu molles, & instar suspicionum evanidas, adeoque premere formidavi. Suspisor.

Ita, ais, suspicor. Sat si suspicere. Sat si dicas, vigilemne, an dormiam nescio. Nescio an me sensus fallant, an non fallant.

Tuâ pace dixerò; haud mihi est satis: nec planè video cur ita colligas, Vigilemne an somniem nescio. Ergo aliquando somnio. Quid, si nunquam? Quid, si semper? quid, si ne somniare quidem possis? te verò cachinnis excipiat Genius eo, quia tibi tandem suavitati somniare te aliquando, te decipi, cùm id minime fiat? Credo mihi, ex quo Genium illum induxisti, ex quo validas & meditata rationes ad illud forsân revocasti, malum induxisti, à quo boni habebas nihil. Quid, si carus ille omnia tibi velut dubia & nuncantia proponat, cùm firma sint, cum certa, atque eâ quidem mente, ut cùm abdicaris omnia, nudum te in foream agat præcipitem? Num consultius egeris, si priusquam te abdicēs, certam tibi legem proponas, ex qua, quæ abdicabuntur, bene sint abdicata? Magna profectò res est, & momenti summi generalis illa veterum abdicatio; ac si me audis, cogitationes tuas vocabis insensatum, ut seriò deliberes.

Imò, ais, plus æquo dissidentiz indulgere non possum, ac scio nihil inde periculi vel erroris sequitur.

Quid ais, scio? an certò, & citra dubitationem omnem, ut hæc saltem reliquæ tanti naufragii Veritatis tholo appendantur; aut, quia novam Philosophiam aperis, deque familiâ cogitas, hoc in propylæo literis aureis inscribatur, *Plus aquo*

Hh

diffi-

diffidentia indulgere non possum; ut, inquam, adyta illa tua intraturi jubeantur vetus illud ponere, 2 & 3 faciunt 5. hoc verò retinere, Plus æquo diffidentia indulgere non possum? At si Tyroni contingat ut obmurmuret, ut illud frangat dentibus, Ponere jubeor illud verus à nemine unquam vocatum in dubitationem, 2 & 3 faciunt 5, quia fieri potest, ut mihi Genius illudat aliquis; jubeor vero retinere, hoc anceps, hoc rimarum plenum, Plus æquo diffidentia indulgere non possum; quasi in eo mihi Genius non possit imponere? quid dices? Et verò an tu mihi illud præstabis, ut non verear modò, non formidem, metus mihi non sit à malo Genio? sanè me licet confirmes manu & verbo, non sine timore ingentis nimis diffidentia hæc vetera & mihi prope ingenta abdo & ejuro velut falsa. Argumentum in Barbara rectè concludit. Item sum aliquid constans ex corpore & anima: ac, si mihi licet ex vultu, & voce conjicere, nequidem ipse tu, qui ducem te cæteris præbes, quiviam munis, immunis es à formidine. Age ingenuè, & candidè, ut soles, an sine scrupulo hoc vetus abdicas, Habeo ideam claram & distinctam Dei? an illud, Id omne verum est, quod valde clare & distinctè percipio? An istud, Cogitare, nutrire, sentire, minimè pertineant ad corpus, sed ad mentem? quid sexcenta id genus persequar? de iisdem seriò anquiro; respondè, amabo te; potes hoc in exitu veteris Philosophia, & in aditu novæ hæc excutere, exuere, ejurare velut falsa, ajo ex animo? An dices, & pones oppositum, nunc, modò Non habeo ideam claram & distinctam Dei. Malè hæcenus credidi nutrire, cogitare, sentire, ad corpus minimè pertinere, sed ad mentem? Sed o me propostui immemorem! quid feci? totum me tibi principio commiseram, me socium, me discipulum, & ecce hæreo in aditu, & meticulosus, & obstinatus. Ignosce; peccavi largiter, & tenuitatem ingenii mei probavi duntaxat. Debueram omni metu posito in abdicationis caliginem intrepidè me inferre, & hæsì, & restiti. Compensabo, si parcis, & factum malè ampliat libèrali munificatione veterum omnium planè delebo. Abdo, abjuro vetera omnia. Nec agrè feres si cælum, aut terram, quæ nulla esse vis, non obest. Nihil est omnino, nihil. Age, præzi, sequor. Te sanè faciem! si præzi non renuis.

NOTÆ.

I *Quæ antehac scivi, cum dubia sint. Hic posui scivi pro scire putavi. Est enim contrarietas inter verba scivi & dubia sunt: Quam tamen hand dubie non animadvertit, nec illi est malitia tribuendum. Alioquin enim non tam leviter audivisset; sed fingens à me esse profectam, multis ipsam verbis exaggerasset.*

K *Ajo nullas mentes, nulla corpora. Hoc aut, ut infra diu multumque cavillatur, quod initio, cum supponerem Mentis naturam nondum mihi esse satis perspectam, istam inter res dubias enumerarim; postea vero, advertens rem quæ cogitas non posse non existere, illamque rem cogitantem nomine Mentis appellavi, dixerim Mentem existere: Tanquam si fuisset oblitus me prius idem regasse, cum Mentem*

pro

pro re mihi ignota sumebam; Et tanquam si ea, quæ tunc, quia mihi dubia erant, negabam, in perpetuum neganda esse censuissem, nec fieri posset, ut evidentia & certa mihi postea redderentur. Notandumque ipsum ubique considerare dubitationem, & certitudinem, non ut relationes cognitionis nostræ ad objecta, sed ut proprietates objectorum quæ perpetuò ipsis inhæreant, adeò ut ea, quæ semel dubia esse cognovimus, non possint unquam reddi certa. Quod tantum ejus bonitati, non malitia est tribuendum.

Omniane? *Hic cavillatur in verbo Omnia, ut supra in verbo Nihil, inaniter.*

Coactus fateris. *Hic ludit in verbo coactus æque inaniter. Ea enim sunt satis validerationes ad cogendum nos ut dubitemus, quæ ipsæ dubia sunt, nec proinde retinende: ut jam supra notatum est. Atque valida quidem sunt, quandiu nullas alias habemus, quæ dubitationem tollendo certitudinem inducant; Et quia tales nullas inveniebam in 1. Meditatione, quantumvis circumspicerem, & meditarer, idcirco eas, quas habui ad dubitandum, dixi esse validas, & meditatas. Sed hoc non est ad caput nostrum auctoris, addit enim: Validas cum promissisti, expectavi certas, quales tua deposcit libella, tanquam si hæc quam singulis libella ad ea quæ in prima Meditatione dista sunt, referri possit. Et paulo post ait, An fuit tempus aliquod in quo diceres certe, Indubitanter nunc me sensus decipiunt, hoc probè scio, &c. Non videns hic rursus inesse contrarietatem, quod aliquid indubitanter teneatur, & simul de illo ipso dubietur. Nempe est vir bonus.*

Cur tam fidenter asseris, somniamus interdum. *Hic rursus sine malitia errat: Nihil enim prorsus fidenter asserui, in prima Meditatione, quæ tota dubitationis plena est, & ex qua sola hæc verba desumpsis. Eademque ratione potuit in ea invenire, somniamus nunquam, atque somniamus interdum. Et cum paulo post addit, Nec planè video cur ita colligas, Vigilemne an somniem nescio. Ergo aliquando somnio: affingit mihi ratiocinationem se solo dignam, quia nempe est vir bonus.*

Quid, si catus ille (Genius) omnia tibi velut dubia & nutantia proponat, certa firma sint, cum certa? *Hic clarè patet, quod supra monui, dubitationem & certitudinem considerari ab illo tanquam in objectis, non tanquam in nostra cogitatione. Alioquin enim quomodo possit fingere aliquid mihi proponi tanquam dubium, quod non esset dubium, sed certum, cum ex hoc solo, quod proponatur ut dubium, dubium reddatur. Sed forte Genius impedit, ne videres esse repugnantiam in suis verbis. Dolendum est quod ejus cogitationi Genius ille tam sæpe obversetur.*

Magna profectò res est, & momenti summi generalis illa veterum omnium abdicatio: Hoc ego satis monui in sine responsionis ad 4. objectionem; atque in præfatione harum Aceditionum, quas idcirco non nisi solidioribus ingeniis legendis obtuli; Præmonui etiam illud idem valde expresse in Dissertatione de Aethiopia Gallie cæsa anno 1637 pag. 16 & 17. Ubi quia duo genera ingeniorum des-

Hh 2

scripsi,

scripsi, quibus abdicatio ista summopere est vitanda, si forte horum alterutrum in Auctore nostro reperiat, non mihi debet imputare suos errores.

Q. Quid ais scio &c. Cum dixi me scire nihil mihi periculi esse ex illa abdicatione, addidi, quia tunc non rebus agendis, sed tantum cognoscendis incumbendum: Ex quo tam clare patet, me ibi tantum loquutum esse de morali sciendi modo, qui sufficit ad vitam regendam, & quem à Metaphysico illo, de quo hic questio est, plurimum differre saepe inculcavi, ut solus Auctor noster id videatur posse ignorare.

R. Hoc anceps, hoc rimarum plenum, Plus aequo diffidentiae indulgere non possum. Hic rursus repugnantis est in ejus verbis. Nemo enim nescit eum qui diffidit, quandiu diffidit, nec proinde quicquam affirmat, nec negat, ne ab ullo quidem Genio in errorem induci posse; à quo tamen enim, qui 2 & 3 simul addit, posse decipi probat exemplum, quod supra ipsemet attulit, de eo qui quater numerabat horam primam.

S. Non sine timore ingenti nimis diffidentiae hæc vetera abdicō, &c. Et similis hic verbis conetur persuadere non esse nimum diffidendum, notat tamen dignum est, illum ne minimum quidem speciem rationis asserere ad id probandum, nisi tantum quod timeat, siue diffidas ne non sit diffidendum. In quo rursus repugnantis est, nam ex eo quod timeat tantum, non autem cerio sciat sibi non esse diffidendum, sequitur ipsi esse diffidendum.

T. An sine scrupulo vetus hoc abdicatō, Habeo ideam claram & distinctam Dei? an illud, Id omne verum est, quod valde clarè & distinctè percipio? Vetera hæc vocat, quia timet ne pro novis & à me primum animadversis habeantur. Sed per me licet. Scrupulum etiam vult injicere de Deo, sed obiter tantum: forte ne qui nō sunt quā studiosè omnia quæ ad pietatem, ac generaliter ad mores spectant, ab hac abdicatione exciperim, ipsum calumniari arbitrentur. Denique non videt abdicationem non pertinere nisi ad eum, qui nondum quicquam clare ac distinctè percipit. Ut exempli causâ Sceptici, quibus est familiaris, nihil nunquam, quantum Sceptici, clare perceperunt; Ex hoc enim ipso quod aliquid clare percepissent, de eo dubitare, ac Sceptici esse desissent. Et quia vix etiam aliis illi istam abdicationem quicquam clare nunquam percipiunt, eā scilicet claritate quæ ad certitudinem metaphysicam requiritur, idcirco hæc abdicatione periculosus est iis quæ tam clara cognitionis sunt capaces, illamque nondum habent; Non autem auctori nostro, ut res judicat, sed existimo ipsi ab illa studiose esse cavendum.

V. An istud? Cogitare, nutrire, sentire, minime pertinent ad corpus, sed ad mentem? Hæc verba refert tanquam mea, & simul tanquam tam certa, ut à nemine in dubium possint revocari: Sed tamen nihil magis notabile est in meis rationibus, quàm quod nutritionem referam ad solum corpus, non autem ad mentem, siue illam hominis partem quæ cogitat. Ideo ut ex hoc uno clare probetur, primo illum eas minime intelligere, quamvis resistendus suscepit, saltemque

sumque esse ex eo quod in 2 ex vulgi opinione loquens nutritionem ad animam retulerim; At deinde ipsum multa pro indubitatis habere quæ non sine examine sunt admittenda. Sed tandem hic in fine verissime conclusit, se in his omnibus tenuitatem ingenii sui præbasse dumtaxat,

6. 2. *Paratur ingressus in Methodum.*

VEteræ, ais, ubi abdicavi omnia, philosophari sic incipio: Sum, cogito: Sum dum cogito. Hoc pronunciatum, Ego existo, quoties à me profertur, vel mente concipitur, necessario est verum. X

Plælarè vir eximie, Archimedeum punctum occupas: mundum haud dubie, si lubet, movebis. En jam nutant omnia. At requæso, vis enim opinor ad vivum rescari omnia, ut nihil sit tua in Methodo non aptum, non coherens, non necessarium, cur mentis meministi, cum ais, mente concipitur? An non exulare iussisti corpus, & mentem? Sed fortè excidit, adeo est arduum, etiam expertis, oblivisci penitus eorum, quibus à pueris assuevimus, ut mihi rudi, si fors vacillanti, haud malè sit sperandum. Sed perge obsecro. Y

Denuo, ais, meditaror quidnam sim, quidnam me olim crediderim, priusquam in has cogitationes incidissem, ex quo deinde subducam, quicquid allatis rationibus, vel minimum potuit infirmari, ut ita præcisè remaneat illud tantum, quod certum est, & inconcussum.

Audebone, priusquam intro pedem feras, ex te seiscitari, quo consilio, tu, qui vetera omnia tanquam dubia & scilicet abdicaris solemnî ritu, ea iterum velis inspicere: perinde quasi ex panniculis illis speres certialiquid? Quid, si male olim de te credidisti? Imo, quia omnia, quæ paulo antè ejurasti, dubia erant, & incerta (secus cur abdicasses?) quæ fiet, ut eadem modo dubia non sint & incerta? nisi fortè abdicatio illa sit veluti quoddam Circæum medicamentum, ut ne dicam lixivium? Quanquam malo suspicere consilium tuum, & venerari. Sæpe fit, ut, qui amicos inducunt in palatia & basilicas videndi causâ, posticis familiaribus, non prætorio, aut decumana porta ingrediantur. Sequor etiam per specus subterraneos, dum ad veritatem adspirem aliquando.

Quidnam igitur, ais, antehac me esse putavi? Hominem scilicet.

Hic etiam patiæ artem tuam admirer, qui, ut certa vestiges, urare dubiis; ut nos educares in lucem, jubeas in tenebras mergi. Vis consilium quem me olim esse crediderim, vis resumam centonem illum veterem, & detritum, & jam diu abdicatum, Sum homo. Quid, si Pythagoras, aut ex discipulis illius unus aliquis hic adsit? Quid, si dicat tibi fuisse se olim Gallum Gallinaceum? ut ne ceritos, & phanaticos, & deliros, & phreneticos inducam. Sed peritus es, & doctor experitus: flexus nosti, & diverticula, sperabo bene. Z

Quid est homo? ais.

Hh 3

Si vis

Si vis ut respondeam, rogem antè permittè. Quem quæris hominem? aut quid quæris, cum quæris Quid sit homo? An homo ille, quem mihi fingebam olim, quem me esse credebam, & quem, ex quo abdicavi tua gratia, pono me non esse? Hunc si quæris, si quem mihi formabam malè, est consultum quoddam ex anima, & corpore: An feci satis? Opinor, quia sic pergis.

N O T Æ.

X **P**hilosophari sic incipio: Sum, cogito; Sum dum cogito. Notandum est illum hic fieri, initium philosophandi, sive initium firmæ alicujus propositionis statuendæ, à me factum esse à cognitione propria existentie: ut sciatur ipsum aliis in locis, ubi finxit me illud à positiva sive affirmativa dubiorum omnium abdicatione fecisse, contrarium ejus quod revera sentiebat affirmasse. Non addo, quàm subtiliter hic me Philosophari incipientem inducat, Sum, cogito &c. satis enim in omnibus, vel me tacente, candor ejus agnosci potest.

Y **C**ur mentis meministi, cum ais, mente concipitur? An non exulare jussisti corpus & mentem? Jam dudum pramonui illum parare hæc argutias ex verbo mentis. Sed Mente concipitur nihil hic aliud significat, quàm cogitatur; & ideo male supponit fieri mentionem Mentis quatenus est pars hominis. Præterea est corpus, & mentem, cum reliquis omnibus antea rejecerim, tanquam dubia, sive nondum à me clarè percepta, hoc non impedit quominus eadem postea resumam si contingat ut ipsa clarè percipiam. Sed nempe Auctor noster hoc non capit, quia putat dubitationem esse aliquid objectis inseparabiliter inhaerens: Quærit enim paulo post, Quis fiet ut eadem modo (qua scilicet antea dubia erant) non amplius dubia sint, & incerta? Vultque me ipsa solems ritu ejurasse; Ac miratur artem meam, qui, ut certa vestigem, utar dubiis, &c. tanquam si pro fundamento Philosophia sumpsissem, dubia omnia semper habenda esse pro falsis.

Z **V**is consulam quem me olim esse crediderim; vis relucam centonem illum &c. Utar hic exemplo valde familiari, ad facti mei rationem ipsi explicandam, ne deinceps istam non intelligat, aut se non intelligere ausit simulare. Si fortè haberet corbæ pomis plenam, & vereretur, ne aliqua ex pomis istis essent putrida, velletque ipsa auferre, ne reliqua corrumpere; quo pacto id faceret? An non in primis omnia omnino ex corbæ rejiceret; ac deinde singula ordine perlustrans, ea sola, quæ agnosceret non esse corrupta, resumeret, atque in corbæ reponeret, aliis relictis? Eadem ergo ratione, is qui nunquam rectè philosophari sunt, variis habent in mente sua opiniones, quas cum à pueritia coacervare ceperint, merito timent ne pleræque ex iis non sint vera, ipsiusque ab aliis separare conantur, ne ob earum mixturam reddantur omnes incerte: Hocque nullà meliore viâ facere possunt, quàm si omnes simul & semel, tanquam incertæ falsarum rejiciant; ac deinde singulis ordine perlustrantes eas solas resumant, quæ veras & indubitatas esse cognoscent. Atque ita non male initio omnia rejeci: deinde advertens nihil certius evidentiusque à me agnosci, quàm quod ego cogitans existerem, non male etiam hoc primum affirmavi;

ac deinceps

ac denique non male quævisi postea, quem me olim esse credidissem, non ut eadem omnia de me adhuc crederem, sed ut, si qua perciperem vera esse, resumerem; si qua falsa, rejicerem; & si qua incerta, in aliud tempus examinanda reservarem. Unde pater Auctorem nostrum inepte hoc vocare artem eliciendi certa ex incertis, vel, ut infra, Methodum somnianti; Et ea, quæ hic de Pythagora gallo gallinaceo, atque in duobus sequentibus paragraphis de aliorum opinionibus, circa naturam corporis, & animæ, nugatur, nihil plane ad rem pertinere: Cum ego nec debuerim, nec voluerim recensere quicquid alii unquam de iis crediderunt, sed tantum quid sponte, ac naturâ duce, mihi olim visum fuerit, aut vulgo aliis videatur, sive id verum sit, sive falsum; quia non recensui ut ipsa crederem, sed tantum ut examinarem.

§. 3. Quid corpus.

Quid, ais, corpus! Quid per corpus intelligebam olim?

Non agrè feres si omnia circumspiciam, si ubique verear, ut ne in plagas incidam; quare quoniam quæso de corpore interogas? An de eo, quod mihi olim in animo proponebam certis ex proprietatibus constans, & quidem, ut suppono ex legibus abdicationis, male? an de quovis alio, si fortè esse potest? quid enim scio? dubito, possit, nec ne. Si primum quæris, faciliè respondebo: Per corpus intelligebam illud omne, quod aptum est figurâ aliquâ terminari, loco circumscribi, spatium sic replere, ut ex eo aliud omne corpus excludat, sensu percipi, nec non moveri ab alio quopiam à quo tangatur. En primum quod ita intellexi, ut quidquid haberet, ea, quæ percensui, illud à me vocaretur corpus, nec continuo tamen putarem præter illud nihil aliud aut esse aut vocari posse corpus; maxime cum aliud sit, Intelligebam per corpus hoc, aut illud; Aliud, Intelligebam nihil præter hoc, aut illud esse corpus. Si secundum, respondebo ex Recentiorum Philosophorum opinione; Neque enim tam sensum meum exis, quam quid sentire quis possit. Per corpus intelligo illud omne quod aptum est vel loco circumscribi, ut lapis; vel definiiri loco, adeo ut sit in eo toto totum, & totum in quavis parte, ut indivisibilia quantitatibus, aut lapidis, & similibus, quæ nonnulli recentiores inducunt ad instar Angelorum, aut animarum indivisibilibus, & docent non sine plausu, saltem suo, & videre est apud Oviedonem: vel extendi actu, aut lapis; vel virtute, ut dicta indivisibilia: vel esse partibilia in partes aliquot, ut lapis; vel impartibile, ut indivisibilia præfata; vel moveri ab alio, ut lapis sursum: vel à se, ut lapis deorsum: vel sentire, ut canis; vel cogitare, ut simia? vel imaginari, ut mulus: ac si quid olim offendi, quod aut moveretur ab alio, vel à se, quod sentiret, quod imaginaretur, quod cogitaret, id, aliud nisi oblitit, vocavi corpus, & etiam nunc voco.

At male, ais, & perperam. Namque habere vim seipsum movendi, item sentiendi vel cogitandi nullo pacto ad naturam corporis pertinere judicabam.

Judi-

Judicabas? Quia dicis, credo; libera sunt cogitationes. At dum ita cogitabas, suum cuique sensum sinebas esse liberum: neque eum te credam, ut esse volueris arbiter cogitationum omnium, has ut rejiceres, illas probares: nisi forte aliquis tibi fuit canon certus, & expeditus, de quo quia siluisti, cum nos abdicare iussisti omnia, utar concessa nobis à natura libertate. Olim judicabas; judicabam olim: Ego quidem sic, tu vero aliter, forte ambo malè; cerè non sine dubitatione aliquà, si quidem & tibi, & mihi primò in aditu exuenda fuit ea vetus opinio. Quare ut ne diu lis ista protrahatur, si tuo peculiari ex sensu corpus velis definire, uti primò loco factum est, nihil veto; ultrò admitto; dum sis memor tuà illà definitione non omne uniuersum corpus, sed certum quoddam genus à te comprehensum describi, omitti verò cetera, quæ ex virorum doctorum mente, an sint, an esse possint, vocantur in discepcionem, aut sanè de quibus nihil cerò, eà saltem, quam requiris, certitudine, possumus definire, si neque possint, an non; adeò ut rectè an secus definitum sit omne corpus hætenus, dubium sit, & incertum. Quare perge, si placet, dum sequor; & sanè tam lubens, quam ipsa est lubeuita, adeò me trahit nova illa & inaudita expectatio trahendi cerri ex incerto.

N O T Æ.

Aa **V**el sentire, ut canis; vel cogitare, ut simia; vel imaginari, ut mulus. *Hic logomachiam parat, atque ut possit efficere, me male posuisse differentiam inter mentem & corpus, in eo quod illa cogitet, hoc vero non, sed sit extensum, aut id omne quod sentit, quod imaginatur, quod cogitat, à se corpus vocari. Sed sane vocet etiam mulum, aut simiam si lubet atque si unquam possit efficere, ut nova ista nomina sint usui recepta, ipsi uti non recusabo. Interim vero nullum habet jus reprehendendi, quod utar receptis.*

S. 4. Quid anima.

Quid, ais, anima? Quid per animam intelligebam? Nempe quid hæc esset, vel non advertebam, vel exigui nescio quid imaginabar iussit venti, ignis, vel ætheris, quod crassioribus mei partibus esset insulsum: ad illam verò refererebam nutrire, incedere, sentire, cogitare.

Abundè sane. At patieris opinor hic à te rogitem non nihil. De animo cum quæris, sensa nostra vetera, & quæ olim de eo credidimus, exposcis?

Ita est, ais.

Bb An verò putas nos sensisse bene, ut hac tua methodo nihil sit opus? an deerasse neminem tantis in tenebris? sane tam varia sunt, & tam discrepantes Philosophorum sententiæ circa animam, ut mirari satis non possim artem illam tuam, quæ tam vili ex fæce medicamentum certum, & salubre confecturam confidas. Quanquam viperino ex veneno sit theriaca. Vis igitur addam ad illam tuam de anima opinionem quid sentiant, aut sentire possint nonnulli? Bene, an malè,

male, ex me non quæris; sed si ita opinentur, ut à sua mente abduci se posse nullis rationum momentis existiment. Animam dicent nonnulli esse certum quoddam genus corporis ita vocitatum. Quid stupes? Is eorum sensus; nec sine aliqua, ut putant, veri specie. Nempe cum corpus appelleretur, & verò sit illud omne, quod est extensum, quod trinam habet dimensionem, quod est divisibile certas in partes, cumque in equo, dicis gratiâ, aliquid animadvertant extensum, ac partibile, putà carnem, ossa, ac compagem illam externam, quæ incurrit in sensus, concludant vero vi & momento rationum, præter illam compagem esse adhuc internum aliquid, & illud quidem tenue, fufum, & extensum per compagem, & dimensum trine, & partibile, aded ut abscisso pede, abscindatur quoque illius interni pars quædam; intelligunt conflatum equum ex duobus extensis, & trine dimensis, & partilibus, adeoque ex corporibus duobus, quæ, ut differunt inter se, ita & nominibus distinguuntur, atque alterum, putà externum, Corporis appellationem retinet, alterum, quod interior est, vocatur anima. Porro sensum quod atinet, quod imaginationem, quod cogitationem, putant illi tum sentiendi, tum cogitandi, & imaginandi vim inesse animæ, sive interno corpori, cum habitudine tamen aliqua ad externum, sine quo nullus sit sensus. Alii aliud dicent, & comminiscuntur; ut quid enim singula persequar? Nec deerunt qui putent omnes omnino animas esse tales, quales paulò ante sunt descriptæ.

Apagæ, ais, hoc impium.

Ita sane, impium. At cur quæris? Quid Atheis facias? quid carneis hominibus, quorum cogitationes omnes in sæcibus ita sunt defixæ, ut præter corpus & carnem sentiant nihil? Imo verò quia tua illa methodo stabilire vis & demonstrare hominis animum esse incorporeum, & spirituale, id minime debes supponere, sed potius suadere tibi adfuturos ex adverso, qui hoc negent, qui saltem disputandi gratiâ dicant id, quod ex me audisti. Quare finge hæc illorum esse unum aliquem, qui roganti tibi quid sit animus, respondeat, ut tunc ipse antea: animus est aliquid corporeum, tenue, & subtile, & fufum per corpus externum, & sensus omnis, & imaginationis, & cogitationis principium, adeo ut 3 sint gradus, Corpus, Corporeum, sive animus, & Mens sive spiritus, cujus existentia quæritur. Quare deinceps tres illos gradus tribus his vocibus exprimamus, Corpus, Animus, Mens. Sic, inquam, qui tibi roganti sic respondeat; an fecerit satis: sed artem tuam nolo prævertere; sequor. Sic ergo progredieris.

N O T Æ.

ITa est, ais. *Hic, & ferè omnibus aliis in locis, inducit me sibi, quæ ab opinione mea Bb plane diversa sunt, respondentem. Sed nimis tadiosum esset omnia ejus signenta recensere.*

Imo verò qui stabilire vis & demonstrare animum hominis esse incorporeum, id minime debes supponere. *Falsò hic fingit me supponere id quod debui probare; Atque ad talia, quæ tam libere finguntur, & nulla vel minima*

ratione fulciri possunt, nihil aliud responderi debet; quàm falsa esse. Nec ullomodo de eo, quod vocandum est corpus, vel animus, vel mens, disputavi: sed duo explicui, nempe id quod cogitas, & id quod est extensum: ad quæ alia omnia referri probavi, hæcque esse duas substantias realiter distinctas rationibus evici; Unam autem ex his substantiis vocavi mentem, aliam corpus, quæ nomina si ipsi displicent, alia potest sis tribuere, non repugnabo.

§. 5. Tentatur ingressus in Methodum.

- D** Benè est, ais, jacta sunt fundamenta feliciter. Ego sum, dum cogito. Hoc certum, hoc inconcussum. Extruenduni deinceps, ac providendum cautè, ne mihi Genius malus imponat. Sum. Sed quid sum? Haud dubiè aliquid eorum, quæ olim censebam. Esse verò hominem credebam: hominem habere corpus & animam. An ergo sum corpus? an Mens? Corpus est extensum, loco comprehensum, impermeabile, adspectabile. An quidquam illorum est in me; extensio? qui in me esset, cum nulla sit? hanc principio abdicavi. An tangi posse, posse videri? Et si sanè putem modò me videri, me à memet tangi; attamen non videor, non tangor. Hoc certum mihi ex quo abdicavi. Quid ergo? Attendo, cogito, volvo, revolve, nihil occurrit. Fatigor eadem repetere. Nihil eorum, quæ ad corpus pertinent, in me reperi. Non sum corpus, Sum tamen, & esse me cognosco, & dum cognosco me esse, nihil quod sit corporis cognosco. Sumne igitur Mens? Quid olim mentis esse credebam? an aliquid illorum in me est? putabam mentis esse cogitare. At at cogito, *ἔγωγε, ἔγωγε*. Sum, cogito: sum dum cogito, sum res cogitans, sum mens, intellectus, ratio. En Methodum illam meam, quâ feliciter sum prætergressus. Tu sequere fodes.
- O te felicem, tantis qui in tenebris uno prope saltu evaseris in lucem! At, te quæso, manum ne recuses, ut nutantem firmes, tuis dum insisto vestigiis. Ea ut eadem repeto, sed, meo pro modulo, paulò lentiùs. Sum, cogito. Sed quid sum? An aliquid eorum, quæ olim me esse credebam? sed an credebam bene?
- G** Id incertum. Dubia abdicavi omnia, & habeo tanquam falsa. Non bene credidi.

Imo verò, clamas, ibi pedem fige.

Figam? nutant omnia. Quid, si aliud sim?

Meticulosus es, addis. Aut corpus es, aut mens.

Sim igitur. Quanquam haud dubiè vacillo, manum licèt prehenses, vix audeo insistere. Quid, te quæso, quid, si sim animus? quid, si aliud quid? Nescio.

- H** Perinde est, ais, aut corpus, aut mens.

Eslo igitur. Sum corpus, aut mens. An non corpus? Ero haud dubiè corpus, si quid in me reperero, quod esse corporis olim credideram. Quanquam vereor ut bene crediderim.

Euge, addis, verendum nihil.

Audebo

Audeo igitur, quia sic facis animos, Credideram olim Cogitare esse aliquid corporis. At ac cogito: *ἴσχυς, ἴσχυς*. Sum, cogito, sum res cogitans, sum corporeum quid, sum extensio, divisibile aliquid; voces mihi prius significationis ignotæ. Quid succenses, & pratervectum manu repellis? Ripam teneo, & quottustas in littore, sto ego tuâ & abdicationis illius tux gratiâ.

At perperam, addis.

Quippe quid peccavi?

Malè, apponis, olim credideras cogitare esse aliquid corporis. Credere de- Ti
bueras esse aliquid Mentis.

Quin ergo monueras principio? Quin ubi me accinctum vidisti, & paratum ad vetera prorsus abdicanda, iussisti, ut saltem hoc retinerem, imò à te sumerem, veluti naulum, Cogitare est aliquid mentis? Atque omnino sum tibi auctor, hoc ut effatum tyronibus deinceps inculces, ac ne cum cæteris, ne cum illo veterè 2 & 3 faciunt 5, abjurent, accuratè percipias. Quanquam sintne illi obsecuturi, haud faciliè præstabo. Suus cuique est sensus, ac paucos reperias, qui id tibi, quod olim silentes Pythagoræ, in eo αὐτὸς ἔφαθ' conquiscant. Quid, si sint, qui renuant? qui reculent? qui sua illa in veteri opinione persistent? Quid facies? Ac cæteros ne appellem, unum te volo. Cum polliceris te confecturum vi & momento rationum animam humanam non esse corpoream, sed planè spiritua-lem, hoc si proposueris veluti demonstrationum tuarum fundamentum, Cogitare est aliquid proprium mentis, sive rei planè spiritualis, & incorporeæ, an non videbere id novis verbis postulare, quod veteri in quæstione sit positum? Quasi quisquam sit ita stupidus, ut si credat Cogitare esse aliquid proprium rei spiritua-lis & incorporeæ, sciat verò, & sibi sit conscius se cogitare (quotus quisque porro est, qui venam illam divitem cogitationis in se non repererit, ut monitore sit opus?) dubitare possit in se aliquid esse spirituale, & minimè corporatum? Ac, ne putes hæc à me jactari gratis, quam-multi sunt, iique graves Philosophi, qui bruta velint cogitare, adeoque qui putent cogitationem, non quidem esse com-munem cujuslibet corporis, sed animæ extensæ, qualis est in brutis, adeoque non esse propriam quarto modo mentis, & rei spiritualis? quid ii, quæso, cùm jube-buntur hanc suam opinionem abdicare, ut tuam gratis induant? ac tu ipse ista dum postulas, num gratiam petis, num principium? Sed quid contendo? si mi-lèsum pratervectus, vis ut repedem?

N O T Æ.

Sed quid sum? Haud dubie aliquid eorum quæ olim censebam. *Idoc, ut & Dd*
Salia innumera, suo more sine ulla veri specie mihi affingit.

Hoc certum mihi ex quo abdicavi. *Falsum hic rursus mihi affingit. Nun-* Ee
quæ enim conclusi quidquam, ex eo quod abdicassẽ; sed contrarium expresse mo-nui, per hæc verba: Fortassis verò contingit ut hac ipsa quæ suppono nihil esse, quia
mibi sunt ignota, in rei tamen veritate non differam ab eo me quem novis &c.

Ff Summe igitur mens? *Falsum etiam est me quævisse an mens esset, nondum enim quid nomine mentis intelligerem explicueram: sed quævissi an aliquid in me esset ex iis, quæ anima prius à me descripta tribuebam, cumque non omnia quæ ad ipsam retuleram in me invenirem, sed solam cogitationem, ideo non dixi me esse ipsam, sed tantum rem cogitantem, atque huic rei cogitanti nomen mentis, sive intellectus sive rationis imposui, non ut aliquid amplius significarem nomine mentis quàm nomine rei cogitantis, atque adeo iuxta iuxta exclamarem, ut hic ineptissime cavillatur. Nam contra expresse addidi, voces illas mihi prius fuisse significationis ignota; adeo ut dubitari non possit quin præfise idem tantum per illas ac per nomen rei cogitantis intellexerim.*

Gg Non bene credidi. Imo verò, clamas. *Hoc rursus falsissimum, Nullibi enim unquam supposui ea, quæ ante credideram, esse vera, sed tantum examinavi an vera essent.*

Hh Aut sum corpus, aut mens. *Falsum rursus me unquam hoc posuisse.*

Ii Male, apponis, olim credideras cogitare esse aliquid corporis, credere debueras esse aliquid mentis. *Falsum quoque me hoc apponere; dicat enim si vellet rem quæ cogitat melius vocari corpus quàm mentem, per me licet, non ipsi mecum ea de re sed cum Grammaticis est disputandum. Sed si fingat, me aliquid amplius nomine mentis, quàm nomine rei cogitantis significasse, meum est negare: ut paulo post, ubi addit: Hoc si posueris, cogitare est aliquid proprium mentis, sive rei plane spiritualis, & incorporeæ &c. num gratiam petis, num principium? Nego me ullo modo posuisse mentem esse incorpoream, sed in 6 demum Meditatione demonstrasse.*

Tacet autem me torques ipsum falsitatis arguere; dissimulabo deinceps; & reliquos ejus ludos, ad finem usque, cum silentio spectabo; Quanquam sane dispndeat videre P.R. præ nimia cavillandi cupiditate comicum soccum induisse; atque hic seipsum, ut meticulosum, lentum, parvi ingenii describendo, non Epidicos, aut Parmenones veteris Comædia, sed hodierna vilissimam illam personam, quæ in sulcata sua risum movere affellat, imitari voluisse.

§. 6. Iterum tentatur ingressus.

Placet, ais, dum mea proxime premas vestigia.

Obsequor, nec te vel transversum unguem desero. Resume;

Cogito, ais.

Ego quoque.

Sum, addis, dum cogito.

Sum pariter ego, dum cogito.

Quid vero sum? apponis.

O sapienter! hoc enim quero, tecumque dico lubens, quid vero sum?

Pergis, Quem me olim esse credidi? de me quis mihi olim fuit sensus?

Verba

Verba ne quæso ingemines; sat illa audio. At at precor adjuva. Ubi ponam vestigium, tantis in tenebris non video.

Dic, ais, *mecum, mecum vestiga. Quidnam meo olim esse credidi?* Kk

Olim? fuitne olim? olim-ne credidi?

Erras, addis.

Imo tu ipse, si pateris, dum olim ingeris. Vetera abdicavi omnia: etiam illud, olim, nihil fuit, nihil est. At te benignum ductorem! ut manum prehensas, ut trahis.

Cogito, ais, sum.

Ita est. Cogito, sum. Hoc habeo, & unum habeo, ac præter illud unum nihil est, nihil fuit.

Euge, addis, quid de te olim credidisti?

Vis opinor me probare, an dies 15 vel mensem integrum in tyrocinio illo abdicationis posuerim; horam quidem posui hic duntaxat tecum; at oppidò tanta contentione animi, ut extensionem temporis operationis intensio compenset. Posui mensem, & si vis annum. En, Cogito, sum. Nihil præterea est. Abdicavi omnia.

Sed recordare, ais, memineris.

Quid est hoc, recordare? Cogito quidem modo olim me cogitasse; at an continuo olim cogitavi, quod modo cogitem me olim cogitasse?

Timidus es, ais, umbram vereris. Resume. Cogito.

O me infelicem; intenduntur tenebræ, nec illud Cogito, quod mihi antea clarum apparebat, modo animadverto. Somnio me cogitare, non cogito.

Imo, ais, qui somniat cogitat.

Allucet. Somniare cogitare est, & cogitare somniare.

Nusquam, ais, latius patet cogitare quam somniare. Qui somniat cogitat; Kk
qui verò cogitat, non continuo somniat, sed vigilans cogitat.

Itane verò? sed an illud somnias? an verò cogitas? Quid, si somnies cogitare patere latius? an ideo latius patebit? Sane, si lubet, somniabo latius patere somniare, quam cogitare. Sed unde habes latius patere cogitare, si nullum est, sed somniare duntaxat? Quid, si quoties putasti te cogitare vigilantem, non cogitasti vigilans, sed somniasti te cogitare vigilantem, ut hoc unum sit duntaxat somniare, cujus operâ somnies interdum te somniare, interdum te vigilantem cogitare. Quid hic facias & files. Vin' me audire? vadam aliud vestigens, hoc dubium est & infidum, ut mirari satis non possim, cur intentatum antea mihi modò aperire volueris. Ex me igitur ne quæras quem me olim esse crediderim, sed quem me modo somniem olim me somniasse. Si facis, respondeo. Ac ne verba illa somniantum sermonem nostrum interturbent, verbis utor vigilantium, dum sis memor Cogitare deinceps nihil aliud significare, quam somniare, & nihilo plus ponastuis in cogitatis, quam somnians suis in somniis: imo Metho-
dum

dum illam tuam infcribas *Methodum somniandi*, ſitque artis illius tuæ ſumma, *Ut quis bene ratiocinetur, ſomniet*. Placet opinor conſilium, quia ſic pergis.

L1 Quidnam igitur antehac me eſſe putavi?

En lapidem, ad quem paulo ante offenderam. Cavendum tibi, mihiſque; quare patere exte quæram, cur illud non permittas, velut eſſatum, Sum aliquid eorum, quæ eſſe olim credideram, aut, Sum illud, quod olim credidi me eſſe?

Non eſt opus, ais.

Imo tua pace, opus maxime, aut inani labore fatigaris dum veſtigas, quid te olim fuiſſe putaveris. Et vero ſac fieri poſſe, ut non ſis illud, quod olim te eſſe credidiſti, ut Pythagoræ contigit, ſed aliquid aliud, an non fruſtra quæres quid te olim fuiſſe credideris?

At, ais, eſſatum illud vetus eſt, & abdicatum.

Eſt omnino, ſi quidem abdicata ſunt omnia; at quid facias? aut ſuſtendum hic, aut utendum eo.

Imo, ais, tentandum iterum, & aliâ viâ. En ſum vel corpus, vel meus. An corpus?

Ne ultra quæſo. Unde habes iſtud Sum corpus, vel Mens? Cùm & corpus, & mentem abdicaris? imo quid, ſi neque ſis corpus, neque mens, ſed animus, aut aliquid aliud? quid enim ſcio? hoc veſtigamus, ac ſi ſcirem, ſi nôſſem, haud ita fatigarer. Neque enim velim putes deambulandi aut ſpatianti tantum gratiâ, has me in abdicationis oras plenas caliginis & timoris veniſſe; una me certi ſpes aut trahit, aut impellit.

Reſumamus igitur; ais; ſum vel corpus, vel aliquid non corpus, ſive non corporeum.

Aliud iter, & novum, ingrederis modò. At an illud certum?

Certiſſimum, ais, & neceſſarium.

Cur ergo abdicavi? an non verebar meritò ut ne quid eſſet retinendum, ac fieri poſſe, ut plus æquo diſſidentia indulgeres. Sed eſto. Sit hoc certum. Quid tandem?

An ſum corpus, pergis? an quidquam reperio in me eorum, quæ olim ad corpus pertinere cenſui?

L1 En alterum offendentulum. Impingemus haud dubiè niſi hanc præmiſeris cynoſuram: Rectè olim cenſui de iis quæ pertinent ad corpus; vel, Nihil ad corpus pertinet præter ea quæ olim pertinere intellexi.

Quippe cur, ais?

Nempe ſi omiſiſti aliquid olim, ſi cenſuiſti malè (homo es, & humani à te nihil alienum putas) ſupervacaneus erit omnis ille labor tuus, atque omnino veriri debes, tibi ut ne contingat quod ruſtico nuper. Is ubi primùm vidit lupum à longè, hæſit, & egit ita cum hero ſuo adoleſcente ingenuo quem comitabatur. Quid video? animal haud dubiè. Moveretur, ingreditur. Quodnam verò animal?

Nempe

Nempe unum aliquod eorum, quæ novi. Quæ porrò illa sunt? Bos, Equus, Capra, Asinus. An est bos? non. Cornua non habet. An equus? vix caudatum est; non est. An Capra? barbata illa; hoc imberbe; capra non est. Asinus ergo est, cum nec bos, nec equus, nec capra sit. Quid rides? exitum fabulæ expecta. At enim, ait adolescens herus, quidni esse equum perinde conficis, atque asinum; Age. An est bos? Non. Cornua non habet. An asinus? minimè. Auriculas non video. An capra? nihil barbæ habet; non est. Est ergo equus. Turbatus nonnihil rusticus Analysi illa nova. At at, exclamavit, non est animal. Nempe animalia, quæ novi, sunt Bos, equus, capra, asinus. Non est bos, non equus, non capra, non asinus. Ergo afficiens & triumphans non est animal. Ergo aliquid non animal. Strenuum sane Philosophum, non ex Lyceo, sed ex armento! Vis peccatum illius?

Sat, ais, video. Male posuit apud se in animo, etsi reticuit: Novi animalia omnia, aut nullum est animal præter ea quæ novi. At quid illud nostrum ad institutum?

Nempe lacti lacte non videtur similis. Ne dissimules. Taces nonnihil, quod habes in animo. An non istud, Novi omnia, quæ spectant, & spectare possunt ad corpus; aut illud, Nihil ad corpus pertinet, præter illud, quod olim Mm pertinere intellexi? Et verò si omnia non nōsti: si omisisti, vel unum; si aliquid quod reverà sit corporis, aut rei corporeæ, ut animæ, menti tribuisti: si cogitationem, si sensum, si imaginationem malè removisti à corpore, aut anima corporea: addo si vel suspicaris aliquid illorum à te commissum, an vereri non debes eundem exitum, ut quidquid concludas, sit conclusum malè? sanè, licet trahas, eum nisi obicem removes, obstinatus hinc persto, nec pedem ultra moveo.

Repedemus, ais, & tertio tentemus ingressum. Adire omnes, vias, flexus, & Mzandros obeamus.

Placet admodum, at eà lege, ut quæ occurrent dubia, non tondeamus modo, sed eradamus. Age, præi, nihil non ad vivum raseco. Pergis,

§. 7. *Tertio tentatur ingressus.*

Cogito, ais.

Nn

Nego. Somnias te cogitare.

Hoc, ais, voco Cogitare.

Malè vocas. Ficum ego ficum voco. Somnias. Hoc habes. Perge.

Sum, ais, dum cogito.

Esto. Quia sic loqui vis, non rixabor.

Hoc certum, addis, & evidens.

Nn

Nego. Somnias dumtaxat esse tibi certum, & evidens.

Perstas, Ergo saltem certum est, & evidens somnianti.

Nego. Videtur dumtaxat, apparet. Non est.

Urges.

Urges. De eo non dubito. Hoc mihi sum conscius, nec in eo me genus decipit, etsi moliatur.

Nego. Somnias te tibi esse conscius, te non dubitare, hoc tibi esse evidens. Sunt duo illa admodum diversa. Somnianti (adde & vigilant) aliquid videtur certum, & evidens; & somnianti (perinde ac vigilant) aliquid est certum, & evidens. Atque hæc meta est. Non ultra. Quærendus est alius aditus, ut ne somniantes ætatem hic teramus. Quanquam dandum aliquid, ut & metatur se mentis facienda. Certus es, perge. Facis.

Quem, ais, me olim esse credidi?

Apæge olim. Invia illa via est. Quoties dixi occlusa esse vetera omnia? Es dum cogitas, & certus es te esse dum cogitas. Ajo dum cogitas, præteritum omne dubium est & incertum, ac solum tibi superest præsens. Perstas tamen. Amote, quem nec adversa fortuna frangat.

Nihil, ais, est in me qui sum, qui cogito, qui sum res cogitans, nihil, inquam, eorum, quæ ad corpus, aut rem corpoream pertinent.

Nego. Probas.

O. Ex quo ais, abdicavi omnia, nullum est corpus, nullus animus, nulla mens, verbo, nihil. Ergo si sum, uti sum certus nie esse, non sum corpus, aut quidquam corporeum.

Ut mihi places dum ita incalescis, dum ratiocinaris; teque ad formam paulatim refers! Perge, hac via citius labyrinthorum istorum reperiemus exitum. & quia liberalis es, ero liberalior. Nego ego & antecedens, & consequens, & consequentiam. Nec stupeas, quæso: non abs re nego. En causas. Nego consequentiam, eo; quia tu pari modo posses arguere oppositum hoc pacto: Ex quo abdicavi omnia, non est mens, non animus, non corpus, verbo, nihil. Ergo si sum, uti sum, Non sum, Mens. En nunc cariosam, cujus tu vitia agnosces ex sequentibus. Interim tecum ipse delibera, num melius tuo ex antecedenti ita deinceps sis conclusurus. Ergo si sum, uti sum, nihil sum. Aut sane male positum fuit antecedens, vel positum destruitur postea allatâ conditionali, Si sum. Quare nego antecedens illud, Ex quo abdicavi omnia, non est ullum corpus, non animus, non mens, non aliud quid, & quidem merito. Etenim dum abdicas omnia, vel male abdicas omnia, vel omnia non omnino abdicas; nec enim potes; cum necessariò sis ipse, qui abdicis. Atque ut accuratè respondeam, Cum dicis *Nihil est, non corpus, non animus, non mens, &c.* aut excludis te à propositione illa tua *Nihil est, &c.* Et intelligis *Nihil est, &c.* præter me; quod necessariò debes facere ut propositio illa tua fiat, & perseveret, perinde atque in Logica de iis vulgò dicitur: omnis propositio scripta in hoc libro est falsa: Ego mentior: & sexcentis istiusmodi, quæ seipsas excludunt: aut temet ipse quoque includis, ut neque esse velis dum abdicas, dum dicis, *Nihil est, &c.* Si primum, stare nequit propositio, Ex quo abdicavi omnia, *Nihil est, &c.* Es enim, & ali-

quid

quid es; & necessariò es vel corpus, vel animus, vel mens, vel quidpiam aliud, adeoque existit necessariò vel corpus, vel animus, vel mens, vel quid aliud. Si secun- dum, peccas, & quidem peccatum geminum, tum quod fatagas id, quod fieri nequit, ac velis nihil esse, cum sis. Tum quod propositum illud tuum destruas in consequente, dum addis, Ergo si sum, uti sum, &c. Etenim qui fieri potest, ut sis, si nihil sis? & quandiu ponis nihil esse, qui potes ponere te esse? & si ponis te esse, an non destruis paulò ante positum Nihil est &c.? Falsum igitur est antecedens, falsum & consequens. At pugnam instauras.

Dum, ais, dico, Nihil est, non sum certus me esse corpus, me animum, me mentem, aut aliud quid. Imò non sum certus esse aliquid aliud corpus, aut animum, aut mentem. Ergo ex lege abdicationis, quæ dubia ponuntur velut falsa, dicam, & ponam, Non est corpus, non animus, non mens, non aliquid aliud. Ergò si sum, uti sum, non sum Corpus.

Præclare omnino: at, te quæro, patere ut singula singillatim excutiam, ut librem, ut tevinem. Dum dico, Nihil est, &c. non sum certus me esse corpus, animum, mentem, aliud quid. Distinguo antecedens. Non es certus te esse corpus determinatè, te animum determinatè, te mentem determinatè, te aliquid aliud determinatè. Esto antecedens. Hoc enim quæris. Non es certus te esse indeterminatè vel corpus, vel animum, vel mentem, vel aliud quid, nego antecedens. Es enim, & es aliquid, & es necessario vel corpus, vel animus, vel mens, vel aliud quidpiam; neque id potes serio in dubium vocare, te quantumvis sollicitè Genius. Venio ad consequens: Ergo ex lege abdicationis dicam, Non est corpus, non animus, non mens, non aliud quidpiam. Distinguo consequens. Dicam determinatè non est corpus, non animus, non mens, non aliud quid, esto consequentia; dicam, indeterminatè non est vel corpus, vel animus, vel mens, vel aliquid aliud. Nego consequentiam. Atque eodem modo distinguam illud tuum ultimum consequens. Ergo si sum, uti sum, non sum corpus. Determinatè, concedo. Indeterminatè, nego. En me liberalem. Propositiones tuas altero tanto auxi. At animum non despondes; aciem restituis. Ut te amo!

Novi, ais, me existere. Quæro quis sis ergo ille, quem novi. Certissimum est hujus sic præcisè sumpti notitiam non pendere ab iis, quæ existere nondum novi.

Quid præterea? Omniane dixisti? Consequentiam ego aliquam, ut paulo ante, expectabam. Forte veritus es ne meliorem exitum non sortiretur. Prudenter sane tuopro more; sed resumo singula. Nôsti te existere. Esto. Quæris quis sis ille quem nôsti. Ita est, & tecum quæro, & diu est ex quo quærimus. Notitia illius, quem quæris non pendet ex iis, quæ nondum nôsti existere. Quid dicam nondum liquet satis, nec satis video, quo pertineat effatum illud tuum. Et vero, si quæris quis sis ille quem nôsti, quæro ego quoque, Cur quæris: si nôsti?

Pp At novi, ais, me esse; non novi quis sim.

Præclare; at unde agnosces quis sis ille qui es, nisi ab iis, quæ aut nôsti olim, aut olim scies? non, opinor, ab iis, quæ olim nôsti. Dubiis sciant; & addicata sunt. Ergo ab iis quæ nondum scis, scies verò postea; nec video, cur hic commovearis adeò.

Nondum, ais, novi ista existere.

Spera bene, cognosces aliquando.

At addis, quid faciam interea?

Expectabis, Quanquam te diu non pariat accipitem. Distinguem, ut ante. Non nôsti quis sis determinatè & clarè, Concedo. Non nôsti quis sis indeterminatè & confusè, Nego. Nôsti enim te esse aliquid, & necessariò vel corpus vel animum, vel mentem, vel aliquid aliud. At quid tum? nosces te postea clarè & determinatè. Quid hic facias? Unus te ille echinus *Determinatè, Indeterminatè*, sæculum integrum remorabitur. Aliud iter, si quod est residuum, implora. Aude tamen: nec enim hastas abjeci. Res magnæ, & novæ, novis & magnis difficultatibus obvallantur.

Pp *minatè*, sæculum integrum remorabitur. Aliud iter, si quod est residuum, implora. Aude tamen: nec enim hastas abjeci. Res magnæ, & novæ, novis & magnis difficultatibus obvallantur.

Una, ais, restat via, quæ si habet obicem, si vel offendiculum, actum est, pedem referam, nec me unquam hæc abdicationis oræ videbunt erronem. Vis hanc etiam explorare?

Placet; at eâ lege, ut, quia extrema est, extrema omnia expectes à me: præi.

§. 8. Quarto tentatur ingressus, & desperatur.

Qg Sum, ais.

Nego.

Pergis, Cogito.

Nego.

Addis, Quid tu negas?

Nego te esse, te cogitare: ac probè novi quid feci, cum dixi, Nihil est. Omnis facinus insigne. Uno ictu amputavi omnia. Nihil est: non es, non cogitas.

At, te quæso, ais, Certus sum, mihi sum conscius, hæc mea conscientia est, me esse, me cogitare.

¶ Vel si manum pectori admoveas, vel si jures, & obtestere, Nego. Nihil est, non es, non cogitas, non es tibi conscius. En Remora, quam, ut probe noscas, ut vites, en pono ob oculos. Si vera est hæc propositio, nihil est; vera quoque est hæc, & necessaria, Non es, non cogitas. Sed vera est hæc, Nihil est; ut vis. Ergò vera quoque illa, Non es, non cogitas.

Nimius est, ais, iste rigor. Emolliendus non nihil.

Quia rogas, facio, & ultro. Es: permitto. Cogitas: do. En tres cogitans, adde, substantiæ cogitans, adeò verbis delectaris magnificis; gaudeo, gratulor; at ne plura. Vis tamen, & sic ultimos colligis spiritus:

Sum,

Sum, ais, substantia cogitans, & novi me existere substantiam cogitantem, & novi substantiam existere cogitantem, & habeo clarum, & distinctum substantiæ istius cogitantis conceptum, & tamen non novi existere corpus, non novi quidquam eorum, quæ ad conceptum substantiæ corporeæ pertinent; imo corpus non existit, non res ulla corporea, abdicavi omnia. Ergo notitia existentiz, aut existentis rei cogitantis non pender ex notitia existentiz aut existentis corporis. Ergo cum existam, & existam substantia cogitans, & corpus non existat, non sum corpus. Ergo mens. Hæc sunt, hæc, quæ me cogunt ut assentiar, cum nihil in ipsis sit non cohzrens, atque ex evidentibus principiis juxta Logicæ regulas conclusum.

O Cygneam vocem! At quin antea sic loquebare, clarè & perspicè amissâ procul abdicatione illa tua? Est profectò dete quod querar, quinoshic diu errare sis passus, imo duxeris per avia, & in via, cum uno passu has ad metas nos potueris sistere; est quod & succenseam, atque omnino nisi admodum esses amicus in testomachum erumperem: nec enim agis ut solebas olim candidè, & rotundè, imò est tibi quod asserves velut peculiari in penu, nec mecum communices. Stupes. Diute non tenebo. En querelæ caput. Querebas paulo ante, vix ante passus centum, quis ille esses, quem noras: nunc non modo scis quis ille sit, sed & clarum & distinctum habes illius conceptum. Aut tegebis nonnihil, teque ignorare simulabas, quod calleres maximè: aut venam veri certique habes subterraneam, quam occultas. Quanquam malo quærere si digitum intendis in fontes, quàm queri, Unde quæso habes clarum illum & distinctum substantiæ cogitantis conceptum? si à verbis, ab ipsa re, aded est clara & evidens, postulabo etiam, atque etiam, eum ut mihi conceptum tam clarum, tam distinctum, vel semel ostendas, ejus ut aspectu reficiar, maximè cum ab illo penè uno veritatem, quam vestigamus tantis laboribus, expectemus.

Nempe, ais, Certò scio me esse, me cogitare, me existere substantiam cogitantem.

Inspecta si placet, me ut formando conceptui tam arduo comparem. Scio ego quoque, & probe novi me existere, me cogitare, me existere substantiam cogitantem. Perge nunc demum, si placet.

Imò, ais, actum est. Cum cogitavi me existere substantiam cogitantem, formavi conceptum clarum & distinctum substantiæ cogitantis.

Papæ! quam subtilis es & acutus! ut momento penerras, & pervadis omnia, quæ sunt, & quæ non sunt, & quæ esse queunt, & quæ nequeunt. Formas conceptum clarum & distinctum substantiæ cogitantis, dum concipis clarè & distinctè existere substantiam cogitantem. An ergo, si clarè cognoscas, ut cognoscis profectò, aded es felix ingenii, nullum montem existere sine valle, continuo habebis conceptum clarum & distinctum montis sine valle? sed artem quia


non novi, factum deniq̃ novum. Aperi, quæso, & qui clarus sit & distinctus ille conceptus, ostendo.

In promptu est, ais, Conceptio clarè & distinctè existere substantiam cogitantem, & nihil concipio corporeum, nihil spirituale, nihil aliud præterea, sed solam substantiam cogitantem. Ergo conceptus ille meus substantiæ cogitantis clarus est & distinctus.

Audire tandem, ac, ni fallor, capio. Clarus est conceptus ille tuus, quia certò cognoscis: distinctus est, quia, nihil aliud agnoscis. An rem digito attingi? Opinor. Nam addis,

Illud, ais, planè sufficit, ut affirmem me, quatenus me ipsum novi, nihil esse aliud, quàm rem cogitantem.

Abundè omnino, ac si clarè mentem tuam cepi, Conceptus clarus & distinctus substantiæ cogitantis, quem formas, in eo est, quod repræsentet tibi substantiam existere cogitantem, nihil attendendo ad corpus, ad animum, ad mentem, ad quicquam aliud, sed tantum quòd existat. Atque ita dicis, te quatenus te nosti, nihil aliud esse, quàm substantiam cogitantem, non verò corpus, non animum, non mentem, non quid aliud: adeò ut, si accuratè existeres, quatenus te nosti, esses tantum substantia cogitans, & præterea nihil. Tibi, opinor, & arrides, & applaudis, ac putas me longo isto, quo utor prætermorem, verborum ductu moras necere, pugnam desugere, ut infractam tuam illam aciem declinem. At profecò alia mihi mens est. Vis apparatus illum omnem, & triarios, quos in extremam divicationem cautè servasti, etsi cuneatim & serratim ordinatos, verbo unico dissem? faciam tribus, ut ne vel nuncius reſter. En primum. A nosſe ad eſſe non valet conſequentia. Hoc meditare ſaltem dies 15. & meditationis exſtabit fructus, & ille quidem non pœnitendus, ſi oculos ſubinde referas ad ſequentem abacum. Subſtantia cogitans ea eſt, quæ vel intelligit, vel vult, vel dubitat, vel ſomniat, vel imaginatur, vel ſentit; adeoque actus cogitativi, ut intelligere, velle, imaginari, ſentire, omnes ſub ratione communi cogitationis, ſive perceptionis ſive conſcientiæ conveniunt, atque ſubſtantiam, cui inſunt, dicimus eſſe rem Cogitantem.



En ſecundùm. Determinatè, indeterminatè. Diſtinctè, confuſè. Explicite, implicite. Atque illud quoque animo volvas & revolvās ad dies 5. Erit operæ pretium,

tium, si tuis ipse propositionibus singula, ut decet, applices, si divides, si distinguas. Nec vero facere defugerem modo, nisi vereretur tadium. En tertium. R. Quod nimis concludit, nihil concludit. Nec meditando tempus assignatur. Instat, urget. Age, refer animum ad tua illa, & vide num eodem modo progrediar. Sum res cogitans, novi me esse substantiam cogitantem, substantiam cogitantem existere, & tamen nondum novi Mentem existere, imo nulla mens existit: nihil est, abdicata sunt omnia. Ergo notitia existentiz aut existentis substantiz cogitantis non pender à notitia existentiz aut existentis mentis. Ergo cum existam, & existam res cogitans, & mens non existat, non sum mens; ergo corpus. Quid files? quid pedem refers? Nec dum ego spem abjeci omnem, Sequere menunc demum. Euge, macte animo, veterem formam admoveo, & methodum regendæ rationis antiquis omnibus, quid ajo? omnibus omnino hominibus familiarem. Patere, quæso, nec agrè feras: tuli ego te: Viam illa forsitan aperiet, ut solet intricatis & desperatis in rebus: Aut sane, si minus id præstiterit, saltem, dum nos recipimus, methodi illius tuæ, si quod sit vitium, digito commonstrabit. Ecce igitur rem tuam in forma.

§. 9. *Tuto sit receptus in veteri forma.*

Nulla res quæ talis est, ut de ea dubitare possim an existat, de facto **SS** existit.

Omne corpus est tale ut de eo dubitare possim an existat.

Ergo nullum corpus existit de facto.

An non major propositio tua est, ut ne vetera revocem? Est & minor propositio, ut tua quoque sit conclusio. Resumo igitur.

Nullum corpus existit de facto.

Ergo Nullum de facto existens est corpus. Pergo. Nullum de facto **SS** existens est corpus.

Ego (ego substantia cogitans) sum existens de facto;

Ergo ego (ego substantia cogitans) non sum corpus,

Quid vultus renidet, in eoque se ver aperit novum? arridet credo forma, & quod forma conficitur: at ecce risum Sardonium. Loco corporis pone **SS** mentem, & tunc bona ex forma colliges. Ergo ego (ego substantia cogitans) non sum mens. Nempe.

Nulla res, quæ talis est, ut de ea dubitare possim an existat, de facto existit.

Omnis mens est talis, ut de ea dubitare possim an existat.

Ergo nulla mens existit de facto.

Nulla mens existit de facto.

Ergo Nullum de facto existens est Mens.

Nullum existens de facto est Mens.

Ego (ego substantia cogitans) sum existens de facto.

Ergo ego (ego substantia cogitans) non sum Mens.

- T** Quid ergo? forma bona est, legitima: nusquam peccat, nusquam falsum conficit, nisi fors ex falso. Ergo quod vitium displicet in consequenti, non à forma sit, necesse est, sed ab aliquo male posito in præmissis. Et verò an bene positum putas hoc tuæ peregrinationis firmamentum, Nulla res quæ talis est, ut de ea dubitare possim an existat, aut an vera sit, de facto existit, aut vera est; an certum illud, an ita exploratum, ut firmo & libere animo huic possis insistere? Fare quæso, Cui illud negas, habeo corpus; haud dubiè quia dubium videtur tibi. An verò illud quoque dubium non est, non habeo corpus? An quisquam est qui scientiæ suæ omnis, & disciplinæ, atque illius maxime, quàm cæteris tui magistrati velit imponere, fundamentum stabilit illud, quod prudenter falsum existimet? Sed abundè: hæc meta ultima, & errorum finis: Nihil est quod sperem deinceps: Quare quæsito tuo, An sit bona Methodus philosophandi per abdicacionem dubiorum omnium, respondeo, ut expectas, ingenuè, liberè, & citra verborum involucria.

N O T A.

- H**uc usque R. P. jocus est: & quia in sequentibus serio agere, ac planè aliam personam induere velle videtur, hic breviter ea intermi ponam quæ in his joci animadverti. **H**æcæus verba, Olim fuitne olim? & somnio me cogitare, non cogito; & talia, facies sunt, personam quam sumpsit dignissima; ut & gravis quæstio, An cogitare latius pateat quàm somnare, atque argutum dictum, De Methodo somnandi, & Ut quis bene ratiocinetur, somniet. Sed non puto me istis ullam vel minimam dedisse occasionem, quia expresse significavi me, dum loquebar de abdicatis, non affirmare quod essent, sed tantummodo quod viderentur; adeò ut querendo quid me olim esse putàsssem, quærerem tantum quid mihi tunc videretur me olim putasse; Ac dum dixi me cogitare, non inquisivi, an cogitarem vigilans, an somnians; Et miror eam ab illo vocari Methodum somnandi, à quâ non parum videtur fuisse excitatus.

- R**atiocinatur etiam convenienter suæ personæ, cum, ut quæram quid me antehac esse putarim, vult à me præmitti velut effectum, Sum aliquid eorum quæ me esse olim credideram, aut, Sum illud quod olim credidi me esse. Ac paulo post ad querendum an sim corpus, vult præmitti hanc Cynosuram, Rectè olim censui de iis quæ pertinent ad corpus, vel, Nihil ad corpus pertinet, præter ea quæ olim pertinere intellexi. Nam dicta, quæ rationi manifestè repugnant, apta sunt ad risum movendum; & manifestum est niliter à me quari potuisse, quid olim me esse credideram, atque an essem corpus, etsi nescirem an quidquam essem eorum quæ credideram, nec an bene credidisssem, ut nempe auxilio eorum, quæ tunc de novo essem percepturus, istud ipsum examinarem; atque, si nihil aliud saltem addidcerem, nihil à me illà viâ posse inveniri.

Egregiè

Egregie rursus personam suam agit narrando fabellam de rustico: Nihilque in ea magis ridiculum, quàm quod ille, putando ipsam meis verbis applicare, applices tantum suis: Mox enim me reprehendebat, quod non supposuisssem hoc essetum, Rectè olim censui de iis quæ pertinent ad corpus, vel, Nihil ad corpus pertinere præter ea quæ olim pertinere intellexi: Nunc autem hoc ipsum, quod quærebatur à me dictum non fuisse, quodque totum ex sua imaginatione eduxit, tanquam si meum esset reprehendit; & cum absurda rustici sui variocinationes comparat. Ego verò nunquam negavi rem cogitantem esse corpus, propterea quod supposuerim me olim de natura corporis rectè censuisse; Sed propterea quod hoc nomine corpus non intendo, nisi ad rem mihi satis notam, nempe substantiam extensam significandam, agnoverim rem cogitantem ab ea differre.

Elegantia jam sæpius dicta, quæ hic reperuntur, Cogito, ais. Nego, somnias. Et, Certum, addis, & evidens. Nego, somnias, videtur dumtaxat, apparet, non est, &c. Hoc nomine saltem risum movent, quod in eo qui serio ageret essent ineptie. Ne verò Tyrones forte hic errent putantes dubitanti vigilare, an somniet, nihil aliud posse esse certum & evidens, sed tantum videri, aut apparere, velim ut recordentur ejus quod antè notatum est, (ad F) nempe id quod clare percipitur, à quocunque deum percipitur, verum esse, non autem videri, aut apparere verum dumtaxat. Etsi profecto pauci sint, qui rectè distinguant inter id, quod revera percipitur, & id quod percipi putatur, quia paucis clario ac distinctius perceptionibus sunt assueti.

Huc itaque Actor noster nullius memorandi pralii imaginem nobis exhibuit, sed exiguis tantum obices sibi proposuit, in quos nbi aliquandiu gesticulatus est, statim cecinit receptui, & in aliam partem se convertit: Hic primum incipit ingens certamen, in hostem suâ scenâ dignissimum, nempe in umbram meam, nullis quidem aliis visibilem, sed quam ex proprio suo cerebro eduxit, & ne non satis vana videretur, ex ipsa. Nihil conflevit. Serio vero in ipsam certat, argumentatur, sudat, facie inducias, Logicam in auxilium vocat, instaurat pugnam, singula excutit, librat, trutinat; Et quia tam valentis adversarii ictus clypeo non audet excipere, corpore ipso declinat, distinguat, & denique per diverticula, Determinatè & Indeterminatè, fugiens evadit. Cujus sane rei spectaculum est perijuncendum; Præsertim sitanti dissidii causa intelligatur; Nempe cum in meis scriptis forte legisset, si quæ verâs opiniones, antequam serio philosophemur, habeamus, eas tam multis aliis, vel falsis, vel saltem dubiis esse permixtas, ut, ad illas ab his discernendas, optimum sit omnes initio rejicere, sive nihil plane ex iis non abscavere, ut postea commodius quæ vera fuerant, agnosceret, vel nova inveniri, ac sola vera admitti possint. Quod plane idcirco est, ac si dixissem, ad cavendum, ut in canistro, vel corbe pomis plenis aliquæ corruptæ haberentur, principia omnia esse effundenda, nihilque prorsus in eo relinquendum, & deinde ea sola, vel resumenda, vel aliunde assumenda, in quibus nullum vitium esse cognosceret. At ille rem, tam alie specula-

speculationis non capiens, vel certe, ut sit, simulans se non capere, miramur est principue quod diceretur. Nihil non esse abdicandum, ac diu multumque de isto Nihilocogitando, sic illud cerebro suo infixit, ut quamvis nunc in ipsum sape praestetur, non facile tamen eo se possit liberare.

Pp

Post tunc secundum praelium, opinione victoria elatus novum hostem laceffit, quem quidem rursus putat esse umbram meam, ea enim perpetuo ejus phantasia obversatur, sed nunc ipsam ex nova materia componit, nempe ex verbis, Novi me existere; quæro quis sim, &c. Et, quia hac minùs ipsi nota est quàm præcedens, cantius aggreditur, & eminus duntaxat. Primum solum, quod jacit, hoc est, Cur quæris, si nōsti? Quod quia putat ab hoste excipi hoc umbone, Novimē esse, non novi quis sim, statim hanc longiorem hastam intorquet. Unde agnoscēs, quis sis, nisi ab iis, quæ aut nōsti olim, aut olim scies? Non ab iis, quæ olim nōsti. Dubiis scærent, & abdicata sunt. Ergo ab iis quæ nondum scis, scies verò postea. Quo illu miserabilem Umbram valde commotam, ac propo præstratam, audire se putat exclamantem, Nondum novi ista existere. Tunc quæ iram suam in misericordiam mutans tam solatur his verbis, Spera bene, cognoscēs aliquando. Ad qua ipsam vocē querula & supplici, sic respondentem inducit. Quid faciam interea? Ille verò imperiosè, ut victorem decet, Expectabis, inquit; Verùm tamen, quia est misericors, non diu patitur ancipitem, sed rursus fugiens ad diverticula determinatè, indeterminatè; clarè, confusè, quia neminem ibi se insequentem videt, solus triumphat. Qua profecto omnia eximia sunt in eo genere faceriarum; quod petiur ab inexpectata stultitia simulatione, in viro cujus vultus & vestitus multum sapientia gravitatisque promittebant. Sed ut hoc clarius pateat, considerandus est Actor noster tanquam vir gravis & doctus, qui, ad impugnandam eam Methodum quærendæ veritatis, quæ jubet ut rejectis omnibus incertis, incipiamus à cognitione propria existentia, atque inde progrediamur ad examen naturæ nostræ, siue ejus rei quàm jam existere cognoscimus, probare conatur per hanc viam nullum aditum patere ad ulteriorem cognitionem, hacque utitur ratione, Cùm noveris tantum te esse, non autem quis sis: non potes hoc discere ab iis quæ olim nōsti, cùm omnia abdicaveris: Ergo ab iis quæ nondum scis. Ad qua vel puer triennis posset respondere, Nihil ob stare quò minùs disceret ab iis quæ olim noverat; quia etsi fuissent abdicata, cùm dubia erant, poterant tamen resumī postea, cùm vera esse constaret: Ac præterea etsi concederetur disci nihil posse aboliri cognitio, saltem alteram viam, per eam, quæ nondum noverat, sed studio & animadversione esset cogniturus, omnino patere. Sed hic noster fingit sibi adversarium, qui non modo priorem viam concedit esse occultam, sed etiam qui alteram ipsemet claudis hoc verbulo, Non novi ista existere. Tanquam si nova existentia cognitio nulla posset acquiri; ac tanquam si ejus ignorantio omnem essentia cognitionem impediret: Quod sane est quàm maxime insulsum. Sed nempe alludit ad mea verba; scripsi enim, fieri non posse mea, quàm

jam

jam habeo, notitia rei, quam novi existere, pendeat à notitia ejus, quod existere nondum novi; Atque hoc, quod tantum dixi de presenti, ridiculè transfert ad futurum, eadem ratione ac si, quia jam non possumus videre illos, qui nondum nati sunt sed hoc anno nascuntur, concluderes nos nunquam videre ipsos posse. Nam sane perspicuum est rei, qua cognoscitur ut existens, notitiam illam, quæ jam habetur, non pendere à notitia ejus, quod nondum cognoscitur ut existens; quia hoc ipso quod aliquid percipitur ut pertinens ad rem existentem, necessario etiam percipitur existere: Sed longè aliud est de futuro, quia nihil obstat quominus notitia ejus rei, quam novi existere, augeatur aliis rebus, quas existere nondum novi, sed cum demum sum cogniturus, cum eæ ad ipsam pertinere percipiam. Pergit verò inquit, Spera benè, cognosces aliquando. Ac deinde Te diu non patiar ancipitem. Quibus verbis jubet nos à se expectare, vel ut demonstret per viam propositam ad nullam ulteriorem cognitionem posse deveniri; vel certè si supponat illam ab adversario esse occultam (quod tamen esset ineptum) ut aliquam aliam aperiat: Sed tantummodo subjungit. Nôsti quis sit indeterminatè & confusè, non autem determinatè & clarè. Ex quibus verbis nihil proclivius est, quàm ut concludamus, nobis ergo viam patere ad ulteriorem cognitionem, quia meditando, & advertendo possumus efficere, ut id quod indeterminatè ac confusè duxerat cognoscimus, clarè ac determinatè postmodum percipiamus. Sed nihilominus ille concludit, verba Determinatè, indeterminatè, esse echinum quod nos sæculum possit remorari, atque ideo aliud iter esse quarendum. Quibus omnibus nihil aptius, ad summam ineptitudinem & imbecillitatem ingenii proprii simulandam, excogitari ab eo potuisse mihi videtur.

Sum, ais. Nego. Pergis, Cogito. Nego &c. Hic rursum praliatur in priorum umbram, putansque se statim in primo congressu ipsam obtruncasse, gloriabundus exclamat, Omnino facinus insigne, uno ictu amputavi omnia! Sed quia hæc umbra ab ejus cerebro vitam habet, nec nisi simul cum illo mori potest, etiam obtruncata reviviscit; Et manum pectori admoventis jurat se esse, secogitare. Quo novè precandi genere mollissimè veniam illi vivendi concedis, ac multa, spiritibus ultimis collectis, ineptissimè garriendi, qua ipse non refutat, sed potius amicitiam cum illa contrahit, ad alia delicias transit.

Primo se ipsam objurgat, Quætebas paulò ante, vix ante passus centum, quæ esses, nunc non modò scis, sed & clarum & distinctum habes illius conceptum. Deinde rogat conceptum tam clarum tam distinctum sibi ostendi, ejus ut aspectu reficiatur. Tum fingit illum sibi ostendi in his verbis, Certò scio me esse, me cogitare, me existere substantiam cogitantem, actum est. Qua non sufficeret hoc exemplo. Cognoscis etiam nullum montem existere sine valle, ergo habes conceptum clarum & distinctum montis sine valle. Idemque se interpretatur; Clarus est conceptus ille tuus, quia certò cognoscis: distinctus est quia nihil aliud cognoscis. Atque adde conceptus clarus & distinctus, quem for-

mas, in eo est, quod repræsentet tibi substantiam existere cogitantem, nihil attendendo ad corpus, ad animum, ad mentem, ad quicquam aliud, sed tantum quod existat. *Postremo stratioticos animos resumendo, putat se ibi videre magnum apparatusum, triariosque cuneatim ac serratim ordinatos, quos omnes novus Pyrgopolinices dissipat spiritus,*

Quasi ventus folia, aut panicula tectoria,

Et ita, ut ne vel nuncius restet. *Primo statim emittit hæc verba, A nōsse ad esse non valet consequentia: simulque ostendat, instar vexilli, abacum quandam in quo substantiam cogitantem pro arbitrio descripsit. Secundo statim emittit hæc, Determinatè, indeterminatè. Distinctè, confusè. Explicite, implicite. Tertiò hæc, Quod nimis concludit, nihil concludit. Hocque ultimum ita explicat, Novi me existere substantiam cogitantem, & tamen nondum novi mentem existere, ergo notitia existentie meæ non pendet à notitia existentis mentis. Ergo cum existam, & mens non existat, non sum mens; ergo corpus. Quibus auditis illa filix, pedem refert, animum respondet, ac se captivam duci ab copiatum in triumphum. Vbi multa immortalis risu digna possem ostendere. Sed maloparere Altoristoga; ac etiam meum esse non puto de rebus tam levibus diu videre. Quapropter hic ea tantum notabo, quæ à veritate aliena cum sint, foris tamen ab aliquibus crederentur, tanquam à me concessa, si de ipsis plane tacerem. In primis nego cum iuste queri, quasi dixissem me habere clarum & distinctum meiconceptum, priusquam sufficienter explicationem quæ ratione habeatur, atque, ut ait, cum vix ante passus centum quasvissem quis essem: Nam, inter ista duo, recensui omnes proprietates rei cogitantis, nempe quod intelligat, velit, imaginetur, recorderetur, sentiat &c. itemque omnes alias proprietates vulgo notas, quæ ad ejus conceptum non pertinent, ut unus ab aliis distinguerem, quod solum post sublata præjudicia potuit optari. Sed fateor illos, qui præjudicia non exnuunt, non facile ullius unquam res clarum & distinctum conceptum habere posse: manifestum enim est eos conceptus, quos in pueritia habuimus, claros & distinctos non fuisse; ac proinde ab ipsis, nisi fuerint depositi, alios, quoscunque postea acquirimus, observari reddi, & confusos. Cum itaque vult sibi ostendi clarum istum & distinctum conceptum, ejus ut aspectu reficiatur, nugas agit. Ut cum me inducit illum sibi ostendentem in his verbis, Certo scio me esse, &c. Cum vero vult eas ipsas nugas refutare hoc exemplo, Certo etiam scis nullum montem existere sine valle, ergo habes conceptum clarum & distinctum montis sine valle, sophismate se ipsum fallit; nam ex antecedentibus tantum sequitur, Ergo clarè & distinctè percipis nullum montem existere sine valle; non autem, habes conceptum montis sine valle: quia, cum nullus sit, non debet haberi, ut percipiat nullum montem esse sine valle. Sed nempe est adeo felix ingenuitas, ut ipsæ illas ineptias ignavissimè non possit sive novis ineptiis refutare. Cum vero ait postea, me concipere substantiam cogitantem, & nihil concipere corporeum, nihil spirituale &c. de corpore*

porco concedo, quia prius explicueram quid per nomen corporis vel rei corporea intelligerem: nampo id tantum quod est extensum, siue in cuius conceptu extensus continetur. Quod autem addit de spirituali, crasse assignit; ut & aliis pluribus in locis, ubi me inducit discentem, sum res cogitans, sed non sum corpus, nec anima, nec mens, &c. non possum enim de re cogitanti negare, nisi ea in quorum conceptu nullam cogitationem contineri scio, quod me scire de animo, vel de mente, nunquam scripsi, nec cogitavi. Cumque postea dicit se recte capere meam mentem, ac me putare clarum esse conceptum meum, quia certo cognosco; & distinctum; quia nihil aliud agnosco, se ipsum valde tardi ingenii esse fingit: Aliud enim est clare percipere, ac certo scire. Cum multa, non tantum ex fide divina, sed etiam quia prius ea clare perspeximus, jam certo sciamus, quia tamen non clare jam percipimus; & aliarum rerum cognitio minime impedit, quominus ea, quam habemus alienius rei, sit distincta; nec ullum vel minimum verbum unquam scripsi ex quo tales assania deduci possent. Præterea effectum ejus, A nosse ad esse non valet consequentia, est plane falsum: Et si enim ex eo, quod noscamus alicuius rei essentiam, non sequatur illam existere; nec ex eo quod putemus nos aliquid cognoscere, sequatur illud esse, si fieri possit ut fallamur: Omnino tamen A nosse ad esse valet consequentia, quia plane fieri non potest, ut aliquam rem cognoscamus nisi revera ipsa sit prout illam cognoscimus, nempe vel existens, si eam existere percipimus; vel huius aut illius nature, si tantum ejus natura nobis sit nota. Falsum etiam est, aut saltem ab illo absque ulla vel minima ratione affirmatum, aliquam substantiam cogitantem esse partibilem, ut habet in illa abaco, in quo diversus substantia cogitantis species, tanquam ab oraculo aliquo edoctus, proponit: Nullam enim possumus cogitationis extensionem, aut partibilitatem intelligere, ac omnino est absurdum id verbo affirmare ut verum, quod nec à Deo est revelatum, nec assequimur intellectu. Atque hic tacere non possum opinionem istam, de partibilitate substantia cogitantis, periculosissimam, ac religioni Christiana quam maxime adversantem mihi videri: quia quamdiu quis illam admittet, reale humanæ animæ à corpore distinctionem nunquam vi rationis agnosceret. Verba Determinatæ, indeterminate; Distinctæ, confusæ; Explicite, implicite; Cum sola, ut hic, ponuntur, nullum plane habent sensum; nec aliud sunt quam effugia, quibus videtur Auctor noster velle discipulis suis persuadere, cum nihil boni habet quod dicat, se tamen aliquid boni cogitare. Aliud etiam ejus effectum, Quod nimis concludit, nihil concludit, non sine distinctione debet admitti: Nam si per verbum nimis intelligat tantum aliquid amplius, quam id quod querebatur, ut cum infra reprehendit argumenta quibus existentiam Dei demonstrari, ob id quod putet per illa plus concludi, quam leges prudentia exigant, aut quicquam mortalium deponant, plane falsum est & ineptum, quia quo plus concluditur, modo recte concludatur, tanto melius est, nec nulla unquam prudentia leges huic rei possunt adversari; si verò intelligat per verbum nimis, non simpliciter aliquid amplius quam

quarebatur; sed aliquid quod sine controversia sit falsum, tunc quidem est verum, sed plane errat R. P. cum tale quid mihi affingere conatur. Cum enim ita scripsi, Notitia eorum quæ novi existere, non pendet à notitia eorum quæ existere nondum novi: Atqui novi rem cogitantem existere, ac nondum novi corpus existere; ergo notitia rei cogitantis non pendet à notitia corporis. *Nihil nimis, & nihil non recte conclusi.* Cum verò assumis, Novi rem cogitantem existere, ac nondum novi mentem existere, imò nulla mens existit, nihil est, abdicata sunt omnia: rem plane nugatoriam, ac falsam assumis: Non enim possum quidquam affirmare aut negare de mente, nisi sciam quid per hoc nomen Mens intelligam; nihilque possum intelligere, ex iis quæ per illud solent intelligi, in quonon continetur cogitatio: Adco ut repugnet, ut quis cognoscat rem cogitantem existere, ac non cognoscat mentem, siue aliquid ejus quod significatur nomine mentis, existere. Quodque subjungit, Imò nulla mens existit, nihil est, abdicata sunt omnia, tam absurdum est, ut responsum non mereatur. Cum enim post abdicacionem agnita sit existentia rei cogitantis, agnita simul est existentia mentis (saltem quatenus hoc nomine res cogitans significatur) nec proinde amplius est abdicata. Cum denique nascitur syllogismus in forma, id extollit tanquam Methodum aliquam regendam rationis, quam meæ opponat, videtur velle persuadere, me syllogismorum formas non probare, ac proinde Methodum aliquam à ratione valde alienam habere; Hoc autem falsum esse satis patet ex meis scriptis, in quibus nunquam non usus sum syllogismis, cum locus id postulavit.

Ss Hic asserti syllogismum ex falsis præmissis, quæ meas esse affirmat, ego verò nego & pernego. Nam quantum ad hanc majorem, Nulla res quæ talis est ut de ea dubitare possim an existat, de facto existit, tam absurda est, ut non verear ne ullis persuadere possit eam à me esse profectam, nisi quibus una persuadeat me rationis compotem non esse. Nec possum satis mirari quo consilio, quâ fide, qua spe, qua confidentia id susceperit: Nempe in prima Meditatione, in qua nondum de ulla veritate statuenda, sed tantummodo de præjudiciis tollendis agebam; postquam ostendi eas opiniones, quibus credendis quam maxime fueram assuetus, in dubium posse revocari, ac proinde abiis, non minus quam ab aperte falsis, assensionem esse cotribendam, ne quo mihi in veritate querenda impedimento esse possint, addidisti verba: Sed nondum tatis est hoc advertisse, curandum est, ut recorder, assidue enim recurrendum fuit opinionibus, occupantque credulitatem meam, tanquam longo usu & familiaritatis jure sibi devinctam, ferè etiam me invito; nec unquam iis assentiri & confidere desuecam, quamdiu tales esse supponam, quales sunt revera, nempe aliquæ quidem, modo dubiæ, ut jamjam ostensum est, sed nihilominus valde probabiles, & quas multo magis rationi consentaneum sit credere quam negare. Quapropter, ut opinor, non male agam, si voluntarie plane in contrarium versâ, nec ipsum fallam, illasque aliquandiu omnino falsas, ima-

gine-

ginariaque esse fingam, donec tandem, velus æquatis utrimque præjudiciorum ponderibus, nulla amplius prava consuetudo iudicium meum à recta rerum perceptione detorqueat. *Ex quibus Auctor noster elegit hac verba, cæteris reiectis*. Opiniones aliquo modo dubias, voluntate planè in contrarium versâ, omnino falsas imaginariasque esse fingam; *Ac præerea in locum verbi fingam substitui* ponam, credam, & ita credam ut contrarium ejus quod dubium est pro vero affirmem. *Voluitque hoc esse tantum effatum sive regulam certam quâ semper uterer, non ad præjudicia tollenda, sed ad fundamenta Metaphysica summe certa & accurata statuenda*. Primo tamen cunctanter tantum, & per ambages hoc proposuit, nempe in §. 2 & 3 prima sua questionis: *Quin & in 3 illo §. postquam supposuit ex ista regula se debere credere, 2 & 3 non facere §. quærit an continuo illud ita debeat credere, ut sibi persuadeat aliter habere se non posse*. Ad quod absurdissimum quæsum inducis me post aliquot ambages, & verba superflua, sic denique respondentem, Nec ponēs, nec negabis, neutro uteris, utrumque habebis velut falsum. *Ex quibus verbis, mihi ab illo ipso tribuitis, plane manifestum est, eum recte sciuisse, me ut verum non credere contrarium ejus quod dubium est, ac neminem ex mea sententia eo uti posse pro majore propositione alicujus syllogismi ex quo certa conclusio expectetur*. Contradictoria enim sunt, nec ponere, nec negare, neutro uti, atque unum ex iis ut verum affirmare, atque eo uti, sed sensim posita eorum, quæ tanquam mea regulæ, oblitus, non modo contrarium affirmavi, sed & tam sæpe inculcavi, ut fere hoc unum in tota sua dissertatione reprendat, & omnia illa duodecim peccata quæ deinceps ad finem inque mihi assignis, ex hoc uno componat. Unde profecto, tum hic, ubi hanc majorem, Nulla res quæ talis est, ut de ea dubitare possim an existat, de facto existit, meam esse affirmat, tum aliis omnibus in locis ubi quid tale mihi tribuit, nisi prorsus ignorem quid verbum mentiri significet, illum inexecrabiliter mentiri; sive contra mentem & conscientiam loqui evidentissime demonstratur: Et quamvis admodum invitum tam inhonesto verbo utar, exigis tamen hoc à me defensio veritatis, quam suscepi, ut quod illa tam aperte facere non erubescit, ego saltem nomine proprio vocare non recusem. Cumque in toto hoc scripto nihil aliud fere agat, quam ut idem ineptissimum mendacium, sexcentis variis modis expressum, lectori persuadeat, & inculcet, non video ipsum aliter posse excusari, quam quia fortè tam sæpe idem affirmavi, ut paulatim sibi ipsi persuaserit esse verum, nec amplius pro mendacio suo cognoscit. Quantum deinde ad minorem, Omne corpus est tale, ut de eo dubitare possim an existat, vel, Omnis mens est talis, ut de ea dubitare possim an existat: si de quovis tempore indefinîtè intelligatur, ut ad ejus conclusionem debet intelligi, est quoque falsa, & nego meam esse: Nam statim post initia secunda Meditationis, ubi ceritè perpexi rem cogitantem existere, quæ res cogitans ex vulgari usu mens appellatur, non amplius dubitare potui quin mens existeret; nec iam post sextam Meditationem, in qua corporis existentiam cognovi,

cera, ac principia ponit nova veterum planè contraria. Atque eo pacto vetera exuit præjudicia, ut inluat nova: certa deponit ut assumat dubia: alas sibi aprat, sed cereas: subvehit sese in altum, at ut cadat: Denique ex nihilo molitur aliquid, ut faciat nihil.

Resp. 2. Peccat Methodus circa media. Nempe nulla habet, dum tollit vetera, nec adhibet nova. Reliquæ disciplinæ formas habent logicas & syllogismos, & modos argumentorum certos, quorum ductu, velut Ariadææ filo, ex labyrinthis expediant sese, & res involutas extricent faciliè, & tutò. Hæc verò contrà, formam veterem deturpat, dum novo pallet metu, quem sibi à Genio fingit, dum veretur ut ne somniet; dum dubitat an deliret. Proponere syllogismum; pallebit ad majorem, quæcunque sit illa tandem. Fortè, ait, Genius me decipit. Quid verò ad minorem? trepidabit, dubiam dicit. Quid, si somniet? quoties somnianti visa sunt certa, & clara, quæ post somnium falsa comperita sunt? Quid denique faciet ad conclusionem? Omnes omnino velut laqueos & pedicas fugitabit. An non deliri, & pueri, & amentes præclare se credunt ratiocinari, cum omnimente & judicio deficiantur? Quid, si mihi idem contingat modo? quid, si fucum faciat & officias Genius? Malus est. Nec dum Deum novi existere, & ab eo deceptorem coerceri. Quid hic facias, quid, cum dicet & obstinato animo, consequentiam dubiam esse nisi antea certò scias te nec somnare, nec desipere, sed esse Deum, & veracem Deum, & ab eo Genium malum haberi in vinculis? Quid, cum syllogismi hujus repudiabit materiam, & formam. Idem est dicere aliquid in rei alicujus natura, sive conceptu contineri, ac dicere ipsum de ea re esse verum. Atqui existentia &c. Quid alia id genus? quæ si urgeas, Exspecta, dicit, quoad esse Deum sciam, & Genium videam ligatum. At saltem, ais, id habet commodi dum nullos adhibet syllogismos, tutò vitat parallogismos. Præclare enim verò, ut ne mucosus sit puer, denasetur. Num melius cæteræ matres suos emungunt? Quare unum hoc habeo, quod dicam, sublata omni forma, nihil remanet, nisi informe.

Resp. 3. Peccat Methodus contra finem, dum nihil certi assequitur, sed nec potest assequi, cum ipsa sibi vias omnes ad veritatem ocludat. Ipsemet vidisti & expertus es tuis in erroribus Ulyssæis, quibus te, meque socium fatigasti. Contendebas te esse mentem, aut habere mentem: id verò minime potuisti conficere, sed hæsisisti in silebris, & vepribus, & quidem toties, ut meminisse vix possem. Quaquam & recordari proderit modò, ut responsioni huic nostræ sumi sit robur. En igitur summa capita quibus ipsa sibi Methodus nervos succidit, omnemque planè spem ad veritatis lucem præcludit. 1. Nescis an somniet an vigiles, adeoque nihilo plus debes tuis in cogitatis, & ratiocinationibus (si quas tamen habes, non verò somnias dumtaxat re habere) ponere, quàm somnians in suis. Hinc dubia omnia, & nutantia, & ipse conclusiones incerta. Exempla non afferam, ubi ipse, & percurrere apothecas memoriæ tuæ, & si quid

repe-

reperieris, quod ea labe non sit infectum, profer: gratulabor. 2. Antequam sciam Deum existere, qui Genium malum liget, dubitare debeo de omni re, & omnem omnino propositionem habere suspectam, aut sanè, quæ vulgaris est philosophia & verus ratiocinandi methodus, ante omnia definiendum est an sint, & quæ illæ tandem propositiones immunes, deque iis retinendis monendi sunt Tyrones. Hinc, perinde atque ex præcedenti dubia omnia, & ad vestigandum verum profus inutilia. 3. Si quid sit quod habeat vel minimum dubitationis, id voluntate planè in contrarium versâ falsum esse crede, & crede oppositum, eoque utere tanquam principio. Hinc aditus omnes ad veritatem præclusi. Quid enim speres ab illo, Caput non habeo, Nullum est corpus, nulla mens, & sexcentis istiusmodi? Neque verò dicas abdicationem illam non esse perpetuam, sed Justitiam instar, ad tempus, ad mensem, ad dies 15. ut quisque majori contentione in illam incumbet. Esto enim, sit ad tempus; at esteo tempore quo veritatem vestigas, quo uteris abdicatis, & abuteris, perinde quasi ab iis veritas omnis pendeat, & in iis veluti necessario in stereomate, consistat. At, ais, eâ utor ut stylobatam & columnam stabiliam, ut solenne est Architectis. An non illi machinas extemporaneas exstruunt, iis utuntur, ut columnam elevent, & suo loco stabiliant, tum velut præclare suo defunctam munere dissolvunt, & amoveant? Quidni illos imiter? Imitare per me licet, at videne & stylobata & columna extemporaneæ illi machinæ sic innitantur, ut hæc remota illa concidant. Atque illud est quod in Methodi reprehensione dignum putem. Falsâ ponit fundamenta, iisque ita nititur, ut remotis illis illa quoque sit admovenda.

Resp. 4. Methodus peccat excessu. Hoc est plus molitur quàm ab ea prudentiæ leges exigant, plus quàm ab ea quisquam mortalium deponat. Petunt quidem nonnulli, sibi ut demonstretur Dei existentia, & humanæ mentis immortalitas, at profectò nemo repertus est hactenus, qui sibi satis esse non duxerit, si Deum existere, & mundo ab eo administrari, & animas hominum esse spirituales & immortales tam certo sciat, atque illud, 2 & 3 faciunt 5, aut istud, habeo caput, habeo corpus, ut superflua sit omnis cura majoris alicujus certitudinis vestigandæ. Præterea, ut in practicis aut agendis rebus certi sunt fines certitudinis, qui sufficiant abundè, ut quisque prudenter, & turè se gerat; ita in meditandis & speculandis rebus definiti sunt limites, quos qui attingit, certus est, & ita certus, ut meritò aut desperatis aut damnatis aliis, quæ quis ulterius tentare vellet, in eo prudenter, ac securè conquiescat. Ne plus ultra, Ne quid nimis. At, ais, hæc laus non vulgaris Metas promovere, & vadium ab omnibus retrò seculis intentatum pervadere. Ita sanè laus eximia, at dum vadium vadari possit citra naufragium: quare

Resp. 5. Peccat defectu. Hoc est, dum plus stringit, quàm sit par, nihil colligit. Unum te volo testem, te judicem. Quid præstitisti apparatu illo magnifico? quid abdicatione illâ tam solenni, adeo generali & generosâ, ut ne tibi ipsi peperceris, nisi hoc tritum, Cogito, sum, sumi res cogitans? hoc, inquam, ita, vel ple-

becule

Seculæ familiare, ut nemo repertus sit ab orbe condito, qui de eo vel leviter dubitarit, nedum qui serio poposcerit probari sibi se esse, se existere, se cogitare, se esse rem cogitantem, ut meritò gratias tibi nemo sit habiturus, nisi fortè, quod ego mea pro amicitia, & singulari erga te voluntate facio, ut prolixam tuam erga genus humanum voluntatem probet, & laudet conatum.

Resp. 6. Peccat commune peccatum, quod in cæteris arguit. Nempe miratur mortales omnes omnino hæc dicere, & ponere tam confidenter, Habeo caput, habeo oculos, &c. Et se ipsam non miratur, dum pari confidentia dicit, Non habeo caput, &c.

Resp. 7. Peccat peculiare sibi peccatum. Nempe quod cæteri hominum aliquatenus certum habent, & sufficienter, habeo caput, est corpus, est mens, illa singulari sibi consilio oppositum. Non habeo caput, non est corpus, non mens, non modo certum, sed ita certum, ut in eo fundari possit accurata Metaphysica, ponit, eoque nititur usque eo, ut hoc si fulcrum removeris, in vultum procumbat.

Resp. 8. Peccat imprudens. Nempe non advertens Dubium esse gladium anticipem, dum alteram fugit aciem, ab altera læditur. Dubium illi est an aliquod corpus existat; quia dubium removel & ponit oppositum, Nullum est corpus, atque in hoc dubio tanquam si esset certum, dum imprudens nititur, vulneratur.

Resp. 9. Peccat prudens, dum sciens, ac volens, & monita occæcat sese, & voluntariâ abdicatione eorum quæ sunt necessaria ad vestigandum verum, suâ deludendi se finit Analysis, non modo id conficiens quod intendit, sed illud etiam, quod maximè reformidat.

Resp. 10. Peccat commissione, dum, quod vetat solenni edicto, redit ad vetera, & contra leges abdicationis, repetit abdicata. Sat recordaris.

Resp. 11. Peccat omissione, dum, quod præscribit uti firmamentum, Summo opere cavendum est nequid ut verum admittamus, quod non possimus probare verum esse, non semel prætergreditur, impune assumens uti summè certum, & verum, nec probans, Sensus nos aliquando deludunt; somniamus omnes; nonnulli delirant, & alia id genus.

Resp. 12. Methodus aut nihil habet boni, aut nihil novi, plurimum verò superfui. Etenim si dicat suâ illâ abdicatione dubiorum se intelligere abstractionem, ut vocant, Methaphysicam, qua dubia non considerantur nisi ut dubia, adeoque ab iis animus advocatur, ubi quæritur certi aliquid, neque tunc in iis plus ponitur, quàm in falsis, Boni aliquid dicer, sed nihil Novi, nec nova erit illa abstractio, sed vetus, & omnium Philosophorum ad unum.

Si abdicatione illâ dubiorum ita velit amandari dubia, ut supponantur & dicantur esse falsa, & iis tanquam falsis, aut eorum oppositis tanquam veris utatur, Novi dicit aliquid, sed nihil Boni, eritque abdicatione illa quidem nova, sed spuria.

Si dicat se vi & momento rationum id conficere certo, & evidenter, Ego sum res cogitans, & qua cogitans nec sum mens, nec animus, nec corpus, sed res ab iis

fic abducta, ut possim intelligi, nondum intellectis illis, perinde atque intelligitur animal, sive res sentiens nondum intellecta rehiniente, rugiente, &c. Boni aliquid dicit, sed nihil novi, cum id ubique pulpita resonent; ac disertis verbis id doceant quotquot animantes aliquas censent cogitare, ac, si cogitatio etiam sensum complectitur, ut illud quoque cogitet quod sentiat, videat, audiat, quotquot existimant bruta sentire, hoc est ad unum omnes.

Si dicat probatum à se rationibus validis & meditatris se revera existere rem & substantiam cogitantem, & dum existit, non existere capla mentem, non corpus, non animum, Novi dicit aliquid, sed nihil boni, & nihilo plus quam si diceret existere animal, nec esse tamen leonem, aut vulpem, &c.

Si dicat se cogitare, hoc est se intelligere, velle, imaginari, sentire, & sic cogitare, ut suam illam cogitationem actu reflexo intueatur, & consideret, ad quæ cogitet, sive sciat, & consideret, se cogitare, (quod verè est esse conscium, & actus alicujus habere conscientiam) id verò esse proprium facultatis, aut rei, quæ sit posita supra materiam, quæque sit planè spiritualis, eoque pacto se esse mentem, se spiritum, dicit quod nondum dixit, & quod debuit dicere, & quod expectabam ut diceret, & quod sæpius sæpe, ubi vidi parturientem sed inani conatu, volui suggerere; dicit, inquam, boni aliquid, sed novi nihil, cum illud nos à nostris olim præceptoribus acceperimus, & illi à suis, atque opinor alii ab aliis jam inde ab Adamo.

Id porro si dicat, quæ & quanta supererunt, quæ redundabunt, quanta batologia quæ machinæ aut ad pompam, aut ad præstigias? Quorsum fallaciæ sensuum, somniantium illusiones, ludibria delirantium? quis finis abdicationis illius adeo austeræ, ut ne nobis plus residui esse patiatur, quam hilum? Cur peregrinationes tam longæ, ita diurnæ exteras in oras, procul à sensibus umbras inter & spectra? Quid faciunt illa tandem ad stabiliendam Dei existentiam, perinde quasi stare illa non possit, nisi omnia sus deque vertantur? sed cur interpositiones opinionum tot actantæ, ut veteres ponantur, induantur novæ, iisque abjectis, rursus veteres assumantur? An forte, ut sacris olim Bonæ Deæ, & Conscii, & cæterorum sui singulis erant ritus, ita hæ novorum arcanorum novæ sunt ceremoniæ? At qui illa procul amissis ambagibus nitidè, clarè, breviter sic verbo veritatem exhibuit, Cogite, habeo cogitationis conscientiam, ergo sum mens?

Denique si dicat intelligere, velle, imaginari, sentire, hoc est cogitare, sic esse propria mentis, ut nulla prorsus animalia, præter hominem, cogitent, nulla imaginentur, sentiant, videant, audiant, &c. novi dicit aliquid, sed nihil boni, & illud quidem gratis, & ingratiss, nisi fors aliquid asservat, & abscondit (quod unicum superest perfugium) suo tempore velut è machinà stupentibus exhibendum. At illud, quando est, ex quo expectatur, ut planè sit desperandum?

Resp. ult. Hic veteris opinor Metho Jo illi tuæ quam amas, quam amplecteris, ignosco, quam uti filiolam oscularis tuam, times ut ne, quia tot peccatorum

seci

feci ream, quia, ut ipse vides, timas agit & undique diffluit, veteres ad testas abjiciendam putem. Ne vereare, amicus sum. Vincam expectationem tuam, aut sanè fallam; silebo & expectabo. Novite, & aciem ingenii tui acrem, ac perspicacem. Ubi tempus aliquod ad meditandum acceperis, ac maximè ubi Analysim illam tuam fidam secreto in recessu consulueris, pulverem excuties, sor-des abluēs, terfam & politam Methodum nostris sisites adspicibus. Interea hoc habe, meque audi tuis dum quæsisit pergo respondere, iisque complector bene multa, quæ brevitaris studio perstrinxi leviter, ut ea, quæ mentem attingunt, quæ conceptum clarum ac distinctum, quæ verum, quæ falsum, & similia; sed eas ipse relegis, quæ prudentibus excidere, &

Quæstio 3. An possit instaurari Methodus?

Quæris, an * Plura non missa sunt à R. P. Cumque reliqua ab eo rogarentur, respondit sibi nunc otium non esse plura componendi. Nobis vero religio fuit vel minimam ejus scripti syllabam omittere.

N O T Æ.

Satis esse putarem egregium hoc de mea qualicunque investigandi veri Metho-
do judicium retulisse, ad ejus falsitatem, & absurditatem declarandam, si pro-
fectum esset ab ignoto: Sed quia ejus Auditor intali loco est constitutus, ut non fa-
cile ab illo creditur, ipsum esse, vel non compotem sui, vel eximie mendacem,
& maledicum, & impudentem, Ne nimia ejus auctoritas contra manifestam ve-
ritatem aliquid possit, rogo lectores ut meminerint illum supra, ante has respon-
siones, nullam vel minimam rem contra me probasse, sed ineptis tantum cavillatio-
nibus usum fuisse, ad opiniones mihi tam ridiculas affingendas ut refutatione
quidem indigerent; Nunc vero in his responsionibus ipsum ne conari quidem ali-
quid probare, sed falso supponere omnia, quæ mihi affingit, jam ante à se fuisse
probata; Utque aequitas ejus judicii magis appareat, illum prius in accusando jo-
catum tantum fuisse, hic autem postea in judicando maxime serium esse ac seve-
rum; atque in undecim primis responsionibus indubitanter & decretorie me con-
demnare, ac demum in duodecima deliberare, & distinguere, Si dicat hoc; nihil
habet novi; si hoc, nihil boni &c. cum tamen in iis omnibus agat tantum de
una & eadem re diversis modis spectata, nempe de uno suo figmento, cuius absur-
ditatem atque insulsum similitudine hic declarabo.

Testatus sum ubique in meis scriptis, me Architectos in eo imitari, quòd ut soli-
da ædificia construant, in locis ubi saxum, vel argilla, vel aliud quodcunque fir-
mum solum arenosâ superficie contestum est, fossas primum excavent, omnem-
que ex iis arenam, & alia quavis arenâ nixa aut permixta rejiciant, ut deinde in
solo firmo ponant fundamenta: Scenimego dubia omnia, instar arena, primum
rejeci; ac deinde animadvertens dubitari non posse quin saltem substantia dubians

sive cogitans existat, hoc usus sum tanquam saxo in quo Philosophia mea fundamenta locavi. Auctor autem noster similis est Cementario cuidam, qui cum in sua urbe magnus artifex haberi vellet, atque ideo summo opere invideret Architecto sacellum ibi construenti, studiosissime quaesivit occasiones ad ejus artem reprehendendam: Sed quia erat tam rudis, ut nihil eorum quae ab illo fiebant capere posset, nihil aliud ausus est attingere, quam prima, & maxime obvia iniuria. Nempe notavit, eum principio fodere, ac non modo arenam, & terram mobilem, sed & ligna, & lapides, & quavis alia arena admista rejicere, ut ad solum firmum pervenires, ibique sacelli jaceret fundamenta: Et praeterea audivit ipsam aliquando, quarentibus cur ita foderet, respondisse, terra superficiem, cui insistimus, non semper esse satis firmam ad magna aedificia sustinenda; & arenam praecipue esse instabilem, quia non modo magnis ponderibus pressa subsidet, sed etiam aqua praeterfluens eam non raro secum abducunt; unde sequitur inexpectata ruina eorum quae ab ipso sustentuntur; & denique cum tales ruinae in fodinis interdum accidunt, earum causam ad Lemures, aut malos Genios loca subterranea inhabitantes, solere a fossoribus referri. Ex quibus sumpsit occasionem fingendi solutionem illam, quam Architectus utebatur, haberi ab ipso pro sacelli constructione; atque vel fossam, vel saxum in ejus fundo reiectum, vel certe id quod supra fossam ita construeretur, ut ipsa interim vacua remaneret, pro sacello construendo; Ipsumque Architectum esse tam fatuum, ut timeret ne terra cui insistebat sub pedibus suis satisfaceret, neve a Lemuribus everteretur. Quae cum forte persuasisset quibudam pueris, aliusve Architecturae tam ignavis, ut is novum esset, ac mirum, fossas fieri ad locanda aedificiorum fundamenta; & qui facile credebant illi quem norant, satisque peritum artis suae, ac probum virum esse putabant, de Architecto sibi ignoto, & quem nihil adhuc struxisse, sed fossas tantum excavasse audiebant; tantopere delectatus est hoc suo sumento, ut speraverit se idem universo mundo esse persuasurum. Et quamvis jam Architectus omnes fossas à se primum factas lapidibus implevisset, atque ibi sacellum suum ex solidissima materia firmissime construxisset, omnibusque videndum exhiberet, manebat ille nihilominus in eadem spe & instituto nugae suae cunctis hominibus persuadendi. Atque in hunc finem stans quotidie in plateis, ludos de Architecto plebi transcurrui exhibebat. Quorum tale erat argumentum.

Primo inducebat illum jubentem ut fossae fierent; & non modo ex iis arena omnis, sed etiam ea omnia quae arena essent admista, aut superstructa, etiam cementa, etiam lapides quadrati, verbo, Omnia rejicerentur, & Nihil plane relinqueretur. Atque haec verba Nihil, Omnia, etiam cementa, etiam lapides, valde incutabat: Simulque fingeat se velle artem illam ab eo addiscere, ac cum ipso descendere in istas fossas. Ducem te praebe, agetur, age, fare, expeditum habes aut socium aut discipulum, quid jubes? Ad illud iter etsi novum, & mihi tenebris non assuesco formidandum, accedo lubens. Audio te, jubes id faciam quod

refaci-

te facientem video, ibi pedem figam, ubi fixeris. Præclara sanè imperandi du-
cendique ratio, ut mihi places, audio.

*Deinde simulans sibi metum esse à Lemuribus in istis fossis, ita risum spectatorum
elicere conabatur.* Et verò an tu mihi illud præstabis ut non verear modò, non
formidem, metus mihi non sit à nialo Genio? sanè melicet confirmes manu &
verbo, non sine timore ingenti istuc descendo. *Ac paulò post.* Sed ò me propo-
siti immemorem! quid feci? totum me tibi principio commiseram, me focum,
me discipulum, & ecce hæreo in aditu, & meticulosus, & obstinatus. Ignosce:
peccavi largiter, & tenuitatem ingenii mei probavi duntaxat. Debueram omni
metu deposito in istius fossæ caliginem intrepidè me inferre, & hæsi, & restiti.

*Tertiò representabat Architectum sibi ostendentem in fossa fundo lapidem, sive
saxum, cui totum adificium suum inhiis vellet. Hocque transis excipiebat.* Præ-
clare, vir eximie, Archimedeum punctum occupas, mundum haud dubiè si liber
movebis. En jam nutant omnia. At te quæso, vis enim, opinor, ad vivum re-
secari omnia, ut nihil sit tua in arte non aptum, non coherens, non necessarium,
cur lapidem hic retines? an non exulare iussisti lapides cum arena? Sed fortè
excidit, adeò est arduum etiam expertis oblivisci penitus eorum quibus à pueris
assuevimus, ut mihi rudi si fors vacillum haud male sit sperandum &c. *Item*
*Architectus rudera quadam simul cum arena ex fossis rejecta colligebat, ut iis ad
adificandum uteretur: qua de re alter ita iocabatur.* Audebone priusquam in-
tro pedem feras, ex te sciscitari, quo consilio, tu, qui rudera omnia ut non satis
rejeceris solenni ritu, ea iterum velis inspicere: perinde quasi ex panniculis illis
speres firmi aliquid? &c. Imò, quia omnia quæ paulo ante reiecasti, nutantia
erant & infirma (secus cur reiecastes?), qui fiet ut eadem modo non nutantia
sint & infirma? &c. *Ex paulo post.* Hic etiam patièrte artem tuam admirer, qui
ut firma stabilias, utare iniirmis, ut nos educaas in lucem, jubeas in tenebris mer-
gi, &c. Atque hic multa ineptissime differebat de nominibus & officiis Architecti &
Camentarii, nihil ad rem facientia, nisi ut nominum significatione confusa, unum
ab alio distinguere minus posset.

*Quarto actû stabant uterque in fossæ fundo, ibique Architectum sacelli sui con-
structionem incipere conabatur; sed frustra: Nam primo cum ibi lapidem qua-
dratum locare vellet, statim à Camentario monebatur se iussisse ut lapides omnes reji-
cerentur, atque hoc ideo pugnare cum regulis suæ artis, quo verbo, tanquam Ar-
chimedæa demonstratione victus, ab opere desistere cogebatur: Cumque deinde ce-
menta, cum lateres, cum culcem aqua & subulo fermentatam, sive quidvis aliud
assumebat, semper ingerebat Camentarium, Omnia reiecasti, nihil retinisti, soli quæ
istis verbis Nihil, Omnia &c. tanquam incantamentis quibudam omnia ejus ope-
ra destruebat. Atque nebatur oratione tam simili iis quæ suprâ à 5 ad 9 s. ha-
bentur, ut hic non opus sit eam referre.*

Quinto demique, cum videbat sanis magnam plebis coronam circa se esse colle-

*Etiam, Comædiæ suâ hilaritatem, novo more, in tragicam severitatem mutabat, cal-
cisque maculis ex facie sua absterfis, serio vultu assumpto, censoria voce, omnes Ar-
chitecti errores (eos scilicet quos supponebas in precedentibus actibus esse demonstra-
tos) enumerabat, & condemnabat. Totumque hoc enarrabo ejus judicium, quale
ipsum protulit ultima vice, quâ hos Indos populo dedit, ut quam accuratè illud Au-
ctor noster sit imitatus, agnoscat. Eugebas se rogatum fuisse ab Architecto, ut
suum de ejus arte judicium expromeret, et quæ respondebas hoc pacto.*

Primò peccat Ars illa circa fundamenta. Nempe nulla habet, & infinita ha-
bet. Ac cæteræ quidem domuum construendarum artes fundamenta ponunt
firmissima, ut lapides quadratos, lateres, cæmenta, & sexcenta id genus, quibus
subnixæ adificia evehunt in altum. Hæc verò secus, ut construat aliquid, non
ex aliquo sed ex nihilo, diruit, effodit, rejicit omnia ad unum fundamenta vetera,
ac voluntate planè in contrarium versâ, ne videatur alis omnino cære, fingit
& aptat sibi è cera, ac fundamenta ponit nova, veterum planè contraria. Atque
eo pacto veterum vitat instabilitatem, ut incurrat in novam: firma evertit, ut
assumat infirma: alas sibi aptat, sed cereas: tollit ædificium in altum, at ut ca-
dat: Denique ex nihilo molitur aliquid, ut faciat nihil.

*Quæ omnia vel solum sacellum ab Architecto jam constructum irridenda falsita-
tis arguebat: In eo enim erat manifestum, & firmissima ipsum posuisse fundamenta;
& nihil destruxisse, quod non fuisset destruendum; & nulla in re ab aliorum præ-
ceptis deflexisse, nisi ubi aliquid melius habuerat; & adificium ita in altum sustulisse,
ut nullam ruinam minaretur; Et denique non ex nihilo, sed ex solidissima materia;
non Nihil, sed firmum, & duraturum sacellum, in honorem Dei construxisse. Ut
& consimilia etiam, in quibus hallucinatus est Auctor noster, ex solis Meditationi-
bus à me editis satis patent. Nec vero arguendus est Historicus ex quo Cæmenta-
rii verba exscripsi, quod cum induxerit alas Architecturæ tribuentem, & alia
multa, quæ parum rursi videntur convenire: hoc enim de industria forsan feci, ut
perturbationem animi talia dicentis exprimeret. Atque profectò eadem omnia
Methodo quærendæ veritatis non melius conveniunt, cui tamen ab Auctore nostro
tribuntur.*

*Respondebat 2. Peccat Architectura illa circa media. Nempe nullahabet, dum
tollit vetera, nec adhibet nova. Reliquæ ejusmodi artes normam habent, &
libellam, & perpendicularum, quorum ductu velut Aria in eo filo, ex Labyrinthis
expediant sese, & cæmenta quantumvis informia disponant facili, & rectè. Hæc
verò contra formam veterem derumpit, dum novo pallet metu, quem sibi à Le-
muribus fingit, dum veretur ne terra subsidat, dum dubitat an non arena diffu-
giet. Propone columnam. Pallebit ad stereobatam & basim, quæcunque sit
illa tandem. Forè, ait, Lemures illam dejicient. Quid verò ad scapum? tre-
pidabit, infirmum dicet. Quid, si ex gypso tantum sit, non ex marmore? quo-
ties alia nobis visa sunt dura, & summa, quæ, facto experimento, fragilia com-
perta*

perta sunt? Quid denique faciet ad Epistylum? Omnia omnino velut laqueos & pedicas fugitabit. An non mali Architecti alia sæpestruxerunt, quæ quamvis firma putarent, sponte tamen sunt collapsa? quid, si huic idem contingat modo? Quid, si Lemures solum concutiant? mali sunt. Necdum novissimam subnixam saxo tam firmo, ut in illud Lemures nihil possint. Quid hic facias? Quid, cum dicet & obstinato animo epistylii firmitatem dubiam esse, nisi antea certò scias, nec columnam ex fragili materia constare, nec arenæ inniti, sed firmo saxo, & saxo quod nulli unquam Lemures valeant commovere? Quid, cum columnæ hujus repudiabit materiam & formam? (*Hic joculari audaciâ proferebat effigiem unius ex illis ipsis columnis, quas Architectus in sacello suo posuerat.*) Quid aliud genus? quæ si urgeas: Exspecta, dicet, quoad saxum subesse sciam, nullosque ibi Lemures versari. At saltem, ais, id habet commodi, dum nullas adhiber columnas, turdè cavet ne quas malè construat. Præclarè enim vero, ut ne mucosus &c. *Usupra. Hoc enim est nimis sordidum, ut repetatur; Et rogo Lectorem, ut singulas hæc responsiones, cum earum comparibus Auctoris nostræ velit conferre.*

Atque hæc responsio, ut præcedens, vel à solo sacello impudentissimi mendacii arguebatur. Quoniam & in comulta solidissima columna exstabant, & inter ceteras illa ipsa, cuius, tanquam ab Architecto repudiata, effigiem ostendebat. Eademque ratione me non improbare syllogismos, nec earum veterem formam deturpare satis indicant mea scripta, in quibus semper in usus sum cum fui opus. Et inter ceteros illum ipsum, cuius hic fingi me repudiare materiam & formam, ex me exscripsit. Habeo enim illum in fine responsionis ad primas Objectiones Propositione 1, ubi Deum existere demonstro. Nec video quo instituto id fingat, nisi fortè ad innendū mea omnia, quæ ut vera & certa proposui, pugnare cum abdicatione dubiorum, quam solam nomine mea Methodi vult intelligi. Quod planè idem est, & non minùs puerile ac ineptum, quàm figmentum Camentarii sumentis fossionem, quæ sit ad jacienda adificiorum fundamenta, pro tota arte Architecti; & id omne quod ab eo construitur, tanquam pugnant cum ista fossione, reprehendens.

Respondet 3. Peccat ars illa contra finem; Dum nihil firmi construit; sed nec potest construere, cum ipsa sibi vias omnes ad opus faciendū occludat. Ipsemet vidisti, & expertus es, tuis in erroribus Ulyssæis, quibus te, meque socium frangasti. Contendebas te esse Architectum, aut habere artem Architecti: id verò minime potuisti conficere, sed hæsisisti in salebris, & vepribus; & quidem toties, ut meminisse vix possim. Quamquam & recordari proderit modo, ut responsione huic nostræ suum sit robur. En igitur summa capita quibus ipsa sibi arilla nervos succidit, omnemque planè spem ad opus promovendū præcludit. 1. Nescis an infra superficiem terre sit arena, vel saxum, adeoque nihil plus debes fidere saxo (si cui tamen unquam saxo insistas) quàm arenæ.

Hinc

Hinc dubia omnia, & nutantia, & ipsæ structura infirma. Exempla non afferam, obi ipse, & percurrere Apothecas memoriz tuæ, & si quid repereris quod eâ labe non sit infectum, profer: gratulabor. 2. Antequam invenerim solum firmum, infra quod nullam arenam mobilem esse sciam, nullosque Lemures ipsam commoventes, debeo omnia rejicere, & omnem omnino materiam habere suspectam, aut sanè, quæ vulgaris est Architectura & vetus, ante omnia definiendum est an sint, & quæ illæ tandem materiz non rejiciendæ, deque illis in fossa retinendis monendi sunt fossores. Hinc, perinde atque ex præcedenti, infirma omnia, & ad constructionem ædificiorum prorsus inutilia. 3. Si quid sit quod vel minimum concuti possit, id voluntate plane in contrarium versâ jam collapsum esse crede, & crede esse effodiendum, & utere fossâ vacuâ tanquam fundamento. Hinc aditus omnes ad ædificationem præclusi. Quid enim speres ab illo, Nulla hic jam est terra, Nulla arena, nulli lapides, & sexcenta istiusmodi? neque vero dicas fossionem illam non esse perpetuam, sed justitii instar, ad tempus, & ad altitudinem quandam, ut quoque in loco magis alta est arena. Esto enim, sit ad tempus; at est eo tempore quo putas te ædificare, quo uteris fossæ vacuitate, & abuteris, perinde quasi ab ea ædificatio omnis pendeat, & in ea veluti necessario in stereomate consistat. At, ais, ea utor ut stylobatam & columnam stabiliam, ut solenne est aliis Architectis. An non illi machinas extemporaneas exstruunt, iis utuntur, ut columnam elevent &c. ut supra?

In quibus etiam nihil est magis ridiculè à Camentario, quàm ab Auctore nostro excogitatum. Quod enim refectione dubiorum non magis mihi vias præcluserim, ad cognitionem veritatis, quàm Architectus fossione ad sacelli constructionem, satis declarant ea quæ postea demonstravi: vel certe aliquid in iis, aut falsum, aut incertum notare debuisset. Quod cum nec faciat, nec possit, ipsam inexcusabiliter hallucinari est constituendum. Nec magis unquam laboravi ut probarem me, sive rem cogitantem, esse mentem; quam alter, ut probaret se esse Architectum: sed sanè Auctor noster magno conatu & labore nihil hic probavit; nisi se mentem, saltem bonam, non habere. Nec ex eo quod metaphysica dubitatio eo resque procedat, ut quis supponat se nescire an somniet, an vigilet, magis sequitur eum nihil certi posse invenire; quam ex eo quod Architectus dum fodere incipit, nondum sciat, an saxum, an argillam, an quid aliud infra arenam sit inventurus, sequitur illum ibi non posse saxum invenire, vel invento fidere non debere. Nec ex eo quod antequam quis sciat Deum existere, habeat occasionem dubitandi de omni re (nempe de omni re cujus claram perceptionem animo suo presentem non habeat, ut aliquoties exposui) magis sequitur omnia esse ad vestigandum verum inutilia; quam ex eo quod Architectus omnia ex fossis suis rejiciat, antequam firmum solum esse inventum, sequebatur nullam vera, aut alia in ipsis fuisse, quæ sibi postea in jaciendis fundamentis usus fore judicaret. Nec magis ineptè errabat Camentarius dicendo, juxta vulgarem & veterem Architecturam, illa non esse ex fossis rejicienda, & de iis retinendis monendis esse fossores; quàm

errat *Auctor noster*, tum dicendo ante omnia definiendum esse an sint, & quæ illæ tandem propositiones à dubitatione immunes: qui enim definiri possent ab eo quem nullas adhuc nosse supponimus! Tum affirmando hoc esse præceptum vulgaris ac veteris Philosophiæ, vica enim nihil tale reperitur. Nec magis insulse fingebat *Cementarius Architectum* velle ut fossa vacuâ pro fundamento, omnemque ejus ædificationem ab ea pendere; quàm aperte hallucinatur *Auctor noster* dicendo me uti opposito ejus quod dubium est ut principio, & abuti abdicatis, perinde quasi ab iis veritas omnis dependeat, & in iis veluti necessario in stereomate consistat: immemor verborum quæ promissæ suprâ retulerat. Nec pones, nec negabis, neutro uteris, utrumque habebis velut falsum. Nec denique imperitiam suam magis declarabat *Cementarius fossam* ad jacienda fundamenta excavatam comparando extemporaneæ machinæ, cujus usus esset ad columnam erigendam; quàm *Auctor noster*, eisdem machinæ comparando abdicacionem ambiorum.

Respondet 4. *Arsilla* peccat excessu. Hoc est plus molitur, quàm ab ea prudentiæ leges exigant, plus quàm ab ea quisquam mortalium deponat. Percunt quidem nonnulli sibi ut firma ædificia construantur, at profectò nemo repertus est hactenus, qui sibi satis esse non duxerit, si ædes, in quibus habitaret, æque sic mæ essent, ac ipsæ terra, quæ nos sustinet, ut superflua sit omnis cura majoris aliqujus firmitatis querendæ. Præterea ut ad inambulandum certi sunt fines stabilitatis soli, qui sufficiant abundè, ut quisque supra illud eundem incedat, ita in domibus ædificandis certi sunt limites, quos qui attingit certus est &c. ut suprâ.

Ubi quævis injuste *Architectus* à *Cementario* culparetur, multo tamen injussum in resimili ab *Auctore nostro* reprehendor. Verum enim est, in domibus construendis certos esse fines, infra summam firmitatem soli, ultra quos progredi opere pretium esse non solet, itque variis sunt pro magnitudine molis construendæ: nam & humiliores casæ ipsi arena cuius imponuntur; neque hæc minui firma est, ad illas sustinendæ; quàm saxum, ad altæ turres. Sed falsissimum est, in fundamentis Philosophiæ statuendæ tales esse aliquos dubitandi limites infra summam certitudinem, in quibus prudenter ac securè conquisecere possimus. Cum enim veritas in indivisibili consistit, patet contingere, ut quod non agnoscimus esse summe certum, quantumvis probabile appareat, sit plane falsum: nec sanè ille prudenter philosopharetur, qui ea scientia omnis sue poneret fundamenta, quæ cognosceret esse fortasse falsa. Et verò quid responderit Scepticis, qui omnes dubitationis limites transcendunt? quæ ratione ipsos refutabit? Nempe desperatis, aut damnatis annumerabit. Egredietur certè: sed quibus illi etiam interim annumerabunt? Neque putandum est eorum sectam dudum esse extinctam; viget enim hodie quàm maximè, ac fere omnes, qui se aliquid ingenii præ cæteris habere putant, nihil invenientes in vulgari Philosophiâ quod ipsis satisfaciat, aliamque veriolem non videntes, ad Scepticam transfugini. Atque si sunt precipuè, qui Dei existentiam & humanam mentis immortalitatem sibi demonstrari exposcunt. Adeo ut valde mali exempli ea

sint quæ ab Auctore nostro hic dicuntur, præsertim cum eruditus clucat; ostendunt enim ipsum non putare Atheorum Scepticorum errores posse refutari; atque israelos quantum in se est, fulcit & confirmat. Quippe omnes hodierni Sceptici non dubitant quidem in praxi quin habeant caput, quin 2 & 3 faciant 5; & alia: sed dicunt se tantum iis uti tanquam veris, quia sic apparent; non autem certo credere, quia nullis certis rationibus ad id impelluntur: Et quia non eodem modo ipsis apparet Deum existere, mentemque humanam esse immortalem; ideo huc ne quidem in praxi tanquam veris usendum putant, nisi prius sibi probata fuerint, rationibus magis certis, quam sint illæ exiis, ob quas apparentia omnia amplectuntur. Quæ cum à me sic probata sint, & à nemine ante me, saltem quod sciam; nulla maior & indignior maledicentia excogitari posse mihi videtur, quam ea est Auctoris nostri, dum in tota hac sua dissertatione, unum illum errorem, in quo Scepticorum secta consistit, nempe nimiam dubitationem, continnè mihi assigni, & sexcenties inculcat. Estque professio liberalis in meis peccatis recensenda: eisi enim hic dicat laudem esse non vulgarem Metas promovere, & vadium ab omnibus retro sæculis intentatum pervadere, nullamque habeat rationem suspicandæ, hoc à me factum non esse, in eadem illa re de qua agi, ut mox ostendam: Hoc tamen ipsum pro peccato mihi apponit, Quia, inquit, est sane laus eximia, at dum vadium vadari possit citra naufragium. Nempe vult a Lectoribus credi me ibi naufragium fecisse, siue errorem aliquem commisisse: quod tamen ipsemet nec credit, nec quidem ullâ ratione suspicatur. Nam sanè si vel minimam excogitare potuisset rationem ad suspicandum, me aliquid errasse in toto illo itinere, in quo mentem à cognitione propria existentia, ad cognitionem existentia Dei, & distinctionem sui ipsius à corpore, perduxî, præcui dubio ipsam in dissertatione tam longa, tam verbosa, & rationum tam vacua non omisisset; longèque maluisset illum proferre, quam mutare questionem, ut semper fecit, quoties argumentum postulabat ut ea de re loqueretur, ac inepie me iraducere disputantem, An res cogitans esset Mens. Non habuisti itaque rationem ullam ad suspicandum me aliquid errasse in iis, quæ asserui, & quibus Scepticorum dubitationem omnium primis everii. Fatetur hoc eximiâ laude dignum esse; Ac nihilominus satis habet frontis, ut hoc nomine me reprehendat, ipsamque illam dubitationem assignat, quæ cæteris omnibus mortalibus quæ tam nunquam refutarunt, meliori jure quam uni mihi tribui posses, Camentarius autem

Respondet 5. Peccat defectu. Hoc est dom plus molitur quàm sit par, nihil absolvit. Unum te volo testem, te peccem. Quid præstitisti apparatu illò magnifico? quid fossione illa tam solenni, adeò generali & generosâ, ut ne quidem hirmisissimis lapidibus peperceris, nisi hoc tritum, Saxum, quod invenitur infra omnem arenam, est solè tam & firmum? Hoc, inquam, ita vel plebecolæ famulare &c. ut supra.

Itaque expectabam, tum à Camentario, tum etiam ab Auctore nostro ut aliquid probaretur: Sed ut illo peccato tantum quid Archicellus præstiteret fossione, mihi

nisi quod saxum retexisset, dissimulando ipsum ei saxo sacellum suum superstruxisse; ita noster queris dumtaxat quid prestiterim dubiorum reiectione, nisi hoc tritum, Cogito, sum: quia nempe pro nihilo ducit, quod ex his, & Dei existentiam, & reliqua multa demonstrarim. Atque unum me vult testem, tam insignis scilicet audacia sua; ut & alibi, de aliis etiam non veris, aut Credere ad unum omnes. Ubique pulpita resonare. Se à præceptoribus suis accepisse, illosque ab aliis, jam inde ab Adamo, & talia. Quibus non major debetur fides, quam juramenti quorundam hominum, qui eo pluribus uti solent, quo id, quod voluit persuadere, magis incredibile ac falsum putant. Alter vero

Respondet 6. Peccat commune peccatum, quod in cæteris arguit. Nempe miratur mortales omnes omnino hæc dicere, & ponere tam confidenter, Satis firma est arena quæ nos sustinet. Hoc solum in quo stamus non movetur &c. Et se ipsam non miratur, dum pari confidentia dicit, Arena est rejicienda &c.

Quod non magis eras ineptum, quam quod Auctor noster in re simili affirmat.

Respondet 7. Peccat peculiare sibi peccatum. Nempe quod cæteri hominum aliquatenus firmum habent, & sufficienter, terram in qua stamus, arenam, lapides; illa singulari sibi consilio oppositum, fossam scilicet ex qua arena, lapides, & reliqua sublata sunt, non modò pro refirma, sed pro tam firma, ut in ea fundari possit solidissimum sacellum, sumit, eoque nititur usque eò, ut hoc si fulcrum removeris, in vultum procumbat.

Ubi non magis hallucinatur, quam Auctor noster, dum immemor est verborum, Nec pones, nec negabis, &c.

Respondet 8. Peccat imprudens. Nempe non advertens instabilitatem soli esse gladium ancipitem, dum alteram fugit aciem, ab altera læditur. Arena non est illi solum satis stabile; quia illam removet, & ponit oppositum, fossam scilicet arenâ vacuam, atque in hac fossa tanquam si esset res firma, dum imprudens nititur, villneratur.

Ubi rursum meminisset tantum oportet verborum, Nec pones nec negabis. Hocque de gladio dignum est sapientia Cementarii, quam Auctoris nostri.

Respondet 9. Peccat prudens, dum sciens ac volens, & monita occæcat sese, & voluntariâ reiectione eorum, quæ sunt necessaria ad ædificandas domos, suâ delatâ se finit regulâ, non modò id conficiens quod non intendit, sed illud etiam, quod maxime reformidat.

Quod quàm verum esset de Architecto, constructio sacelli; & quàm simile verum sit de me, quæ demonstravi declarant.

Respondet 10. Peccat commissione, dum quod vetat solenni edicto, redit ad vetera, & contra leges fissionis, resumit rejecta. Sat recordaris.

Quod imitando Auctor noster non recordatur verborum Nec pones, nec negabis &c. Alioquin enim quæ fronte fingeret, id solenni edicto vetitum, quod nequidem negandum esse prius dixi?

Respondet 11. Peccat ommissione, dum quod præscribit, uti firmamentum,

summopere cavendum est, ne quid ut verum admittamus, quod non possimus probare verum esse, non semel prætergreditur, impune assumens, uti summe certum & verum, nec probans, Arenosum solum non satis firmum est ad ædificia sustinenda, & alia id genus.

Ubi planè, ut Auctor noster, hallucinatur, applicans fossioni, ut noster dubium rejectioni, quod pertinet tantum adstructionem, tam adificiorum, quam Philosophiæ: Verissimum enim est nihil admittendum esse ut verum quod non possimus probare esse verum, cum de eo statimendo vel affirmando quæstio est; sed cum tantum de effodiendo, vel abdicando, sufficit quod suspicemur.

Respondet 12. Arsilla aut nihil habet boni, aut nihil novi, plurimum vero superflui. Etenim; 1. si dicat, suâ illâ rejectione arenæ se intelligere fossionem illam quâ ceteri utuntur Architecti, dum arenam non rejiciunt, nisi quatenus non est satis firma ad ædificiorum molem sustinendam, Boni aliquid dicet, sed nihil novi, nec nova erit illa fossio, sed vetus, & omnium Architectorum ad unum.

2. Si fossione illa arenæ ita velit amandari omnem arenam, ut tollatur, & nihil ejus retineatur, & eâ tanquam nullâ, aut ejus opposito, nempe vacuitate loci quem illa prius implebat, tanquam re solidâ & firmâ utamur; Novi dicet aliquid, sed nihil Boni, eritque fossio illa quidem nova, sed spuria.

3. Si dicat se vi & momento rationum id conficere certo & evidenter, Ego sum peritus Architecturæ, illamque exerceo; & tamen quâ talis nec sum Architectus, nec Cæmentarius, nec bajulus, sed res ab iis sic abducta, ut possim intelligi, nondum intellectis illis, perinde atque intelligitur animal, sive res sentiens, nondum intellectâ re hinciente, rugiente, &c. Boni aliquid dicet, sed nihil Novi, cum id ubique compita resonent, ac disertis verbis doceant quotquot homines aliquis censent Architecturæ esse peritos; ac, si Architectura etiam parietum constructionem complectitur, ut illi quoque Architecturam sciant, qui calcem cum arena temperant, qui lapides cædunt, qui materiam apportant, quotquot existimant operarios id agere? hoc est, ad unum omnes.

4. Si dicat probatum à se rationibus validis & meditatâ se reverâ existere, & esse Architecturæ peritum, & dum existit existere res Architectum, non Cæmentarium, non bajulum; Novi dicet aliquid, sed nihil boni, & nihilo plus quàm si diceret existere animal, nec esse tamen leonem, aut vulpem, &c.

5. Si dicat se ædificare, hoc est Architectum, uti in ædificiis construendis, & sic ædificare ut suam illam actionem actu reflexo intueatur, & consideret, adeoque sentiat & consideret se ædificare (quod verè est esse conscium, & actus alienjus habere conscientiam), id verò esse propriam Architecturæ, sive artis quæ sit posita supra peritiam bajulorum, eaque pacto esse Architectum, dicet quod nondum dixit, & quod debuit dicere, & quod expectabam ut diceret, & quod sæpius sæpe, ubi vidi parturientem sed inani conatu, volui suggerere; dicet, inquam, boni aliquid

aliquid sed novi nihil, cum illud nos à nostris olim præceptoribus acceperimus, & illi à suis, arque opinor alii ab aliis, jam inde ab Adamo.

Id porro si dicat, quæ & quanta supererunt? quæ redundabunt? quanta batologia? quæ machinæ aut ad pompam aut ad præstigias? Quorsum arenæ instabilitas, & terræ commotiones, & Lemures, sive inania terculamenta? quis finis fossionis illius adeo profunda, ut ne nobis plus residui esse patiatur quam huius? Cur peregrinationes tam longæ, ita diuturnæ, exteræ in oras, procul à sensibus, umbras inter & spectra? Quid faciunt illa tandem ad stabilendum sacellum, perinde quasi stare illud non possit, nisi omnia susque deque vertantur? sed cur interpolationes materiæ tot ac tantæ, ut veteres ponantur, eligantur novæ, iisque abjectis rursus veteres assumantur? An forte, ut dum sumus in templo, vel coram magnatibus, aliter nos gerere debemus, quam in gurgulio vel popina, ita hæ novorum arcanorum novæ sunt ceremoniæ? At quin illa procul amissis ambagibus, nude, clarè, breviter sic verbo veritatem exhibuit, Edifico, habeo istius ædificationis conscientiam, ergo sum Architectus?

6. Denique si dicat domos construere, earum cubicula, cellas, porticus, januas, fenestras, columnas, & reliqua mente præordinare, disponent ac deinde ad ea construenda materiæ, latoniis, cæmentariis, scandularis, bajulis, operariisque cæteris præesse, ipsorumque opera dirigere, ita esse proprium Architecti, ut nulli prorsus alii artifices id possint, novi dicet aliquid, sed nihil boni, & illud quidem gratis & ingratis, nisi fors aliquid asservat & abscondit (quod unum superest periculum) suo tempore velut è machina stupentibus exhibendum. At illud quamdiu est, ex quo expectatur? ut planè sit desperandum.

Resp. ult. Hic vereris opinor arti illi tuæ, quam amas, quam amplecteris, ignosco; quam uti filiolum oscularis tuam, times ut ne, quia tot peccatorum sceleram, quia, ut ipse vides, rimas agit & undique disluit, veteres ad testas abjiciendam putem. Ne vereare, amicus sum. Vincam expectationem tuam, aut sane fallam; Silebo & expectabo. Novi te, & aciem ingenii tui acrem; ac perspicacem. Ubi temporis aliquid ad meditandum acceperis, ac maxime ubi regulam illam tuam fidam secreto in recessu consulueris, pulverem excuties, sordes abluēs, tersam, & politam Architecturam nostris sistes adspectibus. Interea hoc habet, meque aut tuis dum quæsis pergo respondere, iisque completor bene ultra, quæ brevitatis studio perstrinxi leviter, ut ea, quæ fornices attingunt, quæ fenestrarum aperturas, quæ columnas, quæ porticus, & similia. Sed en Programma novæ Comædiæ.

An possit instaurari Architectura.

Quæritur. An quæ verba cum pervenisset, aliquot ejus amici, videntes nimiam invidiam, & odium, quibus percellabatur, jam planè in morbum transisse, non potuisse sunt ipsum domum in plateis declamare, sed protinus ad Medicum degererunt.

Ego certe non ausim quidquam tale de Auctore nostro suspicari: sed pergam tantum hic notare, quam accuratè illum in omnibus sis imitatus. Eodem planè modo nigi judicem, integerrimum scilicet, ac valde circumspectè ac religiose caverem, ne quid temere pronunciet: Cùm postquam undecies me condemnavit, ob id unum quod dubia rejecerim, ad certa stabilenda; & quasi fossius fecerim, ad faciendâ edificij fundamenta: duodecimâ demum vice rem examinat, atque 1. Si eam intellexerim, ut revera scit me intellexisse, pateique ex verbis, Nec pones nec negabis &c, ab ipso mihi tribuit; tunc quidem me aliquid Boni habere, sed nihil Novi; 2. Si vero intellexerim alio illo modo, ex quo præcedentia undecim peccata desumpsit, & quem tamen ab omni sensu meo tam remotum esse novii, ut supra in 3. 5. prima sue questionis induxeris me de ipso cum admiratione ac risu dicentem, Id sano homini qui veniat in mentem? Tunc me scilicet aliquid Novi habere, sed nihil Boni. Quis inquam in convitiando, non dicam iam impudens, tam mendax, tam veri omnis verisimilique contemtor; sed iam imprudens & immemor fuit, ut in meditata atque elaborata dissertatione, sexcentis nunam & eandem opinionem alicui exprobraret, à qua fassus esset, in principio ejusdem dissertationis, illum ipsum, cui eam exprobrabat, adeo abhorrere, ut ipsam nulli homini sano in mentem venire posse putaret?

Quantum ad questiones quæ sequuntur (3. 4. 5.) tam apud Auctorem nostrum quam apud Cementarium, nihil plane ad rem pertinet, nec à me vel Architecto unquam sunt motæ: Sed verisimile est ipsas primùm à Cementario fuisse excogitatas, ut, cum nihil eorum quæ ab Architecto facta fuerant auderes attingere, ne imperitiam suam nimis declarares, aliquid tamen amplius quam solam ejus fossionem reprehendere videretur; Auctoremque nostrum illum etiam hac in parte esse imitatum. 3. Cùm enim ait, rem cogitantem posse intelligi non intellectu à mente; nec animo, nec corpore, non melius philosophatur quam Cementarius, cum ait, Architectura peritum non esse magis Architectum, quàm Cementarium, aut Basilicum, & sine ullo ex his posse intelligi. 4. Ut etiam sanè aequè ineptum est, dicere rem cogitantem existere non existente mente, quàm Architectura peritum non existente Architecto (saltem cùm sumitur nomen nocturnis ut illud usu consentiente à me summi significavi). Et non magis repugnat rem cogitantem existere sine corpore, quàm Architectura peritum sine Cementario, vel Basilico. 5. Item cum ait non sufficere, quòd substantia aliqua sit cogitans, ut sit posita supra materiam, & plane spiritualis, quanto solam vult vocari mentem; sed insuper requiri ut alius reflexo cogitet se cogitare, sive habeat cogitationes sue conscientiam, aequè hallucinatur ac Cementarius, cum ait Architectura peritum debere actû reflexo considerare se habere illam peritiam, priusquam esse possit Architectus: Est enim revera in omni Architectu qui non sepi consideravit, aut saltem considerare potuerit, se habere adificandi peritiam, manifestum tamen est istam considerationem non requiri in Architectu: Nec magis etiam similis consideratio sive reflexio requiritur, ut substantia cogitans sit posita supra materiam.

teriam. Etenim prima quævis cogitatio per quam aliquid advertimus, non magis differt à secunda per quam advertimus nos istud prius advertisse; quam hac à tertia per quam advertimus nos advertisse: nec ulla vel minimaratio afferri potest, si prima concedatur rei corporeæ, cur non etiam secunda. Quapropter notandum est Auctorem nostrum multo periculosius errare hac in parte quam Camentarium: tollendo enim veram, & maxime intelligibilem differentiam, qua est inter res corporales & incorporeas, quod nempe hæc cogitaret, ille non item, & aliam in ejus locum substituendo, qua nullo modo essentialis videri potest, quod nempe hæc considerent se cogitare, illa non considerent, facit omne quod in se est ad impediendum ne realis humana mentis à corpore distinctio intelligatur. 6. Minus etiam est excusandum quod brutorum animalium cause faveat, eisque non minus quam hominibus cogitationem tribui velit, quam Camentarius quod sibi, & suis similibus, Architectura peritiam, non minus quam Architectis arrogare sit conatus.

Ac denique in omnibus satis apparet, utrumque eodem modo, non quid verum aut verisimile esset cogitasse, sed tantummodo quid fingi posset ad detrabendum de inimico, illumque apud eos qui ipsum non nossent, nec de rei veritate curiosius inquirere curarent, ut plane imperitum & stultum describendum. Et quidem apostate Historicus Camentarii, ad insatiam ejus invidiam exprimendam refert, illum Architectis fossionem, ut apparatusum magnificum, extulisse, saxum verò fossione istà resectum sacellumque ipsi superstructum, ut rem nullius momenti contempsisse; nec minus tamen pro amicis & singulari ex a ipsam voluntate gratius egisse, &c. Itemque in conclusione inducit ipsum egregia hac epiphonemata proferentem: Id porò si dicat, quæ & quanta supererunt? quæ redundabunt? quanta battologia? quæ machinæ aut ad pompam aut ad præstigias? &c. Et paulò post. Hic veretis opinor arti illi tuæ, quam amas, quam amplecteris. Ignosco &c. Itemque Ne vereare, amicus sum &c. Hac cum omnia Camentarii morbum tam graphicè representant, ut nihil ad id aptius ab ullo potius fingi potuisse videatur. At mirum est Auctorem nostrum eadem omnia tanto cum affectu imitari, ut quid ipse agat non advertat, illoque cogitationis affectu exo, quæ mox aiebat homines à brutis distinguere, non utatur. Non enim profecto diceret, minus esse apparatusum verborum in me scriptis, si consideraret quanto majorem habeat, ad vicinam dubitationem de quæsti, non dico impugnandam, quæ nullis rationibus impugnatur, sed (licet uti verbo durissimè, quia nulli in aliud æque aptum ad rei veritatem exprimendam occurrit) a tertia, quam ego ad eandem proponendam. Nec etiam battologia meminisset, si adverte-ret quam prolixa, quam superflua, quam inani loquacitate usus sit in tota sua Dissertatione, in cuius tamen fine affirmat se brevitate studu- Quia verò ibidem ait se mihi esse amicum, ut quam amicis sine cum ipso agam, quem dno dno Camentarius ab amicis suis ad Medicum ductum fuit, ita ego hunc nostrum Superiorem suo commendabo.

Admodum Reverendo Patri

P A T R I D I N E T.

Societatis Jesu

Præposito provinciali per Franciam,
RENATUS DES CARTES S.D.

Cum nuper R. P. Mercenno per literas significassent me valde cupere, ut Dissertatio, quam audiebam à R. P. * in me scriptam esse, vel ab ipso R. P. * in lucem ederetur, vel saltem ad me mitteretur, ut eam cum reliquis Objectionibus ab aliis ad me missis edi curarem, rogassentque ut hoc, vel ab illo, vel certe, quia æquissimum esse judicabam, à Reverentia tua impetrare conaretur: Respondit se literas illas meas R. tuz legendas tradidisse; ipsasque non modò tibi fuisse gratas; sed & multa singularis prudentiæ, humanitatis, ac benevolentix erga me tuæ signa sibi à te esse demonstrata. Hocque etiam resum expertus, quia statim postea ista Dissertatio ad me fuit missa. Quæ me non modò ad agendas tibi maximas gratias impellunt, sed etiam ad opinionem meam de illa Dissertatione liberè aperiendam, simulque ad consilium de studiorum meorum instituto petendum invitant. Equidem cum primum illam in manibus meis tenui, tanquam de magno thesauro gaudebam: Nihil enim mihi optatius est quàm, vel opinionum mearum certitudinem experiri, si fortè à magnis viris examinatz nulla in parte falsè reperiantur; vel saltem errorum admoneri, ut ipsos emendem. Et quemadmodum in corporibus bene constitutis talis est partium omnium inter se communicatio & consensus, ut singulæ non suis privatis viribus tantùm utantur; sed præcipuè etiam commune quoddam sit totius robur, quod ad unanquamque dum operatur accedit: Ita cum scirem quàm arcta soleat esse inter omnes vestros animorum conjunctio, non unius R. P. * Dissertationem, sed totius Societatis æquum & accuratum de opinionibus meis judicium habere me arbitrabar. Ubi verò illam legi, planè obstupui, & longè aliud mihi de ipsa credendum esse cognovi. Nam sanè, si profecta esset ab Auctore, qui eodem spiritu, quo tota vestra Societas, regreterur, major aut saltem non minor in ea benignitas, & mansuetudo, & modestia, quàm in privatorum eadem de re scriptis, appareret: At contrà si cum aliorum in meas meditationes objectionibus conferatur, nemo non crederet illas potius à Religiosis factas; hanc autem tanta cum acerbitate scriptam esse, ut ne privatum quidem, & nullis specialibus votis magis quam reliquos homines ad virtutem impulsam decere possit. Appareret etiam amor Dei, ejusque promovendæ gloriæ desiderium ardens; At contrà principia ex quibus existentiam

Dei

Dei & humanæ animæ à corpore distinctionem deduxi, magno in ea studio, contra rationem ac veritatem, falsâ auctoritate ac figmentis impugnantur. Appareret quoque doctrina, & ratio, & ingenium; At, nisi forsâ Latinæ linguæ notitiam, qualem olim plebecula Romæ habebat, pro doctrina numeremus, nullam planè in ea inveni; nullumque ratiocinium non illegitimum, aut falsum; nec etiam ullum acumen ingenii, quod non cæmentario dignius sit, quàm Patre Societatis. Omitto prudentiam, cæterasque virtutes, quæ cùm in societate vestra eximie sint, nullæ tamen in ista Dissertatione apparent, nec ullum vel minimum sui odorem in ipsam transfuderunt. Sed apparet saltem veritatis reverentia, & probitas, & candor; At contrà patet ex notis, quas ei adjunxi, nullum convitium fingi posse ab omni veri specie magis remotum, quàm id totum quod mihi in ipsâ exprobratur. Ac proinde ut magna unius partis à communi totius corporis legedissentio indicat ipsam morbo aliquo sibi peculiari laborare; ita omnino ex dissertatione R. P. * manifestum est ipsam eâ sanitate non frui, quæ in reliquo vestro corpore existit. Neque verò minoris facimus, vel caput, vel totum hominem, ob id quod fortè pravi humores, contra ejus voluntatem, ac citra culpam, in pedem, aut digitum influxerunt; sed contrà æstimamus constantiam, ac virtutem cùm dolorem curationis ferre non recusat: Et nemo unquam contempsit C. Marium quod varices in cruribus haberet; sed non minùs sæpe laudatur quod unam forti animo secari sit passus, quàm ob septem suos Consulatus, & plurimas victorias ab hostibus reportatas. Eodemque modo, cùm non ignorem quàm pio & paterno affectu omnes tuos prosequaris, quò deterior dissertatio illa mihi videtur, eò pluri facio integritatem ac prudentiam tuam, quod illam ad me mitti volueris, eòque magis totam Societatem suspicio & colo. Sed quia ipsemet R. P. * suam Dissertationem ad me mittendam dedit, ne temerè videar judicare id illum sponte non fecisse, quid me ad hoc credendum impellat, & simul omnia quæ mihi hæcenus cum ipso intercesse sunt enarrabo. Scripsit jam ante anno 1640. alios quosdam in me tractatus de Opticis, quos audio ipsam discipulis suis legisse, ac etiam exhibendos dedisse, non fortè omnibus, id enim ignoro, sed saltem nonnullis (nempe, ut credibile est, maxime charis & fidelibus, cùm enim ab uno, in cujus manibus visi fuerant, exemplar peti curassem, non potuit impetrari.) Deinde theses de iis edidit, quas per triduum in Collegio vestro Parisiensi, magno cum apparatu & insolita celebritate ventilavit: Ubi quidem de nonnullis etiam alijs rebus, sed præcipuè de meis opinionibus disputavit, multasque de me (nempe haud difficiles de absente) victorias reportavit. Quin & vidi velitationem, sive præfationem istarum disputationum initio recitam, & à R. P. * elucubratam, in qua de nulla planè alia re quàm de me impugnando agebatur, & nullum tamen verbum ut meum reprehenderetur, quod unquam scripserim aut cogitarim, quodque non sit tam apertè absurdum, ut non magis, quàm ea quæ in dissertatione mihi affingit, ulli homini sano

veniri possit in mentem, ut notis in ipsam factis, & ad auctorem, quem nondum sciebam esse ex Societate, privatim missis, tunc explicui. In thesibus autem non modò quasdam meas opiniones falsas esse ajebat, quod sanè cuilibet licet, praesertim si rationes habeat ad id probandum; sed etiam, ut candore solito uteretur, verborum quorundam significationes mutabat, ut exempli causà angulo, qui hactenus ab opticis *Refractus* fuit appellatus, dabat nomen anguli *Refractionis*, pari acumine, quo in sua Dissertatione per corpus dicit à se intelligi id quod cogitat, & per animam id quod est extensum; Acque hujus artificii ope, nonnulla mea inventa, verbis, à meis valde diversis, expressa, tanquam sua proferebat, meque, tanquam si de illis aliud quid planè ineptum sensissem, arguebat. Quorum ubi fui admonitus, dedi statim literas ad R. P. Rectorem ejus Collegii, quibus rogabam, ut quandoquidem opiniones meae digna visa fuerant quae sibi publicè refutarentur, me quoque non indignum judicaret ad quem refutationes istas mitteret, quique inter vestros discipulos censeretur possem; Aliaque multa addebam quibus omnino mihi videbar id debere impetrare, ut inter cetera, quod longè malim à vestris quàm ab ullis aliis doceri, quia vos ut Praeceptores adhuc meos, & totius meae primae aetatis instructores unicos, summopere colo & observo; Quodque tam expresse in Dissertatione de Methodo pag. 75, rogàrim omnes, ut me errorum quos in scriptis meis invenirent, monere dignarentur, tamque paratum ad illos emendandos me esse ostenderim, ut non putàrim quemquam fore, praesertim religiosam vitam professum, qui me mallet absentem apud alios erroris condemnare, quàm mihi met ipsi meos errores ostendere, de cujus saltem charitate erga proximum non mihi liceret dubitare. Ad quae, non ipse Q. P. Rector, sed R. P. * principio respondit, se tractatus suos, sive rationes quibus meas opiniones impugnabat, intra octiduum esse missurum; Ac paulò post alii quidam Patres Societatis idem intra sex menses ejus nomine promiserunt: fortè quia cùm tractatus istos non probarent (expresse enim eorum quae ab illo in me suscepta fuerant confisos se non fuisse fatebantur), id temporis ad illos emendandos requirerent; Ac denique R. P. * literas ad me dedit, non solum suà manu scriptas, sed etiam communi Societatis sigillo munitas, ut tunc tandem illum ex Superiorum voluntate scribere appareret: iisque significavit, 1. sibi à R. P. Rectore praecceptum esse, ut cùm litera quae ad illum scripseram se praesertim spectarent, ipse ad eas responderet, si quae instituti rationem aperiret. 2. Nullum à se suscipi, sed nec iri susceptum peculiare praelium adversus meas opiniones. 3. Quod nihil dedisset petitiom quam proposui Methodi p. 75. id sua tribuendum ignorantia, quia Methodum non perlegerat. 4. De Notis meis in suam prolusionem se nihil addere, ab eo quod pridem significarat, fuissetque scripturus, nisi aliter suavisent amici, hoc est, nihil omnino; quia nihil antea significarat, nisi tantum serationes, quas contra me habebat, esse missurum, adeò ut tantum per haec verba declararet se nunquam eas esse missurum, quia dissuaserant amici. Ex quibus omnibus

nibus esset manifestum; illum summo de me maledicendi studio flagrâsse; Idque privato consilio, & non consentientibus reliquis Patribus Societatis suscepisse, ac proinde alio quàm vos spiritu agi; Et denique nihil minus velle, quàm ut ea videam, quæ in me scribit: Etsi etiam mihi valde indignum videretur, hominem religiosum, cum quo nulla mihi unquam inimicitia, nec quidem notitia intercesserat, tam publicè, tam apertè, tam insolenter de me maledixisse, nihilque aliud habere excusationis, quàm quod diceret se Dissertationem meam de Methodo non legisse, quod quàm verum esset, clarè patebat ex eo, quodd Analytin meam, tum in thesibus, tum in prolusione, aliquoties reprehendisset, quamvis nullibi de ipsa egissem, nec quidem nomen Analyticos scripdissem, præterquam in ea Dissertatione de Methodo quam se non legisse fingebat. Verumtamen quia se in posterum quieturum esse promittebat, libenter præterita dissimulabam. Et minime mirabar R. P. Rectorem nihil severius pro prima vice in illum decrevisse, quàm ut ipsemet mihi facti sui rationem aperiret, atque ita non occultè fateretur, se nihil eorum, quæ contra me in thesibus, disputatione, ac tractatibus suis magno cum fastu protulerat, coram me tueri posse; nihilque habere, quod ad Notas, quas in ejus velitationem scripseram, responderet. Ac certè miror hunc R. P. * tanto me lacerandi desiderio arsisse, ut quamvis ei prior illa velitatio tam parum feliciter successisset; atque ex quo nullum se peculiare prælium in meas opiniones suscepturum esse promiserat, nihil mihi novi cum illo vel alio ullo ex vestris intercessisset, Dissertationem tamen suam postea scripserit. Nisi enim in ea peculiare prælium adversus meas opiniones contineatur; nescio certè quidnam sit in opiniones alicujus præliari: Nisi forsitan eo nomine se excuset, quodd non revera meas opiniones, sed alias planè infanas mihi à se per calumniam affictas impugnet; Vel etiam quodd non sperarit illam unquam ad manus meas esse perventuram. Nam sanè patet ex stylo non eo instructo fuisse conscriptam, ut objectionibus in meas Meditationes fictis annumeraretur; Paretque etiam ex aliis illis tractatibus quos à me noluit videri; qui enim in iis pejor quàm in ipsa potuit esse? Pater denique ex mira ejus licentia opiniones à meis quàm maximè diversas mihi assignendi; neque enim tantausus fuisset, si hoc sibi unquam à me publicè exprobratum iri putasset. Ideoque quod ipsam acceperim, non sanè illi, sed Societati, ac tibi maximas gratias habeo, atque ago. Vellemque ut ea qualiscunque occasio, quæ mihi nunc datur gratiam referendi, cum ejus in me injuriarum dissimulatione, potiùs quam cum aliqua ultione, conjungi posset: ne id mea causa facere videar, quodd revera non committerem, nisi etiam ad laudem Societatis, & tuam veritatem que scitu perutilium patefactionem conducere existimarem. Sed cum R. P. * Mathematicum doceat in vestro Collegio Parisiensi, quod spectari potest ut primarium totius Orbis Terrarum: Mathematicis autem sit facultas, quâ ego præcipue uti dicor; ut nullus est in tota vestra Societate qui auctoritate suâ plus possit ad meas opiniones impugnandas; ita nullus

etiam est cujus errores ea in re admissi facilius vobis omnibus tribuerentur, si de ipsis tacerem. Multi enim sibi persuaderent, illum unum ex universo vestro corpore fuisse delectum, ad iudicium de meis ferendum, ideoque non minùs ei soli, quàm vobis omnibus simul sumptis, hac de re credi oportere; nec etiam aliter de vobis quàm de ipso esse iudicandum. Ac præterea consilium sequutus est ut ad cognitionem veritatis aliquandiu impediendam & retardandam valde efficax, sic ad ipsam plane suppressendam non sufficiens, quodque cum tandem de- tegeretur multo vobis honori esset. Quippe non conatus est meas opiniones rationibus refutare, sed alias planè ineptas & absurdas, verbis serè meis expressas, pro meis proposuit, ac tanquam refutatione indignas derisit. Quo artificio falsè omnes eos, qui me non nòrunt, nec scripta mea viderunt, ab iis legendis aver- tisset; ac etiam eos, qui viderunt quidem, sed nondum satis intelligunt, hoc est, serè omnes qui viderunt, ab ipsis ulterius examinandis revocasset; nunquam enim suspicari fuisset, hominem religiosum, præsertim ex vestra Societate, ad con- fidenter opiniones pro meis proponere, & irridere, quæ verè me non essent. Atque ad hoc multum juvisset, quod suam dissertationem non palam omnibus, sed privatim tantùm amicis suis lectionasset; ita enim faciliè gavisset, ne ulli eam viderent, qui possent ejus fragmenta dignoscere; ac ceteri majorem ei fidem ideo habuissent, quod putassent, cum nolle ipsam in lucem edere ne famæ meæ nocer- ret, ac mihi esse amicum. Nec interim fuisset periculum ne à non satis multis le- geretur. Nam si tantùm Sociis suis, in vestro Parisiensi Collegio, id quod spera- bat persuasisset, hinc faciliè ad omnes alios vestræ Societatis, toto orbe sparsos, ea- dem opinio transiisset; atque ab his etiam ad alios homines serè omnes qui So- cietatis vestræ auctoritati credidissent. Nec sanè mirarer, si hoc contigisset: nam eùm vestri sint semper suis quisque studiis quammaximè occupati, fieri non po- test, ut singuli examinent omnes novos libros, qui quotidie magno numero pro- deunt in lucem, sed crediderim expectari iudicium ejus qui primus ex Societate quemque librum legendum suscipit, ac prout ille de eo judicat, ceteros postea, vel etiam legere, vel abstinere. Jamque mihi videor ejus rei fecisse experimentum circa Tractatum quem edidi de Meteoris; eùm enim partem Philosophiæ con- tineat, quæ, nisi admodum fallor, accuratius & verius in ipso explicatur, quàm in ullis scriptis aliorum, nullam puto esse causam cur Philosophi, qui Meteora singu- lis annis in unoquoque ex vestris Collegiis docent, illum prætermittant / quan- tia fortè, falsis de me R. P. * judicii credentes, nunquam legerunt. At quan- diu tantùm illa ex meis, quæ ad Physicam aut Mathematicam pertinebant, impugna- vit, parum curavi; eùm autem in sua Dissertatione principia illa Metaphysica, quorum ope Dei existentiam, realemque humanæ animæ à corpore distinctio- nem demonstravi, non rationibus, sed maledictis everrenda suscepit, harum veritatum cognitio tantum est momenti, ut nemini probo possit displicere, quod

ea quæ de illis scripsi pro viribus defendam. Nec sanè difficulter id præstabo; cum enim mihi nihil aliud quàm nimiam dubitationem objecerit, non opus est ad ostendendum quàm injustè ipsam mihi assignat, ut referam loca omnia meorum Meditationum, in quibus eam diligenter, ac, ni fallor, accuratius quàm ullus alius ejus scripta habeamus, refutavi & sustuli; Sed satis est si moneam ejus, quod expressè scripsi in iis meæ responsionis ad Tertias Objectiones, Nempe nullas dubitandi rationes fuisse à me propositas eo fine ut ipsas persuaderem, sed contrà ut refutarem: eodem planè modo quo Medicinæ scriptores morbos describunt quorum curandorum Methodum volunt docere. Quis tam audax, & tam impudens in calumniando unquam fuit, ut accusaret Hippocratem, aut Galenum, quòd causas ex quibus morbi nasci solent exponant, atque inde concluderet, ipsos nihil aliud docere quàm Methodum agrotandi? Certe qui tantam in R. P.* audaciam fuisse sciunt, non facile sibi persuaderent ipsum hac in re privato tantum consilio usum esse, nisi ego ipse testarer, notumque facerem, quo pacto & ea quæ priùs in me scripserat non probata sint à vestris, & ultima ejus Dissertatio tuo jussu ad me fuerit missa: Quod cum nullibi commodius possum quàm in hac epistola, non abs re esse puro eam simul cum notis meis in Dissertationem, edicurate.

Atque, ut ego etiam ex ipsa fructum percipiam, dicam hic aliquid de Philosophia quam conscribo, & quam, nisi quid obstitierit, post annum unum aut alterum in lucem edere decrevi. Cum anno 1637. nonnulla ejus specimina vulgarem, nihil non facere conatus sum ut præcaverem invidiam, quàm mihi, licet indigno, imminere advertebam; Hæc causa fuit cur nomen meum istis speciminibus præfigi noluerim, non, ut quibusdam fortè visum est, quod rationibus in iis contentis non fiderem, vel eorum me puderet; Hæcque etiam fuit causa, cur declararim expressis verbis in Dissertatione de Methodo pag. 66. mihi non in animo esse ut dum viverem Philosophia mea vulgaretur. Quo in insulato adhuc manerem, si ut sperabam, & ratio postulabat, hoc me, saltem aliqua ex parte, invidia liberasset. At plane secus accidit. Ea enim est fortuna speciminum meorum, ut, quamvis non à multis intelligi potuerint, quia tamen à nonnullis, iisque maxime ingeniosis, & doctis, qui ea dignati sunt examinare curiosi, multas veritates, nondum antè vulgatas, continere comperita sunt, hæc fama transierit ad multos, qui statim ideo sibi persuaserunt, me aliquid in Philosophia certi & nullis controversiis obnoxii posse explicare. Unde sequutum est, ut maxima quidem pars, nempe non tantum ii qui extra scholas liberè philosophantur, sed plerique etiam ex iis qui docent, præsertim juniores, & qui magis ingenio, quàm immerita doctrinæ fama, nituntur, ac verbo omnes qui amant veritatem, integram à me Philosophiam in lucem edi optarent; Sed alia pars, id est scilicet qui docti videri malunt quàm esse, jamque aliquod nomeniatur eruditores ex eo se habere putant, quod de scholæ controversiis acriter

disputare didicerint, timentes ne a crecta veritate controversiæ istæ abrogentur, ac simul eorum doctrinâ omnis abeat in contemptum, meæque Philosophiæ editione veritatem defectum iri existimantes, non aucti quidem sunt apertè ostendere, se non cupere ut ederetur, sed summa in me invidiâ exarserunt. Et quidem per facile mihi fuit hos ab aliis distinguere: qui enim Philosophiam meam oprârunt, opinione recordati sunt, me de illa, dum viverem, non vulganda consilium sumpsisse, ac nonnulli etiam sunt conquesti; quod eam mallem nepotibus quam coavis meis concedere, quamquam omnes ingenui, causam cur id facerem advertentes, & mihi non deesse voluntatem publicis commodis serviendi, non ideo minus me amârunt. Qui autem ipsam timuerunt, nullo modo id recordati sunt, aut saltem credere noluerunt, sed contrâ supposuerunt ejus me editionem promississe. Hinc vocabar apud illos *celebris promissor*; Hinc comparabar nonnullis, qui librorum, quos à se scribi simulabant, editionem per multos annos frustra minati sunt; Hincque etiam R. P. * ait hoc *sandius à me expectari, ut deinceps se desperandum*: ridiculè profectò, si putat aliquid ab homine nondum senescituisse diu expectari, quod ab aliis in multis sæculis nondum est præstitum; ac imprudenter, quod ubi me conatur vituperare, talem esse concedat, ut id à me intra paucos annos diu potuerit expectari, quod ego ab illo intra sexcentos, si tantum vita utriusque prorogaretur, non expectarem. Hujusmodi autem homines cum plane sibi persuaderent me decrevisse, Philosophiam illam, quam metuebant, emittere, statim atque esset parata, non modò eas opiniones quæ inscriptis jam à me editis explicantur, sed etiam præcipuè istam ipsam Philosophiam, sibi nondum cognitam, multis maledictis, qua occultis, qua etiam apertis & publicis sunt prosequuti, ut scilicet vel me ab ea edenda absterrent, vel editam statim everterent, & tanquam incunis suffocarent. Risi quidem iactio illorum conatus, & quanto vehementiores in meis impugnandis esse animadverti, tanto pluri me ab ipsis fieri existimavi: Sed ubi eorum numerum indices augeri vidi, atque, ut sit, multo diligentiores eos esse ad occasiones mihi nocendi quærendas, quam illos benevolentes ad me protegendum, veritus ne forte clandestinis moliminibus aliquid possint, ac ne otium meum magis interturbent si permaneam in instituto Philosophiam meam non edendi, quam si apertè ipsis me opponam; At, præstando id totum quod timent, ne amplius timendum habeant efficiam. Paucâ illa omnia, quæ de Philosophia cogitavi, publici juris facere institui, ac contendere, ut si vera sint, à quamplurimis recipiantur. Quapropter illa non eodem ordine ac stylo proponam, quo magnam eorum partem ante conscripsi eo in tractatu, cujus argumentum in Dissertatione de Methodo explicui, sed alio ad scholarum usum magis accommodato, brevibus scilicet articulis singulas quaestiones includendo, talique ordine ipsas exsequendo, ut sequentium probatio ex solis præcedentibus dependeat, omnesque in unum corpus rediganur. Quâ ratione spero me veritatem eorum omnium de quibus in Philosophia solet disputari, ram

tam clarè esse expositurum, ut quicunque illam quærent, perfacile ipsam ibi sint inventuri. Quærent autem profecto veritatem juvenes omnes, cum primum ad discendam Philosophiam se accingunt; Quærent etiam illam cæteri omnes cujuscumque ætatis, cum soli apud se de rebus Philosophicis meditantur, easque in proprium usum examinant: Sed & Principes omnes, & Magistratus, aliive qui Academias aut Gymnasia instituunt, sumptusque suppeditant, ut Philosophia in iis doceatur, non nisi veram, quantum fieri potest, volunt doceri; nec pariuntur dubias & controversas opiniones ibi ventilari, ut ex disputandi consuetudine subditi magis contemiosi, & refractarii, & pertinaces, atque ideo superioribus suis minus obsequentes, & seditionibus commovendis aptiores evadant, sed tantum ob spem veritatis, quam ex istis disputationibus aliquando emerfuram plerique sibi persuadent; vel si jam longa experientia sint edocti, quam raro illa hoc pacto reperitur, adeo tamen ipsam curant, ut etiam perexiguum ejus spem non putent esse negligendam; Nulla autem unquam gens fuit tam fera, aut tam barbara, tamque à recto usu rationis, quo solo homines sumus, abhorrrens, ut apud se doceri voluerit opiniones, quæ pugnarent contra cognitam veritatem. Atque ideo non dubium est, quin veritas opinionibus omnibus ab ea diversis, quantumlibet inveteratis & pervulgatis sit præferenda; & quin omnes ii qui alios docent, ipsam pro viribus quærere, atque inventam docere teneantur. Sed nempe non creditur eam fore in nova illa Philosophia quam promitto: Non verisimile est me unum plus vidisse, quàm sexcenta millia ingeniosissimorum virorum, qui opiniones in scholis vulgo receptas sequuti sunt: Vix trita ac cognita novis ac ignotis sunt semper tutores; Præsertim propter Theologiam, cum qua veterenti & vulgarem Philosophiam optimè consentire multorum annorum experientia jam docuit: de nova autem incertum est: Ideoque ne fortè imperitiam multitudinem novitatis avidam ad se alliciendo paulatim crescat, & vires sumat; Scholarumque sive Academiarum pacem & quietem perturbet; vel etiam in Ecclesiâ novas hæreses adducat, maturè prohibendam, atque exstinguendam esse quidam contendunt. Ego vero contra respondeo, me quidem mihi nihil arrogare, nec profiteri me plus videre quàm cæteros; sed hoc forte mihi profuisse, quod cum proprio ingenio non multum fidam, planas tantum & faciles vias sim sequutus: Nam si quis per ipsas magis promoveat, quàm alii multo majori ingenio præditi per salebrosas & impenetrabiles illas quas sequuntur, non est mirandum. Addo me nolle ut mihi credatur de veritate eorum quæ promitto, sed ut ex iis speciminibus quæ jam dedi judicetur: Non enim ibi unam aut alteram, sed plus sexcentis quæstionibus explicui, quæ sic à nullo aut me fuerant explicatæ; æquavis multi hæcenus mea scripta transversis oculis inspexerint, modisque omnibus refutare conati sint, nemo tamen, quod sciam, quicquam non verum poruit in iis reperire. Fiat enumeratio quæstionum omnium, quæ in tot seculis, quibus aliæ Philosophiæ viguerunt, ipsarum ope solutæ sunt, & fortè nec tam

m illæ,

multæ, nec tam illustres inveniantur: Quinimo profiteor, ne unius quidem quæstionis solutionem, ope principiorum Peripateticæ Philosophiæ peculiarium, datam unquam fuisse, quam non possim demonstrare esse illegitimam & falsam. Fiat periculum, proponantur, non quidem omnes, neque enim operæ pretium puto multum temporis ea in re impendere, sed paucae aliquæ selectiores; subo promissis: Et mento tantum, ne captioni locum relinquam, loquendo de principiis Peripateticæ Philosophiæ peculiaribus, me excipere illas quæstiones, quarum solutiones desumptæ sunt, vel à sola experientia, omnibus hominibus communi; vel à consideratione figurarum, & motuum, quæ Mathematicorum propria est; vel denique in Metaphysicis à communibus illis notionibus, quas à me admitti, ut & præcedentia, ex Meditationibus meis apparet. Addo etiam, quod fortè videbitur esse paradoxum, nihil in ea Philosophia esse, quatenus censetur Peripatetica, & ab aliis diversa, quod non sit novum; nihilque in mea quod non sit verum. Nam quantum ad principia, ea tantum admitto, quæ omnibus omnibus Philosophis hæcenus communia fuere, suntque idcirco omnium antiquissima; & quæ deinde ex iis deduco, jam ante in ipsis contenta & implicita fuisse tam clarè ostendo, ut etiam antiquissima, utpote humanis mentibus à natura indita, esse appareat: Contra autem principia Philosophiæ vulgaris, eo saltem tempore, quo ab Aristotele aliisque inventa sunt, erant nova, nec jam meliora putari debent quam tunc fuere; nihilque ex iis deducitur quod non sit controversum, & ex more scholarum à singulis Philosophis mutari possit, ac proinde quod non sit maximè novum, cum quotidie adhuc renoveatur. Quantum ad Theologiam, cum una veritas alteri adversari nunquam possit, esset impietas timere, ne veritates in Philosophia inventæ iis quæ sunt de fide adversentur; Atque omnino profiteor nihil ad religionem pertinere, quod non æquè, ac etiam magis facilè explicetur per mea principia, quam per ea quæ vulgè recepta sunt: Jamque hujus rei mihi videor specimen dedisse satis luculentum, in fine meæ Responsionis ad quartas Objectiones, circa quæstionem in qua omnium difficillimè Philosophia cum Theologia solet conciliari: Eisdem in aliis quibuslibet, si opus sit, præstare paratus sum; Ac etiam ostendere multa è contra esse in vulgari Philosophia, quæ revera pugnant cum iis quæ in Theologia sunt certa, etsi id vulgo à Philosophis dissimuletur, vel ob longam iis credendi consuetudinem non advertatur. Non etiam metuendum est, ne meæ opiniones, imperitam, & novitatis avidam multitudinem alliciendo, nimis crescant; cum è contrà doceat experientia ipsas præcipue à petitiore probari, quos non novitate, sed solâ veritate allicientes, nimium crescere non possunt. Nec magis metuendum est ne scholarum pacem perturbent; Sed contrà cum omnes philosophi tot controversiis se mutuo vexent, ut nunquam majore in bello esse possint quam jam sunt, nulla melior ratio est ad pacem inter ipsos conciliandam, Hæresesque etiam quæ quotidie ex istis controversiis repullulant minuendas, quam si veræ opinionibus, quales

quales meas esse jam probavi, recipiantur: Earum enim clara perceptio omnem dubitandi ac disputandi materiam tollet. Atque ex his patet, nullam revera esse rationem, ob quam nonnulli tanto studio reliquos homines ab iis cognoscendis velint avertere: nisi quod nimis evidentes, & certas eas esse existimantes, vereantur ne obsint famæ doctrinæ, quam ipsi ex aliarum minùs probabilium cognitione quæsierunt. Adeò ut hæc ipsa illorum invidia non exiguum sit veritatis mez Philosophiæ argumentum. Sed ne fortè hic videar de invidia falsè gloriari, ac solam Dissertationem R. P. * in testimonium vocare posse, dicam quid nuper in recentissima harum Provinciarum Academia contigerit.

Doctor quidam Medicinæ, vir acerrimi ac perspicacissimi ingenii, atque ex eorum numero qui quamvis Scholarum Philosophiam rectè didicerint, quia tamen ei non credunt, & sunt ingenui, non ideo multum superbiunt, nec se admodum doctos esse fingunt, ut aliis quibusdam in more est, qui ipsa sunt inebriati, legit Dioptricam meam, & Meteora, cum primùm edita sunt in lucem, ac statim aliqua in iis verioris Philosophiæ principia contineri judicavit: Quæ colligendo diligentius, & alia ex iis deducendo, eà sibi sagacitate, ut intra paucos menses integram inde Physiologiam concinnarit, quæ, cum privatim à nonnullis visæ esset, eis sic placuit, ut Professionem Medicinæ, ibi tunc fortè vacantem, pro illo, qui antea ipsam non ambiebat, à magistratu petierint, & impetrarint. Ita Professor factus officii sui esse putavit e potissimum docere, propter quæ ad illud munus vocatus fuisse videbatur: Præsertim cum ipsa vera esse, ac quæcumque cum iis pugnant falsa judicaret. Sed cum id agendo magnam, pro ratione loci, haberet auditorum frequentiam, quidam statim ex ejus collegis, ipsum sibi præferri advententes, manifestè inviderunt, ac persæpe apud Magistratum conquesti sunt, perentes ut ei nova ista docendi ratio prohiberetur: Nec tamen aliud tribus annis potuerunt impetrare, quàm ut hortaretur ad vulgaris, tum Philosophiæ, tum Medicinæ principia simul cum suis docenda, ut ita audiores ad aliorum etiam scripta legenda pararet. Sentiebat enim prudens Magistratus, si nova ista vera essent, prohiberi non debere: si autem falsa, non opus esse, quia sponte intra paucos menses essent collapsura. Cum autem è contra crescerent indices, excolerenturque potissimum ab honestissimis & ingeniosissimis quibusque, magis quàm ab humilioribus aut junioribus, qui faciliùs invidium auctoritate aut consilio ab iis audiendis revocabantur: Novam etiam provinciam Magistratus Medico dedit, ut nempe Problemata Physica, tum Aristotelis, tum aliorum, certis diebus, lectione extraordinariâ explicaret; atque ita majorem haberet occasionem, quàm in sola sua Medicina, de omnibus Physiæ partibus agendi. Et quiescent fortasse deinceps reliqui ejus Collegæ, ac veritati locum dedissent, nisi unus inter cæteros, qui tunc erat illius Academiæ Rector, omnes suas in eum machinas intendere decrevisset. Ut autem cujus generis adversarios habeam appareat, hunc paucis hic describam. Cluet Theologus,

logus, Concionator, Disputator: Magnamque sibi apud plebejos homines gratiam potentiamque conciliavit, ex eo quod, modò in Romanam Religionem, modo in alias quascunque à sua diversas, modò in potentiores invehendo, ferventem & indomitum pietatis zelum præ se ferat, interdum etiam discipulis scurrilibus plebeculæ aures demulceat; Quodque multos quotidie libellos, sed à nemine legendos, emittendo; varios Auctores, sed sæpius contra se quam pro se facientes, ac fortè ex indicibus tantum notos, citando; & de quibuslibet scientiis tanquam si earum gnarus esset audacissimè, sed & imperitissimè, loquendo, admodum doctus indoctis videatur. Peritiores autem qui sciunt quàm importunus in aliis provocandis semper fuerit, ac quàm sæpe ubi fuit disputandum, convitia pro rationibus attulerit, turpiterque victus discesserit, si sint diversæ ab ipso religionis palam irrident, & contemnunt, eumque jam publicè nonnulli sic exceperunt, ut nihil novi deinceps in ipsius scribi posse videatur; si verò cum illo in religione consentiunt, etsi quantum possunt excusent, & tolerant, in animo tamen non probant. Postquam hic homo aliquandiu Rector fuit, contigit ut, cùm theses Medico Præside ab ejus auditoribus defendebantur, non daretur ipsis libertas ad argumenta quæ proponebantur respondendi, sed scholasticis & importunis suppositionibus turbarentur: quas suppositiones non dico à Theologo per amicos fuisse excitatas, neque enim scio, si antea non fiebant; atque aulivi à fide dignis, qui adfuerant, nullo eas nec respondentium nec Præsidis merito potuisse contingere, cùm semper priùs inciperent quàm ipsi mentem suam explicuissent; & interim rumor spargebatur novam ibi Philosophiam malè defendi, ut scilicet indè inferrent homines, non dignam esse, quæ publicè doceatur. Contigit etiam, cùm frequentes disputationes sub præsidio Medici haberentur, ac theses minùs curiosè, ad arbitrium respondendi, ex variis & inconnexis questionibus constarentur, ut in quadam thesi posuerint, *ex mente & corpore non fieri unum ens per se, sed per accidens*: vocando scilicet ens per accidens id omne quod ex duabus substantiis planè diversis constaret; nec ideo negando unionem substantialem, quæ mens corpori conjungitur; nec utriusque partis aptitudinem naturalem ad istam unionem, ut patebat ex eo quod statim postea subjunxissent, *illas substantias dici incompletas ratione compositi, quod ex earum unione oritur*: adeò ut nihil in ipsis posset reprehendi, nisi forsitan modus loquendi minùs in scholis usitatus. At verò hæc satis magna occasio visa est Rectori Theologo ad Medicum circumveniendum; hærescosque condemnandum, & ita, vel invito Magistratu, si res ut sperabat successisset, de Professione deturbandum. Nec obstitit quòd, ubi Medicus advertit eam ab illo thesim non probari, statim ipsum, & reliquos ibi Theologiæ Professores adierit, illisque mentem suam explicando, affirmavit se nihil adversus Theologiam ipsorum, & suam, sensisse, aut scribere voluisse. Nàm paucis post diebus theses edidit, quibus, ut mihi certò nunciatum est, hunc titulum voluit præfigere: *Corol-*

laria

laris admonitoria, ex auctoritate S. S. Facultatis Theologica ad studiosos propofita: & addito; Sententiam Tauralli, quem Heidelbergenses Theologi appellantur Atheum Medicum, & vertiginofum juvenis Gorlai, quâ ftatuitur homo ens per accidens, multis impingere modis in Phyficam, Metaphyficam, Pneumaticam & Theologiam &c. Ut nempe iis fubfignatis à reliquis omnibus illius loci Professoribus Theologiæ ac concionatoribus (fi tamen fubfignaffent, idem ignoro) mitteret ex collegis, qui dicerent Magiftratu Medicum, ecclefiaftico concilio, cum Taurello, & Gorleo, quos Auctores fortè nunquam legit, mihi certè funt ignoti, hærefeos effe damnatum: ut ita non poffet Magiftratus, cum plebis gratiâ, cum diutius in Profefforem retinere. Sed cum jam Thefes iftæ effent fub prælo, fortè ad manus quorundam è Magiftratu pervenerunt, qui Theologum ad fe vocatum officii admonuerunt, atque ut titulum faltem mutaret, Facultatisque Theologiæ publicâ auctoritate ad calumnias fuas non abuteretur effecerunt. At nihilominus petierit in thefis edendis; ac de iis, ad imitationē R. P. *, per triduum difputavi; Et quia parum materiæ in ipsis fuiffet, fi egiffet tantum de illa logomachia, an compofitum ex duabus fubftantiis dicendum fit ens per accidens, nec ne, alias quasdam quæftiones huic adjunxit, quarum præcipua erat de formis fubftantialibus rerum materialium, quas omnes, exceptâ animâ rationali, Medicus negaret; ille autem quibuscunque potuit rationibus ipfas fulcire, ac tanquam Peripateticæ Scholæ Palladium defendere conatus eft. Atque, ut hic non videar fine caufa me alienis controverfiis immifcere, præterquam quodd in Thefis fuis nomen meum expreflerat, ut & Medicus fæpe in fuis, etiam inter difputandum me nominabat, quærebatque ab oppoſente mihi nunquam viſo, num ipsis argumenta fuffeſſiffem, & indigniſſimâ comparatione utens ajebat, eos, quibus vulgaris Philoſophandi ratio diſplicet, aliam à me expectare, ut Judæi expectant tuum Eliam qui eos deducat in omnem veritatem. Cum autem per triduum fic triumphaffet, Medicus, qui prævidebat fe, ſi taceret, à multis habitum iri pro victo: ſi autem publicis difputationibus fe defenderet, ſtrepitus, ut antea, fore paratos, ad impediendum ne audiretur: ſumfit conſilium de reſponſione ad Theologi theſes edenda, in qua quidem ex omnia, quæ in iſtis theſibus contra ſe aut ſua dogmata continebantur, ſolidis rationibus refutaret; ſed interim earum Auctorem tam blandè ac tam honorificè compellaret, ut ipſum ſibi conciliare conaretur; aut ſaltem exulceratum ejus animum non irritaret. Ac reverà reſponſionem illam ſuam ita concinnavit, ut multi qui legerunt, exiſtimarent nihil in ea eſſe, de quo Theologus queri poſſet, niſi quodd ibi vir pius, & ab omni maledicendi ſtudio alienus diceretur: Sed eſſi verbis non læderetur, ſibi tamen magnam injuriam à Medico factam eſſe putabat, quia rationibus victus erat, & quidem rationibus ex quibus videbat apertè ſequi ſe eſſe calumniatorem, & rerum quas jactaverat imperitum. Cui malo nullum aliud remedium potuit reperire, quàm ut potentiâ uteretur, ac reſponſionem ſibi odioſam

fam in urbe sua prohiberi curaret. Audiverat forsan quod de Aristotele quidam dicunt, ipsum cum Philosophorum se antiquiorum opiniones solide refutare non posset, alias quasdam valde absurdas ipsis affinxisse: nempe illas quæ in ejus scriptis leguntur, ac ne fraus à posteris detegeretur, omnes eorum libros diligenter perquisitos comburi curasse. Quod noster, ut fidelis Peripateticus, imitari conatus, congregavit Senatum suum Academicum; de libello in se à Collega edito conquestus est; eum prohibendum, ac totam istam turbatricem Academicæ Philosophiæ eliminandam esse dixit. Assenserunt plerique. Tres eorum numero delegati ad Magistratum, idem ibi conquesti sunt. Magistratus, ut eis satisfaceret, pauca quædam exemplaria à Bibliopola auferri jussit: quo factum est, ut reliqua cupidius emerentur, ac curiosius legerentur; Cumque nihil in iis appareret de quo Theologus justè queri posset, præter solam vim rationum, quas declinare non poterat, omnes eum irriterunt. Ipse verò interim non cessabat; congregabat quotidie Senatum suum Academicum, ut ei aliquid de ista infamia impertiret: magna pro ipso res erat: querendæ erant rationes, cur responsionem Medici ac totam ejus Philosophiam damnari vellet; nec ullas poterat invenire. At nihilominus prodit tandem in lucem judicium, nomine Senatus Academici, sed quod soli Rectori tribuere æquius est: Cum enim in omnibus conventiculis, quæ congregabat, sederet ut iudex, essetque idem acerbissimus accusator, Medicus autem nec audiretur, nec unquam adesset, quis dubitat, quin faciliè maximam suorum Collegarum partem eò quod voluit pertraxerit, ac suffragiorum numero à se dissentientes superârit; cum præferim aliqui eandem quam ille, vel etiam majorem haberent occasionem Medicum odio prosequendi; ac alii viri pacifici Rectori suo, quem noverant esse mordacem, non libenter contradicerent? Hocque etiam insigne, quodd, nullus ex ipsis, ut istius judicii approbator nominari voluerit, sed unus, nec Medico ullâ familiaritate conjunctus, nec mihi unquam notus, ne particeps fieret infamiz quam inde sequuturam esse prævidebat, expressè petierit, ut nomen suum, tanquam non approbantis, in eo poneretur. Istius autem judicii exemplar hæc apponam; tum quia fortè Reverentiæ tuæ non erit ingratum scire quid in his regionibus inter literatos agatur; tum etiam ut quantum in me est impediam, ne post aliquot annos, cum leves chartulæ, in quibus impressum est, erunt fortè omnes disperditæ, utantur ejus auctoritate maledici, ac fingant justas aliquas in eo fuisse rationes ad Philosophiam meam condemnandam. Nomen tantum Academicæ tacebo, ne quod heri aurnudius tertius turbulentus ejus Rector imprudenter fecit, ac fortasse cras vel perendie alius mutabit, ei apud externos dedecori vertatur.

*Judicium sub nomine Senatus Academici ** editum.*

*Professores Academia *, cum non sine gravi dolore vidissent libellum in lucem editum, mense Febr. MD. C. XLII. hoc praescripto titulo: Responsio seu Notæ ad corollaria Theologico-Philosophica, &c: eumque ad singulare ejusdem Academia detrimentum & ignominiam, excitandasque in aliorum animis sinisteras suspiciones spectare animadvertent; visum illis fuit, omnes & singulos certiores facere:*

Primo, displicere sibi eum agendi modum, quo collega alium in alium libros ante libellos publice edat, praesertim expresso nomine; idque ob theses, aut corollaria, de rebus in Academia controversis, nullius nomine edito, disputata.

Deinde, se improbare eam propugnandi pro nova & praesumpta philosophia rationem, quæ in prædicto libello frequentatur; utpote cum verborum insolentia conjunctam, in eorum opprobrium; qui hic & alibi contrariam & vulgarem, omnibusque in Academia receptam philosophiam, ut veriores praesententur. Veluti, cum auctor prædicti libelli dicit, pag. 9. Jamdieu enim pernovi magnos meorum auditorum progressus, quos brevissimo temporis spatio apud me faciunt, quosdam malè habere. Pag. 7. Termini quibus alii ad nodos solvendo uti solent, nunquam ingeniis paulò perspicacioribus plenè satisfaciunt, sed solis tenebris & nebulis animos eorum replent. Ibidem: Verus sensus, multo melius & promptius ex me percipitur, quàm vulgò ex aliis: probat ipsa experientia quam multi meorum discipulorum, in publicis disputationibus cum honore jam sæpius exhibuerunt, postquam tantùm paucos aliquot menses meà institutione fuissent usi. Nullus autem dubito quin quislibet mortalium, cui tantùm est sanum sinciput, hic nihil quicquam culpandum, sed omnia laudanda censet. Pag. 9: Misera illa entia (scilicet formas substantiales, & qualitates reales) nullius planè usus esse perspeximus, nisi fortè ad excæcanda studiosorum ingenia, & ipsis in locum doctæ illius ignorantie, quam tantopere commendas, fastuosam quandam aliam ignorantiam oberudendam. Pag. 15: Contrà verò ex opinione formas substantiales statuente, facillimus est prolapsus in sententiam eorum, qui animam dicunt corpoream & mortalem. Pag. 20: Quæri posset, annon illa philosophandi ratio potius Choroæbo aliquo digna sit censenda, quæ ad unum principium activum, nempe formam substantialem omnia revocare solet. Pag. 15: Atque hinc patet, non illos qui formas substantiales negant, sed potius eos, qui illas adstruunt, eò tandem per solidas consequentias adigi posse, ut fiant aut athei aut bestię. Pag. 39: Propterea quod causæ ab aliis hætenus etiam in minimis propositæ, sunt ut plurimum quàm maximè jejunæ, & à vero alienæ, nec animo veritatis cupido satisfaciunt.

Tertio, se rejicere novam istam Philosophiam; primo, quia veteri philosophia, quam Academia toto orbe terrarum hactenus optimo consilio docere, adversatur, ejusque fundamenta subvertit: deinde quia juventutem à vetere & sana Philosophia avertit, impeditque quo minus ad culmen eruditionis provehatur; eoque estus presumpta philosophia adminiculo, technologicata in auctorum libris, professorumque lectionibus & disputationibus usitata, percipere nequit: postremo quod ex eadem varia falsa & absurda opiniones parim consequantur, parim ab improvida juventute deduci possint, pugnantem cum ceteris disciplinis & facultatibus, atque imprimis cum orthodoxa Theologia.

Censere igitur ac statueret, omnes philosophiam in hac Academia docentes, in posterum à tali instituto atque incepto abstinere debere, contentos modicâ libertate dissentiendi in singularibus nonnullis opinionibus, ad aliarum celeberrimam Academicarum exemplum hic usitatâ: ita, ut veteris & recepta philosophia fundamenta non labefacerent, & in eo etiam atque etiam laborent, ut Academia tranquillitas in omnibus sarta tecta conservetur. * die xvi. Martii, 1642.

Est autem notatu dignum, hoc judicium editum fuisse, cum jam aliquandiu risissent homines, quod Rector librum Medici suppressi maluisset quam ad ipsum respondere; nec proinde esse dubitandum, quin omnes rationes, saltem ex quæ ab illo poruerunt excogitari, ad istud factum excusandum, hic expressæ sint. Eas ergo, si placent, percurramus. Primo dicitur libellum Medici spectare ad detrimentum, & ignominiam Academia; ac etiam ad sinistras opiniones in aliorum animis excitandas: quod non aliter possum interpretari, quam quod hac occasione homines sunt suspicaturi, vel potius cogituri, Academicæ Rectorem fuisse imprudentem, quod manifestæ veritati se opponeret; ac malignum, quod rationibus victus, auctoritate tamen vincere conaretur. Sed jam illa ignominia cessavit, quia non amplius est Rector; Nec Academicæ tantum dedecoris est, quod hunc habeat adhuc in professorem; quam honoris, quod habeat etiam Medicum; modo se illo in signam non præstet. Dicitur secundo ei displicere unum collegam in alium libros edere, præsertim expresso nomine. Sed ob hanc rationem ipse potius Rector, qui in hoc judicio erat accusator, & Præses, solus reus esse debuisset, solusque erat condemnandus: Ipse enim antea, cum verba ante edita citârit, non læscissus, libellos duos, thesium nomine, in collegam suum ediderat; eosque etiam S.S. Facultatis Theologicæ auctoritate munire conatus erat, ut innocentem circumveniret, ac per calumniam everteret: Ac ridiculum est, si se excuset quod nomen ejus non posuerit, cum ipsam et ejus verba ante edita citârit, eumque ita designârit ut nemo posset dubitare quin ille esset quem impugnabat; Medicus autem ei tam modestè respondit, ac nomen ejus tot elogiis ornavit, ut non contra ipsum, sed à mihi potius ad ipsum scripsisse, ac eum honoris tantum causâ nominâsse fuerit credendum: Ut & reverâ creditum fuisset, si Theologus rationes, utcumque saltem probabiles, ad eas Medici refellendas habuisset. Quid autem

ini-

iniquius esse potest, quàm quòd Rector Collegam suum injuriosum reum faciat, ob id unum, quòd tam manifestas & veras rationes attulerit, ad rejicienda crimina hæreseos, & atheismi, quæ sibi ab illo fuerant imposita, ut se ab ipso per calumniam circumveniri non passus sit. At nempe improbat Theologus *eam propugnandi pro nova & præsumpta Philosophia rationem*, quam in Medici libello ait frequentari; *nepote cum verborum insolentia conjunctam*, in approbationem eorum qui *vulgarem ut veriorē præstentur*: Ipse scilicet vir modestissimus verborum insolentiam in alio reprehendit, quam tamen reverà nullam fuisse quisque potest agnoscere, sit tantum consideret ipsa loco hic citata, quæ hinc inde ex Medici libro, ut omnium maxime insolentia, atque ad invidiam concitanda aptissima, excepta sunt. Præsertim si etiam notetur, nihil esse usitatus in scholis Philosophorum, quàm ut quisque sine ullis verborum delinquentis id quod sentit loquatur, atque ideò solas suas opiniones veras esse, aliasque omnes falsas affirmet: Assuefecit enim illos disputandi usus isti libertati, quæ fortè in iis qui urbaniores vitam sequuntur durior esset; Item pleraque ex verbis, quæ hic citantur, tanquam si contra omnes omnium locorum Philosophos invidiosè dicta essent, non nisi de solo Theologo esse intelligenda, ut ex libro Medici clarum est; nec in plurali numero, & tanquam de tertia persona fuisse prolata, nisi tantum ut illum minus offenderent; Ac denique ea quæ hic norantur de Choroëbo, item de Atheis aut bestiis &c. non pòntè à Medico fuisse scripta, sed prius injuriosè ac falsò à Theologo in ipsum jacta, quæ ut posset refellere, coactus fuit veris & evidentibus rationibus ostendere illa nomina non sibi, sed potius adversario suo convenire. Quis ferat hominem tam importunum, ut sibi velit licere alios per calumniam Atheos & bestias vocare, seque ab iis cum veris rationibus modestè refutari non pariat? Sed festino ad illa quæ me magis spectant. Tres habet rationes ob quas novam Philosophiam condemnat. Prima est quod veteri adversetur. Hic non repeto, quod supra dixi, meam Philosophiam esse omnium antiquissimam, nihilque ab ea diversum esse in vulgari, quod non sit novum: Sed tantum interrogo an rectè intelligat istam Philosophiam, quam eodem modo, homo usque adeò stolidus (aut, si mavult, malignus) ut eam in Magis suspitionem voluerit adducere, quia figuras considerat? Interrogo etiam cur disputari soleat in scholis, haud dubiè ad manifestam veritatem querendam, si enim jam haberetur, cessarent istæ disputationes, ut patet in Geometria, de qua non moris est disputare: sed si vel ab Angelo manifesta illa veritas, tam diu quaesita, & expectata, proponeretur, nunquid per eandem rationem esset rejicienda, quia nempe iis, qui scholarum disputationibus assueti sunt, nova esse videretur? At fortè inquit, non disputari de principiis quæ tamen à præsumpta nostra Philosophia evertuntur: sed cur ea tam facilè everti sinit, cur rationibus non fulcit? & nunquid satis ostenditur ea esse incerta ex eo quòd i ipsi nihil certi hactenus superstrui poterit? Altera ratio est, quòd i juvenus, illius præsumptæ Philosophiæ adminiculo *technologiam* in Auditorum libris usitata percipere ne queat:

Quasi

Quasi verò necesse sit ut Philosophia, quæ ad veritatis cognitionem est instituta doceat ulla vocabula quibus ipsa non egeat. Iam non Grammaticam & Rhetoricam potius eo nomine condemnat, cum earum magis officium sit agere de verbis, ætamen ab illis docenda sed sunt alienæ ut tanquam barbara rejiciantur? Dicitur ergo eas idcirco *juventutem à sana Philosophia avertere, ac impedire quò minus ad culmen eruditionis provehatur*; nec magis erit irridendus, quàm cum de nostra Philosophia idem dicit; neque enim ab ipsa, sed à libris eorum qui vocabulis istis utuntur, ipsorum explicatio est requirenda. Tertia denique ratio duas habet partes? quarum altera est manifestè ridicula; & altera injuriosa & falsa: Nam quid tam verum & apertum est, ex quo non facile ab *improvida juvenute varia, falsa & absurda opinioniones deduci possint*: Quod verò ullæ ex mea Philosophia reverà consequantur *quæ pugnent cum orthodoxa Theologia*, planè falsum est & injuriosum: neque utar exceptione quòd ejus Theologiam orthodoxam esse non putem: Neminem unquam ideo coteripsum, quòd alia quàm ego sentiret, præsertim circa res fidei, novi enim fidem esse donum Dei; quin & multos, qui eandem quam ille religionem profitentur, etiam Theologos, etiam Concionatores, colo & diligo: Sed jam sæpe testatus sum nolle me unquam ullis Theologiæ controversiis immisceri; cumque in Philosophia etiam non agam, nisi de iis quæ naturali ratione clarissimè cognoscuntur, non possunt pugnare cum ullius Theologia, nisi si quæ lumini rationis manifeste adversetur, quod scio neminem de sua esse dicturum. Cæterum ne temere videar affirmare nullas ex rationibus à Medico allatis à Theologo solvi posse, duplex jam vel triplex ejus rei experimentum habetur. Jam enim duo vel tres libelli ea de re editi sunt, non quidem à Theologo, sed pro ipso, & à talibus, ut si quid boni continerent, ei soli tribueretur, nec, eorum nomine se tegendo, eos ineptissima proferre permisisset, si meliora habuisset. Primus libellus editus est titulo *Thesium* ab ejus filio in eadem Academia Professore; Cumque in eo futilia tantum patris argumenta ad formas substantiales adstruendas sint repetita, vel alia etiam inaniora adjuncta; nec ulla planè facta sit mentio rationum Medici, quibus jam ista omnia fuerant refutata, nihil aliud ex ipso colligi potest, quàm ejus Auctorem eas non capere, vel centè docilem non esse. Alius libellus, & quidem geminus, prodit sub nomine illius studiosi qui in seditiosum tritum dierum disputatione, Rectore præside, responderat, titulusque ejus est, *Prodromus sive examen iustitiae orthodoxæ Philosophiæ principiorum &c.* Atque in eo quidem omnia collecta sunt, quæ ab ejus Auctore, vel Auctoribus, potuerunt hæcenus excogitari ad rationes Medici oppugnandas: nam etiam secunda pars, sive novus Prodromus primo adjunctus est, ne quid omitteretur ex iis, quæ Auctori venerunt in mentem, dum prior typis mandabatur: Sed tamen in iis omnibus, nulla, vel minima, ex rationibus Medici, non dicam solidè, sed nequidem verisimiliter est refutata: Idèoque ille Auctor nihil aliud curasse videtur, quam ut crassum volumen ex meris ineptiis compingendo, ac etiam Prodromum inscribendo ura adhuc plura expectentur, eaveret ne quis respondere dignaretur: Argue hoc pacto saltem coram imperitiæ plebe, quæ

quæ libros eò meliores esse putat quò crassiores, ac semper eos qui audacissimè ac diutissimè loquuntur iudicat esse victores, triumpharet.

Ego verò qui plobeculæ gratiam non capto; nec aliud curo, quàm ut, veritatem quantum in me est protegendo, probis & petitis gratificer, ac propriæ conscientię satisfaciám: Spero me futiles istas astutias, aliasque omnes, quibus adversarii uti solent, ita palam esse facturum, ut nemo iis in posterum sit usus, nisi qui pro calumniatore atque osore veritatis apertè cognosci non erubescet. Et quidem hæcenus non parum profuit ad verecundiores cohibendos, quòd ab initio rogarim omnes, ut si qui id haberent, quò ea, quæ in meis scriptis ut vera proposui, impugnarent, id ad me perscribere dignarentur; ac promiserim me iis respondurum: viderunt enim se nihil posse coram aliis de me loqui quod mihi meritis non significarent, quin hoc ipso merito in calumniæ suspitionem adducerentur. Sed multi hoc neglexerunt, ac quamvis revera nihil invenerint in meis scriptis, quod possent falsitatis arguere, nec quidem fortè legissent, occultè tamen de ipsis maledixerunt: Idque aliqui tanto cum studio, ut integros ea de re libros conscripserint, non quidem in lucem emittendos, sed, quod multo pejus existimo, privatim coram eredulīs læstirandos; eosque falsis rationibus, sed multis verborum ambagibus repletis; partimque etiam veris, sed quibus tantum impugnabant opiniones falso milit affectas, impleverunt. Nunc autem ego hos omnes rogo, & hortor, ut scripta ista in lucem edant: docuit enim me experientia melius hoc fore, quàm si ea, ut prius rogaram ad me mittant; ne si forte responsione digna non iudicarem, ipsi interim, vel me sibi respondere non posse falso iactarent, vel se à me contemni quærerent; neve etiam nonnulli, quorum scripta vulgarem injuriam sibi à me fieri putarent, quod meas responsiones iis adjungerem; quia, ut nuperrimè de se ipso quidam ajebat, privarentur hoc pacto fructu, quò poterunt gaudere si ea ipsimet edicrent, ut nempe per aliquot menses legantur, ac multorum animos imbuant, & præoccupent, priusquam ad illa possim respondere. Hunc itaque ipsis fructum non invidbo: Quin etiam respondurum me esse non promitto, nisi ubi tales rationes invenero, ut eas passim à læctoribus solvi posse non purem. Quantum enim ad cavillationes, aut convicia, vocesque alias quasunque à proposito alienas, ipsas pro me potius quàm contra me facere arbitror, hoc argumento, quod non existimem quemquam iis in tali causa esse usurum, nisi qui plura cupiet persuadere, quàm rationibus probare possit; qui que hoc ipso veritatem se non quærere, sed eam velle impugnare, ac proinde ingenuum & probum non esse ostendat. Verum non dubito, quin etiam permulti viri candidi ac pii meas opiniones possint habere suspensas; tum quia vident eas ab aliis reprehendi; tum etiam ob hoc solum quod novæ esse dicantur, & non à multis hæcenus fuerint intellectæ: Ac fortè non facillè ullos iudicantium cœtus posset inveniri, in quo, si de iis deliberaretur, non multo plures futuri essent qui censerent esse rejiciendas, quàm qui auderent ipsas approbare. Suadet enim ratio, & prudentia, ut de re nobis non omnino perspecta, non nisi juxta id

quod in simili solet contingere, judicemus: Ac tam multi hactenus novas in Philosophia opiniones protulerunt, quas vulgaris & receptis non meliores, sed saepe periculosiores esse cognitum est, ut non immerito illi omnes, qui nondum meas clarè percipiunt, si sententiam suam rogentur, eas dicturi sint esse rejiciendas. Atque ideo, quantumvis veræ existant, mihi nihilominus metuendum esse putarem, ne fortè à tota tua Societate, ac universim ab omnibus cœtibus eorum qui docent, ut nuper à senatu illo Academico de quo jam scripsi, condemnarentur; Nisi eas à te pro singulari tua benignitate ac prudentia protectum iri considerem. Sed cum eam Societatis partem regas, à qua facilius quàm à reliquis mea specimina legi possunt, quia nempe præcipua eorum pars est Gallicè conscripta, te unum hac in re plurimum posse mihi persuadeo. Nec verò aliam gratiam à te habeto, quam ut vel ipse illa examines, vel, si majora negotia impendant, non uni R. P. *, sed aliis magis ingenuis eam curam demandes; Ac quemadmodum in forensibus judiciis, cum duo vel tres testes fide digni aliquid se vidisse affirmant, plus iis solis fidei habetur, quàm universæ aliorum hominum multitudini, quæ fortè conjecturis adducta contrarium putat, ita illis duntaxat credas quæ rem de qua judicabunt perfectè se intelligere profitebuntur; Ac demum ut si quas habueris rationes quæ me ab instituto meo debeant revocare, ipsas me docere non graveris. Etenim in paucis illis Meditationibus quas edidi principia omnia Philosophiæ quam paro continentur: in Dioptrica autem & Meteoris particularia multa exiis deduxi, quæ declarant quo ratiocinandi genere utar; ideoque quamvis istam Philosophiam nondum totam ostendam, existimo tamen exiis quæ jam dedi facile posse intelligi qualis sit futura. Nec, ut opinor, sine justa ratione maiori quædam ejus specimina præmittere, quàm integram exhibere priusquam fuerit experta: Quamvis enim, ut libère loquar, de ejus veritate non dubitem quia tamen novi quàm facile etiam veritas, à paucis invidis sub specie novitatis impugnata, possit multis prudentibus condemnari, non certus sum illam ab omnibus optari, nec volo invidis obtrudere. Quamobrem longe ante cunctos præmonere me illam parare: privati multi cupiunt & expectant: unus quidem docentium cœtus judicavit esse rejiciendam, ac quia tantum à se iustio & inepto suo Rectore ad id permotum fuisse scio, nihil apud me habet auctoritatis. Sed, si forte alii plures eam nollent, ac rationes nolendi justiores haberent, privatis ipsos anteponendos putarem. Et omnino profiteor me nihil scienter contra prudentiorum consilia vel potentiorum voluntatem esse facturum: Cumque non dubitem quin ea pars in quam Societas tua se flectet, alteri debeat præponderare, summo me beneficio afficies, si tuæ tuorumque sententiæ moneri velis; ut quemadmodum in reliqua vita vos semper præcipue colui & observavi, sic etiam hac in re, quam alicujus momenti esse puto, nihil nisi vobis faventibus suscipiam. Vale.

EPI-

EPISTOLA RENATI DES CARTES,

Ad celeberrimum Virum

D. GISBERTUM VOETIUM.

In qua examinantur duo libri, nuper pro Voetio Ultrajecti simul
editi; unus de Confraternitate Mariana, alter de Philosophia
Cartesiana.

ARGUMENTUM.

EX quo edidi quaedam specimina ejus Philosophiae quam veram, & usibus humanis apprime utilem puto, multi ex literatis, & quidem praecipue ex illis qui praeter ceteris ingeniosi & docti ab omnibus existimantur, me ad illam excolendam, atque integram evulgandam hortati sunt: Sed quamvis eorum judicio multum iribnam, certius tamen pro ipsa testimonium praeberem mihi videntur alii nonnulli scholarum controversis innituri, quod eam male dictis obtrudere, ac tanquam in herba extinguere summo studio laborent. Tam liberum enim semper fuit philosophari, & tam multi haecenus circaverum naturalium cognitionem innoxie errarant, ut si ego post alios fallar, nihil perinde periculi humana genti sit timendum; sed, si forte veritatem invenero, magna utilitas exspectanda: Et ideo fieri potest, ut ii qui amant veritatem, obtinuerint & dubiam spem ejus in meis scriptis invenienda, me ad ipsa vulganda invitent; Sed non videtur ulla causa esse posse, cur alii meas opiniones tanta cum acerbitate impugnent, quam quod firmiter sibi persuadeant esse veras, & timeant ne si veritas cognoscatur, nullus amplius bonos futuros sit scholasticis istis controversiis, in quibus eorum doctrina consistit. Quoniam autem hi non rationibus, sed sed solis obreclationibus me impugnant, non soleo ipsis respondere: Verum unus ex eorum numero Gisbertus Voetius, non contentus, ut ceteri, me erroris & ignorantiae insimulare, tam atrocibus criminibus mihi assurgit, utque tam obliquis suam in me maledicentiam exercet, ut ejus injurias taceri a me non debere judicarem.

Cumque anno superiore iudicium quoddam nomine *Academiae Ultrajectinae*, cuius tunc Rector erat, edidisset, in quo meam Philosophiam eo praetextu condemnabat, quod fingeret varias falsas & absurdas opiniones ex ea consequi, pugnautes cum orthodoxa Theologia, coëgis me ad istud iudicium scripto enidam, quod tunc forte habebam sub prelo, inferendum, adjunctâ ipsius refutatione, ac simul Voetii virtutum brevi descriptione: ut, quia me non rationibus, sed sola auctoritate aggredebatur, quantum ejus valere debeat auctoritas omnibus notum facerem, eumque ad falsas istas & absurdas opiniones pugnautes cum orthodoxa Theologia, quas ex mea Philosophia sequi dixerat, proferendas adigerem. Quamvis enim ab his qui suprema utuntur potestate rationem iudicati petere non liceat: certè si ille qui alium in quem nihil habet juris ausus est condemnare, causas istius condemnationis petenti nullas dat, hoc ipso calumniosorem se esse declarat. Quamobrem expectabam aliquod à Voetio responsum, quo illas opiniones pugnautes cum orthodoxa theologia nobis ostenderet, ac se calumnia suspicione liberaret, cum editus est pro ipso prolixiusliber, cui titulus, *Philosophia Cartesiana, sive Admiranda Methodus novæ Philosophiæ Renati des Cartes*: sed prodit sub nomine unius ex ejus discipulis, qui Groningæ est Philosophia Professor, & nullâ in eo rationes ad prius scripta probanda vel excusanda, sed novarum calumniam prioribus atrociores continentur. Quippe præter insolentiam & vilitatem convitiis solis caloniis dignam, nihil in eo libro mitius de me affirmatur, quàm quod subdole ac admodum occultè doceam Atheismum; & tam insolentis ac criminis maledicti nulla alia probatio offertur, quàm quod scripserim contra Atheos, & multi iudicent me solidè ipsos refutasse: aded ut nihil unquam scribi possit, in quo magis evidens & magis inexcusabilis calumnia reperiat. Quod mihi necessitatem imposuit ipsam hoc scripto refellendi, atque opem Magistratum ad tam importunum calumniatore coércendum publicè implorandi. Cum enim publicè stipendii fruatur adjuventem instituendam, & sit Academia Professor, si tam atrox & tam infame ipsius crimen maneret impositum, auctoritate eorum qui illum ipsum munere fungi permittunt, fulciri quodammodo videretur: Et nulli unquam Collegio, nulli vè Reipublice dedecori tribui potest, quod aliquis in ea sit nocens; ideo enim ubique leges & Magistratus habentur, quod ubique nocentes esse possint; sed illi maximâ laude digni sunt apud quos nulla crimina, postquam fuerint clare detecta, tolerantur. Cum autem ante aliquot menses paginas 144. sive sex prima folia istius maledicti libri accepissem Ultrajecto, ubi ejus editionem à Voetio curari audiebam, ad illa successivis horis per otium respondi. Cumque deinde ista editio fuisset aliquandiu intermissa propter librum de Confraternitate Mariana, cuius impressionem apud eundem Typographum Voetius magis urgebat, ut prodiret ante tempus Synodi Gallo-Belgicae, nuper Haga habitæ, in qua de re à se in eo impugnata actum iri putabat, credidi esse officii mei hunc etiam librum

libram statim atque produci in lucem examinare: Non quidem qualenus in eo agitur de quaestione ad religionem à mea diversam pertinente, quod summà cum diligentia vitavi, ne quam adversario darem occasionem obstringendi; sed quatenus ex eo illius malignitatem & mentiendi licentiam clarissime potui demonstrare. Cum enim Voetius in me non prodeat nisi personam, & nunc comitatu meum ex suis discipulis, nunc alium, ut qua illi scripserint prestare non teneatur, ad interim tamen suâ auctoritate illa confirmet apud eos, qui considigantes illum esse Ecclesie Ministrum, ac proinde esse debere virum probum & minime mendacem, non credenti possunt fuisse discipulos suos, pro se, ac se conficio scribentes, tam infanda crimina mihi imponere, nisi essem nocens: Necessarium esse putavi omnem istam, qua tam malè utitur, auctoritatem elevare, non nullade ipsius factis, doctrina, & meritis exponendo, tum ut me ab ejus calumniarum importunitate possim liberare; tum etiam ad publicam utilitatem, quia non mihi soli hac in re est importunum. Nec moror ineptas querelas, quibus, ut ingenium ejus novi, haud dubit invidiam mihi constare conabitur, dicendo me in suâ personâ impugnare etiam alios Theologos, ac de religionis suæ controversiis judicium ferre; quia nemo, qui hoc scriptum legere dignabitur, non agnoscat istud esse falsissimum, ac me ab utroque accuratissimè abstinuisse. Quin etiam cum his diebus audivissem jactari ab ejus amicis aliquid pro ipso fuisse nuper judicatum in Synodo Gallo-Belgica, de re diligenter inquisivi, ne fortè quid in hoc scripto haberem, quod ibi fuisset improbatum: sed lectis omnibus ejus Synodi articulis, in quibus aliqua sit mentio Sodalitatis B. Mariæ, tantum abest ut quicquam invenerim quod Voetio faveret, quin potius apertam ejus condemnationem in iis contineri deprehendi. At enim illa Synodus in art. 24. se non probare quod unus ex suis Concinatoribus affirmatum istius causæ partem propugnandam suscepit, motu proprio, & non petiti Synodi sententiâ, (quamvis rogatus ab iis, pro quorum defensione id egit.) Additque rationem, non quod causam malam judicat, vel defensionem non aquam & bonam, sed quòd ista quaestio generaliter ad omnes Ecclesias pertineat: Ob quam eandem rationem art. 25. ejus decisionem ad generalenationibus Synodum remittit, quamvis ab Ecclesia Sylvaducensi rogata esset ad judicium ferendum: Ex quibus manifestum est, illam etiam nullo modo posse probare quod Voetius motu proprio & non petiti hujus Synodi sententiâ negantem ejusdem causæ partem publicè sustinuerit, non ut aliquos defenderet, sed contra ut infamaret, solvique plus auderet quam tota Synodus Gallo-Belgica. Nec putandum est, ipsam neganti parti magis quam affirmanti fuisse, ex eo quod consilium dederit pro Senioribus Ecclesie ut extra istam controversiam ponantur; addidit enim, propter scandalum quorundam: qua ratio, ut nempe aliis offendicula non dentur, sufficere solet viris piis, ut sape ab iis faciendum abstineant, in quibus nullam vel minimam mali umbram suspiciantur; cumque Ecclesia

Sylvaducensis quāvisse indifferenter de Sodalitio B. Virginis, ac de collegiis Canoncorum aliisque Sodalitiis ab aliquibus Sanctis denominatis, qualia multa in his regionibus, sine ullius offendiculo habentur, Synodus ei respondens non significavit esse ullum discrimen inter causam illius Sodalitii & aliorum, ut neque etiam ullum ullius momenti ex toto Voetii libro colligi potest: etsi hac alia isti scandalo quorundam minus sint exposita; quia jam longo usu recepta. Denique post librum de Conf. Mar. residuum libri de Philof. Cartes. typis mandatum est, quo viso ad ipsum etiam aliquid respondendum esse duxi: atque ita quod tantum epistolam fore putabam, paulatim ob copiam materia in librum excrevit. Hunc autem in novem partes distinxi, ut singula seorsim legi possint, & ita prolixitatis tadum minuat.

In prima respondeo ad libri de Philosophia Cartesiana introductionem, in qua auctor mea vitia summam voluit recensere. Pag. 311

In secunda remunerō dominum Voetium narratione quorundam ejus factorum, ex quibus ipsius virtutes primum nosse cōpi. Pag. 317

In tertia primum & secundum caput ejusdem lib. de Philosoph. Cartes. per- curro. Pag. 321

In quarta meam de usu librorum & doctrina Voetii sententiam expono. Pag. 322

In quinta breviter ago de reliquis istius libri capitulis inque ad Paginam de duabus primis ejus sectionibus. Pag. 331

In sexta librum de Confraternitate Mariana examino. Pag. 334

In septima quid meriti sit Dominus Voetius, & quale specimen charitatis Christiana ac probitatis libro isto exhibueris, considero. Pag. 350

In octava revertor ad librum de Phil. Cart. ejusque praefationem (quam antea non videram) & tertiam sectionem revisito. Pag. 364

In nona ad quartam & postremam ejusdem libri sectionem respondeo, & simul ostendo ejus Auctores atrocissima ac planè in excusabilis calumnia reos esse. Pag. 373



CELEBERRIMO VIRO,

Domino

GISBERTO VOETIO,

RENATUS DES CARTES

S.D.

DUDUM mihi nunciatum fuerat te librum aliquem in me parare jamque ecce sex prima ejus folia tandem accepi, & multo plura dicuntur sub pralo esse: Verum quia ex paucis paginis, quas max evolvi, facile cognosco non opera esse, ut multum temporis in eo examinando impendamus, nec forte etiam ut totum expectem, antequam de eo judicium feram, idque ad te prescribam. Legam hac sex folia iis horis quas animi relaxationi dare consuevi, quicquid in iis effatu dignum advertam, eodem ordine quo inter legendum occurret, hic notabo.

*De Introductione libri qui Philosophia Cartesiana
falsò inscriptus est.*

PARS PRIMA.

Nondum habeo folium illud quod integrum titulum continebit, utpote quod nondum impressum est, & forte, ut fieri solet, omnium ultimum imprimetur: sed quia in superscriptione paginarum video te librum tuum Philosophiam Cartesianam nominare, vereor ne qui existiment te id fecisse in fraudem Lectorum, ut cum librum non absimilis tituli sed dissimilissimi argumenti à me expectent, tuum illis in mei locum vendatur: atque ideo zgre ferre non debebis, si maturè hanc epistolam, ad illos instituti tui certiores faciendos, evulgem.

In primis septem paginis habes tantum exordium commune in Novatores, & de laudibus Aristotelis, in quo nihil notatu dignum invenio; Nisi forte quod pag. 2. queraris quosdam Theologiae Doctores immoderato concordia Zelei ipsam doctrinam ac pietatem consumere, tanquam si concordiam optare esset aliquod crimen præcipuum, & vulgare Theologis; quod ego virtutem maximam & verè Christianam semper putavi. Beati pacifici, Domine Voeti, sed quandiu rixas quæres, non eris felix.

In pag. 8. de me sic loqui incipis. *Tanta Gigantum horum presumptio, ut nuperrime quis ex ordine eorum, quem cerio possum probare, ne quidem terminos Philosophia Peripatetica intelligere, in scurrili ac mendaci epistola ad Dinetum* pag. 152. hunc in modum scribere ausu fuerit: Quinimo profiteor, ne unius quidem quæstionis solutionem ope principiorum Peripateticæ Philosophiæ peculia-

specularium, datam unquam fuisse, quam non possim demonstrare esse illegitimam & falsam: Fiat periculum, proponatur, non quidem omnes, neque enim operæ pretium puto multum temporis ea in re impendere, sed pauca aliquæ selectiores, stabo promissis. *Quæ hunc tenebrionem cum porculo Anticyræ ablegandum non esse iudicat?* Ex quo initio facile quisque intelliget te hic convitiis nolle parcere, ac mihi non esse amicum, & ideo nullam fidem iis quæ de me dixeris esse adhibendam, nisi ea certis testimoniis aut rationibus confirmes. Quamvis autem verum esset id quod ais te posse probare, nempe *me ne quidem terminos Philosophiæ Peripateticæ intelligere*, parum curarem; nam contra potius mihi putarem esse indecorum, si nimis curiosè illos didicissem: sed tamen quia nullum designas ejusmodi terminum, quo unquam perperam usus sim, non credent homines te hic verum loqui; Præsertim cum in pagina sequenti videbunt, te à sermone tuo evagari, ut D. Regio Medicinæ Professori dignissimo, & Collegæ tuo, exprobres illum in nomenclatura cujusdam herbæ errasse, quod idem jam antè millies à te est jactatum (& infra in pag. 37. 38. & 43. adhuc jactatur), quamvis ut alii affirmant, injustè; nihilque ajunt huic fabulæ locum dedisse, nisi quod in quadam hellebori specie nominanda Dodonæum sequutus sit. & sciolus nescio quis aliud ejusdem herbæ nomen ex alio libro habens, illum ideo errare putarit. Ingens crimen, scilicet, circa plantæ alicujus appellationem ab aliquo dissenisse! Quis nescit vix ullas esse quæ non permulta habeant nomina, de quibus celeberrimi quique Botanici quotidie inter se dissentiunt? Vereor, ne qui advertent hoc crimen ita urgere, non sine causa dictum putent, te de quibuscumque scientiis *audacissimè sed & imperitissimè loqui solere*. Qui autem insuper sciunt quantas turbas excitaris ob unicum illud verbum *ens per accidens*, quod idem Regius in quadam Thesi, modo à Scholarum usu nonnihil diverso usurparat; quomodo inde sumpseris statim occasione Theses acerbissimas in illum scribens, easque per triduum ventilandi; & quomodo istud verbum in ipso earum titulo notare, ac tanquam hæreticum ex S. S. Facultatis Theologiæ auctoritate condemnare volueris, quamvis nihil plane in eo esset mali, sed contrà, ut ipse optimè in sua ad illas tuas theses responsione explicuit, eo usus esset ad majorem sibi gratiam apud Theologos conciliandam; non dubitabunt quin eodem modo, si vel minimum aliquod verbulum ex meis scriptis posses arrodere, illud hic in limine ostentasses, ad fidem aliquam reliquis tuis dictis faciendam: (vel saltem intra id protulisses in quinto capite secundæ sectionis, in quo integro de illa re differis, & tamen nullum proferes.) Quod prolixè hic moneo, ut scias, nullam à prudente lectore habitum iri rationem maledictorum quæ in me coniecisti, nisi viderit illa vel prius vel eodem illo in loco in quo scripta sunt, aliquo saltem verisimili argumento esse probata: Norum est enim te ne levissimas quidem rationes omittere, cum potes aliquas asserere.

Ita

Ita quodd epistolam meam ad R. P. Dinct scurrilem & mendacem appelles, omnes pro convitio numerabunt, quia nullibi ejus mendacia, nec ejus scurrilitatem ostendis; & cum in aliis omnibus meis scriptis, tum præcipue in illa epistola, quam ad virum magnæ auctoritatis & mihi valde reverendum scribebam, maxime serius & verax esse laboravi.

Magnam autem invidiam putas in me concitare quodd in ipsa posuerim, nullius quæstionis solutionem ope principiorum Peripateticæ Philosophiæ peculiarium datam unquam fuisse, quam non possim demonstrare esse illegitimam & falsam: sed hic desidero prudentiam tuam; prodis enim causam quam defendis, & mea verba confirmas, cum nullam talem solutionem quæ à me falsitatis argui non possit, exhibeas, sed tantum pro omni refutatione, me tenebriorem & stultum vocas: Quia satis homines sciunt te semper in aliis provocandis, & in quæstionibus proponendis quam maxime fuisse liberalem. (Ita etiam infra pag. 88. eadem mea verba iterum refers & solis convitiis refutas.) Atque hinc profecto detegent minus docti pauperatam Philosophiæ vulgaris: quamvis enim eam fortasse aliis sæpe audiverint à multis contemni; quia tamen ipsam ut divinarum & humanarum rerum cognitionem, aliarumque omnium scientiarum fundamentum, tu & tui similes venditatis, nunquam haud dubie suspicati sunt eam usque aded esse infelicem, ut ne unius quidem reicertam cognitionem contineat; Sed nunc quis dubitet, si quam contineret, quin vel à te hoc in loco, vel jam ante ab aliquo ex Patribus Societatis JESU, ad quorum Superiorem verba quæ citasti scripta sunt, & quos nostri esse doctissimos, sed qui tamen hac de re hactenus silent, fuisset prolata? quantum autem ad doctiores, jam dudum omnes satis sciunt nullam planè demonstrationem principis Peripateticæ Philosophiæ peculiaribus posse superstrui; Et quia videbunt me nihil aliud ibi jactasse, nisi tantum quod si quæ ratiocinatio principis Aristotelis innixa pro vera demonstratione vendideretur, ego sim ejus vitium ostensus, nullam sane in me nimiam arrogantiam reprehendent, nec dubitabunt quin persicile id quod ibi pollicitus sum, possim præstare: Quæstionis enim solutio non in sola conclusione consistit, sed maxime etiam in præmissis, ex quibus nisi conclusio bene deducatur, etsi casu vera esse possit, solutio erit nihilominus illegitima & falsa.

Dicis postea in eadem pag. 8. me audere meam Philosophiam partim otiosis quibusdam hominibus nullius studii, nullius eruditionis, partim viris quibusdam politicis obtrudere. Addisque pag. 9. me alias dama timidorem & in solis lustris mei tenebris animosum, nuper steriles & abortivas nugametas, velut veram & meram Philosophiam, per Medicum quendam in novam aliquam, sed tamen non incelebrem Academiam, explosa scilicet omni antiqua Philosophia, introducere serio laborasse. Ac deinde in Medicum illum excurris, ut ei nomenclaturam herbæ, de qua paulo ante loquutus sum, exprobes. Tandemque de me sic concludis: Lepidi hujus hominis, & ad risum iugue inepti Philosophiam, in gra-

tiam juvenutis) qua ignara non esse debet initorum certaminum quibus Aristoteles sumi petiunt) imo aliorum quibus mendacissimus homo imponere & sumos vendere laborat), pauca deligere decretum est. Ad quæ tantum respondeo, te valde errare, si putes me ullis unquam meas de Philosophia cogitationes obtulisse. Novimus, in jis pag. 12, qua vis agiliū manuum adulantisque lingua blanditiis insit. Tu scilicet nosse potes, quia concionaris & doces; ego autem ruri habito, & quantum possum me ab hominum turba semoveo, nullius unquam auribus insidias feci, nullos unquam discipulos habui, nullos quæsi, sed potius fugi; Quin & Regius jam dudum erat Professor factus, & ea docebat quæ dicis me perillum in Academiam vestram introducere voluisse, antequam ipsum unquam fuisset alloquutus, atque ideo si quid à me habeat, totum id ex scriptis meis antea vulgaris eduxerat; idque vi ingenii singulari, neque enim in illis Philosophiam explicui, sed nonnulla tantum ejus specimina proposui, ut quisque ex iis posset judicare, utrum è re sua esset, reliqua mea cogitata cognoscere; Utque hoc pacto si nullis prodesse possent, nemini saltem nocerem, & de omnibus bene mererer. (Ut videre est in pag. 5. & 6. Dissertationis de Methodo, & in epistola ad P. Dinet.) Ac certe hæcenus ista specimina tot & talium virorum gratiam mihi conciliarunt, ut eorum me non debeat pœnitere. Quæ accurate hic moneo ut scias nullam aliam esse viam ad opiniones meas impugandas, quàm si illæ in scriptis jam à me editis examinentur, ostendanturque aliqui in iis contineri, quod sit malum vel falsum. Nullus hic captioni vel fraudi est locus, scripta ista in hominum manibus versantur, potest ea quilibet otiose examinare, atque reprehendere. Sed si quis fingat alia in iis contineri, quam revera contineantur, vel ipsis prætermisissis ineptas aliquas opiniones nullibi à me scriptas mihi velit tribuere, nemo non facile animadvertet illum calumniari.

Antequam vero, ut ais pag. 10. per certâ capita ordine novæ & superbissimæ Philosophiæ mysteria proponas, illius Architectum indicare debes. Quod admodum probò, cum enim ego in epistola ad P. Dinet. pag. 177. tuas doctes breviter describeret, optimo jure par pari refers, & sane perlibenter audiam mea vitia hic recenseri, ut si quæ forte amici mihi dissimulant, vel propter benevolentiam non vident, ea ex te addiscam, in meam emendationem: Convicia enim quæ jam præmisisti, me certum faciunt te nulla ex iis, quæ scies, per gratiam esse omisissurum.

Sic ergo incipis. Nomen illi ad tempus silentio pressum, & ab eo ipso indicatum est Renato des Cartes: patriæ illi est Gallia, orbis Europæ fidui. Si alterum titulum fides adhibenda, nobilissimus aut saltem nobilis est. Natalium hanc prærogativam, quæ pessimis ac fatuis etiam nascendi forte contingere potest non invideo. Huc usque nihil affers ex quo deterior videri possim: Quamvis enim pessimi & fatui ex opuntis quibusque nascantur, non tamèa inde, ut puto, vis inferre

inferre minus bene esse sentiendum de eo qui honestos habuit parentes, quasi de eo qui forte ex cacula in gurgustio est natus, & inter exercituum meretrices & lixas prima suæ pietatis aliarumque virtutum didicerit rudimenta.

Pergis autem sic. *Emolumenta ejus* (nobilitatis) *videbimus, ubi filium legitimum genuerit, illi enim quorum hactenus pater perhibetur, subsequentiibus annis infelices nobilitatis paternæ testes futuri sunt.* Quorum verborum nullus est sensus, neque enim filius illegitimus quicquam solet detrahere nobilitati patris: Et sane si quos tales haberem, non negarem; nuper enim juvenis fui, & nunc adhuc homo sum, nec unquam castitatis vorum feci, nec sanctus præ cæteris volui videri: Sed cum revera nullos habeam, nihil ex tua ista phrasi potest intelligi nisi tantum quod sum caelebs; Nec miror te, qui de Clericis dicere soles esse miraculum, si castitatem servant in cœlibatu, noluisse me fingere illis sanctiorem.

Sed reliqua videamus. *Internas dores, inquis, si iis tenebras non laborarent offundere, predicarem universi.* Ingeniosum enim quis eum esse neget? nec tamen Deum quis (nisi aliquis foveam omni genere libidinis architectum cogitet) habendum est, quemadmodum cæci ejus sectatores imperius persuadere student. Ingeniosi quoque sem subdoli, nec minus vesani ac furiosi fuerunt, Epicurus, Marcion, Aphon, Tayanobius, Manes, Lucianus, Mahometh, David Georgius, Machiavelius, Julius Cæsar Vaninius, Campanella, Godefridus de Valle, Martinus Scidellus Silesius, Franciscus Davidus, Faustus Socinus, Anselmus Permentis, D. Faustus, Henr. Cornelius Agrippa, R. Lipman Mulhusinus, Joannes Torrentius, quamvis vulgaris & illiteratus pictor, aliique sine numero, omnes ardore & iracundia & nonnulli quædam. Non unum ingenium quem ad unguem perfectum reddas; sæpe enim male habitat. Ex quibus omnibus nihil video elici posse, nisi quod fatearis me non esse planè ingenio destitutum, & aliquos esse qui me contemnant, quod nimis invidioso nomine exprimis, fingendo illos me facere apud alios Deum: nec examino an esse subdolum & ingeniosum idem sint; nec an solum ingenium quem ad unguem perfectum reddat: satis est quod non etiam reddat magis imperfectum, ut, opinor, concedes.

Hæc vero adhuc subjungis pag. 11. *Ceterum qua occasione vir noster ingeniosus philosophari inciperit liquido affirmare non possum.* Conjectura probabilis si locum dandum sit, dicerem, sub ignavi Loyola sidere natum esse: ut hic enim superstitiosa secta molitur est fundamenta, postquam confusis membris de murali aut navali in bello corona indispicenda desisteret: ita noster post militia non longe exprocinia, desperans Marefballi aut Legati imperium, fultus qualiscunque mathematico presidio, novam philosophiam, ut novum ad gloriam iter redditis cepit. Ex superstitione trophæum erigere dubio procul studuisset, nisi infirmitatis suæ conscius, vir fibula aut cuculi impatiens, indomitam libidinem prœdixerim hypericoseo aliquando metuisse. Quæcum fatearis esse tantum conjecturas tuas, hoc

est, esse omne pessimum quod de me fingere potuisti, nihil inde inferri potest, nisi te non esse admodum felicem Pictorem nec Poetam: Sumpta enim libertate quilibet pro arbitrio imaginandi, certe longe alia ad institutum tuum aptiora excogitare debuisses.

Sed tandem pag. 12. transis ad eos, quos vocas Philosophiz mez sectatores, utque dicas me videri velle aliquos habere uteris hac phrasi percleganti: *Auctor ejus* (Philosophiz) *videri vult quosdam decipisse, & ad deliriorum ἀγέλην pertraxisse.* Quippe non satis esset covitii si tantum diceres, illos decipi & insinuire qui aliquas ex meis opinioibus probant, sed, ut magis credatur, fingis me ipsum in iactare: Ac deinde in illos inveheris: Sed quia nullam adhuc Philosophiam edidi quæ habere possit sectatores, & iis qui ex speciminibus à me editis de illa quam promisi non male sperant, sunt tales ut meâ defensione non egeant, nihil de illis dicam. (*Notet, queso, lector hac inquit scripta esse cum nondum sufficeret Philosophiam Cartesianam sub alio quàm Voetii nomine prodituram; postea vero non fuisse mutata, quia, ut satis infra ostendetur, ipsa nihilominus est Voetio tribuenda.*)

Rogo tantum ut consideres quidnam in hac scripti tui parte, in qua me depingere, ac si non omnia, certè præcipua mea vitia enumerare studuisti, quæque hic tota exscripta est, contineatur, ex quo prudens lector possit judicare, illa epitheta quibus paulò ante viderat me à te ornari personæ mez convenire: Nempe in vitia mea inquirendo nihil aliud invenisti, nisi quòd sim natiòne Gallus, ex honestis parentibus natus, non planè ingenio destitutus, quodque vivam celebs, & sultus qualiscunque Mathematicos præsidio novam mediter Philosophiam, de qua jam aliqui non malè sperant. Nominas autem me scurram, tenebriorem, stultum, damâ timidiorem, ad risum usque ineptum, mendacissimum, fumivoluntum. Et cum hæc omnia in duabus primis paginis, in quibus de me agere coepisti, habeantur, verisimile est adhuc plura & fortè indigniora in sequentibus repertum iri. Quæ si effutita essent ab ebriosa muliere, vel ab irato Caupone, riderentur; Sed cum scripta, & typis mandata sint à Theologo, Ecclesiæ suæ Pastore, qui religiosissimus & piensissimus vult videri, qui que aliis præesse debet exemplo, non dicam mansuetudinis, humilitatis, patientiæ, charitatis, ne fortè falsi has istas veteris Ecclesiæ virtutes, sed saltem moderationis, clementiæ, gravitatis, non video qua ratione possint excusari.

Etsi enim Philosophia, in quam inveheris, mala esset, quod nullibi adhuc ostendisti, nec unquam ostendes; quæ tamen tanta in illa perversitas fingi potest, ut ideo ejus auctor atrocissimis convitiis debeat proscindi? Philosophia quæ à me aliis que omnibus ejus studiosis quæri solet, nihil aliud est quàm cognitio eam veritatum, quæ naturali lumine percipi possunt, & humanis usibus prodesse: a sed, ut nullum studium honestius, nullum homine dignius, nullumque etiam in hac vita utile esse possit. Philosophia autem illa vulgaris, quæ in scholis &

Academiis docetur, est tantum congeries quædam opinionum, maxima ex parte dubiarum, ut ex continuis disputationibus, quibus exagitari solent, apparet; atque inutitum, ut longa experientia jam docuit; nemo enim unquam ex materia prima, formis substantialibus, qualitatibus occultis, & talibus aliquid in usum suum convertit. Quapropter nullo modo rationi consentaneum est, ut ii qui opiniones certas, quas ipsimet fatentur esse incertas, diu hinc inde, alios odio habeant, quia certiores invenire conantur. Odiosum quidem est circa religionem aliquid velle innovare; quia cum quisque illam, quam amplectitur, dicat se credere institutam esse à Deo, qui errare non potest, nihil ex consequenti credit in ea posse novari, quod non sit malum; Sed circa Philosophiam, quam ultro fatentur omnes nondum ab hominibus satis fieri, ac multis egregius inventis augeri posse, nihil laudabilius est, quam esse Novatorem. Dices fortasse, te non illos quidem vituperare, qui aliquid veri in Philosophia invenerunt, sed me nihil tale invenisse; quod tamen, ut spero, nunquam probabis. Sed esto, nihil invenierim, an ideo convitiis potius, quam veniæ & amicæ admonitione, dignus eram? Crede mihi, Domine Voetii, nihil hic aliud prudens lector judicabit, quam te, dum hæc scriberes, tanto male dicendi studio incensum fuisse, ut neque quid te deceret, neque quid verum aut verisimile esset, consideraris.

De factis Voetii, ex quibus ejus virtutes primum nosse capi.

PARS SECUNDA.

Quia verò non solent homines ita in alios invehi sine causa, nequam forte culpæ meæ videbar tibi dedisse, omnia, quæ mihi tecum hætenus interecesserunt, breviter commemorabo. Nunquam te, quod sciam, sum alloquutus, nec dum mihi facie es notus, ac de te non magis cogitabam, quam de iis qui nondum sunt nati, cum primum mihi nunciatum est, te solere inter Atheos me numerare; professoremque De Roy, quem norant homines multa docere, quæ cum opinionibus meis conveniebant, iniquissimis machinationibus à te impugnari. Hoc verò me impulsit, ut de rei veritate diligentius, & quidnam hominis esses, quid te ad hoc moveret, inquirerem. Sed quantum ad rem, non dubia erant; Theses tuæ in Regium jam exstabant, & egregium in novam Philosophiam judicium brevipostea fuit editum. Quantum autem ad mores audiebam te esse admodum diligentem & assiduum in muniis omnibus Ministerii ac Professionis tuæ obeundis; te sæpius concionari, sæpius docere, sæpius disputare, quam reliquos tuos collegas; supercilio etiam, voce, gestu majorem pietatem præ se ferre; tantoque videri zelo ardere pro veritate ac puritate religionis tuæ tuenda, ut non modo levissima quæque vitia, præsertim potentiorum, sed ea etiam, quæ à multis pro vitiis non habentur, summa cum severitate reprehenderes, & in omnes à te dissentientes vehementissimè disputares, ac declamares.

Quæ me ſanè impulſiſſent, ad te tanquam unum ex Prophetis aut Apoſtoliſ ſuſpiciendum, ſi nulla mihi dubitatio remaniſſet ex eo, quòd ſcirem me à te in-juſtiſſimè inter Artheos numerari. Sed quia interdum etiam viri boni, malè ab aliis perſuſi, vel non ſatis prudenter judicantes, falli poſſunt, unum è duobus neceſſarium eſſe putabam, ut vel eſſes reverà ſanctiſſimus, et ſiſſortè non ſatis prudens; vel (ignosce nullum mihiſ verbum ad rei veritatem exprimendam inveni-ent) hypocrita: Neque enim cum iſtis doctis, quas in te eſſe audebam, mediocritatem ullam in virtutibus aut viſis conſiſtere poſſe judicabam. Utrum autem è duobus illis verum eſſet, evidentius poſtea perſexi ex iis quæ in Regium molitus es. Scivi enim quo pacto, cum primùm Academiæ Rector fuiſti, ſubito majorem quam ante amicitiam cum illo colueris, & effeceris ut ei, quoties veller, publicas diſputationes habere liceret, quod nunquam antea lice-erat niſi ſpeciali ſacultate à magiſtratu impetrata: quia nempe, ut ſis, duo ejus Collegæ, Phyſicus & Medicus, dolebant cum multa docere à ſuis diverſa, & ne quid us auctoritatis per iſtas diſputationes accederet, verebantur. Scivi etiam, quo pacto ille pro magno beneficio id habens, uſque adeò te colent, ut Theſes omnes, quas illo tempore diſputandas propoſuit, eas ſcilicet in quibus integram Phyſiologiam ſuam complexus eſt, tibi, antequam Typis mandarentur, legen-das, examinandas emendandasque tradiderit. Neque hoc potes inſitari; pau-cula enim, quæ tibi miuſ placebant, manu propriâ noſaſti, eaque ille omnia, ut voluiſti, mutavit; & non dubito quin nunc adhuc ſcriptum tuum inter ejus adverſaria ſervetur. Sed ſanè mihi valde fuit mirum, quòd cum nuper hoc ipſum, & alia nonnulla, quæ meliùs ſcire debet quàm ceteri, ab illo quaſiſſem, nihil aliud reſponderit, quàm ſe non poſſe mecum agere de iſtis rebus. Cujus reſponſi ab alio amico rationem quaerens; audivi Regio antea dictum eſſe, ali-quem e magiſtratu ei culpæ imputare, quod ego nonnulla de te in Epift. ad P. Dinet ſcripſiſſem, quæ vix ab alio videbar diſcere poſuiſſe. Quod verum eſſe nequaquam poſſem ſuſpicari; quis enim credat tantam tibi eſſe poteſtatem in ea urbe, in qua es peregrinus, ut quemcunq; viſ, etiam ex antiquis civibus, & honeſtis parentibus natis, publicè poſſis inſamare, falſis que judiciis condemnare; illi autem, quem ſic laſiſti, ne injuriarum quidè à te acceptarum, non dicam publicè queri, ſed privatim amico ſuo, hitoriã narrare permittatur? Et ſanè omnes veſtro magiſtratus qui vel aliquo alloquio vel ſaltem famã mihi ſunt noti, tam prudentes & tam æqui amantes eſſe ſcio, ut nihil unquam tale ipſiſ in mentem venire potuerit, ac etiam res ipſa indicat; ab illo enim tempore ſtipendium ejus pro ſecunda vice auxerunt. Sed potius credidem, te per a-micos id Regio dici curãſſe, ut illum, aliàs non timidum, ſed magiſtratu ſuo valde obſequentem, hoc pacto perterrefaceres, & impedires, ne plura, quorum tibi conſcius es, mihi narraret.

Scivi præterea, quomodo, poſtquam ita omnem Regi Phyſiologiam Theſi-bus

bus ejus comprehensam examinasses & non improbasses, ille quasdam alias Theses fecit, in quibus cum nihil ullius momenti contineretur, quod non jam ante in iis quas videras posuisses, ideoque non operæ pretium esse judicasset eas tibi antequam ederentur, ostendere, tu statim ex verbulo, quod in iis invenisti, ab usu scholarum nonnihil remoro, quod nempe hominem ratione partium, quarum una sine alia esse potest, ens per accidens dixisset, occasionem capilli eum palam impugnandi. Quomodo, antequam illæ ultimæ ejus Theses publicè disputarentur, monitus fuerit à quibusdam ex suis auditoribus, tuos minari se plausibus disputationem turbaturos; Ideo quæ ille te conveniret, monueritque, ac rogaret ut quoniam eras Academiæ Rector illas turbas auctoritate tuâ impedires. Quomodo tunc, etiamsi ejus Theses vidisses, nondum tamen illi significaris quicquam in iis contineri, quod tibi displiceret. Quomodo in illa disputatione Thesis de ente per accidens fuerit agitata, & post aliquid silentii, ut scilicet proponens rationes suas exponeret, intempellivis strepitibus auditorum fuerit repletum. Quomodo tu Rectori astant, immotus, non aliter,

Quam si dura flixæ aut stet Marpesia cautes,

nec voce, nec gestu, nec vultu strepitus illos compefcere conatus sis. Quod tamen miror; quantumvis enim tibi grati essent, officii tamen tui erat contrarium simulare; nec video cur tam immotus tunc fueris, nisi quia sciebas illos à quibus fiebant vel minimis nutibus tuis esse obsequuturos. Quomodo, cum postea Regius intellexit te dicere verbum illud de ente per accidens in Theologiam impingere, domum tuam iverit, ibique tibi affirmavit separatim esse illud ex arbitrio tuo emendare, ac publicè profiteri se, uti res erat, & clare postea in sua adtuas Theses responsione ostendit, nihil adversus vestram religionem verbo illo tentasse. Quod idem etiam coram aliis Theologis, tuis Collegis, est professus. Quomodo nihilominus statim postea theses in illum per triduum disputandas conscripseris, & in ipso earum titulo verbum illud de ente per accidens, tanquam à SS. facultate Theologica hæreseos damnatum, ostentare volueris; In Thesis autem impugnâris tantum Regii opiniones de formis substantialibus, de motu terræ, de sanguinis circulatione, & talibus quæ ad Physicam & Medicinam, non autem ullo modo ad tuam Theologiam pertinebant; & quas tamen prius non reprehenderas, cum ille tibi suas Theses, in quibus de iis agebat, legendas dederat & emendandas. Quomodo etiam carmen à studio nescio quo in laudem tuarum Thesium fieri velle curaveris, vel certe permiseras, idque te præfente fuerit in Academia distributum: in quo carmine Regius expressè designabatur hoc verbo, *o Regium factum* &c. atque indignissimis convitiis proscindebatur. Denique scivi reliqua omnia, quæ jam in epistola ad P. Dinet enarravi. Ex quibus fateor me nullam eximiam pietatem in te deprehendere potuisse. Neque enim dubium est, quin vel amicitiam erga Regium à iicio simulâris, ut illum tantò facilius postea incautum & nihil à te meruentem

circum-

circum-

circumvenires; vel certe, si fuit vera, quin illam violaris, cum primum putasti te habere aliquam occasionem ipsi nocendi. Quorum utrumvis est odiosum. Neque hic ullum pietatis zelum potes prætere, quo te excuses. Etsi enim quantumvis graves errores commisisset (quos nullos commiserat;) quæ pietas, quæ charitas Christiana, quis zelus impellebat te ad illum, cum ultro emendationem, qualemcumque velles, pronittebat, non audiendum, & ipsum interm contra omne jus, & fas, & decorum, publicis Disputationibus per triduum deridendum? Ut nempe, si res, ut sperabas, successisset, ille sua Professione ac bonâ fama, sine ulla sua culpa, per solam calumniam tuam privaretur. An, quæso, illa est in vestra Academia Rectoris potestas, ut ei liceat inficere Magistratu Theses, de ea facultate, quam non proficetur, publicè defendere, atque ibi quemcumque voluerit ex suis collegis infamare, atque præterea etiam iudicium sub nomine totius Academiæ publicè edere ad ejus doctrinam condemnandam? Dies procul dubio Magistratum jussisse ut sententiam vestram de Regii doctrina diceretis. Sed non ideo jussit, nec voluit, ut illam, tanquam si legitimum fuisset iudicium, vulgaretis. Quod voluit, optimum fuit, nempe ut, quandoquidem de Regii doctrina quærebamini, vestras omnes in illum rationes proferretis, ut Regius deinde ad ipsas responderet, ac postea, utraque parte audita, ut par erat, ipse Magistratus judicaret. Quod autem tu fecisti, excusari non potest. Nullas rationes ullius momenti attulisti, nullas habuisti, & nihilominus Collegam tuum, inauditum, in quem tibi nihil erat juris, non dubitasti condemnare: Cum tamen, ut scias, in hac causa, in qua de nova Philosophia quæstio est, neque tu, neque ulli alii ex iis, qui vel veterem Philosophiam docent, vel aliquas alias scientias ei annexas, quales sunt Theologia Scholastica & Medicina, iudices idonei esse possitis, sed tantum vel accusatores vel rei. Putat Regius se opiniones in Philosophia vulgaribus veriores habere; vos, qui illas discere non vultis, nec fortè etiam potestis, id negatis. Utris credendum? Non vobis profecto, nec Regio; sed illis tantum, qui neutri parti addicti, utriusque rationes audiverint & examinarint. Quod verò omnium maximè est mirum, in tuo illo iudicio posuisti, *vos rejicere novam istam Philosophiam* (meam scilicet, & Regii) *propterea quod ex eavaria, false & absurda opiniones consequantur, pugnantibus cum orthodoxa Theologia;* Et tamen nullas tales consequentias asserere potuisti, quamvis in Senatu vestro Academico unus è juris Professoribus, qui iudicio isti repugnabat, cum illud ibi proposuisti, eas expressè à te perierit; Sed contra Regius solidissimè in sua ad tuas Theses responsione probaverat, opiniones suas Philosophicas melius, quàm vulgo receptas, cum Theologia convenire. Quæ omnia cum mihi nota essent, atque etiam longè plura, neque enim hic possum cuncta recensere, molestè ferre non debes, quod eorum partem obiter in quadam epistola, quæ tunc fortè erat sub prælo, expresserim; nihil enim minus agere potui ad ea, quæ in me feceras, refutanda. Nec sanè in illa epistola

stola, quam scribebam ad unum ex patribus Societatis JESU, quos tu nunquam sine adjuncto aliquo convivio soles nominare, me tibi blandiri decuisset. Præter hoc autem nihil unquam in te vel feci vel tentavi, ex quo mihi irasci potueris, atque ideo acerbitas styli, quæ hîc in me uteris, nulli merito meo tribui potest. Sed forte alix ejus sunt causæ, quæ ex lectione sequentium agnoscemus.

De Philosophiæ Cartesiana capite primo & secundo.

PARS TERTIA.

I Nitio primi capitis ais, meæ Philosophiæ omnes capaces non esse, sicquæ de me loqueris pag. 14. & 15. ut candidus & à fallendi studio alienissimus videatur, revera autem omnia errata infelicibus discipulis hebetique eorum ingenio imputare possis; in ipso Philosophiæ vestibulo omnia ingenia mysteriorum capacia non esse, gravi vulnè & oratione, quo vir quantivis pretii habeatur, pronunciat. Ubî à te peto, quandonam me ista gravi vultu pronunciantem audiveris; ut enim jam monui, non concionor, nec doceo. Nempe id habes ex meis scriptis; citas enim Resp. quartas ad Med. pag. 289. edit. Elz. ubi dixi, ea quæ in prima Meditatione ac reliquis (quinque scilicet Meditationibus) continentur, ad omnium caput non esse accommodata. Verùm hæc citatio non pro te est, sed contra te; cum enim id scripserim peculiariter de illis Meditationibus, quæ tantum per exiguam & omnium difficillimam Philosophiæ partem continent, inferre potius debuisses; non idem de tota esse putandum. Sed fateor tamen perlibenter, non omnes ejus esse capaces, hocque non ideo nullibi scripsi, quod verum non sit, sed quia fuisset superfluum. Quæ enim scientia, quæ disciplina, quæ ars tam facilis, ut ejus omnes sint capaces? Quid autem inde inferis? Nempe me velle omnia Philosophiæ meæ errata infelicibus discipulis tribuere. Sed omnes sciunt me nihil unquam de Philosophia tradidisse; nisi in scriptis publicè editis. An ergo etiam scriptorum meorum errata discipulis tribuentur?

Pag. 7. progredieris ad *criteria*, secundum quæ in nova, ut ais, *superbia scholæ ingenia censentur*. Dicisque, ea esse potissimum quinque, hoc, & quatuor subsequentibus capitibus ordine pensanda. Deinde pag. 18. primum ais esse, si possit, futurus scilicet discipulus, omnium, quæ ab aliis dicitur, oblivisci. Quæ verba curasti aliis typis excudi, ut ex meis scriptis desumpta videantur, nempe ex pag. 16. & 17. Dissertationis de Methodo, & ex pag. 31. responsionis ad septimas objectiones, & etiam ibidem ex paginis 7, 21, 23, & 24. quia ista omnia loca paulò antè citaveras. Atqui cum in iis omnibus nullum verbum habeatur de oblivione, sed tantum de præjudiciis tollendis, ut neque ullo alio in loco ex meis scriptis, hinc lector facile agnoscer, quanta fides citationibus tuis sit adhibenda. Longè enim aliud est præjudicia, sive opiniones temerè ante receptas, deponere, hoc est desinere iis assensum præbere, quod à voluntate nostra tantum pendet, atque omnino requiritur ad primæ Philosophiæ fundamenta jacienda; &

aliud, eorum oblivisci, quod ferè nunquam est in nostra potestate. Sed cum primæ Theses, quas unquam in tua Academia edideris, egerint de præjudiciis, & multis aliis in locis ea rejicienda esse confessus sis, non decuisset me à te reprehendi, quòd id scripsissem; & ideo aliud quid mihi affingere maluisti, quod uberiorem criminandi materiam suppeditaret.

Quæ reliqua in hoc capite habes, non sunt relatu digna, neque aliud probant, quam te, ut fide & probitate, ita etiam prudentiâ & logicâ tuâ naturali non satis uti, cum homini, quem prius dixisti esse ingeniosum, ineptias affingas, quæ de eo credi non possint; Ut etiam quòd pag. 22. referas verba Epistolæ Apostoli Judæ v. 10. *de iis qui calumniantur ea quæ ignorant*: nemo enim videns, quò pacto in Philosophiam meam inveharis, non statim illa in te retorquetur; quia cum illam nunquam videris, utpote quam nondum vulgavi, scire ipsam planè non potes.

In secundo capite pag. 27. proponis secundam legem, inquam ais meos discipulos, quos vocas deliriorum mystas, jurare; Hanc scilicet; Cum libris nulum unquam nobis futurum commercium. Sed in quibus tabulis scriptam illam inveneris, à quo audiveris, unde eduxeris, nusquam ostendis, nec potes. Neque haud dubiè negligeres probationes tuas afferre, si quas haberes; hic enim & in pagina sequenti duo loca refert ex meis scriptis, sed nihil ad rem facient, & ipsorum etiam sensum pervertis. Primus est ex pag. 163. epist. ad P. Dinet, ubi dixi, *non potuisse nimis diu id exspectari ab homine nondum senem, quòd ab aliis in multis seculis non est præstitum*. Tu verò de me sic quæris, *an sibi persuadet*, hominem non dum semen, *ut de se ipso loquitur in Epistola ad Dinetum pag. 193. omnium rerum naturalium exaltam & minimè fallacem experientiam habere posse*? tanquam si ex eo, quòd dixerim hominem nondum senem, reliqua quoque mihi sint tribuenda. Quo artificio facilè etiam potuisses tuam legem ex meis scriptis educere, si, exempli causâ, quia in eadem epistola *Autorum libros* nominavi, dixisses, *Cum auctorum libris*, ut ipse de iis loquitur in Epistola ad Dinetum pag. 200. *nullum unquam futurum nobis commercium*.

Non meliori fide vel magis appositè in pagina sequenti locum refert, in quo dixi, *me quandam excelsisse Methodum* ad quaslibet difficultates in scientiis resolvendas: Cum ais: *haud magis potest* quaslibet difficultates in scientiisolvere (*ut omnium Thrasorum ineptissimus Renasus de se ipso gloriatur in Epist. Ded. Medit. pag. 5. Ed. Elz.*) Tanquam si idem esset Methodum excolere ad aliquid præstandum, & jactare se illud omnino præstare posse.

De Usu librorum & Voetii doctrina.

PARS QUARTA.

SI autem scire voluisses, quid de libris reverà sentirem, legere poteras paginam Septimam dissertationis de Methodo, in qua expressè dixi, nos eundem ex bonorum

norum librorum lectione fructum percipere, acque ex colloquio magnorum viro-
 rum, qui eos composuerunt; ac fortè etiam aliquantò majorem; propterea quod
 non quascunque obvias, ut in familiari colloquio, sed selectiores tantum cogita-
 tiones suas scriptis solent exprimere. Unde etiam fortè aliquid in usum tuum
 potuisses convertere, si ex adverso considerasses malorum librorum nimis fre-
 quentem lectionem, non minus quam malorum hominum consortium, noxiam
 esse. Nam quantum colligo ex tuis scriptis tria præcipue genera librorum so-
 les evolvere, quæ hinc cognovisses non nisi admodum parè ac cautè esse at-
 tìgenda. Primum est improborum & nugacium; quos simul jungo: vix enim
 ullus est planè nugax sine aliqua mistura improbitatis. Nullus autem ab Atheo,
 vel Libertino, vel nugatore Cabalista, vel Mago, aliove impostore scriptus un-
 quam fuit, quem non videri velis perlegisse. Atque id de quibusdam rectè osten-
 dis; integra enim eorum argumenta scriptis tuis intermiscis. Secundum est
 contentiosorum, quorum sæpe Auctores ob studia partium se mutuo convitiis
 lacerare pietatem putant. Hujusque generis tam multos citare soles, ut, si vel
 quartam eorum partem legis, præcipuum tempus vitæ tuæ inter jurgia & rixas
 insumere debueris. Non quidem affirmo omnes ejusmodi libros malos esse;
 qui enim veritatem propugnant, & non nisi in vitia invehuntur, sunt laudandi;
 sed tamen puto non nimium esse legendos, quoniam ea est naturæ nostræ infirmi-
 tas, ut multi sæpe ipsa victorum prohibitione ad illa amanda incitentur. Non
 etiam dico Theologis aliisque nunquam utile esse malos libros videre, cum scilicet
 eorum officium est illos refutare, vel emendare; Sed hoc non nisi rarè usu ve-
 nit. Atque ut nemo unquam homines peste laborantes animi tantum causa in-
 visit; sic, ad solam multæ lectionis famam aucupandam, nullus vir pius malos
 libros solet lectitare; sunt enim profectò contagiosi. Quin & hoc ipsum in me
 jam experior; cum enim ad hanc scribendam epistolam necesse fuerit, ut aliqua
 ex tuis scriptis evolverem, scabrities quædam stylo meo inde accessit, quam vix
 possum emendare; Atque hoc nomine veniam peto, quòd hæc aliquantò durius
 loquar, quam mea ferat consuetudo. Tertium librorum genus est locorum commu-
 nium, commentariorum, compendiorum, indicum, & talium, qui ex variis alio-
 rum auctorum sententiis constati sunt, quosque etiam si non malos putem, nec
 planè contemnendos, nullum tamen alium eorum usum admitto, quam ut ju-
 vent ad ea interdum in memoriam revocanda, quæ antea didicimus à libris pri-
 mariis, ex quibus sunt exscripti. Nam sanè qui fontibus neglectis ad rivulos
 istos tantum accedunt, non nisi turbidas aquas ex ipsis hauriunt, nec ullam ve-
 ram eruditionem consequuntur. Quidquid enim præcipui est in scriptis præ-
 stantium ingeniorum, non in hac aut illa sententia, quæ possit exscribi, contine-
 tur; sed ex integro corpore orationis exsurgit; neque id statim ex prima lectio-
 ne, sed paulatim ex frequenti & sæpius iterata, non adverentes addiscimus, &
 tanquam in proprium succum convertimus. Te autem in locis communibus,

& commentariis, & lexicis, talibusque evolvendis esse valde exercitatum, manifestum est ex tuis scriptis, in quibus sæpissime illos citas. Sed non ita possum deprehendere, te cum libris illis primariis, à quibus omnis vera eruditio, quæ legendo acquiri potest, dependet, magnam consuetudinem habere. Quamvis enim eos etiam interdum in testes sumas, quia tamen ut plurimum non facis appositè id facis, eosque cum aliis longè inferioris sortis absque defectu permiscēs, non videris illos legisse, sed tantum ipsorum verba ex aliquo transcriptore habere. Ac præterea ut ii, qui sæpe inter odoratos pulvillos jacent, non possunt non aliquid ex eorum fragrantia retinere; sic difficile mihi videtur summorum virorum lucubrationes ab aliquo multum legi, & tamen postea in ejus scriptis nihil simile ipsorum stylo reperiri. Sed ignosce ingenuè verum dicenti, multa legi ex scriptis tuis, atqui nullam unquam in iis reperi ratiocinationem, nullamque cogitationem, quæ non humilis esset aut vulgaris, nullam, quæ virum ingeniosum vel eruditum redoleret. Eruditum dico, non doctum: Si enim doctrinæ nomine vis omnia, quæ ex libris addiscuntur, non tam mala quàm bona contineri, te doctissimum esse lubens fatebor, video enim te fabulas de Liviathan & impias nugæ nescio cujus Bonaventuræ de Pericis & talia quamplurima satis legisse. Per eruditum autem intelligi illum tantum, qui studio & cultura ingenium moresque suos perpolvit. Talemque eruditionem, non promiscuâ quorumlibet librorum, sed solâ optimorum lectione, eaque iteratâ & frequente, itemque colloquiis eorum qui jam sunt eruditi, quando iis sui nobis licet, ac denique assiduâ virtutum contemplatione atque investigatione veritatis, comparari mihi persuadetur. At quantum ad illos, qui tantum in locis communibus & indicibus & lexicis doctrinam quærunt, multis quidem rebus memoriam suam brevi tempore implere possunt, sed non ideo sapientiores nec meliores evadunt. Quin è contra, cum nulla in libris istis rationum concatenatio contineatur, sed omnia vel auctoritate, vel ad summum brevibus syllogismis dicantur, qui doctrinam suam ex iis petunt, omnium scriptorum auctoritati ex æquo credere assuescunt, eorumque defectum nullum habere, nisi quatenus studia partium eos movent; atque ita paulatim ratione naturali rectè uti dediscunt, artificialemque ac sophisticam in ejus locum substituant. Neque enim, ut scias, verus ille usus rationis, in quo omnis eruditio, omnis bona mens, omnis humana sapientia continetur, in disjunctis syllogismis consistit, sed tantum in circumspecta & accurata complexione eorum omnium, quæ ad quæsitam veritatum cognitionem requiruntur. Et cum hæc vix unquam possint exprimi syllogismis, nisi multis simul neantur, certum est eos, qui tantum disjunctis utuntur, sæpe semper aliquam partem eorum, quæ simul spectanda sunt, omittere, sicque assuescere inconsiderantiz, ac dediscere bonam mentem. Cumque interea se valde doctos putent, propterea quod multa ex iis, quæ ab aliis scripta sunt, memoriâ tenent, & iis credunt, hinc insulsiſsimam arrogantiam & verè

prædago-

paedagogicam acquirunt. Atque si insuper improbis, nugacibus, & contentiosis scriptis legendis multum incumbant, quamvis illos natura non malos nec planè ingenio destitutos genuisset, vix possent tamen ista cultura non reddi maligni, infulli, & importuni. Quanquam profecto fatendum est, naturam etiam ad id plurimum conferre; genera enim illa librorum, quæ distinxit, solent esse inter se permista, & sæpe apud unum eundemque auctorem, quædam mala, quædam nugacia, quædam bona & ab illo ipso excogitata, quædam ab aliis exscripta reperiuntur, sed pro diverso ingenio lectorum, tanquam apes & araneæ ex floribus, uni solum mel, alii solum venenum ex iis excerpunt; unde fit ut studio literarum, qui sunt ad bonum propensi, meliores & sapientiores; qui autem ad malum, deteriores & stultiores evadant. Illi autem ab istis hac nota certissima dignoscuntur, quod quisque frequentior sit in iis libris evolvendis, in quibus plura ingenio suo convenientia potest invenire. Sed & moribus etiam quam maxime distant; ut enim male instituti arrogantes, pertinaces, & iracundi esse solent; sic è contra verè eruditi nunquam superbiunt, sunt enim conscii humanæ infirmitatis, & quæ sciunt non magni æstimant, sed cogitant longè plura esse, quæ ignorant; atque ideo etiam sunt ingenui & dociles, semperque parati veritates sibi nondum cognitæ addicere; ac denique ingenium ad varia flectere assueti, non possunt non esse mitiores, benigni & humani. Atque hi quidem cum intelligant veram eruditionem non à solis libris pendere, illam etiam privata meditatione, vel vario negotiorum ulu, & virorum præstantium familiaritate sibi comparare satagunt, nec inrer libros semper versantur; unde fit, ut ab imperitis ratione doctrinæ suæ non suspiciantur, sed, si privati vivant, vel planè ignorentur, vel tantum ut boni patresfamilias & homines non stulti spectentur, atque ita præstantissima ingenia sæpe in occulto latent. Si autem se civilibus negotiis immisceant, aliis quidem prudentiores & humaniores esse facile deprehenduntur; sed hoc potius eorum naturæ, quam ingenii culturæ tribui solet. Ac denique si ad aliquod docendi munus vocati sint, nisi prudenti negligentia efficiant, ut supra collegas suos sapere non videantur, vix ab eorum invidia liberi esse possunt. Qui autem valde multum ac semper malè studuerunt, tam parum habere solent bonæ mentis, ac quando contingit eos ex humili familia ortos esse, nullumque literarum ope lucrum facere, passim à plebe contemnantur, & ex nimia librorum lectione insanire putentur. Sed quando in juventute, priusquam satis nosci possent, aliquod docendi vel concionandi munus assequuti sunt, nullo negotio permagnam apud imperitos doctrinæ famam atque auctoritatem sibi cum tempore conciliant. Multum enim valet apud vulgus hoc præjudicium, quod quis à Magistratu, aliisve quorum interest, sit publicè delectus ad alios instituendos; Ac deinde ex multis ita delectis non possunt plebeji homines non existimare illos esse doctissimos, qui aliis confidentius ea, quæ dicunt,

cunt, affirmant, & plura se scire profitentur, & denique sæpius ac prolixiùs à Collegis suis laudari solent; quæ tria sæpe semper in istis male doctis advertuntur. Nam primò, cùm nulla ratione sed sola auctoritate ducantur, quicquid in iis Auctoribus, quos sibi sequendos assumpserunt, inveniunt, tanquam sibi planè certum & exploratum jactant; & quia nesciunt quanam sint, quæ ab eruditissimis dedecore possunt ignorari, omniumque rerum scientiam in libris contineri sibi persuadent, omnicui videri volunt; & denique cùm ipsi non laudent, nisi quos sibi aliquo modo similes putant, ab iis vice versâ laudantur, & frequenter etiam ab aliis mediocriter eruditissimis, cùm nempe hi cuiuspiam alteri, à quo eruditione superantur, invidentes, putant se ejus famam posse minuere, si illos ei anteponant & quàm maximis laudibus extollant. Quibus de causis initio quidem à sola plebe, sed paulatim etiam à peritioribus, qui eos ipsi non norunt, sed aliorum testimonio erodunt, doctissimi esse supponuntur. Et quidem si quis ex eorum numero reperitur, qui sit præ cæteris laboriosus, diligens, ardens, loquax, & Sophistarum Dialecticæ uti assuetus: qualem te esse agnosco; Quique munera docendi in Academia & concionandi in templo simul obtineat, ut facis; Qui inter concionandum, non in vulgaria plebis vitia, sed in adversarios suæ religionis, & in ea, quæ à potentioribus fiunt, assidue invehat, & nunc iracundis, nunc ridiculis verbis utendo, plebem suam diversimodè commoveat, ut te facere audiui; Qui frequentes in Academia Theses proponat, omnes contrariarum partium eruditos adeas impugnandas invitet, cùmque non comparent (ut sanè nunquam, nisi velint explodi, debent comparere) magnos de illis triumphos canat: ut à te factum fuisse omnes sciunt; Qui multos edat libros, sed tali stylo, & tot Auctorum citationibus interrupto scriptos, ut, cùm à nemine sine fastidio legi possint, nemo etiam examinet an sint boni: quod tuis ut plurimum contingit; Qui denique in omnes, qui vel in minimâ te ipsi repugnant, aut tantum non applaudunt, tanquam in hostes insensissimos insurgat, eosque concionibus ac scriptis suis quam maxime infames reddere conetur, quæ via multos de te silere vel etiam invitos te laudare coëgisti: Non mirum est, quod ille ad summam eruditionis famam summamque auctoritatem inter suos perveniat; neque, quòd illam conservet; quamdiu ejus attes à nemine deteguntur. Sed cùm forte nimiam potentia suâ exæcatus tam multos lædit, ut aliqui operæ pretium putent ipsas patescere; cumque tam inexcusabiles errores committit, ut etiam ab illiteratis perfacile cognoscantur, valde mirum esset, si tandem immensità istâ famâ & potentia non excideret. Et si enim talis homo plerisque ex auditoribus suis in templo, & ex discipulis in Academia sit pergratus: si tamen semel animadvertant, quantum ab eo detrimenti debeant timere, summopere ipsam averfabuntur.

Video quidem me ab instituto sermone, qui tantum de usu librorum fuit, magis ac magis recedere. Sed hoc fortè non reprehendes, quia postquam ad-

huc

huc pauca de concionibus & discipulorum institutione subjunkerò, habebis hic omnia uno in loco, quæ circa tuam eruditionem notatu digna mihi videntur. Conciones igitur istius Doctoris, modò à me descripti, populo solent placere; quoniam ea est omnium hominum natura, ut non modò ad hilaritatem, sed maxime etiam ad quoslibet tristes animi affectus commoveri delectentur: hinc tragœdiæ, non minùs quàm comœdiæ, in theatris locum inveniunt; hinc olim homines & feræ semutud laniantes in ludis publicis spectabantur; hinc denique concionator, qui auditores suos ad iram & odium in alios homines excitat, præsertim in potentiores, quibus satis suâ sponte infimæ sortis homines solent invidere; vel in eos à quibus de religione dissentiunt, quos ut bellorum causas jam oderunt: quamvis nihil egregii dicat, nihil boni, ac sæpe etiam statum controversiæ, de qua disputat, nulli intelligant, modò tantùm audacter, vehementer, copiosè loquatur, & varias convitiatorum phrasas, humiles, ridiculas, inauditas, orationi suæ adspersat, majore cum studio à devota plebe auditur, magis amatur, magis laudatur, quàm alii multo eloquentiores, sed qui eam non tam ad aliena vitia odio habenda quàm ad propria emendanda adhortantur: hi enim, quod ipsi displicet, proponunt: ille verò tantùm quod placet. Ac sanè magnum est solatium turbæ non malæ sed imperitiæ, quòd possit aliquando piè commoveri, piè irasci, pie potentiores aspernari. Quicquid enim facit talis viri suavis, vel exemplo, id pium putat. Audit ab ejus discipulis quàm multos libros scribat, quantasque victorias de quibuslibet adversariis in disputationibus suis reportet, non potest dubitare quin sit doctissimus, non enim novit ista distinguere. Ut etiam ejus vehementiam in concionando, & libertatem in optimatibus reprehendendis ab eximia sanctitate ac prophetico quodam zelo putat proticisci. Quas ob causas eum suscipit ut ducem hortatoremque præcipuum, si fortè sibi unquam vel potentioribus sit resistendum, vel in adversarios suæ religionis sit dimicandum; Et quid quid ille suadere voluerit, summo cum ardore exsequi semper est parata. An verò utile sit Reipublicæ talem aliquem Concionatorem in ea versari, non mecum est inquirere. Satis sciunt illi, qui ejus curam gerunt, quid expediat. Non etiam examino an bonum sit, homines illiteratos audire multas controversiarum minucias, quas sine ullo salutis suæ detrimento possunt ignorare; Nec an satis accuratè illas ex concionibus possint addiscere; Nec an rectè doceantur ab iis, qui non tam rationes exponunt, quàm in personas convitiantur; Nec an pium sit & humanum odisse aliquos homines, propterea quòd à nobis in religione dissentiant. Sed tantum affirmo omnem animi commotionem ad iram, odium & rixas, quantumvis justa sit ejus causa, semper maximè noxiam esse illi ipsi, qui sic commovetur; Ita enim sumus à natura comparati, ut parvò usu magnam proclivitatem ad prævios affectus acquiramus; Et qui vel semel se ad iram commoveri passus est ob justam causam, hoc ipso multo paratior est ad alià viç irascendum etiam ob injustam. Audiant mulierculæ in templo virum quem sapientissimum & sanctissimum existimant, in alios homines

decla-

declamantem, disputantem, conviciantem; rem, de qua agit, ut plurimum non intelligunt; nihilque melius habent quod agant, quam ut omnes ejus commotiones pio affectu imitentur, iisque similes in se excitent, unde fit, ut postea domum revertæ ob minimas quasque causas rixentur. Nec viri meliorem inde fructum reportant, ii præsertim, qui controversias istas utcumque intelligentes, non possunt non aliquando de ipsis contendere cum familiaribus suis alii religioni addictis, quales hic ubique occurrunt, & inde ad jurgia, inimicitias, interdumque etiam, qui vilioris sunt fortis, vulnera deveniunt. Adderem publica diffidia & bella ex talibus etiam causis posse oriri, eosque solere in bellis istis quàm maximè periclitari, qui talium Doctorum sapientiz confisi, eorum consilia sequuntur. Sed plures ejusmodi concionatores non novi, nec ab uno aliquo tantum malicèssimo esse metuendum, modò tamen ne multos habeat discipulos sui similes, qui postea etiam concionentur.

Verùm enim verò, qua ratione adolescentes tuæ curæ commissos instituas, planè ignoro, nec unquam sui usque adeò curiosus, ut ea de re inquirerem; sed artes, quibus te uti ex scriptis tuis deprehendo, & quarum nomine imperiti te doctum putant, tales esse mihi videntur, ut eas vilissima multa ingenia perscillè possint addiscere, ipsarumque ope tui similia reddi; non autem præstantiora. Prima ex istis artibus est puerilis illa Dialectica, cujus ope olim Sophistæ, nullam solidam scientiam habentes, de qualibet re copiosè diserebant ac disputabant. Hujus tres præcipuè sunt partes: prima continet locos, ex quibus rationes petantur; secunda formas syllogismorum, quibus illæ vestiantur, ut meliores appareant; ac tertia distinctiones, quibus adversariorum argumenta eludantur. Et quidem ii, qui promptæ & calidæ sunt imaginationis, sed nullius judicii, quales pueri esse solent, possunt intra paucos dies magnum istius artis usum acquirere: perscillè enim illis est considerare separatim rei cujuslibet propositæ nomen, definitionem, genus, species, similitudines, differentiâs, contraria, adjuncta, antecedentia, consequentia, & reliqua ejusmodi, quæ vulgò in Topicis recensentur: cumque tantum volunt differere, si quidquid ipsis unusquisque ex istis locis suppeditat, effutiant, diu multumque loqui possunt; si autem aliquam opinionem velint probare, nulla est tam parum verisimilis, pro qua non possint ex iisdem multis rationes, non quidem firmas, sed saltem quæ numerum faciant, colligere; ac deinde, si sit disputandum, eas facillè in syllogismos concinnant. Possuntque eodem modo ad quaslibet objectiones respondere, si tantum sint instructi viginti vel triginta distinctionibus, quales sunt inter illa, quæ considerantur directæ, & indirectæ; speculativæ, & practicæ; externæ & internæ; ac similes, quibus in omni difficultate locum inveniunt, modò tantum ipsis audacter uti non erubescant. Hoc autem, ut facile est pueris, aliisve, qui solâ pollent imaginandi facultate, sic certè fieri non potest ab ullo, qui aliquid habeat judicii sive bonæ mentis: Omnes enim rationes & objectionum solutiones, quæ cum ex infima ipsius

ipſius difficultatis conſideratione erui non poſſunt, ab externa locorum iſtorum inſpectione petuntur, ſere ſemper ſunt ſuiles & ineptæ. Sed quia ex multis auditoribus perpauci ſunt, qui earum inanitatem advertant, præcipue circa quaſtiones vulgaris Philoſophiæ, de quibus meliores dari non ſolent; inde ſit ut ii, qui arte iſta utuntur, facile ad aliquam doctrinæ atque ingenii famam perveniant. Et ideo damnoſiſſima eſt, non tantum adultis, ſed præſertim junioribus, qui, dum ei aſſueſcunt, & ex opinione doctrinæ per ipſam acquiſita, ſuperbiunt, rationem ſuam naturalem, quæ alioquin ætate poſſet matureſcere, planè corrumpunt.

Ars altera, quam in ſcriptis tuis adverto, ea eſt, cujus ope de qualibet re propoſita libros componis, quos imperiti doctrinâ reſeratiſſimos arbitrantur, eamque etiam tui diſcipuli, ſine ulla eruditione, poſſunt imitari, ſi tantum videant indices variorum librorum, præſertim eorum, in quibus plures alii libri citantur; & poſtquam promiſcuè collegerint omnia, quæ de re, quam tractandam ſuſcipiunt, in ipſis inveniunt, qualiæcunque tandem ſint, ea ſecundum ordinem locorum communium diſponant, adjunctis nonnibus omnium Auctorum, à quibus aliquid deſumpſerunt, ac etiam aliorum, qui ab iis laudantur. Ita, exempli cauſa, ſi de Atheiſmo velint ſcribere, quicquid in collectionibus ſuis inveniunt de nominis iſtius ſignificatione, id ſcribent primo loco, ſecundo ejus ſynonyma, tertio ſpecies vel gradus, atque ita conſequenter, cauſas, effectus, adjuncta, ſigna, contraria &c. qua ratione nullum vel minimum verbum ab ullo Auctore excerpterint, cui non aliquem locum in opere ſuo inveniunt: nam & omnes homines, quos ſcient ab aliquibus aliis fuiſſe Atheos vocatos ibi poterunt recensere, ac, ſi quos forte legerint eorum libros valde nugaces & improbos, integra ipſorum argumenta exſcribere, ac etiam quaſcunque de iis hiſtoriolas aut fabellas nullius momenti narrare. Quin etiam, ſi cui occultè malè velit, poterunt liberè omnia, quæ de ipſo vera eſſe, vel ab aliis credi exiſtimabunt, inter Atheiſmi ſigna vel cauſas numerare: nec reſert ſi laudabilia ſint, & ab omni tali ſuſpicionem quàm maximè remota; facile enim ipſis aliquid mali de ſuo adjungent, ratione cujus in malam partem ſumi poſſint. Ita ſiquem oderint, qui credatur nonnihil ingenii habere, ac Peripateticam Philoſophiam non magnificere, nec libris, in quibus continetur, valde uti, ſed peculiarem Methodum excolere ad quaerendam veritatem, jamque aliqua ejus ſpecimina exhibuiſſe, dicent omnes ingenioſos & excellentes, aliqui naturæ myſta, Atheos eſſe ſolere; ac recenſebunt inter cauſas Atheiſmi perverſam Methodum illorum qui ſe ſolis & in ſe naſcentibus bonis contenti omnem inde cognitionem de novo fabricare volunt; itemque prætenſam libertatem philoſophandi, promiſſam perfectionem & innovationem omnium ſcientiarum, Gloriationem & ſpem factam de inauditis & admirandis Methodis, dogmatis, diſtictis, ſubtilitatibus, inventis &c. ſpecimen judicii in ſcientiarum deſectibus, Aut inventi non tam novi, quàm

nova veste induti, & quælibet alia ejusmodi; ut ex iis postea possint inferre illum, quem oderunt, Atheum esse, unam scilicet calumniam aliis calumniis confirmantes. Nec refert si sibi ipsis contradicant, dicentes uno in loco præjudiciorum depositionem, ut mens sit instar tabula rase, esse præparationem ad Atheismum, & in alio Dei cognitionem nobis esse congenitam, unde sequitur eam præjudiciis impediri sive obicurari, atque ideo illorum depositione illustrari. Nec etiam refert, si ex ipsorum verbis eos Atheos esse concludi possit; Ut si dicant præsentem refutationem Atheismi, quæ sit libris ea de re male confutis, esse prætextum subtilissimum & nocentissimum, quo Athei venenum suum spargunt, & interim ipsi tales libros pessimè consulant, in quibus nullum sit verbum, quo Atheismus impugnetur, sed contra multa, quibus persuadeatur, ut cum ajuunt, præstantissimo ingenio prælitos solere esse Atheos, & varia dant eorum exempla, & præcipuas ipsorum rationes docent ac nusquam refutant. Sed unum tantum debent observare, quod imperitis est observatu facillimum, nempe ut ne qui degregii, & ex quo lector eruditior reddi possit, vel ex se ipsis promant vel ex auctoribus exscribant. Possunt quidem, cum aliqua occurrit quæstio nullius momenti, & quæ paucis verbis resolvi possit, prolixè de illa disputare, omnemque suam Dialecticam in ipsa iactanda consumere. Possunt & alias ejusmodi permultas recensere. Ac quantum ad præcipuam, quæ est de Dei existentia, fateantur quidem eam non debere omitti, nec sola auctoritate sacræ Scripturæ, sed potissimum rationibus philosophicis esse probandam; Verùm caveant diligenter ne id ullibi facere aggrediantur; Et potiùs, ut mali Medici, qui, vera & simplicia remedia ignorantes, magnâ pharmacorum vel inutilium vel noxiorum multitudine solent ægros suos fatigare: Ita cum ad rem erit veniendum, dicant ad resistendum Atheismo valde multa requiri, & præter sacrarum literarum accuratam cognitionem, habendam esse scientiam universalem universaliùm, imprimis Metaphysicam, Pneumaticam, Physicam, generalem Astronomiam, Geographiam, Opticam, & speculationes de sonis, ponderibus &c. Itemque notitiam particularium, seu historiam antiquam, novellam. Ac denique longam influant Bibliothecam contra Atheos, in quam etiam aliquos reponant ex illis ipsis Auctoribus, quos priùs ut Atheismi suspectos traduxerint. Quæ omnia si observent, scripta tuis simillima component, ut manifestum fiet iis, qui tua de illa re, quatuor libellis comprehensa, vel etiam alia passim legere dignabuntur. Sed si qui eos idcirco pluris faciendos putent, valde fallentur. Exponerem adhuc alias artes, quibus ad crassa volumina, non tam doctrina quam convitiis referata, in quolibet adversarios tuos componenda uti soles; Sed quia magis ad mores, quam ad eruditionem spectant, de ipsis hoc in loco tacebo.

De Philosophia Cartesiana tertio capite & sequentibus

usque ad pag. 144.

PARS QUINTA.

Hactenus non potui dubitare, quin velles te hujus libri, *Philosophia Cartesiana* in scripti, Auctorem profiteri, non tantum quia sex prima ejus folia mihi sunt ad me tanquam tua, & audiui operarum correctionem ex ædibus tuis proficisci; sed præcipue, quia stylus manifestè est tuus, phrasæ convitiatorum tam varix ac tales à te uno sciuntur, & causa scribendi, nempe ad impugnandam epistolam meam ad P. Dinet, quæ fere sola ex meis scriptis in foliis istis citatur, tibi est peculiaris; neque enim alius, quantumvis tibi amicus, mihi tam vehementer ob istam epistolam posset irasci; & jam dudum in Senatu vestro Academico, cum Collegas tuos ad Judicium, quod Academiæ nomine vulgasti, defendendum hortaberis, palàm professas es, te tuæ causæ illa in re non defuturum, hoc est, te in me esse scripturum. Verum tamen quia in pag. 33. Auctor ait se in *extremo Belgii angulo docere*, ac pag. 57. nominat te suum *Præceptorem instar parentis æternum colendum*, non ero tam inurbanus, ut aliud ea de re affirmem, quàm id, quod tu ipse credi voles. Excusarem etiam me, quòd tibi superiora tribuerim; sed cum ille, qui se Auctorem proficitur, sit tuus discipulus, & liber non in isto Belgii angulo, in quo ait se docere, sed apud vos imprimatur, nemo putabit ejus errores tibi esse minus imputandos, quàm si Auctor dicere is. Vel ceterè, si cui videaris minus peccasse contra decorum, quòd convitia Theologo indigna alieno potius quàm sub tuo nomine vulgaris; eidem hoc ipso videberis minus probus, quòd non irà tantum & impetu, sed meditato consilio & astutia usus sis ad tua de me maledicta spargenda. Interim autem ut scias me aliquid honoris nomini tuo derulisse, non amplius singula capita seorsum examinabo, sed reliqua omnia simul percurram, summamque meum de iis judicium exponam.

In prima sectione Auctor videtur omnia comprehendisse, quæ contra nostram Philosophiam potuerat tunc excogitare: nam in secunda conatur refutare objectiones, sive respondere ad ea, quæ putat pro ipsa dici posse. Et quidem prima sectio continet 5. capita; In quorum primo ait me velle, ut mei discipuli omnium obliviscantur; In secundo ut libris bellum indicant. Quæ duo an vera sint, jam ostensum est. In tertio, ut me tanquam alterum Pythagoram suspiciant, imò adorent, & quicquid dixerò, pro vero habeant. In quarto, ut speli pleni sint, & à me omnium dubiorum enodationem expectent. In quinto denique, ut omnes præ se contemniant. Quæ an verisimilia sint, nemo non videt. In secunda autem sectione (saltem ab ejus initio usque ad paginam 144. quæ est ultima earum, quas legi) 10. capita continentur. In quorum primo ait frustra nos jactare Philosophiam nostram esse antiquam, In secundo, frustra

etiam jactari ejus evidentiam. In tertio, frustra rursus jactari discipulorum prægressus. In quarto, verbis tantum à nobis vulgarem Philosophiam impugnari. Et in quinto, nos cum ea congredi non posse, quia ejus terminos ignoramus. Quæ quamvis vera essent, non ideo sequeretur Philosophiam nostram esse rejiciendam. Deinde in principio sexti capitis ait *Lapidem Lydium, ad quem nova Cartesii Philosophia omnia sua scita & dogmata explorat, esse quintuplicem: Experientiam nempe, Rationem, Algebram, Geometriam, & Mechanicam.* Ibidemque differt contra Experientiam, quam ait nos non juvare. In septimo contra Rationem. In octavo contra Geometriam & Algebram. Ac in nono contra Mechanicam. Sed tam acutè, ut ex ipso ejus scripto Lector perspicax non possit de meo philosophandi modo non bene sentire. Denique in decimo capite vult ostendere, quâ solertiâ meas opiniones probem, ait: *me simplicem narrationem vice demonstrationis obtrudere, multum deferre propositionis evidentiam, ac fingere hypotheses.* In his autem omnibus narrat tantum ea, quæ de me vult credi, hoc est, omnium pessima, quæ vel ille ipse vel ejus adjuvatores potuerunt excogitare, nullamque planè affert eorum probationem, vel certè nullam, quam non facile quilibet ex nuda ejus inspectione nullarum virium esse cognoscat. Ut cum in cap. secundo sect. secundæ distinguendo inter evidentiam probationis & evidentiam propositionis, unamque prolixè mihi concedendo, vult ex hoc solo videri alteram jure negare; Ac in cap. quinto ad probandum me & Regium ignorare terminos Philosophiæ Peripateticæ, affert tantum verba Regii de se ipso loquentis hoc pacto: *Dudum scholarum Philosophiam si non accuratissimè, saltem mediocriter perdidicimus:* urgetque illud *mediocriter* à pag. 102. usque ad pag. 106. quia contendit illam non mediocriter sed quàm accuratissimè sciri debere. Saxpissimè autem loco probationis petit à me quæstiones, hoc est, nugatur: Nam exempli causa pag. 45. petit à me generaliter aliqujus nodi Philosophici facilem & expeditam solutionem; statimque sibi objiciens, me videri vellem jam aliquas in Meteorologicis dedisse, non ostendit eas falsas esse, nec quidem ipsas examinat, sed ait tantum *fidem non esse adhibendam aretalogi proprias laudes ad nauseam usque buccinanti;* quod idem pari jure, de quibuslibet novis solutionibus, dicere posset, si quas darem; ideoque ineptus essem, si ad ullas ejus quæstiones respondere dignarer.

Unum tantum non omitto, nempe apparere quidem ex toto libri contextu nullum alium esse Auctoris scopum, quàm ut opiniones meas convellat, & ea quæ de te scripsi in Ep. ad P. Dinet refellat; sed tamen illum versari tantum in generalibus & fictitiis, ut Calumniatores solent; nec umquam ad particularia devenire, nisi tantum in tribus locis, quorum primus ad ea quæ de te scripsi, & alia duo ad meas opiniones spectant. Horum unus est pag. 118. ubi negat verum esse hunc meum syllogismum, *Cujus idea in me est illud ipsum existit.* Sed nec ista verba ullibi à me scripta sunt, nec ullam formam syllogismi continent,

nec

nec quidquam iis affine unquam cogitavi, nec etiam locum designat ex quo illa defumfit. Alius est pag. 124: ubi negat *in omnis rei conceptu contineri existentiam aut possibilem aut necessariam*; qua in re nihil præter ignorantiam suam ostendit; quis enim nescit per rem intelligi *ens reale*, atque *ens* dici ab *essendo* five existendo, atque ipsas rerum naturas dici à Philosophis *essentiam*, propterea quòd illas non nisi ut *essentes* five existentes concipere possumus. Et ineptum est quod subjungit, nempe Deum ut deceptorem cogitari; etsi enim in prima mea Meditatione de aliquo deceptore summè potenti loquutus sim, nequaquam tamen ibi verus Deus concipiebatur, quia ut ipse ait, fieri non potest ut verus Deus sit deceptor; atque si ab eo petatur unde sciat id fieri non posse, debet respondere, se scire ex eo quòd impliciter contradictionem in conceptu, hoc est, ex eo quòd concipi non possit; adeò ut hoc ipsum, quo usus est ad me impugnandum, sufficiat ad me defendendum. Locus autem, quem pro te habet, est in pag. 57. & 58. ubi putat se egregie refutare id, quod scripsi de Auctoribus quos citas, *quod nullo sapius faciant contra te quam pro te*, ex eo, quòd, cum libros, ut supponit, nullo legam, dicat me id scire non potuisse, nisi fortè ex alio: petitque ut mei Nomenclatoris nomen prodam. Sed qui considerare voluerint in tuis scriptis, quàm longos sæpe Auctorum catalogos referas, ubi nulla opus est probatione; ac ubi opus est, quàm paucos pro te asseras, qui non sint vel obicuri nominis, vel diversæ à te religionis, adeò ut eorum auctoritas, præsertim in rebus fidei, sit semper contra te, vel cerè non multum pro te; ac denique quorè loco rationum, cum à te deberent afferri, lectorem ad alios libros remittas, ac sæpe ad aliquos, qui haberi non possunt, ut ita videaris aliquid dicere cum nihil dicis, quod quammaximè contra te esse putos, agnoscent me satis causæ habere potuisse ad id scribendum, etiam si nullos ex Auctoribus à te citatis consultuissem. Cum enim Auctorum testimonia non alium habeant usum legitimum, quam ut confirmet assertionem pro qua citantur, quæcumque ad id non juvant, faciunt contra illum, à quo adducuntur; quia vel ostendunt ipsum esse malæ fidei, nempe si sint falsæ; vel esse imperitum, aut imprudentem, aut vanum, si ad rem non sint apposita. Quid autem, si addam me nullum in hac tua Philosophia Cartesiana meorum scriptorum locum hactenus invenisse, qui non apertè faciat contra Auctorem à quo citatur; quia nempe vel ab eo corruptus est ut de plerisque supra ostendi, vel nihil prodest ad id quod vult probare? Dices scilicet non esse istum Auctorem; illamque non idum à me visam fuisse, cum id de te scribebam. Itaque istud omittamus. Sed quid, si addam, me saltem Regii responsionem ad tuas Theses antea legisse, atque ibi loca S. Scripturæ advenisse, quæ pro formis substantialibus à te citata ille acutè omnia refutavit, ipsa tantum eorum verba quæ tu solis numeris indicaveras referendo: Ut, exempli causâ, citaveras *Proverb. 30. 24. 25. 26. 27. 28.* unde retulit hæc verba: *Quatuor sunt minima terra, & ipsa sunt sapientiora sapientibus: Formica, populus infirmus, qui præparat in messe cibum sibi; Lepusculus plebs invalida, qui collocat in petra cubile suum:*

Regem locusta non habet, & egreditur universa per intus suas: Stellio nistur manibus suis & moratur in adibus regis: quæ talia sunt, ut nullus alius in tota S. Scriptura sit versus, quem non æquè appositè citare poteris; In omnibus enim aliqua res corporea nominatur, cui tu formam substantialem assignis. Sed non ideo magis faciunt pro te, quàm loca, in quibus nix nominatur, pro iis, qui nivem nigram dicere. Quod autem ita S. Scripturæ auctoritate abutereris, ad Collegam & amicum tuum hæreseos suspectum faciendum, non parum mihi visum est contra te esse. Idem fortè probare possem de quibuslibet aliis libris tuis; sed consultò abstineo ab illis, quos sub Thesium nomine vulgasti, ut hæc epistola liberiùs haberi possit & vestris Bibliopolis, quibus audio vetitum esse, ne illa vendant, quæ in Theses vestras scribuntur; Et nullos præterea libros vidi quorum te Auctorem professus sis præter tuum Thesium. Quid autem de hoc sciverim, adhuc dicam, simulque, ut voluntati vestræ obsequar, indicis mei nomen hic prodam. Ille est Auctor *Examini* istius accurati, quod in Thesite tuo impugnas. Sic autem in sua Thesitis Confutatione anno 1637. edita de te scripsit pag. 18. *Aio Voetium tam ineptè mea semper interpretari, tamque audacem esse in addendo, mutando ac mutando, ut nihil eorum quæ mihi ipse tribuit, sive sententiam, sive argumentum, pro meo cupiam haberi. Si semel atque iterum perveris aliquid citaret, posset error nominari; sed quod plurimis locis id facit, quid est aliud quàm perfidia?* Ego verò contuli varias ex tuis citationibus cum ejus textu, cumque hæc in parte verum scripsisse testari possum. An quæso judicare debui te fidelius alios Auctores passim citare, postquam vidi quâ ratione in sacris literis ludas, & quemodo eorum ipsorum verba perversas, à quibus id tibi publice potest exprobari? Profectò, Domine Voeti, si nihil melius habuisti ad ea, quæ de te scripseram, refutanda, vel ad meas opiniones impugnandas, non video magnum operæ pretium fuisse ut Philosophiam Cartesianam scriberetis. Cumque nihil aliud 144. priores ejus paginæ contineant, valde otiosi illi erunt, qui plura legere dignabuntur: non enim est verisimile vos tam multa inania præmissuros fuisse, si qui boni habuissetis. Verùm tamen, ne temere judicare videar de iis, quæ non legi, nondum claudam hanc epistolam, sed libri vestri residuum expectabo.

De Libro Gisberti Voetii adversus Confraternitatem Marianam.

P A R S S E X T A.

Initium hujus Epistolæ diu jacuerat inter schedas meas neglectum, cum librum à te nuperrimè editum, quem *Confraternitatem Marianam* vocas, accepi, & tan dem mihi nunciatum est, residuum vestræ Philosophiæ Cartesianæ typis mandari, sed ejus editionem per aliquot menses fuisse intermissam, propterea quodd

quodd occupatus fueras in absolvendo isto alio libro, quem ante ipsam cupiebas emittere: Aded ut jam non opus sit aliis argumentis ad probandum eam non ab illo, cujus nomen ferer, vel certe non ab illo solo, sed præcipue à te conscribi. Et sane quisquis videbit, quam sint inter se similes Confraternitas ista Mariana & Philosophia Cartesiana, non solum nominis terminatione ac forma, sed etiam ingenio & moribus, non dubitabit quin sint filix gemella unius parentis. Quia verò nunc sortè contingit me esse valde otiosum, istam tuam Confraternitatem paucis horis rotam legi, & meam de ipsa sententiam hic ponam: non quidem quatenus in ea quaestio quædam ad religionem vestram pertinnens agitur, nolo enim me negotiis alienis immiscere; sed tantum, quatenus ex ipsa cognosci potest qualis sis, & quanta fides aliis tuis scriptis sit habenda. Cum enim te palam ejus Auctorem profitearis, negare non potes, quin id omne, quod in ea continetur, tibi sit tribuendum. Philosophia autem tua Cartesiana sub alterius nomine prodibit, ut paratam habeas excusationem fide ac probitate tua dignissimam, quòd nempe illa, quæ in ea erunt, non debeas præstare, quia non eris ejus auctor; & ego non libenter me committo cum larvis. Sed ut scias me non nisi causâ probè cognita de tua Confraternitate sententiam dicere, quid tibi ejus scribendæ occasionem dederit recentisebo.

Vetus quædam est Sodalitas Sylve-ducis à Beata Virgine nomen habens, in quam viri tantum primarii admitti solent, quæque est idcirco valde celebris ac potens: Et prius quidem ex solis Romanis Catholicis constabat, sed cum in urbe non ita pridem Hispano erepta conventus hominum potentium & inter hostes educatorum periculo non carere viderentur, nec tamen possent impediri, quoniam eorum libertas in deditione pacta erat, ii, quibus illius urbis custodia commissa est, perutile esse putarunt rum ad præcavendas suspiciones, tum etiam ad pacem & concordiam inter cives conciliandam, se simul cum Romanis Catholicis in Sodalitatem istam admitti, sed eâ conditione, ut nihil deinceps in ea fieret, quod à religionis sua esset alienum. Hocque ab astis recusari non potuit, quia cum ex legibus deditionis omnia bona ecclesiastica in ærarium publicum redigerentur, non alio nomine bonorum illius Societatis administrationem sibi servaverant, quam quòd non esset spiritualis sive ecclesiastica, sed tantummodo civilis. Ità ergo illusterrimus urbis præfectus, aliquo 13. ex honestioribus civitatis, quos ille in socios sibi delegit, in Societatem istam recepti sunt, atque tam accuratè, tam expressè, tam sollicitè caverunt, ne quid ea in re committerent, quod ad nomen lux religionis non esset exactum, ut ea tantum in parte modum excessuù videantur. Sed tamen vitare non potuerunt, quin statim, aque id à te auditum est, theses ordinari quædam in ipsos evibratis. Nihil ego in theses istas sum scripturus, sed pauca tantum ipsarum verba hic referam, quoniam ad sequentia intelligenda requiruntur. Earum titulus est; *Disputationis theologicæ ex posteriori parte theologia, 23. de idololatria indi-*
recta

rella & participata, pars tertia &c. atque in 2. folio & sequentibus hæc inter cætera legantur: *An fraternitas Maria à Magistratu Reformato, qui tollere potest, bona consensu tolerari publicè aut relinqui debeat repurgata scilicet ab idololatria Papali: & si Magistratus hoc faciat, an ullus Reformatus tali fraternitati adscribi possit, sub conditione de non præjudicando sua Reformatæ religioni.* Resp. ad 1. Resp. Neg quia crasè admodum participat aliena Idololatria, &c. & paulò pôst: *Sed quidquid hic negligat aut conniveat Magistratus: nemo tamen Reformatæ religioni & ecclesiæ additum ei se addicere potest.* Et postea: *Committitur ergo (ab iis qui se ei addicunt) idololatria pluiquam indirectè, reductivè, participativè &c.* Item *Quidquid enim lument, excipiant, expurgent, manet tamen fraternitas illa ad minimum monumentum idololatriæ & fœderis idololatriæ, quo usi sunt antehac, & etiamnum utuntur Pontificii in regno Papali, & extrai illud arminendum ac promovendum cultum Maria sive apertè sive tacitè & clam.* Sic miseri illi in carne nostrorum gloriantur, in suo idolomania confirmantur, de tempore aut soliditate nostrorum, ad hac mundi huius amore supra Deum (vide 2. Timoth. 3. 4. Philip. 3. 19.) non absque risu, insultatione & fastidio triumphant. Si enim labores subeundi essent, si quid conferendum in symbolum, si nihil nisi sumptus sustinendi, & scopipara convivium, laus reditus, fertiles occasiones illi aiquid lucrì participando non adesset; scimus nostros, propter nudum titulum Maria, nedum propter regulas & statuta fraternitatis aut rosari collegio illi nomen haud duros. &c. Item. *Atqui mutata jam sunt insignia fraternitatis; rubens scilicet pannus quem humeris gestare solent, imprius ducentes funus illi cuius ex fratribus, in medallino brachio affigendum cum hac inscriptione: Sicut lilium inter spinas, &c.* Item denique, *Quomodo potuissent nostros tanquam bardos in pompa & triumpho manifestius circumducere Pontificem, iuque à tergo insultare? Quòd si ecclesiam intelligunt per lilium, ex sensu reformatorum, & ipsius rei veritate: cum explicandum est absque omni ambiguitate ab omnibus fratribus, utram ecclesiam intelligant, reformatam Sylvaducensem, an latentem ibi Papisticam.* &c. In quibus omnes qui legere sciunt, possunt videre urbem Sylvaducensem expressè nominari, & fraternitatem Mariæ, & quidem illius cuius olim fratres rubeum pannum in funeribus gestabant: pluresque aliz certissimæ ejus notæ in reliquo illo tuo scripto continentur, sed pluribus non est opus, ut quislibet sine aberratione vel ambiguitate ulla omnes & singulos ex vestris qui ei soliditati nomen dederunt agnoscat. Aded ut non minus ibi illos nomines, sive nominatim (hoc est, certò, & expressè, ut à Latine loquentibus sumi solet) designes, quàm si propria ipsorum nomina & prænomina & cognomina adjunxisses. Contingit enim aliquando ut idem nomen pluribus diversis hominibus conveniat, sed in toto terrarum orbe non sunt dux urbes Sylvæ lucenses in quibus talis soliditas reperitur. Et quemadmodum cum dicimus Regem Gallie, non minus cum nominamus quàm si Ludovicum Borbonium

nium diceremus; Ita profectò verissimum est te in istis thesibus illos omnes qui ea in urbe Sodalitatis B. Virginis nomen dederunt nominatim designasse. Ut etiam verissimum est, te ipsos tibi non solum tanquam idololatriz affines; & eos, sed etiam tanquam lucro sordido & opiparis conviviis inhiantes condemnasse: quid enim aliud hæc verba significant, *Committitur ergo ab illis idololatria, plusquam indirectè, reductivè, participativè*. Atque hæc, si opipara convivia, lani reditus, ferules occasiones inde aliquid lucri participandi non adessent, sciunt Pontificii reformatos collegio illi nomen hand daturus. Denique verissimum est, te non illos solos, quos habes pro privatis, essi urbis Præfectus, Pro-præfectus, & Prætor inter ipsos numerentur, sed nominatim etiam Magistratum Sylvæducentem censuræ tuæ subjecisse; Cum enim quæris, *An Fraternitas Mariana à Magistratu reformato, qui eam tollere potest* &c. supponis eam ab ipso tolli posse (nempe violenter, ut fieri amas,) alioqui non posuisses *qui eam, sed, si eam tollere potest* &c. Ac proinde illum Magistratum condemnari, tanquam si rasisse admodum participaret alienæ idololatriæ. Atque hæc omnia, nisi oculi mei fascino aliquo deludantur, nisi verba Latina non intelligam, hæc omnia, inquam, invenio in Thesibus tuis: utrum verò bona sint an mala, non dicam, quia, ut jam monui, theses istas non impugno, sed diligenter notanda esse puro adsequentia intelligenda.

Cum autem Optimates Sylvæducentes maculas istas existimationi suæ publicis Thesibus insperfas, non sine publico scripto satis eludi posse judicarent, ejus scripti componendi curam uni ex Pastoribus suis D. Samueli Maresio commiserunt: Eaque in re insignem moderationem testati sunt, quod se non ab alio defendi voluerint quam à symmysta tuo, tibi quam maxime favente; & qui suum ea de re librum ita paravit, ut clarissimè quidem suorum pietatem sinceritatemque demonstraret, eosque ab omni suspitione vitiorum sive criminum quæ ipsis per calumniam affinxeras accuratissimè liberârit, sed interim etiam præcipua peccata tua dissimulârit: ad eò ut reverà non contra rescripserit, sed, ut ipse monuit, pro te: supposuit enim falsas tibi hypotheses fuisse subministratas, hoc est, historiam facti malè fuisse tibi narratam, sibi autem convenire recum in thesi, hoc est, in generali decisione quæstionis, An liceat Reformatis Pontificiorum ceremonias amplecti; nec unquam de te nisi quam honestissimè ac cum elogio loquutus est. Cùmque necessario queri deberet de improba eorum maledicentia, qui falsa crimina viris bonis imponunt, totam istam invidiam in *individuum vagum* sive in personas planè ignotas transfudit, ut te potius credulitatis quam calumniæ argueret. Omisit etiam totam quæstionem, quæ meo judicio hæc in causa præcipua est, An scilicet tibi licuerit Optimates illius urbis, ac nominatim ipsos Magistratus ex privata tua auctoritate, ac non auditis nec monitorio publico scripto condemnare? Nec denique aliud de te dixit, nisi quòd prudentiores putarent, scholasticam & publicam disputationem, apud vos habitam, non fuisse

idoneum remedium iis, qui versabantur Sylvzducis, & eorum quæ Ultrajecti disputabantur, erant ignari, ad saniora consilia, si forte quid peccassent, revocandis. Quin etiam id honoris ministerio tuo delatum est, ut liber ille Marefii non fuerit promiscuè omnibus evulgatus, sed tantum ad aliquos ex iis qui theses tuas viderant transmissus. Atqui nihilominus eo accepto, non aliter quam paulò ante visa modestissima Regii ad tuas theses de formis substantialibus responsione, summopere excaudivisti: quia nempe tibi conscius eras gravis culpæ, quam nullo modo volebas emendare, nec agnoscere, statimque proditi extemporanei libellus qui creditur à te scriptus fuisse, nam clarè in eo cognoscuntur tui mores, & tuus stylus, & prodit sine nomine sub persona unius è ministris Sylvzducis qui aiebat se eum esse, quem Marefius falsas hypothesetibi subministrasse supposuerat, cum tamen planè certum sit, nullum hoc nomine Ecclesiæ ministrum à Marefio fuisse designatum; nullibi enim quicquam habet, quod non æquè, vel magis, in aliis quadret, ac expressè in sua ad te epistola culpam rejicit in illos *quæ se pratermitti in sodalium delictis agere solent*, quod de nullo ex verbi Ministris potest intelligi. Sic itaque iste Minister à te in scenam fuit protractus, ut, quem admodum soles, aliquem haberes, quem faceres culpæ tuæ participem, & sub ejus nomine liberius, atque impuniùs quàm sub tuo, maledicentiam tuam posses exercere. Sed statim ejus libellus, sive potius tuus, judicatus est famosus, & mendax, & ad seditiones concitandas comparatus, ipsiusque lectio prohibita: quod per urbis plateas cum sono tubarum & tympanorum fuit promulgatum, ut ipse doces, pag. 420. Quin etiam hic habeo illius judicii exemplar, cujus hæc sunt verba: **Alsoo voor eenige dagen binnen deser Stede seckere blaerde boeckfens geinticuleers** Retorsio Calumniarum quas Terullus Societatis Mariæ advocatus, &c. **Sonder naem van eenigen** Authæur syn gedivulgeert; **Ende dat wy naer ondersoekende examinatio van verscheyden poincten in de selve wytgedruckt / oordeelen dat eenige gequalificeerde personen daerinne seer schandelijck ende tegen de waerheyt werden geblameert: Ende alsoo wy te gemorde sien dat daer wyt in dese Stede / al waer de eenigheyt ende ruste ten hooghsten dient te weiden gevoordt / groote ende swaere oneenigheden / ergernisse ende scheuringe, tot na deel van Godes Kercke ende deser Steds / welvaeren / indien tegens sulcke onbehoorlijcke ende ongeoorlofde libellen niet en werde versien staen te verwachten / dien wy geerne sagen voorgekoemen. Soo is t / dat &c.**

Ita jam egregiè Sylvzducis sub aliena persona publicè vapulasti, sed hoc animas tuos non fregit: ne neque etiam quod, cum nobiliss. & ampliss. illius urbis Senatus: lium ea de re librum, hæc scilicet Confraternitatem Marianam, à te parati intellexeris; literas ad Illustr. Ultrajectinæ Provinciæ Ordines, & inelytrun urbis

urbis Senatum, & etiam ad reperiſcripſerit ad ejus editionem impediendam, ut ipſemet jaſtas p. 421. His enim omnibus neglectis, tu ipſe tandem cum tua Confraternitate Mariana in arenam deſcendis. Quem librum otioſe totum evolvi, ſed, ut ingenuè verum fatear, nullam inveni ejus partem, quæ ſine indignatione ac ſtomacho legi poſſit. Non poſſum à me extorquere ut blandè hic loquar, nimiam in eo malignitatem, abſurditatem, iniquitatem, arrogantiam, & pertinaciam oſtendis; quæ vitia ſunt omnium quamaximè odioſa. Malignitas in eo apparet, quòd tam multa collegeris, tam craſſum librum ſcripſeris, non ut cauſam tuam defendas, reverà enim illam tali ſcripto pejorem facis, ſed ut, cum nihil mali de Optimatibus Sylvæ-ducenſibus nec de Mareſio poſſis probare, multas tamen malas & falſas de ipſis opiniones prolixitate meledicentiarum tuarum animis immittas. Idem etiam in eo apparet, quod de nemine alio quidquam ſcribas, niſi ut ejus exiſtimationem aliquo modo imminuas, & ne amicis quidem parcas. Ex quorum numero eſſet ipſe Mareſius, ſi quid haberet humanitatis; reverà enim ita egit cauſam ſuorum, ut tibi quantum fieri poterat pepercerit, & amici officio functus ſit. Sed patiamur illum à te non amari, quia non omnia, quæ ſcripſiſti, approbavit; novimus enim hoc apud te ſummi odii cauſam eſſe ſolere. Patiamur etiam te Optimatibus Sylvæ-ducenſibus quàm maximè eſſe inſenſum, quia, cum iniquiſſime à te laſi eſſent, auſi ſunt curare ut tibi modèſtè pro ſe reſponderetur. Quid autem de te tam malè meruit ille tuus martyr, ſub cujus perſona prodiit *Retorſio*, ut illum p. 416. tanquam impericiſſimum traducas, dicendo jaſtari ipſum non eſſe ejus autorem, quippe cui tantum Latinitatis non ſuperſeſſet. Ac deinde frigide reſpondendo his verbis: *De Latinitate miniſtri, de quo artium, linguarum & theologie ſtudiis mihi vulgare ſentio; expertus loquor.* Ut nempe in te colligatur illum ne vulgarem quidem habere Latinitatis ac theologiæ cognitionem; quia hoc credibile eſt, quàm cum habere plusquam vulgarem; & te adeò fuiſſe religioſum, ut verbo ambiguo uti malueris, quàm mentiri, quamvis hoc pacto conſiſtens te eſſe iſtius famoſæ Retorſionis autorem. Non etiam mihi videris erga reliquos Belgii paſtores magis officioſus, cum illos alloquendo, pag. 27. ita ſcribis: *Oſtendam reiſpà illud non minùs gratum mihi fore, quam cum celeſtium & approbationum veſtris, & coram & tam frequentes, etiam per literas collegiatum (plura non addam ne ſolidum videar, aut livor hoc audiat) mihi animum additu, & ad ſimilia aut majora ſentenda provocatis: tanquam ſi te unquam, ad Optimates, & Magiſtratus urbium publicè in theſibus tui reprehendendos, atque ad turbas hoc pacto concitantas, provocaeſſent: quod non puto quemquam ipſorum eſſe fuſſurum.* Innumera alia poſſem notare, ſed nolo integrum examen tui libri ſuſcipere: illas partes Mareſio relinquo; jam enim in ſua deſenſione tale ingenii, prudentiæ ac doctrinæ ſpecimen dedit, ut non dubitem, quin optimè hac in re, quod operæ pretium erit, ſit faſturus. Ego interim breviter tantum eorum,

quæ memoriæ meæ occurrunt, temonebo. Absurditatem in omnibus iis notavi, quæ rationum loco proponis, ac simul iniquitatem quammaximè odiosam: nullibi enim ratiocinio rectè uteris, nec ullibi non peccas in regulam, *Quod quisque juris in alium statuerit, ut ipse eodem jure utatur, in qua una omnis æquitas consistit.* Ita pag. 24. refert hæc verba Marefii: *Optissem finit ut saltem contentum generalis disquisitione, Sylvaamducis & nostros nominatim non designasset:* ad quæ sic respondes: *Et ego, atque alii vera religionis, pietatis & ecclesiasticae pacis amantes multò magis optassent, ut ille theses de idololatria, in gratiam talis causæ, imprimis hoc tempore, & tali libro, non oppugnasset: si enim prædicationis, corollaria & theses Academica, non tantum adversariorum, sed & amicorum, domesticorum, neutralium, anonymorum atiosis & odiosis libris exagitari deberent, quis tandem esset finis, & qua rerum facies?* Quâ responsione nihil absurdius aut iniquius fingi potest: vis enim tibi licuisse in thesibus tuis Sylvaamducis nominare, ac ejus Magistratum & Optimates criminando, ibi ecclesiasticam pacem, quantum inte fuit perturbare: Interimque Marefio, eorum pastori vitio veris, quòd ausus sit sacris illis tuis thesibus contradicere, ad suorum innocentiam protegendam, & paci ecclesiasticæ in urbe sua consulendam. Similia iniquitatis exempla ubique occurrunt in tuo libro, & quidem sæpe tam absurda, ut in memoriam mihi revocarent furem Fimbriæ, qui cum Q. Sez volam, putans occidere, vulnerasset, ipsum postea in judicium voluit vocare, quòd totum telum corpore non recepisset. Forsan tamen ferri posset talis iniquitas; si non esset cum arrogantia conjuncta. Sed qui videbunt, quàm insolenter & quàm superbè accusatorem semper agas aut judicem, cum tamen reverà sis reus, & quidem ejus criminis, quòd eum negari non possit, humili tantum veniæ petitione, ac poenitentia testificatione, esset excusandum, summopere te averfiantur. Arrogantia ista vel ex titulo libri tui potest agnosci: neque enim in ipso excusationem aut defensionem ullam promittis, sed *Specimen assertionum partim ambiguarum aut lubricarum, partim periculosarum, ex tractatu nuperime scripto pro Sodalitatibus B. Mariae inter Reformatos erigendis aut interpolatis.* &c. hoc est, reprehensionem eorum Marefii, eorum scilicet, quos ipsi per calumniam vis affingere: hic enim in ipso titulo calumniae specimen præbes, dicendo, ejus librum esse *Tractatum pro Sodalitatibus B. Mariae inter Reformatos erigendis;* quòd solum, & apud vestros invidiosum esse novisti. In reliquo autem tuo libro à pag. 28. ad pag. 75. & aliis in locis non aliter Marefium interrogas, quàm si tu esses iudex, ille reus; vel tu paedagogus, ille discipulus; eique id omne proponis, ex quo putas lectorem aliquid mali de ipso posse suspicari: Quæ una est ex egregiis illis artibus, quibus uti soles ad impunè calumniandum; non enim teneris præstare quòd non affirmas, & interim lectori æquè potes persuadere, quòd sic interrogas, ac si verum esse affirmares. Putida etiam arrogan-

ita ubique apparet in tuis verbis: ut cum pag. 5. dicis, *Marsium magnis & novis ausis velle inclarescere*, ex eo scilicet, quod te tantum virum aggrediaris; Ercum ab eo per latus tuum ecclesias Belgicas peti fingis, tanquam si illæ sine to stare non possent; aut tu præcipua esses earum pars, Marsius autem nulla. Denique omnis pertinacia tua, quod nullam planè culpam velis agnoscere, quamvis manifestè deprehensus ac convictus sis; quodque nullis rationibus & nullius auctoritate adduci porueris ad abstinendum à mole dico tuo libro evulgando, sine summa arrogantia esse non potest. Bis relegi ea, quæ habes in pag. 410. & 15. sequentibus, ut rectè intelligerem rationes, quas ibi affers ad probandum es, ut ais, *non esse præfractum aut importunè contentiosum, aut atrox, qui nec Optimatibus debitum honorem, nec conventibus ecclesiasticis reverentiam atque auctoritatem tribuas*. Sed planè obstupui: nihil enim omnino in iis inveni, quod è contra non ostendat te reverà esse *præfractum & importunè contentiosum*, & omnis ordinis superiorisque potestatis contemptorem. Aded ut ignorem utrum volueris: An scilicet ut lector minùs attentus (quia nemo sine incredibili patientia tã futile scriptum attentè legere potest) putet in verborum tuorum ambagibus aliquid fortè rationis contineri, quo te rectè defendas, etsi illud non advertat; An potius, ut credatur, te usque aded esse refractarium & pervicacem, ut neque Magistratus neque Synodos cures, & quamvis nihil nisi calumnias scribere possis, à scribendo tamen nolis abstinere: quâ ratione tantùm fortasse tui metum vis omnibus incurrere, ut nemo sit in posterum, qui ausit tibi contradicere, quamvis de ipso maledixeris, ne statim hoc pacto crassum volumen convitiis illi impingas. Quippe pag. 421. postquam jactasti, *omni modo actum esse, ut tua scriptio impediretur*, & in eum finem literas à Nobiliss. & Ampliss. senatu Sylvæducenti ac etiam à pluribus aliis, ad te, atque ad alios datas fuisse, tanquam scilicet si valde timerentur tui libri, duas ais esse rationes, quibus te ab ista scriptione revocare conati sunt. Prior erat, inquis, *quòd defenso illa seu Apologia pro fraternitate esset, & ut forma nunc diceretur Apologia Optimatum*: & postquam aliquandiu nugatus es, querendo an sit Apologia nec ne, concludis hoc esse *in quo à veteris puerulis terrendum idoneum, & tibi non ideo minùs licere illam impugnare*. Alteram deinde rationem hanc habes pag. 427: *Perinero causa hujus determinationem ad judicium Synodorum & non ad scripta Theologorum; ei ergo submitendam, non scriptis elentlicis ultra examinandam*: Cuius prosllogismos adjungi dicis. 1. quia *Mariani fratres nunc declarant se paratos esse eam subijcere Synodi Belgicæ, etiam Ultrajectinæ*. 2. quia *Synedrium Gallo-Belgicum Sylvæducenti scripserat Cl. D.D. Theologia professoribus in Acad. Leidensi, se indicasse quidem pro Fraternitate Mariana, velle tamen judicium suum submittere Synodo*. 3. quia *multo tutius & commodius, minorique cum scandalo & hominum & vestrorum, rationes tue in Synodis proponi possent, quàm publico scripto*.

Quæ quantumvis nudè ac frigidè a te referantur, ostendunt tamen factum O. timum Sylvæ ducendum saltem fuisse approbatum ab eorum Synedrio, cuius auctoritas pluris faciendâ esse videtur, quàm unius privati Theologi, qualis tu es. Itemque illos nihil aliud hac in re querere, quàm veritatem & pacem ecclesiasticam, & nullo modo esse pertinaces, eum quibuslibet Synodis, etiam Ultrajectinæ, cuius pars ipse es, velint se subicere. Tu autem, ut ad ista respondeas, & quàm sis Ecclesiasticæ pacis amans, quàm humilis corde, quàm pius, ostendas, primò quidem affers exemplum Gomari, cui dicis ab Arminii fautoribus aliquandiu scriptiorem fuisse interdiktam, eumque idcirco Academiam deseruisse. Quæ de historia nihil scio, nisi quòd hic ad rem non faciat. Deinde p. 429. sic loqueris: *Nasutores hic videre sibi videntur aliud mysterium; quod an contagio per fomitem, aut per distans in tenebris operetur, hanc ita explicare possem. Sunt nonnunquam, qui Professorem Theol. tanquam ophanorum ministerium curam & tutelam sibi in solùm demandatam vellent, ut ne quidam theses conferbere, lectiones habere, disputationes instituere ipsis liceat, sine antecedente sive cognitione sive venia ephorum aut censorum quorundam.* In quibus verbis non alium sensum invenio, quàm quòd velis innuere. Professore Theologiæ nec à Magistratibus nec à Synodis regi debere; ac te esse Dei gratiâ Professore Theologiæ, cui licet scribere quidquid libet. Paulò post quidem videris vel aliquo modo & sub certis conditionibus te Synodis subicere: sed statim excipis, addisque contemptim pag. 431. *Nondum hic quid feritur aut metitur Synodus; Ac pag. 433. Concludo, inquis, in presentiarum nihil mihi negotii cum Synodo.* Sed tamen ut intelligatur supremam illam Professoris Theologiæ potestatem tibi uni, ut summo scilicet Archiepiscopo, convenire, ibidem pag. 432. ais de Marefio, qui etiam est Theologiæ Doctor & Professor, ejus librum, qui vocatur *de materia scandali & censura, necessariò in Synodo esse examinandum.* Et pag. 436. argas de mutando ino scribendi consilio posse cogitare, nisi ille librum suum publicè palinodiâ revocet, aut saltem secundis curis emendet. Nempe, cum viros primarios publicè calumniatus es, rectè fecisti; quòd illos indignissimis convitiis affeceris, non es culpandus; & quamvis timeri possit, ne ex iis quæ scripsisti **groote ende swaere on-cemgheden/ ergemissen- de scheuringe/** magna & gravia dissidia, ostentacula & schismata in urbe celebri atque hostium vicina oriantur, est tamen terendum: Sed quòd Marefius, tum ex voluntate eorum quos laesas, tum etiam ex officio, ut ipsorum ecclesiæ pastor, malis à te inflictis remedium aliquod adhibere conatus sit, ejus liber, ut materia scandali & censura est in Synodis examinandus, ac, si tibi credatur, condemnandus; Nec ab eo publicè calumniando vis abstinere, nisi priùs ille, quæ de te justissimè ac verissimè scripsit, publicè palinodiâ revocet, vel emendet. Paginà etiam 434. & 435. postquam conquectus es Marefium cum suis ab executione & particulari judicio coepisse, *1. Editione & sparsione libri adversus theses*

1. *Interrogatione iudiciorum & suffragiorum Ultrajecti, Dordraci, Leide, Amsteladami, Franequera, Flaga, &c.* 3. *Suspensione exsenioris à cena, (quod nempe tuas partes sequeretur; 4. Condemnatione libelli reformationis. Nunctandam, inquis, pag. 453. remedia Synodorum præceduntur; & consilii ac iudicii publicis ecclesiasticis dicuntur submitti dubia aut controversa, cum Oceano privatorum omnia, si non occuparent, saltem occupari & inandare tentaverint. Non dubito quin paulo sagaciores Ecclesiastici videant, quo tendat hoc schema politicum: & quam parum commoveri debeat is, quem annis aliquot ita exercuerunt Remonstrantes, ut nolentem volentem aliquando prudentiorem fecerint. Et paulò post: Resp. antehac rogavi Nobiliss. & Ampliss. Senatui nostro (qui nempe cum de re ad theologiam vestram pertinentem nollet quicquam decernere, nec proinde tibi silentium imperare, tamen à scribendo dehortabatur:) me non solum posse consulere existimationi religionis nostræ & professionis meæ, nisi scriptiōe publicâ causam (imprimis hypotheticam) judicarem. Quæ planè idem mihi videntur significare, ac si diceret, te non esse tam imprudentem, ut causam tuam Synodis committas, neque enim te dubitare, quin ibi esses condemnandus. 1. quia liber Marelii nimis aperit culpam tuam ostendit. 2. quia jam habet pro se suffragia multorum. 3. & 4. quia jam nonnulli, qui tuas partes nimis aperit sequuti sunt, fuerunt condemnati. Quæ autem vis intelligi, nempe Marelium priorem in te scripsisse, jamque ita occupasse præjudiciis animos eorum, qui in Synodis congregantur, ut ipsis causam tuam, quamvis optimam, credere non debeas, sed potius publicâ scriptiōe tuæ existimationi (quam scilicet cum religionis & professionis tuæ existimatione conjungis) consulere, nullam habent speciem veritatis. Nam tu prior thesibus publicè editis amicos omnium occupare conatus es: Et quamvis tibi Optimates Sylva ducentes hanc noxam privatim condonare voluissent, ut sanè videntur condonasse, quandoquidem non te accusari, sed se tantum excusari curaverint, id tamen per publicum scriptum fieri debebat: Cum enim pax & salus urbium ex eo præcipue dependeat, quòd cives bene sentiant de Magistratu, non integrum est illis, qui ad reipublicæ administrationem vocati sunt, injurias sibi publicè illas privatim remittere, famamque suam negligere. Atque omnino nulli sunt in republica magis dammandi, nulli maioribus suppliciis afficiendi, quam qui de ejus Rectoribus maledicendo, plebi occasionem dant, illos minus colendi & observandi, sicque tantò liberius ab eorum potestate se subrahendi. Sed longè aliter sentiendum est de tua, vel etiam per te de religionis & professionis tuæ existimatione, quàm de illa politici Magistratus: Quamvis enim optimam causam haberes, honestius tamen esset pro te, atque ad religionis tuæ laudem magis conducere, sic te Synodo liberè submitteres, & ab ipsa vel condemnari patereris, quàm quòd ita pettinaciter aliis theologis & synodis te opponas, synodorumque iudicia recuses. Quin etiam hoc professioni tuæ esset decorum, quòd non, ut solent imperici, videri velles non posse*

posse unquam errare: Ac cerè in Theologo nihil magis laudandum & suspi-
ciendum esse potest, quàm si iudicium suum aliorum iudiciis submittendo, erro-
res suos (ut omnes homines sumus) ingenue confitendo, atque emendando,
exempla aliis exhibeat pietatis & humilitatis Christianæ. Sed vereor, ne me ut
rusticum & imperitum irrideas, quod terevocem ad plebejas istas simpliciorum
hominum virtutes. Nihil à te expectandum est nisi ad quod stricto jure teneas.
Agè ergo, nunquid saltem, postquam tu semel, & Maresius semel scripsis-
seris, æquum erat te ab ulteriori descriptione superfedere, ac iudicium Synodorum
expectare? An putas quemquam crediturum te timuisse, ne veritas tot falsis
præiudiciis à Maresio esset involuta, ut quamvis patrocinio tuo juvaretur, co-
gnoscei tamen posset in Synodo à doctis Theologis, quicam ibi examinarent, ac
sperare illam faciliùs detectum iri à quibuslibet aliis, qui Confraternitatem tuam
passim legent? Multò certè verisimilius est, te nolle causam tuam Synodis com-
mittere, quia scis eam tam apertè esse malam, ut nequidem à fratribus tuis possit
excusari. Et quia nullas affers rationes tuæ descriptionis, nisi quas hic recensui,
ex ipsius meritis verbis est concludendum, *te esse præfractum, & importune con-*
sensum, & auctor, qui nec Optimatibus debitum honorem, nec Conventibus
Ecclesiasticis reverentiam atque auctoritatem iribus. Sed forte ista omnia pos-
sent dissimulari, si quid haberes in toto tuo libro, ex quo appareret te credidisse
factum Optimatum Sylvæ ducentium esse reprehendendum, aut saltem, si qua
verà vel honestà ratione uteris, ad ea, quæ priùs scripseras, defendenda vel ex-
cusanda. Quamvis autem ad ista duo diligenter attenderim, neutrum à te ullo
modo præsumi esse deprehendi. Et primò quidem nullam prorsus in crasso
tuo volumine reperi rationem, quâ factum directè impugnes, præterquam in
pag. 475. & sequentibus, in quibus habes hoc unicum argumentum. *Qui &*
rem & nomen retinent illius Sodalitatis, ab indirecta & participata idololatria non
sunt immunes: Sed tales sunt Optimates. Ergo &c. Ubi, sine ulla Theologiæ
vestræ cognitione, facile quisque intelligit, esse distinguendum: Si enim sub rei
nomine complectaris vel minimum quid ex iis, quæ cum vestra religione non
consentiant, negatur rem hoc pacto retineri, ut patet ex art. 11. instrumenti
Transactionis à te ipso allati pag. 212; illa enim omnia per istum articulum abro-
gantur: Si verò per rem intelligas tantum illa, quæ retenta sunt, cum ne mini-
mum quid in iis superfit, quod à vestra religione dissentiat, ne minima etiam
umbra idololatriæ inde à vestris timeri potest. Nec putandum est reliqui nihil
fore in illa Sodalitate, si omnia, quæ religioni vestræ repugnant, ab ea tollantur;
quia hoc unum, quod ejusdem urbis incolæ simul conveniant, *in omni gène diffi-*
dentia sublationem: & vice versà in majoris confidentia, correspondentia & visa
unanimes conciliationem, ut habetur in art. 3. transactionis à te citato pag. 210.
continet totam rem sive naturam & essentiam pæ, honestæ ac perutilis societa-
tis. Neque etiam istam partem tui argumenti multum urges, sed statim transis
ad

ad disputationem de nomine, quam per multas paginas usque ad finem libri extendis, affirmando illud nomen esse idololatricum, & multos eade re locos communes produciendo, sed ex quibus omnibus tantum concludis, eo recte retineri saltem aliquam umbram superstitionis: Aded ut tota ista tua tam ardens & tam fervida disputatio demum in umbram resolvatur, atque omnino sit manifestum, te nullum planè alium habuisse prætextum ad istam Sodalitatem impugnandam, quàm quod à Virgine Deipara, non autem ut habet libri tui, à Thersite vel Tertullo denominetur. Prætextum dico, non causam aut rationem; Scis enim in his regionibus templa esse permulta, quæ adhuc vulgo retinent nomina Sanctorum sibi antiquitus imposita; Et in ipsa vestra urbe collegium esse Canonicorum, quod Sanctæ Mariæ vocatur; Neque te ipsum idololatriæ ulla obumbratione putas, ex eo quod à Sancto Gisberto prænomine acceperis, & quidem id ex more Romanæ Ecclesiæ in baptismo, in quo singulare pactum religionis continetur. Ita ergo perspicuum est, te nullam planè habuisse rationem ullius valoris ad factum Optimatum Sylvæducensium improbandum: sed tamen habuisti rationem, propter quam id velles improbare, nempe quia fuerat à aliis approbatum: Notum enim est te istius esse ingenii, ut libenter omnes aliis contradicendi occasiones arripas; Et discimus ex libri tui pag. 418. famam esse, te ipsum, cum ante annos aliquot esses Sylvæducis, pro concione consilium de ingressu Reformatorum in illam fraternitatem suggessisse; quod quamvis strenue neges, quia tamen alii affirmant, longè magis rationi consentaneum est ea de re credere, iis, quorum non interest mentiri, & qui sunt plures numero, quàm tibi, cuius interest, & qui est solus. Sed jam videamus quàm verè vel honestè illa, quæ prius scripsisti, defendas. Præcipua Marefii expositulatio est, quod in tuis thesibus Reformatos, qui Sylvæducis Sodalitatem B. Virginis ingressi sunt, nominatim designaris, ipsosque, ut idololatriæ affines & reos, atque ut lucro sordido & copiaris conviviis inhiantes, traduxeris, quod reverà in tuo scripto reperiri paulò ante propriis oculis aspeximus: tu verò audacter negas, dicisque pag. 9. id à Marefio colligi periculum & calumniosas consequentias. Item pag. 10. esse atroces calumnias, & nihil Marefio restare, quàm ut apertum mendacium candide fateatur, ejusque veniam petat. Item pag. 16. sic loqueris: Quod aderimina, quæ ego nominatim Optimatibus ipsius imputare dico, quasi ad maledicendum cum Bilemo propositâ mercede conductus essem: sufficeret tacere, & ad solam auctoriâ thesium mearum provocare. Ubi ego illa effuties (quæ nempe objicit Marefius) nusquam. Ergo dices in aperto mendacium dum hic deprehensum: minime: sed in manifesta calumnia, quam in frustis & atibologicis consequentis (quæ Jesuiticis, Ubiquitisticis, Remonstranticis tam sunt similes, quàm lac lacti) quasi subalutatis & eruditionis omnis syncopen aut ellipsin passus, infelicissime superstruxit. Item pag. 23. affirmas nullam à te factam fuisse accusationem personalem, sed tantum insidens & indefinito decisum, tale quid esse jilicium. Et pag.

337. sic ais: *Uno verbo respondeo esse fisiones parabolicas & meras calumnias. Pro-
voco ad aures has thesum.* Et similia repetis sexcentis aliis in locis. At quæso
te, Domine Voeti, quidnam est esse perfictæ frontis atque impudentissimè men-
tiri, si hoc non est? Si quis alium vocet mendacem, propterea quòd aliquid falsi
dixit, quod verum putabat, vel saltem quod putasse credi potest, contumeliose ac
scurtiliter conviciatur: neque enim omne verbum falsum protinus mendacium
est, omne id, quòd dicitur absque animo fallendi, error tantum vel ignorantia
vocari debet. Si quis autem alium vocet mendacem, ejus tamen nullum verum
nec contra propriam ejus conscientiam dictum nec contra veritatem possit
proferre, ut tu Maresium & me sæpius vocas, planè turpiter calumniatur & in
ipsum resilit infamia. Cùm verò quis clarè ostendit, alium aliquid dixisse non
modò quod est falsum, sed etiam quod is, qui dixit, probè scivit falsum esse, si
candidè & libere ut vir honestus & ingenuus loqui velit, dicere debet illum
mentiri; atque si sæpius ipsum in talibus mendaciis deprehendat, dicere debet
illum esse mendacissimum; ac etiam, quia nihil turpius est, & ejus magis pu-
deat viros ingenuos, quàm mentiri, qui sæpissimè atque aperitissimè mentitur,
omnino impudentissimus est dicendus. Atqui profecto non modò falsum est,
te nulla crimina Optimatibus Sylæ-ducensibus imposuisse ut hæc scribis; sed
etiam patet clarissimè te probè id scire; neque enim oblivisci potuisti verbo-
rum, quæ in thesibus tuis leguntur, tibi satis à Maresio fuerunt in memoriam
revocata, tuque aliquoties ipsa repetis in tuo libro: quin & pag. 306. ridiculè
singis esse dæteria Pontificiorum, non tua; & proinde cùm ea negas te scripsis-
se, omnino fatendum est te mentiri; cumque sæpissimè hoc pacto mentiaris,
te esse mendacissimum; ac denique impudentissimum, quia genus illud men-
daci est omnium maximè manifestum, provocas eam ad tuas theses quæ typis
mandata sunt & habentur à multis, & ex quibus patet clarissimè te mentiri.
Quin & incredibilis illa audacia, quæ non modo provocas ad inspectionem tua-
rum thesum, ex qua probè scis te esse condemnandum; sed etiam Maresio, qui
nihil de te scripsit quod non clarissimè pateat verum esse, tanquam in manifesta
calumnia deprehensio insultas, eademque omnia indignissimè de illo dicis quæ
de te dignissimè dici posse novisti, clarè ostendit te in arte mentiendi & maledi-
cendi quæmaximè esse exercitatum. Fateris quidem pag. 9. item pag. 340.
341. & aliis in locis te Sylæducis nominasse, sed ais pag. 340. id nomen à te
nec in titulo, nec quidem in propositione & determinatione problematica fuisse ex-
pressum, sed tantum in responsione ad penultimam exceptionem, occasione una fe-
rente, & sponte eò ducente, non quòd studiose ipse eam quaesiveris. Intrusit se
scilicet te invito nomen illud in tuas theses. Quid autem, si quis id ignorans si-
bi potius persuadeat, te de industria urbis nomen ad finem reservasse, ut post-
quam aliquandiu lectoris animum suspensum tenuisses, excisassesque in eo cu-
riositatem sciendi quinquam illi esset quos designabas, nomen civitatis tandem à

te prolatum melius notaret, atque sicillos nominatim agnoscere? An forte es-
ser nefas existimare te virum præ ceteris ingenuum, ac veræ religionis, pietatis
& Ecclesiasticæ pacis amantem, improba isti calumniatorum arte uti voluisse? Ad
alteram ex præcipuis Maresii expositulationibus, Quod scilicet juxta leges chari-
tatis, & Christo expressè præcipiente Matth. xviii, 15. 16. *publicam censuram*
precedere debeat privata correctio; præsertim apud tales viros, qui faciles tibi
aures fuissent præbituri, si eos privatim monuisses. Respondes pag. 19. *eos tibi*
notos aut indicatos non fuisse qui moneri debebant. Ubi rursus manifestè falsum
dicis, ut apparet pag. 413. ex epistola Ministri, quæ te docuerat, *eos esse non infimæ*
ordinis ecclesiæ vestra membra, possimum ordinis senatorii: hinc enim eos satis
noveras, ut posses ad ipsos scribere si voluisses; ac etiam ut sperares faciles tibi
aures præbituros, quandoquidem erant *ex præcipuis Ecclesiæ vestrae membris*; ac
denique ut tibi non assumeres tantum jus eos condemnandi, cum essent *ordinis*
senatorii: Sed nempe non vis adstringi legibus istis charitatis, quas ibidem pag.
19. & 20. per contemptum *Museas* vocas; Ac etiam, ut ibidem ais, *in aliena*
Republica tantum non audebas, ut eos scilicet privatim & amicè moneres; sed
tibi tamen satis animi erat utin ipsos publicè decerneres: quod nemo non irri-
debit. Atque ita nihil planè habes, quò te excuses, nisi simul pudori omni &
charitatì renuncies; neque enim habes ulla meliora in aliis locis.

Et sane tantum abest, ut ullà honesta excusatione utaris, quin etiam illam re-
pudias, quam tibi Maresius ultro suggererat, quòd nemperem aliter quàm gesta
sit intellexisses: Nulla enim in re vis posse errare: sed quidquid particulare est,
ac specialiter ad Sodalitatem B. Virginis Sylvæ-ducentem pertinet, cum generali
quæstione, *an liceat Sodalitates B. Mariæ inter Reformatos erigere*, confundis,
non modò ut ostendas te à Maresio in thesi dissentire, quòd ille, tibi gratificandi
causâ, negaverat; sed præcipuè ut cum moris sit in thesibus opinionem suam
de quæstionibus generalibus libere proferre, istam etiam libertatem circa parti-
cularia facta tibi assumas; Utque in una & eadem thesi personas quasdam desi-
gnando ac simul vitia omnia reprehendendo, quæ cum re ab illis facta conjungi
posse judicabis, occasionem desicctori ea ipsi tribuendi, tuque interim, quia
scilicet ingenuus es & candidus, dicere possis te nihil unquam tale de ipsis audi-
visse vel cogitasse; ac tantum pro libertate vestra Academica quæstionem gene-
ralem cum omnibus suis circumstantiis explicare voluisse. Ita, exempli causâ,
in thesium sine nomina Sylvæducis, aisque in ea urbe esse Sodalitatem B. Vir-
ginis, cui Reformati nomen dederunt, & in eadem continuâ oratione paulò an-
tè sic scriperas: *Si quid conferendum in symbolam, si nihil nisi sumptus sustinen-
di, & si opipara convivia, lautis redditus, fertiles occasiones inde aliquid lucris par-
ticipandi non adessent, sciunt nostros propter nudum titulum Mariæ, nedum pro-
pter regulas & statuta fraternitatis aut rosarii collegio illi nomen hanc daturus*
ipsoque alibi stolidos & bardos vocas. Quæ verba nemo potest non referre ad

eos qui sunt Sylæducis. Tutamen ut es vir sincerus, de iis scilicet non cogitabas, sed cum quaestionem generalem, *An liceat Reformatis &c.* indefinite atque in idea cum omnibus suis antecedentibus, consequentibus & adjunctis velles explicare, istud omittere non potuisti quod alicubi posse contingere iudicasti: Quod autem Marefius hoc referat ad Optimates suos, ejus scilicet culpa est, non tua, & magnam tibi atque illis injuriam facit, ut videre est pag. 184. & alibi passim. Saltem si adderes tales suspiciones in illos cadere non posse, quia cum sine viri primarii numero 36. ut disco ex libri tui pag. 215. & reditus illius sodalitaris sint tantum circiter quinque millium florenorum, ut disco ex pag. 412. quamvis summa illa inter ipsos divideretur, nullam inde singuli haberent partem dignam tallum virorum cupiditate; sed in solidum pauperibus erogatur, ut disco ex pag. 229. ideoque ipsis ad alios sumptus est revera conferendum in symbolam: Et quantum ad convivia Sodalitaris, quæ disco ex libri tui pag. 98. esse valde honesta & sobria, cum prius ad illa semper invitarentur, ut alicubi etiam refers, non potuerunt illa concupiscere. Saltem, inquam, si hoc adderes, quod est verissimum, & quod ignorare non potes, cum ex ipso libro tuo dicatur, aliquo modo te excusares; Sed contra sic negas te quidquam malè de ipsis scripsisse, ut cõneris interim persuadere, omnia quæ scripsisse diceris, vera esse. Imò etiam ipsa tibi tanquam Prophetæ à Deo revelata fuisse vis eredi, ut patet ex tuis verbis pag. 330. & 331. notatu dignissimis. *Fieri potest ut ego rerum illius gestarum ignarus, ita tamen more & metodo mihi nsiata hoc ulcum prefferim, factum ita in lucem protraxerim, nativis suis coloribus depinxerim, ut in multis videar meras historias & hypotheses scripsisse (quod mihi in concionibus hant infrequenter accidisse testari possunt familiares & amici mei:). hinc tamen non sequitur malè consultis suspicionibus & conjecturis tantopere indulgendum fuisse, ut immittes indè innocui captibus struerentur accusationes. Patroni potius fuisset beneficos suos Optimates, ad admiranda providentia divina hac in parte subducere, & suggerere illud Apostoli 1. Cor. 14. 24. 25. Arguitur ab omnibus, & dijudicatur ab omnibus: & ita quæ occulta sunt in ejus corde, manifesta fiunt: atque ita proevidens in faciem, adorabit Deum, annuncians Deum verè in vobis esse. Nempe etiam nomen civitatis, in qua ea, de quibus scribebas, contigerant, Spiritus sanctus tibi dictavit & prophetabas. In loco enim ibi citato Apostolus Paulus sic scribit: Si autem omnes prophetent, intret autem quis infidelis vel idiotas, arguitur ab omnibus &c.* Sic ergo etiam Voetius inter Prophetas. Atque hinc obiter est notandum, te gloriari quòd sæpe facta particularia inter concionandum ita describas, ut ea certis personis tribuantur, ac meræ historię esse parentur. Quæ ratione latissimam & liberrimam de quibuslibet calumniandi viam tibi aperuisti, quæ si nunquam à superiore potestate claudatur, admodum mirabor.

Sed quamvis Concionatori, à quo maxime veritas expectatur, turpissimum

fit

fit mentiri; & ei, qui pietatem & charitatem Christianam profitetur, sub specio vitiorum reprehendendorum de proximo maledicere, atque occulta odia exercere; Pejus tamen adhuc à te fieri mihi videtur, cum non contentus negare te scripsisse illa quæ reverà scripsisti, ac simulare te generaliter tantum vitia quædam designasse, cum ea certis personis affinxisti, defendere audes pag. 13. pag. 342. & aliis in locis, te jure potuisse Optimates & Sylvamducis nominatim exprimere, non quidem id ullis rationibus probans (neque enim potes,) sed exemplis vel dissimilibus vel non bonis, quo pacto scelera omnia licita esse posset probari. Quodque omnino ridiculum est, pag. 350. à te ipso exemplum sumis, tamquam si quod alias impune fecisti, semper tibi debeat permitti. Sed adhuc ulterius pergis, cumque magna differentia sit inter accusatorem & judicem, non tibi satis est quoslibet posse nominare, ut coram omnibus eos accuses, sed vis decisiones & judicia de ipsis posse promulgare; quodque omnium insolentissimum est, vis suprema illa tui solius judicia tantundem habere auctoritatis, ac si ab aliqua congregatione Theologorum, ab aliquo Concilio, & forte ex consequenti ab ipso Spiritu sancto facta essent. Postquam enim pag. 343. ad probandum tibi licuisse Sylvamducis nominare, attulisti exemplum nescio cujus decisionis *Cl. DD. Theologorum Leidenfium, in qua vel idiota & muliercula perciperent intelligi non indefinitè sed signatè Ampliss. DD. Consules totumq. adeo Senatum cujusdam urbis: (saltem ut refers, ego enim de historia ista nihil scio nec inquirò) tibi objicis pag. 344. Atque DD. Professores Leidenfes responsum commune dederunt nomine facultatis Theologia; tua autem determinatio particularis & privata. Cui objectioni ut respondeas pag. 345. 1. Affers privatorum quorundam nomina, quos ais tale quid fecisse; 2. *Hac est, inquis, nimia curiositas in aliena Republica:* quod nempe aliqui audent inquirere, an decisiones factæ à te in thesibus (quæ scilicet ad Rempubl. valde pertinent, suntque ejus secretissima pars, in quam non licet inquirere) tantundem habere debeant auctoritatis, quantum si prodirent sub nomine totius facultatis Theologia; quæ in Republica vestra esse potest: easque tantundem habere sicibid. probas. *Discent, inquis, si ita placet, Professores nostra facultatis esse in doctrina, studiis, professione isoxuxuc, & responsiones ac theses singulorum haberi tanquam omnium, communi consensu approbatas, sive speciatim præcedanea collatio & judicium præcesserit, sive non præcesserit propter temporis angustiam, aut aliam quancunque ob causam.* Egregium profectò & te dignum argumentum. Tres estis in vestra Academia Theologia; Professores, quorum alii duo fortasse non amant lites, & sapiunt meâ quidem sententiâ, norunt autem, quàm sis acerbus, quàm mordax, quàm paratus ad magna volumina conviciozum effundenda in illos, qui tibi vel minimùm contradicunt; vel si hæcenus hoc ignorassent, jam exemplo Marefii facillè discunt, te etiam Theologis Reformatis non parcere, nec quidem de te bene meritis; ausim enim affirmare me non advertisse*

Marcium ulli alii blanditum fuisse in suo libro, quam tibi, & nihilominus eum sexcentis Optimarum suorum adulatorem injuriosè appellas. Quid mirum igitur si tibi nolint in ore resistere, solusque idcirco decernas in Academia tua quidquid lubet. Vos autem tres facultatem Theologicam, atque adeò Ecclesiam Reipublice vestræ componitis, saltè si vobis per Concionatores & alios licet, quod ignoro. Sed quamvis negarent, faciliè ex Sacris Literis probabis, quia in ore duorum aut trium stat omne verbum: & cum duo vel tres sunt congregati in nomine Christi, vel Christus vel certè Spiritus sanctus inter illos versatur. Sic quia tu solus occupas eum potestatem, illi tres componunt vestram ecclesiam, & in medio Ecclesiæ est Spiritus sanctus, tu solus habes Spiritum sanctum. Quod si alii fateantur, per me licet, ac etiam ut tua unius auctoritas sit major quàm reliquorum omnium simul collectorum, quia, ut ais, *nihil tibi negotii cum Synodo*. Non meum est me illis, quæ ad religionem vestram spectant, immiscere. Sed nec ab instituto meo, nec etiam fortè ab officio erit alienum, si ea hoc in loco non recteam, quæ ad communem harum regionum pacem & concordiam non parum conducere mihi videntur.

De Meritis Gisberti Voetii.

PARS SEPTIMA.

EST, inquam, instituti mei pericula hic ostendere, quæ ex impunitate maledicentiarum oriri possent. Ac quamvis hoc scriptum epistolari formâ composuerim, non tamen illud tibi soli, sed quibuslibet aliis legendum proponam. Neque tamen profecto leges charitatis, exemplo tuo, contemno. Longè mallem te privatim posse emendari, si quæ ejus rei spes superesset: Atqui cum, ut supra vidimus, nec Magistratum nec symmystarum tuorum privatæ admonitiones & literæ quidquam hætenus apud te potuerint, nihil amplius, hac in parte, nisi per publicam reprehensionem, sperare licet; Ac quamvis ego perlibenter ab hac tædiosa descriptione abstinerem, tam necessaria tamen mihi videtur, ut eam omittere planè non possim. Non modo quia uniuscujusque officium est salutem & pacem ejus regionis, in qua degit, pro modulo suo procurare; Sed etiam quia vix ullus alius est, cui fuerit tanta occasio in vicia tua inquirendi, quique libetius ea possit palam facere; ac etiam à quo eorum patefactio in meliorem partem sumi, & plus ponderis habere posse videatur. Quod mihi magna fuerit ante occasio de te inquirendi, & nunc merita tua exponendi, faciliè concedent omnes, qui scient te ab aliquot annis per impudentissimam calumniam absque ulla vel minima umbra rationis mihi summum scelus, Atheismum scilicet, assignare voluisse, ut patet ex libellistis de Atheismo anno 1639. editis, de quibus actum est supra in fine quartæ partis hujus epistolæ. Jamque librum injuriosum, quæ *Philosophiam Cartesianam* vocas, & cujus ultima folia hoc ipso tempore intec-

scri-

scribendum accepi, si non in solidum à te scriptum (nolo enim istius gloriæ nullam partem adjutori tuo relinquere) saltem tuo jussu & tua cura typis fuisse mandatum: Cumque summam in eo libro falsissima & nullo modo probabilia de me scribendi licentiam sumpseritis; mihi saltem, ut confido, libertas concedetur ea hîc apertè omnibus exponendi, quæ de te vera esse probare possum. Et insignis illa male dicentia tua, quâ plerique alii à te aggrediendo deterrentur, mihi nullo pacto est timenda, non modo quia vitam meam ita paravi, ac tam multis sum notus, ut nihil veri de me dici possit, quod nolim audire, ac nihil falsi quodd non faciliè calumniæ convincatur; sed etiam quia jam istâ Philosophiâ Carch. omnia convitia, omnem maledicentiam, omnes artes tuas calumniandi, consumpsisti, adeò ut paucatilla, quæ de te scripseram in epistola ad P. Dinet, comparari possint cum linteo, quod serpentibus cicurandis offerri solet, ut admordeant; in illud enim omnes dentes & venenum ita deponunt, ut innoxie postea tractari possint. Denique multæ sunt rationes, ob quas ea, quæ de te scribo, aliquid fortasse ponderis apud quos lectores & judices sunt habitura. Nam primo notum est, me pacis & quietis præ cæteris esse amantem, neminem unquam in jus vocasse, nemini controversiam ullam movisse, ac etiam sæpe illatas mihi injurias condonare quàm persequi maluisse: contra autem te quammaximè esse contentiosum, acrem & importunum; adeò ut si vel minimum quid hîc haberem, quod cum aliquo prætextu posses arguere, statim mihi lites, quas maxime refugio, essent expectandæ, atque idèd me summam curam in eo esse adhibiturum, ut non modò nihil scribam, quod non sit verum, sed insuper quod non sit indubitatum. Notum etiam est, mihi non solere esse ingratum, quod quis opinionibus meis contradicat, sed eos qui veritatis explorandæ causâ illas impugnant, hoc nomine inter amicos à me numerari, & tanto esse gratiores, quo validiores objectiones proponunt; eos autem, qui tantum cavillantur aut conviciantur, solere à me contemni. Quod utrumque in multis re ipsa jam ostendi: nec unquam ulli alteri ex apertè calumniantibus respondi, nisi uni cui peculiarem ob causam respondere cogebar: unde faciliè credetur, me etiam nunc injurias à te illatas persequenturum non fuisse, nisi essent admodum atroces, & earum persecutio cum aliqua publica utilitate conjungi posset. Præterea notum est, me jam à plurimis annis has regiones ita incolere, ut nemini dubium esse possit, quin æquè bene, acque ullus indigena, erga ipsas sim affectus: ac etiam fortè hoc nomine mihi aliquid prærogativæ esse tribuendum, quod non ex sorte nascendi, sed ex delectu in ipsis vivam. Cùm enim, ut multi sciunt, satis commodè in patria mea versarer, nec alia prorsus ratio me ad alias sedes quærendas impelleret, quàm quod propter multitudinem amicorum & affinium, quorum consortio carere non poteram, minus mihi esset otii & temporis, ad incumbendum studiis, quibus oblector, & quæ aliqui persuasum habent ad commune bonum gentis humanæ prodesse posse; cumque nulla pars orbis terrarum mihi clauderetur, acque omnino

omnino nulla esset, quam non confiderem me libenter in incolam sibi nec gravem, nec forentiam indecorum, esse recepturam, hanc præ cæteris omnibus inhabitandam delegi. Denique notum est, me nec esse professione Theologum, nec de ullis unquam ex istis controversiis, quæ Christianos in diversis sectas dividerunt disputare, atque ideo liberius, quam Maresium, aliumve ex vestris Theologis, omnia, quæ de te dicenda sunt, proferre posse; ac si dem minus fore suspectam, quam aliorum, qui de rebus ad religionem pertinentibus contra repugnant; Omnino enim poterit animadverti me nihil de te esse dicturum, quod non eodem modo possem dicere, si essem ejusdem tecum religionis.

Hic autem primum agam de virtutibus, quæ Theologiæ Professore & Ecclesiæ Pastorem commendare mihi videntur, deinde facta tua breviter recensere, ac denique de meritis inquiram. Certum est basim & fundamentum omnium virtutum esse Charitatem, illamque in iis potissimum requiri, qui publice delecti sunt ad alios erudiendos & ad virtutem incitandos. Nosti quid hac de re scribat Apostolus 1. Cor. 13. *Si linguis hominum loquar & Angelorum, Charitatem autem non habuero, factus sum velut æsonans, aut cymbalum timiens. Et si habuero prophetiam, & noverim mysteria omnia, & omnem scientiam: & si habuero omnem fidem ita ut montes transferam, charitatem autem non habuero, nihil sum. Etsi distribuero in cibos pauperum omnes facultates meas, & si tradidero corpus meum ita ut ardeam, charitatem autem non habuero, nihil mihi prodest.* Ex quibus patet omne illud Dei donum, quod in aliquo homine esse potest, nisi cum charitate sit conjunctum, nihili planè esse faciendum. Signa autem, ex quibus Charitas agnosci potest, ibidem ab Apostolo sic recensentur: *Charitas patiens est, benigna est: Charitas non amulatur, non agit perperam, non inflatur, non est ambitiosa, non quarit quæ sua sunt, non irritatur, non cogitat malum, non gaudet super iniquitate, congaudet autem veritati.* Unde sequitur, illos, qui sunt iræ impatientes, maligni, invidiosi, turbulenti, tumidi, arrogantes, litigiosi, truculenti, maledici, convitiatores, & mendaces, nullo modo habere Charitatem. Cum autem hæc Charitas, hoc est, sancta amicitia, quæ Deum prosequimur, & Dei causa etiam omnes homines, quatenus scimus ipsos à Deo amari, magnam habet affinitatem cum honesta illa humana amicitia, quæ inter familiaritate conjunctos esse solet, optimè, ni fallor, utriusque officia simul expendemus. Una est tantum summa regula, ut nunquam malè, sed, quantum in nobis est, bene amicis nostris faciamus: Et quia nihil melius est, quam vitis capere, ideo nemo unquam alteri majus beneficium præstat, quam cum ipsum ab aliquo vicio modis apposis revocare conatur. Sed addo, *modis apposis*: nam si quis intepestivè alium objurget, si levem ob culpam nimis severe, si aliis præsentibus cum non est opus, si falsa crimina illi affingat, & ita non tam emendationem, quam ignominiam ejus & gloriam suam, querere videatur

tur, odiosus erit & importunus. Sed fere semper licet privatim, nemine conscio, modestè amicum suum admonere; Atque si hoc non sufficiat, & culpa sit gravis, licet etiam instare & objurgare; ac deinde curare idem fieri ab aliis ejus amicis, uno, duobus, omnibus. Quæ omnia si non prosint, ejusque peccatum sit tale, ut eum amicitia viri honesti reddat indignum, possumus quidem nos ab ejus familiaritate subducere, ac non amplius ipsum inter amicos numerare: Sed sanè quamdiu amamus, non debemus unquam ipsum publicè coram omnibus etiam extraneis & ignotis reprehendere, neque enim hoc pacto bonum ejus procuraremus, sed potius malum, nempe infamiam. Hocque non solum de vitiis occultis est intelligendum, sed etiam de publicis: qui enim publicè peccant, solent in peccatis suis gloriari, nec curant quòd sciatur se talia committere, sed dolent quòd propterea vituperentur. Notandumque est, metum infamiz quammaximè homines à vitiis retrahere, non autem ipsam infamiam, quæ postquam alicui illata est, non amplius ab eo timetur: Et idcirco qui privatas amicorum objurgationes non addiunt, non etiam publicis reprehensionibus emendantur, sed contra potius ex iis sumunt occasionem & libertatem in peccatis suis perseverandi, ut frequens experientia ostendit. Atque hæc leges humanæ amicitiz planè conveniunt cum legibus charitatis, quas ipse Christus Matth. 18. sic docet: *Si peccaveris in se frater tuus, vade, & corripe eum inter te & ipsum solum; si te audierit, lucratus eris fratrem tuum: si autem te non audierit, adhibe secum adhuc unum, vel duos, ut in ore duorum vel trium testium stet omne verbum. Quòd si non audieris eos, dic Ecclesie: si autem Ecclesiam non audierit, sit tibi sicut gentem & publicanum.* Ubi notandum est, non agi de quibuslibet proximis peccatis; sed tantum de injuriis nobis ab ipso illatis: non enim tantum habetur *si peccaveris frater tuus*; sed additum est *in te*. Cumque habemus plus juris ad aliquem reprehendendum, cum nos ipsos affectit injuria, quam cum videmus diu taxat illum aliud mali fecisse, non dubium est, quin hic contineantur extrema omnia remedia, quibus uti licet ad proximum suum, cum peccatum aliquod magni momenti commisit, reprehendendum. Nec alio nomine omnia proximi peccata huc revocantur, quam quia supponitur esse tantus zelus in viris piis, ut non minus agrè ferant, quòd quis peccet in Deum, vel, quia Deo ab hominibus noceri non potest, quòd ille qui peccat, & quem amant ut proximum, sibi ipsi noceat peccando, quam si illis injuriam inferret. Si quis itaque in te peccaverit qui sit Christianus, atque ideo quem per charitatem diligere tenearis, primò quidem illum privatim monere debes; Atque si non emendetur, debes secunda vice ipsum monere coram uno vel duobus ejus amicis, eosque ad hoc potissimum diligere quos plurimum auctoritatis apud ipsum habituros esse confidis: Ac rursus si non emendetur, dic Ecclesie, hoc est, conqueraris de ipso apud Concilium illorum omnium, qui eum etiam in Christo diligunt, addè ut, juxta ordinem quem audio à vestris observari, possitis hic per Ecclesiam intelli-

gere Synedrium vel Synodum. Sed diligenter hic notandum per hoc verbum *dic Ecclesie*, nullo modo intelligi publicam reprehensionem coram omnibus etiam extraneis, qualis fieri posset per theses Theologicas aut conciones. Primiò quia directè repugnat charitati, & habet rationem pœnæ, quâ non procuratur bonum ejus qui sic arguitur, sed ei malum infertur. Neque enim, ut jam dictum est, si quis peccatum emendare noluerit postquam vulgatum est inter ejus amicos, magis postea illud emendabit propterea quod aliis etiam innoteceat, ac contra potius amisso metu illius pudoris audacior fiet ad peccandum. Secundo quia sequuntur hæc verba: Si autem Ecclesiam non audieris, sic tibi sicut ethnicus & publicanus: hoc est, desinas eum numerare inter illos, cum quibus pecularem amicitiam propter communionem fidei contraxisti, & pluris non facias quàm extraneum & ignotum; non autem jubet ut idcirco eum persequaris ut inimicum; neque enim olim Christi discipuli ethnicos & publicanos odio habebant, sed tantummodo non amabant ut fratres. Atque hæc quidem leges amicitie generaliter omnibus mandata sunt, sed præ cæteris tamen ad ipsas Theologi, Concionatores, & Ecclesiarum Pastores obligantur. Nam cum nihil in humana societate sit amicitia præstantius, & præcipuus ejus fructus in eo consistat, quod ab amicis errorum nostrorum admoneri, & à vitiis revocari possimus. Cumque omnes sibi privatim comparere non possint amicos satis fidos & satis prudentes, ut iis in hunc finem uti possint, viri præ cæteris pietate, prudentia, & charitate Christianâ insignes, tanquam communes omnium hominum amici, libenter ab iis, quicquid tales agnoscunt, audiuntur; & illi qui vitam in Theologicis studiis impendunt, atque in Concionatores Ecclesiarumque Pastores delecti sunt, tales esse vulgo putantur. Atque omnino cum sint tales, summopere à cæteris hominibus honorari debent & diligere: Sed si quem videamus, nunquam nos privatim ullius peccati admonentem, omnes captare occasiones publice apud alios nos culpandi, præcipuè cum putat nos nunquam id rescituros; & sæpe velle peccata, quibus nunquam obnoxii fuimus, nobis tribuere; vel facta quædam nostra, sed quæ nec à nobis, nec ab aliis mala creduntur, tanquam magna crimina condemnare, quamvis nullâ unquam à nobis vel minimâ injuriâ fuerit affectus, eodemque etiam modo se gerere erga alios plures, clarè agnosceamus illum charitate omni atque humanitate esse destitutum, & amicitia indignum. Quæ verocor ne frustra videat hic scripisse, jam enim suprà satis vidimus, se leges charitatis ut musteas contemnere: forsân quia non cupis blandus videri, sed reprehensoris acerbitate, ac legislatoris imperio magis delectari. Ideoque nonnulla etiam de istis hic subjungam. Et primiò quidem quantum ad reprehensiones, quæ sunt absque ullo jure condemnandi, & vocantur propriè accusaciones, certum est illas in omni republica bene institutas permitti, modò sint veræ, ac etiam aliquando imperari, ut in crimine majestatis. Et omnino illi, qui alios vituperantes nihil falsi de ipsis dicunt, legibus non condemnantur: habetur enim

expresse

expresse l. 17. Dig. de injur. & fam. lib. cum qui nocentem infamavit, non esse bonum equum ob eam rem condemnari: peccata enim nocentium nota esse & oportere & expedire. Sed nihilominus variz sunt causz, ob quas certz accusationes aliis minùs honestz ac justz sunt: Nam sanè humiliores reos & ad poenitentiam paratos nemo unquam honestè accusat, nisi sit Prætor, vel aliquam aliam ob causam ad id cogatur: quia pugnat cum charitate, quâ nos omnes mutuo prosequi debemus, utrum, qui supplex est, & veniam petit, puniri cupiamus. Sed si quis arrogans & obstinatus ea committat ex quibus pax & concordia Reipublice turbari possit, quique privatim ab amicis ac etiam à Magistratibus monitus peccata sua nolit emendare nec agnoscere; qui sit tam vehementis in aliis impugnandis, tam audax in calumniandis, tam pertinax in persequendis, ut vix ulli ausint ei resistere; qui denique tot habeat effugia, tot astutias ad vitia dissimulanda, tantumque impudentiam ad ea perneganda, ut quamvis facilè possint intelligi ab iis qui causam examinant, non tamen ita facilè quilibet possit ea omnibus demonstrare: certum est illum, qui potest atque audet, quique non est in ullo publico munere constitutus, rectè facere si talem reum accuset, ac etiam non posse honestè non accusare si fuerit ab ipso laceratus & atrocibus calumniis latus, ne vel pusillanimis esse, vel ea quæ pertinent ad publicam utilitatem & propriam existimationem negligere videatur. Excepi autem illos qui muneribus publicis funguntur, non quod nulli ex ipsis possint alios accusare, aliqui enim ex officio ad id coguntur, sed quia illis, quorum officium nihil tale exigit, minùs honestum est quàm privatis. Cavere enim debent, nec cum iudices esse non possunt, videantur auctoritate sui muneris abuti velle ad alicujus innocentiam opprimendam. Quippe privati periculo suo accusant, & nisi omnia, quæ dixerint sint vera, vel saltem nisi justas causas habuerint ea putandi esse vera, ut calumniatores puniantur: sed in auctoritate constituti sæpe impunius nocent. Ac certè ex illis omnibus qui publicum aliquod munus sustinent, nullis est magis indecorum alios accusare, quàm Concionatoribus, Professoribus Theologiæ, atque Ecclesiarum Pastoribus: cum enim ratione muneris sui pro viris supra ceteros piis, doctis & charitatis zelo ardentibus habeantur, magno præjudicio gravant causam quam impugnant, & si velint mali esse, multas habent occasiones ad impunè calumniandum. Sed quamvis forte nonnunquam illis concederetur ut alios accusarent, injuriasque sibi factas ulciscerentur, & privata odia exercerent: Nunquam tamen profecto concionibus aut thesibus publicis ad hoc honestè uti possunt.

Nam, quantum ad conciones, nemo dubitat quin sint institutz ad docendam veritatem circa ea quæ spectant ad religionem, & simul ad homines à peccatis dehortandos & ad virtutem impellendos, non autem ad ullos ignominia afficiendos, nec ad exempla malignitatis exhibenda, nec ad ullum jus in singulares homines usurpandum. Et quando aliquis in sacrâ concione factum particu-

ticulare vel Magistratus vel privati alicujus reprehendit, majori eum afficit ignominia, quam si idem factum ex alio loco, quamvis coram iisdem auditoribus, ei exprobraret: Cum enim publicè delectus sit ad veritatem ex illo loco dicendam; privato suo testimonio publicam auctoritatem adjungit, sicque dignitate sui muneris abutitur ad proximum infamandum. Deinde quia omnis personarum publica reprehensio quantumvis vera & justa, limites tamen charitatis excedit, atque ad proximi odium invitat; ideo est pessimi exempli in concione. Denique quoniam prætextu victorum arguendorum facile potest quis in hoc crimine impune incurrere, quòd etiam personas reprehendat, eas quidem non nominando sed talibus notis designando, ut quamvis ab auditoribus certò cognoscantur, ipse tamen possit simulare se de illis non cogitasse; Idcirco illi qui reverà pii sunt, nullamque istà via illegitimam auctoritatem supra Magistratus & alios quoscunque usurpare conantur, diligentissimè cavere solent, ne idem unquam de se dici possit, quod tu de teipso jactas pag. 331. quòd nempe Methodo tibi usitata facta particularia in concionibus tuis haud infrequenter ita depingas, ut, quamvis nullo nomine, merè tamen historiz esse videantur.

Quantum ad theses, si verum & ordinarium earum usum spectemus, non multum habent auctoritatis; supponuntur enim ut plurimum à discipulis factæ, atque nihil aliud debent continere quàm assertiones, quas earum auctor in paucarum horarum disputatione defendendas suscipit, si vè eas putet esse veras, si vè non poterit: Nam circa res ad fidem non pertinentes, nec ad ullius detrimentum spectantes, etiam ea, quæ putat falsa, potest in iis sine mendacio affirmare, cum nempe ingenii exercendicauâ vult ipsa contra omnes objectiones, quæ intra breve tempus disputationis fient, defendere. Potest etiam interdum nomen alicujus auctoris à quo dissentit exprimere, si forè hoc ad rem facere videatur: ut si quis proponat tales theses: *Sanguis in venis non circulat, contra Heruum.* Dantur *forme substantiales, contra Regium*, aut similes, tunc enim censetur illos à quibus dissentit honoris causâ nominare: nullusque amator veritatis ægrè unquam fert suas opiniones impugnari. Sed valde cavendum est, ne qui in thesibus ita nominetur aut designetur, ut id in ejus vituperium factum fuisse credi possit, tunc enim transirent in naturam libelli famosi, cujus dedecus in Academiam, in qua essent edita, resiliere: Quamvis enim ab uno fiant, coram omnibus ventilantur, & ideo, nisi prohibeantur, existimantur permitti: Nec ulbi minus tempestivè possunt exempla maledicentiz exhiberi, quam in Academicis aut scholis, ubi non minus virtus quàm scientia est docenda. Sed sanè si nunquam sit maledicendum in ordinariis illis thesibus, quæ tantum ad horariz disputationis usum parantur, multò minus id fieri debet in reverendis illis libellis, quos sub thesium nomine vulgare soles, eorum enim te auctorem profiteris, & in iis determinationes si vè decreta vestra facultatis Theologicæ vis contineri: Quippe doces nos pag. 333. *Professores vestre facultatis esse in doctrina, studiis,* profes-

professione, isozuxi, & responsiones ac theses singulorum haberi tanquam omnium.

Denique ut melius intelligatur, quàm parum conveniat in Theſibus iſtis aut concionibus loco vitiſorum perſonas ipſas reprehendere, notandum eſt juſ charitatis, quo ſolo utuntur viri pii ad alios homines reprehendendos, vel etiam juſ magiſteri, quo ſolan uti poteſt Pædagogus in adoleſcentibus tuz cura privatim commiſſis, non autem profeſſo in magiſtratum, plurimum diſſerre à jure domini, ſive à jure civili, quo utitur magiſtratus ad nocentes puniendos: Eorumque præcipuam diſſerentiam in eo conſiſtere, quòd juſ civile reſpiciat bonum commune multorum hominum ſimul junctorum; jura autem magiſteri & charitatis ad ſingulos ſeorſim ſpectatos referantur: Unde ſit, ut liceat quidem Magiſtratu privatis quibuſdam nocere, ac etiam interdum ipſam vitam iis adimere, ut communi aliorum utilitati proſpiciat; Sed non ita unquam licet pædagogus plures diſcipulos habenti vel minimum quid mali uni ex iſtis inferre, ut aliis quantumvis magnam utilitatem procuret: ſingulos enim ſeorſim ab eorum parentibus accepit, ut iis beneficeret, non autem ut ullâ ratione noceret. Atque hic omnino valde regula quæ docet, non eſſe faciendam mala ut eveniant bona: Et multo magis adhuc valere debet apud eos qui ſolo utuntur jure Charitatis: repugnat enim, ut ille qui alium lædit poſſit in eo cenſeri ejus amicus. Non opinor, exiſtimas, tibi licere aliquem interficere aut vulnerare, quantumvis magnum peccatum commiſerit; nec etiam pecunias diviti quantumvis iis malè utenti eripere, ut eas deſe pauperibus, aut in alios uſus quantumvis pios converteras; Sed ſanè non video, cur magis liceat proximi tui exiſtimationem, quam multi fortunis omnibus ac vita ipſa chariorem habent, quantumvis juſta reprehentione, in concionibus aut deciſionibus Theologicis minuere; ſic enim illum afficeres damno vel poena non aliter quàm ſi pecunias aut vitam eriperes. Hic autem loquor de *proximo tuo*, nam forte in alios jure belli vis iſtud tibi licere: ſcio te eſſe valde pugnacem, atque omnes à quibus vel minimum in religione diſſentis, inter hoſtes numerare, quæ in ſe quàm piè te geras non dicam, ſatis enim intelligitur ex charitate qua uteris erga ipſos fratres. Loquor etiam de concionibus & deciſionibus Theologicis duntaxat, quoniam ibi agendo ex publica auctoritate maledictis tuis plus nocere: neque affirmo te nunquam alibi poſſe inimicos publicè accuſare, ſive apud judicem, ſive etiam apud populum; eſſi profeſſo minùs honeſtè id poteſt quam privatus, atque hæc licentia publicè alios accuſandi excedit leges charitatis, & non inſtituta eſt ad bonum eorum qui accuſantur, ſed reliquorum qui metu ſimilis accuſationis à vitiis magis abhorrent: ut jam dictum eſt. Atqui audi B. Jacobum cap. 4. dicentem: *Qui detrabit fratri, aut qui judicat fratrem ſuum, detrabit legem, & judicat legem.* Conceſſum enim tibi eſt, imò tantumquam concionari uti mandatum, ut vitia reprehendas, & homines ab iis revocare coneris, ſed hoc longe aliud eſt, vitia reprehendere, quàm jam ab omnibus ſine controverſia

pro vitiis habentur, quod unum tibi mandatum est; & aliud judicare hunc vel illum hominem istis vitiis esse obnoxium; vel etiam determinare hoc vel illud, quod ab aliis pro vitio non habetur, vitium esse. Quod profectò si facis *terra-
bus legi, & judicis legem*, hoc est, plus arrogas judicio tuo quam legi: Ad determinandum enim quid sit juris, habetis, opinor, Synodos vestras, in quibus ex communi omnium sententia judicatur; & ad facta hominum punienda habentur Magistratus: Mihi quæ non faciliè persuadeo symmystas tuos æquo animo esse laturus, quod tu solus ex propria auctoritate de quæstionibus nondum apud vos determinatis ita decernas, ut quamvis alii Theologi ac etiam integra synœdia à te dissentiant, pluristamen fieri velis tuam unicam decretum quàm aliorum omnium opiniones: nisi forsitan te incaput ecclesiæ suæ constituant, quod non ausim dissuadere, ne vel illis sim suspectus, vel malè merear de nostris. Sed sanè si etiam Magistratus paterentur te de particularibus hominum factis in concionibus aut thesibus judicare, atque ita in omnium hominum famam liberè grassari, admodum mirarer. Novi quidem prætextum quo uti possis ad fingendum id tibi licere; nempe quemadmodum olim Prophetæ Reges ipsos liberissime objurgabant; ita etiam tu, pietissimus scilicet eorum imitator, tanto ardes zelo, ut ferre non possis quidquam committi, non dicam quod Deo displiceat, sed quod tibi videatur, vel tantum quod fingere possis tibi videri Deo displicere, quin illud severissimè reprehendas, & quia non habes rationem personarum, æquè libenter in Optimates & Magistratus, atque in vulgares homines invaharis. Sed, Domine Voeti, velim ut advertas, jus illud summum, quod olim quidem Prophetæ in ipsos Reges exercuerunt, non illis concessum fuisse nisi quatenus modo extraordinario & supernaturali à Deo impellebantur, ejusque voluntati obsequentes non poterant errare: quapropter etiam illis non credebatur nisi quia magnis & indubitatis miraculis fidem dictis sui faciebant. Atque ut intelligas eorum justam immensum fuisse, ut non faciliè tibi ullum simile concedi possit, vide quo pacto Deus illud describat Jer. 1. Ecce, inquit, constitui te hodie super gentes & super regna, ut evellas & destruas, disperdas, & dissipes, & aedifices, & plantes. Ille autem, qui sic constituebatur super gentes & super regna, erat vir solus, nullos secum habens consiliarios visibiles, cum quibus de iis, quæ agenda erant, deliberaret, nullamque etiam habens potestatem civilem: & idcirco non fuisset rationi consentaneum, Reges & populos se ultro illi subicere, nisi evidentibus miraculis ostendisset, se à Deo regum domino reverà missum esse. Tu quidem extraordinarios istos Prophetas optimè in eo imitaris, quod aliorum hominum consilia non cures; & tanquam si cum Deo loqui soles, ex proprio pectore decreta tua deprobas: Sed miracula tibi hæc tunc defuerunt, & idcirco ex tuis scriptis nullos his sæculis juxta vestram religionem agnoscere in ecclesia tales prophetas, qui scilicet edant miracula, & quibus in omnibus sit credendum. Atque idcirco non opus erit, ut examinem, quid

nostris

nostris aliisve, qui à vobis hac in parte dissentiunt, possit concedi. Satis est quod intelligatur, te nec esse ab errandi periculo immunem, nec ullum privilegium habere supra ceteros omnes religionis vestræ Ministros : Hinc enim sequitur, si tibi liceat Magistratum facta coram populo ex propria tua auctoritate reprehendere, idem etiam omnibus aliis licere ; ac cum errare possitis, & sint quot homines tot sententiz, nullum alium inde fructum expectandum esse quam turbas & confusionem. Quæ mala in Republica tantum potenti tam multis membrorum constante, ac cujus salus omnis à concordia dependet, quam diligentissime præcavenda esse nullus ignorat. Sed ne interim Charitatis obliviscamur, quemadmodum solemus amicis condonare, quidquid in nos peccent, quamdiu judicamus eos revera nobis esse amicos, contra autem in illos magis irasci quoniam agnoscimus amicitiam simulare, ut nos lædant, quam inapertè nocentes : Ita si quando Theologus verè pius, & quem constet nullo alio duci affectu quam Charitatis, limites officii sui excedat, facile poterit excusari : sed si quis vultu ac verbis simulans pietatem, factis ipsis nihil aliud quam malignitatem & dominandi lubidinem ostendat, omnino est coercendus.

Nunc autem si examinemus factum tuum contra Sylvauducis, facile quoque zelo serveas intelligemus : nam primò considerando rationes, quæ te movere potuerunt, ut illam urbem in Thesibus publicis nominares, ac simule, quæ ab ejus Magistralu atque Optimatibus facta erant, condemnares, ipsosque Optimates variis conviciis afficeret, nullam omnino possumus invenire quæ redoleat Charitatem ; Nec ullam ipse excogitare potuisti, nullam enim in toto tuo libro habes, nisi quod dicas pag. 4. te super facto Sylvauducensi consultum fuisse à nescio quo illius urbis Ministro, & operæ quasi parentem, cum ederes Theses de idololatria indirecta, casum illum iis inseruisse : tanquam si minus operæ esset aliquid thesibus inferere ac typis mandare, quam illud idem privatis literis ad amicum scribere, quod nemo non agnosceret falsum esse, præsertim ex iis qui sciunt nihil poni in thesibus de quo respondens doceri non debeat : hocque etiam nonnihil laboris exigere : Sed quamvis operæ hoc pacto reverà pepercisses, non ideo plus haberes charitatis. Nec sanè quæsiivisti emendationem, ullamve aliam utilitatem eorum quos arguebas : apparet enim ex libri tui pag. 339. & 341. te non sperasse theses illas ad ipsos unquam perventuras ; Nec etiam discipulorum tuorum ulliusve alterius bonum spectare potuisti Sylvauducis nominando, & auctores facti quod reprehendebas designando : nam contra minus alios à tali facto poterat revocare, dando illis exempla virorum illustrium, & famæ optimæ, qui jam illud ausi erant, & quos nemo non libenter imitetur ; quam si rem à te reprehensam circumstantiis omnibus ita exuisses, ut nemo potuisset suspicari te ad illos respexisse. Cum itaque nec ad eorum quos arguebas, nec ad aliorum ullam utilitatem spectare potuerit tua illa personarum designatio, quid fuge est nisi ut manifestè cognosceatur te maledicere voluisse ? Deinde si ulte-

rius

terius inquiramus, quænam illius maledicentiæ tuæ fuerit causa, non faciliè alia poterit inveniri, quàm quòd libenter ejusmodi occasiones captas ad injustam dominationem in omnes homines usurpandam & stabilendam: Neque enim privatas ullas inimicitias cum iis de quibus malè loquutus es, habebas, quoniam ut sæpe affirmas tibi antea erant ignoti: sed cum sperares theses tuas vel nunquam ad eorum manus esse perventuras, vel saltem ipsos tanti eos non esse facturos, ut publico responso dignarentur, non parum tibi auctoritatis conciliare posse putasti ex eo quod studiosi vestri Academici, aliique omnes ad quos facti tui fama pervenerint, videntes te ausum fuisse tales viros & urbem tam celebrem condemnare, ob rem ad bonum reipublicæ ab iis factam, & ab aliis Theologis approbatam, teque id impune tulisse, revereantur potentiam tuam, & non audent quicquam neque privatim neque publicè suscipere, nisi prius à te esset approbatum, ne in maledicentiæ tuæ importunitatem incurrerent. Qua via quicunque est impudens, malignus, loquax, & plebi gratosus, faciliè ad magnam dominationem potest pervenire, quando ejus artes à nemine deteguntur. Sed satis incommodè tibi accidit, quod Maresius publico scripto innocentiam suorum, ac tuæ reprehensionis iniquitatem ostenderit: Ac deinde etiam quod Magistratus Sylvæ ducis, aliique variis literis efficere conati sint, ut ab ulteriori scriptione abstineres, & proximæ Synodi judicium expectares, cui se illi quos argueras subijcere velle profitebantur: Ita enim fieri non potuit, quin vel appetè pietatis & charitatis larvam exueres, justissimæ illorum petitioni non obsequendo; vel de summa dominationis spe magna ex parte excideres, si te à Synodo in ordinem redigi patereris. Quorum utrum malueris, editione libri de Confraternitate Mariana ostendis: In eo enim nullis rationum momentis, & nullo honesto prætextu, sed solâ contumaciâ, & maledicendi audaciâ de victoria certas. Atque omne istius libri artificium in hoc uno consistit, quòd tam longum illum seceris, tamque ædiosum, ut nullius hominis patientia durare possit ad integrum perlegendum; & tam frequenter in eo Maresum cum illis quos defendit accules, objurges, condemnes, ut ii qui tantum hinc inde paginas ejus aliquas inspicient, videntes te ubique in ipsis triumphare, tanquam si justitiam tuæ causæ atque crimina adversariorum certissimis argumentis demonstrasses, putent tua illa argumenta in aliis paginis, quas non legerunt, explicari. Materiam autem ad conflandum crassum volumen invenisti, colligendo multas inanes narrationes quibus Sodales R. Virginis odiosas reddere conaris; & librum Maresii frustillarum confectum, & disceptum, in locos communes digerendo; & varias quæstiones proponendo, quæ sanè charitatem non olent; *Charitas enim non cogitat malum*, illæ verò nihil aliud ostendunt, quàm te sæpissimè malum cogitasse, ubi nullum fuit. Narras etiam in isto volumine quo pacto adversarii tui modis omnibus à scribendo te revocare conati sint, & quomodo nihilominus in scriptione perrexeris, ut inde credatur eos causæ suæ diffidere, tuam

autem

autem tibi esse indubitatam. Quæ præjudicia satis facile illos qui causam accuratè non examinabunt in errorem inducent; Ac quantum ad alios, quos fortè nullos vel non nisi paucissimos fore sperasti, eos nempe qui & librum Maresii cum tuo conferent; & utriusque rationes expendent, solo metu videris retinere voluisse, ne, quæ de te vetissima esse percipient, aliis ausint palam facere. Non enim illos latere potest, nullam solidam rationem à te afferri ad factum Optimatum Sylvæducentium improbandum; nullamque ad tuum defendendum, nisi quod incredibili cum audacia neges te illa scripsisse, quæ distinctè in thesibus tuis leguntur. Unde perspicue cognoscent, Maresium, & Optimates Sylvæducentes, causæ nullo modo diffisos fuisse; neque te ullam spem habuisse tuæ rectè defendendæ; Ac proinde illos ideo tantum descriptionem tuam impedire voluisse, quod paci Ecclesiæ vestræ, atque honori tuo consulerent; te autem è contra rixas & turbas quasvisseut illos infamares, & quàm maximè contumax, implacabilis, terribilis appareres, ne quis in posterum tibi ausit repugnare. Nam certè cum factum Optimatum Sylvæducentium, ad ipsorum urbis securitatem, & salutem Reip. susceptum, condemnare non timueris, nemo credet te tam sanctè vivere, vel tantæ esse auctoritatis, ut à reprehensione tua sit tutus; Cumque Maresio tam iratus sis, & illum tam acerbè persequaris, ob id unum quòd suos modestissimè defenderit, te interim quantum potuit excusando, ac etiam laudibus, quarum indignissimus eras, extollendo, non sperandum est, ullam viam posse inveniri ad te tam blandè admonendum ut non maximè iriteris; Cumque tam audacter in libro tuo mentiaris, tam sæpe in eo provoces ad inspectionem tuarum thesium ex qua mendacium tuum sit manifestum, & tam apertè leges charitatis ut musteas contemnas, non est quòd quisquam speret, evidentiæ & certitudine rationum suarum, tibi silentium imponere; Denique cum appareas tam atrox in minimis injuriis ulciscendis, tamque implacabilis, & tam pervicax, ut neque magistratum neque conventum ecclesiasticorum auctoritate vel admonitionibus vel precibus flecti possis aut coërceri, nemo non merito importunitatem tuam averfabitur; & occursum tuum tanquam feræ alicujus indomitæ refugiet. Quibus artibus si possis hac vice famam tuam conservare, ac efficere, ut ii qui veritatem tuæ causæ percipient, non ausint eam aliis exponere, vel saltem ut fides iis à reliquis non habeatur, fateor te fore summè potentem. Sed paucas hinc addam rationes ob quas id fieri vix posse mihi videtur, ac simul merita tua describam.

Quamdiu convicia tua in solos religionis vestræ adversarios effudisti, facile apud illos, qui partibus tuis favebant, & scripta tua non examinabant, aliquam pietatis & doctrinæ famam habere potuisti: Quod enim multos libros scriberes, doctrinæ; quod autem asperis & maledicis verbis sæpe in iis

utereris, merito adversariorum, & ferventi pietatis tuæ zelo tribuebant; sed interim à te dissentientes indignabantur, magisque irritabantur, & libri tui nullius planè usus erant, nisi ad efficiendum ut qui eos perlegebant (quos fateor fuisse admodum paucos) videntes in ipsis loco rationum convicia tantum contineri, & ita causam vestram malè à te defendi, pejorem de illa conciperent opinionem: adeò ut ad ipsius religionis vestræ honorem & promotionem sit perutile quod artes tuæ deregantur, ac vereor ne nostri hac occasione me prævaricationis accusent. Cum deinde notatum est, te non tam in vulgata & omnibus cognita peccata invehì solere, quàm nova quædam investigare, quæ tam minuta sunt, ut ab aliis pro peccatis non habeantur, & non tam ad plebejos homines quàm ad potentiores spectant, atque illa tanquam summa scelera describere, ut præ cæteris sanctus videaris, tunc multi existimarunt in te optimè quadrare verba Christi Matth. 7. *Nolite judicare, ut non judicemini: in quo enim judicio judicaveritis, judicabimini: & in quâ mensura mensi fueritis, remetietur vobis. Quid autem vides festucam in oculo fratris tui: & trabem in oculo tuo non vides? Aut quomodo dicis fratri tuo: Sine ejiciam festucam de oculo tuo: & ecce trabs est in oculo tuo? Hypocrita, ejice primum trabem de oculo tuo, & tunc videbis ejicere festucam de oculo fratris tui.* Cum etiam postea cognitum est, quo pacto Regium impugnaris, & censuram tuam Theologicam absque ullo rationis prætextu ad quæstiones purè philosophicas extendere volueris, de malignitate tua dubitari non potuit. Cumque nunc tandem eo usque deveneris, ut urbis celeberrimæ Magistratum & Optimates in Academicis thesibus condemnaris, ob rem ab aliis Theologis & ipso etiam eorum Synedrio approbatam; ut eorum Pastorem, qui tibi modestissimè ac verissimè pro ipsis respondit, tanquam mendacem & calumniorum prolixo libro traducas; ut leges Charitatis musæas voces; ut dicas nihil tibi negotii esse cum Synodis; ut ea quæ in thesibus apertè scripsisti, postea in alio libro impudenter neges à te scripta esse; utque nulla ratione poteris impediri à tam maligno & maledico libro evulgando: Dubitare non debes, quin Domini tui clarè agnoscant audaciam istam necessariò esse coercendam: Nihil enim magis apertè ad civilem discordiam tendere potest, quàm si quis unius urbis auctoritate munitus factum alterius urbis, & quidem non qualecunque, sed ad bonum republicæ susceptum, publico scripto condemnet, ac non tam rationibus reprehendat, quàm convitiis insequatur. Aggrè forsan fers hæc à me scribi; sed quid facerem? agitur hic de communi harum regionum, quas ego non minùs quàm tu à multis annis inhabito, salute ac pace. Neque hic ullo modo quæstio est de rei quam reprehendisti æquitate: Non opus est expectare ullam synodum quæ determinet, an liceat vestris societatem aliquam cum Romano-Catholicis inire, quæ à B. Virgine denominetur, & in qua nihil fiat à religione vestra alienum,

num, (qua in re puto magnam inventum iri difficultatem:) Sed quæritur hic tantum, an liceat unius urbis Theologo ex propria auctoritate aliam urbem condemnare, ac quantum in se est infamare; atque an purandum sit, ejus dominos, pro ea qua pollent æquitare ac prudentia, in illum non esse animi adversuros. Præsertim cum jam experti sint te esse tam pervicacem, ut nisi maturè coerceraris, facile ad intolerandam audaciam sis perventurus; & nihil aliud possit expectari, si tibi hac vice parcat, quàm quoddam fortè in posterum, non melior factus sed cautior, abstinere quidem ab urbis nominandis, sed interim *Methodo tibi*, ut jactas, *usitata*, facta eorum quos voles infamare sic describes, ut facile ad ipsos referri possint, & ita non minùs quidem nocebis, sed fortè minor erit occasio te puniendi. Non exponam hic alias rationes ob quas tibi à Superioribus tuis tam politicis quàm etiam ecclesiasticis condonari non posse existimo, ne fortè videar te monendo tacite illos ea quæ meliùs me scire possunt, ac procul dubio etiam sciunt, docere velle. Sed unum adhuc est quod plebis causà omittendum esse non puto. Nempe hoc semper in vestra religione observari audivi, si quis Concionator in turpi aliquo peccato deprehendatur, exempli causà si adulterium vel furtum vel homicidium commiserit, ut munere suo privetur: nec immerito; quamvis enim ii qui non bene agunt possint alios bene monere, nunquam tamen tanta fides illorum dictis habetur, quàm si probi & inculpato esse putarentur: Sed sanè nullum peccatum Concionatori turpius est, nullum meliori jure impedit ne verbis ejus credatur, nullumque idcirco eum munere suo reddit magis indignum, quàm si sæpius atque apertissimè mentiatur, maledicat, calumniatur. Alia enim peccata extra concionem fiunt, & ob humanam fragilitatem excusantur: Quin etiam ex charitate credere debemus, illos qui ea commiserunt, voluntatem in iis perseverandi deponere, antequam incipiant concionari; ac proinde non minùs esse audientes quàm si antea fuissent inculpati: Nullumque omnino periculum est, ne quis homicidii, vel adulterii, vel furti exempla edat in concione, quin è contra si quis irà percitus hominem occidit, vel alio animi motu impulsus alia peccata commisit, sæpe ipsum postea eorum sic poenitet, ut aptius & efficacius alios possit ab iis revocare, quàm qui nunquam in ipsa inciderunt. Sed mentiendi, maledicendi, calumniandi licentia nullibi facilius exerceri potest, quàm in concione, ac nullibi magis est culpanda: Conciones enim institutæ sunt ad docendam veritatem, populus illam ex isto loco expectat, ideoque nullum in concionatore majus vitium est, quàm quoddam sit mendax; Cumque etiam conciones institutæ sint ad exempla pietatis & charitatis Christianæ exhibenda: cum ex variis mendaciorum generibus nulla magis turpia sint, nec à charitate magis aliena, quàm quæ in proximi detrimentum

tendunt, & maledicta, & calumniæ appellantur, nulla etiam sunt in concionatore magis culpanda. Quod autem in talibus mendaciis, non semel, sed sæpius in tuo libro deprehendaris, jam satis supra fuit ostensum; Nec opus est ut mihi homines credant, nihil asserui quod ex tuis scriptis publicè editis non sit manifestum; Vel certe si qui nec scripta tua velint evolvere, nec æquum putent mihi affirmant credere potius quàm tibi pastori suo strenuè idem perneganti, non possunt tamen te excusare nisi Maresium symmysiam tuam condemnent: Negari enim non potest, quin illum sæpe in libro tuomendacii & calumniæ accusas, qua in re si verum dicis, ille ergo indignus est qui concionetur; sed si falsum, certè in hoc ipso, quòd eum calumniæ accusas, tu ipse calumniaris. Et quia nulla de illo suspicio esse potest, nullam puto excusationem tibi superesse.

*De Praefatione libri Ultrajecti editi de Philosophia
Cartesiana & ejusdem tertia sectione.*

PARS OCTAVA.

Nondum librum de Confraternitate Mariana totum segeram, cùm alius de Philosophia Cartesiana prodiret in lucem; & quamvis multi, à quibus jam visus est, eum judicent omni responso esse indignum, quia tamen cœpi respondere, atque tam atrox in eo calumnia continetur, ut ipsam silentio præmittere non debeam, breviter ejus examen hic absolvam.

In primo folio habetur hic titulus: *Admiranda Methodus nova Philosophia Renati Des Cartes. Ultrajecti ex officina Joannis van Wacberge, anno 1643.* Ubi, quia nullus præter me auctor nominatur, videntini judicasse vestras merces meo nomine, melius quàm vestro, posse commendari. In 2. folio incipit longa præfatio, in cujus fronte habetur nomen discipuli cujusdam tui, quod ut scriptis meis indignum, ne fortè gloriam Herostrati afficeret, prætermitto: illius autem mores, & stylum, tuis tam similes esse intelligo, ut vix ab invicem dignosci possint; atque ideo ne errem, non te solum, nec illum solum, sed vos ambos ut auctores libri de Phil. Cart. considerabo. Initio hujus præfationis ait, *nomen meum ante aliquot annos jactari ceptum esse apud nobiles quosdam & magnates maximè, præcipuo buccinatorum viro quadam non indocto qui ei antrum in quo latebam monstrare noluisset.* Sed cùm tam obscura non essent mea latibula, quin honestioribus & doctioribus paterent, si quis mihi amicus eum in notitiam meam introducere noluerit, quia eram, ut ait, *paucoꝝ hominum*, id sanè non mihi, sed sibi,

fibi, & amici illius judicio debet tribuere. Narrat postea se librum à me editum anno 1637. pertinaci diligentia evolvissè, relegissè, atque ex eo credidissè neminem in traditorum caveis inventum iri, qui utroque pollice has abominandas nugas à fluctuante patre expositas probaturus esset. Ubi ostendit se non felicius judicium fuisse, quoniam à non nemine probata sunt. Subjungit, *Medicum quemdam, nempe Regium, Cartesiana Philosophia signum erigere cepissè*; ac me distaturam in nova Academia à primis ejus incunabilis animo agissè (per Regium scilicet, qui opiniones ex meis scriptis erutas ibi docebat antequam mihi esset notus.) Sed istam ibi Philosophiam prater multorum opinionem, uno senatus Academici decreto, approbante Nobiliss. & Ampliss. urbis Magistratu, nunquam in posterum per Dei gratiam reducturam proscriptam fuisse: (per egregium scilicet tuum judicium, jam satis in ep. ad P. Dinet à me laudatum:) sed quo argumento dicat illud à Nobiliss. & ampliss. urbis vestre magistratu approbatum fuisse, nescio, nisi forsitan eodem quo tuas theses vis esse decreta SS. facultatis Theologiæ, qui scilicet estis omnes in vestra urbe unanimiter, & ita quidquid unus Dominus Voetius fecit, putantur esse à tota urbe esse approbatum: quod ego tum demum credam, cum hi etiam libri de Confr. Mar. & Phil. Cart. publicam approbationem habebunt. Invehitur postea in epistolam in qua tuum istud judicium descripsi: atque se prius existimasse me novarum opinionum portento vanos & opulentos velle dementare, quo marsupium & arcam eorum manciparem, &c. Sed mox suspicioni illi nuncium misisse, cum perpenderet sacculos non araneis plenos, sed nummis à me circumferri, eorumque auxilio & operâ ea oppugnari, quæ omni auro cariora esse deberent: Ubi mihi in mentem venire non potest quid credi velit à me oppugnari, nisi forsitan hominum amicitias, & susfragia pro nova Philosophia. Nec magis intelligo quoniam crimine me accuset cum addit, *Ut ut modestiam simul, omni tamen studio ac conatu hoc agit, quo per amiculos & artes ingenio homine indignas velut alteram turrim Babylonicam erigat, & quidem in iis locis, ubi hactenus publice privatimque antiqua ac recepta Philosophia doceri consuevit.* Nisi quoddam fortè opiniones omnes diverfas à vulgari Philosophia, quàm satis profanè orthodoxam sæpe nominatis, hæreses esse arbitretur. Sed optimè intelligo hæc sequentia ejus verba in pag. 11. præfationis, *Ut omnes in hoc tractatu doceo, cognovi hominem cum Vanino paria facere, & dum videri vult Atreos Achilleus argumentis oppugnare, subdole ac admodum occultè Atreismi venenum iis affricare, qui argenti in herba latitantem præ ingenii imbecillitate ubique deprehendere non possunt.* In his enim video impudentissimæ atque atrocissimæ calumniæ anguem, cujus veneno totum vestrum librum tinxistis. Incipit postea illa quæ in epist. ad P. Dinet dote scripsi, resellere conari, & ipsa in duas classes

distinguit; quædam enim ait ad causam non pertinere, alia ipsam tangere. Et inter ea quæ ad causam non pertinent, numerat primo quod scripserim *te in potentiores invehendo ferventem & indomitus pietatis zelum præ te ferre*: quod non aliter refellit, quam quod dicat, *in viço vicino Sylvaducis per annos 6. & Hueda per annos 17. Magistratum te in civem & Ecclesia sua ministrum tolerasse*, aliosque interim perimultos te vocasse, ac denique nunc Ultrajecti esse Professorem Theologiæ ac Pastorem. Sed jam satis in quarta parte hujus epistolæ ostendi, quo pacto tui similes ad famam soleant pervenire; nempe in viço, vel pago nescio quo boni rustici garrulitatem tuam laudaverunt, inde rumor de te sparsus est, qui, dum à nemine curiosius examinabatur, facile à multis ex charitate potuit credi, atque ita quite non norant ad se vocantur, ac fortè nondum ad tantam audaciam perveneras. Sed præterea interrogat, quinam sint illi potentiores, qui indomiti zeli tui fervorem experti sunt, tanquam si exemplum quod in lib. de Conf. Mar. exhibes, non esset satis illustre. Secundo ait *me ostendere laborare te serventis indomitusque zeli igni asphare, quod modo in Romanam religionem, modo in alias quasunque à tua diversas inveharis*; ubi ut vanitati tuæ obsequatur mihi affingit, non enim scripsi nec credidi te habere talem zelum, qui à tuis posset laudari; sed modò in Romanam religionem, modò in alias quasunque à tua diversas, modò in potentiores invehendo zelum pietatis præ te ferre, (hoc est videri velle illum habere) ut tibi apud plebejos homines gratiam potentiamque concilies. 3. Queritur quod scripserim, *te interdum etiam diſtanti plebecula aures demulcere*: Ubi rursus vanitatem tuam deprehendo; tum quia omisit epithetum tuorum diſteriorum, quæ *ſcurrilia* esse dixi, hoc est, inurbana, plebeja, inepta, non ex ulla ingenii elegantia, sed ex insulsis & malignis viliorum hominum loquendi modis petita; tum etiam quia te diſtanti uti non negat, cupis enim salus videri, quamvis non sis nisi amarus, sed negat tuis diſtantiis *plebecula tantum aures demulceri*, additque *Trajectinam civitatem multos adhuc purpuratos, per Dei gratiam, in sinu suo fovere, qui nequaquam finent pietatem, zelum, innocentiam*, (tuam scilicet, quod tamen videtur addere timuisse, ne ab iis qui te rectè norunt tiſeretur) *per paucorum calumnias, mendacia, ac Sinomas artes opprimi*, tanquam si diſtantiis tuis etiam purpuratos tibi devincias, quod mihi non persuadebis; Sed non dubito quin omnes tibi faverint, quamdiu pium & innocentem crediderunt; ut etiam non dubito, quin iidem omnes te avversaturi sint, cum vitia tua satis erunt ipsis perspecta: Interimque tibi gratulor & mihi gaudeo, quòd audiam te nonnihil istam ſcurrilitatem emendasse ex quo eam tibi à me exprobratam fuisse scivisti. 4. Repetit hæc verba, *Cinet Theologus, Concionator, Diſputator*: non ut vera esse neget, sed tanquam

quam si tibi fecissem injuriam vocando Theologum, Concionatorem & Disputatorem, sumit inde occasionem multis me conviciis remunerandi. §. 6. 7. Reprehendit quod dixerim, tuos libros à nemine esse legendos; *Karios auctores sapies contra te quam pro te facientes à te citari; Auctoresque illos tibi fore tantum ex indicibus notos esse.* Quæ tria quam merito à me dicta sint, in 4. parte hujus epistolæ satis probavi: Nec ille quicquam affert ad probandum falsa esse, nisi quod te laudet, ac in me convicietur; provocetque ineptè ad testimonia Bibliopolarum pro librorum tuorum lectione: tanquam si omnes libri qui aliquos habent emptores, quod ipsum tuis est satis rarum, digni essent qui legantur. Postea etiam te *librorum belluonem* vocat, quod tibi nomen non invideo, forsitan enim multos devoras, sed profectò non concoquis, nec in bonum succum convertis. 8. Negat te de quibuscumque scientiis, tanquam si earum gnarus esses, audacissime ac simul imperitissime loqui solere, ut doctus indoctis videaris, & conatur aliquam in me concitare invidiam, quod non omnes qui te pro docto habent, sint indocti: Sed neque etiam id scripsi, nec ex meis verbis deduci potest, non enim in altero meæ orationis membro subjunxi, te doctis omnibus indoctum videri; sed tantum te contemni & non probari ab iis ex doctis, sive ex peritioribus, qui sciunt quam importunus in aliis provocandis semper fueris, ac quam sapienti ubi fuit disputandum, convicia pro rationibus assuleris, turpiterque vitiosus discesseris: nam sanè quantumvis alii essent periti & docti, quandiu tua non examinarunt, non mirum est si famæ, quam tibi primum apud indoctos conciliaisti, crediderint. Ac certè gaudeo quod jam operâ meâ nonnihil modestior fias: vidi enim primas illas theses quas unquam in Academia Ultrajectina edidisti, & quomodo in iis omnes provocabas, scientiarumque omnium jactabas cognitionem: quod cum tibi ab earum examinatore fuisset exprobratum, sic in Theritis tui sect. 3. c. 4. respondes: *Superbiam, hypocrisis & vanitatem meam tanquam apodicticè demonstratam putat, quod parâ tollit.* Quæ tamen multa ex omni eruditione aut varii disciplinæ ventilanda proposuerim. Quid hic mihi vitio vertis? an quod illis studiis impallesciam? an quod ea in schola nostra theatrum produxerim? an utrumque? utinam rationes addidisset quibusque! & multis postea exemplis ostendis Theologo non esse indecorum in variis scientiis esse versatum, ut scilicet excuses illud gratum crimen multifarie doctrinæ, de quo te alter non accusarat, & nullibi unquam te vidi eloquentiorem: Hic autem discipulus tuus (te scilicet dictante) sic te describit: *Intra terminos suos se continet, & si que sint ex alienis scientiis, que ad Scripturæ & Theologiæ suæ explicationem necessaria esse judicet, ea querere ac discere solet ab expertis & prima notâ Medicis, Jurisconsultis, Chirurgis, Mathematicis &c.* Sic ergo tua omnigenæ doctrinæ gloriatio

riatio eò usque refriguit, ut jam aliorum omnium discipulas fias. 9. Ridiculè negat, *te solere convicia pro rationibus asferre, ubi est disputandum.* Petitque testimonia eorum qui vestris Academicis disputationibus interfuerunt: tanquam si non melius probetur ex scriptis tuis, in quibus innumera occurrunt illius rei exempla. 10. Fingit me scripsisse *Gerlaum & Taurellum nunquam fortè sibi visos esse*, quod non dete, sed de Regio scripseram, sed videris hanc caprasse occasionem inanissimæ ac puerilis gloriolæ, quod scilicet libros legeris, qui te iudice non sunt boni. 11. Conatur excusare stoliditatem (aut si mavis malignitatem) illam tuam, quæ apparet in eo quod meam Philosophiam in magis suspicionem volueris adducere, ex eo quod figuras consideret, dicendo te non meam Philosophiam, quam scilicet nondum noveras, sed Medici ea de re effatum, inter alias objectiones hac quoque difficultate pressisse: tamquam si hoc eodem non recideret. Pagina autem 128 vestri immemores ad eandem rursus stoliditatem aut malignitatem revertimini, linearum, figurarum & numerorum considerationem magis tribuendo. Sic clavis, sic gladius, sic rota &c. reliqua omnia quorum operationes à figura dependent, sunt vobis magis instrumenta: quæ cerè cogitatione nulla stolidior in humanum ingenium cadere potest. 12. Negat *te ullos nunquam importune provocasse*: quod ab iis qui primas tuas theses, vel alia tua scripta viderunt, sine risu legi non poterit. Nec minus risu dignum est quod fingat à me scriptum esse *te sapienter surpiter vultum discessisse*, ut lector putet me credere te saltem aliquando etiam vicisse: quod non scripsi, nec credidi, sed, *sape ubi fuit disputandum*, hoc est, quotiescunque fuit disputandum, quod (xpe accidit) *te convicia pro rationibus attulisse, ac surpiter vultum discessisse*. Risu dignum etiam est, quod ea quæ de te in una aut altera periodo scripseram, in variâ trutula discerperit, præcipua omiserit, &c. reliqua turbato ordine proposuerit, ne sensus meus capi posset. Denique risu dignum est, quod fingat me in te scripsisse, *ut gratiam à Patribus Societatis Jeshu incam, quibus tu, quod stylum aliquando in quadam Ecclesiæ Romane dogmata strinxeris, præ aliis invisus es*: tanquam si vel illis valde esses notus, vel adversarium solis convitiis urentem, præ aliis qui rationibus certant, formidarent.

Iis quæ dixit esse extra causam ita discussis, transit ad alia quæ ait ad ipsam pertinere. Ac primò refert hæc mea verba. *At verò hæc satis magna occasio visa est Rectori Theologo ad Medicum circumveniendum, hæresesque condemnandum, & ita vel invito Magistratu, si res ut sperabat successisset, de professione deturbandum.* Sed non addit te occasione nugamenti cuiusdam Philosophici voluisse Regium ex auctoritate SS. Facultatis Theologicæ hæreses condemnare: Unde sequebatur eum, vel invito Magistratu, à Ma-

gistratu

gistratu ipso esse deponendum, quia nulli retinentur Professores qui pro hæreticis habeantur. *Secundo* refert adhuc alia mea verba in eundem sensum, & ipsa lepidè refutat testimonio Regii, ex cujus ad tuas theses responsione duas paginas exseribit, in quarum fine Regius ironicè, ac de præterito tempore loquens, ait te sibi *fautorem & amicum semper fuisse*; tuus autem defensor fingit illum seridè, & in præsentii, post editas theses, te ut amicum & fautorem agnoscere: ex quo apparet non multa testimonia pro te esse, cum isto uti cogaris. *Tertiò* negat te solum contra Regium disputasse, atque alios quosdam Professores opiniones ab ejus opinionibus diversas in suis thesibus habuisse: Quod nec ille unquam, nec ullus alius amator veritatis moleste tulit; Neque de illa re pro ipso conquestus sum, sed quod sine ratione, ac per calumniam, hæreseos illum insimulare voluisses: quod neminem præter te fecisse intellexi. *Quartò* refert verba quibus dixi, te in eadem causa judicem, & accusatorem fuisse; ac collegam tuum injuriarum reum fecisse ob id unum quod tam manifestus & veras rationes attuleris &c. ubi loco illius &c. debebat addere, ad rejicienda crimina hæreseos & atheismi quasi tibi à te fuerant imposita, ut se per calumniam circumveniri non passus sit, hoc est, quod in propria tua causa fueris judex, & in accusatione Fimbriam sis imitatus: Ad quæ nihil responder, nisi quod dicat se istis rebus non interfuisse, remittatque lectorem ad historiolum, quam ait ab ipsa Academia propediem vulgaturum iri. Quæ responsio non potest non irrideri: cum enim hic contineatur præcipua culpa quæ tibi à me fuerat exprobrata, si quid boni haberes ad te excusandum, noluisse nunc omitti; Ac si quid ea de reposita sub nomine Academix prodeat in lucem, quod à veritate non recedat, te non juvabit; si autem falsà contineat, nemo non credet à te solo esse profectum: notæ enim sunt mimicæ illæ tuæ artes, quibus nunc SS. Facultatis Theologiæ, nunc Academix, nunc Senatui, nunc totius Reipublicæ, nunc Ecclesiarum Belgicarum, nunc Prophetæ vel Spiritus Sancti, nunc unius ex discipulis tuis, nunc alterius agis personam. *Quinto*, postquam retulit ea verba quibus iniquitatem maximam tibi exprobravi, quod nempe Regium culpare; quia verè ac merito tuo in te retorserat illa epitheta, quæ prius falsè & injuriosè in ipsum contorseras, nullo modo te excusar, sed tantùm alios Philosophos in Regium concitare conatur, dicendo id quod de te scripserat aliis etiam omnibus convenire; quod tamen apertè falsum est: Neque enim illi eandem quam tu, acceperunt conditionem: quippe cum scripseras principia Regi *Choræbo* digna esse ob id, quod essent pauca, & cognita facilia, tacitè admiseras illos merito *Choræbos* appellari, quorum principia talia essent, quod reliqui Philosophi non admiserant, nec ipse Regius credebat, nec ideo ad illos debet referri, quod ibi de te solo intellexit. Postea patronus tuus provocat ad historiam in Academia vestra edendam; ut etiam pro

Sexto puncto quod est de explosionibus: & interim nihil prorsus refellit. *Septimo* quæritur, tanquam de maxima injuria, quod te *turbulentum & seditiosum Rectorem*, ac *disputationem tuam seditiosam* appellarim, mihi quæ hoc nomine aliquando alibi aliisque chartis actionem injuriarum minuitur: Tanquam si ea quæ ibi narraveram, non satis demonstrarent te verè ac propriè *seditiosum in Academia* tua dici potuisse: nunc autem cave ne Domini tui, considerantes ea quæ in Sylvamducis scripsisti, judicent te etiam in Republica esse seditiosum. Et quandoquidem injustas lites mihi minamini, nolite quæso ægrè ferre, quodd ego hic in antecessum coram universo terrarum orbe iustissimè vos acculem. *Postremo* ait me Regio *triumphum decernere* quodd ejus responsio ad tuas theses à nemine fuerit refutata: Sed nihil addit quo non confirmet illud ei merito decerni. Cum enim scripta, contra illam responsionem pro te edita, solo risu & contemptu digna esse affirmassem; ille ait *filium tuum*, qui unum ex istis scriptis emisit, rem *ex professo* non traxisse; ac discipulum sub cujus nomine aliud prodit ipsum te inscio edidisse: Unde patet illa ne à vobis quidem probari; & nemo dubitat quin tu ipse sis auctor ejus quod te inscio editum fingit. Cum autem subjungit, *istarum commentationum solutionem nec datam esse nec dandam*, verum dicit: quia revera tam inepta commenta solutione sunt indigna. Cum denique provocat me & Regium, ut cum tuo isto discipulo potiùs quam tecum agamus, ostendit te jam tua castra deseruisse, ac solos fixas, qui facillè vinci possunt, ea servare, ac proinde nihil superesse quod Regii triumphum impediât. Quæ omnia licet nugatoria referre volui, ut appareat vos in longa ista præfatione nihil ullius momenti attulisse ad ea quæ de te scripseram refutanda; & tamen eam ad hoc unum fuisse institutam, ut illa viderentur refutata. In ejus autem fine dicitis, quatuor esse libri vestri partes, & vos *Primâ discipulum meum delineare*; *Secundâ philosophia quam jactas principia ac Methodum*; *Tertiâ obiter Metaphysicam*; & *quandam physica dogmata speciminis ergo examinare*: *Quartâ breviter ostendere novam hanc Philosophandi Methodum restâ non tantum ad Scepticismum, verum Enthusiasmum quoque, Atheismum ac phrenesim ducere*. Ac denique citatis hæc verba quæ de Regio scripsi pag. 174. ep. ad P. Dinet. *Legis Dioptricam meam & Meteora cum primùm edita sunt in lucem, ac statim aliqua in iis verioris Philosophia principia contineri judicavit: Quæ colligendo diligentius, & alia ex iis deducendo, ea suis sagacitate, ut intra paucos menses integram inde Physiologiam concinnarit.* Ex quibus pro consuetâ vestra æquitate concluditis, Regii theses & dictata non immerito pro meis à vobis sumi. Nempe antequam Regius mihi notus esset, legit mea scripta, & quædam colligendo, quædam ex iis deducendo Physiologiam concinnavit; ergo omnis ista Physiologia pro mea est habenda; quod nemo non videt esse

à ratione

à ratione alienum. Verum tamen acutissimo & perspicacissimo ingenio Regii tantum tribuo, ut vix quicquam ab illo scriptum putem, quod pro meo non libenter agnoscam: sed hic detegi potest impudentia calumniæ quam pararis; nempe cum in toto vestro libro ne semel quidem Meteora, nec Dioptricam, nec Meditationes meas citetis, in quibus scriptis solis Philosophiæ meæ specimina exhibui; cumque inde possit judicari vos illa nullo modo intelligere, audetis tamen crassum volumen conviciorum contra Philosophiam istam, vobis non minùs quàm cuius rusticò ignotam, effundere; atque, ut aliquid dicere videamini, pauca quædam ex dictatis Regii, non quidem ullis rationibus, sed ineptissimis garricibus impugnatis. Qui garricus profectò non minus ad quævis mea scripta referri potuissent; sed quia dictata Regii non edita sunt in lucem, sperastis hoc pacto minus facili atque à paucioribus detectum iri quam incredibile cum ignorantia malignitas vestra sit conjuncta.

Quia verò jam supra in 3. & 5. parte hujus epistolæ, duas primas sectiones vestri libri satis superque discussi, non opus est quicquam ampliùs de ipsis dicam: Nec sanè etiam de reliquis; satis enim scio neminem ullius ingenii ea esse lecturum qui non planè contemnat, atque impudentissimas & ineptissimas calumnias esse cognoscat: Sed tamen, nequid omittam quod videri possit ad me pertinere, percurram adhuc reliquas duas Sectiones. In tertia, post ridiculam æquivocationem circa nomen Theologiæ, incipit videri velle aliquid particulare ex Meditationibus meis impugnare; non quidem illas ipsas aggrediendo, ne nimis clarè appareat à vobis non intelligi; sed commodum invenistis, in fine meæ responsionis ad secundas objectiones, quemdam quasi indicem præcipuarum propositionum quas explicui, ex quo tria vel quatuor loca ausi estis exscribere, sperantes vos ea in re non facili errorum ullum, quod ignorantiam vestram prodat, admissuros: In quo tamen summopere decepti estis, ea enim neganda elegistis quæ omnium maximè sunt manifesta. Ut primo pag. 174. negatis unumquemque, ex eo quod cogitet, rectè posse concludere se existere: vultis enim Scepticum inde tantum concludere sibi videri existere, tanquam si quis ratione utens, quantumvis sit Scepticus, sibi videri possit existere, quin simul intelligat se revera existere, quandoquidem id sibi videtur, atque ita negatis propositionem quæ nulla unquam evidentior in ulla scientia esse potest. Pagina 177. verba quædam ex auctore primarum objectionum promeis refertis, vocatisque illa primum meum argumentum contra Atheos, quod nempe ex meis scriptis non potuistis elicere, quia nimis illa sunt vobis obscura: Deinde tam stulta objicitis, ut relatu sint indigna, nihil enim aliud probant, quàm neminem esse ex plebe qui ineptius quàm vos de istis rebus loqui possit. In pag. autem 180. 183. & 189. unum ex tuis com-

mentis agnosco, cui simile antehac legi in tuo Therſite ac in libellis de Atheismo: quippe fingitis rationes, quibus utor ad existentiam Dei probandam, non valere nisi apud eos qui jam sciunt illum existere, quia tantum ex notionibus nobis ingenicis dependent: Sed norandum est eas omnes res, quarum cognitio dicitur nobis esse à natura indita, non ideo à nobis expresse cognosci; sed tantum tales esse, ut ipsas, absque illo sensuum experimento, ex proprii ingenii viribus, cognoscere possimus. Cujus generis sunt omnes Geometricæ veritates, non tantum maximè obvix, sed etiam reliquæ, quantumvis abstrusæ videantur; Atque inde Socrates apud Platonem, puerum quemdam de Geometricis elementis interrogando, sicque efficiendo, ut ille puer quasdam veritates ex mente propria erueret, quas prius in ea fuisse non notaverat, reminiscantiam suam probare conabatur. Et hujus etiam generis est Dei cognitio: cumque inde, tam in Therſite, quam in libellis de Atheismo intulisti, neminem esse speculative Atheum, hoc est, neminem esse qui Deum existere omnino non agnoscat, non minus ineptus fuisti, quam si, ex eo quod omnes Geometricæ veritates sint eodem modo nobis innatæ, dixisses neminem esse in mundo qui nesciat Euclidis elementa. Pag. 190. negatis *id omne quod clarè percipimus, à Deo fieri posse, prout illud percipimus*; & vestra negandi ratio est, quod *clarè percipimus duo contradictoria simul, que tamen simul fieri non possunt*: quod est puerile sophisma, neque enim contradictoria simul fieri posse percipimus, ut proinde ut fiant, prout ipsa percipimus, non debent simul fieri. Pag. 191. dicitis nihil juvare ad probandam animæ humanæ immortalitatem, quod ostensum sit eam per extraordinariam Dei potentiam absque corpore esse posse, quia de anima canis idem etiam dici potest: quod nego; cum enim anima canis sit corporea, sive sit tenue quoddam corpus, repugnat eam à corpore separari. Cætera quæ istis interserueris, tamlongè à proposito abludunt, ut potius inconditas psittacorum voces, quam Philosophorum ratiocinia referre videantur. Atque hæc tantum de Metaphysicis habetis, nam pag. 196. transitis ad Physica, de quibus nullum vel minimum verbum ex meis scriptis profertis; sed pauca tantum ex Regii dictatis desumta, 1. de principiis, 2. de particulis insensibilibus, 3. de calore, 4. de magnete, 5. de aestu maris; atque in illa tanquam Andabata nugamini, adeo ut non opus sit ut quidquam respondeam, nisi quod insignis impudentia calumniæ vestræ in eo possit notari, quod prolixè de magnete ac de aestu maris tanquam contra me disputetis, quamvis nullum planè verbum de istis quæstionibus in meis scriptis hactenus editis reperitur.

De

*De quarta sectione libri de Philosophia Cartesiana,
simulque de Meritis ejus Auctorum.*

PARS ULTIMA.

Postquam egregiis istis speciminibus ostendistis quàm firmas ob rationes, & quàm maturo cum judicio meas opiniones improbetis; unam adhuc sectionem, in quatuor capita divisam, & nihil nisi quatuor insignia maledicta continentem, pro conclusione subiungitis. In primo capite pag. 145. *meam philosophandi Methodum ad Scepticismum viam sternere, ac me in Scepticorum statione hærere* affirmatis. Rationes hujus rei assertis, *Quod in speciem contra prime notæ Scepticos deonem; Certissimam evidentissimamque variarum rerum scientiam pattem; Ac denique nova veri criteria circumferam, talia scilicet, quæ nulli scientia ab aliquo homine, quisquis etiam sit, per subsidium naturæ applicari possint.* Et nova ista criteria non alia assertis, quàm quòd ea tantùm *ut vera velim amplecti, quæ tam clara sunt, ut nullam dubitandam relinquant occasionem:* quippe dicitis, *ne quidem veritatis fide cognitus competere, ut non sapissime de eis dubitandum sit occasio:* quod si refertis ad illud ipsum tempus quo elicitur actus fidei, vel alicujus naturalis cognitionis, *omnem fidem & omnem humanam scientiam destruitis, estisque revera Sceptici, cum nullam cognitionem dubio carentem haberi unquam posse affirmetis; si vero loquimini de diversis temporibus, quia ille qui nunc habet veram fidem, vel evidentem alicujus rei naturalis scientiam; potest alio tempore illam non habere; hoc inferi tantum infirmitatem humanæ naturæ, quæ semper iisdem cogitationibus non immoratur; non autem quòd in ipsa scientia ullum dubium debeat esse; Ideoque nihil contra me inde probatis, quia non de certitudine ulla per totam hominis vitam durabili; sed de illa tantum, quæ habetur eo momento, quo acquiritur aliqua scientia, loquutus sum.* Quin etiam quia hanc distinctionem non assertis, & fusè probare conamini nullam rem ab homine ita sciri posse ut de ea non dubitet, pro modulo vestro, & quantum in vobis est, Scepticismum doceretis. Cum verò pag. 253. additis *me in propatulo Scepticismum docere, quando sensuum judicium in dubium vocare doceo, datis occasionem lectori judicandi, vos quidem sensibus vestris credere, non autem rebus fidei, nec ulli naturali rationi, rantiæque vestra est prudentia, & æquitas, ut quamvis affirmetis, de ipsis rebus fidei, ac scientiarum omnium principiis posse dubitari, velitis tamen esse orthodoxi & sancti; me verò, quia dixi de sensuum indicis esse dubitandum, in propatulo Scepticismum docere affirmetis. Quid*

quæso non diceretis si crassum librum de Carethesi Belgico sermone vulgasset, in quo ad 8 millia quæstionum continerentur, absque ulla ipsarum solutione, quemadmodum ea fecisti? tunc certe optimo jure tanquam docens Scepticismum arguerer; nihil enim aprius esse potest ad efficiendum ut homines dubitare assuescant, quàm si hoc pacto multæ quæstiones, absque ullis earum solutionibus proponantur; & nulla in re periculosius dubia docentur quam in Carethesi.

In secundo capite pag. 255, meam Methodum velle ad Enthusiasmum ducere dicitis, hoc nullo alio probantes argumento, quàm quod scripserim mentem abducendam esse à sensibus ut Deum contemplerur: quod ut culpetis, primo pag. 256. statuitis, tanquam principium, quod intellectus sensibus externis, ut ducibus, indigeat; & ipsa axiomata solius radiis clariora ut indubitata non amplectantur, nisi sensuum ministerio eorum insisterit examen: quod falsissimum est, & nullo modo admittendum; si enim verum esset, nulla unquam de rebus divinis cognitio haberetur, quia non possunt à sensibus externis examinari. Deinde pag. 258. sic loquimini, Deum sibi inexistentem Cartesianus quis deprehendit per ideam; cur non ergo insit Enthusiasta sic etiam concludat: Deus in me est & ego in Deo, ergo per Deum inexistentem omnia ago, & consequenter neque peccare neque peccari possum. quas consequentias fateor à solis Enthusiastis, deliris, & vestri similibus elici posse. Denique dicitis pag. 260, experientiam docere, eos, qui volunt mente qua mente sive secundum rationis humanæ regulam contemplari supremi entis perfectionem, maximam imperfectionem ei assignere. Ex quibus lector judicabit, vos nolle de Deo cogitare ne fiat Enthusiasta, vel aliquas imperfectiones ei tribuatis, atque ita de Deo nunquam cogitantes in sursum imperatis abyssis versari.

In tertio capite pag. 261, affirmatis me Atheismum docere & propagare: additis quidem, si præignoranà id faciam, me esse commiseratione dignum; si vero per amalia, puniendum: Sed non vultis dubitari quin faciam; imo omni arte, omni industria, id persuadere conamini; ac postquam multa ea de re verba fecistis, serio concluditis pag. 265, me in imperitorum animis Atheismi bonum erigere laborare. Notandumque est hoc esse antiquum & inveteratum maledictum, quod jam à te per multos annos, pertinaci calumniâ, in me conjectum fuisse audivi, ac etiam ex libellis tuis de Atheismo anno 1637 editis facile perspexi. Atque ad hoc unum confirmandum, & hominibus persuadendum, totum vestrum librum composuisse vide mini: Nam in præfationis pagina 13 promittitis vos in reliquo Tractatu ostensuros: me subdole ac admodum occulte Atheismi venenum aliis officare: deinde mihi discipulos affingitis, & totam primam sectionem in absurdissimis ineptissimisque legibus fabricandis impenditis, quas per incredibilem impudentiam, absque una vel minima specie veritatis discipulis istis à me præ-

præscribi vultis, & passim me cum pessimis & odiosissimis quibusque Atheis, Impostoribus, Ecclesiarum ac rerum publicarum turbatoribus, qui quammaximè horrendis suppliciis propter scelera sua fuerunt affecti, componitis, ut tandem in fine concludatis, me illorum exemplo *Atheismum docere & propagare*. Quod si facerem, sanè committerem crimen atrocissimum, & in nulla Republica quantumvis libera tolerandum; quapropter hic accuratè referam omnes rationes, quas aliquot annorum studio meditati estis ad illud mihi affingendum, ut (cùm veras esse non posse mihi conscius sim) si quam habeant speciem veritatis, de imprudentia, vel ignorantia, per quam illis locum dederò, veniam petam; si verò ex sola improbitate ac malitia vestra profectas esse manifestè appareat, de atrocitate tantæ calumniæ coram Deo & hominibus queri possim. Unicum invenio totius probationis vestræ fundamentum, quod, ut loquimini pag. 161, *si verba virtutem arguerent, iis que tunc fides adhiberi deberet, ab Atheismi levissima etiam suspitione esse alienissimum*. Ex hoc enim quod nonnulli aliquando loquuntur ut viri boni, qui tamen sunt improbissimi hypocritæ, (ut tu optimè novisti) cùm ex scriptis meis appareat, me ab Atheismi levissima etiam suspitione esse alienissimum, vultis inde inferri me esse Atheum, supponendo scilicet me esse hypocritam; sed hoc postremum nullibi ulla ratione vel probatis, vel probare conamini. Nisi forte sit probatio quod longam de me instituatis comparisonem cum Vanino, qui, ut refertis, *publicè Tholosa est combussus, non tantum quod Atheus esset, sed Atheismi Apostolus*. Hæcque est tota vestra comparatio. Vaninus scribebat contra Atheos, ipse Atheorum maximus; similiter Cartesius: Vaninus jactabat iis argumentorum machinis se obfirmatos Atheorum animos pulsare, contra quas nullum peritinaia sentium, aut clypeus eoistere posset; similiter Cartesius: Vaninus antiqua & vulgata argumenta tribus submovere, & in eorum locum suæ exponere satagebat; idem omni studio & comata Cartesius agit: Postremo Vanini argumenta, quæ Atheis ut Achilles & Hector quis opponerantur, penitus inspecta & examinata, clumbia & ficulnea deprehendebantur; ejusdem per omnia farina Renati des Cartes rationes sunt. Atque inde concluditis pag. 165, *Nulla ergo injuria Renatus cum subtilissimo Atheismi patrono, Cesare Vanino comparatur, isdem enim artibus, quibus ille, in imperitorum animis Atheismi thronum erigere laborat*. Ubine mo non mirabitur absurditatem impudentiæ vestræ, quamvis enim ista quatuor vera essent, quod nempe scripserim contra Atheos, & meas rationes pro optimis venditavim; quæ duo verissima esse præ me fero: quodque antiqua & vulgata argumenta rejiciam, & mea clumbia & ficulnea deprehendantur, quæ duo sunt falsissima: non tamen inde sequeretur me Atheismi, non dicam reum, sed suspectum esse debere. Quamvis enim quis, putans resurare Atheismum, rationes afferat quæ ad hoc non sufficiant; imperitæ tantum, non ideo statim Atheismi est accusa-

accusandus. Quin etiam profecto, cum Atheorum refutatio sit difficillima, ut ipse testaris in ultimo tuo libro de Atheismo, non omnes qui contra Atheos infelicitere certarunt, habendi sunt imperiti. Vide Gregorium de Valentia Theologum solidissimum & celeberrimum; ille refutat omnia argumenta quibus usus est D. Thomas ad existentiam Dei probandam, & invalida esse ostendit, idemque etiam alii graves & pii Theologi fecerunt, adeo ut ab iis qui vestro more loquuntur, dici possit de D. Thoma (qui, si quis unquam alius, ab omni Atheismi suspitione quam maxime fuit remotus) ejus argumenta contra Atheos penitus inspecta & examinata, elumbia & ficulnea deprehendi; eademque comparatio de illo cum Vanino possit institui, & ausim addere (absit tamen invidia dicto) aptius quam de me, quia mea argumenta nunquam fuerunt ita refutata. Sed duas egregias habetis rationes ad probandum ipsa elumbia esse: Prima est, quod obiter libri vestri sectione tertia id ostenderitis, ubi recte additis obiter, quia revera nihil minus validum, ac magis ineptum scribi potuisset, quam quod scripsistis, ut jam paulo ante ostendi; Altera est, quod fingatis me ipsum id innuere in epistola quæ Meditationibus meis præfixa est, & eo usque sitis inconsiderati, ut ipsa epistola me verba referatis, quibus expressè ajo *rationes meæ certitudine & evidentia Geometricis æquare vel etiam superare*: quod sanè non est innuere illas esse elumbes & ficulneas; Sed nempe addo me vereri ne à multis satis percipi non possint, quemadmodum ipse Archimedes demonstrationes à paucissimis percipiuntur; unde, pro more vestro ineptissime ratiocinandi infertis illas refutandis Atheis esse inutiles: cùm tamen, licet ab omnibus capi non possint, saltem sint utiles pro iis à quibus intelliguntur; ac præterea quoniam ii qui demonstrationum percipiendarum non sunt capaces, de ipsarum veritate solent credere auctoritati aliorum omnium qui eas intelligunt, non dubio quin post aliquod tempus mea argumenta, licet vobis invitis, & ringentibus, eam vim sint habitura, ut eos etiam revocent ab Atheismo, qui propter ingenii sui tarditatem ipsa intelligere non poterunt, quia nempe hi scient illa pro certissimis demonstrationibus haberi à omnibus iis, à quibus rectè intelliguntur, hoc est, ab omnium maxime ingeniosis & doctis; & quamvis à vobis, aliisque quamplurimis, transversis oculis inspecta sint, à nemine tamen potuisse convelli. Quemadmodum jam nemo est mortalium qui dubitet de veritate eorum omnium quæ demonstrata sunt ab Archimede, quamvis ex multis hominum millibus vix unus sit qui ejus demonstrationes intelligat. Quæ omnia probè antea scivistis, clarè enim à me scripta fuerunt in epistola quam citatis: sed pro vestra insigni erga Deum pietate, rationes illas, quibus validissime Atheismus evertitur, male dicentia & calumniis vestris infructuosas reddere conamini. Quod autem antiqua & vulgata argumenta tribus submovere, & in eorum locum mea reponere voluerim, non alio argumento probatis, quam quòd in eadem epistola meas rationes

tiones omnium optimarum vocarim; ex quo tamen non sequitur me alias rejicere; sed contra ibidem addidi, me existimare rationes ferè omnes quæ probare à magnis viris adate sunt, cum satis intelliguntur, vim demonstrationis habere: unde patet vos etiam in hoc, quod tamen non est magni momenti, calumniari. Sed postquam ita simulastis rationes aliquas à vobis afferri; quæ probent me docere Atheismum; ut tanto magis id credatur (ab iis scilicet, qui tantum perfunctorie libri vestri titulos percurret, rationumque momenta non expendent, quales speratis fore illos omnes in quorum manus incidet, quia jam satis estis experti scripta vestra non manere aliam fortunam) quatuor exceptiones subjungitis, easque simul refellit, hoc pacto 1. Nec quicquam ad rem facit quod multis benignius de Cartesio quàm de Cesare Vanino sentiant, ipseque religionum Catholicæ Romanæ in propatulo profiteatur: Idem versipellis Sisyphus Vaninus faciebat. 2. Prodesse non potest homini quod dicat se contra Atheos scribere, ius enim bellum quoque Vaninus indixerat. 3. Non excusari quoque potest Renatus, quod Theologus religioni suæ adversantibus, & nominatim Voetio, quem scilicet Theologi Academiæ Lovaniensis pro heretico habent, se opponat: idem enim à Vanino in Gallia fiebat. Hic infulla tua vanitas sine risu præteriri non potest; fama tua, scilicet, Lovanium usque pervenit; & quia ego duas aut tres paginas antehac de te scripsi, quamvis cum nullo alio Theologiam proficiente mihi unquam fuerit controversia, nec tecum de Theologia sed de iniquitatibus tuis tantum egerim, metamen oppono Theologis: Crede mihi, si te cognoscunt Lovanienſes, aliive hinc remoti, non propter ingenium, aut Theologiæ peritiā, vel aliquam virtutem, sed tanquam Herostatum propter vitia tua, nempe insignem maledicentiam, cognoscunt; Et ego, priusquam de te scribere coepissem, non amplius pro Theologo habebam, sed pro Theologiæ ac pietatis inimico. Quippe ut eos magis honoramus, quos ex vestium forma & coloribus Principis domesticos putamus, quam alios ipsorum æquales qui tales vestes non gerunt; ita ego omnes Theologos tanquam Dei domesticos observo, etiam illos, qui sunt diversæ à me religionis, quia colimus omnes eundem Deum: Sed si quis forte insidiosior minus ex Principis satellitibus vestes induisset, ut earum beneficio tutus inter nos versaretur, non impedirent profecto illæ vestes, quo minus ii, qui scirent eum ex hostium numero esse, id ipsum palam faceret tenerentur; Atque ita si quis profiteatur se esse Theologum, eumque insigniter mendacem & calumniatorem esse sciam, & ejus vitia talia sint, ut magna ex iis pericula putem Reipublicas esse timenda, non impediet nomen Theologi, quo minus ipsa patefaciam. Nosti autem calumniatorem Græcè vocari Diabolum, quo nomine Christiani calumniam hominem Dei hostem appellant. Quartam & postremam exceptionem hanc asseris: Non expedit quoque se Cartesius, si dicat se à multis pro strenuo Atheo cum Augustino haberi: Accedit enim & hoc Vanino, quem à multis prophetaum

diaboli ignavis probatum, paucis ita detexerunt, ut à supremis potestatibus debite supplicio opportuno sublati fuerint. Atque ita ex solo nomine Vaniliarma vestra omnia eduxistis: hicque insignem stropham diaboli sive diaboles notare licet, omnia eduxistis: hicque quemadmodum initio fundamentum calumniae vestrae in eo situm esse advertimus, quo I scripserim contra Atheos, & si verba mea virtutem arguerent, ab Atheismi levissimi etiam suspitione essem alienissimus; ita ex eo quod à multis pro Atheorum adversario habear, sed à paucis, nempe à vobis solis detegar, hoc est, per calumniam Atheus dicar, sum supplicio afficiendus. In quo profectò impudentia & insolentia extremæ atque incredibilis malignitatis vestrae cognoscitur: Cum enim ex hoc solo quod contra Atheos scripserim & à multis credat illos solidè refutasse, occasionem & argumentum ad me Atheismi accusandum sumperitis, quis unquam in mundo tam innocens, tamque inculpatus esse potest, ut ab affrenata maledicentia vestra sit tutus? Certe nullus unquam scribet contra Atheos, nullis ab aliis hominibus eos solidè impugnasse creditur, de quo non eadem omnia, quæ de me scripsistis, eodem planè, vel etiam potiori jure scribere possitis: Aded ut si qui nolint à vobis, tanquam si essent pessimi Athei, summo supplicio afficiendi, proferri, & prolixo libro multis vigiliis ad id parato infamari, diligenter debeant cavere ne Atheos refutent, sique vos ipsi Atheismum, quantum in vobis est, protegitis, ac fovetis. Jam sunt non amplius miror quod cum tu, D. Voeri, 4 libellos de Atheismo scripseris, nullum tamen vel minimum argumentum in iis attuleris ad existentiam Dei probandam, sive ad Atheismum impugnandum, sed contra hoc difficilissimum esse testatus sis; verebaris, scilicet ne quis te cum Vanino compararet, quia audiveras ipsum scripsisse contra Atheos, & tamen ob Atheismum fuisse combustum. Sed notare debuisses illum non fuisse combustum propter publica scripta, (quæ quamvis debilia tantum argumenta, & forè ad prævaricationem parata continerent, nullum tamen periculum ipsi crearent, sed propter facta & dicta privata, quæ testibus probabantur. At qui tam parum curatis quid dicatis, modò tantum positis calumniari, ut meritò credere possimus ne libros quidem Vanini à vobis unquam lectos esse, ubique enim pro Vanino Vaninium scribitis; & qui idem error in libellis tuis de Atheismo ubique reperitur, ut videre est in pag. 7, 9, & reliquis, hinc forte multi judicabunt hanc Philosophiam Cartesianam à te scriptam esse. Quod tamen lectori persuadere non cupio, quia sufficit eam pro te scriptam esse, ac te conficio & consentiente vulgari, ut ejus causâ mihi non minus in te competat injuriarum actio, quam in illum qui se Auctorem profiteretur.

In ultimo capite pag. 268. Methodum meam, non tam Philosophos, quam deliros phreneticosque agnoscere affirmatis; hocque unicè probatis ratione, quia nempe scripsi, mentem abducendam esse à sensibus ad res divinas intelligendas. Ita, ut video, vos boni viri non vultis unquam meditari, nec de Deo cogitare, ne phre-

netici

nerici fiatis. Jamque non opus est ut quæram, unde oriantur falsi rumores, quos audio de Regii discipulis spargi solere, postquam Ultrajecto discesserunt, quod nempe in delirium inciderint, id enim satis indicatis pag. 269. dicendo, vos *nolle exempla colligere eorum qui nuper ex Sophia sacerdotibus, per istam Philosophiam transformati fuerunt aut in Moria epoptas, aut deliviorum mystas*: nempe non vultis illos nominare; ne calumniæ vestræ falsitas nimis appareat; sed interim aliquos desipuisse vultis credi, quia licet omnis prætextus vobis desit ad maledicendum, rabies tamen superest ad calumniandum: Atque hanc vim Philosophiæ meæ esse experior, ut non illos quicquam excoluit, & probant, sed invidos & malignos, quiringuntur, ad infamiam possit adigere.

Atqui non queror quoddam homines à mea Philosophia amplectenda revocetis, metum illis delirii & enthusiasmi incutiendo; parum curo quod ipsam ridiculam ineptam falsissimamque dicatis: Si sum imperitus, si deceptus, si per imprudentiam aliquid mali scriptis mandavi, qualecunque tandem sit, cum nemini unquam illud obrulerim, nec ullo cum artificio commendarem, sed nude tantum exposuerim, ut eo quisque suo periculo uteretur, non potest esse tam perniciosum, tam infandum, ut idcirco mores mei sint culpandi. Mentem corpori meo non indidi, nec ingenium mihi fabricavi, de solis operibus voluntatis, cujus mihi regimen Deus permisit, spondere possum. Sed cum me mendasem, *versipellem, fraudulentum, deceptorem* sexcenties in vestro libro appelleretis, ac deinde in fine affirmetis me *usum artibus, quibus Vaninus, in imperitorum animis Atheismi thronum erigere laborare*, ut scilicet lectori persuadecatis, me multis malis artibus & fallaciis id præstare conari, quoniam hoc pertinet ad mores, qui ex voluntatis arbitrio dependent, non possum honore salvo, nec etiam salva erga Deum pietate, de tam atroci & execranda calumnia non queri. Nam sanè si talis essem, qualem me in libro isto describitis, in nulla republica bene inscripta essem ferendus; quin etiam, si vel suspicio tanti criminis meâ culpâ de me haberetur, quamvis falsa & injusta esset, satis daret causæ iis apud quos versarer, ad me suis finibus non immerito expellendum, atque ita totus mihi terrarum orbis claudi posset, cui tamen, si ulli mortalium, optimo jure patere nonnulli arbitrantur, quia sciunt me illis studiis incumbere, quæ universæ humanæ genti utilia esse possunt, ac nulli privato damno. Cogor etiam ex pietate maledicentæ vestræ resistere; quia si vobis fortè crederetur, hoc ipso periret fructus rationum, quibus existentiam Dei demonstrando Atheismum evertere conatus sum; neque enim bonæ esse putarentur, si ego earum Auctorem essem Atheismi suspectus. Verum quidem est, illa quæ contra me scripsistis esse tam absurda, & ab omni veritatis specie tam remota, ut si in libro anonymo, & nullius auctoritate sulco prodissent, non immerito à me spererentur. Verum etiam est nomina vestra non multum illis dare auctoritatis apud eos, qui me & vos norunt. Sed mihi præcipuè ratio ha-

benda est exteriorum; nec non etiam posteritatis. Cum enim liber vester præferrat nomen Professoris Philosophiæ in Academia Groningana; cum vulgo credatur à te scriptus, ejusque rei rumor ad externos etiam pervenerit, ut mihi per litteras jam ante aliquot menses nuntiatus est; cum tu in illo ipso libro, quia te scriptus creditur, pag. 161, dicaris *Ecclesiarum Reformatarum lumen & ornamentum*, passimque *pietissimus & innocentissimus* voceris, quod extranei quibus es ignotus non credent te passurum fuisse sibi scribi, nisi citra controversiam verum esset. Cum denique me in his regionibus existente liber ille sit palam editus in orbe Ultrajectina, in qua Nobilissimus & Ampliss. Magistratus se præstitit ante hac tam accuratum in famosis libellis prohibendis, ut ipsam Regii ad tuas theses responsionem, quam omnes sciunt fuisse valde honestam & moderatam, in sua urbe venderet; Si causam meam defendere negligerem, quamvis ii, qui librum vestrum vident, nullas in ipso inventuri sint rationes, ex quibus ea quæ de me scribitis vera esse suspicentur, non tamen sibi persuaderent vos tantum calumniandi, & omne genus convicio in me congerendi licentiam assumpturos fuisse, idque impunè tulisse, ac me siluisse, nisi quid esset in vita aut moribus meis culpandum, cujus ego mihi conscius, nec publicè me defendere, nec de vestris injuriis apud Magistratus queri auderem. Quas ob causas officii mei esse putavi non modò ad librum de Phil. Cart. respondere; sed etiam, cum viderem illum auctoritate tua potissimum niti, de factis, doctrina, & meritis cuius nonnulla exponere; ex quibus appareat quantum tibi sit credendum; Et quia eodem tempore librum de Confraternitate Mariana, non inutilem ad meum ut situtum, edidisti, eum etiam examinare non neglexi. Restat adhuc ut de vestris calumniis apud Magistratus querat; hoc enim non videor debere omittere, præsertim cum vos mihi aliquoties alias chartas, hoc est injuriarum dicas, Fimbriæ more minati sitis, quia nempe ante hac Academico tuo judicio graviter læsus obloqui ausus sum, & totum telum corpore non recipi. Sed quia pacis & quietis amantissimus neminem unquam hæcenus in jus vocavi, rerumque sensentium usque sum ignarus, ut ne nunc quidem adhuc sciam ad quos judices talis causa pertineat; Et quia delicta quæ publicè nota sunt, etsi nemo in particulari de iis queratur, publica tamen auctoritate puniri solent, contentus ero hac vice calumnias vestras tam notas & celebres reddere, ut non faciliè ignorentur ab illis, quibus de iis inquirendi cura incumbit.

Et primo quidem, ut breviter hoc in loco Professoris tui Groningo. Omlandici causam agam, velim ut illi, quorum interest de ea judicare, considerent nihil mihi antehac negotii cum ipso unquam fuisse; ac quamvis tu mihi valde iratus sis, & ille præceptorum suum te appeller, nullam tamen ei actionem hoc nomine in me competere, ac mulò minùs licere atrociissimis injuriis me afficere; nec prouide opus esse ut examinent an jure an injurià mihi sis insepulchus, Considerent

etiam

etiam me non queri, quod meas circa Philosophiam opiniones impugnet: habeantur omnes falsæ, ridiculæ, ineptæ, per me licet: non illæ ad mores spectant, sed ad ingenium dumtaxat, quo tamen me non esse omnino destitutum ultro concessissis. Quin & alia omnia ejus maledicta possunt prætermittere. Unicum est de quo velum ut inquirant: nempe in pag. 13 lux præfationis, ac in toto penultimo capite sui libri dicit expresse, *me subdole ac admodum occultè Atheismum docere*, atque id rationibus malitiosè ad hoc excogitatis persuadere conatur: tota quaestio in his duobus locis continetur: non opus est, ut legant cætera, nisi velint; nec ut testes aliunde conquirant: Si rationes quas ibi attulit sint satis validæ ad probandum me vel Atheum esse, vel Atheismum docere, vel tantum me aliquam dedisse unquam occasionem, ob quam id merito quis suspicetur; aut etiam, si quas alias asserere possit, nondum ibi expositas, quibus id verum esse ostendat, non dubium est quin severissimè debeam puniri, nec gratiam ullam aut veniam peto; Sed si nullas habeat rationes meliores iis quas jam exposui, ut certus sum nullas eum habere; atque si ex his nihil aliud possit concludi, quam illum impudentissimè atque atrocissimè calumniari, ut confido omnes æquos iudices esse facillimè cognituros, rogo ipsos quantum possum, ut semel decernant, an nullæ unquam in his regionibus calumniæ puniendæ sint: hæc enim est tam atrox, tam inexcusabilis, & tam publica, ut impunita esse non possit, quin hoc ipso alii omnes permitti videantur. Novi quidem harum Provinciarum incolæ magna gaudere libertate: sed libertatem istam in bonorum & innocentium securitate, non in malorum impunitate consistere mihi persuadeo: Cumque boni nunquam turi esse possint, ubi malis datur libertas iis nocendi, hoc præcipue nomine hanc Rempublicam liberam puto, quod omnes in ea æquo jure urantur, atque incorrupta fiant judicia, quibus injuriæ à quolibet cuilibet, illatæ, si non à cerbè ac crudeliter, certè accuratè ac quotiescunque opus est, puniuntur. Possunt fortasse leviores obsecutoresque calumniæ aliquando dissimulari: sed hac nulla gravior evidentiorque esse potest. Patrem occidere, patriam incendere, vel prodere, leviora sunt quàm subdole Atheismum docere: Notandumque est vos non affirmare me esse Atheum, ne fortè in hoc ignarus credar potius quàm sceleratus; sed *me subdole atque occultè Atheismi venenum aliis affricare*, quæ in te me omnia nequissima ac perfidiosissima prodicionis accusastis. Magis enim execrandum scelus est Deum prodere, quàm patriam vel parentes. Atque ut hanc de me opinionem lectoribus inculcatis, sexcenties in vestro libro me vocatis mendacissimum, versipellem, fraudulentum, deceptorem; quæ nomina si mihi conveniunt, vel si me unquam in mendacio sive in fraude quantumvis parva deprehendistis, aut ab alio deprehensum fuisse probare potestis, non recuso quin tuus Professor Omilandicus abeat liber, & ego pro ipso pœnas luam; Sed si hominem à talium vitiorum suspitione quammaximè alienum per insolentissi-

nam malignitatem tot maledictis onerastis, ut insuper eum docere occultè Atheismum persuaderetis, in qua gente quæso id impunitum relinqui potest? Praesertim cum hæc vestra calumnia non ab uno tantum aut altero sciatur, sed per universum terrarum orbem sit à vobis divulgata. Jam expertus sum ante tres annos, cum libellus quidam contra me fuisset Hagæ editus sine Auctoris nomine, ac tam futilis, ut quamvis vester in nequitia sit longè superior, in futilitate tamen & ineptiis ei tantum par dici possit, statim non paucos in Gallia, Anglia & aliis locis ejus videnti cupidos fuisse, qui postea ipso perlecto indignabundi mirabantur, quod in gente cultissima, qualis hæc est, tantæ inurbatitatis & rusticitatis absurditas ferri posset. Quid autem nunc iidem dicturi sunt, cum præter futilitatem rationum, & indignitatem conviciorum, atrocitatem etiam calumniarum vestrarum intelligent? Quid, cum scient ista in libro contineri, ejus Philosophiæ Professor in una Academia se jactat auctorem, & tu Theologiæ Professor in alia Academia, tu qui Ecclesiarum Belgicarum lumen & ornamentum vis videri, præcipuus Auctor haberi? Non credent profectò vos accipere stipendia ex publico, ut tales libros componatis, neque ut artes tam impudenti mentienti, tam indignè conviciandi, tam flagitiose ac tam licenter calumniandi juventutem doceatis, Academiaeque vestras hoc nomine infamas apud exteros reddatis. Quæ si considerentur ab illis, cujus jurisdictioni subest tuus Professor Groninganus, non puto eum quicquam posse invenire, quo se apud ipsos excuset.

Quantum autem ad te, satis prævideo quid dicturus sis. Audacter omnia pernegabis: Librum de Philosophia Cartesiana non agnosces: Ac fortè alium promittes *De busto Cartesiana feracia, & nimia atque inaudita in aliena Academia, Republica, & Ecclesia curioſitatis*: Addeſque, *Vos non putari arduere usquequaque prudentioribus, ut peregrinus qui tenebria, professione externa Pontificii, & sensu Scepticismi si non Atheismi candidatus, perpetuo protisteretur se Theologica atque Ecclesiastica non attingere, interim in unos Theologos, præteritum Philosophico totam belli molem convertat, Medicis & Philosophia præteritis, res & sacra Theologia & Politia vestra Ecclesiastica perrepiet, atque Ecclesiarum & Academiarum perturbationem molietur*: unde aliquando nihil aliud quàm Republicæ concussionem, & Optimatum ac Procerum quorundam collisionem expectandam norant illi, quibus ist genus incolarum Belgii notum. Quibus verbis vestra Paralipomena ad præfationem conclusivis. Sed hæc omnia tam inepta sunt, atque à ratione aliena, ut ne quidem apud bonos rusticos illius pagi, cujus olim Congionator fuisti, fidem essent inventura; non proinde vereor ne tibi prosint in tua urbe, quæ, si ulla in Belgio, viris eruditis & perspicacibus abundat. Nam primo quamvis non esses auctor libri de Phil. Cart. (ut revera Critici doctiores existimant solam

ejus

ejus materiam à te fuisse suppeditatam; etsi ego de stylo ex conceptibus, magis quam ex verbis judicans, illum apertè tuum esse suprà scripserim) satis est quod pro te ac te conficio sit editus, ut non minori sis in culpa quàm si soluseum scripisses. Deinde cùm me nimis in aliena Academia, Republica & Ecclesia curiositatis accusatis ob id unum quoddam judicium sub nomine vestrà Academiæ contra me editum ausus simi examinare; teque ut ejus Auctorem, si non unicum, certè precipuum (quod verum esse manifestum est, quia tunc Academiæ Rector, & in judicio illo præsēs fuisti) consideratim, ac pauca quædam vitia tua descriperim, ne fides calumniis haberetur; quis non videt te Fimbriæ iniquitatem imitari? vis enim tibi licuisse me, in quem nihil unquam juris habuisti, publicis scriptis infamare; ac ferociæ me accusas quoddam insolentiam tuam sine obmurmuratione non tulerim; Et sinè injuriam facis Academiæ, Republicæ, atque Ecclesiæ vestrà, quod privata tua vitia earum patrem, & quidem secretiorem sive sanctiorem, de qua nefas sit extraneo inquirere, esse velis. Hocque idem crimen curiositatis Marefio aliquoties eodem jure exprobraſti, quod nempe benedictas tuas Theſes examinare ausus fuisset: Tu verò non eras in aliena Republica nimis curiosus, cùm in iisdem illis thesibus Optimates Sylvarducentes idololatriæ accusabas. Mirum eſſet profecto, si dominis tuis posſes perſuadere, tantam esse debere in nova vestrà Academia Professoris Theologiæ potestatem, ut alios quoscumque, ad arbitrium, & sine ratione, publicis judiciis condemnaret; iisque quos ita condemnavit mutare non liceat, quia statim rei ſunt nimis curiositatis in aliena Republica, dicanturque *res & sacra Theologia & Politia vestra ecclesiastica perreptare, atque Ecclesiarum & Academicarum perturbationem moliri*. Ne magno honore afficis Ecclesiam tuam, si velis ejus res & sacra in calum ius tuis conſiſtere, adeò ut nemo de illis queri audeat, quia hoc ipſo Ecclesiarum vestrarum perturbationem moliat. Non etiam tibi proderit quòd me peregrinum & Pontificium voces: Nec opus est ut dicam talia esse fœdera Regis mei cum Dominis harum regionum, ut quamvis hodie primum huc appuliſſem, æquo tamen jure cum indigenis frui deberem; Atque me à tam multis annis hic verſari, & omnibus beneficiis esse tam notum, ut quamvis ab hostium partibus veniſſem non amplius pro peregrino eſſoni habendus: Nec opus etiam est ut provocem ad libertatem religionis in hac Republica nobis conſeſſam: Sed tantum affirmo tam ſcelerata mendacia, tam ſcurrilia convitia, tam atroces calumnias in vestro libro contineri, ut nequidem hoſtis in hoſtem, vel Chriſtianus in inſidelem iis uti poſſit, quin ſe improbi ſcleratumque eſſe declararet: Adhò me tantam urbanitatem in hac gente ſemper eſſe expertum, tam amice ab omnibus quibuſcumque verſatus ſum receptum fuiſſe, ac

tam

tam benignes & officiosos alios omnes agnovisse, tamque remotos ab ista vestra rustica & importuna libertate quoslibet quamvis ignotos & innocuos lacessendi, ut non dubitem quin vos conterraneos suos longè magis quàm ullos peregrinos aversentur. Denique genius incolarum Belgii sic mihi est notus, ut putem eos qui cæteris præsumunt, sæpe quidem in hoc Deum Opt. Max. imitari, quòd satis tardè ac cunctanter poenas à nocentibus exigant; sed tamen cum improborum audacia eò usque processit, ut eam judicent esse coercendam, eòdem nullà gratià corrumpi, ac nullis verbis inanibus falli posse: Ac qui Professionis & Religionis tuæ honori pessimè consulisti, libros charitate & rationibus vacuos, solisque calumniis refertos evulgando, cave ne judicent se ipsos non satis bene illi posse consulere, nisi in te animadvertant. Vale.

F I N I S.



